

中國第一歷史檔案館編輯部

義和團檔案史料

續編



2 031 0171 2

62116/10


中國第一歷史檔案館編輯部編

義和團檔案史料續編

上冊

三
桃
藏
書

光緒二十二年五月（一八九六年六月）起
二十六年十二月（一九〇一年二月）止



60716/10



2 031 0169 6


中國第一歷史檔案館編輯部編

義和團檔案史料續編

下冊

三
桃
藏
書

光緒二十七年正月（一九〇一年三月）起
二十九年十一月（一九〇四年一月）止



責任編輯：沈致金

義和團檔案史料續編

(全二冊)

中國第一歷史檔案館編輯部編

中華書局出版

(北京王府井大街36號)

新華書店北京發行所發行

北京茶中印刷廠印刷

850×1168毫米 1/32·67 3/8 印張·1389千字

1990年8月第1版 1990年8月北京第1次印刷

印數1—1600冊 定價：41.60元

ISBN 7—101—00578—0/K·245


有梅花拳教主係威縣范七里人姓范名連貞
以邪說法深術精因去年磁州地震城陷人心不
欲稱帝以平天下其徒有千餘人可以助陣
即擇臨清州為中都先定于八月初十日殺官劫
庫起手

行路人聞知此信特預為告

圖一：道光十一年(1831)署名“行路人”者告發威縣梅花拳首領范連貞欲殺官起事的揭帖。

朱慶項松庵 函云：內奉民因以清以靈元
 帛防勇已或為比初寒極冷牛肉起鮮
 以類三多前經個初請其快不願去類
 該奉民聚先說越三多其處逼魯
 因赴至未微子現由個呈與杜後行
 若先奉事冠不調元
 後以前徑請閱後有勇濟事已函考該
 鎮快防駐節印趕其相散並查該勇係
 何哨之勇哨官係何姓名趕將濟事
 勇查獲總也

圖三：光緒二十四年(1898)九月十三署冠縣知縣曹
 倜為義和拳起事事致署歷城縣知縣朱□□電文。



圖四：光緒二十六年(1900)法國公使為鎮壓義和團事致總署照會。

前 言

爲了給史學工作者提供研究義和團運動的原始資料，我館曾先後編纂過兩種史料專書，即一九五九年由我館（當時稱國家檔案局明清檔案館）編輯的《義和團檔案史料》、一九八三年由中國社會科學院近代史研究所和我館合編的《籌筆偶存》。隨着義和團運動史研究的逐步深入，許多史學工作者要求我們對館藏的這部份檔案文件作進一步的發掘和清理，以便更完整地保存和更充分地利用這批專題史料。爲此，我們清查了清季有關的各種檔案卷冊，將新發現的一批反映義和團運動的檔案文件蒐集成書，定名爲《義和團檔案史料續編》。

本書共輯錄關於義和團運動的檔案文件一千六百餘件，起自光緒二十二年（公元一八九六年），迄於光緒二十九年（一九〇三年）。此外，爲滿足史學界研究義和團組織起源的需要，本書還輯錄了近百件義和團運動以前的關於清代義和拳等民間會社的檔案文件，起自康熙五十六年（公元一七一七年），迄於同治元年（公元一八六二年），附在本書之後。全書所輯文件共一百多萬字，大都係初次公佈。本書所輯錄的檔案文件，可以歸納爲三類：第一是清王朝各級統治機構之間往來的官方文書，包括清廷的上諭，京內外各衙門及各駐外使節給皇帝的奏報，以及各衙門之間往來的電報、咨文、移文、札飭、通告暨稟、呈、申、詳等各式文書。第二是外交文件，如國書、照會、函牘、條約、合同和會談記錄

等等。第三是官員們的私人信函和其他屬於私人性質的文件，但數量較少。這些檔案文件，從廣闊的範圍和不同的角度，記錄了義和團運動以及當時的中國社會、晚清政局諸史實。其內容大體上可以概括為以下幾個方面：

第一，反映義和團運動興起階段諸史實的檔案文件。義和團運動的發端，可以上溯到甲午戰後山東省曹單地區大刀會的反教會鬭爭。此後短短的幾年內，各種反侵略的組織紛紛崛起。《義和團檔案史料》對此雖有所反映，但內容比較單薄。《籌筆偶存》的記事係始於光緒二十五年五月，也未能涉及在此前幾年的史實。本書所輯錄的檔案文件，彌補了前兩書的不足。這批文件共計六百餘件，它們比較詳盡地反映了甲午戰後國際帝國主義特別是德國一步步加緊侵略山東，利用教案、路案和礦案製造事端，擴大殖民權益的史實；反映了山東各階層人民憑藉着各地現成的民間會社，如大刀會、紅拳會、義和拳、神拳和某些鄉團，起來向外國侵略者及其所屬的教會勢力抗爭，並逐步把反侵略的民衆運動推向高漲的史實。同時，這些文件也記錄了清王朝中央政府和山東、直隸等省的地方當局對於這一系列事變的政策和態度。這批文件以其自身的完整性，比較清晰地展現了山東義和團興起和發展的歷史脈絡，這對於研究義和團運動的社會成因、組織源流及其初期的鬭爭特點，對於研究這一階段的中外關係、清王朝的政策以及有關歷史人物的政治思想，都有重要的史料價值。

第二，反映義和團運動高潮和慈禧出逃及「回鑾」諸史實的檔案文件。鑒於《義和團檔案史料》已經比較集中地輯錄了這一方面的檔案文件，這次只是在前書的基礎上作了若干增補。這批新增補的

文件所反映的許多史實，往往是前書在不同程度上業已涉及了的。有些文件並且是前書已收奏摺的附片或已收附片的正摺，我們對此作了加注說明。因此，這批檔案文件從總體上看，是就史實的過程、情節或者是結局等方面，對《義和團檔案史料》作了補充。但是，在本書收入的這一方面的檔案文件中，也不乏《義和團檔案史料》所沒有充分反映或者是基本上尚未涉及的內容。其中主要的如：關於京畿和其他地區的一些基層團壇組織和活動的史料；關於某些地區的義和團「查抄地畝」或「攻城戕官」的史料；關於莊王府總壇控制北京義和團和捕殺「白蓮教」的史料；關於清朝官兵抵禦八國聯軍和他們大批陣亡、殉難的史料，以及在此期間一些京內外官員的來往信函等等，無論文件本身或是其中所反映的內容，都很新鮮，很有研究價值。因此，本書和《義和團檔案史料》相互補充，可以更完整地反映這場運動的各個側面和起落過程。

第三，反映清當局議結各地庚子教案和義和團運動餘波諸史實的檔案文件。《辛丑條約》簽訂和慈禧「回鑾」以後，清朝外務部及不少地方當局還用了兩年左右的時間，繼續同帝國主義國家的使節和傳教士議結發生於各地的庚子教案。在這一交涉過程中形成的各種文件，不僅暴露了帝國主義加緊侵略中國的步驟和清王朝變本加厲的屈辱外交，同時也保存了各地義和團鬪爭的許多史實和數據，而這些情況，往往是事變當時的有關文件所不可能全面反映的。憑藉這些史料，有助於更深入地去研究義和團運動的性質、規模和特點。同時，伴隨着屈辱的教案議結，許多地區的人民羣衆與義和團餘部，掀起了抗攤賠款和反對教會勢力反攻倒算的鬪爭。這些直到光緒二十八年（公元一九〇二年）下

半年才被基本上鎮壓下去的羣衆鬪爭，是研究義和團運動史時所應當注意的。本書輯錄的清王朝勾結帝國主義，鎮壓景廷賓、鄧萊峯、唐雲卿，賀金聲、東北忠義軍和四川拳民等反抗鬪爭的檔案文件，反映了這些事變的起因、過程和羣衆鬪爭新動向。由於編入了上述史料，所以本書所輯檔案文件的下限，較《義和團檔案史料》有所延伸。

除了以上三方面的主要内容以外，我們還輯錄了一批清代各朝鎮壓民間會社的檔案文件，定名為「義和拳神拳等清代部份民間會社檔案史料選編」，作為本書的附編。這些文件所記載的民間會社的名稱，有不少是與義和團運動初起時的羣衆反侵略組織的名稱雷同的，如梅花拳、義和拳、神拳、紅拳會等。還有一些名稱，則是史學界在探討義和團的組織形式時所經常論及的，如金鐘罩、順刀會、義和門以及義和團練等。義和團的源流是長久以來為學術界所注意，但至今未能得出一致結論的問題。我們希望這批檔案文件的公佈，能為進一步研究這一問題提供若干線索和踪跡。

由於義和團檔案史料散見於清季浩繁的檔案卷冊之中，限於人力，某些檔案當還會有所遺漏。此外，由於我們水平有限，編選方面也難免有欠妥之處，敬請讀者批評指正。

本書由我館編輯部編輯，主要編輯人員是中國人民大學副教授程獻和我館研究館員朱金甫兩同志。程獻同志此次在應邀與我館合作過程中，為本書的選材及編輯加工等主要工作，歷時數年，付出了辛勤的勞動。我館副研究館員劉子揚、館員呂小鮮及助理館員孟憲振等同志也參加了一些編輯加工和編務工作。我館管理部及技術部等部門也為本書的編輯作出了貢獻。

本書的編輯工作得到了中國人民大學中國近現代政治思想史教研室的大力支持，特此表示謝意。
中華書局爲本書的出版給予了大力支持，在此一並順致誠摯的謝忱。

一九八五年八月

編例

一、本書共輯錄檔案史料一千七百餘件，分別選自我館所藏的以下諸全宗檔案和文種：上諭檔、宮中硃批奏摺、軍機處錄副奏摺、軍機處雜件、總理各國事務衙門檔、外務部檔、刑部檔、內務府檔、神機營檔、清代各衙門檔、山東巡撫衙門檔、醇親王府檔、端方檔。所引文種，均於各件之後注明。

二、本書所輯檔案之編排體例，分爲正件、附件和附錄三種。凡正件均按時間前後排列，並加順序號；凡附件和附錄，不編順序號，也不嚴格以時間爲序。附件和附錄的區別是：凡屬正件指明所附之件，稱爲附件。凡不屬正件指明所附之件，而其內容與正件有關者，則作爲附錄。凡中外交涉文件，一律以清方文件爲正件，以對方來文爲附件或附錄，附於清方文件之後。某些文件因無相應之正件，則根據其時間與內容，作爲相近的文件之附錄，並加注說明。

三、本書所輯檔案文件之年月日期，原則上爲發文日期。無發文日期者，奏摺、奏片按硃批日期，其他文件按收文日期，均以「※」號注明。凡清朝各件之日期用中曆並對照以西曆；凡外國及基督教教會各件，一律用西曆並對照以中曆。凡日期不可考者，排在各該年月之後。凡年月日期均無考者，推定大致時間，加注說明。

四、本書所輯各件，均由編者據其內容擬加標題，並予以標點、分段。因目錄內各件標有具文者

之職銜及姓名，故正文中各標題概從簡略，或略去具文者之職銜，或略去具文者之姓名。個別職銜或姓名不明之具文者，加注說明。

五、本書所輯各件，凡文末有皇帝批語者，標明「硃批」；有其他上級衙門批語者，標明「批」。凡行間批，則於所批正文之旁，以小號字排出，並於其上加「朱批」等字樣。

六、本書所輯之私人信函，間有一人簽發多件者，因其各函之內容前後關聯而自成一體，故未按日期編排，而以各該年最後一函之時間，將各函集為一束。

七、本書所輯各件，原則上均予全文公布，惟對個別文件內與主題無關之內容略作刪節，其刪節部份用（上畧）、（中畧）、（下畧）字樣標明。

八、本書所輯各件內，凡有錯訛之字，由編者在〔 〕內注正；凡有缺漏之字，在（ ）內補足；凡原文殘破而無法辨認之字，以□號代之；凡原件有意省畧之字，以○號標出。編者所加注釋，用〔一〕、〔二〕等符號置於邊注。

九、作為本書附編的清代各朝鎮壓民間會社之檔案史料選編，其編例與正文相同。

上册目錄

前言

編例

光緒二十二年五月

一、山東巡撫李秉衡爲陳明曹單大刀會與教民糾紛緣由事咨呈總署文

附件：單縣知縣李銓署城武縣知縣曾啓垣等爲曹單大刀會與教民糾紛事稟李秉衡文

二、總署爲曹單等縣教堂並無被毀事致德使照會

三、河南巡撫劉樹棠奏爲刀會鬧教已飭郭廣泰暫署歸德鎮篆事片

光緒二十二年六月

四、兩江總督劉坤一爲查出大刀會源委事咨呈總署文

附件：徐州道阮祖棠呈大刀會源委情形清摺

五、總署爲劉士端業已拿獲事致德署使函

附錄一：德署使員威士爲曹單大刀會又毀打教堂事致總署函

附錄二：德署使員威士爲單縣等處教案蔓延事致總署函

六、漕運總督松椿奏報刀會肅清仍留馬隊於徐州巡緝事片……………一四

光緒二十二年七月

七、刑部江蘇司擬為劉坤一奏剿辦刀會片已奉硃批事移文稿……………一五

附件：兩江總督劉坤一奏報大刀會闖入豐碭已飭剿辦片

光緒二十二年八月

八、山東巡撫李秉衡為撫卹單縣等處教民事咨呈總署文……………一六

光緒二十二年九月

九、兩江總督劉坤一奏請酌保擊退刀會各員弁摺……………一八

光緒二十二年十月

一〇、總署為單縣德國教士索賠事咨李秉衡文……………一九

附件一：德使海靖為開送單縣教士請賠清單事致總署照會

附件二：單縣德國教士所開教堂及教民房屋被焚拆索賠清單

光緒二十二年十一月

一一、山東巡撫李秉衡為教士索賠與奏案不符碍難照辦事咨呈總署文……………二三

光緒二十二年十二月

一二、總署為德使再次索賠單縣教案事咨李秉衡文……………二五

附件：德使海靖爲再次索賠單縣教案事致總署照會

光緒二十三年二月

一三、山東巡撫李秉衡爲單縣教案賠款業已辦結事咨呈總署文……………二七

光緒二十三年五月

一四、總署爲文登教案已咨行東撫查核事致英使照會……………二八

光緒二十三年六月

一五、總署爲法署使請查辦梨園屯教案事致李秉衡電……………二八

光緒二十三年十月

一六、總署爲德使電稱曹州府教士被殺希即查辦事致李秉衡電……………二九

一七、總署爲奉旨著即查辦曹州殺斃洋人一案事致李秉衡電……………三〇

一八、總署爲奉旨著將鉅野陽穀二知縣摘頂勒緝事致李秉衡電……………三〇

一九、登州鎮總兵章高元爲德兵霸據膠州灣望速核示事致李秉衡電……………三〇

二〇、即墨縣知縣朱衣繡爲德兵於青島海口登陸事致李秉衡電……………三一

二一、山東巡撫李秉衡奏爲將鉅野等教案疏防各員摘頂勒緝緣由摺……………三一

二二、總署爲奉旨德佔海口惟有鎮靜嚴紮事致王文韶李秉衡電……………三三

二三、恭親王奕訢等爲德兵佔踞膠澳事與德使問答錄……………三三

二四、總署為請膠澳退兵事致德使照會……………三四

附錄一：德使海靖為教士被殺索討六款事致總署照會

附錄二：德使海靖所開索賠六款

二五、總署為青島德兵勿再逼迫華營遠移等事致德使照會……………三七

二六、總署為青島德兵勿得拘留章高元事致德使照會……………三八

附錄：德使海靖為章高元已擒拿並請懲責事致總署照會

光緒二十三年十一月

二七、總署為飭查鉅野教案事致李秉衡電……………四〇

二八、軍機大臣翁同龢等為商辦鉅野教案條款事與德使問答錄……………四〇

二九、總署為鉅野教案已屢經獲犯事致德使照會……………四二

附錄一：德使海靖為陳述鉅野教案詳情事致總署照會

附錄二：德副主教為鉅野教案事致鉅野知縣函

三〇、總署為章高元軍已奉旨調紮烟台事致張汝梅電……………四六

三一、總署大臣為商辦鉅野教案條款事與德使問答錄……………四七

三二、總署為查詢兗州等處有無驅逐教士事致張汝梅電……………四九

三三、總署為文登教案可照英使所求辦結事致張汝梅電……………四九

三四、總署爲鉅野案犯供詞應錄送查核事致張汝梅電	四九
三五、軍機大臣翁同龢等爲辯論鉅野教案各款事與德使問答錄	五〇
附錄：德使海靖爲詳敘鉅野教案所索各款事致總署照會	
三六、總署爲文登教案應照署電辦理事致張汝梅電	五二
三七、總署爲奉旨山東各軍穩紮勿動事致張汝梅電	五三
三八、登萊青道李希杰爲遵卽出示保護教士事致張汝梅電	五三
三九、軍機大臣翁同龢等爲商結鉅野教案各款事與德使問答錄	五三
四〇、軍機大臣翁同龢等爲鉅野教案前五款先行了結事與德使問答錄	五五
四一、總署爲冠縣梨園屯教案應卽查辦事致張汝梅電	五五
四二、總署爲冠縣梨園屯教案應卽查辦事咨張汝梅文	五六
附件一：法署使呂班爲梨園屯教堂被毀應速查辦事致總署照會	
附件二：法署使呂班爲梨園屯教案再請辦結事致總署照會	
四三、軍機大臣翁同龢等爲教案與膠澳劃分商辦事與德使問答錄	五八
四四、總署爲鉅野教案各款結案事致德使照會	五九
附錄：德使海靖爲談判鉅野教案六款事致總署照會	

光緒二十三年十二月

- 四五、總署爲董福祥軍已奉旨著毋庸調紮德州事致張汝梅電……………六四
- 四六、總署爲希飭曹州鎮等毋滋事端事致張汝梅電……………六四
- 四七、總署爲奉旨曹州如有滋鬧者卽照土匪辦理事致張汝梅電……………六五
- 四八、總署爲應將萬本華撤任事致張汝梅電……………六五
- 四九、總署爲奉旨萬本華著卽撤任並申飭東撫事致張汝梅電……………六六
- 附錄：曹屬民教相安事探稟
- 五〇、兗沂曹濟道錫良爲曹州未有驅逐教民等事致張汝梅電……………六七
- 五一、軍機大臣翁同龢等爲商辦傳聞萬本華殺洋人等事與德使問答錄……………六七
- 附錄一：德使海靖爲曹鎮欲殺洋人應行革職事致總署照會
- 附錄二：德使海靖爲再請將李秉衡永不敘用事致總署照會
- 附錄三：德使海靖爲不將萬本華革職卽擬絕交事致總署照會
- 五二、總署爲奉旨不得將萬本華暫留事致張汝梅電……………七一
- 五三、總署爲義使請保護教士事致張汝梅電……………七一
- 五四、曹州知府邵承照爲曹屬除荷澤案已結外別無教案事致張汝梅電……………七二
- 五五、湖廣總督張之洞爲詢問曹鎮驅逐教民事致張汝梅電……………七二
- 五六、太常寺少卿盛宣懷爲詢問曹州逐教民事致張汝梅電……………七三

五七、	林際平爲據探曹郡等處地方靜謐事致裕錄電	七三
五八、	總署爲應速查究兗州英教士被打事致張汝梅電	七三
五九、	某委員爲薛田資並無被迫逐事致張汝梅電	七四
六〇、	荷澤知縣陶振宗爲福若瑟陳述萬本華與教民談話事致吉燦升電	七四
六一、	總署爲查詢吉燦升有無苛待義國教士事致張汝梅電	七五
六二、	曹州府知府邵承照等爲陳明萬本華與教民口角情形事致張汝梅電	七五
六三、	太常寺少卿盛宣懷爲詢問兗州是否有英人被害事致張汝梅電	七五
六四、	兗沂曹濟道錫良等爲英人在曲阜與人口角事致張汝梅電	七六
六五、	總署爲梨園屯教案應速籌辦事致張汝梅電	七六
六六、	總署爲應飭膠州勿得將錢糧冊交德人事致張汝梅電	七七
六七、	總署爲查詢鉅野案犯憑證事致張汝梅電	七七
六八、	著分別處分鉅野教案失察各員並通諭各省實力保護教堂事上諭	七八
六九、	恭親王奕訢等奏爲擬定鉅野教案各犯罪名緣由事摺	七八
七〇、	總署爲冠縣梨園屯教案辦理已有眉目事致法署使照會	八〇
附錄	法使呂班爲梨園屯教案應卽了結事致總署照會	
七一、	總署爲奏准將曹州案犯分別處刑事致張汝梅電	八二

七二、總署為曹屬刀會聚眾應即彈壓解散事致張汝梅電……………八三

光緒二十四年正月

七三、總署為冠縣教案應另派員與馬主教辦結等事致張汝梅電……………八三

七四、即墨縣知縣朱衣繡為德兵在即墨被人刃斃事致張汝梅電……………八四

七五、登州鎮總兵夏辛酉為即墨德兵被殺擬暫緩練兵事致張汝梅電……………八四

七六、登州鎮總兵夏辛酉為青島德兵打死鄉民事致張汝梅電……………八四

七七、總署為德使指趙天吉為曹州案正兇等事致張汝梅電……………八五

七八、總署為應照約在曹州城內撥與德教士地基事致張汝梅電……………八五

七九、總署為義署使欲辦梨園屯教案業已駁覆事咨張汝梅文……………八六

附件一：義署使薩爾瓦為濟屬教案應歸其辦理事致總署照會

附件二：義署使薩爾瓦咨送之冠縣等處教案情形節略

附件三：義署使薩爾瓦重申欲辦理梨園屯教案事致總署照會

附件四：總署為應由義法自行理論教務事致義署使照會

附件五：義署使薩爾瓦為欲辦理濟南等府教務事致總署照會

八〇、大學士徐桐等奏為遵旨議處鉅野教案失察各員事摺……………九四

八一、即墨縣知縣朱衣繡為稟報李象風殺死德兵緣由事致張汝梅電……………九五

八二、總署爲奉旨即將李象風正法事致張汝梅電……………九五
八三、山東巡撫張汝梅奏爲設立洋務局專司交涉事片……………九六

光緒二十四年二月

八四、署膠州知州羅志伸爲德兵扎死膠州居民董彥方事致張汝梅電……………九六
八五、山東巡撫張汝梅爲彭虞孫已定期與安治泰晤商教案事致總署電……………九七
八六、山東巡撫張汝梅爲日照等縣令已分別撤調事致總署電……………九七
八七、總署爲詢問山東迤北教堂歸何國保護事致法使照會……………九八
八八、總署爲曹屬教士被刀會逼迫希即查辦事致張汝梅電……………九九
八九、總署爲法使不允義國保護教堂事致義署使照會……………九九

附錄：法署使呂班爲山東迤北教堂應歸其保護事致總署照會

光緒二十四年三月

九〇、總署爲催辦德天恩一案事致張汝梅電……………一〇〇
九一、即墨縣知縣朱衣繡爲德兵槍殺即墨縣民仇維禮事致張汝梅電……………一〇一
九二、總署爲德使照會欲自辦曹州案事致張汝梅電……………一〇二
九三、山東巡撫張汝梅爲已將濟南等府教堂歸屬函詢馬天恩事咨呈總署文……………一〇三
附件：山東洋務局與馬天恩往來函件

- 九四、山東巡撫張汝梅為查明泰安等縣並無義國教案事咨呈總署文……………一〇四
- 九五、山東巡撫張汝梅為陳述梨園屯教案辦理情形事致總署函……………一〇五
- 九六、山東巡撫張汝梅為陳述山東教士欺壓平民情形事致總署函……………一〇六
- 九七、總署為飭查即墨仇維禮命案一事致張汝梅電……………一〇八
- 九八、總署為應飭毓賢帶隊赴曹郡彈壓大刀會事致張汝梅電……………一〇九
- 九九、漢中鎮總兵孫金彪等為德國親王擬由滬赴膠澳事致張汝梅電……………一〇九
- 一〇〇、即墨縣知縣朱衣繡為查明仇維禮命案情形事覆張汝梅電……………一一〇

光緒二十四年四月

- 一〇一、總署為直東交界有人聲言毀教滅夷希即查辦事致王文韶等電……………一一〇
- 一〇二、山東巡撫張汝梅為教士驕橫日甚不能過於遷就事致總署函……………一一〇
- 一〇三、總署為奉旨著嚴防義民會事致王文韶等電……………一一二
- 一〇四、總署為指撥德教堂之地價可作正開銷事致張汝梅電……………一一三
- 一〇五、漢中鎮總兵孫金彪等為德親王艦過煙臺事致張汝梅電……………一一三
- 一〇六、總署為法使要挾黎園屯案四條希詳查事致張汝梅電……………一一三
- 附錄：法使畢盛為梨園屯教案四款請速了結事致總署照會……………
- 一〇七、山東巡撫張汝梅為地方官未與教士為難並查禁義民會事致總署電……………一一四

一〇八、總署爲山東地方官並未與教士爲難事致法使照會……………一三五

一〇九、總署爲梨園屯一案希速拿犯賠款事致張汝梅電……………一二六

一一〇、山東巡撫張汝梅爲義民會卽義和拳已飭查禁事咨呈總署文……………一二六

附件：東昌府知府洪用舟爲陳述辦理冠縣教案情形稟張汝梅文……………

光緒二十四年五月

一一一、總署爲梨園屯教案應妥辦速結事咨張汝梅文……………一三〇

附件：法使畢盛爲梨園屯案仍須按四款了結事致總署照會……………

一一二、山東巡撫張汝梅爲曹州現無大刀會惟民教積怨日深事咨呈總署文……………一三三

一一三、山東巡撫張汝梅爲孫莊教民被劫業已獲犯事致總署電……………一三六

一一四、總署爲孫莊教民被劫業已獲犯事致法使照會……………一三六

一一五、內閣侍讀學士高燮曾奏爲宜擇地另建冠縣教堂以順民情事片……………一三七

一一六、張文林爲德親王到青島事致張汝梅等電……………一三八

一一七、山東巡撫張汝梅奏爲拿獲強劫鄭家垓教堂各犯分別擬辦事摺……………一三八

一一八、直隸總督榮祿奏爲擬飭裕長備辦閱操事宜並兼籌甘軍糧台片……………一三一

光緒二十四年六月

一一九、總署爲催辦冠縣教案事咨張汝梅文……………一三一

附件一：法使畢盛為再催按四款辦結冠縣教案事致總署照會

附件二：法使畢盛所開十八魁名單

一二〇、山東巡撫張汝梅為陳述與馬主教商辦冠縣教案情形事咨呈總署文…………… 一三三

一二一、山東巡撫張汝梅為查明直東交界並無沂曹軍作亂事咨呈總署文…………… 一三五

一二二、河南巡撫劉樹堂為交界處有聚眾起事請飭捕治事致張汝梅電…………… 一三六

一二三、山東巡撫張汝梅為三省交界有聚眾起事飭即查拿事致方致祥等電…………… 一三六

一二四、山東巡撫張汝梅為兜捕童振清餘股事致劉樹堂電…………… 一三七

一二五、總署為冠縣教案請按馬主教所議辦結事咨張汝梅文…………… 一三七

附件：法使畢盛為冠縣教案須按馬主教所議辦結事致總署照會

一二六、山東巡撫張汝梅為兜捕童振清餘股事致劉坤一電…………… 一三八

一二七、山東巡撫張汝梅為兜捕童振清餘股事致劉樹堂電…………… 一三九

一二八、總署為奉旨著兜捕童振清餘股事致張汝梅等電…………… 一三九

一二九、兩江總督劉坤一為已飭屬兜捕童振清餘股事覆張汝梅電…………… 一四〇

一三〇、河南巡撫劉樹堂為已飭屬兜捕童振清餘股事覆張汝梅電…………… 一四〇

一三一、兩江總督劉坤一為拿獲大刀會首趙天吉事致張汝梅電…………… 一四一

一三二、總署為德使稱濟寧州鬧教希飭彈壓事致張汝梅電…………… 一四一

附錄：德使海靖爲請保護濟寧教堂事致總署照會

一三三、山東巡撫張汝梅爲飭保護濟寧教堂事致汪望庚電……………一四二

一三四、山東巡撫張汝梅爲行劫坡李莊教堂案犯業已拿獲事致總署電……………一四三

一三五、山東巡撫張汝梅爲趙天吉就獲事覆劉坤一電……………一四三

光緒二十四年七月

一三六、總署爲奉旨著保護濟寧教堂事致張汝梅電……………一四四

一三七、山東巡撫張汝梅爲梨園屯教案償款已議定事咨呈總署文……………一四四

一三八、署濟寧直隸州知州汪望庚爲德華盛所控案已和息事致張汝梅電……………一四五

一三九、總署爲臨淄縣教民滋事案希飭訊結事致張汝梅電……………一四六

一四〇、總署爲濟寧教堂業已保護事致德使照會……………一四六

一四一、偵探委員謝庭芝爲各國謀據地劃界事致張汝梅電……………一四六

一四二、總署爲應勸阻德親王毋往濟南事致張汝梅電……………一四七

光緒二十四年八月

一四三、總署爲抄送了結冠縣教案照會希飭辦理事咨張汝梅文……………一四七

附件一：法使畢盛爲十八魁必須拿辦方可消案事致總署照會

附件二：總署爲已催拿十八魁等事致法使照會

一四四、著各省大吏認真保護教堂教士及游歷洋人事懿旨……………一五〇
光緒二十四年九月

一四五、著各將軍督撫認真保護教堂教士事上諭……………一五〇

一四六、署冠縣知縣曹倜為威縣沙柳寨拳民起事事致朱鍾琪電……………一五一

一四七、臨清直隸州知州王壽朋為威縣沙柳寨拳民起事乞撥營事致張汝梅電……………一五二

一四八、山東巡撫張汝梅為趙三多起事飭派哨隊事致方致祥電……………一五二

一四九、山東巡撫張汝梅為飭彈壓解散冠縣拳民事致曹倜電……………一五三

一五〇、山東巡撫張汝梅為派往冠縣哨隊應速彈壓事致方致祥電……………一五三

一五一、山東巡撫張汝梅為請會同彈壓冠威拳民事致裕祿電……………一五三

一五二、山東巡撫張汝梅為已派隊前往冠縣事致王壽朋電……………一五四

一五三、直隸總督裕祿為已撥隊赴威縣彈壓事覆張汝梅電……………一五四

一五四、山東巡撫張汝梅為飭會同彈壓冠威拳民事致王壽朋電……………一五四

一五五、署冠縣知縣曹倜為擬勸散趙三多部請暫勿發兵事致張汝梅等電……………一五五

一五六、署冠縣知縣曹倜為乞撥哨來冠預防事致張汝梅電……………一五五

一五七、山東巡撫張汝梅為冠縣布防事致王壽朋電……………一五五

一五八、山東巡撫張汝梅為冠縣布防事覆曹倜電……………一五六

一五九、署冠縣知縣曹倜爲拳民解散事致張汝梅等電……………一五六

一六〇、臨清直隸州知州王壽朋爲拳民解散省隊已到事電稟……………一五七

一六一、曹州鎮總兵方致祥爲已撥隊赴臨清換防事致張汝梅電……………一五七

一六二、曹州鎮總兵方致祥爲擬親往冠縣事致張汝梅電……………一五七

一六三、山東巡撫張汝梅爲冠拳已散無須親往事覆方致祥電……………一五八

一六四、臨清直隸州知州王壽朋爲請代稟冠威拳民情形事致洋務局電……………一五八

一六五、署冠縣知縣曹倜爲紅桃園發生教案事致張汝梅等電……………一五九

一六六、臨清直隸州知州王壽朋爲紅桃園發生教案事致洋務局電……………一五九

一六七、山東巡撫張汝梅爲飭查紅桃園教案事致曹倜電……………一五九

一六八、山東巡撫張汝梅爲飭查紅桃園教案事致王壽朋電……………一六〇

一六九、山東巡撫張汝梅爲請會捕冠威拳民事致裕祿電……………一六〇

一七〇、直隸總督裕祿爲請會同彈壓冠威拳民事致張汝梅電……………一六〇

一七一、直隸總督裕祿爲已飭大名鎮道兜拿拳民事覆張汝梅電……………一六一

一七二、臨清直隸州知州王壽朋爲冠縣營隊擊散拳民事電稟……………一六二

一七三、署冠縣知縣曹倜爲拿獲拳首姚洛奇事致張汝梅等電……………一六二

一七四、署冠縣知縣曹倜爲紅桃園係教民住地事致張汝梅電……………一六二

- 一七五、臨清直隸州知州王壽朋為陳明紅桃園教案情形事致張汝梅等電……………一六三
- 一七六、山東巡撫張汝梅為姚洛奇已獲事致裕祿電……………一六三
- 一七七、直隸總督裕祿為詢問拳民餘黨已否解散事致張汝梅電……………一六四
- 一七八、山東巡撫張汝梅為拳黨已散仍請會同彈壓事覆裕祿電……………一六四
- 一七九、膠州知州張承燮等為日照縣發生教案事致張汝梅等電……………一六四
- 一八〇、洋務局為速轉令日照了結教案事覆張承燮電……………一六五
- 一八一、膠州知州張承燮為已飛轉日照速辦教案事致洋務局電……………一六五

光緒二十四年十月

- 一八二、山東巡撫張汝梅為十八魁內閻士和等兩名已獲事咨呈總署文……………一六六
- 附件：冠縣呈送閻士和與閻書堂供詞清單
- 一八三、山東巡撫張汝梅為日照教案已飭查辦事致安治泰電……………一六六
- 附錄：天主教聖言會主教安治泰為德教士在日照縣被虜事致張汝梅電
- 一八四、山東巡撫張汝梅為薛教士已尋獲事致安治泰電……………一六八
- 一八五、山東巡撫張汝梅為梨園屯教案辦有端倪請照會法使允結事咨呈總署文……………一六九
- 一八六、總署為奉旨著彈壓防範拳會事致劉坤一等電……………一七〇
- 一八七、山東巡撫張汝梅為飭查壽光縣民間傳言殺外國人事致李希杰電……………一七一

一八八、山東巡撫張汝梅爲壽光縣民間傳言已飭查辦事致美領事電	一七二
一八九、署冠縣知縣曹倜爲姚洛奇已正法事致洋務局電	一七二
一九〇、山東巡撫張汝梅爲陳明紅桃園教案情形乞代奏事致總署電	一七二
一九一、總署爲希飭濰縣先准德人鑽煤事致張汝梅電	一七三
一九二、登萊青道李希杰爲查詢壽光縣民間傳言情事覆張汝梅電	一七三
一九三、總署爲紅桃園各案已飭查明事致法使照會	一七四
附錄：法使畢盛爲紅桃園教案請將吉道等撤換事致總署照會	
一九四、總署爲薛田資在日照被擒希速查辦事致張汝梅電	一七七
附錄：德使海靖爲薛田資在日照被擒事致總署照會	
一九五、山東巡撫張汝梅爲陳明日照教案查辦情形事致總署電	一七七
一九六、臨清直隸州知州王壽朋爲陳明紅桃園教案撫卹情形事致洋務局電	一七八
一九七、總署爲薛田資案應向安治泰切實商結事致張汝梅電	一七八
一九八、山東巡撫張汝梅爲薛田資並無重傷已回青島事致總署電	一七九
一九九、總署爲德使欲在兗州建堂希相機辦理事咨張汝梅文	一八〇
二〇〇、總署爲薛田資案已立和好同事致德使照會	一八一
附錄：德使海靖爲日照教案須有所索討事致總署照會	

- 二〇一、總署為薛田資要挾四端希確查實情事致張汝梅電……………一八二
- 二〇二、山東巡撫張汝梅為薛田資實無重傷有福若瑟可證事覆總署電……………一八三
- 二〇三、著各省將軍督撫調和民教豫杜爭端事懿旨……………一八三
- 二〇四、山東巡撫張汝梅為沂水縣查無監困西人事致德提督電……………一八四
- 附錄：德督葉世克為請查沂水縣有無西人被困事致張汝梅電……………
- 二〇五、總署為濰縣毆辱德兵希查辦事致張汝梅電……………一八五
- 二〇六、總署為日照教案各款除撤知縣外均可照允事致德使照會……………一八六
- 附錄：德使海靖遞薛田資所供被擒情形及應行昭雪辦法說帖……………

光緒二十四年十一月

- 二〇七、總署為德使請飭保護路礦工程師事致張汝梅電……………一八八
- 二〇八、山東巡撫張汝梅為濰縣查無毆辱德兵事覆總署電……………一八八
- 二〇九、膠州知州張承燮為德員顧乃斯在諸城縣被搶事致張汝梅電……………一八九
- 二一〇、山東巡撫張汝梅為頒發保護洋人告示事致李芳柳電……………一九〇
- 附錄：英領事為青州警毀洋人希飭保護事致張汝梅電……………
- 二一一、總署為美使稱沂州教堂危險希速保護事致張汝梅電……………一九〇
- 二一二、山東巡撫張汝梅為已飭確查曹州有否教士被害等事致美領事電……………一九一

附錄：美領事爲請飭保護沂州教堂事致張汝梅電

二一三、山東巡撫張汝梅爲飭查曹州教士是否被殺事致邵承照電……………一九二

二一四、兗沂曹濟道彭虞孫爲請示日照教案定議事致張汝梅電……………一九二

二一五、山東巡撫張汝梅爲日照教案卽照數定議事覆彭虞孫電……………一九二

二一六、山東巡撫張汝梅爲已加派馬隊赴沂州保護事致美領事電……………一九三

附錄：美領事爲催兵前往沂州事致張汝梅電

二一七、膠州知州張承燮爲日照縣土山總堂被搶事致張汝梅等電……………一九四

二一八、兗沂曹濟道彭虞孫爲日照縣土山莊有教案請派隊保護事致張汝梅電……………一九四

二一九、山東巡撫張汝梅爲飭辦沂州打毀教堂事覆彭虞孫電……………一九四

二二〇、曹州府知府邵承照爲曹縣教士查無被殺事覆張汝梅電……………一九五

二二一、山東巡撫張汝梅爲已加派馬隊赴沂州日照保護事致總署電……………一九五

二二二、山東巡撫張汝梅爲已派馬隊赴日照保護事致安治泰電……………一九六

二二三、兗沂曹濟道彭虞孫爲日照教案已飭遵辦事致張汝梅電……………一九六

二二四、總署爲查詢濰縣有無與德人爲難告示事咨張汝梅文……………一九六

附件一：德使海靖爲濰縣縣令出示攻打德人事致總署照會

附件二：總署爲濰縣等處並無毆傷德人事致德使照會

一三五、軍機大臣奏為請將各將軍督撫一律加以總理各國事務大臣之銜摺……………一九九

一二六、著各省將軍督撫協同總署認真辦理對外交涉事上諭……………二〇〇

光緒二十四年十二月

一二七、山東巡撫張汝梅為德人顧乃斯在諸城被搶案已結事咨呈總署文……………二〇〇

一二八、兩江總督劉坤一為已飭隊往剿牛世修起事事致張汝梅電……………二〇二

一二九、總署為希即查明沂州近日情形事致張汝梅電……………二〇三

附錄：美領事為沂州鬧教事致山東撫院電

一三〇、山東巡撫張汝梅為紅桃園各案已辦理了結事咨呈總署文……………二〇四

一三一、安徽巡撫鄧華熙為牛世修部欲與大刀會合夥請會擊事致張汝梅等電……………二〇六

一三二、總署為東省若有滅洋傳言望飭查禁事咨張汝梅文……………二〇六

附錄：德使海靖為顧乃斯被搶並山東有滅洋傳言事致總署照會

一三三、總署為已咨山東巡撫禁止滅洋傳言事致德使照會……………二〇八

一三四、署濟寧直隸州知州汪望庚為皖汴邊緊金鄉吃重事致張汝梅等電……………二〇九

一三五、兩江總督劉坤一為牛世修部欲與大刀會合夥請嚴防事致張汝梅電……………二一〇

一三六、著兩江總督劉坤一等通籌會剿牛世修起事事電旨……………二一〇

一三七、總署為應於沂州加意防護事致張汝梅電……………二一一

二三八、總署爲薛田資等案業已結清事致德使函	二二二
附錄一：德使海靖爲薛田資被捉一案事致總署函	
附錄二：德使海靖陳述薛田資等案之說帖	
附錄三：德使海靖爲沂州等處攻擊外國人事致總署照會	
二三九、著兩江總督劉坤一等妥善辦理渦陽等地起事並保護教堂事上諭	二二四
二四〇、直隸總督裕祿奏爲遵旨兼領總署大臣據理迅辦交涉事宜摺	二二五
二四一、兗州鎮總兵田恩來爲豐縣鬧教已撥隊會捕事致張汝梅電	二二七
二四二、署單縣知縣李定濤爲豐縣鬧教已率部保護縣境教堂事致張汝梅等電	二二七
二四三、河南巡撫裕長爲遣送山東饑民望派員接收事致張汝梅電	二二八
二四四、直隸總督裕祿爲陳明冠威拳民鬧教緣由及辦理情形事咨呈總署文	二二八
二四五、署濟寧直隸州知州汪望庚爲豐縣鬧教已由田鎮防堵事致張汝梅電	二二三
二四六、濟寧直隸州知州汪望庚爲探聞豐縣教堂已保住事致張汝梅電	二二三
二四七、兗州鎮總兵田恩來爲豐縣鬧教已擊散事致張汝梅電	二二三
二四八、兗州鎮總兵田恩來爲擬留隊豐縣數日等事致張汝梅電	二二三
二四九、山東巡撫張汝梅爲濰縣辦團告示內並無爲難德人言詞事咨呈總署文	二二四
附件：濰縣錄呈保甲團練示稿	

二五〇、總署為日照沂水各案已經安主教議結事致德使照會……………二二七

附錄：德使海靖為日照各案須經使署批准方能議結事致總署照會

二五一、總署為濰縣告示與洋人無涉事致德使照會……………二二八

光緒二十五年正月

二五二、總署為飭查郟城殺斃教民事致張汝梅電……………二二九

二五三、總署為催辦郟城殺斃教民事致張汝梅電……………二三〇

光緒二十五年二月

二五四、山東巡撫張汝梅為錄送薛田資案所立合同事咨呈總署文……………二三〇

附件一：日照縣知縣呂丙元與德司鐸福若瑟議結薛田資案合同

附件二：兗沂曹濟道彭虞孫與德主教安治泰議結薛田資案合同

附錄：方偉廉牧師議結教民被搶案合同

二五五、山東巡撫張汝梅為東省並無滅洋傳言事咨呈總署文……………二三四

二五六、開缺山東巡撫張汝梅為擬即查明租界內錢糧冊數事致總署電……………二三六

二五七、即墨縣知縣周永為請出示曉諭租界村社赴德完糧事致張汝梅電……………二三六

二五八、開缺山東巡撫張汝梅為租界內應赴德完糧事致周永電……………二三六

二五九、總署為安治泰將赴省商辦沂州教案事致張汝梅電……………二二七

二六〇、總署爲德使欲撤任沂州府官員及索賠事致張汝梅電	二二七
二六一、總署爲希飭沂州道府禁阻德兵事致張汝梅電	二二八
二六二、開缺山東巡撫張汝梅爲阻派兵隊往日照蘭山事致青島德督電	二三八
附錄 青島德督葉世克爲派兵隊至日照蘭山事致張汝梅電	
二六三、太常寺少卿盛宣懷爲請飭沂州各州縣保護電桿事致張汝梅電	二四〇
二六四、總署爲可將租界內糧戶等冊送德事致張汝梅電	二四一
二六五、開缺山東巡撫張汝梅爲請速將兵隊調回事致青島德督電	二四一
附錄一：青島德督葉世克爲日照教案務須獲犯等事致張汝梅電	
附錄二：德親王亨利爲陳明派兵用意事致張汝梅電	
附錄三：德親王亨利爲冀地方官彈壓民衆事致張汝梅電	
附錄四：青島德督葉世克爲陳明退兵條件事致張汝梅電	
二六六、兩江總督劉坤一爲日領事查詢德兵赴日照事致張汝梅電	二四四
二六七、總署爲德商慕興立等傷斃蘭山鄉民事致德使照會	二四四
二六八、總署爲奉旨著飭彭虞孫速結日照教案事致張汝梅電	二四五
二六九、總署爲希飭夏辛酉於沂州嚴密布置事致張汝梅電	二四六
二七〇、開缺山東巡撫張汝梅爲請商德使阻派兵隊往日照蘭山事咨呈總署文	二四六

二七一、兩江總督劉坤一為詢問日照教案辯論情形事致張汝梅電……………二四八

二七二、直隸總督裕祿為詢問德國撤兵日期事致張汝梅電……………二四八

光緒二十五年三月

二七三、總署為應相機調度日照布置情形事致張汝梅電……………二四九

二七四、山東巡撫毓賢為接任事致總署電……………二四九

二七五、山東巡撫毓賢為請達德使速撤日照之兵事致總署電……………二五〇

二七六、開缺山東巡撫張汝梅為錄送致德國親王等人書事咨呈總署文……………二五一

附件一：開缺山東巡撫張汝梅為敦促退兵事致德親王並青島德督書

附件二：開缺山東巡撫張汝梅為備陳民教結仇緣由事致青島德督書

二七七、開缺山東巡撫張汝梅為詳陳洋教洋商欺壓太甚必釀巨變事咨呈總署文……………二五七

二七八、山東巡撫毓賢為飭屬與安治泰辯論以了結日照教案事致總署電……………二六〇

二七九、山東巡撫毓賢為安治泰提出退兵條款事致總署電……………二六一

二八〇、山東巡撫毓賢為陳述德兵進據日照縣城情形事咨呈總署文……………二六二

附件：日照縣知縣楊耀林稟附葉世克信函告示

二八一、山東巡撫毓賢為陳述德兵滋擾日照蘭山情形事咨呈總署文……………二六六

二八二、著山東巡撫毓賢嗣後須選熟習洋務之員補署附近膠澳各屬事上諭……………二六七

二八三、山東巡撫毓賢爲陳述德兵焚燒蘭山縣韓家村情形事咨呈總署文	二六八
二八四、山東巡撫毓賢爲陳明沂屬各教案辦理情形事咨呈總署文	二六九
附件一：兗沂曹濟道彭虞孫呈與安治泰晤商沂屬教案八款	
附件二：天主教聖言會主教安治泰爲沂屬教案索賠事致彭虞孫函	
附件三：天主教聖言會司鐸福若瑟等爲勘查沂屬教務損失事稟安治泰文	
二八五、山東巡撫毓賢爲抄送彭虞孫與安治泰商辦沂屬教案函件事咨呈總署文	二七四
附件一：兗沂曹濟道彭虞孫爲商辦沂屬教案事覆安治泰函	
附件二：天主教聖言會主教安治泰爲沂屬教案索賠各款事致彭虞孫函	
二八六、開缺山東巡撫張汝梅爲交涉命案應按中外律例合同商辦事咨呈總署文	二七七
二八七、山東巡撫毓賢爲德兵在日照林家灘傷斃民人于文福事咨呈總署文	二七九
附件：日照縣知縣楊耀林爲德兵在林家灘傷斃于文福等事稟文	
附錄：德使海靖爲林家灘命案與毓撫所稱不符事致總署照會	
二八八、總署爲卽墨王一勳搶搬教堂希卽查辦事致毓賢電	二八三
二八九、著毓賢通籌防務並准其指名奏調將弁事上諭	二八三
二九〇、山東巡撫毓賢爲請速與德使訂立路礦章程事致總署電	二八四
二九一、總署爲德使欲於兗州建堂姑允其請事咨毓賢文	二八四

二九二、山東巡撫毓賢為德兵傷斃即墨縣民矯扶平等人情事致總署電……………二八五

二九三、德兵滋擾日照蘭山情形並沂屬民情旱情探報……………二八六

二九四、膠澳德兵軍情探報……………二八七

光緒二十五年四月

二九五、內閣侍讀學士高燮曾奏陳回收主權請自山東德事始摺……………二九〇

二九六、著總理衙門辦理高燮曾所奏事上諭……………二九二

二九七、著准萬本華等調往山東並著毓賢慎重交涉事上諭……………二九二

二九八、即墨縣知縣周永為鄉民聚眾鬧署請兵鎮攝事致毓賢等電……………二九二

二九九、登萊青道李希杰為已飭員前往即墨開導鄉民事致毓賢電……………二九三

三〇〇、總署為奉旨著嚴密偵察煙台德兵動向事致毓賢電……………二九三

三〇一、漢中鎮總兵孫金彪等為陳報煙台德兵演操情形事致毓賢電……………二九四

三〇二、膠州知州張承燮為實陳即墨鄉民鬧署情形事致毓賢等電……………二九四

三〇三、登萊青道李希杰為應否委員前往即墨事致毓賢電……………二九五

三〇四、膠州知州張承燮為請派大員查辦即墨聚眾鬧署事致毓賢等電……………二九五

三〇五、即墨縣知縣周永為陳明鄉民鬧署緣由事致毓賢電……………二九六

三〇六、山東巡撫毓賢為即墨王一勳鬧教已飭查辦事致總署電……………二九六

三〇七、山東巡撫毓賢爲德兵退出日照帶走紳士事咨呈總署文……………二九七
 三〇八、總署爲請按地方官接待章程接待德教士事咨毓賢文……………二九九

光緒二十五年五月

三〇九、山東巡撫毓賢爲陳明移營扼要嚴防事致總署電……………三〇〇
 三一〇、萊州府知府曹榕等爲卽墨私團解散教案已結事致省憲電……………三〇〇
 三一〇、國子監祭酒王懿榮等爲請救濟登萊兩府災民事致毓賢電……………三〇一
 三一〇、總署爲希與德人持平商辦路礦務事致毓賢電……………三〇一
 三一三、山東巡撫毓賢爲高密大呂莊民拔標已飭查辦事致總署電……………三〇二
 三一四、總署爲嘉祥縣鬧教希飭彈壓保護事致毓賢電……………三〇二
 三一五、山東巡撫毓賢爲嘉祥民教滋事現已飭查事覆總署電……………三〇三
 三一六、山東巡撫毓賢爲請示沂屬教案辦結事致總署電……………三〇三
 三一七、山東巡撫毓賢爲請商德使阻兵前往高密事致總署電……………三〇四
 三一八、總署爲已電呂使向德外部阻兵事覆毓賢電……………三〇五
 三一九、山東巡撫毓賢爲德兵已前往高密事致總署電……………三〇五
 三二〇、山東巡撫毓賢爲安治泰來省商結沂州教案情形事致總署電……………三〇六
 三二一、膠州知州張承燮爲德兵人高密請飭道員親臨鎮攝事致毓賢等電……………三〇六

三三二、	總署為德使言大刀會圍困濟寧希即保護事致毓賢電	三〇七
三三三、	總署為德使稱大刀會復起希即彈壓事致毓賢電	三〇八
三三四、	山東巡撫毓賢為陳述德兵入高密情形事致總署電	三〇八
三三五、	山東巡撫毓賢為飭帶隊赴高密防範事致彭金山電	三〇九
三三六、	山東巡撫毓賢為遵旨布防高密情形事覆總署電	三〇九
三三七、	山東巡撫毓賢為高密德兵索要賠款已委員商辦事致總署電	三一〇
三三八、	山東巡撫毓賢為嘉祥教案已派隊查辦事覆總署電	三一〇
三三九、	總署為應添勇跟蹤德人移紮事致毓賢電	三一
三三〇、	山東巡撫毓賢為沂屬教案已結請代奏事致總署電	三一
三三一、	山東巡撫毓賢為陳述嘉祥教案緣由事致總署電	三一
三三二、	總署為山東嘉祥等縣刀會鬧教已飭究辦事致德署使照會	三一
附錄一、	德署使貝威士為嘉祥縣鬧教請飭保護事致總署照會	
附錄二、	德署使貝威士為刀會復起並得東撫庇護事致總署照會	
附錄三、	德署使貝威士為嘉祥等縣大刀會鬧教事致總署照會	
三三三、	高密縣知縣葛之覃為德兵在高密索款並買地事致毓賢等電	三一六
三三四、	山東巡撫毓賢為請速與德商議訂路礦合同章程事致總署電	三一六

三三五、	山東巡撫毓賢爲指示辦理高密路案機宜事致曹榕等電	三二七
三三六、	萊州府知府曹榕爲陳述抵高密辦案情形事致毓賢等電	三二八
三三七、	山東巡撫毓賢爲詳陳沂屬教案議結情形事致總署電	三一九
附錄一、	兗沂曹濟道彭虞孫與安治泰議定沂屬五州縣教案合同	
附錄二、	沂屬教案償卹清單	
三三八、	萊州府知府曹榕等爲請示德員築路買地事致省憲電	三二二
三三九、	兗沂曹濟道彭虞孫等爲濟嘉汶紅拳會蔓延請添兵籌辦事致毓賢電	三二三
三四〇、	兗沂曹濟道彭虞孫等爲紅拳會勢盛請頒示嚴禁事致毓賢電	三二三
三四一、	兗州鎮總兵田恩來爲紅拳會鬧教已派隊保護事致毓賢電	三二四
三四二、	山東巡撫毓賢爲已派馬隊赴濟嘉汶籌辦事覆汪望庚等電	三二四
三四三、	總署爲希飭勸濟寧紳董調和民教事致毓賢電	三二四
三四四、	總署爲東撫查覆嘉祥教案緣由事致德使照會	三二五
三四五、	著山東巡撫毓賢添練營伍豫先布置防務事上諭	三二六
三四六、	萊州府知府曹榕等爲賠款已交清德兵退回事致毓賢等電	三二六
三四七、	嘉祥縣知縣葉大可爲紅拳會擬攻城堂事致毓賢電	三二七
三四八、	山東巡撫毓賢爲呈送嘉祥教案清單事致總署函	三二七

附件：兗州鎮總兵田恩來呈嘉祥縣八村莊教案清單

光緒二十五年六月

- 三四九、山東巡撫毓賢為已飭勸諭紳董調和民教事覆總署電……………三二九
- 三五〇、出使德國大臣呂海寰為陳述日照撤兵交涉情形事致總署函……………三三〇
- 附件一：出使德國大臣呂海寰為辯論日照撤兵等事與德外部問答錄
- 附件二：照譯德外部送來德報關於日照蘭山事件之報導
- 附件三：出使德國大臣呂海寰為催辦日照退兵事與德外部問答錄
- 附件四：德外部為日照命案事致呂海寰函
- 附件五：出使德國大臣呂海寰為德使拆毀北京武昌試館事致德外部函
- 附件六：德外部為陳述德兵破壞即墨聖像情形事致呂海寰函
- 三五二、山東巡撫毓賢為陳述嘉汶拳會興起緣由事致總署電……………三四〇
- 三五三、東字正軍後營管帶彭金山為陳明進駐高密暨回紮昌邑情形事稟毓賢文……………三四〇
- 附件：東字正軍後營管帶彭金山呈與德官問答錄
- 三五三、總署為查詢高密路案詳情事致毓賢電……………三四三
- 三五四、山東巡撫毓賢為德兵滋擾高密請照會德使查辦事致總署電……………三四四
- 三五五、山東巡撫毓賢為德兵行事與條約不符應請與德使理論事致總署電……………三四五

三五六、	山東巡撫毓賢爲籌辦高密路案善後事致曹榕等電	三四六
三五七、	膠州知州張承燮爲高密德兵撤回事致毓賢等電	三四六
三五八、	東字正軍後營管帶彭金山爲陳明高密大呂莊一案經過情形稟毓賢文	三四七
三五九、	山東巡撫毓賢爲高密德兵肆虐請電呂使交涉事致總署電	三四八
三六〇、	山東巡撫毓賢爲詳陳高密路案情形事咨總署文稿	三四九
三六一、	萊州府知府曹榕等爲陳明德兵佔領高密情形事稟毓賢文	三五〇
三六二、	高密縣知縣葛之覃爲陳明大呂莊聚衆拔標情形事稟毓賢文	三五二
三六三、	山東巡撫毓賢爲于文福等命案應與德國理論事致總署函	三五三
三六四、	萊州府知府曹榕等爲詳陳高密大呂莊一案始末事稟毓賢文	三五五
三六五、	山東巡撫毓賢爲高密案尚需增議補救事致張承燮等電	三五七
三六六、	山東巡撫毓賢爲已派營彈壓濟寧紅拳事致總署電	三五七
三六七、	山東巡撫毓賢爲飭卽查明濟寧大刀會鬧教事致汪望庚電	三五八
三六八、	署濟寧直隸州知州汪望庚爲並無大刀會圍困濟寧州事覆毓賢電	三五八
三六九、	山東巡撫毓賢爲並無大刀會圍困濟寧州事覆總署電	三五八
三七〇、	總署爲請以禮接待來省德員事致毓賢電	三五九
三七一、	山東巡撫毓賢爲出巡河工不能接見德員事覆總署電	三五九

- 三七二、山東巡撫毓賢為嘉祥紅拳會反教及並未庇護大刀會事咨呈總署文……………三六〇
- 三七三、山東巡撫毓賢為蘭山日照即墨各案應責德國賠償事咨呈總署文……………三六一
- 三七四、兩江總督劉坤一為刀會糾眾祈會同兜拿事致毓賢電……………三六七
- 三七五、山東巡撫毓賢為陳述濟寧拳會反教情形事致總署電……………三六七
- 三七六、總署為東撫出巡河工不能接見德員事致德使函……………三六八
- 附錄：德使克林德為請由東撫接見駐膠德員事致總署照會
- 三七七、山東巡撫毓賢為外來紅拳會首邵士宜來東聚眾事致劉坤一電……………三六八
- 三七八、總署為濟寧拳首附人民團已添兵彈壓事致德使函……………三七〇
- 附錄：德使克林德為濟寧並未平安應切實保護事致總署照會
- 三七九、高密紳民為慘遭浩劫懇請設法補救事稟文……………三七〇

光緒二十五年七月

- 三八〇、總署為德使詢問巡撫回省日期事致毓賢電……………三七五
- 附錄：德使克林德為請將東撫回省日期轉知事致總署函
- 三八一、總署為兗州府鬧教希飭保護事致毓賢電……………三七六
- 三八二、山東巡撫毓賢為陳述嘉祥教案交涉審理情形事咨呈總署文……………三七六
- 附件一：署濟寧直隸州知州汪望庚等呈嘉祥教案訊斷情形清摺

附件二：嘉祥縣知縣葉大可呈查驗教士報失情形清摺

- 三八三、山東巡撫毓賢為冠縣紅桃園一案賀墨林等監滿保釋事咨呈總署文……………三八九
- 三八四、山東巡撫毓賢為拿獲戕官杆夥訊明辦理請代奏事致總署電……………三九〇
- 三八五、署高密縣知縣季桂芬為陳明辦理高密拔標案善後各事稟毓賢文……………三九〇
- 三八六、山東巡撫毓賢為預定回省日期事覆總署電……………三九二
- 三八七、山東巡撫毓賢為濮州刀會聚眾已派隊查明辦理事覆裕祿電……………三九二
- 三八八、山東巡撫毓賢為飭查濮州刀會事致龍殿揚電……………三九三
- 三八九、山東巡撫毓賢為濟寧陳兆舉聚眾已飭嚴拿事致總署電……………三九四
- 三九〇、兗沂曹濟道彭虞孫等為已獲陳兆舉應如何懲辦事致毓賢電……………三九四
- 三九一、山東巡撫毓賢為著將陳兆舉查實正法事覆汪望庚等電……………三九四
- 三九二、山東巡撫毓賢為詳陳日照德兵槍斃民命事咨呈總署文……………三九五
- 三九三、兗沂曹濟道彭虞孫為曹縣刀會抗拒團丁事致毓賢電……………四〇二
- 三九四、總署為刀會圖害法教士希即保護事致張人駿電……………四〇二
- 附錄：法使畢盛為山東大刀會欲害教士請飭保護事致總署函……………
- 三九五、山東巡撫毓賢為兗屬拳會鬧教已飭彈壓事致總署函……………四〇三

光緒二十五年八月

三九六、	山東巡撫毓賢為飭查大刀會有無圍困濟寧教堂事致汪望庚電	四〇四
三九七、	山東巡撫毓賢為飭查大刀會有無圍困陽穀教堂事致葉汝源電	四〇四
三九八、	總署為已照會德使撫卹底洞莊莊民等事咨毓賢文	四〇四
三九九、	總署為濟南偏西聚眾鬧教希即飭查事致毓賢電	四〇五
四〇〇、	代理陽穀縣知縣陳榮倫為教堂事緊請速發隊事致毓賢電	四〇五
四〇一、	山東巡撫毓賢為飭查省西有無鬧教情形事致汪望庚電	四〇六
四〇二、	山東巡撫毓賢為省西教堂均各安靜事覆總署電	四〇六
四〇三、	總署為安治泰赴省希予接見事致毓賢電	四〇六
四〇四、	山東巡撫毓賢為濟寧一帶教民聚眾滋擾請咨德使交涉事致總署電	四〇七
四〇五、	署濟寧直隸州知州汪望庚為濟寧查無聚眾鬧教事覆毓賢電	四〇八
四〇六、	山東巡撫毓賢為已留馬隊駐兗屬事覆陳榮倫電	四〇八
四〇七、	直隸總督裕祿為德州聚眾將燒教堂希飭查明彈壓事致毓賢電	四〇八
四〇八、	直隸總督裕祿為德州城郊已有拆堂情事請速飭彈壓事致毓賢電	四〇九
四〇九、	總署為平原縣有無焚搶教堂情事希飭查明保護事致毓賢電	四〇九
附錄：	法使畢盛為山東平原縣焚搶教堂希即保護事致總署函	
四一〇、	山東巡撫毓賢為並未拒見教士事覆總署電	四一〇

四一一、山東巡撫毓賢爲著卽查明有無拆毀德州城郊教堂事致宋森蔭電	四一一
四一二、山東巡撫毓賢爲德州城郊教案已飭查辦事覆裕祿電	四一二
四一三、德州知州宋森蔭爲已派人往查並會營保護教堂事覆毓賢電	四一三
四一四、山東巡撫毓賢爲濟寧安甯並德州城郊教案已飭查覆事致總署電	四一四
四一五、山東巡撫毓賢爲已查明係平原董路口教民房屋被拆事覆總署電	四一五
四一六、山東巡撫毓賢爲已查明係平原董路口教民房屋被拆事覆裕祿電	四一六
四一七、直隸總督裕祿爲美領事請濟南撥兵保護恩縣教堂事致毓賢電	四一七
四一八、總署爲濟寧教民滋擾請飭總教士約束事致德使照會	四一八
附錄：德使克林德爲請東撫面見安治泰商結教案事致總署照會	
四一九、山東巡撫毓賢爲平原縣民教齟齬已隨時處理事覆總署電	四一九
四二〇、直隸總督裕祿爲美領事請東撫派兵赴平原縣彈壓事致毓賢電	四二〇
四二一、山東巡撫毓賢爲充濟教民滋擾請德使選派公正主教事咨呈總署文	四二一
四二二、山東巡撫毓賢爲平原縣民教訴訟業已了結事咨呈總署文	四二二
四二三、朝城縣知縣黃亮臣爲拳民來朝城縣鬧教請派隊彈壓事致毓賢電	四二三
四二四、山東巡撫毓賢爲飭卽撥隊赴朝城縣彈壓事致龍殿揚電	四二四
四二五、總署爲德使請東撫接見主教面商教案事致毓賢電	四二五

四二六、山東巡撫毓賢為安治泰晉省業已接見事覆總署電…………… 四二二

四二七、山東巡撫毓賢為平原縣民教口角業早了結事覆裕祿電…………… 四二三

四二八、兗沂曹濟道彭虞孫致總署某員函…………… 四二二

附件：兗沂曹濟道彭虞孫呈東省民教衝突始末及籌辦情形節略

四二九、莘縣知縣楊昭程為外來拳會聚眾乞定奪事致毓賢電…………… 四二五

四三〇、山東巡撫毓賢為飭派隊赴莘縣分別查辦事致龍殿揚電…………… 四二六

四三一、山東巡撫毓賢為已派隊赴莘縣彈壓保護事覆楊昭程電…………… 四二六

四三二、山東巡撫毓賢為平原縣教案已了與德州無涉事咨呈總署文…………… 四二六

四三三、山東巡撫毓賢為濟寧州並無大刀會鬧教事咨呈總署文…………… 四二八

光緒二十五年九月

四三四、山東巡撫毓賢為平原縣拳民歸入團練尚無尋仇事咨呈總署文…………… 四二九

四三五、總署為鈔送法使所開平原縣拳首名單事咨毓賢文…………… 四三一

附件一：法使畢盛為平原拳會毀教應即懲處事致總署照會

附件二：法使畢盛所開平原縣鬧教拳首名單

四三六、山東巡撫毓賢為德礦師游歷已飭保護事覆青島德督電…………… 四三三

附錄：青島德督葉世克為礦師游歷請飭保護事致毓賢電

四三七、總署爲法使迭函請於平原等縣彈壓保護事咨毓賢文……………	四三四
附錄一：法使畢盛爲請飭東撫於平原等縣保護事致總署函	
附錄二：法使畢盛爲在平縣等處刀會糾衆事致總署函	
附錄三：法使畢盛爲莘縣等處刀會蔓延事致總署函	
四三八、山東巡撫毓賢爲革令陳公亮袒教抑民實無可原事致總署函……………	四三六
附錄一：德使克林德爲陳公亮辦事認真被革應予復職事致總署函	
附錄二：德使克林德爲陳公亮被革一事應再加查看事致總署函	
四三九、署高密縣知縣季桂芬爲高密路標插竣事致毓賢等電……………	四三八
四四〇、山東巡撫毓賢爲福主教毆斃泰安縣民李二全事咨呈總署文……………	四三八
附件：泰安縣知縣朱鐘琪呈美國教士來函並所開李案兇手名單	
四四一、山東巡撫毓賢爲請商德使調換教士事咨呈總署文……………	四四一
四四二、山東巡撫毓賢爲章邱縣各教案業已妥爲斷理事咨呈總署文……………	四四三
附件：章邱縣知縣楊學淵呈縣屬各教案斷理情形清摺	
四四三、總署爲法使請東撫接見馬天恩面商教案事致毓賢電……………	四四五
四四四、總署爲德人毆斃山東泰安縣民李二全事致德使照會……………	四四五
附錄：德使克林德爲毆斃李二全一案應查有確據事致總署照會	

四四五、總署為莘縣教民被搶希飭保護事致毓賢電……………四四七

附錄：法使畢盛為莘縣教民被搶希即保護事致總署函

四四六、總署為鈔送法使所開平原縣拳首名單等事咨毓賢文……………四四八

附錄一：法使畢盛為開送平原縣拳首名單事致總署函

附錄二：法使畢盛為東省教案地方官推諉不辦事致總署函

四四七、直隸總督裕祿為美領事請東撫速派隊赴平原縣彈壓事致毓賢電……………四五〇

四四八、兩江總督劉坤一奏報山東刀會奔襲豐碭業已擊潰片……………四五〇

光緒二十五年十月

四四九、山東巡撫毓賢為平原縣拳會業已擊散事覆裕祿電……………四五二

四五〇、總署為李二全一案應照約嚴究兇手事致德使照會……………四五二

附錄：德使克林德為李二全一案應歸咎華人招禍事致總署照會

四五一、某京官奏為請飭毓賢妥善辦理山東教案事片……………四五六

四五二、山東巡撫毓賢為候袁世凱接印後即進京陛見事致總署電……………四五六

四五三、總署為希飭屬保護濟南府等處教堂事致毓賢電……………四五七

四五四、總署為法教士欲請東撫委員查核教案事咨毓賢文……………四五七

附件：法使畢盛為平原情形與東撫咨稱不符事致總署照會

四五五、	總署爲平原等縣拳會已彈壓擊散事致法使照會	四五九
四五六、	直隸總督裕祿爲美領事請派兵保護龐家莊教堂事致毓賢電	四六〇
四五七、	總署爲法使美使請保護平原等處教堂事致毓賢電	四六〇
四五八、	山東巡撫毓賢爲龐家莊教堂已派隊保護事覆裕祿電	四六〇
四五九、	山東巡撫毓賢爲飭查平原苗家嶺等處有無教案事致宋森蔭等電	四六一
四六〇、	德州知州宋森蔭爲禹城苗家林有鬧教情事事覆毓賢電	四六一
四六一、	總署爲法使又稱東省鬧教希查明事致毓賢電	四六一
四六二、	總署爲奉旨著孫金彪陛見事致毓賢電	四六二
四六三、	山東巡撫毓賢爲泰安命案已飭錄寄供詞事覆德領事電	四六二
附錄：	德領事爲請移交泰安一案供詞事致毓賢電	
四六四、	總署爲苗家嶺教案已飭確查事致法使照會	四六三
附錄：	法使畢盛爲苗家嶺焚燬教堂須辦理事致總署照會	
四六五、	山東巡撫毓賢爲苗家林鬧教已派隊彈壓事致總署電	四六四
四六六、	山東巡撫毓賢爲法使所稱教案已飭查明事覆總署電	四六四
四六七、	山東巡撫毓賢爲已派隊前往保護事覆美領事電	四六五
附錄：	美領事法勒爲大刀會反鬧希調兵事致毓賢電	

四六八、總署為奉旨著孫金彪即行來京事致毓賢電……………四六六

四六九、總署為在平等處教堂被燒希即彈壓辦理事致毓賢電……………四六六

四七〇、總署為濟南地面大刀會焚教堂希即防範事致毓賢電……………四六六

四七一、山東巡撫毓賢為在博鬧教已派吉道帶隊彈壓事覆總署電……………四六七

四七二、總署為希將在博鬧教詳情電知事致毓賢電……………四六七

四七三、山東巡撫毓賢為孫金彪已交代營務進京事致總署電……………四六八

四七四、總署為錄送平原等處教案來往照會事咨毓賢文……………四六八

附件一：法使畢盛為平原各案務須切實彈壓事致總署照會

附件二：總署為已將來照咨行東撫催辦事致法使照會

四七五、直隸總督裕祿為高唐州教民被搶希即查辦事致毓賢電……………四七〇

四七六、總署為美使稱東省不辦教案希即確查事致毓賢電……………四七〇

四七七、山東巡撫毓賢為拿獲朱紅燈暨丁家寺和尚事致總署電……………四七一

四七八、山東巡撫毓賢為飭查高唐州教民被搶事致宋森蔭電……………四七二

四七九、山東巡撫毓賢為請轉告美使勿輕聽教士之言事致總署電……………四七二

四八〇、山東巡撫毓賢為禹城教民轟斃拳民請告外使約束事致總署電……………四七二

四八一、直隸總督裕祿為已悉朱紅燈等就獲事覆毓賢電……………四七四

- 四八二、總署爲美使請兵彈壓濟臨等處紅拳會事致毓賢電……………四七四
- 四八三、山東巡撫毓賢爲飭卽督隊前往禹城彈壓事致林秀全電……………四七四
- 四八四、山東巡撫毓賢爲濟臨等處教案已分別飭查辦理事覆總署電……………四七五

光緒二十五年十一月

- 四八五、總署爲法使稱平原大刀會蔓延濟南務望彈壓事致毓賢電……………四七五
- 四八六、山東巡撫毓賢爲李葆珠到東已飭接防事致總署電……………四七六
- 四八七、總署爲安治泰擬遍行東省南境希飭屬保護事致毓賢電……………四七六
- 四八八、總署爲安治泰遍行東省南境已電知妥辦事致德使函……………四七七

附錄一：德使克林德爲安治泰擬遍行東省南境希飭保護事致總署照會

附錄二：德使克林德爲催辦安治泰去東省南境一事致總署函

- 四八九、總署爲應將兗州教堂舊基交安治泰建堂事致毓賢電……………四七八
- 四九〇、山東巡撫毓賢爲陳明濟東臨各屬拳會已解散請代奏事致總署電……………四七八
- 四九一、山東巡撫毓賢爲已派兗沂道與安主教妥商南境教案事覆總署電……………四七九
- 四九二、總署爲美使稱高唐州大亂希卽確查事致毓賢電……………四八〇
- 四九三、山東巡撫毓賢爲兗州建堂已函彭道辦理事覆總署電……………四八〇
- 四九四、山東巡撫毓賢爲已飭屬沿途保護教士專覆英領事電……………四八一

附錄：英領事為哥老大刀各會起事請保護遊歷教士事致毓賢電

四九五、山東巡撫毓賢為德兵所擾之鄉民業已救濟事致總署函……………四八一

四九六、總署為應將兗州教堂舊基交安治泰建堂事咨毓賢文……………四八二

附錄：德使克林德為索要兗州城內地基事致總署照會

四九七、總署為美使稱德州獻縣一帶鬧教希即查覆事致毓賢電……………四八四

四九八、山東巡撫毓賢為迎候接任事致袁世凱電……………四八四

四九九、陽穀縣知縣胡建樞為拳民拆毀教堂事致毓賢電……………四八四

五〇〇、陽穀縣知縣胡建樞為陳明撥隊保護縣境教堂情形事致毓賢電……………四八五

五〇一、兗沂曹濟道彭虞孫為已派隊赴陽穀縣保護教堂事致毓賢電……………四八五

五〇二、東字正軍後營管帶彭金山為擬派隊赴高密彈壓事致毓賢電……………四八六

五〇三、署高密縣知縣季桂芬為祈暫勿發兵來高密事致毓賢等電……………四八六

附錄：青島鐵路總公司錫樂巴為高民欲謀洋人即請派幹員調理事致毓賢電

五〇四、山東巡撫毓賢為陳明濟寧教民控報情形多屬不實事咨呈總署文……………四八七

附件：署濟寧直隸州知州汪望庚呈州屬教民被罰錢物情形清單(計兩件)

五〇五、山東巡撫毓賢奏為分別造報沂屬教案賠款事片……………四九四

五〇六、高唐州知州李恩祥稟報州屬各教案情形清摺……………四九五

光緒二十五年十二月

- 五〇七、東字正軍後營管帶彭金山等爲高密李金榜拆毀鐵路窩鋪事致袁世凱等電……………四九七
- 五〇八、署山東巡撫袁世凱爲卽調濰防隊赴高密彈壓事致季桂芬等電……………四九七
- 五〇九、署山東巡撫袁世凱爲奉旨著極力保護事致季桂芬等電……………四九八
- 五一〇、東字正軍後營管帶彭金山等爲已遵旨辦理高密路案事致袁世凱等電……………四九八
- 五一一、署山東巡撫袁世凱爲飭卽查明德督所謂界外爲何意事致季桂芬電……………四九九
- 五一二、署高密縣知縣季桂芬爲已下鄉宣讀諭旨具結免究事致袁電凱等電……………四九九
- 五一三、署高密縣知縣季桂芬爲民衆已解散等事致袁世凱等電……………四九九
- 五一四、東字正軍後營管帶彭金山等爲民衆欲鐵路改道或豁免錢糧事致袁世凱電……………五〇〇
- 五一五、東字正軍後營管帶彭金山爲高密張家大莊民衆開礮阻路事致袁世凱電……………五〇〇
- 五一六、署高密縣知縣季桂芬爲李金榜孫文等聚衆阻路事致袁世凱電……………五〇一
- 五一七、署山東巡撫袁世凱爲勸德暫緩開工設法解散民衆事覆彭金山等電……………五〇一
- 五一八、署山東巡撫袁世凱爲飭卽出示曉諭事致季桂芬電……………五〇二
- 五一九、署山東巡撫袁世凱爲已飭夏辛酉軍前赴高密等地事致季桂芬電……………五〇二
- 五二〇、署山東巡撫袁世凱爲總署飭卽嚴拏路案首要事致曹榕等電……………五〇三
- 五二一、萊州府知府曹榕等爲高密已成聚衆挾免錢糧之勢事致袁世凱等電……………五〇三

五二二、署山東巡撫袁世凱為著即出示並飭彭金山認真保護事覆曹榕電……………五〇四

五二三、署山東巡撫袁世凱為錄送處置教案示稿並清單事咨呈總署文……………五〇四

附件一：署山東巡撫袁世凱呈勸諭民教告示稿並通飭稿

附件二：署山東巡撫袁世凱呈濟東泰臨各屬教案清摺

五二四、萊州府知府曹榕等為高密縣民希冀進省具呈事致袁世凱等電……………五二八

五二五、署山東巡撫袁世凱為奉旨緝辦路案首要事致曹榕等電……………五二九

五二六、署山東巡撫袁世凱為給送示稿事致曹榕等電……………五二九

五二七、署高密縣知縣季桂芬為張家大莊又有聚眾等事致袁世凱等電……………五三〇

五二八、署山東巡撫袁世凱為限滿即將李金榜等革衿拏辦事致曹榕等電……………五三〇

五二九、署山東巡撫袁世凱為總署飭查高密路案緣由事致曹榕等電……………五三一

五三〇、萊州府知府曹榕等為誘獲李金榜並洋員傷人事致袁世凱等電……………五三一

五三一、署山東巡撫袁世凱為嘉獎彭金山等並飭解散餘眾事覆曹榕等電……………五三二

五三二、署高密縣知縣季桂芬為路案起因實係德人違約改道所致事致袁世凱電……………五三二

五三三、署高密縣知縣季桂芬為已令李金榜函告莊眾具結事致袁世凱電……………五三三

五三四、署高密縣知縣季桂芬為查明德人所傷鄉民情形事致袁世凱電……………五三三

五三五、長清縣知縣張瑞芬稟報縣屬各教案情形清摺……………五三四

光緒二十六年正月

五三六、署山東巡撫袁世凱為飭查高密路案起釁緣由事致曹榕等電……………五三六

五三七、署山東巡撫袁世凱為張家莊莊衆如具結解散即可免究事覆曹榕等電……………五三六

五三八、署山東巡撫袁世凱為請飭刑司會辦德員傷人事致青島德督電……………五三七

五三九、萊州府知府曹榕等為高密路案確係德人違約所致事覆袁世凱等電……………五三七

五四〇、署高密縣知縣季桂芬為已商調防營駐丈嶺等事致袁世凱等電……………五二八

五四一、署高密縣知縣季桂芬為德人修路違約查有確據事覆袁世凱電……………五二八

五四二、萊州府知府曹榕等為民衆圍攻南柳德公司事致袁世凱等電……………五二九

五四三、署山東巡撫袁世凱為飭赴高密籌結路案事致李希杰等電……………五三〇

五四四、漢中鎮總兵孫金彪等為遵卽偕往高密事覆袁世凱電……………五三〇

五四五、山東候補道姚釗為陳述與德員會談情形並請兵填紮事致袁世凱等電……………五三〇

五四六、萊州府知府曹榕為請添兵駐紮昌高交界事致袁世凱電……………五三一

五四七、署山東巡撫袁世凱為飭卽回省面商路案事覆姚釗電……………五三一

五四八、漢中鎮總兵孫金彪等為稟報抵高日期事致袁世凱電……………五三二

五四九、署山東巡撫袁世凱為指示商談路案機宜事致李希杰等電……………五三二

五五〇、訓導單蔭堂為高密鄉民堅求改路事致袁世凱等電……………五三三

五五一、署山東巡撫袁世凱為擬捐銀以助工息爭事覆單蔭堂電	五三三
五五二、登萊青道李希杰為擬飭營進紮張家大莊附近等事致袁世凱電	五三四
五五三、署高密縣知縣季桂芬為請由紳民自指路基與德妥商事致袁世凱電	五三四
五五四、著軍機大臣榮祿傳知廕昌前赴山東辦理交涉事上諭	五三五
五五五、署山東巡撫袁世凱為嚴辦南柳一案等事覆李希杰等電	五三五
五五六、署山東巡撫袁世凱為姑允紳民指道商辦並應慎重事覆季桂芬電	五三六
五五七、漢中鎮總兵孫金彪等為阻路首要孫成書已勸衆解散事致袁世凱電	五三六
五五八、登萊青道李希杰等為改道不易惟有重訂詳細章程事致袁世凱電	五三七
五五九、署高密縣知縣季桂芬為德公司實已屢次改道事致袁世凱電	五三七
五六〇、署山東巡撫袁世凱為飭卽認真解散民衆事覆孫金彪等電	五三八
五六一、漢中鎮總兵孫金彪等為民衆拆毀魯家廟德公司分局事致袁世凱電	五三八
五六二、署山東巡撫袁世凱為高密民衆如再攻掠卽相機鎮壓事致李希杰等電	五三九
五六三、署高密縣知縣季桂芬為陳述魯家廟案情形事致袁世凱電	五三九
五六四、署山東巡撫袁世凱為請照會德使勿遽派兵隊事致總署電	五四〇
五六五、署山東巡撫袁世凱為飭卽派員赴膠挽阻德兵事致李希杰等電	五四一
五六六、署山東巡撫袁世凱為德兵至膠飭卽嚴為彈壓民衆事致李希杰等電	五四一

五六七、	署山東巡撫袁世凱爲德兵抵膠望約束各營事致李希杰等電	五四二
五六八、	署山東巡撫袁世凱爲處分高密路案辦理不力各員事致曹榕等電	五四二
五六九、	署山東巡撫袁世凱爲總署飭查羅家廟公司被劫情形事致李希杰等電	五四二
五七〇、	漢中鎮總兵孫金彪等爲高密縣民欲毀路請添營防範事致袁世凱電	五四三
五七一、	漢中鎮總兵孫金彪爲飭部拏獲西鄉一帶毀路民衆事致袁世凱電	五四三
五七二、	漢中鎮總兵孫金彪等爲請示如何懲辦拏獲之滋事鄉民事致袁世凱電	五四四
五七三、	署山東巡撫袁世凱爲指示分別懲辦被拏鄉民事覆李希杰等電	五四四
五七四、	登萊青道李希杰等爲陳述德員來高查勘改道情形事致袁世凱電	五四五
五七五、	萊州府知府曹榕爲陳述抵膠禁阻德兵情形事致袁世凱電	五四五
五七六、	署山東巡撫袁世凱爲膠境安靜可允動工事覆曹榕電	五四六
五七七、	署山東巡撫袁世凱爲已飭夏辛酉撥營前往拏辦毀路民衆事覆李希杰等電	五四六
五七八、	署山東巡撫袁世凱爲所撥各隊到後可以調用事致李希杰等電	五四七
五七九、	漢中鎮總兵孫金彪等爲濠里各莊已具結解散等事致袁世凱電	五四七
五八〇、	訓導單蔭堂爲濠里各莊已具結事致袁世凱等電	五四八
五八一、	著直隸總督裕祿等嚴禁拳會並秉公辦理教案事上諭	五四八
附錄：	法使畢盛爲請降明諭剪除義和等會事致總署照會	

五八二、署山東巡撫袁世凱為傳達總署與德使談判情形事致李希杰等電……………五五〇

五八三、署山東巡撫袁世凱為已電德督陳述調兵高密緣由事致李希杰等電……………五五一

五八四、署山東巡撫袁世凱為飭即會辦德兵於膠州傷斃民命事致張承燮電……………五五一

五八五、膠州知州張承燮為德兵傷斃州民並將致德督電底呈閱事致袁世凱等電……………五五二

五八六、漢中鎮總兵孫金彪等為張家大莊礮擊德人已飭查拏事致袁世凱電……………五五三

五八七、署山東巡撫袁世凱為飭查被戕傷民人姓名等事覆張承燮電……………五五三

五八八、署山東巡撫袁世凱為飭即查拏孫文及張莊放礮之人事致李希杰等電……………五五四

五八九、漢中鎮總兵孫金彪等為已拿獲張家大莊放礮之人事覆袁世凱電……………五五四

五九〇、萊州府知府曹榕為高密紳民呈文懇求保全墳莊事致袁世凱電……………五五四

五九一、膠州知州張承燮為陳報會驗命案情形事覆袁世凱等電……………五五五

五九二、署山東巡撫袁世凱為指示會驗命案機宜事致張承燮電……………五五六

五九三、署高密縣知縣季桂芬為陳述張家大莊等莊民聚眾逐官事致袁世凱等電……………五五六

五九四、署山東巡撫袁世凱為申飭季桂芬電文矛盾並飭速結路案事致李希杰等電……………五五七

五九五、署山東巡撫袁世凱為轉飭高密紳民恪遵條約靜候核辦事致季桂芬電……………五五八

五九六、署高密縣知縣季桂芬為陳述路案起釁於城北改道緣由事致袁世凱電……………五五八

五九七、署高密縣知縣季桂芬為陳述各莊具結情形事致袁世凱電……………五五九

- 五九八、膠州知州張承燮爲呈送張桂祥等傷軍事致袁世凱等電……………五六〇
- 五九九、著甘肅提督董福祥毋庸回籍終制事上諭……………五六〇
- 六〇〇、署高密縣知縣季桂芬爲再陳張莊生變及平息情形事致袁世凱電……………五六一
- 六〇一、署山東巡撫袁世凱爲飭卽召回張莊逃衆並嚴拏孫文事致季桂芬電……………五六二
- 六〇二、登萊青道李希杰等爲據實陳明張莊等莊衆滋鬧情形事致袁世凱電……………五六二
- 六〇三、登萊青道李希杰等爲勘明鐵路佔地壓墳詳細情形事致袁世凱電……………五六三
- 六〇四、署高密縣知縣季桂芬爲續報各莊具結情形等事致袁世凱電……………五六五
- 六〇五、署高密縣知縣季桂芬爲陳述辦理張莊具結情形事致袁世凱電……………五六五
- 六〇六、漢中鎮總兵孫金彪等爲高密各莊安靜並已嚴拿孫文事致世凱電……………五六六

光緒二十六年二月

- 六〇七、署山東巡撫袁世凱爲德督電謂德兵未便遽撤事致李希杰等電……………五六六
- 六〇八、漢中鎮總兵孫金彪等爲濠里各莊具結並議定路址事致袁世凱電……………五六七
- 六〇九、署山東巡撫袁世凱爲撤銷高密路案疏防各員處分事致曹榕等電……………五六七
- 六一〇、署山東巡撫袁世凱爲准定期開工暨轉達駐膠德兵撤退事致曹榕等電……………五六八
- 六一一、萊州府知府曹榕等爲陳述德兵檢查張莊暨籌備開工等事致袁世凱電……………五六八
- 六一二、著山東巡撫毓賢調補晉撫袁世凱補授東撫等事上諭……………五六九

- 六一三、山東巡撫袁世凱奏請將疏防卜克斯案之肥城知縣等交部議處片……………五六九
- 六一四、山東巡撫袁世凱為分別懲辦李金榜等人事致曹榕等電……………五七〇
- 六一五、萊州府知府曹榕等為探聞孫文潛回已會商嚴拿事致袁世凱電……………五七一
- 六一六、著袁世凱認真辦理威海畫界暨高密路案等事上諭……………五七一
- 六一七、出使德國大臣呂海寰為山東教務事與安治泰問答錄……………五七二
- 六一八、山東巡撫袁世凱為與德員議定交涉路礦章程事咨呈總署文……………五七五

光緒二十六年三月

- 六一九、御史攀桂奏陳防俄管見摺……………五七八
- 六二〇、山東巡撫袁世凱奏報辦理高密路案情形暨進呈鐵路章程摺……………五八二
- 六二一、山東巡撫袁世凱為高密縣又復聚眾已派大員查辦事片……………五八六
- 六二二、總署為希飭查禁義和拳揭帖事致裕祿函……………五八七

光緒二十六年四月

- 六二三、山東巡撫袁世凱奏請飭調廕昌唐紹儀佐理洋務交涉摺……………五八七
- 六二四、著總署照會法使撤換駐滇領事等事上諭……………五八九
- 六二五、浙江按察使榮銓為遵批緝拿平陽縣鬧教之許阿雷事致洋務局移文……………五九〇

光緒二十六年五月

六二六、電局為京保綫已阻事致總辦電……………五九一

六二七、電局為長辛店綫已阻事致總辦電……………五九一

六二八、電局為所有電均被阻滯事致總辦電……………五九一

六二九、電局委員馮敷高為京保電阻事稟奕劻等文……………五九二

六三〇、電局委員馮敷高為拳民已至長辛店事稟奕劻等文……………五九二

六三一、著大學士榮祿設法彈壓解散拳民不得率行剿辦事上諭……………五九三

六三二、總署為礦師應暫緩赴晉事致英使函稿……………五九三

六三三、總署礦路局擬為中國即當修復盧漢路事致比使照會稿……………五九四

六三四、著協辦大學士剛毅前赴保定解散拳民並整頓軍紀等事上諭……………五九四

六三五、總署礦路局擬為從緩辦理晉省礦務事致英使照會稿……………五九五

六三六、著端郡王載漪管理總理各國事務衙門等事上諭……………五九六

六三七、著端郡王載漪隨時會商總署緊要事件事上諭……………五九六

六三八、御史許祐身奏請稽查京城地面解散拳民摺……………五九七

六三九、軍機處交片：著英年等於禁城解散拳民事上諭……………五九八

六四〇、著傳旨申飭裕祿事上諭……………五九八

六四一、著貝子奕謨等酌派營旗防護陵寢事上諭……………五九九

六四二、翰林院侍讀學士朱祖謀奏陳不可與各國開戰緣由並請速定大計摺……………五九九

六四三、總署俄國股擬為請飭保護俄商事致察哈爾都統咨文稿……………六〇一

六四四、著協辦大學士剛毅等迅速回京事上諭……………六〇二

六四五、著將步軍統領崇禮等交部議處並著嚴拏焚堂各首要事上諭……………六〇二

六四六、著浙江提督馬玉崑率部星夜赴京事上諭……………六〇二

六四七、著直隸總督裕祿招集義勇編成隊伍事上諭……………六〇三

六四八、著浙江提督馬玉崑迅速來京毋再刻延事上諭……………六〇三

六四九、著湖北提督張春發等率部迅即赴京事上諭……………六〇三

六五〇、著大學士徐桐等與奕劻載漪並軍機大臣會商一切事宜事上諭……………六〇四

六五一、著步軍統領衙門等穩定行市事上諭……………六〇四

六五二、著浙江提督馬玉崑等兼程北上事上諭……………六〇五

六五三、泊頭局為拳民人局毀壞機器等事致各局電……………六〇五

六五四、太僕寺卿印啟奏請於京城嚴查保甲摺……………六〇六

六五五、著順天府等添設平糶局事上諭……………六〇七

六五六、著莊親王載勛補授步軍統領事上諭……………六〇七

六五七、著將錫伯領隊大臣桂斌等由載勛差遣委用事上諭……………六〇七

六五八、	泰寧鎮總兵準良奏陳挽救時局之計三則摺	六〇八
六五九、	泰寧鎮總兵準良奏請照會各國廣議通商而概絕傳教片	六〇九
六六〇、	泰寧鎮總兵準良奏請分派妥員赴團諭令拳民解散片	六一〇
六六一、	泰寧鎮總兵準良奏請飭令整頓軍紀片	六一〇
六六二、	著副都統富順迅速赴山海關任所事上諭	六一一
六六三、	著戶部劄放粳米交剛毅分給團民食用事上諭	六一一
六六四、	閩浙總督許應騤奏爲請將時局實在情形宣諭咸知並籌防閩疆事片	六一二
六六五、	著伊犁將軍長庚飛飭馬亮迅速來京事上諭	六一三
六六六、	著湖廣總督張之洞等選將率營來京事上諭	六一三
六六七、	著湖南巡撫俞廉三選將管帶營旗來京事上諭	六一三
六六八、	御史攀桂奏陳改義和團爲神武軍藉爲臂助摺	六一四
六六九、	著署陝甘總督魏光燾飭令馬安良率營兼程來京事上諭	六一五
六七〇、	著賞給在京出力各營並義和團民銀兩事懿旨	六一五
六七一、	著賞給天津在事各軍及團民銀兩事懿旨	六一六
六七二、	著賞給武衛左軍銀兩事懿旨	六一六
六七三、	著賞給驍騎營並護軍銀兩事懿旨	六一六

- 六七四、山東巡撫袁世凱奏為籌款募兵請飭部立案事片…………… 六七
- 六七五、坎字老團大師兄德通知…………… 六一八
- 六七六、著浙江提督馬玉崑卽刻赴援天津事上諭…………… 六一八
- 六七七、莊親王載勛等為已派團民駐守總署事致軍機處函…………… 六一九

光緒二十六年六月

- 六七八、著晉昌補授盛京副都統並幫辦奉天軍務事上諭…………… 六一九
- 六七九、著步軍統領傳諭掩埋教民屍骸事上諭…………… 六一九
- 六八〇、革職留任浙江巡撫劉樹棠為日領事電稱聯軍進兵意圖事致洋務局札…………… 六二〇
- 六八一、漕運總督松椿奏為添募漕標新軍四營並請撥餉銀事摺…………… 六二〇
- 六八二、理藩院為暫借雍和宮辦公一摺已奉硃批事知照內務府文…………… 六二二
- 六八三、浙江按察使榮銓為遵批飭拿黃岩教案首要等事致洋務局移文…………… 六二二
- 六八四、著漕運總督松椿等趕緊疏通運河以資糧運事上諭…………… 六二四
- 六八五、著載瀾補授右翼總兵事上諭…………… 六二四
- 六八六、山西巡撫毓賢奏請召劉永福等捍衛京師片…………… 六二四
- 六八七、著直隸總督裕祿嚴飭各州縣挖壕築壘禁阻洋兵來路事上諭…………… 六二五
- 六八八、著湖北提督張春發等面商廷雍剿辦保定一帶滋事教民事上諭…………… 六二五

六八九、著四川總督奎俊察看奏覆余蠻子可否錄用事上諭	六二六
六九〇、江蘇巡撫鹿傳霖奏覆蘇省不宜招團已與各國約定兩不相擾摺	六二六
六九一、著四川提督宋慶與裕祿會商戰守事宜事上諭	六二八
六九二、貝勒載溘奏陳禦敵管見摺	六二八
六九三、大學士崑岡等奏爲據呈代奏翰林院編修趙炳麟敬陳管見事摺	六二九
附件：翰林院編修趙炳麟爲敬陳禦敵管見呈請代奏事文	
六九四、著各督撫催營北上並著廷杰卽轉行各省事上諭	六三四
六九五、倉場侍郎劉恩溥奏請派令大員督辦通州防務摺	六三四
六九六、著兩江總督劉坤一等疏通運河趕運漕米事上諭	六三五
六九七、著直隸總督裕祿等趕運並保護在津漕米事上諭	六三六
六九八、莊親王載勛等奏陳遵辦京師城守情形摺	六三六
六九九、著莊親王載勛等詳細籌畫城守事宜並剖析覆奏事上諭	六三七
七〇〇、岳常澧道顏鍾驥爲陳明防護教堂情形稟俞廉三文	六三八
七〇一、著直隸總督裕祿奏覆海口防守情形事上諭	六三九
七〇二、廣西巡撫黃槐森奏請堅定開戰片	六四〇
七〇三、著派清銳等充義和團練大臣會同增祺等認真辦理事上諭	六四一

七〇四、著廷雍補授直隸布政使事上諭…………… 六四二

七〇五、莊親王載勛等奏為拿獲副都統慶恒及其差役請旨辦理事摺…………… 六四二

附件：慶恒之差役王德山等人供單

七〇六、著將副都統慶恒之差役王德山董貴交刑部嚴行審訊事上諭…………… 六四三

七〇七、直隸總督裕祿等奏請將臨陣退縮業已正法之副將銜參將管治興革職片…………… 六四四

七〇八、江蘇巡撫鹿傳霖奏為應解京餉道路梗阻擬由京商借事摺…………… 六四四

七〇九、江蘇巡撫鹿傳霖奏為遵旨帶兵北上並於清江設立糧臺事片…………… 六四六

七一〇、江蘇巡撫鹿傳霖奏為添設太湖水師以資巡緝事片…………… 六四六

七一一、江蘇巡撫鹿傳霖奏為增發太湖水師口糧事片…………… 六四七

七一二、著派成勳等充吉林義和團練大臣並著壽山籌辦統帶黑龍江團民事上諭…………… 六四八

七二三、海門總兵為黃巖縣打教已飭剿辦事咨報洋務局文…………… 六四八

七二四、著山東巡撫袁世凱飭馬金敘赴津並著裕祿飭范天貴返津事上諭…………… 六五〇

七二五、著統率王大臣查明慶恒至死一案並淘汰偽義和團事上諭…………… 六五〇

七二六、著各部院懲戒告假及私自出京各員事上諭…………… 六五一

七二七、軍機處交片：著刑部內務府處治張廷錫等白蓮教犯事上諭…………… 六五一

附件一：莊親王載勛等奏報拿獲張廷錫等白蓮教犯請旨治罪摺

附件二：張廷錫等供單（計三件）

附件三：起獲道書刀械清單

- 七一八、綏遠城將軍永德等奏請飭下晉撫查明寧遠廳官有無賄縱情形片……………六七一
- 七一九、雲南巡撫丁振鐸奏報法員估運軍火激成教案及前後辦理情形摺……………六七二
- 七二〇、工部尚書松淮等奏覆遵旨協同團民防衛京師火藥局情形摺……………六七九
- 七二一、御史攀桂奏請飭下馬玉崑協同團民限期奪回大沽口片……………六八〇
- 七二二、山西巡撫毓賢奏請裁撤武備學堂將所省經費充作兵團餉需片……………六八一
- 七二三、著五臺山僧人普濟禦擊到津敵船事上諭……………六八一
- 七二四、杭州通商場理事局委員陳鼎為遵札出示保護日本商民事申浙江洋務局文……………六八二
- 七二五、國子監助教李永鎮為敬陳築造地營禦敵之法事呈文……………六八三
- 七二六、著趙舒翹等飭屬與李永鎮商酌趕造地營事上諭……………六八四
- 七二七、閩浙總督許應駉奏為閩省不宜招集義團事片……………六八五
- 七二八、大學士崑岡等奏為據呈代奏翰林院修撰夏同龢請募苗兵事摺……………六八五
- 附件：夏同龢為請自行籌餉召募苗兵事呈請代奏呈
- 七二九、吉林將軍長順奏請收撫唐殿榮楊毓林一股以資防邊片……………六八八
- 七三〇、著吉林將軍長順等認真籌邊並著將唐殿榮等留營效力事上諭……………六八九

七三一、刑部尚書貴恒奏請明降諭旨宣示決戰摺……………六九〇

七三二、山東巡撫袁世凱奏為代奏伍廷芳電達美國政府聲明事摺……………六九一

七三三、督辦鐵路大臣盛宣懷奏覆盧漢路款無可撥充兵餉摺……………六九二

七三四、軍機處交片：著刑部內務府處治劉福順等白蓮教犯事上諭……………六九四

附件一：莊親王載勛等奏報續獲劉福順等白蓮教犯請旨治罪摺

附件二：劉福順等供單（計二件）

附件三：起獲經咒單

附件四：起獲什物單

七三五、刑部為奏准拿獲教民毋庸解部事咨內務府文……………七〇四

附件：刑部奏請拿獲教民即交義和團王大臣毋庸解部片

七三六、翰林院為洋兵佔踞衙署暫移祖家街辦公事行內務府片……………七〇五

七三七、盛京副都統晉昌奏請添募兵勇書差片……………七〇六

七三八、莊親王載勛為奏陳布置義和團務一摺已奉旨事咨內務府文……………七〇六

附件：莊親王載勛等奏陳布置義和團務大概情形摺

七三九、浙江布政使惲祖翼為遵批即飭營縣保護教堂事移洋務局文……………七〇九

七四〇、革職留任浙江巡撫劉樹棠為頒發保護各國商教曉諭事札洋務局文……………七一〇

附件：兩江總督劉坤一保護各國商教曉諭

- 七四一、著獎賞大學士榮祿事懿旨……………九二一
七四二、山西巡撫毓賢奏請飭令總兵劉光才迅赴大同鎮本任以固嚴疆摺……………七二一
七四三、醇親王府問吉凶乩語……………七二二

光緒二十六年七月

- 七四四、著獎賞欽差大臣李秉衡事懿旨……………七二五
七四五、山東巡撫袁世凱奏爲代呈伍廷芳電送美國總統覆書事摺……………七二五
七四六、山東巡撫袁世凱奏陳排難解紛宜由美國人手片……………七二六
七四七、泰寧鎮總兵準良奏報拿獲假冒義和團詐財之張玉山訊明正法摺……………七二七
七四八、戶部尚書崇綺等奏覆遵旨攤派各省應解直隸軍餉緣由摺……………七二七
七四九、山東巡撫袁世凱奏覆遵旨撥解東省軍械赴京摺……………七二九
七五〇、綏遠城將軍永德等奏爲分隊扼要布防並先行借款發餉事摺……………七三〇
七五一、總督倉場戶部右侍郎長萃奏爲遵旨將通倉米石撥給軍需事摺……………七三四
七五二、總督倉場戶部右侍郎長萃奏請飭下戶部等早籌的款以資團民軍需片……………七三五
七五三、刑部爲刻即將韓清温等白蓮教犯送部事行步軍統領衙門片……………七三六
七五四、著各省將軍督撫保護電綫事上諭……………七三七

七五五、莊親王載勛奏為訪獲在逃職官據實糾參事摺……………七二七

七五六、會辦商務大臣盛宣懷為轉交英總領事電文事致總署電……………七二八

七五七、著直隸布政使廷雍暫護直隸總督事上諭……………七二八

七五八、總署收袁世凱轉煙台德領事致北京德使電……………七二九

七五九、著江蘇巡撫鹿傳霖所部留駐保定並助剿事上諭……………七二九

七六〇、著各王公大臣分別留京留守隨扈署缺事上諭(空檔)……………七三〇

七六一、著大學士榮祿等激勵官兵奮勇立功事懿旨……………七三二

七六二、著獎賞甘肅提督董福祥事懿旨……………七三三

七六三、著協辦大學士剛毅幫辦武衛軍事務事上諭……………七三三

七六四、安徽巡撫王之春奏為續撥司庫款項以為增兵設防之需事摺……………七三三

七六五、著各省督撫飛飭各軍迅即援京事上諭……………七三六

七六六、著兩江總督劉坤一於江南等省多買糧食運京事上諭……………七三六

七六七、委散秩大臣錫光奏陳接濟團民管見摺……………七三七

七六八、兩江總督劉坤一奏請仍准劉光才駐紮江寧緩赴山西本任片……………七三八

七六九、吉林將軍長順等奏請撤去義和二字專辦團練摺……………七三九

七七〇、著護理直隸總督廷雍傳諭各省將京餉解至保定以接濟行在事上諭……………七四一

七七二、軍機處交片：著宣化總兵何乘鰲分別收編資遣散勇事上諭	七四二
七七二、著馬玉崑節制孫萬林等軍分紮後路事上諭	七四二
七七三、著賞給甘肅布政使岑春煊以頭品頂戴事上諭	七四三
七七四、著懷來縣知縣吳永以知府留省候補先換頂戴事上諭	七四三

光緒二十六年八月

七七五、護理陝西巡撫端方奏為遵旨安置教士教民事片	七四四
七七六、軍機處交片：著隨扈及留防各軍造具清冊以備查驗事上諭	七四五
七七七、著授端郡王載漪為軍機大臣事上諭	七四六
七七八、著載瀾補授御前大臣事上諭	七四六
七七九、著大學士榮祿統籌兼顧力修戰守事上諭	七四六
七八〇、署兩廣總督德壽為請代奏派兵解餉並地方情形事致李廷簫等電	七四七
七八一、護理直隸總督布政使廷雍奏為鑾輿西巡專陳敬慰事摺	七四八
七八二、著大學士榮祿仍坐鎮保定調度各軍事上諭	七四九
七八三、著開去端郡王載漪御前大臣差使事上諭	七五〇
七八四、軍機處奏為遵擬王貝勒等津貼數目事摺	七五〇
七八五、山西巡撫毓賢奏請將湖北京餉江蘇漕糧轉運人晉摺	七五一

七八六、	著痛加剷除義和團上諭……………	七五三
七八七、	護理直隸總督布政使廷雍存抄李鴻章劉坤一為議和事來電(計三件)……………	七五三
七八八、	護理直隸總督布政使廷雍為議和事致李鴻章劉坤一去電彙抄(計四件)……………	七五四
七八九、	著甘肅提督董福祥仍節制甘軍扼要駐紮事上諭……………	七五六
七九〇、	著將黑龍江將軍壽山開缺聽候查辦事上諭……………	七五六
七九一、	著將盛京副都統晉昌開缺聽候查辦事上諭……………	七五六
七九二、	護理陝西巡撫端方呈長庚奏請見駕事電稿……………	七五七
七九三、	署天津知府林福彭為奉札嚴禁拳民聚眾事致各屬札並頒曉諭稿……………	七五八
七九四、	署天津知府林福彭為請商調營兵剿辦拳民事稟方恭釗文稿……………	七五九
七九五、	步軍統領敬信奏報聯軍佔踞京城各旗營衙署大概情形摺……………	七六一
七九六、	護理山西巡撫布政使李廷簫奏為據情代奏劉坤一請調武衛先鋒兩軍事摺……………	七六一
七九七、	著兩江總督劉坤一節制張春發陳澤霖兩軍事上諭……………	七六二
七九八、	兩廣總督鹿傳霖奏請早赴西安建立新都以定大計摺……………	七六二
七九九、	護理直隸總督布政使廷雍奏為保定添募新軍請飭部立案事摺……………	七六四
八〇〇、	護理直隸總督布政使廷雍奏為已將淮軍右翼等潰軍補募成營飭剿拳民事片……………	七六五
八〇一、	御史彭述奏請遷都長安而暫緩啟鑾摺……………	七六六

八〇二、察哈爾都統奎順等爲已飭保護口外教士事呈奕劻文……………七七七

光緒二十六年閏八月

八〇三、著將山西巡撫毓賢開缺另候簡用等事上諭……………七六八

八〇四、開缺山西巡撫毓賢奏請將萬本華一軍調回山西或飭赴張家口駐劄摺……………七六八

八〇五、尚書鹿傳霖奏爲編修王廷相於前敵投河請旨優卹事片……………七七〇

八〇六、天津府錄存道員方恭釗爲奉札成立轉運總局事致各府札……………七七二

八〇七、著山西巡撫錫良察看萬本華一軍能否勝任事上諭……………七七二

八〇八、軍機處交片：著載漪載勛隨扈事上諭……………七七二

八〇九、軍機處交片：著馬玉崑等定期拔隊隨扈事上諭……………七七二

八一〇、大學士榮祿奏爲遵旨裁兵騰餉以資董福祥添營事摺……………七七三

八一〇、喀什噶爾提督余虎恩奏報營伍攻退情形及請旨如何行止摺……………七七五

八一〇、署天津知府林福彭爲奉札禁止偷砍堤柳電線事轉行滄州等州縣札……………七七六

八一三、出使日本國大臣李盛鐸爲直陳和議辦法事致行在軍機處電……………七七七

八一四、山西介休縣義和團頭目郭敦源供詞……………七七九

八一五、兩江總督劉坤一等奏請將董福祥交部議處罷其兵柄摺……………七七九

八一六、兩江總督劉坤一等奏請相機查辦董福祥片……………七八一

八一七、慶親王奕劻為收到德國皇帝國電事電奏…………… 七八二

八一八、倉場侍郎長萃奏陳通州失守奏報遲延緣由摺…………… 七八三

八一九、倉場侍郎長萃等奏報洋兵佔踞京通各倉情形摺…………… 七八四

八二〇、慶親王奕劻等為各國請懲禍首事致行在軍機處電…………… 七八四

八二一、大學士崑岡等代奏啓秀呈請賞假穿孝事摺…………… 七八五

八二二、大學士崑岡等代奏御史陳應禧等奏請回鑾事摺…………… 七八六

附件：御史陳應禧等奏請早日回鑾摺……………

八二三、山東巡撫袁世凱代奏紳士等呈請旌卹王懿榮事摺…………… 七八八

八二四、東陵承辦事務壽全等奏報官兵搜捕拳民時陵寢祭器被盜片…………… 七八九

八二五、雲南巡撫丁振鐸奏報議結省城英國教案並護送教士出境情形片…………… 七九〇

八二六、滄州紳商為請免知州商作霖撤任處分事稟方恭釗文…………… 七九二

附件：滄州紳商呈各捐款及拳民賠款數目收支清單……………

八二七、大學士崑岡等奏為克林德及杉山彬祭禮尚待商酌事摺…………… 七九八

八二八、察哈爾都統奎順等為查明張家口廳教士平安事呈奕劻文…………… 七九九

八二九、陝西巡撫岑春煊奏請飭下統兵大臣約束兵勇保護教堂片…………… 八〇三

八三〇、著陝西地方官認真保護教堂事上諭…………… 八〇三

八三一、大學士崑岡等奏爲黃思永前被莊王府團民收禁現應如何辦理事摺……………八〇三
八三二、署天津知府林福彭爲統計各屬秋禾實收分數事申方恭釗文……………八〇四

光緒二十六年九月

八三三、督辦鐵路大臣盛宣懷奏請分別籌修北省拆毀桿線辦法緣由摺……………八〇五
八三四、兵部尚書兼理順天府尹事務徐會灃等奏報懷柔義和團戕官劫獄及調兵剿辦情形摺……………八〇七
八三五、大學士榮祿奏覆遵旨移交武衛中軍隊伍摺……………八〇九
八三六、軍機處交片：隨扈之王公以下各員每月津貼銀兩清單……………八一〇
八三七、御史劉家模奏請酌留行在衛兵收合餘軍北上保衛畿疆摺……………八一一
八三八、著追贈王懿榮事上諭……………八一三
八三九、著戶部撥銀資濟陝庫事上諭……………八一三
八四〇、著兩江總督劉坤一等整頓裁撤張春發陳澤霖兩軍事上諭……………八一四
八四一、著甘肅提督董福祥裁併所部事上諭……………八一四
八四二、兵部尚書兼理順天府尹事務徐會灃等奏爲據情代奏順天府紳民呈請回鑾事摺……………八一五
八四三、大學士崑岡等奏爲呈報在京各員及家屬殉難清單事摺……………八一六
附件：大學士崑岡等呈報在京文武各員及家屬殉難情形清單
八四四、大學士崑岡等奏爲呈遞前吉林將軍延茂遺摺片……………八二〇

附件：前任吉林將軍延茂遺摺

八四五、山東巡撫袁世凱奏報濟陽縣孫玉龍起事戕官並請將縣令革職片……………八三一

八四六、著雲貴總督崧蕃等和平辦理交涉並保護教士教民事上諭……………八三三

八四七、著直隸總督李鴻章飭屬剿辦懷柔縣戕官劫獄之餘衆事上諭……………八三三

八四八、新疆巡撫饒應祺奏報俄領事調隊運礮入卡未使用兵力阻摺……………八三四

八四九、順天府爲霸州地糧等銀被德兵搶劫事咨內務府文……………八二六

附件：署霸州知州呈德兵搶去各項銀兩清單

八五〇、陝西巡撫岑春煊奏請將毓賢升允發往新疆以杜外人藉口摺……………八二八

八五一、著陝西巡撫岑春煊派員將毓賢解晉並著錫良擇地看管事上諭……………八二九

八五二、福建陸路提督程文炳奏報洋兵節節進佔保定正定等城情形片……………八三〇

八五三、科布多參贊大臣瑞洵等奏報卡倫添來俄兵現已撤回片……………八三一

八五四、直隸總督李鴻章等奏報收復懷柔縣城並請撫卹懲革各該官員摺……………八三二

八五五、直隸總督李鴻章等奏請將被團民戕殺之典史王文煥交部議卹片……………八三四

八五六、太常寺少卿王培佑等奏報查明太廟大概情形摺……………八三四

八五七、著甘肅提督董福祥仍歸足二十五營並統領武衛中軍馬隊等事上諭……………八三五

八五八、慶親王奕劻等爲迅卽護送教士事咨錫良文……………八三六

附件：英使薩道義爲請飭護送晉省教士事致奕劻等照會

八五九、大學士崑岡等奏爲據情代奏副都統奕功闔家殉節事摺……………八三七

八六〇、開缺盛京副都統晉昌奏報增祺忽返省城人心疑慮摺……………八三八

八六一、東陵承辦事務壽全等奏報洋兵至馬蘭峪巡查及退出情形摺……………八三九

八六二、東陵承辦事務壽全等奏爲輔國公光裕墜井身死並代遞遺摺事摺……………八四〇

附件：輔國公光裕遺摺

八六三、東陵承辦事務壽全等奏請簡派守護大員片……………八四二

八六四、張守炎庚子六月至九月致吳重熹函十二件……………八四三

光緒二十六年十月

八六五、著照准甘肅提督董福祥奏覆裁營一摺事上諭……………八六〇

八六六、察哈爾都統奎順等奏報洋兵到境辦理情形並請破格擢用沈敦和摺……………八六〇

八六七、總署爲晉省教士業已供給保護事致英使函稿……………八六二

八六八、福建陸路提督程文炳奏爲遵旨更換統將並督軍進扼漳河事摺……………八六二

八六九、鴻臚寺爲暫設公所於正覺寺內事行內務府片……………八六四

八七〇、吉林將軍長順奏爲伯都訥廳官出走致獄署被劫請旨革職緣由摺……………八六五

八七一、光祿寺爲暫設公所於地安門外事行內務府片……………八六六

八七二、大學士崑岡等奏為第二次呈報在京各員及家屬殉難清單事摺……………八六七

附件一：大學士崑岡等第二次呈報在京各員及家屬殉難情形清單

附件二：正紅旗滿洲都統衙門咨報官員家屬殉難情形清單

八七三、天津府錄存方恭釗為奉批嘉獎官員事致各府札……………八七三

附件：天津兵備道方恭釗為剿辦拳民保獎官員事稟李鴻章文

八七四、開缺盛京副都統晉昌奏劾增祺預欲讓出省城與俄通和片……………八七四

八七五、開缺盛京副都統晉昌奏為留集兵隊十營用備將來事片……………八七六

八七六、工部為在柏林寺內設立公所事知照內務府文……………八七六

光緒二十六年十一月

八七七、興京副都統靈熙為呈送增祺來函事咨軍機處文……………八七七

附件：盛京將軍增祺為和議將成請將所部裁留引避事致靈熙函

八七八、西陵守護大臣奕謨等奏覆法兵似欲久踞慕陵及易州情勢摺……………八七八

八七九、東陵承辦事務壽全等奏報德兵入境旋即西行情形摺……………八七九

八八〇、直隸總督李鴻章奏參永平府縱容團民之文武各員摺……………八八〇

八八一、署天津知府林福彭為奉札由地方官秉公辦理教案事轉行各屬札……………八八一

八八二、雲南提督馮子材奏為遵旨就餉練兵擬募勁旅萬人緣由摺……………八八三

八八三、雲南提督馮子材奏報練兵籌餉大概情形片……………	八八四
八八四、雲南巡撫丁振鐸奏爲續陳滇省教案大概情形以備覈議事摺……………	八八五
附件：雲南省城內外各教案簡由清單	
八八五、直隸總督李鴻章奏爲酌定天津口岸俄國租界事摺……………	八九〇
附件：天津俄國租界條款清單	
八八六、察哈爾都統奎順等爲法主教請辦歸化等處教案事咨呈李鴻章文……………	八八六
八八七、太醫院爲暫設公所於內東華門大街事行內務府片……………	八八七
八八八、兵部尚書裕德等奏爲遵旨議卹殉難陣亡及病故文武各員事摺……………	八八八
八八九、天津府錄存方恭釗爲奉札開辦天津俄國租界事札……………	八八九
附件一：天津府錄存俄使爲天津租界事致李鴻章照會稿	
附件二：天津府錄存李鴻章爲天津租界事致俄使照會稿	
八九〇、天津府錄存方恭釗爲奉札緝拿逃弁事致各府札……………	八九〇
八九一、著將永平府知府重煥等革職事上諭……………	八九一
八九二、都察院爲設立公所於西長安門外事行內務府片……………	八九二
八九三、大學士崑岡等奏爲第三次呈報在京各員及家屬殉難清單事摺……………	八九三
附件：大學士崑岡第三次呈報在京各員及家屬殉難情形清單	

八九四、大學士崑岡等奏為代遞懷塔布遺摺事摺……………九〇六

附件：理藩院尚書懷塔布遺摺

八九五、大學士崑岡等奏覆查明黃思永徐致靖等官犯情形請旨辦理摺……………九〇八

八九六、大學士崑岡等奏報官犯龔熙嶼等具呈投案未能監禁緣由片……………九〇九

八九七、著岑春煊整頓營紀事上諭……………九一〇

八九八、前營管帶宗壽為陳述防禦洋兵軍情事稟俞廉三文……………九一一

光緒二十六年十二月

八九九、兵部尚書兼理順天府尹事務徐會灃等奏請飭下各督撫速解京師備荒經費摺……………九一二

九〇〇、大學士榮祿等奏為遵旨議定增祺革職處分事摺……………九一四

九〇一、步軍統領敬信等奏報查明衙署損失情形摺……………九一五

九〇二、署工部尚書鹿傳霖等奏為代呈學習主事夏震武條陳事摺……………九一六

附件：工部學習主事夏震武奏請逮治增祺周冕並自請赴俄交涉摺

九〇三、慶親王奕劻等為各國未允停戰並法欲進廣昌事致行在軍機處電……………九一九

附錄：法使為中國應撤退獲鹿至長城兵隊事致奕劻照會

九〇四、刑部尚書貴恒等奏為續陳刑部大概情形事摺……………九二一

九〇五、刑部尚書貴恒等奏為將京城盜犯照咸豐三年章程就地正法事片……………九二二

九〇六、著各省文武大員切實保護入境之洋人事上諭……………	九三三
九〇七、著嚴行申斥夏震武上諭……………	九三四
九〇八、錦州副都統承順爲俄兵佔據錦州各衙署擄去關防等事呈內務府文……………	九三四
九〇九、錦州副都統承順爲時局維艱請緩納內庫差銀事呈內務府文……………	九三五
九一〇、大學士崑岡等奏爲代奏東北蒙古情形事摺……………	九三六
九一一、天津府錄存方恭釗爲奉札緝拿逃員裴敏中事轉行各屬札……………	九三九
九一二、軍機處擬爲請酌減賠款數目寬定年限事致各國國書稿……………	九三〇
九一三、軍機大臣榮祿等奏爲酌改所呈銷除矯旨上諭緣由事摺……………	九三一
九一四、醇親王載灃與日本軍曹軍醫筆談錄……………	九三一

下冊目錄

光緒二十七年正月

- 九一五、山東巡撫袁世凱爲已飭何永盛部移紮大名事致行在軍機處電……………九三五
- 九一六、護理陝甘總督甘肅布政使何福堃奏覆已遵旨將毓賢正法片……………九三五
- 九一七、河南巡撫于蔭霖奏請將南陽知縣袁福齡革職片……………九三六
- 九一八、四川提督宋慶等奏覆武衛左軍礙難分撥情形摺……………九三七
- 九一九、山西巡撫錫良奏請將應州知州李恕等五員卽行革職片……………九三九
- 九二〇、天津府錄存方恭釗爲奉札轉行抄片事札……………九四〇
- 附件：天津府存聶緝槩奏爲天津開仗漕糧不克兌運事片稿
- 九二一、陝西巡撫岑春煊奏陳俄人要索東三省萬不可從摺……………九四二
- 九二二、陝西巡撫岑春煊奏陳先嚴晉豫之守以速和局片……………九四四
- 九二三、河南巡撫于蔭霖奏請截留過境京餉以濟回鑾供支摺……………九四六
- 九二四、署浙江巡撫余聯沅爲飭移盛宣懷送到衢州教案摺稿事致洋務局札……………九四七
- 附件一：會辦商務大臣盛宣懷爲陳明衢州教案交涉情形事致行在軍機處電……………九四八

附件二：著慶親王奕劻等與英使剖明衢州教案情形從速了結事上諭……………九四九

附件三：署理浙江巡撫余聯沅等為訊明英使單開案犯事咨呈奕劻等文……………九四九

附件四：署理浙江巡撫余聯沅等為續送衢州教案供摺事咨呈奕劻等文……………九五二

九二五、浙江布政使榮銓為遵批卽飭温州知府賠給教堂銀兩事致洋務局移文……………九五二

附錄：英駐福州領事為向温州知府罰償事致許應騏照會……………九五二

九二六、調補山西巡撫岑春煊奏陳辦理晉省防務及教案之難仰懇頒賜明諭摺……………九五三

附錄一：義使薩爾瓦格為請飭山西地方官保護教士事致奕劻函……………九五三

附錄二：英使薩道義為請電晉撫救濟教民事致奕劻及李鴻章函……………九五三

九二七、山東巡撫袁世凱為何永盛部已遵旨抵大名事致行在軍機處電……………九五九

九二八、署浙江巡撫余聯沅奏報全省新舊教案一律議結摺……………九五九

九二九、署天津知府林福彭為奉札嗣後不得濫發溜單事轉行各屬札……………九六二

光緒二十七年二月

九三〇、直隸布政使周馥為抄送與瓦德西商議聯軍行動之函件事呈李鴻章文……………九六三

附件：直隸布政使周馥與瓦德西商議聯軍行動等事往來函件（計兩件）……………九六三

九三一、直隸布政使周馥為抄送與瓦德西商議運米通電之函件事呈李鴻章文……………九六六

附件：周馥與瓦德西為商議運米通電等事往來函件（計兩件）……………九六六

九三二、熱河都統爲查復朝陽耶穌教案經過情形事咨呈奕劻等文	九六八
九三三、翰林院侍讀學士惲毓鼎奏請飭下直隸督臣嚴禁地方官藉端婪索民產片	九七〇
九三四、承德府知府錫恒爲陳明教士司化隆被害情形事稟李鴻章文	九七一
九三五、開缺盛京副都統晉昌奏爲佐領承順陣亡請旨議卹事片	九七三
九三六、山東巡撫袁世凱爲陳述宣布中俄專約辦法事致行在軍機處電	九七三
九三七、江西巡撫李興銳奏陳辦理教案情形並糾參不力官員摺	九七四
九三八、四川提督宋慶等奏爲卽飭副將郭殿邦前往河南扼紮事片	九七八
九三九、慶親王奕劻等奏爲錄呈各使送到請懲各省官紳銜名清單事摺	九七九
附件一：各使送到擬請懲處各員清單	
附件二：各使送到擬請查辦各員清單	
九四〇、湖廣總督張之洞爲英領事索閱天津俄界條款事咨呈行在軍機處文	九九八
九四一、開缺山西巡撫錫良奏請將被團民戕殺之典史鄭道湜交部議卹片	九九九
九四二、護理陝甘總督甘肅布政使何福堃奏報載漪病留蒙地已將載瀾先行護解新疆摺	一〇〇〇
九四三、團練大臣李端遇等奏陳京師團練停辦情形並造冊報銷摺	一〇〇一
九四四、大學士榮祿奏爲副都統慶恒並全家被團民戕殺請旨撫卹事摺	一〇〇二
九四五、出使俄國大臣楊儒奏報與俄會議歸還東三省約款情形摺	一〇〇三

九四六、湖南巡撫俞廉三為呈送衡州教案草約事致行在軍機處函……………一〇〇九

附件：衡州教案議結草約

九四七、會辦商務大臣盛宣懷為轉遞衡州教案清摺事致奕劻等函……………一〇一三

附件：署浙江按察使許貞幹呈審明衢州教案案犯暨人證清摺

九四八、山東巡撫袁世凱為覆陳恩縣夏津兩令實跡事致行在軍機處電……………一〇一八

光緒二十七年三月

九四九、著設立督辦政務處並著奕劻等為督辦政務大臣事上諭……………一〇一九

九五〇、大學士崑岡等奏為第十次呈報在京各員及家屬殉難清單事摺……………一〇二〇

附件：大學士崑岡等第十次呈報在京各員及家屬殉難情形清單

九五一、大學士崑岡奏為翰林院衙署被焚請款辦公事摺……………一〇二五

九五二、大學士崑岡等奏報京師貢院被毀情形片……………一〇二六

九五三、黑龍江將軍薩保奏報省外六城被難及籌辦安撫情形摺……………一〇二七

九五四、黑龍江將軍薩保奏請擬借洋款應急片……………一〇二九

九五五、雲南巡撫丁振鐸奏報滇省近日洋務情形摺……………一〇二九

九五六、直隸總督李鴻章奏請將縱容妻與子設團之北岸同知陳汝勳革職片……………一〇三三

九五七、直隸總督李鴻章奏請將充當團首之武舉武成傑等斥革片……………一〇三四

九五八、兵部尚書兼理順天府尹事務徐會灃等奏爲據情代奏順天府紳民二次呈請回鑾摺	一〇三四
九五九、護理陝西巡撫端方奏請將疏防燕子磯教案之署知州劉鼎臣革職摺	一〇三六
九六〇、御史黃曾源奏陳宜速定回鑾日期摺	一〇三七
九六一、湖北提督夏毓秀奏報聞警前赴晉省整飭營伍及剋期仍回防次摺	一〇三九
九六二、浙江省署理麗水縣知縣顏其慶爲英領事至縣查看保護商教騰黃事申洋務局文	一〇四〇
九六三、巡視五城御史爲美兵拔隊德英移兵接駐事咨呈奕劻文	一〇四一
九六四、巡視五城察院爲英員交還京城地面詞訟事咨李鴻章文	一〇四二
九六五、大學士崑岡等奏請卽擇期回鑾摺	一〇四二
九六六、湖南巡撫俞廉三奏保勞乃宜吳永等片	一〇四四
九六七、分守口北兵備道靈椿爲口外不靖德國派兵出口專稟李鴻章文	一〇四五
九六八、察哈爾都統奎順等爲德兵自傷強要撫款懇請代借事稟李鴻章文	一〇四七
九六九、戶部主事夏時濟爲籌議衡州教案善後事致俞廉三函	一〇四八
光緒二十七年四月	
九七〇、山東巡撫袁世凱爲遵旨整頓鹽務以增庫款事致行在軍機處電	一〇五一
九七一、大學士崑岡奏覆已遵旨嚴飭蒙古四子王旗禁止仇教摺	一〇五二
九七二、盛京將軍增祺等奏報俄軍前往擘嚕捉拏晉昌情形片	一〇五三

九七三、盛京將軍增祺等奏報俄兵搜去仁字軍礮位情形片	一〇五四
九七四、東陵承辦事務壽全等奏報洋人迭次入境情形摺	一〇五五
九七五、山東巡撫袁世凱爲人心未定請展緩舉行鄉試事致行在軍機處電	一〇五六
九七六、慶親王奕劻等奏請嚴飭各省保護鐵路電綫摺	一〇五七
附件：比使姚士登請飭保護鐵路電綫照會稿	
九七七、直隸總督李鴻章奏請議卹津沽陣亡文武員弁兵勇摺	一〇六〇
附件：津沽陣亡文武員弁勇丁銜名清單	
九七八、直隸總督李鴻章奏請將附和拳民之參將高岐山革職歸案嚴審片	一〇六二
九七九、山東巡撫袁世凱爲已派兵北上並德增兵膠澳事致行在軍機處電	一〇六二
九八〇、山西巡撫岑春煊奏請飭下理藩院等嚴禁蒙古兵民仇教摺	一〇六三
九八一、山西巡撫岑春煊奏報拏獲假冒董福祥營官招勇仇教之李效孟等摺	一〇六五
九八二、山東巡撫袁世凱爲德增兵膠澳已調部防範事致行在軍機處電	一〇六七
九八三、著沿途督撫認真保護蘆漢鐵路電綫事上諭	一〇六七
九八四、山東巡撫袁世凱奏請敕部議卹被戕之知縣曹和浚摺	一〇六八
九八五、直隸布政使周馥等爲請卹具奏撥付京師教案賠款事詳奕劻文	一〇六九
九八六、直隸布政使周馥等爲籌議順直教案賠款事詳奕劻文	一〇七三

附錄 庚子教堂賠款案

九八七、著吏部右侍郎張英麟等各部院人員先行回京供職事上諭……………一〇七九

光緒二十七年五月

九八八、山西巡撫岑春煊奏報德兵退出晉境並請獎勵在事出力各員摺……………一〇八〇

九八九、山西巡撫岑春煊奏為防務大定擬將成晉客軍請旨分別留遣事摺……………一〇八二

九九〇、山西巡撫岑春煊奏為已飭武衛前軍回省並請飭部撥還晉餉事片……………一〇八四

九九一、慶親王奕劻等為踞京日軍交還民政事咨內務府文……………一〇八五

九九二、慶親王奕劻等為德軍將交還地面應給經費事咨內務府文……………一〇八六

附錄一：北京德界知府為華人不得携藏軍器等事致奕劻函

附錄二：北京德界知府為限制華捕用槍事致奕劻照會

九九三、慶親王奕劻等為德兵交還南海宮殿事咨禮部內務府文……………一〇八八

九九四、直隸總督李鴻章奏覆查明參案緣由並詳陳各屬捐罰賠款情形摺……………一〇八九

九九五、慶親王奕劻奏報查明鑾儀衛及內外庫實在情形摺……………一〇九一

附件一：鑾駕內庫所存各件清單

附件二：鑾駕外庫所失各件清單

九九六、察哈爾都統奎順等為已飭屬保護回堂教士事咨呈奕劻文……………一〇九五

- 九九七、革職留任河南巡撫松壽奏請再截留過境京餉二十萬以備辦回鑾供支摺……………二〇九六
- 九九八、行在戶部為議奏京師教案撥款摺已奉硃批事咨奕劻文……………二〇九七
- 附件：行在戶部奏為議奏京師教案撥款事摺……………二〇九八
- 九九九、刑部廣東司擬為將團首郭寶等正法照章彙奏事咨文稿……………二一〇〇
- 附錄一：步軍統領衙門為解送團首郭寶事行刑部片
- 附錄二：步軍統領衙門為解送團首孔恩普事行刑部片
- 一〇〇〇、慶親王奕劻為德兵退出海內某寺擬往接收事行內務府片……………二一〇五

光緒二十七年六月

- 一〇〇一、候補侍郎胡燏棻奏報開用關防並布置京畿防務大概情形摺……………二一〇五
- 一〇〇二、順天府為查明文安縣年成事咨內務府文……………二一〇七
- 一〇〇三、刑部尚書貴恒等奏為訊明守邊將領臨敵潰掠按律定擬事摺……………二一〇八
- 一〇〇四、山西巡撫岑春煊奏參保教不力各員摺……………二一一
- 附件：山西巡撫岑春煊呈查覆晉省保教不力各員實在情形清單
- 一〇〇五、大學士崑岡奏覆奉旨飭查蒙古各旗謠傳仇教情形摺……………二一八
- 一〇〇六、直隸總督李鴻章奏請優卹拒向聯軍供應而自盡之知縣成肇慶摺……………二二〇
- 附件：靈壽縣知縣成肇慶遺稟及絕命詩

一〇〇七、慶親王奕劻爲德兵交還皇宮擬往接收事咨內務府文……………	一二三
一〇〇八、盛京將軍增祺奏爲奉省需款孔亟擬將大凌河牧廠招墾收價事摺……………	一二三
一〇〇九、行在神機營爲酌派官兵差事摺已奉硃批事咨京都神機營文……………	一二六
附件：行在神機營等奏爲所屬官兵各派差事情形事摺	
一〇一〇、四川總督奎俊奏報全省天主教案一律辦結片……………	一二七
一〇一一、湖廣總督張之洞爲鄂省官員報效回鑾道路經費事致李鴻章電……………	一二八
一〇一二、慶親王奕劻爲德兵撤出萬壽寺擬往接收事咨內務府文……………	一二九
一〇一三、慶親王奕劻等奏報各省懲辦官員全案現經議結緣由摺稿……………	一二九
附件：各使開送酌覆商議懲處查辦各員清單	
一〇一四、盛京將軍增祺等奏報會同俄軍擊散劉彈子等股暨收撫情形摺……………	一三六
光緒二十七年七月	
一〇一五、著豁免蹕路經行地方錢糧事上諭……………	一四一
一〇一六、著工部左侍郎溥興等在行宮宮門照料並著鄧增節制隨扈各軍上諭……………	一四二
一〇一七、湖廣總督張之洞等爲請緩撥湖北釐金事致行在戶部等電……………	一四二
一〇一八、大學士李鴻章等奏報皇史宬實錄聖訓遺失大概情形摺……………	一四三
一〇一九、李鴻章等奏報皇史宬所存虎紐銀印全行遺失片……………	一四五

附件：皇史宬遺失銀印數目清單

- 一〇二〇、山西巡撫李興銳奏請免撥江西釐金充作直屬教案賠款片……………一四六
- 一〇二一、戶部郎中夏時濟爲寄送新聞紙等事致俞廉三函……………一四八
- 一〇二二、安徽巡撫王之春奏報指撥安徽之京內教案賠款業已匯解片……………一四八
- 一〇二三、湖廣總督張之洞等爲一年後自當交付教款事致李鴻章等電……………一四九
- 一〇二四、護理山東巡撫布政使胡廷幹奏報指撥東省之京內教案賠款已將漕餘匯解片……………一五〇
- 一〇二五、河南巡撫松壽奏爲成立洋務局以專辦交涉事宜片……………一五〇
- 一〇二六、吉林將軍長順奏報近日收撫情形片……………一五一
- 一〇二七、監察御史衙門爲修理衙署事致內務府移文……………一五二
- 一〇二八、行在侍衛處爲抄送隨扈人員名單事咨前路糧臺文……………一五三
- 附件一：軍機處隨扈各員名單
- 附件二：各部院隨扈堂官名單
- 附件三：各衙門派出隨扈各員名單
- 附件四：各衙門文卷需用車輛清單
- 一〇二九、西陵守護大臣奕謨等奏報陵寢洋兵退盡典禮如儀摺……………一五六
- 一〇三〇、西陵事務衙門爲法兵勒令出具並無騷擾印結事咨呈奕劻等文……………一五九

附件：西陵守護大臣奕謨等具法兵駐紮陵寢並無騷擾印結

一〇三一、湖廣總督張之洞爲商議籌款辦法事致劉坤一電……………一六〇

一〇三二、熱河都統色楞額奏報查明上年朝陽縣街失守情形摺……………一六一

一〇三三、慶親王奕劻等爲洋兵撤退希飭整旅人都事咨胡燏棻等文稿……………一六三

附錄：西班牙公使葛羅幹爲中國兵隊可定期入京事致奕劻照會

一〇三四、慶親王奕劻爲美日交還大內擬往接收事咨內務府文……………一六四

光緒二十七年八月

一〇三五、湖廣總督張之洞爲詢問江川兩省鹽務加捐辦法事致劉坤一等電……………一六五

一〇三六、歸綏道恩銘爲陳述籌辦口外七廳教案情形事致俞廉三函……………一六五

一〇三七、湖廣總督張之洞爲鹽斤加釐歸人大賠款一節請勿具奏事致劉坤一電……………一七二

一〇三八、湖廣總督張之洞爲鹽斤加釐歸人大賠款萬難照辦事致奎俊電……………一七五

一〇三九、革職留任河南巡撫松壽奏報省南各屬法國教案一律議結摺……………一七五

一〇四〇、浙江巡撫任道鎔奏爲委員管解貢茶銀鞘中途被搶身亡懇請豁免事摺……………一七八

一〇四一、綏遠城將軍信恪爲抄送鄂托克等旗辦結教案摺單事咨呈外務部文……………一七九

附件一：綏遠城將軍信恪等奏爲查明鄂托克等旗教案條約均屬周妥事摺

附件二：鄂托克等旗議賠洋教款項數目清單

附件三：鄂托克等旗教案合符和約暨條規

一〇四二、吏部為檔案遺失無從檢發事行內務府片……………一一九〇

一〇四三、候補侍郎胡燏棻為抄送調隊駐防京城摺片事咨內務府文……………一一九一

附件一：候補侍郎胡燏棻奏報聯軍退盡姜馬兩軍分紮京城內外情形摺

附件二：候補侍郎胡燏棻奏報京西劫殺各案業已派隊剿辦片

一〇四四、戶部奏陳通籌分攤新定賠款辦法摺……………一一九六

一〇四五、兩江總督劉坤一為請飭產鹽各省加價以籌的款事致行在軍機處電……………一一九九

一〇四六、太常寺為洋兵撤出社稷壇祭器缺失事咨內務府文……………一二〇〇

附件：社稷壇失物清單

一〇四七、直隸總督李鴻章為籌辦接駕事咨內務府文……………一二〇二

一〇四八、盛京將軍增祺奏覆會同俄兵擊散劉彈子等股並招撫餘衆情形片……………一二〇三

一〇四九、盛京將軍增祺等奏為分別安置受撫之劉彈子餘衆事片……………一二〇四

一〇五〇、盛京將軍增祺為抄送擊散劉彈子等股夾片電文事咨呈軍機處文……………一二〇五

附件：增祺奕劻等為擊散招撫劉彈子等股事來往電文

一〇五一、兵部為檔案遺失無從檢發事咨內務府文……………一二〇八

光緒二十七年九月

一〇五二、太常寺爲歷代帝王廟器物遺失事咨內務府文……………一〇八

附件：歷代帝王廟失物清單

一〇五三、湖廣總督張之洞爲陳明湖北鹽釐加價宗旨事致行在軍機處等電……………一〇九

一〇五四、湖廣總督張之洞等爲湖北鹽斤加釐已實行事致行在軍機處等電……………一一一

一〇五五、湖廣總督張之洞等爲加抽土藥稅以還新賠款事致行在軍機處等電……………一一一

一〇五六、兩江總督劉坤一爲擬舉行房捐以籌賠款事致張之洞電……………一一二

一〇五七、刑部爲浙撫任道鎔所奏衢案擬辦摺已奉硃批事移文稿……………一一三

附件：浙江巡撫任道鎔奏爲衢州教案官民各犯分別擬辦事摺

光緒二十七年十月

一〇五八、湖廣總督張之洞爲擬各省賠款減免辦法會奏稿事致各督撫電……………一二六

一〇五九、大學士榮祿等奏覆皇史宬藏書毀損數目並擬修補各情形摺……………一二九

一〇六〇、錦州副都統承順奏報俄軍侵佔錦州至今之大概情形摺……………一三〇

一〇六一、熱河都統色楞額爲朝陽縣耶穌教案賠款業已交付事咨李鴻章文……………一三三

一〇六二、太常寺爲洋兵撤出天壇祭器遺失事咨內務府文……………一三四

附件：天壇失物清單

一〇六三、湖廣總督張之洞爲修改各省賠款減免辦法會奏稿事致各督撫電……………一三七

- 一〇六四、兩江總督劉坤一為會奏各省賠款減免辦法獲准事致各督撫電……………一二二九
- 一〇六五、著撤去溥儀之大阿哥名號事上諭……………一二三〇
- 一〇六六、吉林將軍長順等奏請飭下全權大臣將俄撤兵日期再行磋商摺……………一二三〇
- 一〇六七、吉林將軍長順等奏請飭下南洋大臣撥給快槍籽藥片……………一二三二
- 一〇六八、著封賞慶親王奕劻等大員事上諭……………一二三三
- 一〇六九、著獎勵外務部右侍郎聯芳等議約各員事上諭……………一二三四
- 一〇七〇、戶部為閩省解內務府京餉業已改作教款事行內務府片……………一二三四

光緒二十七年十一月

- 一〇七一、著獎賞宗人府府丞盛宣懷等事上諭……………一二三五
- 一〇七二、湖廣總督張之洞為請飭赫德不得攬辦口外關稅事致行在軍機處等電……………一二三六
- 一〇七三、熱河都統色楞額奏報聯軍拆毀兵房搜去軍器情形片……………一二三六
- 一〇七四、行在戶部為各省所攤賠款應照奏定數目分次勻解事致各督撫電……………一二三七
- 一〇七五、兩江總督劉坤一為商酌分攤第一期賠款事致張之洞等電……………一二三八
- 一〇七六、兩江總督劉坤一為請飭各關道彙解第一期賠款事致行在軍機處等電……………一二三九
- 一〇七七、護理陝西巡撫布政使李紹棻為派員護送御用箱樞回京事咨內務府文……………一二四〇
- 一〇七八、著崧蕃嚴參平羅教案疏防各員並擒拏兇犯事上諭……………一二四一

- 一〇七九、著將平羅縣知縣等先行革職勒限獲犯事上諭……………一二四二
- 一〇八〇、兩江總督劉坤一爲籌措賠款按月勻付事致張之洞電……………一二四二
- 一〇八一、兩江總督劉坤一爲已請戶部分飭各關道勻解稅款事致張之洞電……………一二四三
- 一〇八二、太常寺爲奏報先農各壇勘驗情形摺已奉硃批事咨內務府文……………一二四四
- 附件：太常寺奏報先農各壇勘驗情形並請派承修大臣摺
- 一〇八三、兩江總督劉坤一爲戶部轉飭各洋關常關勻解賠款事致各督撫電……………一二四五
- 一〇八四、湖廣總督張之洞爲飭卽銷售籤捐彩票以籌賠款事致黃岡縣令電……………一二四六
- 一〇八五、蘇松太道袁樹勛爲請飭照解部派第一期賠款事致張之洞等電……………一二四七
- 一〇八六、著陝甘總督崧蕃撫卹平羅縣被戕教士並趕緊將案犯拏獲事上諭……………一二四八
- 一〇八七、行在戶部爲飭各關按月提成彙解賠款事致各將軍督撫電……………一二四八
- 一〇八八、四川總督奎俊奏報全省耶穌教案一律辦結片……………一二四九
- 一〇八九、兩江總督劉坤一爲抄送與全權磋商償款電文事致張之洞電……………一二五〇
- 一〇九〇、著內外臣工力杜虛糜並切實聯固邦交整飭內政事上諭……………一二五一
- 一〇九一、候補侍郎胡燏棻爲將團首趙六等正法並抄送供詞事咨刑部文……………一二五二
- 附件：京西小屯村團頭趙六等供詞
- 一〇九二、著陝甘總督崧蕃撫卹平羅縣被戕教士並將獲犯審實正法事上諭……………一二五五

一〇九三、陝甘總督崧蕃為彙送平羅教案電奏事咨呈外務部文……………二五六

附件：彭教士為平羅教案事稟陝甘總督文

一〇九四、總管內務府大臣世續等抄送奏報弘仁寺等處損失摺片事行在內務府片……………二五六

附件一：總管內務府大臣世續奏報京城寺廟被洋兵焚佔情形摺

附件二：總管內務府大臣世續奏報續查銀庫失物情形片

一〇九五、湖廣總督張之洞為另籌各省攤解辦法請聯銜會奏事致劉坤一電……………二六〇

一〇九六、都察院為迎鑾職官投遞職名事行內務府片……………二六一

一〇九七、步軍統領衙門為各官員迎鑾行進路線事行內務府片……………二六二

一〇九八、內閣留京辦事處為飭部院司員各回當差事致各衙門知會……………二六二

一〇九九、行在神機營為定期拔隊乘車回京事咨京都神機營文……………二六三

一一〇〇、追贈珍妃為貴妃位號事懿旨……………二六三

一一〇一、外務部庶務司擬為已飭嚴拿平羅案犯等事致法使照會稿……………二六四

附錄：法使鮑渥為催辦平羅教案及各省教案事致奕劻照會

一一〇二、近期中外交涉情形節略……………二六六

光緒二十七年十二月

一一〇三、會辦商務大臣盛宣懷為英使交來商約條款事致劉坤一等電……………二七〇

一一〇四、	著載瀛照顧管教溥僑事懿旨……………	一二七一
一一〇五、	湖廣總督張之洞等爲必當遵旨分解所攤賠款事致軍機處等電……………	一二七一
一一〇六、	河南巡撫松壽爲委員點交貢物事咨內務府文……………	一二七二
附件：	陝豫兩省貢物清單	
一一〇七、	外務部庶務司擬爲平羅案犯礙難牽引事致法使照會稿……………	一二七三
附錄：	法使鮑渥爲平羅教案與端王不無相關事致奕劻照會	
一一〇八、	著各將軍督撫輯睦邦交調和民教事上諭……………	一二七五
一一〇九、	雲貴總督魏光燾等奏報滇省教案業經議結摺……………	一二七五
一一一〇、	軍機處爲奉旨著俟商約定議再行陞見事致劉坤一等電……………	一二七七
一一一一、	盛京將軍增祺等爲陳明查辦教案情形事咨呈外務部文……………	一二七八
一一一二、	委員張華燕爲探得東三省定約事致張之洞等電……………	一二八〇
一一一三、	喇嘛印務處爲嵩祝寺被俄兵洗劫事咨內務府文……………	一二八〇
附件：	嵩祝寺失物清單	
一一一四、	四川總督奎俊奏爲拏獲桐梓縣義和拳統領陳秀俊等訊明擬辦情形摺……………	一二八三
一一一五、	鑲白旗漢軍都統桂祥等爲八旗漢軍衙署損失情形摺已奉硃批事咨神機營文……………	一二八五
附件一：	鑲黃旗漢軍奏報八旗漢軍衙署等處損失情形摺	

附件二：戶部尚書崇禮奏報衙署及礮局等處損失軍器情形片

附件三：戶部尚書崇禮呈槍礮營及各城樓存失軍器清單

一一一六、著大學士榮祿繼續留任各項重要差使事上諭……………一二八九

一一一七、錦州副都統承順奏報大凌河牧羣官馬實數摺……………一二九〇

一一一八、盛京將軍增祺等為籌議教案賠款等事致奕劻等函(計兩件)……………一二九一

附件：奉天省城天主教堂取去木植銀錢清單

一一一九、山西巡撫岑春煊奏請合三省兵力暨蒙旗會剿平羅反教起事片……………一二九四

一一二〇、著吏部將立山等人之子分別補用事上諭……………一二九五

一一二一、湖廣總督張之洞等為陳晰籌措賠款情形事致軍機處電……………一二九六

一一二二、吉林將軍長順等為抄送教堂損失清單並請示賠款事咨呈外務部文……………一二九七

附件：吉林省焚拆教堂戕殺教民數目清單

一一二三、前管理虎神營大臣敬信等為飭令官兵各歸本旗營摺已奉硃批事咨神機營文……………一三〇三

附件：前管理虎神營大臣敬信等奏報已飭官兵各歸本營及請示接交事宜摺

光緒二十八年正月

一一二四、熱河都統色楞額奏報朝陽縣鄧萊峯聚眾仇教請添兵出口專辦摺……………一三〇五

一一二五、著袁世凱派營前往朝陽剿辦鄧萊峯聚眾反教事上諭……………一三〇八

一一二六、	湖廣總督張之洞等爲復減徵加稅契兩條請卽代奏事致軍機處電	一三〇六
一一二七、	山西巡撫岑春煊奏報高平縣民聚衆抗攤賠款業已分別查辦摺	一三〇〇
一一二八、	山西巡撫岑春煊奏報潞澤一帶地方已平靜片	一三二三
一一二九、	綏遠將軍信恪等爲抄送比國教案委員林輔臣呈文事咨呈外務部文	一三二四
附件一：	比國承辦教案委員林輔臣等爲四子王旗焚殺教民事呈信恪文	
附件二：	比國承辦教案委員林輔臣等開呈四子王旗拳首銜名住所清單	
一一三〇、	外務部和會司擬爲請交還天津治權事致各使照會稿	一三二六
一一三一、	署直隸總督袁世凱奏覆歷次籌辦鄧萊峯仇教抗官一案情形摺	一三二七
一一三二、	盛京將軍增祺爲奏報海龍城總管調省片已奉硃批事咨呈奕劻等文	一三二九
附件：	盛京將軍增祺等奏報海龍城總管調省緣由片	
一一三三、	山西巡撫岑春煊爲查辦六合團揭帖事咨呈外務部文	一三三一
附錄：	義署使羅瑪訥爲感激晉省查辦匿名揭帖事致奕劻照會	
一一三四、	理藩院爲已飭烏蘭察布盟速辦庚子教案事咨呈外務部文	一三三三
一一三五、	山西巡撫岑春煊爲詳敘耶穌教案查辦情形事咨覆全權大臣文	一三三四
附件一：	山西洋務局呈遵查耶穌教案辦理情形清摺	
附件二：	山西省處死義和團首要名單	

附件三：山西耶穌教內地會與洋務局議結教案合同

附件四：山西耶穌教內地會與洋務局續議教案合同

一一三六、著馬玉崑帶隊馳赴熱河辦理鄧萊峯一案事上諭……………一三五二

光緒二十八年二月

一一三七、盛京將軍增祺奏報俄人近又搜繳軍器情形片……………一三五二

一一三八、陝甘總督崧蕃為抄送捕獲並懲辦平羅教案首要一摺事咨呈外務部文……………一三五四

附件：陝甘總督崧蕃奏報捕獲並懲辦平羅案犯以及撫卹教士等事摺

一一三九、署直隸總督袁世凱為各國不許中國在津駐兵祈與交涉事致外務部電……………一三五六

一一四〇、吉林將軍長順為俄人搶劫並請示教案賠款等事稟奕劻文……………一三五六

一一四一、委員張華燕為陳報京津近況事致張之洞等電……………一三五八

一一四二、署直隸總督袁世凱奏報廣宗縣武舉景廷賓抗攤賠款迎擊官兵情形摺……………一三五九

一一四三、御史攀桂奏請清理畿輔義和團餘衆片……………一三六一

一一四四、追贈聶士成事上諭……………一三六二

一一四五、山西巡撫岑春煊為太原等府州天主教案賠款付清事咨呈外務部文……………一三六二

一一四六、委員張華燕為陳報京津近況事致張之洞等電……………一三六四

一一四七、刑部直隸司擬為袁世凱奏請查處逃犯等情片已奉硃批事移文稿……………一三六四

附件：署直隸總督袁世凱奏為庚子年脫逃各犯已分別查處請免獄官罪責事片

一一四八、著河南巡撫錫良嚴拏泌陽教案案犯查參疏防知縣撫卹教民事上諭……………一三六六

一一四九、河南巡撫錫良為泌陽刀會起事事致張之洞電……………一三六六

一一五〇、外務部奏請將已革知縣何宗遜開復原官片……………一三六七

附錄：山西巡撫錫良等奏請將已革知縣何宗遜開復原官摺

一一五一、慶親王奕劻等奏請獎給奉省各俄員以寶星摺……………一三六九

一一五二、外務部庶務司擬為泌陽教案已電飭辦理事致法署使照會稿……………一三七〇

附錄一：法署使賈斯那為請保護泌陽教士事致奕劻照會

附錄二：法署使賈斯那為泌陽教案事致聯芳函

一一五三、署直隸總督袁世凱為抄送奏請獎敘辦理教案善後中外各員一摺事咨呈外務部文……………一三七三

附件一：署直隸總督袁世凱奏請獎敘辦理教案出力各員暨洋員清單

附件二：署直隸總督袁世凱恭請獎敘外國教士暨洋員清單

一一五四、著河南巡撫錫良嚴拿張漢卿事電旨……………一三七五

一一五五、湖廣總督張之洞等為已飭隊分赴河南彈壓鬧教事致軍機處電……………一三七六

一一五六、委員張華燕為陳報京津近況事致張之洞等電……………一三七六

一一五七、河南巡撫錫良奏報辦理泌陽教案情形片……………一三七七

- 一一五八、吉林將軍長順等為俄官刁難未能招撫占北事咨呈外務部文……………一三七八
- 一一五九、吉林將軍長順等為俄員在三姓傳要車馬擾累地方事咨呈外務部文……………一三八一
- 一一六〇、委員張華燕為陳報東約將簽字等事致張之洞等電……………一三八三
- 一一六一、吉林將軍長順等為俄員掣肘收降楊毓林等股事咨呈外務部文……………一三八三
- 一一六二、署直隸總督袁世凱為查明張樹桐辦理通州教案情形事咨呈外務部文……………一三八六
- 附錄：候選縣丞張樹桐為辦結通州教案懇請保獎事稟奕劻文
- 一一六三、署湖北提督鄧正峰為河南唐泌二縣刀會已平事致張之洞電……………一三八九
- 一一六四、委員張華燕為陳報熱河廣宗等地起事事致張之洞等電……………一三九〇
- 一一六五、慶親王奕劻奏請獎敘隨辦京畿善後營務事宜出力各員摺……………一三九〇
- 一一六六、外務部推算司擬為德兵索款不能開銷事咨袁世凱文稿……………一三九二

光緒二十八年三月

- 一一六七、熱河都統色楞額為鄧萊峯拒不歸案惟有先行議賠事咨外務部文……………一三九三
- 附件：朝陽縣教案續訂合同
- 一一六八、著理藩院議處四子郡王並會同信恪妥辦該旗教案事上諭……………一三九八
- 一一六九、外務部庶務司擬為飭拿永清教案首要事札順天府稿……………一三九九
- 一一七〇、外務部庶務司擬為已飭令剿辦擾亂邊界案犯事致法使照會稿……………一四〇〇

附錄：法使鮑渥爲請飭令肅清擾亂兩粵邊界案犯事致奕劻照會

一一七一、湖廣總督張之洞等爲即飭各州縣稟覆籌款情形事致鄂省各知府電……………一四〇二

一一七二、御史關榕祚奏劾易州知州貪虐昭著請旨嚴飭查辦摺……………一四〇三

一一七三、兩江總督劉坤一奏報拿獲山東大刀會首孟傳禮業已監斃片……………一四〇五

一一七四、著署直隸總督袁世凱剿滅景廷賓之衆並殮卹被戕法教士事上諭……………一四〇六

一一七五、外務部庶務司擬爲景廷賓聚衆戕殺教士事致法使照會稿……………一四〇七

一一七六、委員張華燕爲陳報廣宗起事緣由事致張之洞等電……………一四〇八

一一七七、河南巡撫錫良爲請將河南教案賠款歸入大賠款事咨呈外務部文……………一四〇八

一一七八、吉林將軍長順爲已飭查滅洋混元教事稟奕劻文……………一四一〇

附件：告發滅洋混元教之匿名揭帖

光緒二十八年四月

一一七九、著賞給德主教安治泰頭品頂戴等上諭……………一四一二

一一八〇、署直隸總督袁世凱爲饒騎營存省軍械已被洋兵毀棄事咨神機營文……………一四一三

一一八一、兩江總督劉坤一等奏請賞給上海各國領事寶星摺稿……………一四一四

附件：兩江總督劉坤一等呈請獎敘上海各國總領事領事職名清單

一一八二、順天府爲陳明永清教案審擬情形事咨呈外務部文……………一四一六

一一八三、理藩院為抄送烏蘭察布盟呈報庚子全案事咨呈外務部文……………一四一七

附件：烏蘭察布盟為詳查庚子教案情形事咨呈理藩院文

一一八四、禮部為宗室八旗士子應照順天土著例停考事咨內務府文……………一四二三

一一八五、陝西巡撫升允奏為甯條梁教案辦結並請撤回神木部員事摺……………一四二四

一一八六、河南巡撫錫良奏報拿獲泌陽教案首要席小發暨剿捕餘股情形摺……………一四二六

一一八七、署直隸總督袁世凱奏報景廷賓豎旗建號暨遣兵剿辦情形摺……………一四二八

一一八八、外務部庶務司擬為董福祥等斷無留兵事致法使照會稿……………一四三三

附錄：法使鮑渥為已革端王並董福祥仍留營兵等事致奕劻照會

一一八九、盛京將軍增祺奏覆豫籌奉省西南俄兵撤後辦法並牽制棘手情形摺……………一四三五

一一九〇、外務部庶務司擬為飭查通州拳首王六事劄順天府稿……………一四三八

附件：美使康格為請查辦通州拳首王六等反教事致奕劻照會

一一九一、御史高潤生奏陳妥籌畿輔善後事宜摺……………一四四一

一一九二、御史高潤生奏為請飭直督參辦疏防釀變各員事片……………一四四四

一一九三、吉林將軍長順等奏報公倉存糧被俄兵毀損數目片……………一四四四

一一九四、山西巡撫岑春煊為追回教民婦幼事咨呈外務部文……………一四四五

一一九五、刑部等衙門奏為審明砍毀電線等拳民分別定擬事摺稿……………一四四六

一一九六、署直隸總督袁世凱爲解送團民鄭永興並抄錄供單事咨刑部文……………一四四九

附件：京西靈光寺團民鄭永興供單

一一九七、署黑龍江將軍薩保等爲抄送奏報辦理教案情形一摺事咨呈外務部文……………一四五二

附件：署黑龍江將軍薩保等奏報辦理教案情形摺

一一九八、著將疏防景廷賓聚衆事各員分別懲處事上諭……………一四五三

一一九九、四川總督奎俊奏報資陽安岳等縣拳民起事及分別辦理情形摺……………一四五四

一二〇〇、四川總督奎俊奏覆已飭防軍並委員馳赴各處查辦拳民片……………一四五六

一二〇一、刑部直隸司擬爲袁世凱奏報剿辦威縣起事一摺已奉硃批事移文稿……………一四五七

附件：署直隸總督袁世凱奏報剿辦威縣反教起事情形摺

一二〇二、盛京將軍增祺等爲籌議教案賠償事致那桐函……………一四六〇

附件一：奉天各城法國教堂被毀間數清單

附件二：奉天各城續報法國教堂被毀間數清單

附件三：奉天各城天主教民被毀房屋暨被害人命清單

附件四：奉天各城續報天主教民被毀房屋清單

光緒二十八年五月

一二〇三、綏遠將軍信恪等爲查復達拉特旗賠款情形等事咨呈外務部文……………一四六七

一二〇四、大學士崑岡等奏為景廷賓抗官實係袁世凱勒派賠款殘民所致片……………一四六九

一二〇五、順天府為查覆通州王六反教情形事咨覆外務部文……………一四七一

附件：順天府咨呈通州知州為王六案稟文並該府之批示

一二〇六、順天府為已將永清教案獲犯正法事咨覆外務部文……………一四七三

一二〇七、吉林將軍長順等為抄送請建延茂專祠摺事咨內務府文……………一四七五

一二〇八、署黑龍江將軍薩保為抄呈教案合同並來往照會事咨呈外務部文……………一四七八

附件一：黑龍江省教案賠款合同

附件二：黑龍江省商辦教案來往文牘（計十一件）

一二〇九、外務部奏為代為奏明安治泰謝賞事片……………一四八九

一二一〇、直隸總督袁世凱奏為前報已格斃之郝振邦迹涉疑似仍飭迅查事片……………一四九〇

一二一一、山西巡撫岑春煊奏請暫留奉調道員沈敦和以辦理教案摺……………一四九一

一二一二、著各省督撫妥辦賠款事上諭……………一四九四

一二一三、著直隸總督袁世凱查明廣宗知縣有無派捐激變情形事上諭……………一四九五

一二一四、著宗人府揀選近支宗室承襲莊親王等封爵事上諭……………一四九五

一二一五、著戶部緩徵廣宗鉅鹿兩縣錢糧差徭事上諭……………一四九六

一二一六、盛京將軍增祺等奏報奉天耶穌教案議結並請獎敘出力官員摺……………一四九七

一二一七、熱河都統色楞額爲殺害教士司化隆一案應如何定擬事咨奕劻等文……………一四九八

一二一八、著四川總督奎俊嚴拏資陽縣打教案犯並將該縣革職事上諭……………一五〇〇

一二一九、河南巡撫錫良爲抄呈議結英國教案夾片事咨呈外務部文……………一五〇一

附件：河南巡撫錫良奏報英國教案議結片

一二二〇、湖廣總督張之洞等奏請開復蔣楷袁世敦原官摺……………一五〇二

一二二一、山西巡撫岑春煊爲革令李希膺不能開復事咨呈外務部文……………一五〇四

附件：題補猗氏縣知縣梅鬱九呈訪查革令李希膺政績清摺

一二二二、山東巡撫張人駿奏請彙獎洋務局出力人員摺……………一五〇九

光緒二十八年六月

一二二三、外務部庶務司擬爲已催圍場等處賠款事致法使照會稿……………一五二二

附錄：法使鮑渥爲東蒙古教案並未懲犯賠款事致奕劻照會

一二二四、吉林將軍長順等奏爲俄員干預收降請飭外部轉商俄使勸導事摺……………一五二四

一二二五、吉林將軍長順等奏爲闔屬軍器已被俄兵損壞請飭部立案事摺……………一五二七

一二二六、河南巡撫錫良奏報泌陽教案議結抄呈條約並請獎敘出力各員摺……………一五三八

附件：泌陽教案議結條約

一二二七、御史王乃徵奏爲直隸勒捐激變慘殺冤濫請嚴定官弁處分事摺……………一五三一

一二二八、著直隸總督袁世凱慎選牧令撫綏民困事上諭……………一五三三

一二二九、貴州巡撫鄧華熙為凱里教案議結事咨呈外務部文……………一五三四

一二三〇、著已革端郡王載漪等各歸本支事上諭……………一五三五

一二三一、慶親王奕劻等奏為錄呈各使交還天津照會請旨遵行事摺……………一五三六

附件：各國使臣為交還天津治權事致外務部照會

一二三二、吉林將軍長順等為抄送奏報俄員准吉省收撫孫樓附片事咨呈外務部文……………一五三〇

附件：吉林將軍長順等奏報俄員已准吉省自行招撫孫樓片

一二三三、盛京將軍增祺奏請仍留受撫兵隊以資剿捕摺……………一五三一

一二三四、直隸總督袁世凱奏覆廣宗剿辦實在情形摺……………一五三三

一二三五、直隸提督馬玉崑為抄送辦理朝陽教案摺單事咨呈外務部文……………一五三八

附件一：直隸提督馬玉崑奏報花子溝聚眾業已解散並將教案賠款議結摺

附件二：鄧萊峰具不與教民滋事甘結

附件三：王福太等具不與教民滋事甘結

附件四：鄧萊峯為身患時疾請緩隨轅進關事稟馬玉崑文

附件五：本地鄉紳為具保請免鄧萊峰進關事呈馬玉崑文

附件六：朝陽官紳為具保請免鄧萊峰進關事稟馬玉崑文

附件七：朝陽官紳爲請辦善後事稟馬玉崑文

- 一二三六、著開復袁世敦蔣楷原官事上諭……………一五四七
- 一二三七、外務部庶務司擬爲議結泌陽教案事致法署使照會稿……………一五四七
- 一二三八、直隸總督袁世凱奏報拿獲景廷賓已盡法懲辦摺……………一五四八
- 一二三九、直隸總督袁世凱奏爲教士羅澤浦被戕案業已議結事片……………一五五〇
- 一二四〇、山東巡撫張人駿奏請獎敘曹屬剿平拳民之出力各員摺……………一五五〇
- 一二四一、著四川總督奎俊整頓吏治並按參摺查明屬員情形事上諭……………一五五四
- 一二四二、四川總督奎俊奏爲拳民滋事政務繁重請免人關監臨事片……………一五五四
- 一二四三、熱河都統色楞額爲已將司化隆案內趙士奇正法事咨外務部文……………一五五五

光緒二十八年七月

- 一二四四、河南巡撫錫良爲議結武安教案並分別處治案犯事咨呈外務部文……………一五五六
- 一二四五、著直隸總督馬玉崑暫緩從朝陽撤回兵隊事上諭……………一五六二
- 一二四六、熱河都統色楞額爲派員前赴戶部領銀以清賠款事咨外務部文……………一五六二
- 一二四七、盛京將軍增祺爲遼陽查無義和團六合拳等集結事咨呈外務部文……………一五六四
- 一二四八、護理山西巡撫趙爾巽爲抄送岑春煊奏片事咨呈外務部文……………一五六五

附件：山西巡撫岑春煊奏陳籌擬口外教案郵款片

一二四九、外務部庶務司擬為已將拳首王六監禁事致美使照會稿……………一五六七

附錄：美使康格為應照和約將拳首王六懲辦事致奕劻照會

一二五〇、著盛京將軍增祺按照接收天津章程預籌俄國交回地面事上諭……………一五六九

一二五一、刑部廣東司擬為審明團民鄭永興定擬事咨袁世凱文稿……………一五六九

光緒二十八年八月

一二五二、陝甘總督崧蕃為抄送平羅教案議結並請獎奏摺事咨呈外務部文……………一五七一

附件：陝甘總督崧蕃奏為平羅教案議結並請獎出力各員事摺

一二五三、盛京將軍增祺為抄送撲滅王洛道等股奏摺事咨呈外務部文……………一五七五

附件：盛京將軍增祺等奏報通海一帶王洛道等股業已撲滅情形摺

一二五四、吉林將軍長順等為請商俄使轉飭俄員勿干預招撫事咨呈外務部文……………一五七九

一二五五、開缺四川總督奎俊奏為拳民業已剿辦並請獎卹出力各員事摺……………一五八〇

附錄：法署使賈斯那為四川亂勢日蔓請飭保護事致奕劻照會

一二五六、湖南巡撫俞廉三為呈送賀金聲反洋教揭帖事咨呈外務部文……………一五八五

附件：賀金聲反洋教揭帖（計三件）

一二五七、湖南巡撫俞廉三奏報邵陽縣賀金聲起事情形摺……………一五八八

光緒二十八年九月

一二五八、陝西巡撫升允奏請開復遊擊劉輔軍原官片……………一五九二

一二五九、河南巡撫錫良奏爲拿獲泌陽教案首要張雲卿請獎出力人員事摺……………一五九三

一二六〇、直隸提督馬玉崑爲抄送前赴朝陽奏摺事咨呈外務部文……………一五九五

附件：直隸提督馬玉崑奏報赴朝陽日期並擬辦理情形摺

一二六一、著署四川總督岑春煊搜捕資陽反教餘股並處分道員周振瓊事上諭……………一五九七

一二六二、吉林將軍長順奏請將已故黑龍江副都統鳳翔罪名查銷並賜卹摺……………一五九八

一二六三、直隸總督袁世凱爲將奏請獎勵道員孫鍾祥片抄出咨呈外務部文……………一六〇〇

附件：直隸總督袁世凱奏請獎敘道員孫鍾祥片

一二六四、盛京將軍增祺等爲請商法使分年勻交賠款事致奕劻等函……………一六〇一

光緒二十八年十月

一二六五、外務部庶務司擬爲已飭查辦川省拳民事致法署使照會稿……………一六〇二

附錄一：法署使賈斯那爲川省教堂受損甚鉅須索償事致奕劻照會

附錄二：美使康格爲川省變亂應竭力壓伏事致外務部函

一二六六、護理山西巡撫布政使趙爾巽爲請將教民命案照會各公使存案事咨呈外務部文……………一六〇四

附件：山西省交城等處教民命案及拆毀房物案清單

一二六七、浙江巡撫任道鎔爲抄錄請獎洋務各員奏摺事咨呈外務部文……………一六〇〇

附件一：浙江巡撫任道鎔奏請獎敘洋務教案出力人員摺

附件二：浙江巡撫任道鎔奏請獎敘道員許貞幹片

一二六八、護理直隸總督吳重熹奏為英使函請將革員魏嘉祺免發軍臺事摺……………一六三

一二六九、山東巡撫周馥為准英使函已將泰安知府調任事致奕劻等函……………一六四

附件：山東巡撫周馥為泰安知府調任事致英使函

一二七〇、刑部湖廣司擬為俞廉三奏報拿獲賀金聲一摺已奉硃批事移文稿……………一六七

附件：湖南巡撫俞廉三奏報拿獲賀金聲正法並請獎出力各員摺

光緒二十八年十一月

一二七一、直隸提督馬玉崑為錄送攻克朝陽縣花子溝奏摺事咨呈外務部文……………一六〇

附件：直隸提督馬玉崑奏報攻克朝陽縣花子溝拿獲鄧萊峯摺

一二七二、護理山西巡撫布政使趙爾巽奏請援案開銷晉省修復電線用款摺……………一六四

一二七三、外務部庶務司擬為拿獲鄧萊峯事致法使照會稿……………一六五

附錄：法署使賈斯那為希飭保護朝陽教堂事致外務部照會

一二七四、慶親王奕劻奏請賞給各國議約使臣暨隨辦人員寶星摺……………一六八

一二七五、署四川總督岑春煊為已飭各屬議賠教案事咨呈外務部文……………一六九

一二七六、直隸提督馬玉崑為抄送朝陽善後事宜就緒奏摺事咨呈外務部文……………一七〇

附件：直隸提督馬玉崑奏為朝陽善後事宜就緒擬即回京事摺

一二七七、陝甘總督崧蕃為阿拉善旗並無教案實屬教士勒索事咨呈外務部文……………一六三三

一二七八、護理山西巡撫布政使趙爾巽奏報全晉教案一律議結摺……………一六三四

光緒二十八年十二月

一二七九、奉天教案委員彭英甲等為教案議結並呈交合同事稟奕劻等文……………一六三九

附件一：奉天省被害天主教外國教士貞女議賠合同

附件二：奉天省法國天主教教案議賠合同

一二八〇、著毋庸將袁昶事蹟宣付史館事上諭……………一六四五

一二八一、署湖廣總督端方為已嚴防九江一帶神拳及會黨事致張之洞電……………一六四六

一二八二、慶親王奕劻等奏為克林德牌坊告成請派大員致祭事摺……………一六四六

一二八三、署黑龍江將軍薩保為請示教士命案暨挖墳賠款事咨呈外務部文……………一六四七

一二八四、盛京將軍增祺等奏為遵旨彙保剿平劉彈子各股之出力各員事摺……………一六四九

一二八五、外務部為飭拿永清教案首要並防範騷擾事札行順天府文……………一六五一

一二八六、署黑龍江將軍薩保為抄送江省添兵致俄員照會事咨外務部文……………一六五二

附件一：署黑龍江將軍薩保為擬添營兵事致俄員照會

附件二：黑龍江省擬添營兵清單

- 一二八七、護理山西巡撫布政使趙爾巽為已將可可烏素地畝撥賠教民事咨呈外務部文……………一六五五
- 一二八八、戶部為抄送籌撥奉天教案卹款電底事片呈外務部文……………一六五八
- 附件：戶部為籌撥奉天教案卹款事致袁世凱增祺電底
- 一二八九、廷憲致九弟函二十五件……………一六五九

光緒二十九年正月

- 一二九〇、外務部庶務司擬為查禁團民復聚事致北洋大臣等文稿……………一六八九
- 一二九一、步軍統領衙門為獎勵殮埋克林德屍身之英順事覆外務部片……………一六八九
- 附錄：德使穆默為本國御賞英順事致外務部函
- 一二九二、出使法國大臣孫寶琦為抄呈法議院有關中國教務問答事咨呈外務部文……………一六九一
- 附件：出使法國大臣孫寶琦呈法議院開議教務事宜問答錄
- 一二九三、外務部庶務司擬為順屬習拳已飭查辦事致法使照會稿……………一六九七
- 一二九四、順天府為覆明緝拿永清教案首要情形事咨呈外務部文……………一六九八
- 一二九五、護理山西巡撫布政使吳廷斌為抄送請獎教案出力各員摺單事咨呈外務部文……………一七〇〇
- 附件：護理山西巡撫趙爾巽奏請獎敘辦理教案出力各員暨洋官教士摺
- 一二九六、直隸總督袁世凱為已刊印告示認真查辦習拳事咨呈外務部文……………一七〇四
- 附件：直隸總督袁世凱所頒嚴禁邪匪暫行章程十一條

光緒二十九年二月

一二九七、盛京將軍增祺等奏報奉天全省天主教教案業經議結摺……………一七〇六

一二九八、外務部庶務司擬為查詢懲辦官員事致長順咨文稿……………一七〇九

附件：法翻譯面遞吉林官員反教情形節畧

一二九九、外務部庶務司擬為核准永清教案各節事致順天府札稿……………一七二〇

一三〇〇、署綏遠城將軍文瑞為抄呈議結準格爾旗教案合同事咨呈外務部文……………一七二一

附件：準格爾旗庚子教案撫卹合同

一三〇一、署四川總督岑春煊為請商法使更換主教等事致瞿鴻禨函……………一七二四

光緒二十九年三月

一三〇二、護理山西巡撫布政使吳廷斌為抄送議結教案合同事咨呈外務部文……………一七二五

附件一：山西省耶穌教自立會教案議結合同（計兩件）

附件二：山西省美國宣道會教案議結合同

附件三：山西省法國天主教教案議結合同

附件四：山西省義國天主教教案議結合同

附件五：山西省義國天主教教案賠款全清合同

附件六：山西省口外六廳教案善後合同

光緒二十九年四月

- 一三〇三、陝西巡撫升允奏報教案議結並請獎敘教士及出力各員摺……………一七三
- 一三〇四、盛京將軍增祺等奏報寧遠州美國教案議結摺……………一七三
- 附錄：奉天寧遠州議結美以美會耶穌教案條約
- 一三〇五、外務部庶務司擬為奉旨獎敘教士事致英署使照會稿……………一七三
- 一三〇六、署四川總督岑春煊奏為全省拳民一律肅清請獎出力各員事摺……………一七三
- 一三〇七、署四川總督岑春煊奏為全省教案議結請獎出力各員事摺……………一七四

光緒二十九年五月

- 一三〇八、順天府尹陳璧為已飭查拿薊州等處拳民事致紹昌雷補同函……………一七四
- 附錄一：法使呂班為直隸地方不靖請查辦事致外務部函
- 附錄二：法使呂班遞少陵口等地方團民聚眾情形節略
- 一三〇九、刑部直隸司擬為袁世凱所奏拏獲郝振邦一片已奉硃批事移文稿……………一七四
- 附件：直隸總督袁世凱奏報拏獲郝振邦訊供正法片

光緒二十九年閏五月

- 一三一〇、護理江西巡撫布政使柯逢時奏報拿獲庚子年教案人犯審明定擬摺……………一七四
- 一三一、順天府為查復薊州等處現無拳民聚眾事咨呈外務部文……………一七五

一三一二、盛京工部侍郎鍾靈奏報庚子年衙署被毀遺失銀物案冊等項情形摺……………一七五二

一三一三、順天府為查復涿州並無拳民並抄呈告示事咨呈外務部文……………一七五三

附件：順天府嚴禁聚眾習拳告示

一三一四、吉林將軍長順等奏報吉林省教堂賠款先後議結情形摺……………一七五六

附錄一：吉林省議結天主教案合同

附錄二：吉林省議結耶穌教案合同

一三一五、署綏遠城將軍文瑞為美牧師重翻舊案請轉美使勸諭事咨呈外務部文……………一七六一

光緒二十九年七月

一三一六、陝甘總督崧蕃等奏報平利縣反教起事並辦理情形摺……………一七六五

一三一七、外務部庶務司擬為四川教案議結事致英美法使照會稿……………一七六九

附錄一：法使呂班為遞送四川團民情節畧事致外務部函

附錄二：法使呂班遞四川團民情節畧

光緒二十九年八月

一三一八、黑龍江將軍薩保奏為黑龍江教士命案議結請獎出力人員事摺……………一七七二

一三一九、黑龍江將軍薩保奏請開復已革副都統鳳翔等原官片……………一七七三

一三二〇、黑龍江將軍薩保奏請開復已革同知銘琦原官片……………一七七四

一三二一、陝甘總督崧蕃為請商法使減讓阿拉善旗償款事致奕劻等函……………一七七五

一三二二、盛京將軍增祺等為請示處理團首王子雅辦法事咨呈外務部文……………一七七七

一三二三、署四川總督錫良為抄送英國耶穌教案賠款合同事咨呈外務部文……………一七八一

附件一：光緒二十八年四川各州縣英國教案賠款數目清摺

附件二：光緒二十八年四川各州縣英國教案賠款合同清摺

一三二四、直隸總督袁世凱為法軍交還大沽中礮臺等地段事咨呈外務部文……………一七八八

光緒二十九年九月

一三二五、外務部庶務司擬為王子雅應按律正法事致增祺等咨文稿……………一七八八

一三二六、理藩院為已劄烏盟辦理四子王旗賠款事咨呈外務部文……………一七九〇

光緒二十九年十一月

一三二七、熱河都統松壽為抄送熱河教案用款一律清結奏摺事咨外務部文……………一七九〇

附件：熱河都統松壽奏報熱河教案用款一律清結並收支數目摺

一三二八、直隸總督袁世凱為紫荊關防禦聯軍碑業已撤毀事咨外務部文……………一七九三

附件：紫荊關防禦聯軍西犯陣亡將士碑文稿

附編：義和拳神拳等清代部分民間會社檔案史料選編

- 一、山東巡撫李樹德奏報白蓮教首李雪臣密圖起事已經拿獲摺康熙五十六年十月十一日……………一七九六
- 二、前任江蘇布政使彭家屏奏請嚴禁順刀會摺乾隆二十二年四月初六日……………一七九七
- 三、山東巡撫鶴年奏覆已通飭各屬嚴密查禁順刀會摺乾隆二十二年五月初十日……………一七九八
- 四、浙江巡撫熊學鵬奏報審究吳卜元等學演神拳並製旗起事情形摺乾隆三十一年二月初九日……………一七九九
- 附件：鄞縣神拳案犯暨人證等供單……………一八〇二
- 五、浙江按察使圖桑阿奏報奉委前赴鄞縣吳家山搜查情形摺乾隆三十一年二月十七日……………一八一五
- 六、浙江巡撫熊學鵬奏覆吳卜元等演拳製旗各情節摺乾隆三十一年二月二十五日……………一八一七
- 七、浙江巡撫熊學鵬奏爲審明吳卜元等演拳豎旗情形分別定擬事摺
乾隆三十一年二月二十五日……………一八二二
- 八、浙江巡撫熊學鵬奏爲續獲鄞縣神拳案犯定擬暨獎賞出力兵民事摺
乾隆三十一年四月初四日……………一八二九
- 九、山東巡撫徐績奏覆王倫起事緣由及剿捕情形摺乾隆三十九年九月十二日……………一八三七
- 一〇、山東布政使國泰奏覆審明恩縣李萃等義合拳教一案定擬摺乾隆三十九年十月初四日……………一八三九
- 一一、大學士舒赫德等奏報拏獲人教之張在立並習拳之司貞等定擬摺

乾隆三十九年十月十四日	一八四二
一、署山西巡撫巴延三奏覆奉旨飭屬嚴禁傳習咒語拳棒摺乾隆三十九年十月二十日	一八四四
二、山東巡撫楊景素奏覆審明褚致遠等誦咒習拳情形分別定擬摺	
乾隆三十九年十一月初八日	一八四五
一、山東巡撫楊景素奏為訊明左榮宗等誦咒習拳情形分別定擬事摺	
乾隆三十九年十二月十三日	一八四七
二、直隸總督周元理奏為拏獲習拳人教之崔大勇等審明擬議摺乾隆三十九年十二月十七日	一八四八
附件：崔大勇供單	
一、山東巡撫楊景素奏報拏獲習拳人教之李之貴訊明解京摺乾隆四十年二月二十四日	一八五一
二、直隸總督周元理奏覆派委辦理張九錫呈控義和拳教一案情形摺	
乾隆四十三年十一月二十五日	一八五三
一、山東巡撫國泰奏覆已飭于易簡赴冠縣嚴拏義和拳教楊姓摺乾隆四十三年十一月二十九日	一八五四
二、山東巡撫國泰奏為拏獲楊四海訊無演習義和拳情形事摺乾隆四十三年十二月初五日	一八五五
三、著山東巡撫國泰等嚴究楊四海案並詳訊張九錫供詞事上諭乾隆四十三年十二月初九日	一八五七
四、山東巡撫國泰奏覆即赴冠縣確究義和拳教楊姓一案摺乾隆四十三年十二月十四日	一八五八
五、刑部侍郎胡季堂等奏覆詳訊張九錫供楊姓童姓傳習義和拳情形摺	

乾隆四十三年十二月十七日……………一八五九

二三、山東巡撫國泰奏覆審明楊四海一案定擬摺乾隆四十三年十二月二十七日……………一八六一

二四、刑部侍郎胡季堂等奏為審明張九錫誣告義和拳教一案定擬事摺

乾隆四十四年正月初五日……………一八六四

二五、著直隸總督劉峩即派員查訪李存仁等有無演習義和拳事上諭 乾隆四十八年十一月十五日……………一八六八

二六、大學士阿桂等奏為遵旨訊問呈控義和拳之魏玉凱錄取供詞事片

乾隆四十八年十一月十五日……………一八六九

附件：魏楊等供單

二七、直隸總督劉峩奏報於魏玉凱控案内查出簡七等人教習拳摺乾隆四十八年十一月二十四日……………一八七〇

二八、著直隸總督劉峩等就近根究魏玉凱控案確情定擬具奏事上諭乾隆四十八年十一月二十六日……………一八七二

二九、著刑部將南宮縣習教之簡七處斬于聞絞候事上諭乾隆四十八年十二月十三日……………一八七三

三〇、直隸總督劉峩奏報拏獲許三等訊取八卦會段文經戕官劫獄情形摺

乾隆五十一年閏七月十九日……………一八七三

三一、直隸總督劉峩奏為訊明許三等人八卦會並戕官劫獄情形事摺

乾隆五十一年閏七月二十四日……………一八七五

附件：直隸總督劉峩所呈抄獲許三家內所藏字條暨許三口誦之咒語

- 三二、直隸總督劉峩奏為遵旨將翟治元解京並嚴緝段文經等事摺乾隆五十一年十月二十六日……………一八七八
- 三三、直隸總督劉峩奏為遵旨已將翟治元由省解京事摺乾隆五十一年十一月初三日……………一八八一
- 三四、刑部奏為研訊翟治元堅供並非離卦教頭事摺乾隆五十一年十一月初六日……………一八八二
- 附件：翟治元等供單
- 三五、步軍統領衙門為曳刀會枷犯呂大病故事咨刑部文乾隆五十八年三月十九日……………一八八五
- 三六、著江南山東等督撫查拏順刀會義和拳並整頓吏治事上諭嘉慶十三年七月十四日……………一八八六
- 三七、安徽巡撫董教增等奏覆遵旨查禁順刀會並籌辦地方吏治情形摺嘉慶十三年十月初一日……………一八八七
- 三八、御史趙未彤奏請飭下山東撫臣查禁曹州府一帶義和拳摺嘉慶十六年十月二十九日……………一八八九
- 三九、山東巡撫同興奏覆遵旨密查嚴禁曹州府一帶義和拳摺嘉慶十六年十一月初六日……………一八九〇
- 四〇、山東巡撫同興奏報拏獲素習拳棒之路克言等並咨拏徐執印片嘉慶十七年三月初九日……………一八九二
- 四一、安徽巡撫錢楷奏報拏獲習拳之徐執印已解往山東片嘉慶十七年四月初二日……………一八九三
- 四二、山東巡撫同興奏為審明徐執印及路克言各案大概情形事摺嘉慶十七年八月初四日……………一八九四
- 四三、山東布政使朱錫爵等奏為審明習離震諸教之張見木等定擬事摺
嘉慶十八年九月二十五日……………一八九五
- 四四、著山東巡撫同興嚴懲曹州一帶紅磚會並查拏首要劉洙事上諭嘉慶十八年十一月初三日……………一九〇一
- 四五、山東巡撫同興奏覆懲辦曹州一帶義和拳紅磚會等情形摺嘉慶十八年十一月初九日……………一九〇二

四六、步軍統領衙門英和等奏請飭下天津鎮道查拏傳教聚衆之八當家等摺

嘉慶十八年十一月二十一日……………一九〇四

四七、兩江總督百齡奏報目前徐州一帶並無順刀會事片嘉慶十八年十一月……………一九〇七

四八、山東巡撫同興奏報拏獲離卦教紅磚會首張景文訊明辦理摺嘉慶十八年十二月初二日……………一九〇七

四九、著京城及各省地方官嚴禁學習拳棒結會燒香事上諭嘉慶十八年十二月初八日……………一九〇九

五〇、長蘆鹽政廣惠奏爲訊取義和門季文升等確供遵旨解部事摺嘉慶十八年十二月初八日……………一九一〇

附件：季文升供單

附錄：戴真先劉會昌等供單

五一、直隸總督那彥成奏報拏獲唐鬍子已委員解京摺嘉慶十八年十二月十四日……………一九一六

附件：唐鬍子供單

附錄：唐恒樂供單

五二、署直隸總督章煦奏報拏獲大乘教首並習神拳之張九成片嘉慶十九年正月二十五日……………一九一九

五三、兵部尚書劉鏞之等奏請敕下直隸總督查辦岳輔路老等習教各案摺

嘉慶十九年閏二月初二日……………一九二〇

附件：已革盧溝橋巡檢陳紹榮爲訪得岳輔路老等習教事稟劉鏞之等文

五四、直隸總督那彥成奏覆訊明岳輔路老等習教各案分別定擬摺嘉慶十九年三月二十九日……………一九二三

五五、山東巡撫陳預奏報拏獲習義和拳及梅花拳之呂福董文明等片嘉慶十九年十月三十日……………一九二七

五六、刑部奏為劉第五供實係平民並未人教事摺嘉慶十九年十二月初二日……………一九二八

附件：劉第五供單……………一九二八

五七、直隸總督那彥成奏為拏獲老君門教即義和門之葉富明定擬事摺

嘉慶二十年五月初七日……………一九三〇

五八、著刑部將山東江蘇之拽刀手案犯從重定擬事上諭嘉慶二十年八月十四日……………一九三二

五九、直隸總督那彥成奏請將人老天門教習義和拳之葛立業解部審辦摺

嘉慶二十年九月初三日……………一九三二

六〇、著兩江總督百齡等拏辦掖刀手事上諭嘉慶二十年九月二十三日……………一九三四

六一、刑部奏為審明吳大及葛立業人教並收受起事旗號事摺嘉慶二十年九月二十六日……………一九三五

附件：葛立業宋玉林供單

附錄一：宋玉林供單

附錄二：宋樹得供單

附錄三：郭維正供單

六二、直隸總督那彥成奏報拏獲尤明等義合門好話教訊明大概情形摺嘉慶二十年十月初七日……………一九四二

六三、直隸總督那彥成奏為拏獲義和門離卦教吳泳滿尤明嚴審定擬事摺

嘉慶二十年十一月二十五日	一九四四
六四、刑部奏爲審明宋文潮及馬十人教並收受起事旗號事摺嘉慶二十年十一月二十八日	一九四七
附件：馬十供單	
六五、刑部尚書崇祿奏爲訊明劉玉濫參與起事並習練金鐘罩情形摺	
嘉慶二十一年一月二十一日	一九四九
六六、山東巡撫陳預奏爲審明王進忠首告義和拳一案分別定擬事摺	
嘉慶二十一年六月初五日	一九五一
六七、直隸總督方受疇奏爲審明宋相貴等習教情形請解東省歸案事摺	
嘉慶二十二年十二月十九日	一九五五
六八、河南巡撫姚祖同奏爲拏獲習演神拳欲圖起事之劉順義等定擬事摺	
道光元年二月十四日	一九六二
六九、直隸總督那彥成奏爲遵旨審明立祖師會之胡椅角等定擬事摺道光六年六月十三日	一九七二
七〇、貴州巡撫嵩溥奏報委臬司出省查辦四川南川縣聚衆起事情形摺	
道光九年二月二十五日	一九七八
七一、四川總督戴三錫奏爲訊明羅聲甫等演拳抗官情形分別定擬事摺	
道光九年二月二十八日	一九八〇

七二、雲貴總督阮元等奏為訊明陶月三等傳習少林神打情形分別定擬摺

道光九年五月二十六日 一九八八

七三、步軍統領耆英等奏請將結拜紅陽會學演神拳之謝八等解交刑部摺

道光十一年十二月二十五日 一九九二

七四、步軍統領耆英等奏請將紅陽會首周大解交刑部歸案辦理摺道光十二年正月十七日

一九九四

七五、山東巡撫鍾祥奏報拏獲曹州紅輓會等結盟拜會各案犯片道光十四年正月初八日

一九九六

七六、山東巡撫鍾祥奏報查辦曹州府屬紅輓等項會黨情形片道光十四年四月初十日

一九九七

七七、山東巡撫鍾祥奏報拏獲習教首要李芳春等並請將河南獲犯解東摺

道光十六年七月初六日 一九九八

七八、山東巡撫經額布奏為遵旨審明李芳春等習教演拳分別定擬事摺

道光十六年九月初七日 一九九九

七九、署直隸總督琦善奏為審明人教及習梅花拳各案分別定擬事摺

道光十六年十二月十四日 二〇〇六

八〇、山東巡撫經額布奏報拏獲復興張景文離卦教之闕夢祥等訊明供情摺

道光十八年六月三十日 二〇一〇

八一、直隸總督琦善奏為拏獲人教做會及習梅花拳之高洛青等分別定擬摺

道光十九年七月二十日	二〇二
八二、左都御史文祥等奏為義和團副總劉廣成呈訴冤情請旨根究事摺同治元年五月二十七日	二〇二
附件：山東陽穀縣義和團副總文生劉廣成呈文	

一 李秉衡爲陳明曹單大刀會與教民糾紛緣由事咨呈總署文〔一〕

※光緒二十二年五月十二日（一八九六年六月二十二日）

光緒二十二年三月初九日，承准貴衙門咨開：光緒二十二年三月初二日，准德國紳使函稱，山東西南界單縣、城武縣、曹縣等處，去年十二月底有肇亂起衅情事，至今仍未彈壓。該處入教之民人受害最重，教堂十六所被會匪毀壞，西國教士當即藏匿求生，各該地方官祇向會匪商酌，並未將首要拿獲。曹縣知縣曾升堂時，聚衆甚多，辱罵教士及入教之人，並將教士韓寧鎬之送信人喝打，受傷甚重。該會匪過河南界，指望攻擊該省天主教堂，經睢州地方官派兵將該匪逐回。可見河南官員實力保護，山東官員並不出力。因深知山東巡撫憎嫌教務，故爾置之無關緊要之列。應請咨行山東巡撫查明受損賠償。等因。

查此案未據貴撫咨報，本衙門無案可稽，無從照復。相應咨行貴撫查辦，並聲復本衙門可也。等因。到本部院。

承准此，查此案先據曹縣知縣曾啟垣、單縣知縣李銓、城武縣知縣楊義堃會稟聲明，查係教民與劉士端等口角，經人調處了結，並無毀壞教堂、擄去教民之事。等情。當經電復在案。承准前因，復飭據曹州府確查電復。並檄委候補直隸州知州秦浩然馳赴該三縣密查此案起衅根由，務得確切底

〔一〕本書所收《總理各國事務衙門檔》各件，均屬被該衙門整理過的抄件，原件文首之稱謂及文末套語在整理時業已刪節。

細，據實稟覆去後。

茲據秦牧浩然稟稱：竊卑職於曹縣途次，接奉撫院委查事件密札，以准總理各國事務衙門咨，准德國紳使函稱，山東西南界單縣、城武縣、曹縣等處，去年十二月底有肇亂起釁情事，至今仍未彈壓。該處人教之民人受害最重，教堂十六所被會匪毀壞，西國教士當即藏匿求生，各該地方官祇向會匪商酌，並未將首要拿獲。曹縣知縣曾升堂時，聚衆甚多，辱罵教士及人教之人，並將教士韓寧鎬之送信人喝打，受傷甚重。山東官員並不出力保護，以爲無關緊要，請咨行查明受損賠償。咨由總署轉咨到東，密札委令就近赴曹縣、單縣、城武等處密查此案起衅緣由，務得確切細底，據實馳稟，以憑核辦，毋稍狗庇含糊。並蒙抄發電稿五紙。等因。

奉此，卑職遵卽改裝易服，在於曹縣、城武、單縣三處所轄境內，親詣四鄉密查暗訪。德國洋教士所居謂之教堂。其由洋教士僱用人教華民，擇其粗通文字之人，月給工食三千文，分赴各處傳教講學，借用鄉民草房兩三間不等，亦有借住瓦房者，小民呼之爲洋學堂。門外各置舊鐵鐘一座，屋內山牆上懸有天主畫像一張，桌子一張，板橙一條，葦蓆一二條，床一張，更有並無畫像桌橙之處。緣所設各堂隨時增添裁撤，去留無定。第洋教士居住地方，與隨便講學之處略有不同，每處約有瓦屋八九間，與民房毫無異樣，聞係用價購買。屋內懸掛天主像三軸，並有應用桌椅等件。此卑職密查該三縣境內各教堂、洋學並無拆毀砸壞之實在情形也。

至稱去年十二月底肇亂起衅一節，查得曹縣東鄉破樓角寨，與城武境之天宮廟、單縣境之李海集

犬牙相錯，邊界毘連。破樓角東門內設有洋學堂，計草房兩間，木門一扇，屋內床、桌各一張，板橙、葦席各兩條。教師張連珠在此講學，籍隸東昌。此堂係去秋所立，收有教民呂菜，先未入教，曾經爲匪。十二月二十一日，有在太平莊開設藥鋪山西客民郝和昇，向呂登士討要藥賬，說起呂菜入教，恃此以爲護符。呂菜卽向郝和昇滋鬧，因而互相毀謗各散。呂菜遂以辱罵洋教告知教師張連珠，張教師隨卽帶領多人，持械往太平集向郝和昇尋釁未遇。二十二日，正值李海集集期，郝和昇趕集，張連珠帶人跟踪追趕，郝和昇聞信躲避。會首曹德禮亦在該處趕集，郝和昇往告前情，曹德禮亦卽糾人，遇張連珠於該集王念宗藥鋪門首，當經王念宗將張連珠、曹德禮一同邀入鋪內，力爲排解，均各允處散去。年終趕集，人本擁擠，一聞爭吵，聚集益多。事既了結，張連珠以爲未能爭得面子，氣忿莫釋，心懷不甘，復約天宮廟教師邀人打架。先令教民朱姓赴曹德禮處送信，約期理論。曹德禮轉告劉士瑞，商允帶領多人，由破樓角至天宮廟找尋張連珠，約離天宮廟一二里許，經該防營宋哨弁清太及寨長人等勸阻各散，並約期代爲和好。其時白教士德祿正在宋哨弁營內閑談，詢悉情由，轉向培教士等告知張連珠多事。二十四日，各教士共央宋哨弁帶領王教師等向劉士端道歉，並將張連珠訓飭。劉士端等亦向王教師揖讓，彼此言歸于好，並面約各人不准造言生事。所指數千人者，想指在集之人而言。所指藏匿求生者，想指伊教士與宋哨弁閑談而言。此卑職查明劉士端與天主教張連珠互相口角起衅之實在情形也。

此案起衅，雖由於呂菜、郝和昇彼此口角，告知張連珠、劉士端、曹德禮等，一再尋衅，希圖洩忿。然已先後經人勸散，實在並未交手，教堂均無毀壞受害情事，實屬無可賠償。卑職週履三縣各鄉，遍詢

居民人等，衆口僉同。曹屬民情人所共知，該三縣因恐別生事端，於去年臘杪會銜出示，遍貼鄉鎮，禁止大刀會，不准再行傳習。本年正月初二日，三縣會哨彈壓，共見共聞。此該地方官並未置之無關緊要之列實在情形也。

韓教士送信人曾令當堂問話事誠有之，實未辱罵教士、教民，亦無喝打等事。詢之城中居民，衆口一詞，自屬可信。至於州縣坐堂，環繞觀聽，比比皆是，不獨曹縣爲然，非聚衆也。所有卑職遵飭查明此案起釁確切緣由，理合據實馳稟察核。等情。到本部院。

據此，查此案屢飭明查暗訪，委因客民郝和昇向教民呂登士索討藥帳口角，因而呂登士族人呂菓屢次向郝和昇尋釁，經該縣等前往彈壓了結，始終並無圍毆及毀壞教堂什物情事，該地方官辦理尚無不合。惟該處有業之戶，因上年海防吃緊，圖衛身家，偶有學習金鐘罩教即大刀會名目，妄意可避各種火器。嗣經各該縣申明定例，嚴行查禁。此印委各員一再查覆曹縣等處民教口角，並未滋事實在情形也。

除仍批飭凡有民教事件，務令特〔持〕平辦理，不致有所藉口，一面先經通飭各屬嚴禁異端邪術，不許再有傳習外，相應抄錄會稟，備文咨呈。爲此咨呈貴衙門，謹請察照施行。

（總理各國事務衙門檔）

附件：李銓會啓墳等爲曹單大刀會與教民糾紛事稟李秉衡文

同知銜·代理曹州府單縣知縣李銓，同知銜·署理曹州府城武縣知縣楊義堃，四品銜·在任候補知府·青州府樂安縣代理曹州府曹縣知縣曾啟垣謹稟大人閣下。敬稟者：

竊卑縣等界連直豫，地接江皖，素爲盜賊出沒之區。前因海氛未靖，各處匪徒間有蠢動，民心恐懼。正慮防範無策，適有曹縣監生劉士端、單縣民曹德禮、城武縣民益郭善等遇一遊方無名道士，精通金鐘罩法術，卽傳言之大刀會，能避鎗炮利器。劉士端等聞之奇異，各因防賊保護心切，隨從該道士習試不虛，並幫同各團長捕獲巨盜多名送究。屢試屢驗，於是鄉民互相學習，藉資保衛，珍爲秘訣。經卑縣等歷前縣訪聞禁止，劉士端等均各畏懼，具稟自首。曾經前署曹縣王令鍾儁查明劉士端等習練異術，除防身禦賊之外，並無不法，且曾經捕盜出力，從寬免究。

嗣奉前升任本府蒙撫院以淮河南撫院咨，承准總理衙門來電，奉旨：前因豫東邊境土匪滋事，諭令劉樹堂實力勦辦。茲又有人奏稱，槍匪中有稱杆子頭者，劫掠羅樓、魯莊、大張莊、小曹樓等處村寨，地方官無敢過問，居民紛紛逃避。復聞妖人劉姓，於二月間攻破睢州之王橋寨，建立旗號，杆匪與之合股。等語。卽著該撫嚴查覆奏。欽此。當蒙河南撫院查明豫省並無羅樓等處被劫案據。至妖人劉姓，想指劉士端而言。行經王令查明劉士端並無攻破睢州王橋寨、杆匪與之合股情事。稟蒙前升任本府轉稟撫院核咨。卑職等於上年秋冬先後到任，均經訪知前情，嚴行禁止。數月以來，均各相安。

詎於上年十二月二十三日，有在卑縣等交界太平集開設藥鋪之山西人郝和昇，向德國教民呂登士索討賒欠藥錢不還，郝和昇指斥呂登士恃教抗欠。維時呂登士族人呂萊在旁聽聞，代抱不平，聲言郝

和昇係白蓮教妖人，郝和昇回稱呂菜係洋羔子教庇護匪人，致相口角，經勸各散。呂菜當即告知洋學教師張連珠，糾領教民多人，赴單縣境李海集向郝和昇、曹德禮尋衅，經王念宗等攔阻勸散，張連珠等氣猶未息。郝和昇告知劉士端等，赴曹縣境破樓角講理未遇。因聞均在城武縣境天宮廟洋學，由彼往尋，行至中途，經卑職等先後訪聞，會同防營帶領差役，分路查禁彈壓，卑職義堃親赴該處開導解散。二十四日，經人調處，在曹縣境單店村互相見面，服禮無事。卑職等因兩造事已了結，未便深究，以免復起事端。

二十六日，忽據教士韓寧鎬函稱，劉士端等拆毀教堂，並將破樓角教堂大門桌椅什物等件毀壞殆盡。卑職啟垣密查，與教士來信不符。二十八日戌刻，奉到撫院電諭，以據安治泰函稱，縣境有大刀會數千名將各處教堂毀壞，將從教人擄去，查係何緒端、曹德禮等爲首。等語。究竟有無其事，係何情節，查明電覆。等因。卑職啟垣遵於二十九日電覆憲鑒。一面查明洋人在卑縣等傳教，向係借用教民房屋作爲洋學，並無專立教堂。今安治泰既稱將其各處教堂毀壞，自係以洋學影射。惟洋學房屋有無毀壞，非會勘明確，不足以昭核實。卑職等即於本年正月初二日，會同親赴曹境之破樓角、城武境之朱樓，勘得各該處有洋人借用教民朱君照等草屋各二間，作爲洋學，四無垣牆，亦無大門，各屋完固，屋內桌椅什物均無毀壞，從教人亦無被擄情事。其爲借端誣賴，已有明証。並聞從其教者無一正人，或者劉士端等屢獲巨盜，與從教人不利，故意張大其詞，以致洋教士等誤聽迴護，亦未可定。

除會銜出示嚴禁金鐘罩名目，如有遞相傳徒學習，從重懲辦，並與教民各安本分，均不得恃符滋

事，以期民教相安外，理合稟請鑒核。

再，此稟係卑職啟填主稿。合併聲明。

總理各國事務衙門檔

二 總署爲曹單等縣教堂並無被毀事致德使照會

光緒二十二年五月十四日（一八九六年六月二十四日）

山東單縣、城武縣、曹縣等處教案，前經本衙門將山東巡撫查辦電復情形照復貴大臣在案。

茲於五月十二日，復准山東巡撫咨稱：據候補直隸州知州秦浩然稟稱，卑職奉委密查曹縣、城武縣、單縣三處教案，當即改裝易服，親詣該處。查得德國洋教士所居謂之教堂，其僱用人教華民，借用鄉民草房或瓦房兩三間者謂之洋學堂。三縣境內各教堂、洋學堂皆無拆毀砸壞情事。至去年十二月底肇亂起衅一節，查曹縣東鄉破樓角寨，與城武境之天宮廟、單縣境之李海集邊界毘連。破樓角設有學堂，計草房兩間，木門一扇，屋內床、桌各一張，板橙、葦蓆各兩條。教師張連珠去秋收有教民呂菜，先在太平莊開設藥鋪山西客民郝和昇，向呂菜之族人呂登士討藥賬，口角互相辱罵。一告知教師張連珠，一告知會首曹德禮，遂互相糾衆尋衅。經藥鋪、營弁解散。時值年終，三縣趕集，白教士德祿適在營弁處閑談。所謂數千人，或即指趕集之人。所謂教士藏匿求生，或即指教士與營弁閑談而言。此案雖因彼此尋衅，實未交手，教民均無毀壞受害情事，實屬無可賠償。三縣因恐別生事端，於去臘會銜示禁大刀會。

三縣會哨彈壓，共見共聞，並未置之無關緊要之列。韓教士送信人曾令當堂問話，實未辱罵。州縣坐堂，環視觀聽，不獨曹縣爲然，並非聚衆。等語。查此案委因客民郝和昇向教民呂登士索賬口角，因而互相尋衅，經該縣等前往彈壓了結，始終並無鬥毆及毀壞教堂什物情事。該地方官辦理尚無不合。等情。前來本衙門。

查此案事經了結，本無應辦之件，既經山東巡撫派員密查，所復各節，自屬實在情形。相應摘錄案由照復貴大臣，請卽銷案可也。

(總理各國事務衙門檔)

三 劉樹棠奏爲刀會鬧教已飭郭廣泰暫署歸德鎮篆事片

光緒二十二年五月二十九日(一八九六年七月九日)

再，臣欽奉電寄諭旨：山東曹單刀匪藉拆毀教堂爲名，出沒於山東、江南之間，該處毘連皖、豫，著飭營伍鎮靜防範，毋使蔓延。等因。欽此。伏查此次匪徒滋事，臣前聞探報，卽咨令調署歸德鎮臣崔廷桂，督帶勇練各營，擇要分屯堵禦。奉旨後，又欽遵添派武朝聘所部豫捷營、蔣尚鈞所部精銳營，分赴豫邊，一體嚴密防範。

惟接准部咨：崔廷桂奉旨開缺，交部帶領引見。所遺南陽鎮員缺，已蒙簡放郭廣泰補授。臣思崔廷桂以將去任之員辦理邊防，深恐呼應不靈，難期得力。本任歸德鎮臣楊玉堂上年奏明調署南陽鎮，

又未能卽回本任。處此戎機緊要，不敢稍涉拘泥，已咨令郭廣泰暫署歸德鎮篆。一俟鄰氛稍息，防務就平，再令籲請陛見，前赴南陽鎮新任。是否有當，謹附片陳明，伏乞聖鑒訓示。謹奏。

光緒二十二年六月初十日奉硃批：著照所請。欽此。

(軍機處錄副奏摺)

四 劉坤一爲查出大刀會源委事咨呈總署文

※光緒二十二年六月十八日(一八九六年七月二十八日)

據署江蘇徐州道阮祖棠稟稱：竊自東省大刀會匪攔入江境，迭燬礮、豐教堂，均經隨時電稟憲鑒在案。惟聞該會初本保家而起，專意捕盜，日習日多，蔓延東、豫、皖、直，人數彌衆。近則良莠不齊，匪亦溷入，情殊叵測。茲復詢之教士，訪于土人，遍問官紳，詳加博採，始知其中源委情形。事關重大，未敢緘默，亦非電陳所能詳盡。除趕督礮、豐等縣籌防外，謹另繕具清摺，縷晰密呈，仰惟鈞察。伏求憲謨廣運，權衡籌度，無任屏營之至。再，正發稟間，適聞東省已派毓臬司前赴單、曹查辦，業已專電稟聞。等情並摺，到本部堂。

據此，除批：查東省大刀會匪，迭據該鎮、道等電報，始則爲旗丁龐三勾結聚衆數百人，越境滋擾教堂，派隊前往彈壓查辦，卽行退入東境；繼則搶劫單境鹽店，復毀豐縣教堂，人數愈聚愈衆，甚至與民團對仗，並抗拒官軍。本部堂亦就該匪等滋擾輕重情形，先後飭令查拿勦辦。現在雖經擊斃多名，並拿獲

要匪彭桂林等懲辦，第就目前而論，匪勢尚復猖獗，自應實力防勦，俾免蔓延爲患。其人會未經隨同抗拒之人，自當分別查禁，妥爲辦理。候抄摺咨請河南、山東、安徽撫部院轉飭一體分別會防查辦，並咨明總理衙門查照。繳。摺存印發外，相應抄摺咨明。爲此咨呈貴總理衙門，謹請查照施行。

（總理各國事務衙門檔）

附件：阮祖棠呈大刀會源委情形清摺

計開：

查大刀會卽鐵布衫法，乾隆、嘉慶時稱金鐘罩，目爲邪教，嚴行禁絕。現又起於光緒之二十年，其始不過十餘人，來自河南歸德府，至山東曹屬傳教。時值新授山東毓臬司守曹州，嚴於捕盜，盜乃愈多，幾難措手。適刀會獲匪送府，嘉其勇於捕盜，重犒鼓勵。會中人均感之，樂于助官捕盜。

其習法時，貧者不收贖儀，有力者以京錢六千爲贖，夜半跽而受業。燃燈焚香，取新汲井水供之。以白布畫符籙，其符字鄙俚不經，有周公祖、桃花仙、金罩鐵甲護金身等字樣。傳藝者並不能書，或不識字，多遣人代書之。另授以咒，誦咒焚符，沖水令其跪飲，卽於燈上吸氣遍吹其體，復以磚、棍排擊之。誦咒三夜卽能禦刀，謂誦久卽火器亦不能傷矣。大致略似運氣之法，氣之所至，猛擊以刀可以不入，而稍一頓挫，則仍飲刃也。愚民無知，驚爲神術。

且其時曹方苦盜，官民交倚爲重，一習其術則賊不敢侮。遇有搶案，則會中人聚抄賊巢，必獲賊而

後已。初尚送官懲治，嗣以送官後必照案辦理，不能盡殺，衆心不快，後遂獲賊即殺，不復送官。而豪俠尚氣，除剿賊外並不滋生事端，殺賊亦無冤抑。專心仗義，與盜爲仇，盜賊懾服。稍有犯竊爲其所知，則會衆爭捕，亦不受謝，特不能枵腹從公，爲之供飯而已。犯竊求寬，則必張筵請會，寫立字據，永不再犯，始可免死。近年荷澤、城武、單縣、定陶、曹縣等處，直無一賊，皆賴大刀會之力。而一倡百和，潛滋暗長，黨類日繁。但在本處，絕不掠財姦擄，人皆推其俠義，爭歸附之。鄉村大戶，多有僱以保家。甚至營縣局卡，亦有招募防衛。因之蔓延傳習，愈結愈盛。東省最衆，豫省次之，皖又次之，徐郡與東省壤地相接，近亦有人其會者，共約有兩三萬之多。其渠魁爲劉士端、尤金生、彭桂林及曹姓，皆會中之傑出者。各分門戶，號召徒黨。其弟子每爲其師壽，則數百里俱至演劇作會，紳士亦與往來。並聞劉士端以捕獲巨盜岳迷功，保有三品頂戴。偶至隣境，迎送不少。且有旂幟馬匹，步伐整齊，民熟視亦無驚怖。

本年四月間，單縣、虞城一帶，曾有聚衆打團，搜捕巨匪之謠。事未行，而適值礪民龐三因與教民爭割閘閘，遂托名代抱不平，蠶擁而至，號二千人，實則千有餘人。逐滅洋教除害爲名，越境焚堂，盜賊亦有混入其內。從前自稱避火，專用刀矛，近則亦多火器。從前自稱義俠，不取財物，近則專搶好馬。行逕日異，其心可知。比聞商邱、曹縣交界之劉口、青堦集，衆逾數千。曹、單等處，所在麇集，遠近匪類如水趨壑。察此舉動，變恐不測。此皆探訪實在情形，未敢稍涉張惶。

礪、豐等境，多與單縣毘連，近或數里，舉足即至，平原曠邈，一無險阻可扼。現雖防軍已出，實尚

衆寡懸殊，夾以教堂，尤爲辦理棘手。必須四省會齊，嚴密佈置，然後約期剿捕，庶免橫逸亂擾之虞。否則一或不利，數隅震動，即使能勝，而其黨類甚多，一經呼嘯，其衆立聚，勢必再圖報復，誅不勝誅。爲今之計，似宜趕調大隊，暫駐宿遷，乘機觀衅，以防其變。一面請速電商山東撫院，派毓臬司親駐邊境查辦，以期釜底抽薪。招令會日東歸，解散餘黨。仍照曾文正公辦法，祇論匪與不匪，不問會與不會，爲之匪、會劃清，藉安反側。其餘隨從之匪，或令交出，或逕拿辦，自易措手。卽各教堂亦可徐籌保護。是否有當，伏候鈞裁察辦。謹（稟）。

（總理各國事務衙門檔）

五 總署爲劉士端業已拿獲事致德署使函

光緒二十二年六月二十日（一八九六年七月三十日）

光緒二十二年六月十八日，准貴署大臣面稱，山東兗州教案算已了結，安主教現擬往濟南府面見李撫台，談論兗州、曹州各處教案之事。等語。當經本衙門電達東撫矣。本衙門五月二十九日，曾准東撫電稱，據曹、單縣稟，劉士端已經拿獲。等因。是曹州之案亦已辦妥。安主教當已函知貴署大臣也。

（總理各國事務衙門檔）

附錄一：德署使爲曹單大刀會又毀打教堂事致總署函

※一八九六年六月二十六日（光緒二十二年五月十六日）

本年五月十四日，接准照稱：山東曹縣、城武縣、單縣等處教案，於五月十二日准山東巡撫咨稱，據候補直隸州知州秦浩然稟查此案，委因客民郝和昇向教民呂登士索帳口角，因而互相尋衅，經該縣等前往彈壓了結，始終並無圍毆及毀壞教堂什物情事。該地方官辦理尚無不合。等情。前來本衙門。查此案既經了結，本無應辦之件，既經山東巡撫派員密查，所復各節，自屬實在情形。相應摘錄案由照復，請即銷案。等因。本署大臣查山東巡撫所稱委員辦事自屬可靠，而本國教士所報亦屬實在情形，但兩面言詞相去未免懸殊，本署大臣甚惜此事未能了結銷案。因思該省委員辦理此事，以有事而稱無事，似此查復，難辭疎忽。現在該省該縣又經起衅，足徵該委員以前所查含糊了結。日昨列位大臣來館為紳大臣送行，當經言及。頃接山東來電二件，內云：曹州府大刀會結黨作亂，攻擊教民，在山東拆毀教堂，并焚燒教民房屋。該匪又欲前往濟寧州焚拆教士房屋。等因。想貴大臣等之意，亦以為從前教案，已立現在起衅之根；近來教案，仍為從前之結果。揆度其由，必係從前辦理未絕根株所致。倘該巡撫認真辦理於先，則此時此案，自不能層見疊出，亦可免株連性命、毀傷產物等事。且由此不認真之故，大刀會愈肆行無忌。除將貴王大臣照會錄送該教士，并令稟復，俟聲復到日，查核今昔情形如何，再為函達貴署外，相應函復，即請查照。此復。順頌日祉。

（總理各國事務衙門檔）

附錄二：德署使爲單縣等處教案蔓延事致總署函

※一八九六年七月一日（光緒二十二年五月二十一日）

所有單縣、城武縣、曹縣等處教案一節，本署大臣於前日赴署面談，新在山東仍行作亂，攻擊教民。當經貴王大臣請將起事地方，及時日查明詳細知照後。並允嚴催東撫責成妥爲保護。本署大臣回館立即電達濟寧教士去後。今日接據該教士回電，內稱：單縣五月十一，焚教堂民宅薛孔樓、井莊、楊莊。十三，倪莊。十四，李家集。初五，拆教堂，搶教民賈莊。初六，後河灘。初七，趙莊。初九，葛樓、黃惡樓。十一，王家坑、孔莊。十二，姚家閣、董莊、蘇莊。十三，園莊、陳家樓、蔡家堂、官莊。十四，前河灘、張家橋、葛莊。城武縣十四，艾家莊。魚臺縣十八，大雪家。等因。察看電開，足徵攻擊教民一案，蔓延甚廣。同時又接電開：現在教務情形仍然危險。等因。相應函達貴王大臣，按照所開情形，嚴飭山東巡撫妥速辦理。幸勿仍前推諉耽悞，別生事端，至不可收拾之地爲要。並請速爲示復是荷。此佈。順頌日祉。

（總理各國事務衙門檔）

六 松椿奏報刀會肅清仍留馬隊於徐州巡緝事片

光緒二十二年六月二十八日（一八九六年八月七日）

再，前因碭山、豐縣有土棍勾引山東刀匪，焚燬教堂情事，據署徐州鎮陳鳳樓、署徐州道阮祖棠疊次電稟，均由奴才電達督臣劉坤一，商定合力兜捕，免致蔓延爲患。劉坤一派委總兵劉光才，率領步隊三營，奴才酌派管帶正營左翼馬隊守備吳德麒、管帶右營左翼馬隊遊擊熊長春，前往會勦。旋經陳鳳樓等陣殺一百餘名，又拿獲彭桂林等多名。其大頭目劉士端，亦經山東拿獲，分別正法。並經該管道府，將被焚教堂議明賠償。現在刀匪斂跡，民教相安，辦理均尚得法，堪以仰慰宸廑。惟徐州一帶，平日伏莽尚多，陳鳳樓仍將該馬隊留駐徐州，以資巡緝。一俟高粱刈穫，地方綏靜，再行調回。除詳細情形業由督臣劉坤一隨時具奏外，理合附片陳明，伏乞聖鑒訓示。謹奏。

硃批：該部知道。

（官中硃批奏摺）

七 刑部江蘇司擬爲劉坤一奏剿辦刀會片已奉硃批事移文稿

光緒二十二年七月初六日（一八九六年八月十四日）

江蘇司呈，爲移會事。

內閣抄出兩江總督劉片奏會匪闖入豐、碭縣境，有教堂被燬情事，現派統帶營勇認真兜勦一摺，光緒二十二年六月十一日奉硃批：知道了。欽此。抄出到部。相應恭錄硃批，行文該督查照可也。

咨江督。

（刑部檔）

附件：劉坤一奏報大刀會闖入豐碭已飭剿辦片

※光緒二十二年六月十一日（一八九六年七月二十一日）

再，江蘇徐州地方界連三省，向爲盜匪出沒之區。臣于本年回任後，迭經嚴飭該鎮道等督率營勇，實力巡緝，所有拿獲首要匪犯，一經訊供明確，卽飭就地嚴懲，原期該「決」不待時，俾知炯戒。乃數月以來，盜風仍未稍戢。現據該鎮道電稟，近有山東大刀會匪闖入豐、碭縣境，派隊往捕，旋卽解散。惟各該處教堂有被燬情事。曾將查辦情形，歷電總理衙門在案。似此聚衆滋擾，不法橫行，若不設法兜拿，何以靖地方而安民教？現經臣派委統帶兩江督標親軍等營。新授山西大同鎮總兵劉光才，于所部各營內酌帶回「四」營，馳往徐州鎮道嚴密巡緝。該處與河南、山東、安徽三省壤地相接，此拿彼竄，匪蹤飄忽靡常。並由臣咨會三省撫臣，派營勇認真巡防，遇有大股會匪，卽行會合兜剿，以期淨絕根株。除嚴飭該鎮道轉飭各屬務將教堂嚴密保護外，理合附片陳明，伏乞聖鑒。謹奏。

光緒二十二年六月十一日奉硃批：知道了。欽此。

（刑部檔）

八 李秉衡爲撫卹單縣等處教民事咨呈總署文

※光緒二十二年八月初八日（一八九六年九月十四日）

據兗沂曹濟道錫良稟稱：竊職道前奉撫院札開，本年五月二十三日，接總署來電，以據德使函稱，據濟甯教士電開，自五月初五以至十四等日，刀匪焚拆單縣薛孔樓等莊教堂、民宅，並及城武縣艾家莊、魚台縣大薛家等處，令卽飭屬按照所開日期、地名，迅速查辦，隨時具報。等因。奉此，職道一面隨同毓升〔臬〕司會督委員，週歷單縣、城武、曹縣各鄉，察勘地方情形，一面飭該府縣按照所開各莊，分別確查，取結詳報。茲據曹州府邵守承照督同單縣李令銓稟稱，查驗被焚教民房屋，惟薛孔樓、李家集較重。其餘各莊，僅止拆毀房頂，掠去傢具，教民並未被害。提訊各教民以及莊長人等，供詞無異。均各取具甘結。其城武縣，僅止艾莊一處，並未被毀，一併取具甘結通報。又據魚台縣張令則程稟稱，親至大薛家莊勘明，該莊並無教堂，亦無洋學。訊據莊長薛奇峯等供稱，伊莊人教者僅有薛瑞峯、薛存誠兩人，莊衆與教民均屬同族，各相和好，素無嫌隙，亦無匪徒搜搶習教之家情事。並取有莊長人等甘結呈驗。各等情。職道覆查無異，理合稟報查考。又據曹州府知府邵承照督同單縣知縣李銓稟同前由。各等情。到本部院。據此，查此次碭山匪首龐三傑，勾結曹、單等處大刀會匪徒，與人教之民挾仇滋事，當經飭拿懲辦。並將被擾之處，無論民教，均已分飭各該地方官查明一律撫卹緣由，恭摺奏報，並咨呈在案。據稟前情，除批示外，相應咨呈。爲此咨呈貴衙門，謹請察核施行。

（總理各國事務衙門檔）

九 劉坤一奏請酌保擊退刀會各員弁摺

光緒二十二年九月十一日（一八九六年十月十七日）

頭品頂戴·兩江總督臣劉坤一跪奏，為徐州兵練擊退刀匪，有裨大局，所有在事出力員弁，籲懇天恩俯准擇尤請獎，並開復降調總兵原官以示鼓勵，恭摺仰祈聖鑒事。

竊查本年四、五月間，山東刀匪竄至徐州豐、碭各屬，拆燬教堂，劫搶鹽店，經臣電飭署徐州鎮總兵陳鳳樓，及該文武督率兵練，嚴密防剿。嗣據稟報，於五月二十日、二十一日接仗獲勝，刀匪敗回各情形。節次電知總理衙門代奏。五月二十三日奉旨：劉坤一電悉。山東曹、單一帶，本係盜賊之藪。此次刀匪藉鬧教之名，既拆教堂，復毀鹽店，出沒於山東、江南省之間，該處民人集團守禦，其肆擾情形已可概見。著劉坤一、李秉衡各派隊堂，速往鎮壓，如敢抗拒，卽就地剿除，慎毋姑息養奸，致貽巨患。欽此。又二十七日奉旨：劉坤一電悉。刀匪拒捕開仗情形甚重，現雖敗回單縣，其匪首劉士端尚潛伏東境。著劉坤一嚴飭防堵，並電知李秉衡卽速掩捕。如需會剿，卽著飭營前進，務期速了，毋致蔓延為要。等因。欽此。仰見聖明智燭幾先，指示詳切，下懷莫名欽悚。當卽恭錄咨行，欽遵辦理。臣維此次防剿能否得手，實繫時局安危。該刀匪等黨羽甚多，徧布於山東、河南、安徽、江蘇分界之地，盤結勾連，陰謀叵測。茲因碭山龐三與劉姓教民割禾起衅，遂以滅教為名，肆其焚掠，以搖人心而啟外侮，用意至為險惡。初猶藉口為龐三復仇，以數十人、百數十人往來滋擾，專與教民為難；既而匪目彭桂林、智效忠、

陳五獸子各率巨股，合二千餘人，攻撲碭山馬良集，勢極披猖，形同叛逆。若使得逞，則兇焰益張，本地伏莽與外來遊勇從而附和，將有燎原之禍，大局不堪設想矣。陳鳳樓等部署嚴明，應援神速，兵練莫不用命，得以痛予創懲。匪目或斬或擒，無一漏網。匪徒死傷數百，餘悉逃回山東。徐境由是平安，教士莫不欣感，各案一律議結，堪以上慰塵懷。

伏維朝廷激勸戎行，微勞必錄。近如漕臣松椿飭派員弁，拏獲著名巨匪秦大得等，並奏奉硃批，准其酌保數名。今徐州兵練擊退刀匪巨股，保全地境，於大局不無裨益。所有在事出力員弁，合無仰懇天恩，俯准擇尤酌保，俾免向隅。至陳鳳樓，前因被參，部議降三級調用，經臣與漕臣松椿爲之逐款剖明，請留署任，仰荷恩俞。該總兵自回任後，整飭營伍，巡緝匪徒，不遺餘力，一方倚以爲重。此次防勦得手，實該總兵之功。可否准其開復原官，以示鼓勵，出自鴻施。

所有兵練擊退刀匪，請獎出力人員並開復總兵原官各緣由，謹恭摺具陳，伏乞皇上聖鑒訓示。謹奏。

硃批：陳鳳樓著准其開復。其餘出力各員，准其酌保，毋許冒濫。

（官中硃批奏摺）

一〇 總署爲單縣德國教士索賠事咨李秉衡文

光緒二十二年十月十七日（一八九六年十一月二十一日）

光緒二十二年十月初六日，准德國海使照稱：山東德國教堂，因本年五月間，在單縣境內有匪徒滋

事，該處教堂焚毀，教士物件遺失，該教士單請賠償，合東錢一萬五千吊。查單內所開十七處教堂房屋，均係教士自蓋自置。山東地方官言該房係民房，非教士自置，此言實屬子虛。請轉咨東撫，照數速交安主教領收。等因。相應鈔錄照會、清單咨行貴撫，速為查理了結，並聲復本衙門可也。

(總理各國事務衙門檔)

附件一：德使為開送單縣教士請賠清單事致總署照會

※一八九六年十一月十日(光緒二十二年十月初六日)

前次本大臣赴署面談，業經提及山東德國教堂，因本年五月間，在單縣境內有匪徒滋事，該處教堂焚毀，教士物件遺失，該教士現請賠償，按公道價值計算，合東錢一萬五千吊。等語。茲經張大人囑須辦就照會，將請賠清單附送。查單內所開十七處教堂房屋，均係該教士自蓋自置。山東地方官言該房係民房，非教士自置，此言實屬子虛，毫無足據。除教堂房屋被焚毀外，該教士所有衣裳、書籍、傢具等件遺失，合算六千吊上下。本大臣茲將清單附送，即請查收。並請轉咨東撫，照數將一萬五千吊速交安主教領收。

此次教堂被毀，教士失物，因地方官不立彈壓，不禁匪徒滋鬧，以致起事。按照通例，凡一國所寓外國人房產毀失，應將所失賠還。前江蘇省有法國教堂一案已蒙辦結，此案亦係大刀會匪作亂。貴國既經辦理有案，此則事同一律，貴國政府自宜速為了結。本大臣日前奉本國國家電詢，山東德國教士

請賠一案是否辦妥，想貴國必以善爲辦結，令本大臣有以報本國外部也。

合行備文，照會貴王大臣查照。

（總理各國事務衙門檔）

附件二：單縣德國教士所開教堂及教民房屋被焚拆索賠清單

計開：

教堂及教民房被焚拆清單。

李家集：教堂瓦屋十七間，又瓦屋一間焚燒。牆拆毀少半，樓垛口壞了，樓格扇沒了，窗戶十六個打壞，門八合拿去，帳桌一張拿去，書櫃一個拿去。價值京錢兩千四百吊。

葛家樓：教堂瓦屋三間，牆刨倒，木料沒了。價值京錢一百四十吊。

黃家樓：教堂瓦屋三間，拆壞房頂，窗戶打壞。價值京錢一百四十吊。

葛家莊：教堂四間瓦房，拆去房頂，門三合拿去，格扇、木祭台亦拿去。價值京錢一百吊。

張家橋：教堂六間瓦屋，拆壞四間房頂。五合門拿去，十個櫟、一架梁、窗戶一個拿去。東瓦屋二間拆壞。價值京錢一百吊。

倪家莊：教堂瓦房十六間，東瓦房二間焚壞。草房四間拆壞。門六合。方桌五張。厨櫃一架。椅子二把。橙子五條。床三張。價值京錢一千六百吊。

陳家樓：教堂草房二間，拆壞房頂。門一合、橙子二條、床一張、方桌一張拿去。價值京錢二十吊。
井家莊：教堂七間、瓦屋三間、門樓一間焚毀。價值京錢七百吊。

趙家莊：教堂瓦屋三間拆壞，檁沒了，椅子二把打壞。價值京錢一百四十吊。

李家河灘：教堂未壞，東草房四間拆壞。價值京錢六十吊。

陳家河灘：教堂瓦房三間、過道一間、平房一間全拆壞。一門、二窗、桌子二張、椅子一把全拿去。價值京錢一百八十吊。

賈家莊：教堂七間瓦屋拆壞。平房一間拆壞。南瓦屋二間，拆壞半間。門四合。窗戶四合。桌子五張。椅子四把。橙子八條。抬槍一杆。洋炮二杆。竹杆鎗二十根。布天棚一個。價值京錢九百吊。

楊家莊：教堂七間瓦屋，西瓦屋二間焚燒。門窗打壞。桌子三張。椅子四把。橙子四條。床二張。匾一個。竹杆二十根。洋炮十杆。抬鎗一杆。布天棚一個。價值京錢九百吊。

河南劉家莊：教堂瓦房三間，拆壞一半。一門、二窗打壞。桌子二張。椅子二把。橙子六條。床二張。布天棚一個。價值京錢五十吊。

薛孔樓：教堂瓦房七間，又瓦房四間、平房三間、草房十間，並教民草房一百一十九間全燒毀。價值京錢一千八百吊。

黃岡集：三間屋牆拆壞。二窗戶打壞。價值京錢六十吊。

王家莊：教堂草房三間拆壞。椅子二把。桌子二張。橙子二條。布天棚一個。鍋一口。價值京錢一百吊。

外有別莊教民民房被焚拆不一，不在單內。
以上所開，祇係房屋。其衣物、傢具等不在其內。

（總理各國事務衙門檔）

一一 李秉衡爲教士索賠與奏案不符碍難照辦事咨呈總署文

※光緒二十二年十一月十九日（一八九六年十二月二十三日）

（光緒二十二年十月□□日，承准貴衙門咨開）：光緒二十二年十月初六日，准德國海使照稱，山東德國教堂，因本年五月間，在單縣境內有匪徒滋事，該處教堂焚毀，教士物件遺失，該教士單請賠償，合東錢一萬五千吊。查單內所開十七處教堂房屋，均係教士自蓋自置。山東地方官言該房係民房，非教士自置，此言實屬子虛。請轉咨東撫，照數速交安主教領收。等因。相應抄錄照會、清單咨行貴撫，速爲查理了結，並聲復本衙門可也。等因。到部院。

承准此案於本年五月，准兩江總督電稱：碭山縣匪徒龐三傑，因教民搶麥起衅，勾串大刀會，拆毀教堂。等因。旋擾及山東單縣境內。當經本部院奏派新任臬司毓賢及兗沂曹濟道錫良，調派開字三營，前往彈壓查辦。旋經該臬司等督同曹、單兩縣，將匪首劉士端、曹得禮，並匪衆三十餘人拿獲正法。

復飭查被擾地方有房屋實被焚拆者，不分民教，一體量予撫恤。據單縣知縣李銓稟報，該縣親詣勘驗被擾及房屋被毀情形，分別輕重，酌給恤款。計陳河灘等莊民教共一百二十一戶，已給過恤銀五百六十九兩。尚有薛孔樓等莊教民傳喚不到，未經撫恤。

至八月間，據主教安治泰函稱，該主教親詣單縣，懇發撫恤之款。復經電飭兗沂道轉飭單縣補發。即據署單縣知縣毛澂稟稱，接教士韓甯高函開，各莊被擾教民戶數，查與李令原查戶數，互有參差。當照原查戶數，分別被擾及房屋拆毀輕重，計薛孔樓等六莊又補發撫恤銀四百四十七兩。教民帖服，教士亦無異詞。

竊查此案，因教民劉蓋臣搶割麥禾，以致激成事端，是啟衅之由，應以教民劉蓋臣爲禍首。即令有洋學被毀，亦係互相尋仇，今東省已將匪首及匪黨多名拿獲正法，復將被擾教民一併發款撫恤，辦理已得其平，此案足可了結。

復查各省，惟通都大邑建有教堂，其偏僻村鎮率皆就教民住房作爲教堂，並無洋式樓房，本部院於奏結會匪滋事案內附片陳明，請嗣後遇有民教滋事案件，但照應得罪名科斷，不得再議賠償。欽奉硃批：該衙門知道。欽此。欽遵在案。今該使照稱，教士單請賠償，合東錢一萬五千串，不獨與本部院奏案不符，並主教安治泰及教士韓甯高原函亦均未敘及，殊屬故意枝節，與我爲難，碍難照辦。

相應咨呈貴衙門鑒核，謹請查照辦理施行。

一二 總署爲德使再次索賠單縣教案事咨李秉衡文

光緒二十二年十二月十一日（一八九七年一月十三日）

山東單縣德國教堂一案，已據十一月十九日來咨及二十九日宥電，先後照會德國海使去後。茲准海使照稱：來文內開各節，均已閱悉。查本大臣前於十月初六日，以此事照會貴署，已將德國教堂焚毀各處開列清單，並聲明焚毀房屋、遺失物件按公道價值計算，應賠一萬五千吊，請即轉飭速付。今來文置之不論，竟將東撫咨稱空言相告，並將微款發給中國人民，何能竣事？本大臣請辦委係德國人被擾，德國教堂房屋被毀，德國教士遺失物件，理應賠償一萬五千吊，照數付清。應再照抄清單一分附送，請即辦結。除飭行安主教應得一萬五千吊，令其電復何日領收外，相應照會。等因。前來本衙門。

查德使十月初六日照請清單，已於十月咨行，並准咨覆在案。今又准德使再抄清單附送。相應鈔錄原文並清單，再爲咨行貴撫查照。希即飭屬按照清單，與安主教商結，以斷葛藤。仍咨復本衙門可也。

（總理各國事務衙門檔）

附件：德使爲再次索賠單縣教案事致總署照會

※一八九七年一月五日（光緒二十二年十二月初三日）

山東單縣境內德國教堂請賠一案，昨於十一月二十九日，接准來文，內開各節，均已閱悉。查本大

臣前於十月初六日，以此事照會貴署，已將德國教堂焚毀各處，開列清單，並聲明以焚毀房屋、遺失物件按公道價值計算，應賠一萬五千吊，請即轉飭速付各等情。來文置之不論，竟將東撫咨稱一片空言轉告。其東撫不懷友誼，本大臣素所深知。此次所稱將一千多兩恤銀發與被擾教民，並言大刀會匪作亂，拆毀教堂房屋至十七處之多，全因窮教民一名搶麥起衅所致。此論似乎不經。若果屬實，自可證明該撫無力彈壓，因細故而生大亂。惟東撫如此探原索委，於本大臣毫無干涉，本大臣請辦，委係因德國人被擾，德國教堂房屋被毀，德國教士遺失物件，理應賠償一萬五千吊，請即照數付清。東撫現稱將微款發給中國人民，何能竣事？

再，查本大臣於十月初六日附送清單，來文並未提及，應再照抄一分附送〔一〕，請即辦結。

再，所稱希即轉飭安主教，與地方官和衷商結。等因。查安主教向來辦理教案，無不通融，早有憑可據。如辦結兗州府一案，將紳董已奉上諭摘去頂戴及出示曉諭兩端，置在不議是也。至此事關鍵，並不以安主教是否和衷爲要。既有德國人在山東省十七處被擾，理應賠補。本大臣藉此再爲聲明，屢奉本國國家之命請賠。本國亦知鄰省法國教案早已如願辦妥，今山東德國教案務須一律辦結。除飭行安主教應得一萬五千吊，令其電復何日領收外，相應照會貴王大臣，請即查照可也。

（總理各國事務衙門檔）

〔一〕清單見前，此處從畧。

一三 李秉衡爲單縣教案賠款業已辦結事咨呈總署文

※光緒二十三年二月十九日（一八九七年三月二十一日）

光緒二十三年正月二十九日，據兗沂曹濟道錫良稟稱：竊奉撫院批職道稟奉札飭派員商辦單縣境內焚毀教堂一案，現議情形請示緣由。蒙批：據稟已悉。單縣焚毀教堂之案，既據彭直牧虞孫與安主教治泰辯論，較所議原數減去三分之一，應如所議，給京錢一萬吊，以息囂爭。俟備文請領到日，當飭賑撫局撥發。至被擾教民，前據該縣李令查明，初次給撫一百二十一戶。續據毛令照李令原查，補給四十七戶。均經稟報在案。究竟有無遺漏之處，仰即轉飭查明稟辦。繳。等因。

奉此，並准賑撫局咨解此案擬給京錢一萬吊，合銀三千六百七十六兩四錢七分一釐到道。遵即分別轉行彭直牧暨毛令查照辦理。適彭直牧因公來兗，當飭具領，按照目前市價作錢轉發去後。茲據彭直牧稟稱，遵將奉發前項銀兩，飭令州庫按照市價，每原銀一兩換京錢二千七百八十九文，合換原平銀三千五百八十五兩六錢，作成京錢一萬吊，面晤該主教安治泰如數交付，接收清楚，取有該主教收據，同餘剩銀九十兩八錢七分一釐，稟送前來。職道覆查無異。

除將繳回餘銀，即日解還賑撫局歸款外，理合據情將安治泰收據暨彭直牧所具印領，一併稟呈核咨辦理。實爲公便。等情。到本部院。

據此，除稟批示，並將安治泰收據暨彭牧印領備案外，相應咨呈。爲此咨呈貴衙門，謹請鑒核，希

即照復德使施行。

(總理各國事務衙門檔)

一四 總署爲文登教案已咨行東撫查核事致英使照會

光緒二十三年五月十三日(一八九七年六月十二日)

光緒二十三年五月初三日，准照稱：近據本國烟台領事詳報，以文登縣等官無故梗阻教士租賃房屋，妄控華民盜租，將該華民重責一事。本大臣應將此案詳細陳明，俾克速行設法禁革此風，並欲爲林福申昭雪。應請電咨山東大吏，轉飭該處官員，於苛待吳、林兩姓之案即應停息，不再擾累，並將修理房屋工價洋銀責成償還。又飭文登縣出示，遍貼文登、威海兩處。總之，此案無可疑議者，乃文登縣李祖年及威海委員王沛係阻碍兩國和好之人，切請詳核案情，將該二員一併參撤。各等因前來。本衙門當即咨行山東巡撫查核，分別妥辦。

除俟聲復到日再行知照外，相應先行照復貴王大臣查照可也。

(總理各國事務衙門檔)

一五 總署爲法署使請查辦梨園屯教案事致李秉衡電

光緒二十三年六月二十八日(一八九七年七月二十七日)

濟南。撫台：法署使照稱，冠縣黎園屯三月二十六日，有匪黨二千餘執持刀械，攻打教堂，殺斃教民二名，受傷多名，拆毀教堂，搶掠教民房屋，至今尚未查辦。請電催嚴辦罪犯，給還教堂地方及所有物件，賠償所受虧累。等語。希即設法持平辦結電復。勘。

（山東巡撫衙門檔）

一六 總署爲德使電稱曹州府教士被殺希即查辦事致李秉衡電〔一〕

光緒二十三年十月十三日（一八九七年十一月七日）

濟南。撫台：頃據德海使由漢口來電，十月初七日，曹州府有德國教士一被殺，一無下落。又壽張縣德國教士房屋皆被劫掠。請急速設法，保護德人性命財產。此事全責之於中國國家，先嚴懲滋事之人，爲德人伸冤。等語。匪徒鬧教殺斃洋人，關係綦重。近來各省教案，殺傷教士不多見。希速飭查滋事人犯，嚴拿重辦，以免藉口生事。一面電飭地方官實力保護。即將現辦情形先行電復。元。十月十四日總署來。

（山東巡撫衙門檔）

〔一〕關於鉅野教案與德國佔據膠澳的史料，本館所藏甚多。因以往有關史料叢刊對此多有揭載，且本館已另與青島博物館合編《德國侵佔膠州灣史料》專書，故本書只酌選少量直接反映鉅野一案經辦過程的史料。

一七 總署爲奉旨著即查辦曹州殺斃洋人一案事致李秉衡電

光緒二十三年十月十六日（一八九七年十一月十日）

濟南。撫台李：奉旨，曹州殺斃洋人一案，前據德使及許景澄先後電報，今始據李○○電復，已屬遲延。且盜匪在逃，豈懸賞通緝所能了事？著速派司道大員，馳往該處根究起衅情形，務將兇盜拿獲懲辦。陽穀教堂事，亦一併查明勒緝。李○○身任地方，總須辦理此案完結，方准交卸。現在德方圖借海口，此等事適足爲藉口之資，恐生他釁。福建古田案辦理得宜，着總理衙門擇要鈔寄。欽此。銑。十六。總署電旨。

（山東巡撫衙門檔）

一八 總署爲奉旨著將鉅野陽穀二知縣摘頂勒緝事致李秉衡電

光緒二十三年十月十八日（一八九七年十一月十二日）

濟南。升任山東巡撫李：奉旨，李○○電悉。此案以速獲兇盜爲第一要義。鉅野、陽穀二縣既有盜案，匪無一獲，著先將該縣知縣摘頂勒緝，毋任遷延。欽此。巧。

（山東巡撫衙門檔）

一九 章高元爲德兵霸據膠州灣望速核示事致李秉衡電

光緒二十三年十月二十日（一八九七年十一月十四日）

千急。濟南。大帥鈞鑒：二十日早，德國棠提督率領德兵紛紛上岸，分布各山頭後，送來照會，內開：膠州灣一地，限三點將駐防兵勇全行退出女沽口、勞山以外，只允帶火槍一事，其餘軍火礮位概不准帶。四十八點鐘退清爲限，過此卽當敵軍辦理。現在所斷電線，意在挾威霸據。此事變起倉卒，我軍兵單，又未奉到本國公文，究應如何辦理？望速核示遵行。再者，事由膠電稟，恐緩不濟急，屆期自應酌勢辦理。合併申明。高元急叩。芻。印。

（山東巡撫衙門檔）

二〇 朱衣繡爲德兵於青島海口登陸事致李秉衡電

光緒二十三年十月二十一日（一八九七年十一月十五日）

濟南。撫憲鈞鑒：本月十九日辰刻，青島海口駛入德國兵輪三艘，有提督管帶，詢來此游歷。詎二十日午刻，聞該洋人將章鎮營盤圍住，勇已逐出，並將電綫桿砍斷數根。究因何故，一時傳聞未確。除查明詳稟外，合先電。卽墨知縣衣繡叩。二十一日。

（山東巡撫衙門檔）

二一 李秉衡奏爲將鉅野等教案疏防各員摘頂勒緝緣由摺

光緒二十三年十月二十一日（一八九七年十一月十五日）

升任四川總督。降二級留任。又降二級留任。山東巡撫臣李秉衡跪奏，爲查參疏防教堂被劫各

員，遵旨摘頂勒緝，恭摺仰祈聖鑒事。

竊臣於十月十二日，據署鉅野縣知縣許廷瑞稟報：光緒二十三年十月初八日，據地保姚雲章稟，據教士薛田資投稱，德國教士能方濟，自汶上至曹縣傳教，在伊教堂與韓理一處住宿，於初七日夜三更時分，被賊抗門進院行竊，經教士韓理等驚覺喊捕，賊即臨時行強，砸毀窗戶，入室用標槍扎傷韓理、能方濟到地，劫得錢票、衣物逃逸。韓理、能方濟均各移時因傷身死。並據兗沂道錫良稟同前由。又據壽張縣知縣莊洪烈稟報：十月初五日，據地保馮玉章稟，十月初三日夜二更時分，鄭家垓教堂被賊進院入室，臨時強劫銀錢、衣服各等情。當經行司飭屬截拿，並勒限半箇月，嚴飭各該縣緝拿兇盜，務獲究辦在案。

欽奉十六、十八兩日電旨，遵即遴委臬司毓賢、兗沂道錫良，會同馳往鉅野縣，嚴究有無起衅別情，並督拿兇盜，毋許延宕。查現署鉅野縣知縣許廷瑞，未能防範保護，咎無可辭，已遵旨將該署縣摘去頂戴。如勒限屆滿無獲，再行嚴參。壽張縣教堂被劫，尚無傷斃人口情事，惟匪既無獲，亦應遵旨將該縣知縣莊洪烈一併摘去頂戴，俟勒限屆滿，分別辦理。

所有查參疏防教堂被劫各員摘頂勒緝緣由，理合恭摺具奏，伏乞皇上聖鑒訓示。

再，前奉電旨，陽穀縣應改作壽張縣，已承准總理各國事務衙門來電更正。合併陳明。謹奏。

硃批：知道了。緝捕乃地方官要事，該縣疏防盜案，殺斃洋人，以致釀成巨衅，實屬可惡，亦不僅以

摘頂塞責也。

(宮中硃批奏摺)

二二 總署爲奉旨德佔海口惟有鎮靜嚴紮事致王文韶李秉衡電

光緒二十三年十月二十二日(一八九七年十一月十六日)

天津北洋大臣、濟南升任山東巡撫：奉旨，膠澳一事，據王文韶、李○○先後電奏已悉。德國圖佔海口，蓄謀已久，此時特藉鉅野一案而起。度其情勢，萬無遽行開仗之理。惟有鎮靜嚴紮，任其恐喝，不爲之動，斷不可先行開礮，致釁自我開。李○○所請添調招募各營，均著照辦。兇盜已獲四名，尚爲迅速，但須真正殺人之犯，確取供詞，並須多緝黨羽，毋令匪首竄逸。將來訊辦時，該國傳教安姓等，必從旁觀審曉辯也。欽此。養。印。

(山東巡撫衙門檔)

二三 奕訢等爲德兵佔踞膠澳事與德使問答錄

光緒二十三年十月二十六日(一八九七年十一月二十日)

謹將十月二十六日，臣衙門與德使臣海靖問答錄呈御覽。

德使云：今早送一照會來署，因恐面談有不便詳盡之處。答以：六條我們都已看見了。德使云：甚

盼中國將此六條全行允照辦理。答以：中國與貴國向敦睦誼，並無嫌怨，你所要辦的，總須和平商辦，豈有未經商量遽行用兵脅制之理？此番山東教案係盜匪滋事，地方官甚不願意。此案一出，即奉電旨飭令山東巡撫，速派司道大員前往查辦。數日之內，便將該匪拿獲至九名之多，並獲真贓八件，經事主認明。辦理不可謂不速，並無對不起貴國之處。此事你先無一字來，遽令兵船佔踞我們口岸，卻不能不怪你。有條款要商，總須先行退兵，方可商議。我們並不是不願商量，若你不退兵，想藉此脅制，大非和好之道，便無辦法了。且向來各國交涉亦無此辦法，你德國係大國，如此做事，恐各國亦不免笑話。德使云：先退兵而後開議，恐辦不了。答以：你係全權大臣，諸事你可自行辦的，無須推諉，豈不容易了結？今日所說的話，實係仁至義盡，你今日有照會來，本衙門已備一照復給你，你便可就此轉圜了。德使云：中國特飭山東不許開衅，此層是最講交情，此事中國並無不是處。答云：中國既無不是，這就是德國不是了。你既如此說，即可照我們照復的話電報本國，先行撤兵再商，免傷兩國交情，亦願全兩國聲望。德使並無抵牾，亦未應允，遂辭去。

（宮中硃批奏摺）

二四 總署爲請膠澳退兵事致德使照會

光緒二十三年十月二十七日（一八九七年十一月二十一日）

臣衙門覆德國使臣海靖照會。

爲照覆事。光緒二十三年十月二十六日，接准照稱：山東曹州府及壽張縣等處，有人將中國所應保護之德國教士搶劫、毆殺等事。現奉本國國家飭令，向貴國國家索討按下所開之六款照辦，以爲贖回在山東德國教士受害之咎。等因。查此事，昨准貴大臣來函赴署面商，本爵大臣等現已如期會晤，並將山東地方官先後拿獲盜犯九名、真贓八件，經事主認明辦理情形，業經面告貴大臣。並承貴大臣面稱，此事中國並無不是等語。應請貴大臣電致貴國水師提督，先將膠州駐泊兵船及上岸兵丁盡行退出，以便彼此照約商辦，以全陸誼。爲此照復。須至照會者。

(官中硃批奏摺)

附錄一：德使爲教士被殺索討六款事致總署照會

一八九七年十一月二十日(光緒二十三年十月二十六日)

照錄德國使臣海靖照會。

爲照會事。本月初六、初七兩日，在山東曹州府及壽張縣等處，有人將中國所應保護之德國教士搶劫、毆殺意外等事，前於十月十二日，由漢口業已電致貴王大臣知照在案。該教士一名能方濟，被人刀扎致死，情形甚重；一名齊思來，不見踪影，想亦被殺，其房屋財物劫去。一名薛田資，亦經賊匪尋覓，幸而脫逃，未經被害。以上所有情事，顯見中國現在情形如何，政府無力禁此等之事。

查未及一年之前，去歲夏日，在山東省本國教士被竊一案，本大臣與貴衙門商辦多日，始行賠償，仍不敷所失之數，所幸者尚未傷人。彼時貴王大臣曾予本大臣若干礙難之處，非因貴王大臣想本國所

索者不公，只因山東巡撫及所屬固執任意，致貴國政府無力勒令遵辦。溯思前任紳大臣駐京時，本國安主教親身曾被中國人辱侮，紳士、官員亦嘗如是，想貴王大臣猶必記憶。彼時雖本國國家曾經屢次催詢貴國，而貴國諭旨內言，將該紳士摘頂懲辦等因。後仍未有如何懲辦之據。且諭旨並飭令地方官出示曉諭嚴禁，在山東教士致被欺凌後，亦未見出有此項告示。總因山東地方官自以爲毋庸遵照政府之諭，無他故也。本國國家窺視貴國多年有此項情形，政府權勢有損，未免詫異可慮；但因本國與貴國睦誼夙敦，再三通融涵忍。前中日一戰，受累甚重，本國大皇帝力爲扶持，彼時甚望改途易轍，變舊更新，其德國與中國所有各項事務，自能公允辦理，惟此等事卻未成就。且本大臣現在無庸言明，德國所受中國不公之處若干，惟德國之利由中國向來絲毫不顧，凡有德擬議辦法爲無足重輕。如有德國將所請之處提及，平心而論，中國不過推卻而已。故知中國並無答報之意，亦無思及德國交誼之深，於中國甚有利益也。

查現在再有中國政府或治屬無權，或無心責成，以致我德人被搶物害命等險惡之事，仍未設法妥爲保護，本國久已平和涵忍，惟萬難等待至中國立心設法成政府之第一要責，與庶民物命一同妥保，本國無奈自己設法，以便德國大局及民人之性命一律衛護。本大臣現奉本國國家飭令，向貴國國家索討按下所開之六款照辦，以爲贖回在山東德國教士受害之咎。本大臣自無庸請中國迅速照辦，以其益自在中國多多矣。爲此照會。須至照會者。

附錄二：德使所開索賠六款

一八九七年十一月二十日（光緒二十三年十月二十六日）

照錄德國使臣海靖照會內附開之六條：

第一款，山東巡撫李秉衡應革職，永不敘用。第二款，安主教在濟甯蓋教堂業已開工，中國應許賠銀蓋造，並賜立匾額，須有保護教堂、教士之意。所賠之銀，應交德國駐京大臣轉交收領。第三款，在山東德國教士被戕劫之案，所有盜犯自應拿獲懲辦。如有紳士、官員等在此案內，應格外加重辦理。教士所受之虧，應全行賠償，所賠之銀亦交德國駐京大臣轉交。第四款，中國應許特保嗣後永無此等事件。第五款，在山東省如有製造鐵路之事，中國先准德國商人承辦。如有鐵路就近開礦之事，亦應先准德國商人承辦。第六款，德國國家辦結此案所費之銀，中國國家賠償。

（宮中硃批奏摺）

二五 總署爲青島德兵勿再逼迫華營遠移等事致德使照會

光緒二十三年十月二十八日（一八九七年十一月二十二日）

爲照會事。山東曹州府鉅野縣教案，本月二十六日准貴大臣照會商辦。是日貴大臣來署會晤，當經本爵大臣將東省獲犯、起贓各情形面達，並請貴大臣迅將佔住膠澳兵隊退出，以便照約商辦，即經照

復貴大臣在案。

連日准北洋大臣電稱：登州鎮總兵章高元，經德兵官於本月二十日，逼令四十八點鐘移往女沽口、勞山以外。該總兵已由青島移至四方村，又由四方村移屯滄口，而貴國提督仍令遠紮，用力逼迫，防軍屢遷不已。章總兵往見棣提督，復被拘留青島礮營，派兵看守，是何情理？東省軍民不服，膠州人心鼓譟不平，萬一激成事端，中國不能任咎，殊非兩國和商之道。應請貴大臣查照二十七日日本衙門照會，即刻電致住膠澳兵船退出口外，以便相商。並請貴大臣電致貴國提督，勿再逼勒章總兵遠移，聽其回營約束士卒，庶全睦誼。

正照會間，適山東巡撫轉據膠州電稟：二十六日申刻，貴國棣提督帶兵攜礮進城，二十七日卯刻始回塔口。等語。此等情形，貴大臣先未相告，益令膠民驚疑，設有牴牾，此案如何收束？並望貴大臣電致貴國提督，勿再帶兵進城。

爲此照會貴大臣，統祈查照施行，仍祈見復。須至照會者。

（官中硃批奏摺）

二六 總署爲青島德兵勿得拘留章高元事致德使照會

光緒二十三年十月二十八日（一八九七年十一月二十二日）

爲照會事。昨准北洋大臣電稱：駐守膠澳總兵章高元，二十五日往晤貴國提督，商論移紮地方，因

被拘留看守。本衙門已照會貴大臣，速電貴國提督勿再逼勒在案。

本日准貴大臣照稱：據水師提督電，章總兵因所定退出期滿，仍在該地，當將該鎮擒拿。本大臣甚爲惋惜。等因。本爵大臣查章總兵始移四方村，又由四方村移至滄口，計節節退紮二十餘里。貴國提督仍令遠紮，各兵遷徙，迄無已時。該總兵因往見貴國提督商論，致被拘留。貴大臣述提督電，竟作爲擒拿，揆之情理事勢，均非和平辦法。軍民鼓譟之際，竊恐相逼過甚，激成事端，中國實不能任此咎。卽貴大臣奉貴國訓條辦理此事，亦須善籌了結，庶與二十六日在本署會晤無傷睦誼之言吻合。

尚祈貴大臣平心思之，並望迅電提督，勿再拘留章總兵，以免激成衅端，是爲至要。須至照會者。

（宮中硃批奏摺）

附錄：德使爲章高元已擒拿並請懲責事致總署照會

※一八九七年十一月二十二日（光緒二十三年十月二十八日）

爲照會事。現據德國駐膠州水師提督來電，內稱：駐青島礮臺中國兵統領張〔章〕總兵，請致總理衙門，該鎮因所定退出期滿，仍在該地，當將該鎮擒拿。等因。前來。

查此事本大臣因該鎮不遵貴王大臣飭令之意，不願退出，故被拿獲，本大臣甚爲惋惜。貴王大臣業已電致駐柏林大臣，因顧德中邦交甚久，飭令中國官兵退出該地，乃張〔章〕鎮仍不遵此等和平之諭，不甚惜有此舉耶？本大臣甚望以此懲責該鎮爲要。

爲此照會貴王大臣查照。須至照會者。

(宮中硃批奏摺)

二七 總署爲飭查鉅野教案事致李秉衡電

光緒二十三年十一月初四日(一八九七年十一月二十七日)

山東巡撫李：鉅野案頃海使照稱，據教士稟，十月初七夜，約卅人帶兵器闖入張家莊教堂，韓理、薛田資、能方濟二人堂內安歇。該匪撬窗進屋，向韓、能二人持刀扎死。能屍傷十三處，韓傷九處，內五處甚重。薛田資搜尋未獲，故未殺。數月前，薛田資往李家莊之時，夜間有攜兇器入堂尋殺薛未獲之事。現張家莊一案與李家(莊)一案相連。等語。即希飭屬確查電復。支午。印。

(外務部檔)

二八 翁同龢等爲商辦鉅野教案條款事與德使問答錄

光緒二十三年十一月初四日(一八九七年十一月二十七日)

謹將往晤德使問答錄呈御覽。

初四日兩點鐘，臣翁同龢、臣張蔭桓遵赴德館，該使海靖接晤。告以：昨日照會洩漏之說，此非意料所及。我兩國向無嫌隙，現有此事，總該兩國自行商辦，不願他國干預。海靖云：此意甚好，我亦願

兩國和商到底，不失歷年交誼。告以：現在如何嚴密相商，總可預防各不洩漏辦法，昨日照會我便不復了。海靖云可。旋云：所開六條，二十六日在貴署，恭親王面云並非不能相商，但須先退住膠兵隊。貴衙門二十七日來文，語意甚辣，並無相商之意，但催退兵。告以：中西文義參差之故，其實二十七日照會，已言明退去兵隊，以便商辦。我想中西文義不無誤譯，總以面談爲宜。海靖唯唯。徐云：山東李撫台深惡洋人，所以上行下效，出此重案。李撫台如此辦事，何又升官？告以：李撫台中外交涉事未辦過，誠不能不責成他；但人各有能有不能，李撫台歷辦河工，歲省百十萬，又爲戶部籌款，歲亦十餘萬，不得謂非用所以升官。海靖笑云：所省之銀，恐不勾抵償我國。告以：此案地方官總不能辭咎，我們決不迴護。但此案情形，與前年四川案不同。川案教堂即在省城，將鬧事之先，教士求劉秉璋保護，劉未派兵彈壓，所發電報有詆教堂語，又爲英領事挾持。山東巡撫距曹州八九百里，更有一件，德國要相諒，兗沂曹濟地方係賊窩子，刀匪、幅匪結黨甚盛，所以搶劫的案較他處爲多。你初日照會言數月前李家莊教案，我總查不出，檔上有李家集，無李家莊。究是何縣？請你查查。海靖云：大約總是鉅野。告以：我已查去，現既和商，你可電提督勿作戰局辦，勿頻遣兵丁游行。帶兵官如須游歷，亦先給地方官信，以便照料，且免百姓驚疑。海靖云：我的電膠州局不發，我已有函致貴衙門了。告以：我當電膠州局照遞。海靖云：甚好。告以：此事何日會商，抑候你喉症平復？海靖云：請給我照會，將撤兵一層抹煞。告以：你係先踞澳後送條款，我們不能不叫你先撤兵。假如先送條款，相商不諧，然後踞澳，當日恭親王便不責成你了。你曾允電外部，現外部想已回電，外部亦曾告知許大臣。現你既想和商到底，

我們亦不願決裂。海靖云：可。請復我昨日照會，然後相商。告以：我們回署就辦，你可電止提督約束兵丁，不得勒繳軍械。海靖云：照辦。告以：提督扣留章高元，殊無理；你照會作爲擒拿，尤可笑。海靖云：此係國家之意，此事緊要不在章高元。一笑而散。

（宮中硃批奏摺）

二九 總署爲鉅野教案已屢經獲犯事致德使照會

光緒二十三年十一月初□日（一八九七年十二月□日）（一）

爲照覆事。光緒二十三年十一月初一日，准貴大臣照稱：山東曹州等處教士被害各節，現據駐濟甯教士詳細來稟，查係民人與教士尋釁報仇行兇，非盜賊偶然之事，設非地方官草率置之不理，或密爲唆使爲此等事，決不至此。十月初七日夜間，約有三十人攜刀鎗等器，闖入鉅野縣張家莊教堂，撬窗進屋，割死韓理、能方濟二人。能屍傷十三處；韓傷九處，內有五處甚重。如此情形，非尋常搶掠，必係格外仇殺可知。殺畢又尋殺薛田資未獲。數月前，薛往李家莊，其時夜間有攜兇器闖入禮拜堂尋薛未得，只於搶奪。查所訪案内兩造，鉅野縣令與民人一造有情，不肯懲辦。應請將此不職之官革職，從重辦理。又在壽張縣鄭家海教堂尋殺齊思來未得，將箱匣一切開毀搶掠。山東地方官定負保護德國教堂之責。各教堂內有梁山一堂，前後被搶四次，張家莊被搶三次，李家莊被搶一次。地方官不肯賠償

（一）此件未著日期，核之內容，似發於光緒二十三年十一月上旬。

所搶之物。而官員照約保護教民，如前濟甯州彭、前兗沂道張，皆爲保護獲罪革職。本國現在爲東省各節所索，照數賠償以贖其咎，併自爲設法辦理。等因。

查此案自十月十三日接准貴大臣電後，當卽電飭山東巡撫迅速查拿兇犯，從嚴懲辦。並欽奉電旨嚴飭速辦在案。旋於十七日，據東撫電復，派臬司暨兗沂道馳往鉅野，澈底根究有無起衅別情，並嚴飭督拿兇盜，務獲究辦。二十一日，據東撫電稱，已將鉅野、壽張兩知縣遵旨摘頂勒緝，並由兗沂道督同營縣，拿獲盜犯惠朝現卽惠二啞巴等四名，確係鉅野案内正犯，訊供懲辦。二十四日，據東撫電稱，續獲高大青等一名，又續獲四犯，起出真贓八件，經教堂事主認明。二十七日，據東撫電稱，據臬司、兗沂道電，犯供確贓經教堂魏姓領去。二十八日，據東撫電稱，齊思來教堂被劫，係壽張之事，據壽張縣稟報，並將齊思來報案原信呈閱。該縣往勘時面諭齊思來，據言是夜伊在土山地方住宿，不在教堂。是齊思來確在壽張，並非不見踪跡。二十九日，據東撫電稱，已獲各盜供詞確實，起獲之贓，因薛田資已往濟甯，經其教堂傳教之魏棟臣領去，具有領單一紙。內開：紅皮羊毡各一條，銀圖像一架，銅燭台一對，銅金爵盒一個，西洋白單褲一條，金線穗一條。覆與報單相符。各等語。

據東撫前後電稱，辦理此案尚爲迅速。本衙門已電令錄供咨報本署查覆，仍將貴大臣本月初一日來照咨行東撫，按照所開各節，再爲詳查辦理。俟復到再爲照會。

相應據電先行照會貴大臣察覈施行。須至照會者。

(官中硃批奏摺)

附錄一：德使爲陳述鉅野教案詳情事致總署照會

※一八九七年十一月二十四日（光緒二十三年十一月初一日）

爲照會事。光緒二十三年十月二十六日，本大臣業將山東曹州等處教士被害各節，照會貴王大臣在案。現據駐濟甯教士詳細來稟，本大臣展閱之餘，曷勝震動。如貴王大臣以該教士被害一節，爲盜賊偶然之事，非也。查本國教士所稟，係民人與教士尋釁報仇行兇，設非地方官草率置之不理，或密爲唆使爲此等事，決不至此。

十月初七日夜間，約有三十人攜帶刀鎗等兇器，闖入鉅野縣張家莊教堂，堂內有韓理、薛田資、能方濟三人安歇。該匪撬窗進屋，持刀向韓理、能方濟二人如野獸撲人相似，刀扎數次致死。後查能方濟屍身傷痕有十三處；韓理有九處，內有五處甚重。按殺傷情形如此慘毒，可知非尋常搶掠，必係格外暴虐仇殺所致。兇手殺畢兩教士後，在院內聲言，尚有長鬍子未殺，長鬍子藏在何處？該殺。等語。此係指薛田資而言，因該教士鬍鬚甚長，幸未尋覓到手。數月前，薛教士奉主教之命，前往李家莊訪查案件，當彼時夜間，有攜帶兇器之人闖入禮拜堂，疑薛田資在堂內，聲言洋人該殺，亦未尋得，只於搶奪教堂而已。

查所訪案內兩造，鉅野縣知縣與民人一造有情，不肯懲辦。本大臣應請貴王大臣將此不職之官革職，從重辦理。現在張家莊殺害一案，與李家莊攻擊一案自係相連，因此次兇毒尋覓薛教士長鬍子甚

緊。

十月初六日，係張家莊殺案前一日，又在壽張縣鄭家海，有三十餘人手持兇器，闖入教堂，口口聲聲喚齊思來教士之名，幸而該教士下午業已起身，後將奉教田先生欺凌甚重，逼令給銀，所有箱匣一切開毀，搶掠一空。

初六、初七兩日內，在相離甚遠之地，有匪人攻擊教堂，事實詫異，決非尋常搶匪可比。惜乎此等可惡之事，其罪應歸山東地方官，有可以為據者甚多，定負保護德國駐山東教民「士」之責，抑係密為唆使，亦未可知。各教堂內有梁山一堂，前後被搶四次，張家莊被搶三次，李家莊被搶一次。彼時地方官不肯賠償所搶之物。山東巡撫李秉衡與外國人不睦，人所共知。本大臣及前任大臣屢次向貴王大臣提及，其屬員遵照其意相待，自不能和平。各官員皆大言西教與大刀會相同。魚臺縣知縣將教民責罰枷號，不過因人教起見，並無別故。署濟甯州知州向副主教福若瑟面言，教士將小孩眼目、心挖出。官吏設此謠言，遑論愚民。究沂道遇有教士呈稟，無論理之曲直，概置不理，亦不復信。然有官員照約保護教民，如前濟甯州知州彭、前究沂道張，皆為保護獲罪革職。情形如此，一似官員使令愚民攻擊教堂。本大臣現將副主教致鉅野縣稟帖抄錄一分，送貴王大臣閱視，可知此等不職官員，前案未能懲辦，以致今日又有此案。

查山東大小官員，皆如此有負責任，平心而論，足見山東省大局損壞，無力整頓。又查各國欽差雖與貴國政府商辦有年，究未能同歸於善，似此情形甚為惋惜，貴國國家難免該省起亂之咎。本國國家

現在爲東省各節所索，照數賠償，以贖其咎，併自爲設法辦理，諒貴王大臣自不能推辭也。

爲此照會貴王大臣查照。須至照會者。

(官中硃批奏摺)

附錄二：德副主教爲鉅野教案事致鉅野知縣函

敬啟者：於十月初七日夜，張家莊教堂被仇賊持刀割傷韓、能二司鐸，登時斃命，劫去財物一案，已蒙貴縣親詣勘驗，仰蒙關照，不勝感激。竊思天主教安設治境，諸承保護，何致釀成鉅案？惟因治境姚家店、順河店、張家莊等處教堂，迭被匪害，皆緣捕役藐視教堂，緝案不力所致。又因李家莊薛教士前被仇人謀殺之案，以上四條，雖經呈明，未蒙破案，以致仇賊生此韓理、能方濟二司鐸被殺一案，殊屬慘亡。教裡教外之人皆云，若非有嫌，斷不致如此手毒。有懷疑前謀殺薛教士未得之兇賊者，有疑慮大刀會匪復仇者，均未便指名控究。

爲此備函，請煩貴縣查照。先今各函，速賜勒限比捕嚴緝，以昭保護而符約章。此佈。順請升安。

(官中硃批奏摺)

三〇 總署爲章高元軍已奉旨調紮烟台事致張汝梅電

光緒二十三年十一月初七日（一八九七年十一月三十日）

山東巡撫張：奉旨。張○○現已接印任事，章高元一軍著調紮烟台，歸該撫調遣。欽此。應由貴處速飭該營遵旨迅即移紮爲要。陽。印。

(外務部檔)

三一 總署大臣與商務總辦教案條款專與德使問答錄

光緒二十三年十一月初九日(一八九七年十二月二日)

謹將初九日臣衙門與德國使臣海靖問答錄呈御覽。

海靖帶同繙譯福蘭格等五人來署，指領事艾思文云：此人係駐紮天津領事，現在天津辦理德國租界，業已辦好，擬飭前往山東辦理教案。問以：幾時前往。海靖云：尚無准期。告以：如將山東教案商有辦法，艾領事可不往山東去。海靖云：我亦如此說，屆時尚求貴衙門給一護照，派兵護送。答以：容易商辦。海靖云：現接山東來信，兗州府德國教士於十月十五日，被本地民人到教堂，要勉強他出城去。又單縣大刀會匪鬧事，教士害怕，請地方官保護，詎該縣告教士云，你既害怕，你就該回本國去。答以：此話太外行，但本衙門未接山東來信，請你給一信來，我們當電知東撫查辦。海靖云：兗州之案應與曹州之案一併辦理。答以：併辦亦無不可，惟曹州案較重，總要想一和平辦法。從前彼此照會，現在均可不提，況中德兩國二、三十年交好，並無失和之事，此次出此意外之事，不特你惋惜，本衙門亦甚惋惜。今日特請

來署，和衷商辦。海靖云：李撫台在山東地方出有此等案件，尚要升官，何以服人？告以：升官是從前之事，教案是後來出的。海靖云：李撫台教案并未辦好，假如去年便行革職，豈不免出此案。答以：李撫台自有應得之咎，但此等事總由中國自主。海靖云：如將李撫台革職，永不敘用，各省自然害怕。不但德國說他不好，各國都說他不好。告以：李撫台將來處分，自有我大皇帝作主，爾暫可不提。海靖云：除李撫台應辦外，尚有兗沂道、鉅野縣、曹縣、單縣、魚臺縣、荷澤縣、鄆城縣、城武縣各縣令，均係不能保護教士，應請從重懲治。答以：此亦必須辦理之件，但均須中國作主。除此款外，教士如何撫卹，教案如何了結，不妨說一大概，我們好商辦。海靖云：撫卹二字，我不願說。現接外部訓條，要中國在曹州府城內、鉅野縣城內，蓋造兩處教堂，並請御賜匾額。又外部來信，要中國以後不得再出此等案件。答以：中國豈願出此等案件？不過曹州府一帶，素係盜匪出沒之所，本衙門所不及料。海靖云：中國既不能保以後必無此等案件，我國兵船現在膠州，即可幫助中國辦理。答以：此係中國內政，無庸貴國干預。我從前因長江出有教案，曾告各國駐京大臣，將各國教士在各省傳教所住教堂若干處，教士若干名，開一詳細冊子送本衙門收存，我們便好飭令各省保護。詎各國駐京大臣均未允照辦，惟美國年終照送。海靖云：我亦允照辦，且候安治泰回華。告以：你今日所說各節，請你開一詳細節略來。海靖云：我即辦照會來。現在山東副主教來京，尚擬赴貴衙門謁見，詳談山東教案情形。答以：我們亦甚願見他，如明日能來，即定兩、三點鐘接見；否則請另函訂晤，但須福繙譯同來。海靖唯唯。辭去。

三二 總署爲查詢兗州等處有無驅逐教士事致張汝梅電

※光緒二十三年十一月初十日（一八九七年十二月三日）

山東。撫台：德使來言，兗郡城內有驅逐教士之事，單縣有不允保護教士之事，均在曹州案後，以爲地方官仇視教士之證。希即詳查電復，並望誠諭屬官，恪守條約，毋再生事。切要。佳。印。

（外務部檔）

三三 總署爲文登教案可照英使所求辦結事致張汝梅電

※光緒二十三年十一月初十日（一八九七年十二月三日）

山東。撫台：文登縣英國教案辦（辯）論半年，頃英使來問，由地方官出示，申明教士租房仍照約應保護之事，並將教士房屋被損處修葺完好；文登縣李令調開；紳士王沛不令干預教務。英乘德焰就此了結，可省無限葛藤。希照辦電復。佳。印。

（外務部檔）

三四 總署爲鉅野案犯供詞應錄送查核事致張汝梅電

光緒二十三年十一月初十日（一八九七年十二月三日）

山東巡撫：鉅野案獲犯九名，首犯雷協身已獲，壽張劫案首夥王明、按門山、邵小二三名已獲，所

有犯供，應查照本署前月沁電錄送查核。先將雷協身供電聞。蒸。印。

(外務部檔)

三五 翁同龢等爲辯論鉅野教案各款事與德使問答錄

光緒二十三年十一月初十日(一八九七年十二月三日)

臣翁同龢、臣張蔭桓於初十日未刻，遵旨前往德館理論。自未抵戍，始有就緒。其寒暄語不敘，辨駁語不敘，謹將問答擇要錄出，恭呈御覽。

第一款，此款最費辯論，末允李秉衡不做大官，刪去永不敘用四字。第二款，濟甯教堂工價六萬六千兩，匾用敕建天主堂五字，並結案立碑。第三款，曹州府城、鉅野縣兩處教堂，作爲賠償被殺教士。每處工價，照濟甯教堂數目。地基由中國指給。教士搶劫受虧，償銀叁千兩。第四款，恭請明發諭旨，照約飭地方官盡力保護。第五款，如中國開辦山東鐵路及路旁礦務，先儘德商承辦，惟須彼此妥商。第六款，此款海靖推伊國家主持，臣等扼定辦結二字，再四磋磨，允兩國面交照會，教案事畢卽爲辦結。此外，膠澳退兵伊不肯承，然已有活動之意。領事赴山東一節，允作罷論。告以德提督有分兵赴膠州、卽墨等事，殊違公理。伊允電阻。

以上六條，臣等慮有反復，當將鉛筆畫於每條下，給繙譯讀與海靖，逐條聲敘。伊諾無辭。

(宮中硃批奏摺)

附錄：德使爲詳敘鉅野教案所索各款事致總署照會

一八九七年十二月六日（光緒二十三年十一月十三日）

照錄德國使臣海靖照會。

十一月十三日，爲照會事。光緒二十三年十月二十六日照會貴王大臣，內稱：本國國家所設之法，如何以便一則平慰德國教士在山東慘案驚駭之心，及防將來再有此等之事；一則允從贖咎，將德中年久交誼妨礙之處刪除，聯絡邦交。查本月初九日，本大臣於貴署面稱，近聞在兗州、單縣等處，亦有德國教士被害之事。等語。本大臣爲此案，特另備文照會。惟因此新案，德國國家並無向中國格外討贖之意，仍俟貴王大臣所知之款，按照辦理，本國即將山東所有教案全行了結。

據十月二十六日文內大略開具之款，爲全案商結之法，本大臣現將該款內數條詳敘明晰：本國欲在張家莊屍身處所及於曹州城內，各建撫卹之教堂一所，並請賜立匾額二方，其地基由中國政府撥交。本月初九日，貴王大臣業已面允准辦。且彼日本大臣與貴王大臣面談，曹州府係最爲危險之地，該教士夜夜不能安枕，深恐有人進院搶物害命，實屬甚堪憐憫。故本大臣曾提及該府最危險之縣七處，應蓋兩層監（堅）固住房七處，以衛教士再無此事。此意本大臣與貴王大臣已有同心，應請轉飭撥銀，以便從速在鉅野、荷澤、鄆城、單縣、城武、曹縣、魚臺等七縣蓋造住房。

並本大臣前詳此案所有秉公之理，及貴王大臣公斷之心，祇應懲辦之人內，不但該犯等，另有官數

員，因不勝其任，致出此案，自必須分別參處。該員因待住山東德國人並非照兩國年久邦交之理，應請革職，不准留任。此辦法極望貴王大臣與本大臣之心符合。茲將該官員開列於下：係山東巡撫李，兗沂道錫，鉅野縣許，城武縣楊，單縣朱，荷澤縣宋，濟甯州知州凌等。查如此辦理，本大臣特請貴王大臣顧念交情，設法將彭虞孫陞充沂道缺，足以防嗣後再有此項之事實，以預杜後患起見。雖貴王大臣業稱，原難保永無此等事件。此言並無不合，惟中國百姓視大皇帝肅敬最重，暨大皇帝之諭權力最溥，如明發諭旨以保德國教士，此甚為妥善之法。貴王大臣業已允從辦理。雖貴國大皇帝聖德聰明，自知以合宜之諭頒發，然本大臣不能無所請者：甚望貴王大臣設法奏請所發諭旨內，按現在德國兩教士被殺，深堪惋惜，該官員亦已得咎，業經予以處分，並在曹州府蓋造撫卹教堂二處，倘嗣後德國教堂再有被害情事，均惟該地方官是問。等因之意，頒發為盼。貴王大臣業已提及照此法辦理。

以上所言各節，極望與貴王大臣心意兩相吻合。相應照會貴王大臣查照。須至照會者。

（官中硃批奏摺）

三六 總署為文登教案應照署電辦理事致張汝梅電

※光緒二十三年十一月十三日（一八九七年十二月六日）

濟南。撫台：真電悉。保護教堂係條約所准，文登教案如此辦結，尚各一告示，必待決裂然後照辦，殊非計。此時機局，務勿以駁拒署電為高。希查照佳電辦理電復。文。印。

（外務部檔）

三七 總署爲奉旨山東各軍穩紮勿動事致張汝梅電

光緒二十三年十一月十三日（一八九七年十二月六日）

山東巡撫：奉旨：張○○電悉。現在正議教案，尚未就緒，山東各軍應穩紮勿動。著張○○嚴飭夏辛酉等鎮靜防守，毋得孟浪從事。欽此。元。印。

批：行夏鎮。

（外務部檔）

三八 李希杰爲遵即出示保護教士事致張汝梅電

光緒二十三年十一月十四日（一八九七年十二月七日）

濟南。撫憲鈞鑒：元電諭敬悉。遵即出示曉諭，并行文登縣遵照。餘俟奉札後再稟復。希杰稟。

寒。印。

（外務部檔）

三九 翁同龢等爲商結鉅野教案各款事與德使問答錄

光緒二十三年十一月十四日（一八九七年十二月七日）

臣翁同龢、臣張蔭桓十四日往晤海靖，問其結案照會如何照覆。海靖逐條聲說，大致均與臣衙門

照會尚無出入。惟償卹被殺教士略有加增，第六條用費一節，頗費磋磨，現漸就範。是此案已有收束，謹將問答分晰錄呈御覽。

第一款，李秉衡始允刪去四字，現允至降調，不提革職，由中國自辦，不作爲德國所請。第二款，照前議。第三款添曹郡、鉅野教堂一體賜匾立碑，並於鉅野、荷澤、城武、單縣、曹縣、鄆城、魚臺七縣，各爲教士造住房一所，共給銀二萬四千兩，交教士自造，均作爲被殺教士卹款。第四款，照前議。第五款，照前議。第六款，始稱用費不至多索，未肯明說數目。至臣衙門照會內另案商辦一節，伊頗樂從。

以上六款大致已具，教案即可擬結，臣等即促令膠澳退兵。伊意竟欲久踞膠澳，另指一島抵換，伊不能決。再三磋磨，允將登岸之兵全撤下船。臣等仍令全船退出口外，作爲教案了結之據。伊沉思良久云，此事須請示國君。臣等告以今既和商到此，用費卽爲罷論。伊亦首肯。惟借島之事，伊最著意，恐須此事商妥，方能大定。此六款大略已妥之情形也。

至於昨日該使所來照會，該管各官議處一事，亦經臣等再三駁詰，允由中國自行酌辦，究沂道調任他處，州縣分別參撤，統候明發諭旨施行。

臣等復詰以王弟督兵，似可電止。伊云此來別無他意，欲令各國知德國重視教案。王弟本是水師提督，從前到過上海，請中國以禮接待。況現在教案已結，可保不生波瀾。又云現在不能照覆之故，因候本國電覆。今日發電，計三日內可以覆到，卽行互換。臣等要以俟互換照會後，再請明發諭旨。伊照允。

四〇 翁同龢等爲鉅野教案前五款先行了結事與德使問答錄

光緒二十三年十一月二十二日（一八九七年十二月十五日）

臣翁同龢、臣張蔭桓十四日往晤海靖後，該使昨日始得國電，二十二日訂晤，臣等申刻前往。

海靖云：教案前五款可以卽定，惟第六款膠澳退兵，實難辦到。告以：英使昨來照會，鐵路、口岸兩事，應要均霑利益。鐵路事業經辯明，口岸事本無定說。英使尚在快快。海靖云：接本國電，膠澳不能退，卽斂兵入船，亦難辦到。臣等反覆駁詰，海靖始允先將教案五款照覆了結。斂兵一節，亦尚可商，惟退地之說，要電本國請示，須顧德國面子，非迅速能定，只可作爲另案。臣等告以：若論面子，兩國都要顧，只好將膠澳作爲通商馬頭，多予德國租界，爲泊船、屯煤之用，以報歸遼之誼。則德國實有利益，各國可免饒舌，是最好之法。海靖遲疑良久云：恐俄國不願。告以：各國通商，俄且不願；德國獨踞，俄豈甘心？海靖云：俄德兩國主曾經面商，交情甚厚。告以：且以此意電告外部，將東方大局從長計較。海靖允照電。

臣等察看情形，教案似可結束，因促以將照會底稿先行送閱，訂期互換，海靖允照辦。遂散。

（宮中硃批奏摺）

四一 總署爲冠縣梨園屯教案應卽查辦事致張汝梅電

光緒二十三年十一月二十五日（一八九七年十二月十八日）

濟南。撫台：冠縣梨園屯三月廿六匪徒殺教民二人，傷多人，搶掠物件，拆毀教堂。本署已於六月

勘電詳達。據李前撫電復，飭道轉飭持平辦理。頃法使照稱，地方官並未商辦，請給還基地，賠償虧累，修補教堂。等語。希迅即認真查辦電復，毋得久延，致生枝節。有。印。

(外務部檔)

四二 總署爲冠縣梨園屯教案應即查辦事咨張汝梅文

光緒二十三年十一月二十九日(一八九七年十二月二十二日)

光緒二十三年六月二十七日，准法國呂署使照稱：山東冠縣屬梨園屯地方，於本年三月二十六日，有匪二千餘名，執持刀械，將該處教堂攻打，殺斃教民二名，受傷多名，捆縛三名，並拆毀教堂，搶掠該村教民房屋。除二家未搶外，約有二百教民一齊逃走。山東巡撫至今尚未設法補償。請電令重辦匪犯，給還教堂地方並所有物料，仍賠償教堂虧累。等因。本衙門旋發勘電，詳達李前撫，併令設法持平辦結在案。嗣於七月初二日，准李前撫冬電復稱，冠縣教案已飭濟東轉飭該府縣，持平辦理。等語。茲於十一月二十四日，復准呂署使照稱：冠縣教案，頃接馬主教電報，山東地方官並未商辦，請嚴飭速辦。等因。

除由本衙門另電催辦外，相應鈔錄來照咨行貴撫，按照所咨各節，嚴飭該縣迅即查辦，毋得任意延擱，致生枝節。至該道縣等辦理情形，仍望詳細咨復本衙門爲要。

(總理各國事務衙門檔)

附件一：法署使爲梨園屯教堂被毀應速查辦事致總署照會

※一八九七年七月二十六日（光緒二十三年六月二十七日）

本署大臣應向貴王大臣達知，在山東冠縣屬梨園屯地方，於本年三月二十六日生有重大滋事。果然山東迤北主教馬函知，有二千餘名執持刀械匪黨，將該處教堂居住奉教人十九名前往攻打，而該作亂之人，當殺斃教民二名，受傷多名，捆縛三名，並拆毀教堂，搶掠該村教民房屋。除一家未搶外，約有二百奉教之人理應逃走。等因前來。本署大臣聞知山東巡撫已應許外，然至今尚未設法以給教堂理應合允補償。是以本署大臣相應切催貴王大臣，火速嚴電飭令山東巡撫：一、重辦罪犯。二、給還教堂地方並所有物料。三、賠償教堂所受虧累。而本署大臣備文，希貴王大臣早爲照復可也。

（總理各國事務衙門檔）

附件二：法署使爲梨園屯教案再請辦結事致總署照會

※一八九七年十二月十七日（光緒二十三年十一月二十四日）

照得於本年六月二十七日，咨行貴王大臣照會：在山東冠縣屬梨園屯地方，生有重大滋事。頃接馬主教電報，聞知於本署大臣以上照會各節，山東地方官並未商辦。爲此照會，復請貴王大臣火速嚴電，飭令重辦罪犯，給還教堂地方所有物件，賠償教堂所受虧累等事。所有修補山東迤北教堂各節，本

署大臣應催貴衙門迅速設法辦理。

應請貴王大臣早爲照復可也。

(總理各國事務衙門檔)

四三 翁同龢等爲教案與膠澳劃分商辦事與德使問答錄

光緒二十三年十一月三十日(一八九七年十二月二十三日)

臣翁同龢、臣張蔭桓於十一月三十日海靖請會晤，當即前往該館。

海靖云，今日之會，所談必能中聽。外部本欲教案與膠澳並論，經伊電知，始劃分兩截。該使自以爲功，以此結歡中國，並見好於臣等。旋云，教案無更改，惟第五條，鐵路欲由膠澳開至濟南府，准由德商領辦。臣等駁以與前議未符，旋要以華商必與德商合辦。海靖應允。第六條用費一層，海靖云，若膠澳租定，用費不索。此六條粗定之大致也。

臣等即申膠澳退兵之說。海靖云，租界劃定，兵可全撤。所謂租界，指青島兩岸而言，若能劃定，伊願出租錢，願立年限，租界內准造船廠、煤廠、炮台。租界外聽中國辦理，伊不過問。臣等告以租界可以商辦，界外應開各國通商馬頭。海(靖)亦無詞。惟守口砲台，伊欲兩岸併佔。臣等不允，此事尚須磋商。此臣等議結教案，又議膠澳退兵之情形也。

現因西俗假期，面訂初三日，伊將照會底送閱，如有參差，臣等於初五日，再與海靖晤面。初六日，

伊到臣衙門面交照會，先結教案。至膠澳租界作爲通商口岸等事，自當一氣趕辦，不宜中輟。應由臣衙門妥商辦理。

四四 總署爲鉅野教案各款結案事致德使照會

光緒二十三年十一月三十日（一八九七年十二月二十三日）（一）

照錄復德國使臣海靖照會。

爲照會事。光緒二十三年十月二十六日，准貴大臣照會，曹州鉅野教案辦法開列六條，本爵大臣疊次會晤於貴大臣商允結案辦法，茲將與貴大臣面定各條，分別答覆。

第一款，山東巡撫李秉衡應革職，永不敘用。查此係請旨之件，非本衙門所能擅擬。惟貴大臣所允刪去永不敘用，改爲李秉衡不可再任大官之意，奏請准行。

第二款，中國允給濟甯教堂工料銀六萬六千兩，匾額用敕建天主堂五字，並將結案奏牘立碑教堂門外，以爲保護之據。

第三款，所有被殺教士，中國允於曹州城內及鉅野縣各建教堂一所，一切工料照濟甯教堂辦法，每處各給銀六萬六千兩，地基每堂至少十畝，由中國官先與德教士商定，再爲指撥。此作爲被戕教士賠

〔一〕原件無日期。參照該文附錄，姑判定爲此日期。

償之意，其被盜失去之款，另給銀三千兩。至現獲盜犯，照例懲辦。失察之地方官，從重參處。以上教堂二所，應照濟甯教堂之法，賜立匾額各一方，均用敕建天主堂五字，並將此案辦結奏牘刊碑教堂門外，以資保護。查曹州府為最危險之處，須設法妥為保衛德國教士。中國現擬給銀二萬四千兩，在鉅野、荷澤、鄆城、單縣、城武、曹縣、魚臺七處，各為教士改造兩層住房一所，共七所。至以前各教堂及住房七所蓋造費項，中國已擬將銀共交德國駐京大臣轉交該教士收領，庶為兩便。

第四款，境內盜賊猝起，原難保其必無。應請大皇帝明發諭旨，飭地方官照約盡力保護教堂、教士，並將各府州縣村莊凡有教堂處所，由貴大臣開送本衙門，以便分飭保護，以杜後患。且於山東曹州府等處所有官六員，鬆懈並未用力保護德國教士，中國擬調赴他省，惟鉅野縣知縣應從重參懲。

第五款，此款係光緒二十三年十月二十六日貴大臣開送本衙門，業經擬覆。旋於十一月三十日會晤，准貴大臣面訂，擬改由膠澳造鐵路至濟南省城，決不佔山東地土，由德商、華商各自集股，各派委員領辦。等語。本衙門可以照允。至一切辦法，應另訂合同，無庸比照他國章程，以為中德兩國自商之據。

第六款，此案賠償用費，中國不合應允德國國家，顧念兩國聯絡，無斷和好之情，亦允另商辦法。現在山東曹州教案既經商結，中國即望德國所駐膠澳作質之兵撤退，以符初意。嗣後不可再有未先知照，調集船兵佔踞中國土地之事。中國因念與德國數十年邦交及兩國歷年往來，另外之案應另籌和好辦法，與教案絕不相涉。現在貴大臣既允山東教案一概了結，所有另案商辦各節，應由本衙門與貴大

臣迅速妥商辦理。

以上六款，係兩國和平商辦，一則表惋惜教士之心，一則明聯絡邦交之意。貴大臣慎持大局，自能善存睦誼也。須至照會者。

(官中硃批奏摺)

附錄：德使爲談判鉅野教案六款事致總署照會〔一〕

謹將德國使臣海靖致臣衙門照會鈔錄恭呈御覽。

爲照復事。山東曹州府鉅野縣德國教士被害一事，光緒二十三年十一月三十日接准來文，以：光緒二十三年十月二十六日，本大臣照會此案辦法，開列六條，貴王大臣疊次會晤於本大臣，商允結案辦法。茲將本大臣與翁中堂、張大臣面訂各條分別答覆：

第一款，山東巡撫李秉衡應革職永不敘用。查此係請旨之件，非本衙門所能擅擬。惟貴大臣撤去永不敘用，改爲李秉衡不可再任大官之意，奏請准行。等語。查中國應許已經撤任之李秉衡不可再任大官，本大臣相應按照翁中堂、張大臣所擬之意，通融辦理，允將此節作爲了結此款。

第二款，中國允結濟寧教堂工料銀六萬六千兩，匾額用敕建天主堂五字，並將結案奏牘立碑教堂門外，以爲保護之據。等語。本大臣允准按照辦理。

〔一〕原件無日期，因與前件有關，故附於此。

第三款，所有被殺教士，中國允於曹州城內及鉅野縣張家莊各建教堂一所，一切工料照濟寧教堂辦法，每處各給銀六萬六千兩，地基每堂至少十畝，由中國官先與德國教士商訂，再為指撥，此則為被戕教士賠償之意。其被盜失去之款，另給銀三千兩。以上教堂二所，應照濟寧教堂之法，賜立匾額各一方，均用敕建天主堂五字，並將此案辦結奏牘刻碑教堂門外，以資保護。查曹州府為最危險之處，須設法特為保衛德國教士，中國現擬給銀二萬四千兩，在鉅野、荷澤、鄆城、單縣、城武、曹縣、魚臺等七處，各為教士蓋造兩層住房一所，共七所。至以前各教堂及住房七所蓋造費項，中國已擬將銀共交德國駐京大臣，轉交該教士收領，庶為兩便。等語。此款本大臣應允照辦。

第四款，境內盜賊猝起，原難保其必無，應請大皇帝明發諭旨，飭地方官照約盡力保護教堂、教士等因。查此款按面商之意，本大臣極望貴王大臣奏請明發之諭有本大臣光緒二十三年十一月十三日照會所擬之意，並本大臣應允按貴王大臣所請之意，將各府州縣村莊凡有教堂處所開送貴衙門，以便分飭保護，以杜後患。查此款內，中國應允於山東曹州府等處所有官六員鬆懈，並未用力保護德國教士，調赴他省；惟鉅野縣知縣許，應從重參懲。該六員姓名，以上照會業已提明。如貴王大臣可允准將候選道彭虞孫升充沂道缺，實足慰駐華德人之心，及德人與華民平和安住之據。

第五款，此款貴王大臣按照商定之意，代中國國家允准設立德商華商公司，蓋造鐵路，由膠州通山東濟南省城，決不佔山東地土。德商、華商各自集股，各派委員領辦。又商定此項鐵路由膠澳起，應經過濰縣、青州、淄川、鄒平等處往濟南及山東界。至一切辦法，應另訂合同。本大臣亦允照辦。中、德

兩國自行商定此事，惟所立德商華商公司造辦此項鐵路，中國國家理應優待，較諸在中國他處之華洋商務公司辦理各事所得利益，不使向隅。查此條專爲治理商務起見，並無他意。又商定開挖煤斤等項及須辦工程各事，中國應許於所開鐵路附近之處相距三十里內，如在濰縣、博山縣等處，准德商開辦，亦可德商、華商合股開採。其礦務章程，亦應另行妥議。德國商人及工程人，中國國家亦應按照修蓋鐵路一節所云，一律優待，較諸在中國他處之華洋商務公司辦理各事所得利益，不使向隅。查此條亦係專爲治理商務起見，並無他意。此款鐵路、礦務所云辦法，應請貴王大臣另行備文照覆，以便本大臣將此案特言兩國和平商妥，全行了結。

第六款，此案賠償用費，中國不合應允德國國家，顧念兩國聯絡無斷和好之情，亦允另商辦法。等語。本大臣代本國國家聲明：德國擬設法將此事按中國所願之意了結。現在應許德國兵在膠澳或駐現駐之地，或駐他地之時，賠償用費一事，無庸提及。並因教案商定了結，擬議在膠澳現在所駐數處，將兵撤回，此法不得有藉端討賠償用費之意。該教案俟中、德兩國各款和平商妥照辦，始爲了結之據，並爲此案不能致德國再有調集船兵據中國地之事。至各款照辦之後，該數處將兵何時撤回，本大臣應另爲照會貴王大臣，以便全行和平按兩國所願之意辦結。

俟以上六款允照辦理，本大臣始應允教案了結。貴王大臣業經應許現在將另案籌妥和好辦法，本大臣亦允照辦。以上六款，係兩國和平商辦，一則表惋惜教士之心，一則明聯絡邦交之意，因慎持大局，兩國睦誼自無礙損也。

爲此照會貴王大臣查照。須至照會者。

(軍機處錄副奏摺)

四五 總署爲董福祥軍已奉旨著毋庸調紮德州事致張汝梅電

光緒二十三年十二月初五日(一八九七年十二月二十八日)

山東。撫台：電奏已代遞。現在董福祥在京，所部兵勇遠在甘肅，徵調不易。所請飭紮德州之處，毋庸置議。遵旨電知。歌。印。

(外務部檔)

四六 總署爲希飭曹州鎮等毋滋事端事致張汝梅電

光緒二十三年十二月初六日(一八九七年十二月二十九日)

濟南。巡撫：頃德使文稱，初五下午，據濟寧州電，現在曹州府滋擾，甚爲危險。曹州鎮將教民驅逐，聲言仍欲殺害洋人。薛田資已兩次逃生，現又須夜半逃命。茲定辦法兩層，一則教民被害，必須如數昭雪。二則前案未結，並不將所駐各地讓還，亦不將本軍撤回。等語。膠案正在商結，曹州又有滋擾之事助其兇燄，益難調處，卽希貴撫電飭曹州鎮、府毋滋事端，約束兵民，毋以虛聲賈禍，並卽出示城廂內外，照約保護教民。否則膠案固難善了，且別有要挾。勿得固執成見，以致國家受害。貴撫前月

真電，以曹俗強暴，請告外使勿在該處傳教，此與單縣不允保護令教士勿適同意，萬難辦允。統希熟籌利害爲要，仍將現辦情形電復。魚申。印。

批：卽據電速行並函詢鎮、道，事必有因，若何情節速復爲要。

（外務部檔）

四七 總署爲奉旨曹州如有滋鬧者卽照土匪辦理事致張汝梅電

光緒二十三年十二月初七日（一八九七年十二月三十日）

濟南。撫台：奉旨：據總署鈔遞德使照會，近日曹州府又有驅逐教民、欲殺洋人之事。鉅野教案正在將了，豈容再起波瀾？著張○○一面查明確情，一面實力保護，出示曉諭兵民，如有滋鬧者卽照土匪辦理。速電覆。欽此。陽。印。

（外務部檔）

四八 總署爲應將萬本華撤任事致張汝梅電

光緒二十三年十二月初七日（一八九七年十二月三十日）

濟南。撫台：本日德使照稱，強張地方教民有會齊之事，曹鎮萬本華倡言，洋人二名已殺，仍欲殺害洋人。並提拿地保，禁賣地基與德人。務請將萬本華革職，如今晚九點鐘無回信，卽與中國絕交，由

駐膠提督管理。等語。信如所言，曹鎮不能無過。是否屬實？應即撤回回省訊問，並即派妥員接署鎮篆，切實彈壓，勿任再激事端。仍電復。陽。印。

(外務部檔)

四九 總署爲奉旨萬本華著即撤回並申飭東撫事致張汝梅電

光緒二十三年十二月初八日(一八九七年十二月三十一日)

濟南。撫台：奉旨：鉅野教案正在議結，適又有曹州府聚衆欲殺洋人之事，以致德使大肆要挾，頓翻前議，實屬可恨。曹州鎮總兵萬本華著即撤回，回省聽候查辦。該撫身任地方，自應飭誠屬員，毋致再生教案；乃一味顛預，於朝廷現辦情形全未體會。即如此案，洋人屢次接電，而該撫尚未聞知，其聾瞶概可想見。曹俗雖稱強悍，該撫豈竟無術綏輯，任其生事，貽害於國耶？接奉此旨後，若再延不出示，飾詞回護，致外人藉口，定將該撫嚴懲不貸。欽此。庚。味字下二字查密紅本。印。

(外務部檔)

附錄：曹屬民教相安事探稟〔一〕

頃探得曹屬民教相安無事，省城天主堂亦一無所聞。據該教士馬天恩稱，聞曹屬教堂傍擬各建炮

〔一〕此件粘貼於前電文末，未具探稟者姓名。

台，爲防盜賊起見。民間意欲阻止，或者因此亦未可知。

(外務部檔)

五〇 錫良爲曹州未有驅逐教民等事致張汝梅電

光緒二十三年十二月初八日(一八九七年十二月三十一日)

濟南。撫帥鈞鑒。頃奉陽電謹悉。曹屬未聞有驅逐教民等事，已飛檄地方官確查，實力保護。職道錫良稟。庚。

(外務部檔)

五一 翁同龢等爲商辦傳聞萬本華殺洋人等事與德使問答錄

光緒二十三年十二月初九日(一八九八年一月一日)

臣翁同龢、臣張蔭桓遵旨於初九日申刻，前往德館與海靖晤面。

海靖詞氣與前數次略有不同，尚不至十分桀驁。臣等首詰以曹州事有無續報。海靖云，今日來電，尚無事，強張地名，不能實指。臣等告以已定六條，不可因曹州小事，忽有改變。海靖云，萬本華之事，外國新聞紙已傳徧了。臣等答以此等意外傳聞，中國亦甚不願。

海靖手執地圖，將膠澳讓出之地劃開，堅索澳口兩岸，直至陰島地方。臣等堅持不允，辨論至兩時

之久，幾於舌敝唇焦。臣等告以甯讓齊伯山，不讓陳家島；德若依我，我與德另立密約，彼此守口。一切礮台、礮位，均可定雇德廠克虜伯代造，此已十分通融。而海靖仍稱，奉到外部訓條，斷不能改。且照提督原佔之地讓出甚多，又係租給德國，不損中國自主之權，已還中國面子，萬難再讓。語甚決絕。臣等以此事關鍵所繫，萬難即允，仍索以教案六條照會先行擬結。海靖必要膠澳界定，始肯互換。臣等約以俟過明日外國禮拜之期，於十一日三點鐘晤商再定。遂散。

（宮中硃批奏摺）

附錄一：德使爲曹鎮欲殺洋人應行革職事致總署照會

一八九七年十二月二十九日（光緒二十三年十二月初六日）

照錄德國使臣海靖照會。

爲照會事。本日下午五點鐘，據濟甯州電稟：現在曹州府滋擾，甚爲危險。該處提督將天主教民驅逐，甚至聲言，仍欲殺害洋人，驚嚇人心。前此尚未了結教案，薛田資教士業已兩次逃生，現又須夜半逃命。在曹州府如此相繼旋生衅端，自無足怪；緣據電稱，本國能方濟、韓理教士二人被害之後，現已逾兩月之久，而並未緝獲兇犯，且地方官查拿匪徒，草率太甚，似曹州府、兗州府各員，未曾奉政府諭令保護教士也者。等語。

本大臣據此消息，曷勝震動，實一言難盡。此等情由，中國難免有涉危險，想貴署各王大臣定無不

明者也。前於本年十月初六、初七等日，教士被害之案，中國受虧甚重，諒貴王大臣自必盡力防範，以儆將來。惟據電稱，本國教士境內地方官未奉京都諭令，查其行止，以保護教士非其任內至要之端。何況該提督揚言接續「續」行兇，而現在時勢，中國果不足以豁然耶？望貴王大臣熟思而審度之。

茲有二層爲貴王大臣明言之，請勿忘：一則本國微賤之民受害，必須逼令如數昭雪，否則本國決不能從。二則本大臣日照會之案，尚未結局，在滿意本國之前，并不將所駐各地讓還，亦不將本軍撤回。相應先請發電，將曹州府提督革職，並力爲設法，以靖閭閻。併希三日內見覆爲荷。至懲辦人犯各節，本大臣再爲照會。或將來再須請將該有咎提督，交駐膠澳德國水師提督以便定罪之處，尚未可定。

理合照會貴王大臣查照。須至照會者。

（宮中硃批奏摺）

附錄二：德使爲再請將李秉衡永不敘用事致總署照會

一八九七年十二月三十日（光緒二十三年十二月初七日）

照錄德國使臣海靖照會。

十二月初七日，爲照會事。今、昨兩日，本大臣已將曹州難堪各節，照會貴王大臣在案。此事與諳識中國內政之洋人所謂華員使唆百姓擾害教士之語無異，甚爲可惜。十月初七日教士被害之後，貴王

大臣若迅速嚴劄文武各員，將來與德國教士爲難，抑或保護不足者，統問斬罪，則現在萬本華總兵何至膽敢揚言殺害洋人？十月初七日教案，本大臣前承貴王大臣達惋惜之意，以爲貴王大臣必當盡心竭力，以免重生衅端，緣以中國及大清朝關係緊要。乃貴王大臣似未籌策。中國之政務，原與本大臣無干，惟有貴政府是問。似十月十九日之役，貴王大臣不肯豁然，本大臣爲本國人理當照料，礙難照舊寬容。查各前由，相應爲本國國家，再索奏請將前任山東巡撫李秉衡革職，永不敘用，並請諭旨言明，此罪係因該撫相待德國教士負任之故。如此中國官員、萬民一體明白，大吏位雖甚高，如干犯德國教士，亦難免咎也。須至照會者。

（官中硃批奏摺）

附錄三：德使爲不將萬本華革職即擬絕交事致總署照會

一八九七年十二月三十日（光緒二十三年十二月初七日）

照錄德國使臣海靖照會。

十二月初七日，爲照會事。山東曹州府再有滋擾一案，昨晚接准來文，均已閱悉。查本大臣昨照，先請發電將曹州鎮總兵革職。等語。來文貴王大臣並未允照辦理。現在本大臣再准電稱：在強張地方，教民有會齊之事，有總兵萬本華膽敢言明，洋人一名業已被殺，仍欲殺害洋人。等語。並該惡員將地保提拿到案，禁止將地基賣與德人，所有業已賣地之事，必須撤銷。此等辦法，該總兵稱謂是不願洋

教之意。本大臣現在再特爲嚴請立刻發電，將萬本華總兵革職。如至今晚九點鐘，貴王大臣不將飭令該總兵革職之電報鈔錄與本大臣查閱，本大臣申請本國外部與中國絕交，託本國駐膠州水師提督管理中德往來情形可也。須至照會者。

(官中硃批奏摺)

五二 總署爲奉旨不得將萬本華暫留事致張汝梅電

光緒二十三年十二月初十日(一八九八年一月二日)

濟南。撫台：奉旨：張汝梅電悉。昨諭將曹州鎮總兵萬本華撤回回省，該撫何得遂請暫留？著趕緊揀員接署。至曹州地方雖現無教案，仍著加緊防維，毋再生事。欽此。蒸。印。

(外務部檔)

五三 總署爲義使請保護教士事致張汝梅電

光緒二十三年十二月初十日(一八九八年一月二日)

濟南。撫台：佳電悉。頃據(義)國薩使照會，以萬本華在大廷廣衆中瘋言妄云，仍然上月情形，將其餘傳教者再行殺害。大官出言如此，必至煽誘愚民，陷害教士。山東亦有義國傳教者，照約應由貴國保護。等語。查義國照會與德使同，曹郡民教果安，薛田資不致連夜逃命。務望遵照歷次諭旨辦

核，設法彈壓，力爲保護，毋任再生事端。仍電復。蒸。印。

批：卽據電飛飭曹州府會同彭守確切查明稟復。先將薛田資曾否逃走據實先電復。

（外務部檔）

五四 邵承照爲曹屬除荷澤案已結外別無教案事致張汝梅電

※光緒二十三年十二月初十日（一八九八年一月二日）

濟南。撫憲鑒：秋間荷澤朱天佑與同莊教民朱守倫互爲口角致訟，教士韓寧鎬函稱，天佑打毀洋學鍋灶，先生走避，請飭縣訊究。經該縣照韓函會責令天佑賠錢五十千，向洋學歸禮結案，此外別無教案。照。青復。

（外務部檔）

五五 張之洞爲詢問曹鎮驅逐教民事致張汝梅電

※光緒二十三年十二月初十日（一八九八年一月二日）

急。濟南。張撫台：聞曹州鎮驅逐教民，洋教士逃走，德使藉此生波，前教案已結復翻。究竟實在情形若何？速示。洞。佳。

批：卽復查並無其事，係教民生風。

（外務部檔）

五六 盛宣懷爲詢問曹州逐教民事致張汝梅電

光緒二十三年十二月初十日（一八九八年一月二日）

濟南。張中丞：密紅。傳聞初六曹州又有逐教民、戕教士之事，以致德使又翻前案，德兵進踞膠州。確否？乞示。宣。卦。印。

（外務部檔）

五七 林際平爲據探曹郡等處地方靜謐事致裕祿電

光緒二十三年十二月十二日（一八九八年一月四日）

天津督署。督憲鈞鑒：趙巡檢秉鈞赴曹郡查探回工，據查該處如常安堵，民教未有相殘，毫無驚惶之事。並探得開、東、長與曹屬接壤各處，均見靜謐。惟聞鉅野縣民間，前因殺傷洋人，謠傳須用多人抵命，頗見驚恐，現在亦已安帖矣。肅稟以慰憲廑。卑職林際平叩。侵。印。

（外務部檔）

原註：右電係直隸高村局發，由濟寧傳來，謹照錄送呈。

五八 總署爲應速查究兗州英教士被打事致張汝梅電

光緒二十三年十二月十四日（一八九八年一月六日）

濟南。撫台：英使稱，英教士離兗州府不遠被人毆打，請速查究。義使面稱，濟南有義國教堂，請

義和團檔案史料續編 光緒二十三年十二月

飭道設法保護。等語。希分別飭辦，免釀重案爲要，並電復。鹽。印。

(外務部檔)

五九 某委員爲薛田資並無被迫逐事致張汝梅電

光緒二十三年十二月十四日(一八九八年一月六日)

濟南。撫憲鈞鑒：卑府十二抵兗，奉續札悉。十三抵鉅，密查得薛田資由鉅往鄆傳教，民教相安。

惟本月初一五更，鉅境張莊更夫見教堂迤南有人影數點，更夫放鎗壯膽，及答話，乃趕集之人。薛田資聞鎗聲疑是匪黨報復，驚起屬實，委無迫逐情事。先此電稟，餘俟到曹續電。卑府謙叩。

批：卽據電稟電達總署。

(外務部檔)

六〇 陶振宗爲福若瑟陳述萬本華與教民談話事致吉燦升電

光緒二十三年十二月十四日(一八九八年一月六日)

濟東道憲鑒：遵詢福教士稱，月初萬鎮至曹南堤上張莊，有教堂李生與莊衆出迎。萬諭李生等：已殺二洋人，不必住此，亦不必賣與房、田。李以告胡姓，轉告薛田資，薛又告福。却無會齊事。又月初薛在鉅野張莊，夜半巡更，教民見人影，疑匪報復，逃至福處。福於初五電京。振宗。寒。

(外務部檔)

六一 總署爲查詢吉燦升有無苛待義國教士事致張汝梅電

光緒二十三年十二月十五日（一八九八年一月七日）

濟南。巡撫：義國署使來云，現任濟東道吉燦升頗有苛待義國教士等語。有無其事？希查明電復。咸。印。

（外務部檔）

六二 邵承照等爲陳明萬本華與教民口角情形事致張汝梅電

※光緒二十三年十二月十五日（一八九八年一月七日）

濟南。撫鑒：查萬鎮因巡緝到荷澤堤上張莊，有嘉祥人李士效係傳教者，迎揖車前。萬鎮云：既隨洋教，何必接我？李某語言頂撞，以致說起鉅野之案，謂爾等小心，恐再佔鉅野，又勞我們費手。並未滋鬧。至地保係下鄉催其打更，未問買地與否。適曹城洋人買房，恐人阻止，故拉爲一事。照、謙、寒。印。

（外務部檔）

六三 盛宣懷爲詢問兗州是否有英人被害事致張汝梅電

光緒二十三年十二月十五日（一八九八年一月七日）

濟南。張漢帥：真電謹悉。聞英使電致煙台領事云，英人在兗州又被歹民戕害等語。是否謠言，

抑或有因？乞示。宣叩。望。印。

批：將總署來電詢，已去查，然戕害實無其事；即日前德人生風，併實無其事一併告之。

(外務部檔)

六四 錫良等爲英人在曲阜與人口角事致張汝梅電

光緒二十三年十二月十六日(一八九八年一月八日)

濟南。撫憲鈞鑒：咸電謹悉。英使所稱在兗被毆，即初七日英人在曲阜賣書及游廟，與人口角之事。前經稟明並飭縣查究。職道錫良、卑府蔡修稟。銑。

(外務部檔)

六五 總署爲梨園屯教案應速籌辦事致張汝梅電

※光緒二十三年十二月十七日(一八九八年一月九日)

山東。巡撫：法使照稱，梨園屯教案，地方官延緩不辦，且不還教堂原有地段。又物料被竊，教民被逐，山東迤南邊界有匪徒希圖搶掠，皆因吉道燦升辦理不善。請電東省毋庸飭該道查辦，逕與馬主教商結：一、重辦罪犯。二、地基並所偷物料結還教堂。三、賠償銀兩，並出示切實曉諭保護。等語。查此案迭經本署電催，僅據宥電復稱，轉飭道府查理。迄今半月有餘未據電復，致又婪索多端。希即

就近速籌結案，切勿耽擱，再生波瀾，仍電復。諫。印。

(外務部檔)

六六 總署爲應飭膠州勿得將錢糧冊交德人事致張汝梅電

光緒二十三年十二月十九日(一八九八年一月十一日)

山東。巡撫教案六條議結。德使另申借澳說，訂定作租，就德提督原佔地圖內退還膠州城及他島岸，祇就澳口東西南北周遍百里爲度，界外德兵全撤，租價另議。詳細條款奏後咨行。既經互換照會，自然按照辦理。巧電卽墨膠州稟，德人索錢糧冊買地，與現議不符。應飭該州縣聽候本署咨案遵辦，勿得遽將錢糧冊票送給。皓。印。

(外務部檔)

六七 總署爲查詢鉅野案犯憑證事致張汝梅電

光緒二十三年十二月二十日(一八九八年一月十二日)

濟南。撫台：德使照會，現獲九犯非正兇，緣並未在其家查出贓物，仍設法查拿正犯。等語。此案兇盜憑何緝獲？是否購買眼線？贓由何處起出？希確查復。餘詳另咨。號。印。

(外務部檔)

六八 著分別處分鉅野教案失察各員並通諭各省實力保護教堂事上諭

光緒二十三年十二月二十三日（一八九八年一月十五日）

前因山東鉅野縣地方，有盜匪拒捕傷斃教士之案，業將兇犯分別懲辦矣。開缺四川總督。前巡撫李秉衡，身任地方，不能先事預防，以致釀成巨案，著交部議處。兗沂曹濟道錫良、曹州鎮總兵萬本華、曹州府知府邵承照，一併交部議處。鉅野縣知縣許廷瑞，緝捕廢弛，稟報遲延，著即革職。壽張縣有教堂被劫，該縣知縣莊洪烈著即查參。其餘濟寧、荷澤、單縣、城武等州縣，亦有民教相爭者，該州縣官均著分別撤調。山東為禮樂名邦，士夫服習儒術，素知自重。至草野愚民，間有不明事理，甚或毆辱教士，毀壞教堂，此風斷不可長。著該地方官嚴行禁戢，實力保護。並著通諭各省將軍督撫等，嗣後如有藉端鬧教為名，聚眾生事者，即遵光緒十七年六月諭旨辦理。倘再因循忽玩，定行嚴加懲處，決不寬貸。欽此。

（外務部檔）

六九 奕訢等奏為擬定鉅野教案各犯罪名緣由事摺

光緒二十三年十二月二十三日（一八九八年一月十五日）

臣奕○等跪奏，為山東教案拿獲要犯分別擬定罪名，恭摺仰祈聖鑒事。

光緒二十三年十月十六日奉旨：曹州殺斃洋人一案，着李秉衡速派司道大員馳往該處，根究起衅情形，務將兇盜拿獲懲辦。等因。欽此。當由臣衙門電咨前山東撫臣李秉衡欽遵辦理。旋據該前撫電稱：派委臬司毓賢、兗沂曹濟道錫良，馳往鉅野縣徹底根究。嗣由該臬司等督飭該縣會同防營，先後拿獲惠二啞吧等九名，並起獲贓物等情。疊經照錄恭呈御覽。

茲據李秉衡咨稱：緣惠二啞吧即惠潮現、當〔雷〕協身即雷繼參、張高妮即張沁春、王大脚即王莽又名王衍潰、賈木即賈東洋、高大青、蕭盛業、姜三綠、張允，分隸鉅野、嘉祥等縣，平素游蕩度日，均先未爲匪犯案。雷協身探知鉅野縣張家莊洋教堂存有錢物，起意行竊，糾允高大青及惠二啞吧、張高妮、王大脚、賈木、蕭盛業、姜三綠、張允，並不識姓名二人，於光緒二十三年十月初七日傍晚時分，在鉅野縣楊家樓村外空地會齊。即於是夜二更時分，惠二啞吧、張高妮、王大脚、賈木各攜尖刀，高大青持繩鞭，雷協身、蕭盛業、姜三綠、張允及不識姓名二人分攜刀棍。行至中途，蕭盛業、姜三綠、張允三人畏懼同逃。惠二啞吧等偕抵張家莊教堂門外，惠二啞吧、雷協身爬牆進院，開啟大門，放張高妮等進院。惠二啞吧用刀撬撥屋門未開，教士能方濟、韓理驚覺，由窗孔開放洋槍，轟傷不識姓名兩人，隨各逃逸。惠二啞吧因同夥被傷，氣忿莫遏，起意行強，雷協身允從。惠二啞吧即與雷協身砸開窗戶進屋，開門放進張高妮等，惠二啞吧用刀扎傷教士肚腹，雷協身亦用木棍抵格，隨即搜劫贓物，分〔携〕逸逃，亦有將贓物、刀棍捺棄路上。詎教士能方濟、韓理傷重，旋各殞命。經教士薛田資報驗，獲犯訊詳審供不諱，詰無另犯別案。將惠二啞吧、雷協身等均依例擬辦。各等因。

臣等查惠二啞吧等伙竊德國教堂，因教士能方濟等驚覺，開槍轟傷夥犯，該犯輒敢起意行強，與雷協身首先拒傷教士，實屬罪無可道。應如該撫所擬，惠二啞吧即惠潮現、雷協身即雷繼參，均依強盜殺人奏請審決梟示例，擬斬立決梟示。至（張高妮）、王大脚、賈木、高大青四犯，供詞尚有出入，應監候待質。其蕭盛業、姜三綠、張允三犯，應從重監禁五年。其在逃之馬東武、朱得法兩犯，應懸賞勒緝歸案，擬議懲辦。

臣等查此案，惠二啞吧、雷協身兩犯首先發難，因偷竊教堂，慘殺教士二命，以致釀成巨案，實堪痛恨。若由該撫照案奏交刑部覆議，再會同臣衙門具奏，輾轉需時，致令該犯倖稽顯戮，殊非止辟明刑之道。應由臣衙門請旨即行正法，以昭炯戒。至該撫咨稱不能禁約為匪犯父兄等照例提責，並已獲之賊經主認領，屍棺亦經教堂領葬，起獲之兇刀存庫，均應如該撫所咨辦理。被槍轟傷之不識姓名二名尚未弋獲，應與在逃之馬東武、朱得法兩犯，責令現任撫臣張汝梅一併緝拿，無稍寬縱。

所有臣等擬定曹州教案要犯罪名緣由，理合恭摺會陳，伏乞皇上聖鑒，訓示遵行。謹奏請旨。
光緒二十三年十二月二十四日奉硃批：依議。欽此。

（軍機處錄副奏摺）

七〇 總署為冠縣梨園屯教案辦理已有眉目事致法署使照會

光緒二十三年十二月二十三日（一八九八年一月十五日）

光緒二十三年十二月十五日，准貴署大臣照稱：項接電，知山東梨園屯教案，不還給教堂自有地段，將教堂所有物件等偷竊，在彼起蓋廟宇。教民被驅，甚屬困苦。照請了結。一、重辦罪犯。二、地基並所偷物料給還教堂。三、賠償教堂銀兩收領。另須地方官出示曉諭。並派兵緝拿匪類，保護良民。即速照復。等因前來。本衙門當於十二月十六日，電知山東巡撫轉飭地方官，就近迅即辦結。

茲據山東巡撫電稱：查冠縣梨園屯教案，因教民共爭廟基，構訟多年。本年三月，民教滋鬧，傷斃教民王太清一名。當飭東昌府洪用舟親往查辦，以廟基爲始禍之由，議請歸官經理，作爲義學。另爲洋人置買地基，建立教堂。因地基久未買妥，連經飭催。復據該府縣稟，業經買地一段，並照原樣房屋，估計工料共京錢一千串。又莊民用其磚料，失少物件，估京錢一千串。共計京錢二千串。由教士自行起蓋轉發。至已死王太清係在直隸威縣，仍飭冠縣協緝。經教士費若瑟應允，轉商馬主教。等因。是此案辦理已有眉目，亦甚持平，並非地方官延緩不辦。茲准前因，當飭東昌府嚴飭冠縣照前議與費教士妥商，先將償款給領。一面嚴緝正兇，務獲究辦。並由撫署刊刻告示，徧貼曉諭，一體保護。等因前來。

相應據電照會貴署大臣查照可也。

（總理各國事務衙門檔）

附錄：法使爲梨園屯教案應卽了結事致總署照會

※一八九八年一月七日（光緒二十三年十二月十五日）

照得頃接電，知山東地方官不但不遵貴衙門之諭，而延緩以不辦梨園屯教案，且不還給教堂自有地段，將教堂所有物料等件偷竊，在彼起蓋廟宇。教民以來自家被驅，甚屬苦困。此段地基三十年以來，教堂管業執有信實契據。本大臣又知悉，不惟在梨園屯一帶，而在山東、直隸迤南邊界，有作亂之人，擬生爲難之事。設若滋生弊端，搶掠毆殺等事，均屬中國國家責任，並與貴國嗣後非細相關也。

查此等情形，皆因地方官不善，未懷好意。而其內理應指明吉道員燦升任意所爲。除何令式箴外，應卽行撤去二員。本大臣相應再爲照會貴王大臣，詳細查閱此情，並請再飭山東地方官無庸查辦，但與馬主教將梨園屯教案遵照前文聲明，刻卽了結，開列如左：

一、重辦罪犯。二、地基並所偷物料給還教堂。三、賠償教堂銀兩收領。本大臣另想務須地方官出示曉諭，相重教士教民。並派兵緝拿匪類及作亂之人，保護良民。查本大臣業已接奉嚴命，將此事早爲電達本國國家。務望貴王大臣卽速照復所應設之法爲要。須至照會者。

（總理各國事務衙門檔）

七一 總署爲奏准將曹州案犯分別處刑事致張汝梅電

※光緒二十三年十二月二十四日（一八九八年一月十六日）

濟南。撫台：本日具奏，曹州案犯惠二啞巴即惠潮現、雷協身即雷繼參兩名，即斬決梟示犯事地方。張鴉妮、王大脚、賈木、高大青四名監候待質。蕭盛業、姜三綠、張允三名監禁五年。希照辦。仍抄奏咨行備案。樟。印。

(外務部檔)

七二 總署爲曹屬刀會聚衆應即彈壓解散事致張汝梅電

光緒二十三年十二月二十五日(一八九八年一月十七日)

濟南。撫台：頃聞曹屬刀匪聚至二千餘人，其勢洶洶，各國教士仍朝不保暮，倘釀成巨案，真難收拾。希即切實彈壓解散，妥籌保護教士、教堂。曹鎮派何人接署？統電復。宥〔有〕。印。

(外務部檔)

七三 總署爲冠縣教案應另派員與馬主教辦結等事致張汝梅電

※光緒二十四年正月初一日(一八九八年一月二十二日)

山東。撫台：宥電悉。法認保護東境教士，而義使謂應歸該國保護。聞馬主教在省，吉道承辦頗覺顛預，教士不服，亟宜另派妥練之員，與商辦結。法使於冠縣案僅開送三條，馬添數條，並令酌復。至太〔泰〕安、淄川兩案，義使亦曾屬查。並查辦具復。豔。印。

(外務部檔)

七四 朱衣繡爲德兵在即墨被人刃斃事致張汝梅電

※光緒二十四年正月初四日（一八九八年一月二十五日）

濟南。撫憲鑒：德人因聞謠傳我軍抵境，初一日晚領兵三百餘來城查探，尚安無事。詎二日夜，有一巡街洋人，不知被何人在城西刃傷二處斃命。現懸賞勒拿，獲日另稟。即墨知縣衣繡叩。

（外務部檔）

七五 夏辛酉爲即墨德兵被殺擬暫緩練兵事致張汝梅電

光緒二十四年正月初五日（一八九八年一月二十六日）

濟南。撫帥鑒：探悉即墨德兵被殺之事，脅制朱令，不使主事，專橫情形大異於前。現又派人確探，得詳再稟。卑軍本定初六日起，遵飭走隊，練習腿力，現聞此信，擬緩數日，事定再行操練。恐謠傳到即致其驚疑也。用特附陳。辛酉叩。歌。印。

批：派人前往確探被殺實情。

（外務部檔）

七六 夏辛酉爲青島德兵打死鄉民事致張汝梅電

光緒二十四年正月初六日（一八九八年一月二十七日）

濟南。撫帥鑒。據青島坐探報稱，德人初一、二、三等日在島外安設地雷，各山口均有洋兵把守。初一辰刻，一人將進山口，被洋人叱問，其人跑避，即被洋人趕上，立時用炮打死，年三十餘歲。至初四，尚無人認尸。特此稟聞。辛酉叩。魚。印。

(外務部檔)

七七 總署爲德使指趙天吉爲曹州案正兇等事致張汝梅電

※光緒二十四年正月初七日(一八九八年一月二十八日)

濟南。巡撫。德使照稱，曹州案犯，係大刀會匪首趙天吉爲謀殺教士正兇，現獲各犯皆頂兇。前准來電，起出真贓即係真犯。該使聽教士懲用心〔一〕，復有派天津領事帶隊赴曹查案之請。本署仍立駁之。究竟已獲各犯能不爲指摘否？首犯兩名已辦否？又即墨殺德兵事已否獲兇懲辦？德使照稱，已由提督限三天，如不獲，即罰即墨城銀一萬兩。由該令另擬辦法，務希速辦。平度現駐何軍？距膠澳多遠？統希電復。魚。印。

(外務部檔)

七八 總署爲應照約在曹州城內撥與德教士地基事致張汝梅電

※光緒二十四年正月初九日(一八九八年一月三十日)

山東。巡撫。教案照會第二款，中國允於曹州城內及鉅野縣屬張家莊各建教堂一所，每堂地約十

〔一〕「用心」二字係原稿電碼錯誤，應合爲「愚」字。

畝，由中國官先與德教士商定，再爲指撥云。現德使請先撥曹州城內地基，希卽飭地方官預度相宜地基，不專一處，再與德教士商訂。設有辯駁，亦免再煩籌畫。希妥辦電復。庚。印。

(外務部檔)

七九 總署爲義署使欲辦梨園屯教案業已駁覆事咨張汝梅文

光緒二十四年正月初九日(一八九八年一月三十日)

光緒二十三年十二月二十六日，准義國薩署使照稱：山東梨園屯一事已與他國辦理，不勝詫異。嗣後所有屬馬主教義國教士，須竟與義國辦理。等因。

本衙門查十四年八、九月間，疊准義國盧前大臣照稱，義國教士若領有義國公署所發護照，卽可前往中國內地游歷居住，護照字樣與法國相同。若義國教士執有他國所發護照，照內書明義國天主教士者，此照作爲廢紙，中國官不得蓋印。嗣後凡有義國人傳教，應歸義國公署及領事專辦。請爲咨行各省。等因。當經本衙門照辦，並照復盧前大臣，言明他國所發護照寫明義國天主教士，此照作爲廢紙。倘未經寫明，而義國公署及領事官聲明該教士爲義國人者，中國官亦可視同廢紙，不予蓋印。各在案。乃自定議之後，義國公署所發護照，函送本衙門蓋用順天府印者，甚屬寥寥。

至冠縣黎園屯教案，起於光緒十三年春間，尚在盧前大臣未經議定之前。十餘年以來，歷經法使與本衙門函照往返，商辦了結，義國公署從無片紙隻字提及。馬主教遇事逕行稟報法國公署，並不稟

報義國公署，義使向亦無辭。茲因上年冬間，又准法使照稱各節，義薩署使始以爲言。又不敢自向法國理論，但來本衙門饒舌。

除由本衙門照案駁復外，相應抄錄來往各照會，咨行貴撫查照。並希將黎園屯一案現辦情形，聲復本衙門可也。

(總理各國事務衙門檔)

附件一：義署使爲濟屬教案應歸其辦理事致總署照會

※一八九八年一月七日(光緒二十三年十二月十五日)

照得本署大臣確悉，有義國傳教教士在山東駐紮者，現來北京懇求保護。不但赴本公署，亦赴他國公署懇求。本署大臣足知貴王大臣，均按照一千八百八十八年所定章程辦理。該章程內載，如有上稟等事，無論係該傳教堂，或義傳教人之私事，均由義國官員辦理。等語。此係言明，倘或有他國欲辦理義國傳教之事，求貴署設法之時，貴署亦必不能按照所請辦理。本署大臣於此際再爲陳明：所有濟南府天主堂馬主教之下，實係義國傳教者。該省城亦無他國傳教之人。本署大臣所以再爲陳明者，以免誤錯，茲該傳教人來京之故，專爲李安屯、泰安、淄川教堂之事也。本署大臣熟悉如此，預達貴署，諒貴署決不能與所定章程因不知而違背也。

相應備文照會貴王大臣查照。爲此照會。

(總理各國事務衙門檔)

附件二：義署使咨送之冠縣等處教案情形節畧

※一八九八年一月十六日（光緒二十三年十二月二十四日）

山東東昌府冠縣教士將要建立天主堂，該堂應用材料業已備齊。本地匪民滋生事端，前往堆積材料之地，將看守者殺斃二人，受傷者十餘人，其餘因寡不敵衆，俱已逃走。該匪民搶去材料，將在先應建堂之處，改立佛廟。除此外，離此地不遠，有住戶天主教民二十四家，該匪民突入，將住戶人等全行驅逐，所有一切家產物件俱被搶掠一空。此建堂之地，係該教士於三十年之前，係自行置買，均有契紙可憑。

泰安府教士置買房間，已有數年。今新來道台不准教士居住，而欲將原價退還，契紙廢棄。所立住房合同，教士俱現存手內。

淄川縣將欲建堂，有本地教友在自己田內刨石，欲相捐助。離田地相近之處，有佛教民人哀報本官曰，刨石有傷風水，本人坟地相離不遠，大不合宜。本地方官即批准所稟之外，在教友田內命立碑文，內載無論何故，不准開坑取石。

（總理各國事務衙門檔）

附件三：義署使重申欲辦理梨園屯教案事致總署照會

※一八九八年一月十八日（光緒二十三年十二月二十六日）

照得本署大臣昨日接准來函，閱悉之下，不勝詫異。前次所接貴署照覆，內稱：貴國教士來華傳教，本衙門久經照章保護。現在他國公署亦無代義教士辦理傳教事務。等語。查本公署所書李安屯字樣，係屬筆誤，應書黎園屯也。

再，本月二十四日，本署大臣赴貴署，求貴王大臣將義國教士所稟節略，詳細詢問考察。當日貴大臣云，所有黎園屯一事，已與他國辦妥。等語。本署大臣詫異有不勝言者。中國如此辦理，實係違背一千八百八十八年所定章程，本月二十日貴署所發照會之語也。本署大臣在座之時，貴署以不知黎園屯係義國教堂之故卸責。本署大臣查因李安屯係屬筆誤，亦不爲怪。因貴大臣明言無不妥當，按照所立章程辦理，所有章程內載義國教堂事務，專歸義國所轄云云。本署大臣擬催貴署備照會，內書因何誤辦，又明書如今既然此事見明，嗣後所有屬馬主教義國教士均歸義國辦理，與本國一千八百八十八年十一月二十日照會內所載教堂無不相同。等語。

昨日本署大臣未按照會，只接紅信一封，展誦之下，殊深詫異。內有黎園屯一事，已與他國辦理。又抄山東復電一紙。又求將本國所轄教士，在山東共有幾處，是何縣名，查明復知備案。等因。並無別論。貴署因不知黎園屯歸義國教堂所轄，已經與他國辦理所爲言者，茲貴署如欲實照章程辦理，照在署屢次所言，必須明書嗣後竟與義國辦理。本署大臣求貴王大臣速將此語繕寫照會，以便本署大臣飛達外部大臣，愈速愈妙。

日前本署大臣在座之時，又言按照本國寄諭本署大臣，當將義國教士事務與貴署和衷辦理，以不

背中義兩國數年、敦睦和好之意。貴王大臣亦明悉，不讓外國設疑中國違背章程最爲善事。如此言明義國教士事務，將來可以彼此持平和睦辦理也。

再，所有本國在山東教士，其主教在濟南府居住。所屬濟南府、東昌府、泰安府、武定府、青州府，惟係義國教士。其南兗州府、沂州府、曹州府、東則萊州府、登州府，毗連在外。本署大臣足知貴王大臣速覆照會內，明明確言將來所有此堂，如今所關黎園屯、泰安、淄川之案，竟歸義國辦理。本署大臣接到照會之後，速發洋文達知外部大臣，以表中國實係不違所定章程也。爲此照會。

（總理各國事務衙門檔）

附件四：總署爲應由義法自行理論教務事致義署使照會

光緒二十四年正月初五日（一八九八年一月二十六日）

光緒二十三年十二月二十六日，准照稱：本公署所書李安屯字樣，係屬筆悞，應書梨園屯。前赴貴衙門會晤，貴衙門以不知梨園屯係義國教堂卸責。昨准來函，內有梨園屯一事，已與他國辦理。閱悉之下，不勝詫異。實違背一千八百八十八年所定章程。貴衙門如欲實照章程辦理，必須明書嗣後所有屬馬主教義國教士，竟與義國辦理。求速繕照會，以便飛達外部大臣。並開列義國在山東教堂處所，將來所有此堂，如梨園屯、泰安、淄川之案，竟歸義國辦理。等因。

本衙門查自光緒十四年八、九月間，迭准貴國盧前大臣照會，內稱：義國教士若領有義國公署所發

護照，即可前往中國內地游歷居住，護照字樣與法國相同。若義國教士執有他國所發護照，照內書明義國天主教士者，此照作爲廢紙。中國官不得蓋印。擬於西歷本年十二月初一日開辦。嗣後凡有義國人傳教，應歸義國公署及領事專辦，並請將議定義國傳教辦法，咨行各省。本衙門當已照辦，通行各省大吏。並照復盧前大臣，言明如他國所發護照寫明義國天主教士，此照作爲廢紙。倘不註明義國教士，而貴大臣公署或貴國領事官聲明該教士爲義國人者，中國官亦可按照視同廢紙，不予蓋印之辦法辦理。各在案。乃自定議之後，貴國駐京公署所發護照，函送本衙門蓋用順天府印者，甚屬寥寥。

至冠縣梨園屯教案，起於光緒十三年春間，尚在盧前大臣未經定議之前。溯查十五年十一月，曾准法國李大臣函，據山東迤北馬主教函稱，東昌府冠縣梨園屯地方滋事，教堂受害一案，請行飭妥辦。又於十六年三月，准法國李大臣函，據馬主教繼來函，稟請行飭東撫接見教士，妥商辦理。又十七年十二月，准法國李大臣照會，據山東馬主教函，稟請催飭東撫與馬主教商同速結。迭經本衙門據法國李大臣前後函、照，行催東撫。嗣於十八年五月，接東撫咨稱，案已完結。本衙門照請法國李大臣銷案。又准法國李大臣照復，內開，案已了結，甚爲欣悅。卽達知本國外部大臣及山東迤北馬主教。二十三年十二月間，又准法國呂署大臣照稱梨園屯教案，本衙門正電東撫查辦，忽准貴署大臣照稱，梨園屯案應歸義國。等語。

本衙門查梨園屯教案，迄今十餘年。法國李前大臣迭次函照，確鑿有據。貴國駐京大臣何以置若罔聞，從無片紙隻字提及？且馬主教屬下教士既應歸貴國辦理，馬主教當日何以徑自稟報法國駐京大

臣，而不稟報貴國駐京大臣，無怪本衙門但知梨園屯爲法國教堂，而不知爲貴國教堂也。此其誤不在本衙門，而誤在法國李前大臣，且誤在馬主教之不報貴國大臣也。

十二月二十二日，法國呂署大臣來署會晤，言凡教皇所屬之事，應歸法國管理，與他國無干。此時貴署大臣欲將梨園屯一案移歸貴國管理，應由貴署大臣自向法國理論。俟法國呂署大臣應允移歸貴國，本衙門接據明文，必當通融辦理。如貴署大臣不能自向法國商量，而怪本衙門之錯誤，則法國李前大臣成案具在，本衙門不能任錯也。爲此照復。須至照會者。

(總理各國事務衙門檔)

附件五：義署使爲欲辦理濟南等府教務事致總署照會

※一八九八年一月二十八日(光緒二十四年正月初七日)

昨准照覆，文內屢稱與他國誤辦梨園屯一事，並非衙門之錯。又提法國、義國公署數封函照。閱悉之下，顯明義國、中國議定章程數句，又顯明梨園屯一事實係定章前後由法國辦理。一千八百八十八年章程以前，法國管理此案，亦屬自然。確定該章後，照常續辦非理也。貴署所稱誤在法國李大臣，且誤在馬主教，無不確實也。此事不必再論，既往不咎矣。而今必須設法，以免將來此等誤錯。

本署大臣於去歲十二月二十六日所發文內，求貴王大臣繕照明書，按一千八百八十八年所立章程，又援本署大臣文內所載詳細方向，山東省濟南府、東昌府、泰安府、武定府、青州府，惟係義國教士

屬馬主教者也。此後如有他府替管該教士事案，請貴署妥辦，中國決不可領辦。等語。以上本署大臣所請之詞，貴署並未謄寫。今本署大臣再催貴署速爲繕書照覆，貴王大臣必不能推辭，推辭時便係違背兩國所定章程，成案具在。

又所云置若罔聞，從無片紙隻字提及。等因。本署大臣查此可明見義國和衷辦理，獨欲保護本國教士，而不欲推廣無關緊要之案。獨思護義教命業正理於他義民無不相同，而不思借保護之詞以爲難中國也。義國和衷美意，貴國能不欣悅乎？中國亦應同心努力，妥協辦理。

又來文所載，十二月二十二日，法國呂署大臣來署晤，言凡教皇所屬之事，應歸法國管理，與他國無干。等語。本署大臣諒貴署誤聽其言也。中國足知其不爲然有案爲憑也。近來中國與德國辦理可慮教案，該德國教士亦係駐劄曹州屬教皇之人，中國並未答德國，以各國天主教士俱歸法國管理。若王大臣查貴署案內，易見德、義二國，實係同年同月與中國立定同意之章程，照該章程內，憑德、義兩國各保其民無錯。如今再不辯論中國與他國誤辦義國教堂之案有無責任也，而中國政府應言明按所領責任，將來所有濟南府、東昌府、泰安府、武定府、青州府，以及附一千八百八十八年章程清單所載各省各府教堂事案，俱歸義國管理。

又向法國商量一事，貴王大臣亦可見不便與他國查問大清國違背與義國所定章程否。總而言之，本署大臣請貴王大臣速繕照會，文內謄寫言明中國不違背所定章程，以後濟南府、東昌府、泰安府、武定府、青州府教案，俱與義國辦理。

務望速爲照覆，以便電達外部大臣查照可也。

（總理各國事務衙門檔）

八〇 徐桐等奏爲遵旨議處鉅野教案失察各員事摺

光緒二十四年正月十一日（一八九八年二月一日）

吏部等部、大學士、管理吏部事務臣徐桐等謹奏，爲遵旨議處具奏事。

內閣鈔出光緒二十三年十二月二十二日奉上諭（上諭見前——編者）欽此欽遵。鈔出到部。

除鉅野縣知縣許廷瑞革職，臣部另行辦理開缺暨壽張縣知縣莊洪烈卽行查參，及濟寧、荷澤、單縣、城武等州縣官分別撤調，均行令該撫欽遵辦理外。查總理各國事務衙門會同吏、兵二部奏定地方官辦理教案章程內開：嗣後如有教堂被燬之案，實係有心故縱，釀成巨案，貽誤大局，由臣部酌量案情，奏明請旨辦理；其事出倉猝，竭力保護而勢有所弗及者，擬請將該地方官照防範不嚴降一級留任公罪例議處；其保護未能得力者，自屬辦理不善，應查照歷辦成案，以不應重公罪降二級留任例定議。等因。於光緒二十二年四月十二日具奏奉旨：依議。欽此欽遵在案。又查定例：凡議處事件，若例輕而案情較重，卽照加等之例辦理，由降留加等者，自一級至三級酌量遞加，止於革職留任，不得加至降調等語。此案山東鉅野縣盜匪拒捕，傷斃教士，該前撫李秉衡身任地方，不能先事預防，以致釀成巨案，欽奉諭旨，交臣部議處。臣等覈其案情，雖非有心故縱，究屬釀成巨案，自應查照奏定章程請旨辦理。

應如何從重予以處分之處，恭候聖裁。兗沂曹濟道錫良等，奉旨一併交臣部議處，亦未便僅照防範不嚴本例及辦理不善成案覈議，應請將兗沂曹濟道錫良、曹州府知府邵承照，均從重加等議以革職留任公罪。曹州鎮總兵萬本華，一併從重加等議以革職留任公罪。

所有臣等援照章程請旨並酌量加等議處緣由，理合恭摺具奏，伏乞皇上聖鑒，訓示遵行。再，此摺係吏部主稿，會同兵部辦理。合併聲明。謹奏。

(軍機處錄副奏摺)

八一 朱衣繡爲稟報李象風殺死德兵緣由事致張汝梅電

※光緒二十四年正月十三日(一八九八年二月三日)

濟南。撫憲鑒：電諭敬悉。研訊李象風，在西城門內賃房賣烟盒，夜間因鋪內無人，見門已開，疑係巡街洋人所砸，懷恨故殺，委無因姦別情。現該提督來城，因久未奉覆，非處以銃刑卽立時駢首，刻不及待。事關大局，請速示遵，免生他變。卽墨知縣衣繡叩。

批：既係懷恨故殺，應請旨正法。復卽墨，俟奉旨卽電達。

(外務部檔)

八二 總署爲奉旨卽將李象風正法事致張汝梅電

光緒二十四年正月十四日(一八九八年二月四日)

濟南。撫台：奉旨：張汝○電悉。所有卽墨縣殺斃洋人之兇犯李象風，著卽行正法。欽此。寒。

印。

批：卽行。

(外務部檔)

八三 張汝梅奏爲設立洋務局專司交涉事片

光緒二十四年正月二十二日(一八九八年二月十二日)

再，東省辦理洋務向無專員，遇有教案，歷由濟東泰武臨道辦理。近來交涉日繁，各處增設教堂，辦理愈形棘手。必須有專辦之員，留心洋務，斟酌輕重緩急，隨機應付，方可彌覺於未萌。濟東泰武臨道吉燦升老成持重，惟該道管轄四府一州，地方公事甚多，復兼管河防、賑撫兩局，事務殷繁，實屬未能兼顧。臣與司道悉心商酌，於省城設立洋務局，遴派候補道潘延祖、彭虞孫管理其事。復添派前安徽蕪湖縣知縣王萬甦、候補知縣余則達爲洋務委員。以後凡有交涉事件，責成該道等妥慎經理，遇事速爲了結，以期彼此相安。局應支薪水費，飭由善後局照章支給。其原辦教案之濟東道吉燦升，卽飭令毋庸管理，各專責成。

除咨呈總理各國事務衙門外，謹附片具陳。伏乞聖鑒。謹奏。

(總理各國事務衙門檔)

八四 羅志仲爲德兵扎死膠州居民董彥方事致張汝梅電

※光緒二十四年二月初四日(一八九八年二月二十四日)

濟南。大帥鑒：居民董彥方七十八歲，正月晦日在館喫茶，洋人醉後亦來，奪董旱烟管自吸，因攜去，董自後索之，洋人用刃回扎，傷左乳旁透膜身死。德派理訟官會驗無異，亦稟該提督矣。如何辦理，容續稟。伸叩。

批：即據電咨復總署。

(外務部檔)

八五 張汝梅爲彭虞孫已定期與安治泰晤商教案事致總署電

光緒二十四年二月初十日(一八九八年三月二日)

北京總署鈞鑒：青電敬悉。現據彭虞孫稟送德教士羅賽函開：接安主教函稱，二月初九前後回濟寧，一切教案巴公使來電自願攬辦，不合本主教之意。緣與彭道共事多年，總未見外，理應先爲商辦。囑轉詢何日可以會晤。等語。該道已函覆：十五後赴濟晤面商辦。並由院批令督飭新任府縣等，切實查拿彈壓。俟該道將各案商辦就緒再開。○○謹肅。蒸。印。

(山東巡撫衙門檔)

八六 張汝梅爲日照等縣令已分別撤調事致總署電

光緒二十四年二月十一日(一八九八年三月三日)

北京。總署鈞鑒：蒸電敬悉。沂屬教案早派鎮道馳往拿辦彈壓，爲安治泰所目覩。將來如何辦結，

安治泰已約彭道前赴濟寧面商。昨經電復在案。日照、郟城事出民教積讎，該兩令平日官聲甚好，保護亦力，情尚可原，先已撤任。沂水、莒州事屬波及，該牧令日夜奔馳彈壓保護，寢食俱廢，情實可憫。莒州蔣牧亦已調開矣。

除將各案嚴飭彭道等切實磋磨酌辦外，○○謹復。尤。印。

(山東巡撫衙門檔)

八七 總署爲詢問山東迤北教堂歸何國保護事致法使照會

光緒二十四年二月十一日(一八九八年三月三日)

光緒二十四年二月初四日准照稱：接馬主教電報，賊匪再入，教民他處數教堂均有危險。請飭知山東巡撫設法謐平，迅速了結。等因。本衙門查山東迤北教堂，前以義國薩署使照稱：應按照一千八百八十八年中義訂立章程，歸義國保護，與他國決無干涉。於正月十九日貴署大臣來署晤談，貴署大臣面稱：請貴衙門給一照會，即可據實照復。本衙門當於正月二十三日，照會貴署大臣，應由何國保護，希即見復在案。迄今未據照復。而二月初四日接准照稱，馬主教電教堂危險。等語。同日又准義國薩署使照會，亦言山東省來函內稱，百姓滋鬧，該義國教士係屬馬主教管轄，應按照章程專歸義國辦理，與他國決無干涉。等因。本衙門查各處教堂，無論應歸何國保護，止能得一國保護之益。今以一教堂而兩國均要保護，事權不一，何所適從！本衙門於交涉事件，一秉大公，素不歧視，該教堂無論應

歸何國保護，既有教堂，自必一律防範。當已咨行山東巡撫，嚴飭地方官迅速查拿賊匪，實力保護教堂，以期民教相安。

除俟東巡咨復到日，再為知照外，相應照復貴署大臣查照。至此項教案應歸何國辦理，務希迅速照復，以便轉復義國薩署使，俾清轆轤而一事權。是為至要。

(總理各國事務衙門檔)

八八 總署為曹屬教士被刀會逼迫希即查辦事致張汝梅電

※光緒二十四年二月二十一日(一八九八年三月十三日)

山東。巡撫：頃德使接山東福主教電，本月十八日，本國教士德天恩在曹屬被大刀會匪八十餘人逼迫，幾被殺。經地方官拿獲二人，供認有意謀殺。知縣力量不足保護。等語。希即酌派得力兵勇會縣彈壓查辦，現獲刀匪訊取確供懲辦，仍將現辦情形電復。號。印。

(外務部檔)

八九 總署為法使不允義國保護教堂事致義署使照會

光緒二十四年二月二十六日(一八九八年三月十八日)

照得本衙門前與貴國立定一千八百八十八年之章程，本可照章辦理。惟本年二月十二日，准法國

呂署使照稱：貴衙門疊次照知，准義國薩署大臣照會，山東迄北教堂凡馬主教所屬，均歸義國署辦理。等因。查馬主教並山東以北教士，均執有法國署發給護照，經法國駐京大臣畫押，理應法國國家保護。且據本國駐羅馬頭等欽差與義國外部大臣晤敘，於保護教士一事，義國國家並未飭行在京提及，亦無留存干預之意。等因前來。相應照會貴署大臣，查照見覆可也。

（總理各國事務衙門檔）

附錄：法署使爲山東迄北教堂應歸其保護事致總署照會

※一八九八年三月四日（光緒二十四年二月十二日）

照得本月十一日貴衙再行照知，又准義國薩署大臣照，山東迄北主教馬並所屬教士，因係義國人，均歸義國署辦。等因前來。本大臣相應照復貴王大臣，查馬教主並山東迄北教士，均執有法國署發給護照，其駐京大臣畫押，理應法國國家防守保護執照之人。是以特應將山東一帶作亂之匪彈壓，並即速秉公辦理梨園屯教案，以免更生爲難。且本大臣相應照會貴王大臣指知，據本國駐羅馬頭等欽差與義國外部大臣晤敘，於保護教士一事，義國國家並未飭行在京提及，亦無留存干預之意可也。

（總理各國事務衙門檔）

九〇 總署爲催辦德天恩一案事致張汝梅電

光緒二十四年三月初四日（一八九八年三月二十五日）

濟南。撫臺：德教士德天恩，復准德使照催，速派得力兵勇，往山東南界彈壓捕拿。希照辦。號電謂已飭拿楊興貴，已否弋獲？所獲兩犯供詞如何？統電復。支。印。

(外務部檔)

九一 朱衣繡爲德兵槍殺即墨縣民仇維禮事致張汝梅電

※光緒二十四年三月初四日(一八九八年三月二十五日)

濟南。撫憲鑒：德兵因收拔線桿，向仇維義銀匠鋪用洋八元換取京錢十二吊帶走，仇維義不允，尾隨向奪原錢，仇維禮幫護，被一德兵用槍恐嚇，適傷右臂斃命。已同德員驗明，函會青島督辦懲治。俟得覆再行詳稟。卽墨知縣繡叩。

(外務部檔)

九二 總署爲德使照會欲自辦曹州案事致張汝梅電

※光緒二十四年三月初六日(一八九八年三月二十七日)

濟南。巡撫：雯德使照稱，刀匪案現准濟寧教士電，該官員等仍袖手，絕不設法彈壓，雖知會渠巢居何處，終不拿獲，反將所派彈壓兵全行撤回，日內慮再有開衅之事。若仍不理，只可自行設法保護。又城武縣奉旨撤調，仍未離任。等語。此案若仍敷衍，必致激成德國自派兵隊捕拿，更不成事體。務

希切實速辦，并撤調城武令，仍將現辦情形據實電覆。歌。印。

(外務部檔)

九三 張汝梅爲已將濟南等府教堂歸屬函詢馬天恩事咨呈總署文

※光緒二十四年三月初八日(一八九八年三月二十九日)

光緒二十四年二月十一日，承准貴衙門咨開：光緒二十四年二月初四日，准義國薩使照稱，接山東省來函內稱，該省百姓滋鬧，請嚴飭該地方官，認真實力保護義國教士，彈壓懲犯。如何保護情形，速爲示覆。義國教士屬馬主教管轄，駐紮濟南府、東昌府、泰安府、武定府、青州府，教堂歸義國辦理，與他國決無干涉。等因。

同日又准法國呂使照稱，頃由濟南府接准馬主教電稱，賊匪再入，教民他處數教堂均有危險。去年十二月十五日照會，恐生有重亂，除將山東迤北教堂情形嚴行查看外，並請迅速設法緝拿賊匪，妥安良民在案。今據馬主教電，則知毫未辦理。應我國家自行索討，以補該教堂。請刻即飭知山東巡撫，設法謐平，並將山東迤北教案，迅速了結。等因。前來。

本衙門查上年十二月十五日，接准法國呂使照會梨園屯一案。當於十六日電達，並准復洽電在案。嗣以法認保護東境教士，義使謂應歸義國保護，並請查泰安、淄川兩案，又於十二月十九日電達，復於本年正月初九日、二十日先後咨行各在案。查該教士祇應歸一國保護，現法、義兩國互爭，本衙門

已照法使，究應歸何國保護，尚未准法使照復。茲又准義、法兩照。無論應歸何國保護，據稱數教堂均有危險，亟應嚴飭該地方官迅速查拿賊匪，實力保護，免生事端。相應咨行貴撫查照，迅即飭屬，與該教士妥商辦結。

再，馬主教既係義國教士，何以遇有教案逕行稟報法國駐京大臣，以致事出兩歧，徒滋口舌，其中有何緣故，應請貴撫一併飭屬，詢問馬主教，並即詳細電復。等因。到本部院。

承准此，當經轉飭洋務局查詢去後。茲據該局申稱：遵經致函轉詢。現據馬主教函復，查敵屬教案，法承教宗准許辦理，歷有年所，載在和約，人所共知。等因。

據此，查馬主教覆函，詞義不甚明晰。惟繹其語氣，應歸法人保護已無疑義。擬合將原函、復函繕具清摺，申報鑒核。等情。到本部院。

據此，除飭東昌府迅將梨園屯一案妥為辦結外，擬合鈔摺咨呈。為此合咨貴衙門，謹請查核施行。

（總理各國事務衙門檔）

附件：山東洋務局與馬天恩往來函件

謹將致馬主教原函及馬主教復函一併鈔錄呈鑒。

計開：

敬啟者：頃奉撫憲札飭，承准總署來文，山東濟南、東昌、泰安、武定、青州各府天主堂教士，祇應歸

一國保護。現法、義兩國互爭，其中究有何故，轉飭詢問。等因。

奉此，特此專函，奉詢貴主教所管各處教堂，暨冠縣、泰安、淄川等處，究應歸法國保護，抑應歸義國保護？貴主教既係義國教士，何以遇有教案，逕行稟報法使？祈將其中緣故，明晰示知，以憑轉稟撫憲查鑒。是爲至盼。手此奉詢，敬頌升安。立候惠復。

敬啟者：頃接手書，備聆一是。查敝屬教案，法承教宗准許辦理，歷有年所，載在和約，人所共知。乃冠縣教民被殺、教堂被據等案，至今或十年、或數年不等未經辦結，難免義人不憤；南界又有殺斃教士之案，義國聞警，因爲本國教士憂慮，亦未可知。因承惠詢，特此布覆。順頌升安。伏乞崇鑒。

（總理各國事務衙門檔）

九四 張汝梅爲查明泰安等縣並無義國教案事咨呈總署文

※光緒二十四年三月初八日（一八九八年三月二十九日）

據遇缺題奏道潘延祖、候補道彭虞孫詳稱：案奉撫院批據淄川縣稟，遵札查明卑縣境內，並無設立教堂，亦無交涉事件緣由。蒙批：據稟已悉。仰洋務局查照泰安縣稟詞，核明彙詳，以憑咨覆總理各國事務衙門查照。一面轉飭該縣，嗣後如有義國教士到境，務須照約隨時妥爲保護，免生枝節。切切。等因。並鈔發稟詞二紙到局。奉此，查淄川、泰安兩縣，本局曾經派員密查。旋據回稱，該兩縣並

無義國教堂，亦無民教相爭之案。茲查該兩縣所稟，與委員查報略同，自係毫無疑議。除仍飭各該縣，嗣後如有義國教士到境，務須照約隨時妥爲保護外，所有查明泰安、淄川兩縣並無義國教堂，亦無民教相爭之案緣由，理合具文，詳候核咨。再，法國教士在泰安縣爭買王友賢房宅，暨在淄川縣爭買石方兩案，已由局分飭各該縣，趕緊設法了結。合併聲明。等情。到本部院。據此，相應咨呈。爲此咨呈貴衙門，謹請查照施行。

(總理各國事務衙門檔)

九五 張汝梅爲陳述梨園屯教案辦理情形事致總署函

光緒二十四年三月十五日(一八九八年四月五日)

三月十四日，奉到初十日鈞函，祇聆種切。冠縣梨園屯教案，前於初七日肅上一函，已將始末情形約略具陳，計經察覽。

查此案民教互爭廟基，已二十餘年。上年三月又復爭鬪，殺斃教民一名。經東昌府洪守用舟前往查辦，以廟基爲始禍根由，斷令將廟基充公，另爲洋人覓地建堂。一面緝拿兇犯，並賠京錢二千串。辦法本尚平允。嗣因該縣覓地未就，久未議結。

至冬間，法主教馬天恩頓翻前說，婪索多款。復檄飭洪守馳往查辦，並派勇隊前往協同查拿。一面將該縣何令式箴撤任，遴委曹令倜接署冠縣，飭令妥速辦理。二月初八日，洪守等探明兇犯閻書琴

等蹤跡，督帶營勇前往捕拿，格斃從犯李洛木一名，閻書琴被槍洞穿肘脇，已經垂斃，被餘衆架去。洪守復督勇役將廟宇拆毀，以原基交還教堂，仍嚴飭緝拿兇犯。惟該處與直境毗連，犬牙相錯，地方拳民團衆勢頗固結，未便操之過蹙，激生他變。現已飭洪守與該教士先將賠款議結，仍嚴飭該縣，設法緝拏正兇，務獲究辦，以了此案。諸關廛系，謹以縷陳肅丹，恭請鈞安。伏祈垂察。

(總理各國事務衙門檔)

九六 張汝梅爲陳述山東教士欺壓平民情形事致總署函

※光緒二十四年三月二十一日(一八九八年四月十一日)

查嘉祥縣謀害教士一案，係因教士德天恩將先經人教之楊興貴驅逐，又欲將其捆送。故楊興貴挾嫌謀害，邀約王蘭方、王鳳起等數人，並非刀匪，亦無七八十人之事。該營縣聞信即往彈壓，拿獲王蘭方，格斃王鳳起，並將王鳳起之父王常松帶案。前已迭次電陳，該營縣辦理不可謂不力矣。代主教福若瑟動輒以刀匪爲言，全屬危詞聳聽。

查山東曹濟一帶盜風素熾。民間學習拳棒，藉以保衛身家。所謂大刀會即指此。地方官以其並不滋事，雖經出示禁止，而相沿已久，亦不敢操之過蹙。迨光緒二十二年，江南礪山縣民龐三傑與教民滋事，糾約刀匪擾及山東單縣教堂。經前撫李秉衡飭派臬司毓賢等馳往查辦，拿獲大刀會目劉士端、曹得禮正法，並戮其餘黨數十人，復出示嚴切曉諭。自後民知畏法，無敢言大刀會者。

乃教士袒護教民，氣燄日張，與平民小有齟齬，卽指爲刀匪，動輒請兵。窺其用意，無非以膠澳現有德兵，藉詞鼓盪，欲使德兵深入內地，其居心殊爲險惡。方今時勢所迫，地方官一遇教案，非偏袒教民，卽有譴責。所謂持平辦理四字，已行不去，祇好曲意彌縫。卽地方百姓，亦皆知彼勢大難犯，敢怒而不敢言，皆含垢忍辱，降心相從。所以委曲求全者，實已不遺餘力。

卽如法國冠縣梨園屯一案，民教爲爭廟基，殺斃教民一名。上年委東昌府查辦，請將廟基充公，另爲洋人買地建堂，賠京錢二千串。一面緝拏兇犯，已有成議。今主教馬天恩不允。已飭派兵前往，槍斃兇犯二名，將民間所建之廟拆毀，以廟基給還洋人。復索賠款兩萬，現正與商辦，尚未定議。泰安買房、淄川開石兩案，現亦與委曲商辦，卽可了結。

其未咨達總署之案，如汶上縣靳家莊，因修蓋廟宇民教口角，教民簡盛澤受有微傷。洋教士德華盛遣人赴縣，報扎傷身死。迨官往相驗，傷極輕微，並未身死。德華盛復開單，屬縣查傳二十餘人。嗣所傳之人，跪求該教士，情願入教。德華盛卽謂此係好人，無庸拿究。又另開一單，屬傳五人。後有姜姓教民，索所傳五人共出京錢一百七十串，遂謂此五人亦係好人。其詐錢未遂者，又另屬添傳七人。該縣飭團紳出爲調處，德華盛復索靳家莊出京錢九百千。經該縣如數籌給，並令備酒十席，始得了事。似此任意訛詐，非驅各處民人盡行人教不止。否則凌辱太甚，終恐激生變端。又如城武縣楊義堃在仕將及三年，並無教案，教士韓吟鎬到署，亦屢次接見。現經遵旨撤任，究未識其開罪教士之由。

竊念時局艱難，交涉愈見棘手。外間遇有教案，無不慄慄危懼，辦理惟恐不速。現道府州縣紛紛

求退，其難可知。苟事可得已，敢不體朝廷息事寧人之意，以期弭患未形。惟各處教士欺壓平民，民間積憤過甚，設至萬不能堪，恐因獸猶鬪，勢將鋌而走險，激成事故。彼時即治官吏以保護不力之罪，而變起須臾，於彼亦有不利。應請總署與各國公使婉商，訓飭各處教士，以後不得有意尋衅。如民教偶有口角，應由地方官秉公辦理，務使兩得其平。毋得倚勢欺凌，致百姓含冤莫訴，庶民教彼此相安。山東幸甚，大局幸甚。專肅布懇，敬請鈞安。伏祈垂察。

（總理各國事務衙門檔）

九七 總署爲飭查即墨仇維禮命案一事致張汝梅電

光緒二十四年三月二十七日（一八九八年四月十七日）

濟南。撫台：頃呂使電，准德外部文稱：即墨命案，德兵三名，因拆德律風須工價向村內換錢，游民擁擠，認德兵錢多，跟追圖劫，德兵驚惶自護，遂成團結。兵被扭一名，即槍斃來扭之人，餘匪散去。至換錢係按市價，並無欺騙，請速達總署嚴辦犯事人。等語。應由縣詳查所斃係鋪東抑游民，當被搶時，有無秋〔揪〕扭，斃於錢鋪內抑斃於街市，是何時刻？統希飭查速覆爲要。膠州董彥方案，德外部已允將兇手擬死罪，又格外撫卹其家。設因即墨案翻議前說，尤不值。已電呂使，分別商論，再電達。宥。秋字加手旁。

（山東巡撫衙門檔）

九八 總署爲應飭毓賢帶隊赴曹郡彈壓大刀會事致張汝梅電

※光緒二十四年三月二十八日（一八九八年四月十八日）

濟南。撫台：頃德使來言，兩日內連接濟甯主教、報館訪事、德國兵官電報，均言大刀會匪近又滋事，請中國設法彈壓保護。言外之意，中國若無切實辦法，德國即派兵前往。上年來照已累言之。現令兵官赴濟甯查探，即爲自行派兵張本。曹濟各屬向多盜，刀會嘯聚，尤易滋事滋亂。但營縣一查，模稜稟覆，難免諱飾。馴至謠傳日逼，德國自行派兵駐紮，更不成政體。山東如召募新勇，餉力甚難。章高元撤留勇隊尚有若干？如能挑選精銳二三營歸臬司統領，帶赴曹郡駐紮，以遏亂萌，以杜德國自行派兵之害。毓臬司曹郡情形最熟，當能妥辦此事。非特派大員駐辦，不能消弭。特電商候復。仍先將曹、濟情形電（復）。感。印。

（山東巡撫衙門檔）

九九 孫金彪等爲德國親王擬由滬赴膠澳事致張汝梅電

光緒二十四年三月三十日（一八九八年四月二十日）

濟南。撫憲鈞鑒：聞德親王念六抵滬，住三日赴膠澳少住，即赴津。過煙無停泊之信。英艦念艘尚泊煙未開，亦尚安謐。稟聞。金彪、希杰稟。卅。印。

（山東巡撫衙門檔）

一〇〇 朱衣繡爲查明仇維禮命案情形事覆張汝梅電

光緒二十四年三月三十日（一八九八年四月二十日）

濟南。撫憲鑒：查所斃係鋪東仇維義胞兄，因德兵換錢帶走，在街爭執向護斃命，時在申刻，並未揪扭。前已據實函會青島都督辦，現接回函，據（稱）已就此結案。卽墨縣繡叩。

（山東巡撫衙門檔）

一〇一 總署爲直東交界有人聲言毀教滅夷希卽查辦事致王文韶等電

※光緒二十四年四月初二日（一八九八年五月二十一日）

天津總督、濟南撫台：法使來言，直隸、東昌交界地方，有土匪滋事，聲言毀教滅夷。乞切實彈壓保護。希飭營、縣切實查辦，勿任生釁。仍將現辦情形電復。東。印。

批：卽行知東昌府確查稟復，勿稍延。

（山東巡撫衙門檔）

一〇二 張汝梅爲教士曠橫日甚不能過於遷就事致總署函

※光緒二十四年四月初四日（一八九八年五月二十三日）

前奉鈞電，德使以曹濟又有大刀會匪滋事情形，屬卽派兵彈壓。等因。其時梅出省閱伍，於途次電飭毓臬司，酌帶營隊，馳赴曹州查辦。旋據毓臬司一再稟覆，曹屬並無會匪滋事情形，實係教中莠民與百姓爲仇，捏造訛言，冀快私怨所致。並瀝陳教士驕橫日甚，民情困苦各實在情節。梅已據以人奏，並咨呈鈞聽矣。

德人自鉅野教案議結之後，得饜所欲。其謀愈狡，其勢愈張，藉端挑釁，遇事與地方官民爲難。在官吏終當盡其調護〔護〕之方，而在愚（民）則已積有怨嫌之隙。如不設法消弭，而徒以兵力迫之，曹濟民俗强悍，束縛愈甚，怨憤愈深，甚非所以安民教也。

毓臬司在曹州布置定後，已於月之二十七日回省。梅與之悉心籌議，總以勸導紳民，務敦輯睦，責成官吏妥爲防範，寓調和於保護之中，以釋怨嫌、弭後患爲補苴之策。應請尊署向德國使臣備陳教士驕橫，平民疾苦各實在情形，令其轉飭各教士，嗣後毋得輕信莠民一面之詞，動輒與百姓爲難。而於百姓之人教者，亦須分別良莠，以定收留。庶民教所積怨嫌，可以由漸而釋；而中外所有交涉，亦由漸而平矣。

梅明知時會艱難，外情詭變，似非口舌所能爭。然體察民情如是之苦，籌辦教案如是之難，揆勢準情，實有不能過於遷就者。近聞代辦主教福若瑟，凡遇民教詞訟，不獨左袒教民，誣陷良善，且有至各州縣擅議提案親訊情事，更爲公法條約所無。不有以裁抑之，則異日教禍，更不知伊於胡底。月前德總領事海司來東，值梅已出省。與藩司會晤，人尚和平，事理亦極明白。聞係膠澳領事，茲先寄函以示

聯約之意。乞閱後封寄海君爲禱。專肅。敬請鈞安。

(總理各國事務衙門檔)

一〇三 總署爲奉旨著嚴防義民會事致王文韶等電

※光緒二十四年四月初五日(一八九八年五月二十四日)

天津制台、南京制台、濟南撫台、開封撫台：奉旨：據張汝梅電，山東、直隸交界，有新立義民會名目，傳單直、豫、蘇，欲與洋教爲難。等語。直隸東明、山東冠縣，其民多習拳勇。現既訛言繁多，出有傳單宣播，難保匪徒不聞風滋事。着王文韶、張汝梅、劉樹堂各派妥員，嚴密往查，並飭地方官豫爲之防，毋任煽動。江蘇相距較遠，然飢民衆多，易於勾串，並着劉坤一飭屬嚴查，以防滋蔓。欽此。支。印。

(山東巡撫衙門檔)

一〇四 總署爲指撥德教堂之地價可作正開銷事致張汝梅電

光緒二十四年四月初五日(一八九八年五月二十四日)

濟南。撫台：東電悉。德教堂地畝由東指撥，若非官地，自應給價，以示體恤。該價可以作正開銷，卻不宜動用地丁。希察照。支。印。

批：卽行司飭遵行，併札飭曹州府縣。

（山東巡撫衙門檔）

一〇五 孫金彪等爲德親王煙過煙臺事致張汝梅電

光緒二十四年四月十一日（一八九八年五月三十日）

濟南。撫憲鈞鑒：德親王率兩艦初十辰刻到煙，希杰函約往見，覆稱：卽擬往別處，不敢勞。於本日辰刻駛去矣。金彪、希杰稟。真。印。

（山東巡撫衙門檔）

一〇六 總署爲法使要挾黎園屯案四條希詳查事致張汝梅電

光緒二十四年四月十二日（一八九八年五月三十一日）

濟南。巡撫：法使照稱，山東迤北匪擾教堂，黎園屯案未結，教堂、教民受累，官未阻止。請電山東：一、將官所素知罪魁十八名，限三日全獲。二、迤北教堂受累，應償銀二萬兩。三、東昌洪守與教士爲難，應撤任。四、以張道換吉道云。查罪魁十八名，迤北教堂如何受累？洪守如何與教士爲難？署皆無案。法使現爲永安州教案正在作難，恐其言有因，希詳查據實電覆，幸勿空言搪塞。文。印。

（山東巡撫衙門檔）

附錄：法使爲梨園屯教案四款請速了結事致總署照會

※一八九八年五月三十日（光緒二十四年四月十一日）

照得前任呂大臣，將在山東冠縣屬梨園屯地方滋生事端，據迤北教堂伸訴，迭次照會。并于本月初一日，本大臣至貴署面談，山東迤北、直隸迤東南，有匪黨滋擾教堂，甚屬危險。各在案。查據稱，非只梨園屯教案尚未辦竣，惟恫喝教堂危險及教民受累，地方官毫未阻止。

因以上原因，本大臣理應照請貴王大臣，將日今情形詳細查閱，可生惋惜，關係另行一切，特請電飭山東地方官：一、將犯罪之首十八名，均係官員知悉者，限三日內全行拿獲。或該犯逃走，須將家口扣留，產業入官。二、山東迤北教堂受累，應賠償銀二萬兩。三、山東東昌府洪，時常與教士爲（難），并阻止辦法（理），理應撤任。四、現任吉道應換前辦教堂之張道。本大臣切實特請貴王大臣，嚴行電飭山東地方官迅速持平妥辦完結，并將山東迤北、直隸迤東南各教堂所有爲難之處，即行杜絕可也。

（總理各國事務衙門檔）

一〇七 張汝梅爲地方官未與教士爲難并查禁義民會事致總署電

光緒二十四年四月十五日（一八九八年六月三日）

北京。總署鈞鑒：文電敬悉。山東教堂經飭地方官多方保護，實無教民受累、官未阻止之事。梨

園屯案前以冠縣何令經理未協，遴委署令曹倜前往妥辦。教堂地基已還，復津貼教民搬家經費銀四百兩，交教士轉發，令各回家安業。並懸賞購拿十八魁匪首。惟拿愈急，則颺越遠，尚未就獲。昨聞直東交界新立義民會名目，復嚴飭查禁防範。旋據曹令稟稱：自梨園屯滋事請隊懲創後，至今尚留二哨，地方安靜。雖有直隸威縣教民網毆冠民之案，幾至復生衅端，隨即開導禁止消弭。等語。東昌洪守督同該令，辦理此事不遺餘力。何事與教士爲難，應請確詢法使，似未可憑空撤任。

除仍飭妥護並隨時訪查防範外，謹據實電陳。○○自濟寧肅。咸。印。

(山東巡撫衙門檔)

一〇八 總署爲山東地方官並未與教士爲難事致法使照會

光緒二十四年四月十九日(一八九八年六月七日)

光緒二十四年四月十一日准照稱：山東迤北匪擾教堂梨園屯案未結，教民受累官未阻止。一、將官素知罪魁十八名限三日全獲。二、迤北教堂受累應賞銀兩。三、東昌洪守與教士爲難應撤任。四、以張道換吉道。請電飭山東地方官迅速持平妥結。等因。當即電知山東巡撫詳查去後。

茲據電復：山東教堂經地方官多方保護，實無教民受累、官未禁阻之事。梨園屯案前以冠縣侯〔何〕令經理未協，遴委署令曹倜前往妥辦。教堂地基已還，復津貼教民搬家銀四百兩，交教士轉發，令各回家安業。并懸(賞)拘拿十八魁匪首。旋據曹令稟稱，自梨園屯滋事請隊懲創後，至今地方安靜。惟東

昌洪守督同該令，辦理此事不遺餘力。何事與教士爲難，應請轉詢駐京法大臣，未可憑空撤任。仍飭妥護，並隨時詢查防範。等語。

本衙門查山東巡撫電稱，東昌洪守辦理此案不遺餘力，並未與教士爲難，現在地方業已安靜。除轉飭該守仍隨時認真保護外，相應照復貴大臣查照可也。

（總理各國事務衙門檔）

一〇九 總署爲梨園屯一案希速拿犯賠款事致張汝梅電

※光緒二十四年四月二十九日（一八九八年六月十七日）

濟南。撫台：梨園屯案，法使謂十八魁所在，官民皆知，現已至孫莊殺害教民一名，嚇死一名，洪守仍不拿究，應請撤任。教堂地基雖還，未賠所搶物料；教士收養教民二百人口，並飭須賠二萬兩。泰安府、淄川縣兩案，亦宜完結云。除咨行外，先電聞。拿犯、賠款兩事，希速酌辦電覆。勘。印。

（山東巡撫衙門檔）

一一〇 張汝梅爲義民會即義和拳已飭查禁事咨呈總署文

※光緒二十四年四月二十九日（一八九八年六月十七日）

光緒二十四年四月二十日，本部院行次曹州，接據東昌府知府洪用舟稟稱：光緒二十四年四月初

四、初八等日，接奉排札，以訪聞冠縣與直省接壤之區，近有新立義民會名目，傳單直隸、江蘇、河南各省，勾結黨羽，欲與洋教爲難。並承准總署電開，欽奉諭旨，飭令預爲之防。又轉准法使來言，直東交界地方，有土匪滋事，聲言毀教滅夷。飭卽欽遵督同該縣，設法防範。一面將立會傳單及有無滋事情形，查明稟覆。各等因。

蒙此，遵卽飛飭該縣詳查稟報，嚴密豫防。一面飭派妥役，馳往密查。茲據查明冠縣境內，現實民教相安。梨園屯教民眷屬，亦已回家安業，並無滋事情節。唯聞接壤之曲周、威縣、廣宗等縣，月前曾出有盜案數起，失事之家屬教民。證諸法使所言，未必不因乎此。

至新立義民會名目，雖係傳訛，亦屬有因。蓋梅花拳本名義和拳。直東交界各州縣，地處邊疆，民強好武，平居多習爲拳技，各保身家，守望相助，傳習既衆，流播遂遠。豫、晉、江蘇等省，亦卽轉相傳授，聲氣廣通。歷年春二三月，民間立有買賣會場。習拳之輩亦每趁會期，傳單聚會，比較技勇，名曰亮拳。鄉間遂目爲梅拳會。上年梨園屯民教構衅，牽涉梅拳。本年正二月間，謠言來有洋兵，梅拳遂又麇聚，以致遠近驚惶，民教震恐。當經卑府傳到拳首趙三多，剴切開導，曉以利害，卽將梅拳解散。並令毋再傳單聚會，自罹法網。自是以後，各路拳民間或聚會亮拳，遂諱言梅拳，仍舊立義和名目。道路傳聞異詞，卽因義和之名，訛爲義民會。卑府明查暗訪，並於考試該縣文武諸童，詳加詢詰，所說簽〔僉〕同。咸謂該縣民教，現在安居如堵。唯聞大名地方，月前有匿名揭帖，約與洋教爲難。等語。核與該縣曹令所稟，大畧相同。

查直東交界各處，民情獷悍，民教又多有宿嫌。現既傳有立會勾結、與教爲難之謠，難保不無匪徒，從中煽惑。鄉愚無知，萬一爲浮言所動，卽恐滋成事端。自應豫爲防範，以遏亂萌。

除一面出示剴切曉諭，分別開導禁止，並飭該縣在於交界扼要處所嚴密查訪外，所有查明義民會名目，及境內並無土匪滋事情形，理合據實馳稟查考。俯賜批示飭遵。等情。並附夾單稟，到本部院。據此，除批飭將教案緝犯、議款兩節，督縣妥速辦結，仍於直東交界扼要處所嚴密防範，並咨會直督部堂飭屬一體查禁外，相應照錄另稟，一併咨呈。爲此咨呈貴衙門。謹請查照核辦施行。

（總理各國事務衙門檔）

附件：洪用舟爲陳述辦理冠縣教案情形事稟張汝梅文

※光緒二十四年四月二十日（一八九八年六月八日）

敬再稟者：

前稟正緘封間，適奉憲台排札，並蒙溫諭，指示諄諄，以局爲念。跪聆之下，感愧莫名。

伏思卑府辦理梨案，始則暗設間諜，解散拳民；繼則濟以恩威，拆還廟地；終則婉言議款，冀息釁端。而於緝犯一事，則自始事以迄今日，未敢須臾稍懈。前於三月初間，在臨清與費、傅二教士晤面，再三商議償款，往復多次，傅教士不肯置詞。該教士等究屬有何意見，卑府亦不得而知。彼時奉文催考甚急，因卽回郡考試。自是以後，卽未與該教士等相見。卑府自問前後各節，無事不委婉商辦，並未與

教士爲難。現在聞該教(士)等，皆在省城，是以未得相議。至緝犯一事，前經卑府購覓眼線，四出緝緝。該犯等皆潛蹤直境，聞該教士等償款不肯議結，知必非得犯不能了結，因而藏匿愈深。其蹤跡詭祕，或一夕而屢徙其處。該眼線等纔聞消息，及跟蹤而至，又已他徙。以故急切不能得手。嗣因直境威縣、曲周、廣宗一帶，有盜匪搶劫教民之家，皆託名十八魁以嫁其禍，直隸通屬緝拿，該犯等難保不聞風遠颺。現在卑府加派眼線多人，於(交)界處所，探訪殆徧，尚未得該犯等消息。其蹤跡之遠颺，亦可想見。

卑府身任地方，竟未能即時獲犯，致屢我憲台蓋慮。又蒙溫辭訓示，思有以提挈卑府而成全之。撫躬自思，慚愧無地，何敢不竭力設法，以報高厚之恩。

至山東迤北教堂受累，查卑府所屬境內，教堂俱各安堵。卽梨園屯教民眷屬，俱已回家。民教相安，並無驚擾。惟近日訪聞直隸大名府有匿名揭帖，約於四月十五日，與教堂爲難之事。而曲周、威縣又迭出劫案，均係教民之家。其如何搶劫情形，及匿名揭帖是何言詞，因隔省未能盡悉。該府縣地方，均與東省犬牙相錯。匪徒藉端駕名東匪，或卽所謂教堂受累之由。不知盜賊潛蹤何地，蔑有交界處所，尤爲宵小出沒之區。況梨園屯本係孤懸直境，上年聚衆，皆直隸威縣、曲周之人居多。案內匪犯又爲兩省奉飭嚴拿，方逃匿之不暇，豈肯復彰明較著。在法使籠統言之，固可不分疆界；而官員辦理案件，卽難越境而籌。且十八魁之名，係因當日十八村習拳，故有十八魁之名。其實僅有數人，並非有罪魁十八名，從何全獲？此次梨園(屯)案內閩書勤等各犯，均經稟明在案，亦並無十八名之多。

卑府仰荷憲恩，明知獲犯則此案可結，不但屢飭該縣嚴密兜拏，即卑府亦無日不以緝犯爲急務。現惟有再飭眼線、幹役，遠出訪拿，倘能早日弋獲，早日議結，是即卑府之幸，亦即我憲台成全卑府之盛意也。

所有卑府遵飭稟覆，並感激下忱，謹據實稟陳大人鑒核。

再，卑府考試文武諸童，現始完竣。是以出稟稍遲，合併聲明。

（總理各國事務衙門檔）

一一一 總署爲梨園屯教案應妥辦速結事咨張汝梅文

光緒二十四年五月初二日（一八九八年六月二十日）

光緒二十四年四月二十六日，准法國畢大臣照稱：梨園屯一案，山東巡撫電稱各節，與馬主教迭稟情辭，並該主教特派晉京、向住梨園屯附近處所之教士面陳詳細事由，大不相同。十八魁匪首，所在該處官民無不周知。現其羣人已至孫莊，殺害教民一名，嚇死一名，洪守未曾拿究。前謂該府與教士爲難一語，可知亦非無因。應催請將伊撤任。教堂地基已還，而所擬蓋堂各物料被搶一空，並未賠償。教民被逐二十五家，房屋、家具均被搶毀。教民二百人口，均由主教收養年餘。各項經費，非區區四百金所能及。主教請賠二萬兩，亦爲公道。應請轉致山東有司，照數交收。似此重案，斷不能任吉道督同洪守搪塞。張道係前能籌法安堵地方者，現希以之補換吉道。等因。并開列四款，照會前來。

本衙門查此案糾纏已久，法使茲復照稱前因，除摘要電達外，相應鈔錄原照會，咨行貴撫查照，酌核飭辦，以期了結。勿任宕延生事爲要。

(總理各國事務衙門檔)

附件：法使爲梨園屯案仍須按四款了結事致總署照會

※一八九八年六月十四日(光緒二十四年四月二十六日)

山東梨園屯教案一事，本月十九日，接准貴王大臣照復：抄據山東巡撫電復，內稱，經地方官多方保護，實無教民受累、官未禁阻之事。教堂地基已還，復津貼教民搬家經費銀四百兩，懸賞拘拿十八魁匪首。惟東昌洪守辦理此事不遺餘力，何事與教士爲難，請轉詢駐京法大臣，未可無憑撤任。等因。到本大臣。

接閱之下，所惜〔措〕上項電語，與馬主教迭稟情詞，并該主教特派晉京、向住梨園屯附近處所之教士面陳詳細事由，大不相同。緣地方向屬頗不安謐，有直隸境內距梨(園)屯近之各教士函稟情形，亦可引以爲徵。邇來該直省教士控告十八魁人犯，在辛營、朱家營各地方，滋事搶傷有案。經直隸總督嚴飭所屬妥辦。惟查案之根由，均因年前梨園屯鬧亂尤重，尚未嚴切蕩平而起。其十八魁匪首，所在該處居民及地方官無不熟識，而洪守將教案故意不辦，未經捕獲其一。且本年四月間，十八魁羣人已至孫莊，殺害教民一名，又嚇死一名。洪守仍無動靜，未曾拿究。在山東巡撫雖事關緊要，何致一概不

提，仍以洪守辦事不遺餘力耶？該知府行爲如此，人犯乘之撓累教士教民，尤覺膽大。本大臣照會貴王大臣，前載該府與教士爲難一語，可知亦非無因，催請將伊撤任，以示懲處。教堂地基已還，而所擬蓋堂各物料運齊到場，搶掠一空，並未賠償。教民二十五家均被驅逐，房屋被毀，家具被搶。且該教民約二百人口，均由主教食屋并給年餘。其原買材料、食物，及二十五戶修復住家，賠補失物各項經費，非區區四百金所能及者也。主教請賠銀二萬兩，亦爲數公道。本大臣應請貴衙門轉致山東有司，照數交收可也。

梨園屯一事，原是重案，斷不得任吉道督同洪守搪塞。致案各懸未結，緣事或仍舊不辦，禍已蔓延至直隸境，勢必更熾遠長。故本大臣既經提張道，係前能籌法安堵地方者。現希以之補換吉道，以復平安而治患源。相應再行照會貴王大臣，牘請電飭山東巡撫，辦理如下：

一、應將十八魁匪首十八名，立行查拿懲辦。一、應給馬主教銀二萬兩，以補教堂、教民各種損失。一、應將東昌府洪守撤任。一、應將濟東吉道調換張道。

以上各節，倘不予照行，則該等處勢仍危險。本大臣卽宜轉報我國家，陳明遇法國保護之山東迤北教堂有事，中國官員漠視不辦。似應一併先告也。

再，山東省內，亦有未結周妥之泰安府、淄川縣兩教案，請於電達東撫之便，一面轉囑札飭該管官，一律完結爲荷。

一一二 張汝梅爲曹州現無大刀會惟民教積怨日深事咨呈總署文

※光緒二十四年五月初三日（一八九八年六月二十一日）

案據按察使毓賢稟稱：竊本司前蒙鈞札飭，卽赴曹督隊彈壓。當將輕騎減從，並剴切勸導紳民各緣由，分別具稟各在案。因事關緊要，未敢在省逗留，敬候批示，卽於閏月初六日出省。茲在途次，仰蒙札飭仍派濟康營隊前來。時值曹郡歲考，士子雲集，一俟該營到曹，擬先令暫紮城外附近村莊，以免另生枝節。

本司於十二日，馳抵曹州府城。訪察各屬民教，目下尚屬相安，渺無大刀會影響，更無滋鬧情事。惟民間積怨日深，將來難免釀禍。敬將民教暨大刀會情形，詳細陳之。

查大刀會一名金鐘罩，又名鐵布衫，早年卽有此項名目，由來已久。近年以來，直隸、山東、河南、江南各省，學之者衆，俗傳以爲能避刀鎗。良善殷實之家，亦多學習，爲保衛身家之計。盜賊知其習學此術，不敢往劫。隨造訛言，謂其意存叵測，以聳聽聞。此術流傳既廣，盜賊亦漸習之。本司前在曹州府任內，以其迹近邪術，嚴行禁止。及抵兗沂道任，又復嚴禁，並行開導。旋將會首劉士端、曹得禮正法。民間頗知改悔，棄而不習。更有出刀會而入教民，亦有出教民而入刀會者。

教士遠來中國，其說勸人爲善。倘投教者均係良民，自無齟齬。乃近來良莠不齊，收入教時未能慎選，不免倚恃教堂爲護符。教士於入教之民，未能詳察，遇事袒護。於是搶劫之犯入教者有之，命案

之犯人教者有之，負欠避債人教者有之，自揣無理恐人控告人教者有之，搶劫殺人、親友彌縫人教者有之。甚有父送忤逆、子投入教不能傳訊者有之。因而良民負屈，官吏莫治。通事造作虛辭，聳恿教士，言某人毀謗洋教，而教士人地生疏，無從詳察，動輒送官。其實皆人教誘民，藉以遂其訛索之私，或罰銀錢，或罰紅毡，或罰桌椅，或罰折酒席，方能息事。又或唆指其人爲大刀會匪，以遂其報怨之私，因而良善不能安其居。種種無端煽惑，皆不肖之教民爲之，而教士竟受不白之冤，亦苦哉。致令傳教之美意，變作與民爲嫌隙。教士迄不覺悟，百姓含怨日深。此時官爲彈壓，百姓敢怒而不敢言，無論賢愚痛心疾首。恐一旦不能忍受，勢必鋌而走險，潰川決防，不可收拾，有非法令所能制者，甚禍何堪設想。此固非平民之福，亦非教民之福也。若不詳細言之，曷能洞見底蘊。

卽此次教士電稱大刀會又復滋事，必需用兵彈壓，亦是聽人教誘民所造浮言。用敢將實在情形披瀝上陳，請詳細入奏。並咨請總理衙門照會駐京大臣飭知各教士，以後不可偏聽教民浮言，有傷和好。收人人教，須先細訪其人，實無作惡犯罪之事，方可收之。凡民教交涉案件，憑地方官秉公訊斷，通事不得哄誘教士，攙越干預。凡有罪例應拿辦之人，教士不得收留，並不聽通事謊言，訛詐平民。庶幾教士得以安然傳教，以遂其行善之心；莠民難施伎倆，良民不受逼迫，則民教永可相安，共享昇平之福。若僅恃兵力，臨之以威，積忿日深，目下雖則忍受，其實終不甘心。聞泰西各國，彼此均有耶穌教士互相傳教，而能久遠相安，必是處置得宜。在中國傳天主教者，似宜一律仿照辦理，方稱允當。

茲將馳抵曹州詳查民教及大刀會情形，稟陳憲鑒。發稟後，卽赴單曹一帶，實力勸導。合并聲明。

又稟稱：竊本司在曹，周歷各屬，詳細訪察，實無大刀會滋鬧情事。河之北岸濮州、范縣、觀城、潮城四處，民教均極相安。河之南岸荷澤、定陶、曹縣、單縣、城武、鉅野、鄆城七屬教堂，人教之民每多倚勢欺凌，輕重各有不同，百姓含怨忍受。獨城武爲尤甚，藉端訛索，官民交困。蓋教士不能盡知，以所用通事有優劣，教民有良莠不同之故。本司接見紳董，剴切勸導，務令忍耐，尚俱唯唯。但恐日積月累，受逼太過，釀成禍端，法令難制。茲將取具十一州縣既曹州府加結並無大刀會滋事，惟教民倚勢欺壓各情，計印結十二紙，恭呈憲鑒。伏請俯賜摘叙先後各稟情由，詳細入奏。並將府縣印結咨達總理衙門，俾知曹屬百姓疾苦，力與德國駐京大臣籌商辯論，諭知教士慎選教民，並嚴行約束，毋欺良（善），庶幾百姓得以安居，固平民之福，亦教民之福也。

蒙派濟康副中營前來，已於十八日到曹。本司因府城正值院考，士商雲集，面囑馬營官分扎附近之黃鎮集、小陳集兩處，務令紀律嚴明，不得張皇擾累，以期坐鎮而免事端。仰候鈞裁批示祇遵。本司發稟後，卽行回省，辦理秋審事宜。合併聲明各等情。並呈府州縣各印結，到本部院。

據此，除奏明外，相應咨呈。爲此咨呈貴衙門，謹請查照。速賜照會德國公使，諭令教士慎選教民，並嚴行約束，毋欺良善，致激事變。望切施行。

（總理各國事務衙門檔）

一一三 張汝梅爲孫莊教民被劫業已獲犯事致總署電

光緒二十四年五月初六日（一八九八年六月二十四日）

北京。總署鈞鑒：前於平原行次奉勘電，遵卽飭查。茲據東昌府洪守轉據冠縣曹令稟稱：孫莊教民馬玉琳卽馬洛鳳家閨三月間被盜，拿獲衣五、劉二小兩名，訊供稟辦。此案同夥四人，首盜已獲，並無殺害及嚇死教民各情事，亦非十八魁黨羽。法使所稱，當是傳聞之誤。等語。除仍飭將梨案拿犯、賠款兩事速辦外。○○肅復。魚。印。

（山東巡撫衙門檔）

一一四 總署爲孫莊教民被劫業已獲犯事致法使照會

光緒二十四年五月初九日（一八九八年六月二十七日）

光緒二十四年四月二十六日，准照稱：山東梨園屯教案一事，巡撫電與馬主教迭稟情辭不符。十八魁匪首，所在官民無不熟識，而洪守故意不辦。且本年四月間，十八魁羣人已至孫莊，殺害教民一名，嚇死一名，洪守仍無動靜。本大臣照會前載該府與教士爲難一語，可知亦非無因。教堂地基已還，而所擬蓋堂各物料運齊到場，搶掠一空，並未賠償。教民二十五家均被驅逐，房屋被毀，家具被搶。且該教民約二百人口，均由主教食屋並給年餘。各項經費，非區區四百金所能及，主教請賠銀二萬兩

亦爲數公道。應請轉致山東有司照數交收。等因。并開列四端，照會前來。

本衙門當於四月二十八、五月初二等日，先後電咨山東巡撫，飭令迅速查辦電復。茲准電稱：據東昌府、冠縣稟，孫莊教民馬玉琳卽馬洛鳳家閏月間被盜，卽拿獲依五、劉二小二名，訊供稟辦。此案首盜已獲，並無殺害教民及嚇死教民各情事，亦非十八魁黨羽，有事主馬洛鳳可證。除仍飭將梨園屯教案拿犯、賠款兩事速辦外，先電復云。是此案業已辦有端緒，不日皆可議結。相應照復貴大臣查照可也。

（總理各國事務衙門檔）

一一五 高燮曾奏爲宜擇地另建冠縣教堂以順民情事片

光緒二十四年五月十一日（一八九八年六月二十九日）

再，山東冠縣地方，教士強毀民間玉皇閣爲教堂，百姓不願，前時知縣勸導教士擇地另建，教士聽命，百姓欣然。後來地方官辦理不善，取媚洋人，仍令以玉皇閣爲教堂，遂致百姓聚衆抗阻。大吏委兵彈壓，暫時無事。是冠縣百姓非不許其建立教堂，特不欲其強佔公所，此而以違旨罪之可乎？臣聞總署近復電催嚴辦，行見山東亂端自此而起，臣實懼焉。一處滋事，各處效尤，誅不勝誅。且恐德人以討亂爲名，帶兵深入內地，後患更不堪設想。臣愚以爲宜照前議擇地爲之另建，不必以兵威鉗制，顯拂民情，庶於民地兩有裨益。附片具陳，伏乞聖鑒。謹奏。

（軍機處錄副奏摺）

一一六 張文林爲德親王到青島事致張汝梅等電

※光緒二十四年五月十四日（一八九八年七月二日）

濟南。各大憲鈞鑒：頃探德藩今日四點鐘到青島。林稟。覃。

（山東巡撫衙門檔）

一一七 張汝梅奏爲拿獲強劫鄭家垓教堂各犯分別擬辦事摺

光緒二十四年五月二十二日（一八九八年七月十日）

頭品頂戴·山東巡撫臣張汝梅跪奏，爲教堂被劫，拿獲首夥各犯審明分別擬辦，並請將原參之知縣懇恩賞還頂戴，恭摺仰祈聖鑒事。

竊壽張縣鄭家垓德國教堂被竊，臨時強劫銀錢衣物一案，前據該縣莊洪烈詳報，並准總理各國事務衙門咨查，當經前撫臣李秉衡將壽張縣知縣莊洪烈奏參，摘去頂戴，勒限半月嚴緝賊盜務獲。旋又欽奉諭旨，飭令查參。而莊洪烈先經會督營典，帶領兵役，同管帶佐字營前哨哨弁六品軍功王得功，於光緒二十三年十月二十五、二十六等日，先後拿獲盜犯馬山卽馬皮、邵小二、王萌按三名，起獲當票一張，關准東平州知州周源瀚，飭差赴當鋪查起原贓移送。莊洪烈飭令教士裴德禮等認明具領，提犯訊供，稟經臣批飭兗州府知府王夔修行提犯卷王（至）府審辦。適莊洪烈因公晉府，隨同該府訊明王萌按

糾夥行竊，臨時強劫德國教堂銀錢衣物，馬山等不知強情，事後分贓不諱。錄供稟經臣覈明批飭將王萌按照章就地正法，並將馬山等照例擬辦。前據王藥修錄敘供招，分別議擬，由臬司毓賢核明詳請具稟前來。

臣覆加查核。王萌按、馬山卽馬皮、邵小二，均籍（隸）壽張縣，一向在外游蕩，先未爲匪犯案。光緒二十三年十月初三，王萌按、馬山與素識提禁病故之邵小二、在逃之王四閒、王沅遇道貧難，王萌按起意行竊，馬山等允從。是夜二更時分，同夥五人，王萌按攜小刀，馬山等分攜刀棍，偕抵壽張縣屬鄭家垓德國教堂門前。馬山、邵小二、王沅在外等候接贓，王萌按、王四閒因見大門虛掩，推門進院，復推門〔開〕屋門，入室行竊。教士田姓驚覺喊捕，馬山等聞聲畏懼先逃，王萌按起意商允王四閒，行強嚇禁聲張，劫得銀錢衣物逃逸。尋向馬山等告知強劫情由，將原贓羊皮袍一件，在東平州不知情之當舖質典，其餘均賣與不識姓名人，分別得錢，同劫得銀錢分用各散。地保馮玉章報經該縣莊洪烈，會營勘訊詳報。旋准總理各國事務衙門咨查，經前撫臣李秉衡將該縣莊洪烈奏參，摘頂勒緝。旋又欽奉諭旨，飭令查參。莊洪烈卽先會督營典，帶領兵役，同管帶佐字營前哨哨弁六品軍功王得功，先後獲犯馬山、邵小二、王萌按訊供，關准東平州，由當舖查獲原贓羊皮袍，飭令教士認明具領，稟經臣批飭該府王藥修審辦。據報邵小二在監患病，驗詳提禁醫治罔效，延至二十三年十一月二十日，因病身死。經莊洪烈驗訊詳批核入正案擬辦，並將犯卷解府。適莊洪烈因公晉府，隨同王藥修提犯研鞫，據供前情不諱。詰無結捻結幅窩夥竊劫別案，及另有知情同夥，並逃後容留分贓之人。贓卽起獲，正盜無疑。

查律載：強劫已行而但得財者，不分首從皆斬。又例載：知強盜後而分所盜之贓，數在一百兩以下者，照共謀爲盜，臨時畏懼不行，事後分贓例減一等，杖一百，徒三年。各等語。此案王萌按糾夥行竊，臨時強劫德國教堂銀錢衣物，殊屬不法，自應按律問擬。王萌按除械竊計贓各輕罪不議外，合依強劫已行，而但得財者不分首從皆斬律，擬斬立決。業於訊明後照章就地正法，應毋庸議。馬山、邵小二聽糾持械行竊，計贓三十四兩零，於首犯王萌按等行強時，雖已畏懼先逃，不知強情，惟事後分贓，亦應按例問擬。馬山卽馬皮、邵小二，除械竊爲從計贓輕罪不議外，合依知強盜後而分所盜之贓，數在一百兩以下者，照共謀爲盜，臨時畏懼不行，事後分贓例減一等，杖一百，徒三年例，杖一百，徒三年。邵小二業已提禁病故，應毋庸議。馬山據供母老丁單，認係游蕩忘親，毋庸查辦留養，於右面刺竊盜二字，到配折責充徒，限滿報明遞籍安插。不能禁弟邵小二爲匪之犯兄邵糞杈，與失察該犯等爲匪之牌甲，飭縣照例傳責。東平州當舖收典盜贓，業經該州周源瀚傳訊，並不知情，應免置議。買贓之不識姓名人並免緝究。邵小二身死之處，業經莊洪烈驗訊明確，委係因病，醫治罔效所致，並無別故，看役詰無凌虐情弊，均毋庸議。犯係提禁病故，管獄官例無處分。逸盜王四閒等，飭緝獲日另結。所有首先拿獲

□盜犯一名應敘職名，係前佐字營前哨哨弁六品軍功王得功，請敕部照例議敘。

再，查此案首夥五人，該縣事前雖疏於防範，惟事後依限破獲，業已獲犯過半，兼獲盜首，尚知愧奮。合無仰懇天恩，賞還壽張縣知縣莊洪烈頂戴，並免查參，出自鴻施。

除分咨查辦外，理合恭摺具奏，伏乞皇上聖鑒訓示。謹奏。

光緒二十四年六月初一日奉硃批：著照所請。該部知道。欽此。

(軍機處錄副奏摺)

一一八 榮祿奏爲擬飭裕長備辦閱操事宜並兼籌甘軍糧台片

光緒二十四年五月二十三日(一八九八年七月十一日)

再，調補直隸藩司裕長，現已到津，即擬遵旨入都陛見。惟查本年秋間，皇上恭奉皇太后巡幸天津閱操，轉瞬屆期，一切應辦事宜，關係重要，均須先期敬謹豫備。擬飭先行到任，會商天津司道趕爲備辦。省城設立甘軍糧臺，應令兼顧妥籌。現在甘軍兵丁，與教堂滋事。該司久官直隸，熟悉情形，並飭就近妥爲彈壓。仍俟事竣，再令晉京陛見。理合附片具陳，伏乞聖鑒訓示。謹奏。

硃批：著照所請。

(官中硃批奏摺)

一一九 總署爲催辦冠縣教案事咨張汝梅文

光緒二十四年六月初四日(一八九八年七月二十二日)

光緒二十四年五月二十七日，准法國畢使照稱：山東迤北梨園屯教案一事，接准照稱，業已辦有端緒，不日皆可議結。等因。查今接來稟，與以上之語不相符合。吉道及洪守再阻，故恐復滋生事端。應

再催電飭山東，迅速了結此案。等因。前來本衙門。

查本年五月二十四日，為保護各國教堂，既經明發諭旨，所有從前未結之案，自應欽遵辦理。相應抄錄畢使來照，並附送清單，咨行貴撫查明迅辦，仍聲復本衙門可也。

（總理各國事務衙門檔）

附件一：法使為再催按四款辦結冠縣教案事致總署照會

※一八九八年七月十五日（光緒二十四年五月二十七日）

於本年五月初九日准照稱：山東迤北梨園屯教案一事，業已辦有端緒，不日皆可議結。等因。前來。

查今接來稟，與貴署以上之語不相符合。吉道及洪守再阻，故恐復滋生事端。並首兇雖人人認識，而該兩員聲言不知，且不允拿獲。是以本大臣相應照行再催貴王大臣，電飭山東巡撫辦理如下：

一、應將十八魁匪首十八名立行查拿懲辦。附有該匪首名單。一、應給馬主教銀二萬，以補教堂、教民各種損失。一、應將東昌府洪守撤任。一、應將濟東吉道調換張道。

查張道在任時並無教案，民教相安。本大臣甚望山東地方官恪遵大皇帝本月二十四日降諭之旨辦理，迅速了結此案，並免再有可惜教案。本大臣相應照請貴衙門，將諭旨之意飭提山東巡撫，並令遵照施行可也。

（總理各國事務衙門檔）

附件二：法使所開十八魁名單

閻書琴 閻福來 閻書堂 閻書檢 閻明見 閻書太 馬廷鳳 馬廷梅 高五插子 高元祥
閻三妮 閻四妮 閻士林 劉三 閻二別種 姜宗山 高遠達 馬步月
這就是十八魁名字，均是梨園屯的破落户。

(總理各國事務衙門檔)

一一〇 張汝梅爲陳述與馬主教商辦冠縣教案情形事咨呈總署文

※光緒二十四年六月初七日(一八九八年七月二十五日)

光緒二十四年五月十三日，據洋務總局詳稱：案奉札飭，光緒二十四年四月十四日，本部院行次兗州，承准總署文電，法使照稱，山東迤北匪擾教堂，黎園屯案未結，教堂、教民受累，官未阻止。請電山東：一、將官所素知罪魁十八名限三日全獲。二、迤北教堂受累，應償銀二萬兩。三、東昌洪守與教士爲難，應撤任。四、以張道換吉道云。查罪魁十八名，迤北教堂如何受累，洪守如何與教士爲難，署皆無案。法使現爲永安州教案正在作難，恐其言有因。希詳查據實電復，幸勿空言搪塞。等因。

准此，查黎園屯教案至今未結，由於十八魁未獲一名，致有法使今日之言。洪守、曹令辦理因循，殊屬不知緩急。究竟迤北教堂如何受累，該守有無與教士爲難之處，除飭該府縣查覆外，合行札知。

札到該局，即便查照。此札。等因。奉此，當即派令局員前安徽蕪湖縣知縣王萬姓、候補知縣余則達，將法使所開梨園屯案內四款，與法主教馬天恩往復辨論。

茲據馬主教函稱：昨接來函，藉知撫院諭辦冠縣教案實情。正欲作書裁答間，適荷駕臨，又苦口勸勉務必顧全各憲情面，著照前議讓銀一萬兩，並將以後定即妥籌善法，奏請開復張革道原任，與不時嚴催緝拿十八魁，務獲究辦各等因，一併相告。聞命之下，深念撫院辦理各案，曲爲周全苦心，甚覺感激自愧，無以仰報。雖肯再加銀數，亦斷不爲再求。故情願讓銀一萬兩，以昭感謝。至張革道實在罪蹟，只亦持平辦理教案，致被借題參處，實係曲抑之處。既經撫院查訪明確，專摺奏調督辦河工於前，仍望轉請迅爲照言設法開復原任於後，以雪因辦教案所受之辱。所以請行開復，並非有私於該道，該道亦無偏護教裏情事，屢諭敝主教辦理教案，祇遂教民心願，致平民曲抑，勢必啓其私闢，傷害教民，非所以保教愛民。若任聽平民欺凌教民，將來又必滋生大端。惟因事制宜施行，使民教相安，爲（辦）理教案正經要道。此次敝主教函內各節，既已蒙撫院照允，即祈貴局迅爲轉請妥辦，不必遲疑，首尾兩款辦理既無定期，敝主教據情稟報後，法使肯否等候，俟復到日再行奉聞。泰、淄兩案，各該縣既未能辦結，應請貴局專懇撫院，遴委前往迅爲清理，各免拖累。等因。

准此，除泰安、淄川兩案已由局札催各該縣迅速了結，並飛飭東昌府冠縣趕將梨園屯鬧教各犯務獲究辦外，所有本局派員辦理此案緣由，理合詳請鑒核。俯賜咨復總理衙門查照。深爲公便。等情。到本部院。

據此，除仍飭將泰安、淄川兩案作速辦結，並飭東昌府冠縣趕將黎園屯教案各犯務獲究辦外，擬合咨呈。爲此咨呈貴衙門，謹請查照施行。

（總理各國事務衙門檔）

一二一 張汝梅屬查明直東交界並無沂曹軍作亂事咨呈總署文

※光緒二十四年六月初七日（一八九八年七月二十五日）

案據洋務總局詳稱：案奉批據署冠縣知縣曹令倜稟，奉飭查明境內惟有梨園屯教案，蒙派營勇拿辦，並無沂曹軍作亂情事緣由。蒙批：稟悉。仰洋務局作速敘詳請咨，並行該縣知照。繳。原稟抄發。等因到局。

奉此，遵查原稟，內開：竊光緒二十四年開，三月初九日蒙本府札飭，以奉洋務總局轉蒙接准總理衙門咨，查法國主教樊國樑函稱，直隸南宮一帶地方，沂曹軍作亂，百姓震恐異常。有無其事，是否即係冠縣教案，令即確查具覆。等因。蒙此，遵查卑縣西北邊境，與直隸南宮等縣犬牙相錯。本年正、二月間，惟黎園屯教案蒙派營勇嚴拿兇匪，曾經當場格斃從犯李洛木，鎗擊首犯閻書勤帶傷逃逸。基地已還，教士、教民均已回家，相安無事一案，業已將次議結。該主教等所稱，想係謠傳之訛，該處一帶並無沂曹軍作亂情事。緣奉飭查，理合具稟查核。等情。本局派員密訪，與曹令所稟情形略同。

除轉行外，擬合備文詳請鑒核。俯賜咨覆總理各國事務衙門查照。深爲公使。等情到本部院。

據此，除詳批示外，擬合咨呈。爲此咨呈貴衙門，謹請查照施行。

(總理各國事務衙門檔)

一二三 劉樹堂爲交界處有聚衆起事請飭捕治事致張汝梅電

光緒二十四年六月初十日(一八九八年七月二十八日)

濟南。撫台張翰帥鑒：江、東、豫交界地方，有匪徒聚衆倡亂，經敝處會合貴省練軍擊散。據獲匪供稱，黨羽極衆，現擬勾結大刀會起事。請飭屬防範捕治。樹堂。蒸。印。

(山東巡撫衙門檔)

一二三 張汝梅爲三省交界有聚衆起事飭即查拿事致方致祥等電

光緒二十四年六月十一日(一八九八年七月二十九日)

曹州。方鎮台、邵太守鑒：頃准豫撫蒸電，江、東、豫交界地方，有匪徒聚衆倡亂，經敝處會合貴省練軍擊散。據獲匪供稱，黨羽極衆，現擬勾結大刀會起事。請飭屬防範捕治。等語。

現在亂萌未息，亟須及早消弭。應由貴鎮速派得力將弁，馳赴歸、碭交界處所巡防嚴捕，並由府飭屬出示，解散脅從，一面會營協拿正匪，務臻妥速爲要。除另文知照外，先將辦理情形電復。真。印。

(山東巡撫衙門檔)

一二四 張汝梅爲兜捕重振清餘股事致劉樹堂電

光緒二十四年六月十三日（一八九八年七月三十一日）

河南。撫台景帥鈞鑒：頃接曹州方署鎮來牘，虞城匪首童振青，嘯聚數百人，竄入東、豫交界之單縣朱家集一帶，搶劫滋事。經佐字營管帶會督文武，飛移歸德鎮標練勇，于月之初五齊抵該集，擒獲首夥十八人，擊斃十餘人，餘匪四散逃逸。等因。

除咨行鎮司分飭截拿外，卽請轉飭各防軍及所屬州縣，一體兜捕，以絕根株。是禱。○○。元印。

（山東巡撫衙門檔）

一二五 總署爲冠縣教案請按馬主教所議辦結事咨張汝梅文

光緒二十四年六月十四日（一八九八年八月一日）

光緒二十四年六月初十日，准法畢使照稱：山東黎園屯一案，馬主教與山東巡撫商議各款，如能照辦，則其所索銀二萬兩允減一半。否則，主教所議斷然不行。等因。相應抄錄原照會，咨行貴撫查照，妥速酌核辦理，以期了結，并聲復本衙門可也。

（總理各國事務衙門檔）

附件：法使爲冠縣教案須按馬主教所議辦結事致總署照會

※一八九八年七月二十八日（光緒二十四年六月初十日）

現本大臣知悉，山東迤北梨園屯一案，馬主教與山東巡撫商議如下：

一、匪首緝拿懲辦。一、將吉道調換。一、將泰安、淄川等處舊案秉公辦理。一、許在山東迤北永保相安。一、將洪守撤任。

若如此辦理，馬主教將所前索銀二萬以補教堂、教民各種損失，允減一半。而以上各條，均由東撫一切允准，除給教堂銀一萬兩外，餘事皆不辦。是以本大臣應照知貴王大臣，飭令山東巡撫刻即照所允辦結。若非如此，則主教所議之款，斷然不行。本大臣深知貴王大臣洞悉，應將梨園屯一案辦結，務調理民教平安。並希乘馬主教和衷之意，轉飭山東地方官，將主教與東撫會訂各節，妥慎了結可也。

（總理各國事務衙門檔）

一二六 張汝梅爲兜捕重振清餘股事致劉坤一電

光緒二十四年六月十七日（一八九八年八月四日）

金陵。制台峴帥台鑒：昨接署曹州鎮方致祥文稱，河南虞城縣境有梟匪童振清，嘯聚數百人，約會江南等處匪徒，定期在東、豫交界之朱家集豎旗起事，四出劫掠。經駐紮單縣營官總兵林志魁探確後，

即會同地方文武，並歸德鎮標練軍馳勦，陣斃十餘名，生擒十餘名，立將童振清生獲，奪獲小紅旗，內寫悖逆字樣。訊據供稱：尚有保安山聚的一千餘人，原想會合一處，在徐州南母猪山安寨，不料在梳妝集戰敗被擒。等語。餘匪逃逸。將犯解交單縣監禁。等因。經批飭曹州府提審懲辦，並照會方致祥飛檄所部暨咨明河南巡撫，轉飭一體兜拿餘匪，俾免蔓延。頃復據林志魁稟報，探聞此股逸匪竄入江南碭山等處。除電奏外，即望轉飭徐州鎮道，分飭防營及所屬州縣，一體兜拿餘匪，以遏亂萌。○○肅。洽。印。

(山東巡撫衙門檔)

一二七 張汝梅為兜捕童振清餘股事致劉樹堂電

光緒二十四年六月十七日(一八九八年八月四日)

開封。撫台劉景帥鑒：匪首童振清豎旗一案，訊據供稱，原糾七、八百人外，又有保安山聚的一千餘人。本想會合一處，在徐州南母猪山安寨，不料戰敗被擒。等語。除電奏並電達兩江外，望轉飭各防軍及所屬一體拿辦。○○。洽。印。

(山東巡撫衙門檔)

一二八 總署為奉旨著兜捕童振清餘股事致張汝梅等電

※光緒二十四年六月十九日(一八九八年八月六日)

濟南撫台、南京制台、開封撫台、蘇州撫台：奉旨：張○○電奏閱悉。梟匪童振清在東、豫交界之朱

家集嘯聚起事，雖經東、豫各軍會同馳剿，將童振清拿獲。所有此股逸匪，據稱竄入江南蕩（礪）山等處，難保不肆出蔓延。着劉坤一、奎俊、張汝梅、劉樹堂迅急派兵一體兜拿，務期搜除淨盡，以絕根株。欽此。巧。印。

（山東巡撫衙門檔）

一二九 劉坤一爲已飭屬兜捕童振清餘股事覆張汝梅電

※光緒二十四年六月十九日（一八九八年八月六日）

濟南。張翰帥鑒：洽電敬悉。已電飭徐州鎮、道分飭地方文武及駐防營旗，一體合力兜拿搜捕矣。合電復。坤。巧。印。

（山東巡撫衙門檔）

一三〇 劉樹堂爲已飭屬兜捕童振清餘股事覆張汝梅電

光緒二十四年六月十九日（一八九八年八月六日）

濟南。撫台張翰帥鑒：洽電祇悉。遵飭各防軍及所屬一體兜捕，以期盡絕根株。十一日業經片奏，稿已排遞。樹堂。效。印。

（山東巡撫衙門檔）

一三一 劉坤一爲拿獲大刀會首趙天吉事致張汝梅電

※光緒二十四年六月二十八日（一八九八年八月十五日）

濟南。張翰帥鑒：竊照大刀會匪趙天吉，迭准諮會，轉行飭緝。茲據蘇防營派弁在徐州二灣地方拿獲。等情。除飭先行解交徐州道提審稟辦外，合卽電達。

再，前據徐州詹安稟，市民自〔一〕閻克復以魚臺魏園佔地，失業無依，迭次京控爭鬥，旋即病故；其子閻憲銘家產全盡，無力號召，並未出頭打團，請設法安置，用民〔平〕衆忿。當經批令遵照。現復（經）該鎮道以閻憲銘自行投案，稟請力爲保全，免解赴東。前來。應另〔如〕所請，另行諮達冰案。並以附聞。坤。感。印。

批：覆以趙天吉拿獲，欣甚。閻憲銘應如何辦理，請酌奪，可無須解東。總以此後不再滋事爲得宜。須取各甘結存案。

（山東巡撫衙門檔）

一三二 總署爲德使稱濟寧州鬧教希飭彈壓事致張汝梅電

※光緒二十四年六月二十九日（一八九八年八月十六日）

濟南。撫台：德使照移濟甯教堂電，該堂現甚危險，昨有匪徒聚衆，意將生事。經地方官拿獲九

〔一〕「自」字疑爲衍字。

人，均自認意欲（謀殺）教士。該教堂甚恐仍有攻擊之事，請電飭設法彈壓保護。等語。希電飭地方官查明，妥速彈壓保護，勿滋事端。卽電復。勘。印。

（山東巡撫衙門檔）

附錄：德使爲請保護濟甯教堂事致總署照會

※一八九八年八月十五日（光緒二十四年六月二十八日）

本月二十五日，接據德國濟甯教堂電稟：本教堂現甚危險，因昨有匪徒聚衆，意將生事。經地方官拿獲九人，該匪徒均自認意欲謀殺教士。本教堂故甚恐仍有攻擊教堂之事。等因。前來。

本大臣查前數日，安主教由東省來謁本大臣，談及如今各處地方官，與伊均屬融洽，甚望將來彼此相安。等語。想現在攪鬧教堂之事，必由會匪而起。前屢經本大臣照請懲辦在案。茲再備文照會貴王大臣，電飭東省設法彈壓，保護教堂，以免再生枝節。

再，安主教現在已由天津起身回濟甯州。合併聲明。爲此照會。

（總理各國事務衙門檔）

一三三 張汝梅爲飭保護濟甯教堂事致汪望庚電

光緒二十四年六月二十九日（一八九八年八月十六日）

濟甯。汪刺使准總署勘電，德使照稱，濟甯教堂現甚危險。昨有匪徒聚眾，意將生事。經地方官拿獲九人，均自認欲謀殺教士。恐仍有攻擊之事，請電飭保護彈壓。等語。希電飭地方官查明，妥速防護，勿滋事端。等因。查此事未據稟報。應即妥為拿辦保護，毋稍大意。仍將詳細情形馳稟核查。○。艷。印。

（山東巡撫衙門檔）

一三四 張汝梅為行劫坡李莊教堂案犯業已拿獲事致總署電

光緒二十四年六月二十九日（一八九八年八月十六日）

北京。總署鈞鑒：頃據陽穀令胡建樞稟稱：本月十九日，訪聞縣境蒼上街店內，有匪徒欲糾夥行劫該境坡李莊洋人教堂情事。當即馳往拿獲朵芝箱等九名，供認不諱。德使所云，當即指此。前奉嚴旨保護教堂，通飭各屬欽遵妥辦。此次尚屬消息初萌。除飭嚴拿餘匪、隨時防護外，特電陳。○○謹肅。艷。印。

（山東巡撫衙門檔）

一三五 張汝梅為趙天吉就獲事覆劉坤一電

光緒二十四年六月二十九日（一八九八年八月十六日）

金陵。制台峴帥台鑒：感電敬悉。趙天吉為多年巨患，一旦就擒，兩省至幸。仰見指授機宜，搜捕

義和團檔案史料續編 光緒二十四年六月

神速，欣甚佩甚。閻憲銘應如何辦理，請酌奪，無須解東。總期此後不再滋事，庶免再勞叢畫。似須取具各甘結存案，較爲切實，想尊見早籌及矣。○○謹復。 艷。印。

（山東巡撫衙門檔）

一三六 總署呈奉旨著保護濟寧教堂事致張汝梅電

光緒二十四年七月初一日（一八九八年八月十七日）

濟南。巡撫：奉旨：德使稱，濟寧有匪徒將聚衆生事，教堂甚慮攻擊，已由署電該撫保護。着卽嚴飭地方官認真防範，勿稍疏懈，致滋事端。欽此。 東。印。

（山東巡撫衙門檔）

一三七 張汝梅爲梨園屯教案償款已議定事咨呈總署文

※光緒二十四年七月初一日（一八九八年八月十七日）

光緒二十四年六月初八日，准兵部火票遞到貴衙門咨問：光緒二十四年五月二十七日，准法國畢使照稱，山東迤北梨園屯教案一事，接准照稱，業已辦有端緒，不日皆可議結。等因。查今接來稟，與以上之語不相符合。吉道及洪守再阻，恐復茲生事端。應再催電飭山東，迅速了結此案。等因前來。本衙門查本年五月二十四日，爲保護各國教堂，既經明發諭旨，所有從先未結之案，自應欽遵辦理。相

應抄錄畢使來照，並附送清單，咨行撫院查明迅辦，仍聲復本衙門可也。並附抄件到部院。

承准此，查梨園屯一案，前據洋務局派員會晤馬主教天恩，往復辯論。嗣據該主教函稱，深念辦理此案曲爲周全苦心，情願讓銀一萬兩，以昭感謝。等語。並由局將派員辦理緣由，詳請咨復前來。本部院已於五月十六日，咨呈貴衙門。計時歷有兩旬，當已照會法使，償款議定便可作爲了結。

茲准前因，除仍飭拿犯究辦，及凡有未結之案，亦即欽遵諭旨辦理，並將火票另行飭發臬司照例造報外，相應咨呈。

爲此咨呈貴衙門，謹請查照。迅賜照會法使，知照施行。

(總理各國事務衙門檔)

一三八 汪望庚爲德華盛所控案已和息事致張汝梅電

光緒二十四年七月初三日(一八九八年八月十九日)

濟南。撫憲鑒：遵諭保護。昨惟德華盛以民人武懷亭等六人，誚罵教民爭鬧勸散，函請訓斥傳訊。衆供及原信均無欲殺教士語，亦無拿獲九人事，備詳另稟。武姓案現和息，飛查三縣，亦無案。晤詢德華盛云一時悞電至京，已無事矣。望庚稟。

批：達總署，係該堂一時悞電至京，現已無事。

(山東巡撫衙門檔)

一三九 總署爲臨淄縣教民滋事案希飭訊結事致張汝梅電

光緒二十四年七月初六日（一八九八年八月二十二日）

濟南。撫台：臨淄縣屬堯王莊教民滋事，已據支電照會英使，令教士勿得袒庇。此案應由地方官秉公提審。希即飭縣將此案妥爲訊結。魚。印。

（山東巡撫衙門檔）

一四〇 總署爲濟寧教堂業已保護事致德使照會

光緒二十四年七月初六日（一八九八年八月二十二日）

光緒二十四年六月二十八日，准貴大臣照稱：據德國濟寧教堂電稟，本教堂現甚危險，因昨有匪徒聚衆，意欲生事。經地方官拿獲九人，該匪徒均自認意欲謀殺教士。本教堂仍恐有攻擊之事。等因。本大臣查攪鬧教堂之事，必由會匪而起。前屢經本大臣照請懲辦在案。茲再照會貴署，電飭東省設法彈壓保護，以免再生枝節。等因前來。當經本衙門電知東撫去後。茲據復稱：已電知濟寧州嚴拿保護。相應照會貴大臣查照可也。

（總理各國事務衙門檔）

一四一 謝庭芝爲各國謀據地劃界事致張汝梅電

光緒二十四年七月十二日（一八九八年八月二十八日）

濟南。撫憲鈞鑒：頃據英訪事人電致上海外洋報館云：俄人欲據營口。昨英提督派兵輪往看動靜。英正、副提督在威海密商海疆劃界事宜。德人並有欲據勞山之說。電局兼偵探委員謝庭芝稟。

（山東巡撫衙門檔）

一四二 總署爲應勸阻德親王毋往濟南事致張汝梅電

光緒二十四年七月二十六日（一八九八年九月十一日）

山東。撫台：函悉。德親王東游，安治泰本有此說。相迓往濟南，爲教堂增重惠，未據德使言及，刻難攔阻，俟有信時再與商訂。東水患，涂路難行，自應詳告德親王毋跋涉。望設法與安言之爲妥。宥。印。

（山東巡撫衙門檔）

一四三 總署爲抄送了結冠縣教案照會希飭辦理事咨張汝梅文

光緒二十四年八月初八日（一八九八年九月二十三日）

光緒二十四年七月二十五日，准法國畢大臣照稱：山東梨園屯一案，洪守辦理可斥，因請撤去。張道舊時恩政，民教相安，至今期望該員再補原缺。飭拿首犯一層究竟如何辦理，總俟接文內開此案要犯緝拿如何懲辦情形，方能作爲了結。等因。

當經本衙門復以張上達甫經奏准開復原官，赴東差委。能否仍補原缺，刻難懸擬。至嚴拿首犯，自係教案內應辦之事，無不認真究辦之理。先行照復在案。相應抄錄往來照會，咨行貴撫飭屬查照辦理，仍將辦理情形咨復本衙門可也。

(總理各國事務衙門檔)

附件一：法使爲十八魁必須拿辦方可消案事致總署照會

※一八九八年九月十日(光緒二十四年七月二十五日)

光緒二十四年七月初十日，接准貴王大臣照會：山東梨園屯一案，應乘馬主教和衷之意，當經分別電咨山東巡撫妥速辦結。茲准復據馬主教函稱云云。教堂損失前請賠款，情願讓銀一萬兩。等語。除飭拿犯究辦，及凡有未結之案亦即欽遵諭旨辦理外，應請貴衙門照會法國駐京大臣作爲了結。等情前來。

又此案吉道、洪守向稱辦理可斥，經本大臣因請撤去。現聞業已離任，或將難之以他員換補。並閱邸抄，又知貴衙門大臣有奏准革道張上達開復原職者。而張道以曩時恩政足布，民教相安，業經本大臣相告貴王大臣在案。至今期望該員再補原缺，俾得山東該等處仍舊賴以平安，是亦本大臣前爲條請妥結梨園屯教案照辦其二也。

而本大臣若將此案作爲了結，以符東撫之請，總應當時殺傷人命、拆房搶劫之十八魁匪首，有獲案

究辦之信，始允爲消案。緣該匪既有禍根，貴國就案審結，亦當懲治爲先。但本大臣迄未聞拿獲究辦一匪。應請貴王大臣電詢山東巡撫，飭拿首犯一層究竟如何辦理。查本大臣前於五月二十七日照會貴署，已將首犯姓名開附清單在案。該犯及家屬住址，乃地方官所熟識。務須明達東撫，以本大臣總俟接文內開此案要犯緝拿如何懲辦情形，方能作爲了結。爲此照會，並候照復轉達可也。

（總理各國事務衙門檔）

附件二：總署爲已催拿十八魁等事致法使照會

光緒二十四年七月三十日（一八九八年九月十五日）

光緒二十四年七月二十五日，准照稱：山東梨園屯一案，吉道、洪守辦理可斥，因請撤去。張道曩時恩政，民教相安，至今期望該員再補原缺，俾山東等處仍舊平安。飭拿首犯一層究竟如何辦理，本大臣總俟接文內開此案要犯緝拿如何懲辦情形，方能作爲了結。等因前來。

查已革濟東泰武臨道張上達，甫經奏准開復原官，赴東差委。能否仍補原缺，刻難懸擬。至嚴拿首犯一節，自係教案內應辦之事，東撫亦無不認真究辦之理。

除咨催該省，俟緝獲首犯再由本衙門照會外，相應先行照復貴大臣查照可也。

（總理各國事務衙門檔）

一四四 著各省大吏認真保護教堂教士及游歷洋人事懿旨

光緒二十四年八月二十一日（一八九八年十月六日）

光緒二十四年八月二十一日，內閣欽奉慈禧端佑康頤昭豫莊誠壽恭欽獻崇熙皇太后懿旨：

自開埠通商以來，中外一家，誼應不分畛域。卽如各國教士之在內地，疊經諭令各地方官實力保護，不啻三令五申。各省官紳士民，自應仰體朝廷一視同仁之意，開誠布公，無嫌無疑，以期日久相安。乃近日各省民教滋事之案，仍不能免。四川各起教案，至今尚未了結。在愚民無知，造言生事，輕啟釁端，固爲可恨；而該管官吏不能隨時開導，先事防維，實亦難辭其責。用特詳加申諭，各直省大吏於教堂所在，務當嚴飭地方官，懍遵疊次諭旨，認真保護。各國教士往來，均宜以禮相待。遇民教交涉之案，持平辦理，迅速斷結，並勸導紳民安分自守，毋得逞忿肇釁。其各國游歷洋人所到之處，尤應一體保護，以盡懷柔之誼。經此次降旨之後，如再有防範不力致滋事端，定當將該管地方官從重參辦，並將該督撫等一併懲處。毋謂誥誡之不預也。欽此。

（上諭檔）

一四五 著各將軍督撫認真保護教堂教士事上諭

光緒二十四年九月初一日（一八九八年十月十五日）

軍機大臣字寄各直省將軍督撫，光緒二十四年九月初一日奉上諭：

現在各省皆有教堂，教士往來亦所時有，地方官每多民教歧視，以致滋生事端。朝廷於此事不啻三令五申，乃近來各省因教起釁之案，仍復疊出，總由封疆大吏不能實力奉行所致，言之可恨。著各該將軍督撫懍遵此次諭旨，務當嚴飭地方官，於教堂所在及教士往來之處，一體認真防護，不得稍涉疏懈。遇有民教交涉之案，必須持平迅速辦結，以期中外日久相安。如再有防範不力、輕啟釁端情事，定將該將軍督撫及地方官一併從嚴懲處，決不寬貸。將此通諭知之。欽此。遵旨寄信前來。

(上諭檔)

一四六 曹倜爲威縣沙柳寨拳民起事事致朱鍾琪〔一〕電

光緒二十四年九月十三日(一八九八年十月二十七日)

朱鑒：頃探威縣二門拳民，因臨清小盧飛虎防勇至威縣沙柳寨拏牛肉起衅，以趙三多前經個勸諭安帖，不願出頭，該拳民聚〔衆〕先燒趙三多房屋，逼脅同赴直、東滋事。現由倜星馳往設法解散。乞先稟憲。冠縣。倜。元。

批：復以：前經訪聞該哨勇有滋事，已函告該鎮換防駐紮。飭卽趕緊解散，并查該勇係何哨之勇？哨官係何姓名？趕將滋事之勇查獲懲辦。

(山東巡撫衙門檔)

〔一〕朱鍾琪爲署歷城縣知縣。

一四七 王壽朋爲威縣沙柳寨拳民起事乞撥營事致張汝梅電

光緒二十四年九月十四日（一八九八年十月二十八日）

濟南。撫憲鑒：威境沙柳寨拳民聚衆滋事，釁起威縣，獲一拳黨。教士王德昌來請營，已專馬稟陳。現探拳民又在冠、威交界忽聚忽散，欲肆劫奪。乞如教士請，迅撥營保護。壽朋。

（山東巡撫衙門檔）

一四八 張汝梅爲趙三多起事飭派哨隊事致方致祥電

光緒二十四年九月十四日（一八九八年十月二十八日）

曹縣送曹州鎮台鑒：前聞臨清防勇滋事，函請撤換，計當達覽。頃歷城縣准冠縣電稱，住小盧防勇至威縣沙柳寨拿牛肉起釁，拳民聚衆燒趙三多房屋，逼脅同赴直東滋事。等語。稟知前來。希即查明該哨官係何職名，滋事之勇何哨所管？趕緊拿辦。一面另派兩哨速往臨、冠兩州縣，仍照前函辦理。○。鹽。印。

（山東巡撫衙門檔）

一四九 張汝梅爲飭彈壓解散冠縣拳民事致曹個電

光緒二十四年九月十四日（一八九八年十月二十八日）

臨清送冠縣。曹令：據歷城縣稟知，該縣電稱，防勇滋事等情。當飭電覆，並由院電囑曹鎮迅速換隊駐防，拿辦滋事哨勇。該縣仍速爲彈壓解散，勿任滋擾爲要。並電復。○。鹽。印。

（山東巡撫衙門檔）

一五〇 張汝梅爲派往冠縣哨隊應速彈壓事致方致祥電

光緒二十四年九月十五日（一八九八年十月二十九日）

曹縣送曹州。方鎮台鑒：昨去鹽電，計已達到。現據臨清州電稟，拳民在冠、威交界忽聚忽散，欲滋事，請將派去換防之隊速往彈壓。如民情未安，除將滋事之勇查辦，其餘原設兩哨仍舊暫紮緩撤，事寢再行酌換。並先電復。○。威。印。

（山東巡撫衙門檔）

一五一 張汝梅爲請會同彈壓冠威拳民事致裕祿電

光緒二十四年九月十五日（一八九八年十月二十九日）

天津。制台壽帥台鑒：據臨清州電稟，威縣沙柳寨拳民聚衆，現在冠、威兩縣交界忽聚忽散，勢欲滋事。○已派營前往彈壓。地關兩省交界，又有教堂林立，恐釀巨禍，亟須消弭。乞速派營赴威，並飭縣會同東省營印，併力彈壓解散。至爲感禱。○。○。肅。威（威）。印。

（山東巡撫衙門檔）

一五二 張汝梅爲已派隊前往冠縣事致王壽朋電

光緒二十四年九月十五日（一八九八年十月二十九日）

臨清。王直牧：來電悉。已派隊前往，並電請直省分飭營縣，一體彈壓解散。○。咸。印。

（山東巡撫衙門檔）

一五三 裕祿爲已撥隊赴威縣彈壓事覆張汝梅電

光緒二十四年九月十五日（一八九八年十月二十九日）

山東。撫台。翰仙中丞鑒：咸電敬悉。刻已電飭大名鎮道就近酌撥馬隊，派員前往。並飭該縣會同東省營印，實力彈壓解散，以期消患未萌。祿。刪未。印。

（山東巡撫衙門檔）

一五四 張汝梅爲飭會同彈壓冠威拳民事致王壽朋電

光緒二十四年九月十五日（一八九八年十月二十九日）

臨清。王直牧：准直督電知，已電飭大名鎮道撥派馬隊前往。望卽知會冠縣會同直、東各營印，併力彈壓解散，免釀事端。○。翰。印。

（山東巡撫衙門檔）

一五五 曹倜爲擬勸散趙三多部請暫勿發兵事致張汝梅等電

光緒二十四年九月十七日（一八九八年十月三十一日）

濟南。撫、藩、臬、道、府、洋務局憲鑒：鹽電謹悉。乞速換防。倜來，趙拳遠走直境，聞其尚知感悟。十五會威令，派人前往勸諭。本約諭到即散。因十六早小里固教民將屋自焚，借端生事。又懷疑不定。乞暫不派兵，仍由倜催令剴切勸散，免其滋蔓。冠縣。倜稟。篠。

（山東巡撫衙門檔）

一五六 曹倜爲乞撥哨來冠預防事致張汝梅電

※光緒二十四年九月十八日（一八九八年十一月一日）

濟南。撫憲鈞鑒：林部整飭，乞撥郝弁帶嵩騎一哨來冠預防。設拳散，乞改常川彈壓。倜稟。篠。

（山東巡撫衙門檔）

一五七 張汝梅爲冠縣布防事致王壽朋電

光緒二十四年九月十八日（一八九八年十一月一日）

臨清。王直牧：據冠縣篠電，十六早，小里固教民將屋自焚，借端生事，拳民懷疑不定。乞暫不派

兵。等語。惟曹鎮換防隊已發，到時自應換防。至省中派去兩哨，仍由州調度，隨時相機辦理，毋使隔閡。○。巧。印。

（山東巡撫衙門檔）

一五八 張汝梅爲冠縣布防事覆曹倜電

光緒二十四年九月十八日（一八九八年十一月一日）

臨清送冠縣曹令。兩條電均悉。拳民懷疑，務卽剴切勸散，免其滋事。省中派去兩哨，歸臨清王牧調度，儘可由縣就近商辦。曹鎮換防隊已發，到後自可常駐彈壓。至林部有事他往，所請飭派郝弁，應毋庸議。○。巧。印。

（山東巡撫衙門檔）

一五九 曹倜爲拳民解散事致張汝梅等電

光緒二十四年九月十九日（一八九八年十一月二日）

濟南。撫、藩、臬、道、府、洋務局憲鈞鑒：拳民一律解散，直、東邊境民教安。詳情另稟。冠縣。倜叩。皓。

（山東巡撫衙門檔）

一六〇 王壽朋爲拳民解散省隊已到事電稟

光緒二十四年九月十九日（一八九八年十二月二日）〔一〕

憲鑒：拳民已解散，邊境漸安。省隊今日到，酌量駐紮後再稟。撫憲暨各大憲前乞分告。壽朋。效。

（山東巡撫衙門檔）

一六一 方致祥爲已撥隊赴臨清換防事致張汝梅電

※光緒二十四年九月十九日（一八九八年十一月二日）

濟南。撫憲鑒：電諭謹悉。換防隊已發，滋事弁勇亦派員查拿，並排遞詳稟在案。致祥。銑。印。

（山東巡撫衙門檔）

一六二 方致祥爲擬親往冠縣事致張汝梅電

※光緒二十四年九月十九日（一八九八年十一月二日）

濟南。撫憲鑒：電復諒到。頃臨防營電稱，直匪趙洛竹十二日散，十六日復聚，在直、東滋事，恐

〔一〕此件原只有日期韻碼，其年月係根據內容判定。

釀鉅案，擬帶隊親往察辦，乞電示。祥。巧叩。

批：已由曹令稟，人教〔散〕無事，無須前往。

（山東巡撫衙門檔）

一六三 張汝梅爲冠拳已散無須親往事覆方致祥電

光緒二十四年九月十九日（一八九八年十一月二日）

曹縣送曹州鎮台鑒：巧電悉。現據冠縣電稟，人散無事，無勞親往。○。皓。印。

（山東巡撫衙門檔）

一六四 王壽朋爲請代稟冠威拳民情形事致洋務局電

光緒二十四年九月二十日（一八九八年十一月三日）〔一〕

濟南。洋務局憲鑒：撫憲巧電謹悉。近日拳民不動，有紳董說事漸妥。壽朋連日小盧寄電稍滯。省隊來酌量駐紮，先與威、冠。途多阻，近漸通。撫憲前乞代稟。壽朋。

（山東巡撫衙門檔）

〔一〕原件無日期。在收電簿中排在光緒二十四年九月二十日和九月二十一日電文之間。

一六五 曹倜爲紅桃園發生教案事致張汝梅等電

光緒二十四年九月二十日（一八九八年十一月三日）

濟南。撫、洋務局憲鈞鑒：威拳十八解散。忽有廣平拳民姚洛奇等，勾通紅桃園匪類，於黎明放火並殺害教民三名，受傷一名。現已詣驗，派隊追緝。匪走曲、威一帶，乞電直省會拿。倜稟。哿。批：卽電達直督速派人緝拿彈壓。電告曹令作速拿人。

（山東巡撫衙門檔）

一六六 王壽朋爲紅桃園發生教案事致洋務局電

光緒二十四年九月二十日（一八九八年十一月三日）（一）

濟南。洋務局憲鑒：今晨冠境紅桃園忽又被火燒屋，殺教民二，傷一。據探係拳黨，亦有匪徒，與趙拳先合後離，且爲貽害而出此着。現走曲、威一帶。省隊一哨駐小盧，專顧教堂。半哨駐下堡寺一帶堵緝，半哨派往冠境，聽曹令調度追拿。鎮隊尚未到。撫憲前乞代稟。壽朋。哿。

（山東巡撫衙門檔）

一六七 張汝梅爲飭查紅桃園教案事致曹倜電

光緒二十四年九月二十一日（一八九八年十一月四日）

臨清送冠縣。曹令：哿電悉。紅桃園是否冠境？殺傷教民係住何處？卽電覆。速拿犯，毋延誤。

〔一〕此件原只有日期韻碼，其年月係根據內容判定。

○。箇。印。

(山東巡撫衙門檔)

一六八 張汝梅爲飭查紅桃園教案事致王壽朋電

光緒二十四年九月二十一日(一八九八年十一月四日)

臨清。王直牧：荷電閱悉。威拳既散，何又赴紅桃園燒屋，殺傷教民？究因何故啓衅，望速查明確情，詳細電覆。○。箇。印。

(山東巡撫衙門檔)

一六九 張汝梅爲請會捕冠威拳民事致裕祿電

光緒二十四年九月二十一日(一八九八年十一月四日)

天津。制台壽帥台鑒：據冠縣電稟，威拳十八解散。忽有廣平拳民姚洛奇等，勾通紅桃園匪類，於黎明放火，並殺害教民二名，受傷一名，已詣驗。派隊追緝，匪走曲、威一帶。等語。乞卽飭營及各地方官，會同彈壓兜拿匪犯，以期速獲爲禱。○。○。箇。印。

(山東巡撫衙門檔)

一七〇 裕祿爲請會同彈壓冠威拳民事致張汝梅電

光緒二十四年九月二十一日(一八九八年十一月四日)

濟南。撫台。張翰仙中丞鑒：迭據大名萬道電稟，直、東交界威、冠等縣拳民聚衆。十三，在冠縣紅桃園、邱縣柳疇衆八聚二三百人。十四，在曲周大寨邀人借馬，至臨清龍上固住宿。十六、七，在龍上固及臨清杏葉村等處。現查龍上固一股聚有五六百人，往紅桃園等處。杏葉村一股聚有二百四十人，往曲周白菓樹、辛莊等村。所聚多係匪徒，安分拳民均不肯隨。各處尚無滋事。已約邱、冠兩縣設法防撫，集團互衛。惟黨衆地寬，亟當防撫兼施，或免滋蔓。等語。現已添派盛軍馬隊馳往威、曲等縣扼防，並飭大名吳鎮酌帶練軍，會督地方文武彈壓解散。應請尊處飛飭山東營印會同籌辦，防撫兼施，以期消息未萌爲要。裕祿。箇午。印。

（山東巡撫衙門檔）

一七一 裕祿爲已飭大名鎮道兜拿拳民事覆張汝梅電

光緒二十四年九月二十一日（一八九八年十一月四日）

濟南。撫台。張翰仙中丞鑒：頃發一電，想邀覽。箇電誦悉。已電飭大名鎮道督率派出隊伍，會同各該地方官跟蹤兜拿，務期速獲。餘詳前電。祿。箇未。印。

（山東巡撫衙門檔）

一七二 王壽朋爲冠縣營隊擊散拳民事電稟

光緒二十四年九月二十一日（一八九八年十一月四日）〔一〕

憲鑒：箇電謹悉。卽轉冠縣。今日冠營隊並調，小蘆飛虎營追匪至威境沙柳寨，殺一獲十，送曹令訊餘匪。並聞該縣昨獲匪一。撫憲前乞代稟。壽朋。箇。

（山東巡撫衙門檔）

一七三 曹倜爲拿獲拳首姚洛奇事致張汝梅等電

※光緒二十四年九月二十二日（一八九八年十一月五日）

濟南。撫、藩、臬、洋務局憲鈞鑒：辰刻率隊會同飛虎等營追匪至沙柳寨，首犯姚洛奇糾衆拒捕。當將姚洛奇拿獲，並獲從犯及格斃多名。俟查明訊供稟辦。倜叩。馬。

（山東巡撫衙門檔）

一七四 曹倜爲紅桃園係教民住地事致張汝梅電

光緒二十四年九月二十二日（一八九八年十一月五日）

〔一〕此件原只有日期韻碼，其年月係根據內容判定。

濟南。撫憲鈞鑒。箇電謹悉。教民係住冠境紅桃園。犯獲民安。倜稟。馮。

(山東巡撫衙門檔)

一七五 王壽朋爲陳明紅桃園教案情形事致張汝梅等電

光緒二十四年九月二十二日(一八九八年十一月五日)

濟南。撫憲、洋務局憲鑒。撫憲箇電謹悉。拳民爲首趙洛珠，實於十九日散歸，餘黨亦散。獨廣平素不安分之拳民姚洛奇，即慫恿趙拳者，心懷怏怏，仍常與伊黨聚會，並有伊滋事仍是趙拳之意。故又脅同黨勾匪類，於二十日赴紅桃園殺燒滋事。數探皆如此說，曹令來函亦略同。仍俟其訊明犯供再稟。現在匪散走。壽朋。馮。

(山東巡撫衙門檔)

一七六 張汝梅爲姚洛奇已獲事致裕祿電

光緒二十四年九月二十三日(一八九八年十一月六日)

天津。制台。壽帥台鑒。兩奉箇電，當即轉飭遵辦。頃據冠縣電稟，會同飛虎等營，追匪至沙柳寨，將首犯姚洛奇拿獲，並獲從犯及格斃多名。謹電聞。○○。漾。印。

(山東巡撫衙門檔)

一七七 裕祿爲詢問拳民餘黨已否解散事致張汝梅電

光緒二十四年九月二十三日（一八九八年十一月六日）

山東。撫台。張翰仙中丞鑒：漾電敬悉。冠縣拳匪經東省營縣追獲首從各犯，甚以爲慰。餘黨已否解（散），仍望時電示。祿。漾西。印。

（山東巡撫衙門檔）

一七八 張汝梅爲拳黨已散仍請會同彈壓事覆裕祿電

光緒二十四年九月二十四日（一八九八年十一月七日）

天津。制台。壽帥台鑒：漾電敬悉。拳黨已散。仍請飭營印會同彈壓保護，免再滋事。○○○。敬。印。

（山東巡撫衙門檔）

一七九 張承燮等爲日照縣發生教案事致張汝梅等電

※光緒二十四年九月二十九日（一八九八年十一月十二日）

急。濟南。各大憲鑒：頃據日照縣何姓民人到電局稱，因縣屬西南百里之汪岩地面民教不和，有

數百人與洋人爲難，已將教民傢具毀壞。等語。要電青島德署求救。卑職文林未與發電，囑令回日求縣彈壓。卑職承燮現派赴日往探虛實，未敢預定。事關大局，合飛電聞。卑職承燮、文林。諫稟。

(山東巡撫衙門檔)

一八〇 洋務局爲速轉令日照了結教案事覆張承燮電

光緒二十四年九月二十九日(一八九八年十一月十二日)

膠州。張鑒：諫電悉。奉帥諭：速轉日照，趕往汪岩彈壓解散，嚴懲爲首及滋事之人，安撫教民，勿任釀成大案。毀壞傢俱，務令教民開呈實單，速爲了結，以杜轉轆。仍速電復洋務局。鑿。

(山東巡撫衙門檔)

一八一 張承燮爲已飛轉日照速辦教案事致洋務局電

※光緒二十四年九月三十日(一八九八年十一月十三日)

濟南。洋務局憲鑒：鑿電謹悉。遵星夜飛轉，卑州距日三百餘里，前探未回，俟再電聞。乞稟帥座。承燮。陷稟。

(山東巡撫衙門檔)

一八二 張汝梅爲十八魁內閩士和等兩名已獲事咨呈總署文

※光緒二十四年十月初二日（一八九八年十一月十五日）

光緒二十四年八月十三日，准兵部火票遞到貴衙門咨開：光緒二十四年七月二十五日，准法國畢大臣照稱，山東梨園屯一案，洪守辦理可斥，因請撤去。張道曩時思「恩」政，民教相安，至今期該望員再補原缺。飭拿首犯一層究竟如何辦理，總俟接到文內開此案要犯緝拿如何懲辦情形，方能作爲了結。等因。當經本衙門復以張上達甫經奏准開復原官，赴東差委，能否仍補原缺，刻難懸擬。至嚴拿首犯，自係教案內應辦之事，無不認真究辦之理。先行照復在案。相應抄錄往來照會，咨行撫院飭屬查照辦理，仍將辦理情形咨復本衙門可也。附鈔件。等因。到本部院。

據此，查法使所稱張道上達一節，業經貴衙門先行照復。至拿犯本係應辦之事，迭經轉飭嚴緝去後。

嗣據冠縣稟報：先後拿獲單開十八魁內閩四妮即閩士和、閩書堂兩名。雖供稱閩書勤等前向教民構釁等並無隨同滋事，究未便任其狡避，業經飭府提訊。一經審（明），即咨請貴衙門照會法使，自可照例擬辦。已飭催該府趕緊研訊，確切錄供詳報，再行咨請照會，以期教案了結。

至於張道上達罷職，非因教案。現奉旨開復，交東省差遣，尚未前來。其補缺一層例有定章，以後若有缺出，必須合例方能敘補也。

茲准前來，除將火票飭發臬司照例造報外，合將該縣原送該犯等供摺，先行照錄咨呈。爲此咨呈貴衙門，謹請查照施行。

（總理各國事務衙門檔）

附件：冠縣呈送閻士和與閻書堂供詞清單

謹將拿獲卑縣梨園屯與教民構衅滋事之十八魁內要犯閻四妮供詞，理合開摺呈電。
計開：

據閻四妮即閻士和供：冠縣河北梨園屯人，年三十五歲。父親閻兆魁年七十八歲，母親戴氏年五十九歲，哥子閻士杰，別沒親屬。小的平素爲人佃種地畝度日。從前曾給十八魁們跑腿借貸蓋碗，原是有有的。小的並沒合十八魁們去合教民滋事，也沒做過爲匪不法的事。是實。

謹將續獲卑縣梨園屯與教民構衅滋事之十八魁內要犯閻書堂供詞，理合開摺呈電。
計開：

據閻書堂供：河北梨園屯村人，年四十二歲。父親閻有信年六十八歲，母親已故，二胞弟閻書勤年三十九歲，三胞弟閻書儉年三十七歲，別沒親屬。去年三月裏，兄弟閻書勤合馬廷鳳、高小麻們，因保

護廟宇、阻修教堂，合教民滋鬧，今春又合教民滋鬧，小的都是知道的。小的並沒有幫同兄弟闖書勤們在一處滋鬧的事。因奉差拿，小的就逃往直隸平鄉縣境內避匿，不料就被差役批緝到彼，查拿捉獲，送交鄉平〔平鄉〕縣轉解到案的。今蒙堂訊，把小的鐐銬收禁，求恩典。是實。

（總理各國事務衙門檔）

一八三 張汝梅爲日照教案已飭查辦事致安治泰電

光緒二十四年十月初三日（一八九八年十一月十六日）

阿城送安主教：來電悉。已於前日飛飭該府縣速查辦。張○○。江。印。

（山東巡撫衙門檔）

附錄：安治泰爲德教士在日照縣被虜事致張汝梅電

※一八九八年十一月十六日（光緒二十四年十月初三日）

濟南。撫憲：薛、夏二位教士在日照縣被虜，求大人快辦。安主教。

批：已於前日飛飭查辦，再札詢該府查明，作速稟報。並將起費原〔緣〕由一並查明即行。

（山東巡撫衙門檔）

一八四 張汝梅爲薛教士已尋獲事致安治泰電

光緒二十四年十月初四日（一八九八年十一月十七日）

阿城送安主教：據沂州府稟，日照教案該府已馳往拿辦，薛教士亦已尋獲。特電聞。○。支。印。

（山東巡撫衙門檔）

一八五 張汝梅爲梨園屯教案辦有端倪請照會法使允結事咨總署文

※光緒二十四年十月初四日（一八九八年十一月十七日）

案據洋務局彭道虞孫、潘道延祖會詳稱：案查東昌府冠縣梨園屯地方民教相爭廟基一案，迄今二十餘年，屢結（屢）翻，總未允服。光緒十八年，教民在該屯廟基上興建教堂，慮及百姓攔阻，遂以梅花隊阻工謀叛爲詞，向冠縣投遞信函。因此羣情不服，前往教堂理辯。教民見人多勢衆，閉門不納，並上房拋擲磚石，開放洋鎗，致激衆怒（怒），羣起相設（攻），以致互有受傷。越日，教民王太清斃於直隸威縣境內，經威縣驗明通報。卽經東昌府督飭冠縣協緝正兇，並經該府洪守用舟，傳集該莊教民王太和、王金鈴等九名。訊據王大（太）和供稱：曾領過楊教士修堂銀二百兩，其家亦失少京錢二百千文，連其餘失物，統共約合京銀（錢）一千串。此梨園屯教案起衅之實在情形也。

上年冬，職道等奉委辦理全省洋務事宜，以此案最爲棘手。卽飭局員前安徽在任候補直隸州蕪湖縣知縣王萬姓、候補知縣余則達等，會同該府縣妥爲辦理去後。該員等機宜洞悉，勞瘁不辭，對教士則據理力爭，勸鄉愚則淚隨聲下。用能解散梅拳之衆，不與教士爲仇，廟基仍判歸教堂，教民已悉還鄉。并該主教馬天恩以該員等辦理平允，情願將原索賞款二萬金讓還一萬，僅索一萬，業經由該府縣如數

籌出，交付該堂。

至拿辦首禍之人，尤屬不遺餘力。節據該印委稟報，已緝獲閻四妮、閻書堂兩名，稟蒙批飭東昌府提案究訊。其餘人犯，現仍按名晒緝，總以盡獲爲程〔要〕。此職道等奉委辦理洋務後，辦理梨園屯教案之實在情形也。

伏思該主教所索各節，均經辦有端倪，該屯明〔民〕教亦已相安無事，可否仰懇咨請總理衙門，照會法使先將此案允結。嗣後惟有拿犯一事。該印悉〔委〕心力專一，奏功較易，似於民教均有裨益。是否有當，理合詳請鑒核，批示祇遵。等情。到本部院。

據此，除批：據詳已悉。查梨園屯鬧教一案，事經二十餘年，屢結屢翻，今始辦有端倪，民教相安無事。該局員王令萬姓等經理洋務，深得機宜。應候咨呈總理衙門，照會法使先將此案允結。至逸犯雖獲兩名，餘犯仍應拿辦。仰卽轉飭該縣，趕緊比緝，務獲解究爲要。繳。等因。印發外，相應咨呈。爲此咨呈貴衙門，謹請查照。俯賜照會法使，先將此案允結，並賜覆施行。

（總理各國事務衙門檔）

一八六 總署爲奉旨著彈壓防範拳會事致劉坤一等電

光緒二十四年十月初六日（一八九八年十一月十九日）

南京總督、山東巡撫：奉旨：直、東邊境拳民時與教民爲難，隱患甚鉅。茲據裕祿電稱，廣平拳民姚

洛奇於冠縣、威縣一帶勾匪鬧教，業經拿獲審辦。該黨結會衆多，一旦藉端滋事，勢將不可遏抑。著張○○密飭地方文武加意彈壓，隨時防範，以弭釁端。仍著裕祿將撫恤保護一切事宜妥籌辦理，毋稍大意。欽此。魚。

批：即將此次直境拳民無端滋鬧教堂，焚殺東境教民，由冠縣曹令帶同防營追拿。拳民拒捕，先開鎗砲，傷勇多名。經各隊擊散，將爲首姚洛奇當場拿獲，並拿獲某某名，由縣訊明稟報。已飭將姚洛奇正法，並將被害教民查明，妥爲撫卹。現均相安。除一切細情諮行外，請先代奏。

(山東巡撫衙門檔)

一八七 張汝梅爲飭查壽光縣民間傳言殺外國人事致李希杰電

光緒二十四年十月初六日(一八九八年十一月十九日)

烟台。登萊道李：接美領事法勒電稱，據報民人嚇言，明日在濰縣、登州及別處，有害外國人，有告示貼壽光，內開貴部院札飭，爲署曹縣。此示不獨引誘，且驚嚇各外國人，理應取去，不然民人發險。因該處一帶民人及官，因此皆有深仇，教士、教民有險。又報壽光縣將各教民之名皆鈔去。平度及昌邑縣亦如此。請速辦理。等語。查該領事電稱情形，殊未明晰。除行登、青兩府分飭查辦並逕行電覆外，請轉詢該領事，明白見覆。○。魚。印。

(山東巡撫衙門檔)

一八八 張汝梅爲壽光縣民間傳言已飭查辦事致美領事電

光緒二十四年十月初六日（一八九八年十一月十九日）

烟台。美領事：來電悉。已分飭查辦保護。○。魚。印。

（山東巡撫衙門檔）

一八九 曹倜爲姚洛奇已正法事致洋務局電

光緒二十四年十月初六日（一八九八年十一月十九日）〔一〕

濟南。洋務局憲鑒：昨倜到臨，頃轉干集，約王直牧次早赴紅桃（園）查議撫卹，偕至冠發稟。姚已正法。乞稟撫憲。倜叩。魚。

（山東巡撫衙門檔）

一九〇 張汝梅爲陳明紅桃園教案情形乞代奏事致總署電

光緒二十四年十月初七日（一八九八年十一月二十日）

北京。總署鈞鑒：承准魚電，奉旨：據裕祿電稱，廣平拳民姚洛奇於冠縣、威縣一帶，勾匪鬧教，業

〔一〕此件原只有日期鈞碼，其年月係根據前後有關文電判定。

經拿獲審辦。著張○○密飭地方文武，加意彈壓，隨時防範。等因。欽此。

查此次直境拳民姚洛奇，無端勾匪數百人來東境，殺斃教民二名，受傷一名，並焚燬房屋、衣物。當經飛飭署冠縣令曹倜會營追拿，該匪放槍拒捕，轟傷勇役多人。被該營縣併力擊散，當場擒獲首犯姚洛奇及張連玉等七名。經縣訊明稟辦，已批飭將姚洛奇先行正法，餘犯另訊嚴辦。其焚殺房屋、教民各節，亦已飭臨清州會縣查明，妥為撫卹。地方現已一律安靖。

除將查辦一切情形另行咨呈外，乞先代奏。○○謹肅。虞。印。

(山東巡撫衙門檔)

一九一 總署為希飭濰縣先准德人鑽煤事致張汝梅電

※光緒二十四年十月初八日(一八九八年十一月二十一日)

山東巡撫：濰縣鑽煤，照會德使轉飭停工。茲據照稱，開礦須先鑽煤，若俟章程議定再辦，未免耽延。現招華商合股，並隨事小心，免再傷人。仍請飭縣無庸攔阻。等語。希飭該縣照約准行。虞。印。

(山東巡撫衙門檔)

一九二 李希杰為查詢壽光縣民間傳言情形事覆張汝梅電

光緒二十四年十月初八日(一八九八年十一月二十一日)

濟南。撫憲鈞鑒：密。初七奉魚電諭敬悉。適值禮拜，本日刻往晤美領事。據稱，因壽光縣出示，

內稱奉憲札：曹縣知縣凌備稟到任日期，並另稟與教士福若瑟詳言教民作惡，與民結仇，倘事起倉卒，雖欲保護而不能。等語。張貼示諭。該處教士因有地方官不能保護之語，遂致驚惶。先是該處謠傳，從教內有康黨，聲言驅逐，並云殺一教民得賞四十貫。此時適該縣出示，又值該縣密查從教人數，驚嚇情形遂由此起。

職道告以查明從教人數，乃總署行查明具報，以便保護。曹縣之稟乃撫憲通行，決非壽光一處。該縣出示訪拿造言殺教民得賞之人，以安衆心。至欲查從教人數，儘可明告教士，開具姓名，較之密查尤爲得實。並云從前民教極相安，此時人心惶惑，乃壽光出示之過。平度、昌邑交囑查從教人數，致有驚惶。等語。此轉詢該領事之情形也。

謹稟聞。職道希杰稟。齊。印。

（山東巡撫衙門檔）

一九三 總署爲紅桃園各案已飭查明專致法使照會

光緒二十四年十月十一日（一八九八年十一月二十四日）

光緒二十四年十月初六日，准照稱：山東梨園屯教案，迄今未將十八魁首犯拿獲。山東迤北馬主教就近函催，均未措辦。僅拿十八魁兩人，均非首要。其負咎之吉道、洪守仍任原職，與冠縣知縣曹倜一味搪塞。九月二十日，梅花拳與十八魁匪，將冠縣紅桃園教民殺斃三名，房屋被燒若干。並將小李

固教堂與配房共燒燬八間。陳家莊教民一家房屋，均被燒燬。並由直隸步主教函告，直屬鄰近地方，住有教民處所，亦有滋擾燒屋情事。希將上開三員撤換，並將冠縣教案妥洽了結。張道上達屢辦教案，均能持平，目下似宜用之，自能從速往辦。等因前來。

查梨園屯案，屢經本衙門催令東撫妥辦，並認真拿犯爲教案應辦之事，照會貴大臣在案。本月初二日，已據東撫咨稱，先後拿獲單開十八魁內閻四妮即閻士和、閻書堂兩名，趕緊研訊確切錄供。等語。是此案已經獲犯，不難就犯根究，早日結案。其吉道、洪守暨冠縣曹令，既已拿獲案犯，未便遽行撤換。至張道上達，已奉旨開復原官，赴山東差委。是該道業經錄用矣。

除由本衙門仍催東撫迅賜將梨園屯一案就已獲兩犯根究辦結，并紅桃園各案亦飭分別查明，再行照復外，相應先行照會貴大臣查照可也。

(總理各國事務衙門檔)

附錄：法使爲紅桃園教案請將吉道等撤換事致總署照會

※一八九八年十一月十九日(光緒二十四年十月初六日)

山東梨園屯教案，本大臣於本年七月二十五日，文商辦結。於七月三十日，接准貴王大臣照復，內開：嚴拿首犯一節，自係教案內應辦之事，東撫亦無不認真究辦之理。本衙門咨催該省，俟緝獲首犯再行照會。等因。到本大臣。

迄今已閱兩月有餘，而貴署仍未將十八魁首犯拿獲懲辦之事知照前來。且計貴王大臣咨行東撫，東撫轉飭梨園屯一帶遵照，均數日內可至，當可要犯刻即捕獲。蓋十八魁匪首姓名住處，地方官素所熟知。亦經本大臣早於五月二十七日照會，附將清單列送查收。然茲接山東迤北馬主教稟呈，足見東撫將此案應辦以資妥速了結之各事宜，雖經主教就近函催辦理，均未措辦。僅拿十八魁兩人，一係閻四妮即閻士和者，而均非首要，是案仍懸未理。其案出負咎之吉道、洪守，經本大臣請予撤開，仍任原職，與冠縣知縣曹侗一味搪塞，不令將匪加以威力懲處。是故教民復遭荼毒不絕，本大臣亦無從詫異。

據馬主教來信稱：九月二十日黎明，梅花拳與十八魁匪，將冠縣之紅桃園教民殺斃三名，房屋被燒若干。並將小李固教堂與配房，共燒燬八間。並陳家莊教民一家產房（房產），均被燒燬。等情。並由直隸迤南步主教函告，直屬隣近地方，住有教民處所，亦有滋擾燒屋情事。等語。

似此局勢，斷不忍其綿長。山東巡撫接收貴署飭令，既不為遵行，並縱吉道、洪守、曹縣阻滯，不令舊安復修教案妥結。本大臣為此照會貴衙門，希即專奏請將上開三員撤換。並飭下將冠縣一帶各教案，即行設法妥洽了結。如此委辦了事。前因張道上達屢辦教案，均能持平，並令民教相安，目下似宜用之，以期得力。查張道已回山東，自能從速前往辦理。至貴王大臣倘不肯具奏，本大臣則以為意在久擾山東迤北及直隸連界境內教堂、教民。即當請我國家將此案與四川、廣東各巨案，併向中國國家索報將事可也。

一九四 總署爲薛田資在日照被擒希速查辦事致張汝梅電

光緒二十四年十月十二日（一八九八年十一月二十五日）

濟南。撫台：德使照會，據安主教聲稱，該國教士薛田資同教民一名，在山東日照縣境被賊擒去。等語。此事如確，必多膠轕。希飭迅速查辦，設法將教士覓獲。即電復。文。印。

批：即據沂州府稟，此案已辦結，現民教相安。

（山東巡撫衙門檔）

附錄：德使爲薛田資在日照被擒事致總署照會

※一八九八年十一月二十五日（光緒二十四年十月十二日）

頃據本國安主教聲稱：有德國教士薛田資者同教民一名，在山東日照縣境內被賊擒去。等語。本大臣接閱之餘，曷勝詫異。應即照會貴王大臣立即電飭該省，設法將該教士等釋放，並飭查明辦罪。此事原屬意外，容俟接到詳細情形後，本大臣再行照會貴署。爲此照會。

（總理各國事務衙門檔）

一九五 張汝梅爲陳明日照教案查辦情形事致總署電

光緒二十四年十月十三日（一八九八年十一月二十六日）

北京。總署鈞鑒：文電敬悉。查薛田資被日照縣民架去，前已迭飭該府縣查辦。現據沂州府稟，

薛田資找回之後，日境何姓又與滿堂峪教民爲難，並在莒州境將美教士方偉廉圍住。該府立即馳往，督州彈壓解散，押令何姓等將牲物、教堂分別歸還修整，立約完結。該府旋回日照，與該縣會同福總教議明，責令莊衆在街頭修建教堂，追還教民失物，由縣公立合同，籤押完案。薛田資已回青島。並查明夏教士及教民均無被擄情事。現在民教相安。等情。

除再飭將滋事之人嚴拿懲辦，並另行咨呈外，謹先電聞。○○謹肅。元。印。

(山東巡撫衙門檔)

一九六 王壽朋爲陳明紅桃園教案撫卹情形事致洋務局電

光緒二十四年十月十三日(一八九八年十一月二十六日)〔一〕

濟南。洋務局憲鑒：阮電謹悉。今日與傳教(士)商定撫卹教民房屋、衣物及殺兩命、傷一人，包在〔三〕京錢三千串文亦商定。惟教堂房屋十六間未電主教，却有函交州附寄，得復再議，並云決不致訛。壽朋。元。

(山東巡撫衙門檔)

一九七 總署爲薛田資案應向安治泰切實商結事致張汝梅電

光緒二十四年十月十五日(一八九八年十一月二十八日)

〔一〕 此件原只有日期韻碼，其年月係根據前後有關文電判定。
〔二〕 原文如此。

山東巡撫：元電悉。海使照稱，據安治泰電，薛田資身體刺傷無數，肋臂打破。非由官唆使，即保護不力。即電本國請示。等語。意在要挾。希查明酌恤，向安治泰切實商結取據，紋海〔一〕藉口。仍查拿滋事之人，並電復。咸。印。

批：已由該縣與福立具合同了結。

（山東巡撫衙門檔）

一九八 張汝梅爲薛田資並無重傷已回青島事致總署電

光緒二十四年十月十六日（一八九八年十一月二十九日）

北京。總署鈞鑒：咸電敬悉。查此案前據安治泰面稱，薛田資傷重臂斷情形。當經飭據沂州府稟，薛田資僅止髮膚稍有微傷，手足舉動如常，週身無恙，爲福副總教所親見。已先由該府縣與福副總教切實議結，公立合好合同，簽字互換，存執完案。薛田資回島時，又經該縣從豐致送程敬，薛田資已欣然收領，毫無異言。等情。則是案已結清。而安治泰始稱手臂折斷，現又云肋臂打破。核其情詞，前後自相矛盾，自係訛聞所致。

茲准前因，除仍飭令照議趕將教堂失物分別修建、追還，並拿辦匪徒外，特電復。○○謹肅。銑。印。

（山東巡撫衙門檔）

〔一〕原件此處有眉批：「紋海二字疑誤」。按據前後文，似應爲「絕海藉口」。

一九九 總署爲德使欲在兗州建堂希相機辦理事咨張汝梅文

光緒二十四年十月十七日（一八九八年十一月三十日）

光緒二十四年九月三十日，准咨稱：教士薛田資聲稱，鉅野縣教堂擬不用敕建二字，其奉有敕建字樣移建兗州府教堂。殊與原案不符，是否與海使訂議，查照迅覆。等因前來。

查本衙門於曹州鉅野教案辦法，與德國海使商訂六條，曾於上年十二月十二日照會海使在案。茲准前因，查閱六條內第二款、第三款，內開：中國允給濟甯教堂工料銀六萬六千兩，匾額用敕建天主堂五字，並將結案奏牘立碑教堂門外，以爲保護之據。又所有被殺教士，中國允於曹州城內及鉅野縣各建教堂一所，一切工料照濟甯教堂辦法。等語。是建堂立匾僅在濟甯州與曹州城內及鉅野縣共二處，並無兗州建堂之說。該教士薛田資輒請將鉅野匾額移建兗州府城教堂，殊與本衙門原訂條款不符。惟德使欲於兗州建堂一事，蓄意已非一日。屢經曉諭，均經本衙門權詞推宕。現在薛田資請移匾額於兗州教堂，自應仍執原約勸阻，最爲妥善。萬一必不能已，該處紳民能否不至梗阻生事，希飭地方官酌度情形，相機辦理，勿釀弊端，是爲至要。

所有原議辦法六條鈔錄附覽〔二〕，仍將酌辦情形咨復本衙門查核可也。

（總理各國事務衙門檔）

〔二〕六條見前，附件從畧。

二〇〇 總署爲薛田資案已立和好合同事致德使照會

光緒二十四年十月十九日（一八九八年十二月二日）

本月十四日，准照稱：教士薛田資被賊捉去，身有傷痕，並將胳膊打破，地方官不能設法弭患。等因前來。

查此事於本月十二日，接准貴大臣來照，本衙門即電飭東撫查照妥辦。嗣於十四日，據東撫電稱：薛田資現已找回，並已回青島，現在民教相安。仍再嚴飭將滋事之人嚴拿懲辦。等語。查此事經該省地方官將薛田資趕緊找回，尚屬認真。本衙門現又電飭東省將滋事人犯嚴密查拿，並將此事妥爲辦結。

正在照復間，又接山東巡撫電稱：前據安主教面稱，薛田資傷重臂斷情形，當經飭據沂州府稟，薛田資僅止髮膚稍有微傷，手足動舉如常，周身無恙，爲福副總教所親見。已切實議結，公立和好合同，簽字互換，存執完案。而安主教始稱肩臂折斷，現又云肋臂打破，自係傳聞之誤。除將飭令照議趕將一教堂修理，失物追還，並拿辦匪徒外，特電復。等語。

相應一併照復貴大臣查照可也。

（總理各國事務衙門檔）

附錄：德使爲日照教案須有所索討事致總署照會

※一八九八年十一月二十七日（光緒二十四年十月十四日）

德國教士薛田資被賊捉去一事，昨於本年十月十二日照會貴署在案。頃接本國安主教電稱：該教士身體間有刺傷無數傷痕，並將胳膊打破。等因前來。本大臣查如此行凶，較去歲於張家莊殺害教士之事相似，不意茲者又有此等無法之事。足可證明雖貴王大臣屢次言明，轉飭各省地方官認真保護教堂、教士，貴國政府總不能令各省凜遵照辦。該地方官不能先行設法弭患，其故係以保護洋人不肯認真，隨意疏懈草率。不然或係地方官密爲唆使匪徒，故有此事。本大臣應即發電報明於本國國家，請訓應如何辦理。並照會貴王大臣言明因此事有所索討，以贖其咎，而爲昭雪各節，本大臣將來再與貴王大臣相商可也。

（總理各國事務衙門檔）

二〇一 總署爲薛田資要挾四端希確查實情事致張汝梅電

光緒二十四年十月二十三日（一八九八年十二月六日）

濟南。撫台：海使交閱薛教士親供稱，被毆傷情形甚重，歸咎知縣，面請昭雪四端，意存要挾。希派妥員確查實情，嚴拿滋事要犯，速電復，以杜口實。又海稱，濰縣聞有毆傷德國匠師事，俟查明再請

辦，先請飭認真保護遊歷德人。等語。希飭辦。漾。印。

(山東巡撫衙門檔)

二〇二 張汝梅爲薛田資實無重傷有福若瑟可證事覆總署電

光緒二十四年十月二十四日(一八九八年十二月七日)

北京。總署鈞鑒：漾電敬悉。查日照教案，早經該府縣與福若瑟議定建堂、拿犯、追還衣物，互相簽約完結。此係按照福若瑟之議，辦理該管教士之案。若如海使所稱，薛田資果受重傷，福若瑟何肯立約？今案已結清，可見薛田資實無受傷情事，有福若瑟親見，並其合同可證。此案先已飭局委查，並由縣照議拿辦要犯。至濰縣匠師受傷，究竟有無其事，亦已飭速查復，實力保護。○○謹肅。敬。印。

(山東巡撫衙門檔)

二〇三 著各省將軍督撫調和民教豫杜爭端事懿旨

光緒二十四年十月二十七日(一八九八年十二月十日)

軍機大臣字寄各直省將軍督撫，光緒二十四年十月二十七日，欽奉慈禧端佑康頤昭豫莊誠壽恭欽獻崇熙皇太后懿旨：

近來各省，民教起釁之案層見疊出，總由畛域之見未化，致嫌隙之端易開。不知泰西諸國傳教章

程載在條約，中朝邦交是篤，無不一視同仁。況各處習教教民屬在編氓，皆吾赤子，本不容於膜視。至各國司鐸，傳教遠來，其書具在，雖傳授各有源流，而大旨無非勸善。一切恃符武斷、作奸犯科之事，非惟中法所不宥，實亦西教所不容。即如此次江西楊恭宸謀逆一事，舉發者即出自教堂，可見秉正嫉邪，人同此心，心同此理。朝廷即將教士劉在鐸破格加恩，以示大公無私。此後惟願中外一家，詐虞悉泯。用特詳加申諭：嗣後各直省地方官吏，務當仰體此意，隨時勸導，豫杜爭端，凡事總宜持平辦理，不得因教民而有歧視之心。為教民者，亦不可自為立異，尤當尊敬官長，和睦鄉隣，常以力行善事為務，庶不負國家教養之澤與各教士勸人為善之本心。

深宮胞與為懷，不惜開誠宣示。該督撫等即恭錄此旨，通飭所屬，遍行曉諭，務使紳耆士庶咸明斯義，教民無倚勢作威之心，平民亦無此疆彼界之見，庶幾民教可以永遠相安，海內共享安全之樂，當亦爾士民等所深願也。將此由四百里各諭令知之。

欽此。遵懿旨寄信前來。

(上諭檔)

二〇四 張汝梅為沂水縣查無監囚西人事致德提督電

光緒二十四年十月二十八日(一八九八年十二月十一日)

青島。德提督羅鑒：頃據沂水縣稟，該縣派人四鄉查訪，並無西人人境被土人監囚，及跟役打斃情

事，現在民教相安。等語。除飭隨時保護外，特電聞。○。儉。印。

(山東巡撫衙門檔)

附錄：德督爲請查沂水縣有無西人被困事致張汝梅電

※一八九八年十二月二日(光緒二十四年十月十九日)

濟南。撫部院張鑒：風聞沂水縣境內有西人二名被土人監困，跟役亦被打斃。應請貴部院速電查明是否實有其事。如屬德人，請飭速放並飭保送。仍祈電復。除電知濰縣外，合電查照。青島德督羅紳達電。

(山東巡撫衙門檔)

二〇五 總署爲濰縣毆辱德兵希查辦事致張汝梅電

光緒二十四年十月二十九日(一八九八年十二月十二日)

濟南。撫台：出使大臣電稱，德外部言，德兵二人偕兩華人由青島赴濰縣勘路，華民將德兵毆辱，華人〔毆〕斃。沂案未結，又出此事，德主甚怒。請囑東省出示切實保護，嚴拿兇犯。等語。此事德使海電彼國，諒非無因；何以徑電云並無其事？希再嚴切查辦爲要。豔。印。

批：行查。

(山東巡撫衙門檔)

二〇六 總署爲日照教案各款除撤知縣外均可照允事致德使照會

光緒二十四年十月二十九日（一八九八年十二月十二日）

光緒二十四年十月二十三日，准貴大臣面交說帖一件，內係聲敘山東教士薛田資，於日照縣街頭村地方被匪捉去，自九月二十六至二十八等日，歷被該匪攻擊，撕破衣服，身受重傷，難期痊愈。所具之結，實係出於勉強。等情。並將昭雪辦法四條，開送前來。當經本衙門電行山東巡撫確切查明辦理電復去後。

旋准復稱：此案早經府縣按照福若瑟之議，建堂拿犯，追還衣物，互相立約完結。現已由縣照議拿辦要犯。等因。

本衙門查福若瑟係山東總教士，薛田資受傷輕重，該教士曾經親見，其所議自必公允，已足昭雪。貴大臣所擬辦法四端內，第二段、第四端與福若瑟之議相同，已經照約辦理。第三端賠禮一節，當再行知山東巡撫飭屬照辦。至日照縣知縣未能防範於先，固難辭疏忽之咎；惟念該縣事繁人衆，一時不及兼顧，尚有可原。且於聞信後，立即設法我〔找〕回，亦未便沒其保全之力。平情而論，功過足以相抵。且以後建堂之事正資照料，該縣自必格外小心，若必予以處分，未免過當。此一節還請貴大臣和平相諒，將該縣從寬免議，以昭平允而敦睦誼。想遵意亦必以爲然也。

附錄：德使遞薛田資所供被擒情形及應行昭雪辦法說帖

※一八九八年十二月六日（光緒二十四年十月二十三日）

德國教士薛田資在青島面稱：九月二十五日，本教士至街頭村地方，意欲於次日前往諸城縣。不意二十六日早遽聞人云，街頭山內有人專待，意欲傷害於我。本教士當即派教民數人前往詢問，並囑其設法說合。乃教民初至山中，俱被匪徒拿獲。當時匪徒即至街頭村地方，本教士趕緊藏避於草舍之中，乃藏避未久，遽有二三十人均至草舍。教士即向伊等詢以何故如此，並以好言相勸。匪徒置若罔聞，遽爾用手按教士之髮於地，即將本教士衣裳撕破，並用刀、棍、長槍等物，刺而兼打，當下即重傷十五處。又將本教士鬚髮全行用手拔盡，然後用繩將兩手倒捆，強令我赴村外。及至村外，始見伊等預備繩、棍等物，其欲令我懸梁自盡。乃忽又將我手足合而拴之，如此情形，竟有一點鐘之久。後又經一匪徒用刀意欲將本教士之皮膚全行剝盡。久之，忽又將繩子解去，令本教士隨其令「至」一小廟中。當時前赴小廟時，路間猶有多人攻擊。及至小廟後，不准本教士穿衣，強令直立許久。至下午四點鐘，始令我入屋，又用繩鎖拴固，然後過夜。次日二十七日，本教士身體痛不可言，匪徒又強令我往山上之廟中。及至山上廟中，本教士已痛極，不醒人事。後至十點鐘，心中始覺稍明，匪徒又用繩將我繫上，亦係令我懸梁之意，此事未成。當經本地知縣派人，偕同匪徒令本教士復至街頭村，強令我出具切實議結。結中我已言明，此結並非出於情願，實於出於勉強。後至二十八日下午兩點鐘，始行釋放。

我思此事必係事先均已夥同一氣，定妥如此辦理。後經青島施醫院醫官云，薛教士性命難「雖」可保全，惟受傷太重，不知果能痊愈否，該教士暫在醫院調理。等語。

德國薛教士在山東日照縣境內被賊捉去身傷，應行昭雪辦法：

一、(日)照縣知縣應行革職。一、滋事人犯應嚴懲辦。一、薛教士應護送到滋事地方，該地方居民等均當面賠罪。一、將來在該地方修理教堂，地方官應盡力相幫。

(總理各國事務衙門檔)

二〇七 總署爲德使請飭保護路礦工程師事致張汝梅電

光緒二十四年十一月初四日(一八九八年十二月十六日)

山東巡撫：海使照稱，山東擬辦礦路，各德國公司訂現派工程師數人前往勘驗，以備開工，均歸總監工錫樂巴領帶，請轉致飭下保護。等語。希即轉飭各該地方官，俟該工程師等勘驗到時，務須照約保護爲要。 豪。印。

(山東巡撫衙門檔)

二〇八 張汝梅爲濰縣查無毆辱德兵事覆總署電

光緒二十四年十一月初四日(一八九八年十二月十六日)

北京。總署鈞鑒：前奉艷電，據濰縣稟稱，該縣僅有德商斯美德、葛勒梅、柏勞米三人，均經妥爲保護。至縣境華民毆辱德兵、毆斃華人一案，迭次詳細訪查，並向寓濰德人切實盤問，委無其事。等語。查此案上月十九日，准青島德提督電開：風聞沂水縣境，有西人二名被土人監困，跟役打斃。如屬德人，請飭保送。等因。當卽飭據沂水稟報，查實無其事，業經電復德提督在案。出使大臣所述之言，或係因有德提督風聞一說，遂致疑爲此案，亦未可知。惟德外部稱，德兵等由青島赴濰勘路，未經指定行至何處，尚恐事在中途，現又通飭自青島至濰縣經過各屬，挨次確查，俟得復再行奉聞。茲據前情，合先電復。○○謹肅。支。印。

（山東巡撫衙門檔）

二〇九 張承燮爲德員顧乃斯在諸城縣被搶事致張汝梅電

光緒二十四年十一月初十日（一八九八年十二月二十二日）

濟南。大憲鑒：頃奉本府札詢，境內有無德兵赴濰被毆，飭稟。等因。遵查卑境向無其事。惟初七日，有德員顧乃斯由諸城來膠，云在諸境被搶。卑州當派人護送回島矣。謹聞。承燮。蒸稟。批：卽據電札問諸城縣，據實查明速稟復，作速拿犯，勿延取咎。並札行該府。

（山東巡撫衙門檔）

二一〇 張汝梅爲頒發保護洋人告示事致李芳柳電

光緒二十四年十一月十一日（一八九八年十二月二十三日）

青州。李太守：頃接英領事電稱，近聞青州府人心搖亂，途言訾毀洋人。月內學院接臨，士子齊集，難保無虞。等語。希將本署發去告示分發，遍貼曉諭，妥爲開導彈壓保護。○。真。印。

（山東巡撫衙門檔）

附錄：英領事爲青州訾毀洋人希飭保護事致張汝梅電

※一八九八年十二月二十三日（光緒二十四年十一月十一日）

濟南。撫院張鑒：照（得）本領事近聞青州府人心搖亂，途言訾毀洋人。旋聞月內學院按臨考試，士子齊集，難保無意外之虞。祈撫院出示嚴禁生童軍民人等滋事，以保洋人產業，實爲公便。並望電覆。煙臺英領事金電。

批：卽電復已刻發告示遍貼曉諭，並行知青州府妥爲保護開導。卽電行青州。

（山東巡撫衙門檔）

二一一 總署爲美使稱沂州教堂危險希速保護事致張汝梅電

光緒二十四年十一月十三日（一八九八年十二月二十五日）

濟南。撫台：美使稱，接煙領電，沂州曹莊打毀教堂，天主教德教士二人受重傷，存亡未卜；耶穌教堂亦危險。領事業請派兵彈壓，恐兵少不濟事，請速電設法保護。卽希迅飭派出之兵妥爲保護，並電復。元。印。

（山東巡撫衙門檔）

二二二 張汝梅爲已飭確查曹州有否教士被害等事致美領事電

光緒二十四年十一月十三日（一八九八年十二月二十五日）

煙台。美領事傅鑒：來電悉。東省並無義州地方。曹州教士被害是否屬實，已飛飭確查妥辦，並嚴拿匪犯，切實彈壓保護。○。元。印。

（山東巡撫衙門檔）

附錄：美領事爲請飭保護沂州教堂事致張汝梅電

※一八九八年十二月二十四日（光緒二十四年十一月十二日）

濟南。巡撫鑒：據義〔沂〕州美教士電稱，有匪徒將犯義〔沂〕州教堂，業經曹州兩天主教士已被殺害。祈部院速電飭各屬加以保護人產，免生他端，實爲公便。並望電復。美領事傅電。

（山東巡撫衙門檔）

二二三 張汝梅爲飭查曹州教士是否被殺事致邵承照電

光緒二十四年十一月十三日（一八九八年十二月二十五日）

曹州。送邵太守鑒：據煙台美領事電稱，曹州兩天主教士已被殺害，祈飭各屬加意保護人產。等語。查教士被殺是否屬實？事關人命，亟應由府飛飭所屬迅速查明，設法妥辦，並嚴拿匪犯，切實彈壓保護，勿稍刻延致成巨案爲要。○。元。印。

（山東巡撫衙門檔）

二二四 彭虞孫爲請示日照教案定議事致張汝梅電

光緒二十四年十一月十四日（一八九八年十二月二十六日）

濟南。撫憲鑒：日照事與安晤商四次，竭力辯論，恤款減至貳萬伍千兩，不能再將八減。安立等定議起程，乞速電示遵。虞孫謹稟。寒。印。

批：復。卽照數定議。

（山東巡撫衙門檔）

二二五 張汝梅爲日照教案卽照數定議事覆彭虞孫電

光緒二十四年十一月十四日（一八九八年十二月二十六日）

濟寧送兗州。彭觀察鑒：寒電悉。卽照數定議，全案了結。○。鹽。印。

(山東巡撫衙門檔)

二一六 張汝梅爲已加派馬隊赴沂州保護事致美領事電

光緒二十四年十一月十四日(一八九八年十二月二十六日)

煙台。美領事法鑒：來電悉。現又加派馬隊三哨前往彈壓，嚴拿匪犯，並飭該府縣暨城守兵丁，一體妥爲保護。○。鹽。

(山東巡撫衙門檔)

附錄：美領事爲催兵前往沂州事致張汝梅電

※一八九八年十二月二十六日(光緒二十四年十一月十四日)

濟南。巡撫鑒：兵何時從濟南起身赴沂州？有多少？該處兵丁過少，不敷彈壓。沂州只有一百兵，如部院尚未加該處護城守兵，務請立即多派兵丁前往。現在事務狩闖，迅速嚴辦方能了事。美領事法電。

批：復以又加派馬隊三哨前往彈壓，並札該府城守兵丁一體妥爲保護。

又批：卽派李福雲帶三哨馬隊前往。

(山東巡撫衙門檔)

二二七 張承燮爲日照縣土山總堂被搶事致張汝梅等電

光緒二十四年十一月十四日（一八九八年十二月二十六日）

濟南。院、司、道、局憲鑒：頃准德副主教福若瑟告知，日照在「土」山總教堂被搶，云禍甚烈。事關大局，實否謹聞。承燮。寒稟。

批：據電飛札日照縣查明有無其事，作速稟復。札行蘭山縣查明有無其事，速稟復。

（山東巡撫衙門檔）

二二八 彭虞孫爲日照縣土山莊有教案請派隊保護事致張汝梅電

※光緒二十四年十一月十五日（一八九八年十二月二十七日）

濟南。撫憲鈞鑒：日照土山莊一帶教堂、教民，又有匪徒搶掠情事，並擄去女教士。安主教云，請電稟憲台速爲派隊保護查辦。除飛飭沂州定守親往確查外，虞孫謹電稟。寒。印。

（山東巡撫衙門檔）

二二九 張汝梅爲飭辦沂州打毀教堂事覆彭虞孫電

光緒二十四年十一月十五日（一八九八年十二月二十七日）

濟寧送兗州。彭觀察鑒：寒電悉。昨聞沂州曹莊亦有打毀教堂、殺傷教士情事，已分飭查辦，並派李福雲帶馬隊三哨馳往。希卽速飭該府縣會督勇隊，分投嚴拿匪犯，實力彈壓保護，勿任延誤爲要。
○。咸。印。

(山東巡撫衙門檔)

二二〇 邵承照爲曹縣教士查無被殺事覆張汝梅電

光緒二十四年十一月十五日(一八九八年十二月二十七日)

濟南。撫憲鑒：曹縣現無教士被殺事。仍飭屬確查，並加意保護。照。刪覆。

(山東巡撫衙門檔)

二二一 張汝梅爲已加派馬隊赴沂州日照保護事致總署電

光緒二十四年十一月十六日(一八九八年十二月二十八日)

北京。總署鈞鑒：咸電敬悉。先已加派馬隊三哨，馳赴沂州、日照等處，會同營印切實查辦保護。
特電聞。○○謹肅。印。

(山東巡撫衙門檔)

二二二 張汝梅爲已派馬隊赴日照保護事致安治泰電

光緒二十四年十一月十六日（一八九八年十二月二十八日）

濟寧送安主教鑒：聞日照縣土山莊教堂又有匪徒滋鬧之事，已派馬隊飛往彈壓保護查拿，併飭府縣親往矣。○。銑。印。

（山東巡撫衙門檔）

二二三 彭虞孫爲日照教案已飭遵辦事致張汝梅電

光緒二十四年十一月十六日（一八九八年十二月二十八日）

濟南。撫憲鈞鑒：咸諭謹悉。遵卽飛飭該府縣認真遵辦。街頭案本可議結，因土山事中止，昨已飛陳。虞稟。銑。

（山東巡撫衙門檔）

二二四 總署爲查詢濰縣有無與德人爲難告示事咨張汝梅文

光緒二十四年十一月二十一日（一八九九年一月二日）

濰縣攻打德人一案，先後准貴撫電稱，查無其事。當於德使來署時面告在案。本月十七日，復據

該使照稱，請將濰縣唆使與德人爲難告示撤回。等因。經本衙門復以再爲咨行山東巡撫查明告示，如有違礙，立即撤銷，將該縣嚴行申飭等語去後。

查濰縣所出告示，究爲何事？如果確有關礙洋人之語，自難免德使屢請撤銷告示，並請治該縣之咎。相應抄錄來往照會，咨行貴撫，嚴切查明該縣所出告示如何措詞，有無違礙之處。如果語言失當，即當立飭撤銷，並將該縣嚴行申飭，以示薄懲。仍將該縣告示照錄咨送本衙門，以備查核可也。

（總理各國事務衙門檔）

附件一：德使爲濰縣縣令出示攻打德人事致總署照會

※一八九八年十二月七日（光緒二十四年十月二十四日）

本大臣昨在貴署面談之際，已言及所接駐膠澳巡撫電稱：濰縣知縣現在出有告示，內係唆使居民攻打在該處游歷之德國人。等語。電信內所叙告示之字樣，大概係所有異人此境無本縣，如彼有非禮之爲，仰爾等一體任意拳明律爲辦等字樣〔一〕。本大臣披閱之餘，曷勝詫異。

查中德條約，中國地方官應認真保護在內地游歷之德國人。況現在正有勘驗遵照本年二月十四日專約所造青島濟南之鐵路一舉，不免在濰縣境內來往，工程司人等較多，該知縣本應加倍用心，俾保外來之客人平安無事。昨據貴王大臣自言，該地方居民本來强悍，易於滋事。等語。查該知縣現在膽

〔一〕原文如此。

敢挑唆，實屬糊塗妄爲。若容此等不按本分之官久在其任，難免於附近地方，在青島所駐之德國官兵易於滋事，且於兩國睦誼有損。相應照會貴王大臣，請卽立飭將該知縣撤任。不然青島官兵卽欲干預此事，強令其離任矣。茲仍請轉飭將該告示卽行撤回，並設法認真保護在濰縣來往之德國工程司人等爲要。爲此照會，並希速爲示復。

(總理各國事務衙門檔)

附件二：總署爲濰縣等處並無毆傷德人事致德使照會

光緒二十四年十一月十九日(一八九八年十二月三十一日)

光緒二十四年十月二十四日，准照稱：濰縣出有告示，唆使居民攻打該處游歷之德國人。現在正有勘驗專約所造青島濟南之鐵路一舉，不免在濰縣境內來往，工程司人等較多，該知縣膽敢挑唆，請卽立飭撤任。等因。本衙門當卽電詢東撫去後。

嗣據東撫電稱：濰縣並無德匠師被毆受傷情事，所有赴該縣之德國人，已飭切實保護。等語。本月初二日，貴大臣來署，又復言及此事，並云該處華民有毆辱德兵、毆斃華人之事。復經本衙門電令東撫再行詳查。復據東撫復電內稱：據濰縣稟稱，該縣曾有德商斯美德、葛勒梅、柏勞米三人，均經妥爲保護。至縣境華民毆辱德兵、毆斃華人一案，迭次詳細訪查，並向寓濰縣之德人切實盤問，實無其事。上月十九日，准青島德國提督電開，風聞沂水縣境，有西人二名被土人毆困，跟役打斃。如屬德人，請

飭保護。等因。當即飭據沂水縣稟稱，亦無其事，已經電復德國提督在案。惟德兵等由青島赴濰勘路，未經指定行至何處，尚恐事在中途，現又通飭經過各屬，挨次確查。等語。

查濰縣攻打德國匠師，實已查明毫無影響，自係傳聞之誤。且經東撫切飭該縣保護所有德國人，往來勘路自臻平安，毋庸過慮。

至來照所述該縣告示唆使居民等因，細繹文理，多不可解。想係從洋文來電轉譯漢文，致有錯會之處，實難據此歸咎於該縣。昨又接奉來照，仍欲撤回告示。當再咨行山東巡撫，查明該縣告示究竟如何措詞，如果實有違礙，立即撤銷，並將該縣嚴行申飭。

特此照復貴大臣查照可也。

(總理各國事務衙門檔)

二二五 軍機大臣奏爲請將各將軍督撫一律加以總理各國事務大臣之銜摺

光緒二十四年十一月二十二日(一八九九年一月三日)

臣等面奉諭旨：各處通商省分將軍督撫，均著兼總理各國事務大臣。等因。查現在除通商各省外，其餘省分亦皆有教堂教民及鐵路礦務等事，均須與洋人交涉。臣等公同商酌，擬請將各將軍督撫，一律兼總理各國事務大臣之銜。謹擬明發諭旨一道，伏候欽定，臣等遵奉施行。謹奏。

(上諭檔)

二二六 著各省將軍督撫協同總署認真辦理對外交涉事上諭

光緒二十四年十一月二十六日（一八九九年一月七日）

軍機大臣字寄各將軍督撫，光緒二十四年十一月二十六日奉上諭：

近來各國交涉事件日益紛繁，昨已諭令各省將軍督撫兼總理各國事務大臣，以便因應。此後遇有交涉細故，應就各該省地方情形，斟酌妥協，即行辦理，不得概從延諉。其實在關繫重要事件，必須商明總理衙門方能定議者，亦應隨時據實電咨，切勿含糊掩飾，以致往還轉輾，徒費周章。各該將軍督撫等，身膺疆寄，責在治民，自當以守土為重，愛民為先，不得以孟浪為率作興事之謀，亦不得以推諉為取巧卸責之地。朝廷宵旰憂勞，勤求治理，外省政事，惟疆臣是賴。該大臣等明體達用，慮遠防微，必能共體時艱，仰副朝廷為國為民之苦衷也。將此通諭知之。

欽此。遵旨寄信前來。

鈔交總署。

（上諭檔）

二二七 張汝梅為德人顧乃斯在諸城被搶案已結事咨呈總署文

※光緒二十四年十二月初一日（一八九九年一月十二日）

案據署諸城縣知縣李恒誠稟稱：案蒙撫院札飭，以據膠州知州張牧承燮以德員顧乃斯由諸城來膠，云在諸城被搶等情電稟，飭卽查明稟覆。等因到縣。遵查前奉本府轉蒙撫院札飭，當經卑職以查明卑縣境內十月二十二等日以前，並無華民將德兵毆辱、華人毆斃等情，具稟在案。

茲奉前因，復查德國洋人顧老斯等，在縣境水清溝地方，被賊搶去車上銀錢、衣物一案，係在十一月初一日失事。且洋人顧老斯與同伴陳雲峯、吳兆曾，隨帶僕人陳姓、曾四並馬夫董錫三共有六人外，僱車夫四名。核與前奉札查犯事日期不符，且人數亦有未合。況洋人等小車上銀錢、衣物在水清溝地方被搶，當時車夫閃避，顧老斯等先時騎馬行至枳溝集，相距水清溝已有七里之遙。既（無）拒傷洋人又無毆斃華人情事。

至顧老斯等，前此卑職訊係由沂州府一帶查看煤井，伊聞諸城亦有煤井，故由莒州來此。其實諸邑向無煤井，並非由青島赴濰勘路。究竟前奉飭查德兵赴濰被毆一事，是否德外部等傳聞之訛，抑係另有其事，卑職無從懸揣。除顧老斯等被搶一案，先已勘驗詳稟報外，理合據實稟覆查核。

又另單稟稱：竊德國洋人顧老斯等在卑縣水清溝地方被搶一案，前據地保稟報到縣。當經卑職會營親詣，勘得該處係與莒州交界，查傳地主均係莒州人民，飭差調查地契未到。詢據洋人顧老斯等，謂係當時伊等先已騎馬到縣境枳溝集等候，所有銀錢、衣物係落後小車所載，行至距枳溝六七里地之水清溝地方，不料被人搶去，伊等先不知道，係車夫等趕上告知。等語。詰諸車夫陳姓等，則稱此次賊匪係由莒州途中跟來，伊等推車走至水清溝地方，其時洋人等先到枳溝等候，該匪等四顧無人，卽行上前

搶奪屬實。

卑職查驗確有被搶情形，當經選差分投嚴緝。一面先令洋人等一同回署，令其開明失單。卑職當以案關洋人交涉，若不自行設法料理，恐致有煩憲履。卑職細察情形，洋人顧老斯心尚質樸，所失物件尚屬實情，允其照數賠還。其餘同伴人等均屬華人，半係冒開贓數，與其再三商榷，並詳細開導，業已了結。並將洋人等選撥兵役，親派家丁，先後護送膠州訖。一面選差幹役，勒限嚴緝此案贓賊，務獲究報外，理合附稟查核。

再，此次洋人顧老斯等過境，並無奉到各憲行知，莒州又未先行移會，致卑職無從保護。將來遇有洋人過境，可否通飭各州縣先時移會保護之處，伏祈批示祇遵。等情。到本部院。

據此，查前准貴衙門行查德兵赴濰勘路被毆一案，現據各屬稟報，查明委無其事。惟諸城縣境既有德人顧老斯在途被搶銀物，報經該縣勘訊屬實，並無拒捕傷人情事，照例通報，並已妥爲了結。是德使所指德兵勘路被毆，卽係此案傳聞之訛。

除批飭諸城縣李令比捕勒緝贓賊，務獲究報外，擬合咨呈。爲此咨呈貴衙門，謹請鑒照施行。

（總理各國事務衙門檔）

二二八 劉坤一爲已飭隊往剿牛世修起事事致張汝梅電

光緒二十四年十二月初四日（一八九九年一月十五日）

濟南。撫台翰帥鑒：江電悉。渦陽牛匪倡亂，勢甚猖厥。敝處前據警報，已分電徐州、皖北各鎮道迅速馬步隊馳往援剿。現據報，徐州劉鎮昨已督隊前往。一面復由敝處電催皖北郭鎮，酌調卓勝軍星夜前進，合力會剿，以期早日撲滅。並電致豫省嚴防永城一路，以杜竄擾矣。坤。支。印。

(山東巡撫衙門檔)

二二九 總署爲希即查明沂州近日情形事致張汝梅電

光緒二十四年十二月初五日(一八九九年一月十六日)

濟南。巡撫：德使照稱，煙台領事電稱，沂州境內亂勢紛紛，延及各處。現有匪徒結黨，從莒州至沂州，意欲攻擊外人，請即設法保全德人在山東遊歷以及住止之教士、匠師人等身家。又稱，此次亂事都因日照縣所爲而起，仍請將該員撤任，改派委員。等語。近日情形究竟如何？希即查明酌辦，並電覆。歌。印。

批：作復。將彭道所稟了結日照之案叙明。其莒州、沂水、蘭山等縣，近均民教相安。

(山東巡撫衙門檔)

附錄：美領事爲沂州鬧教事致山東撫院電

※一八九九年一月十二日(光緒二十四年十二月初一日)

沂州府美國教士來電與煙台美國領事云：莒州百姓鼓譟教民，中國馬兵不保護，並有頭目帶領多

人作亂，兵丁亦不拿人。請撫台行知沂州府莒州速拿頭目訊辦。又有沂水北邊百姓繞〔繞〕亂美國教士二人。第壹號，煙台美國領事電。

（山東巡撫衙門檔）

二三〇 張汝梅爲紅桃園各案已辦理了結事咨呈總署文

※光緒二十四年十二月初五日（一八九九年一月十六日）

光緒二十四年十一月十一日，據洋務局詳稱：案據臨清直隸州知州王壽朋、署冠縣知縣曹倜稟稱：竊卑職壽朋於十月初四日，接奉撫憲札飭，以據卑職倜稟，縣屬紅桃園等處，被拳匪放火燒屋，殺斃教民二命，獲犯訊供擬議一案，辦理未能妥協。飭令卑職壽朋馳赴冠縣，會同查明拳匪滋事之處，係何村莊，該教民曾否回歸安業，被燒之家是何姓名，及焚毀房屋、衣物實有若干，應如何撫卹？一併理有頭緒，籌定辦法，分別開單稟辦。並傷斃拳匪，威縣如何相驗？應即移取圖結，一併呈送。等因。卑職倜亦於是日接奉前因。

遵查此案，前於九月十二日，被燒陳家莊教民李長忠等兩家房屋十四間。十六日，被燒小里固教堂房屋七間。二十日，被燒紅桃園教堂房屋九（間），教民朱北爲等七家房屋三十一間半。共六十一間半。曾經卑職倜親詣勘明，飭據團長協同教民，將被燒房屋、衣物及與孫家莊教民馬玉林一家失少衣物等件，開有失單可憑。

二十一日，拿獲匪犯十九名。除羅玉珂、趙太敬、孫可榮、侯鴻恩、宋汝敬、侯春茂、侯立功、侯立生八名，訊明均係良民誤拿，侯立功、侯立生且係教民，均已取保釋放，首犯姚洛奇一名，業已遵批正法梟示外，尚有張連玉、衣鳳雲、張東禮、李奉春、任福祿、賀墨林、李紹春、李凌太、范卓立、侯立極十名，分別禁押。

又二十一日，與匪格鬥〔聞〕，實格傷、格殺多名。當時又專顧追拿逸犯，及獲犯返回，查找屍身，均被移走。僅於鎗火燒燬柴草灰燼內，刨出無名男屍二具，經威縣驗明有案。又教民業已回歸各在案。

奉飭前因，卑職等遵即會同前赴紅桃園、小里固、陳家莊等處，逐一勘明被燒教堂、教民房屋，並向各教民訊明被燒及失少衣物等件，均稱與前開失單相符，並無遺漏。

勘畢後，復同至城內提集各犯。訊據張連玉、衣鳳雲、張東禮、李奉春、任福祿供認，於放火殺人時被脅同行，並未動手不諱。賀墨林等五犯，係於拒捕時路過，致被圍裹在內，並無聽從放火拒捕之事。

卑職等當查教堂及教民被燒房屋，並失少衣物等件，情均可憫，擬請分別給資撫卹。張連玉、衣鳳雲、張東禮、李奉春、任福祿五犯，於放火殺人時隨從同行，殊干法紀。惟據供委係被脅勉從，並非出自本心，情有可原。擬請與拒捕時被裹在內之賀墨林等五犯，分別監禁管押。均俟限滿，察看能否改悔，再行取具的保，稟請核釋。至應如何給資撫卹，以及酌定年限分別禁押之處，另行詳細稟辦。

除嚴緝案內逸犯務獲究報外，所有會同查勘擬辦緣由，理合稟覆核辦等情。到局。

據此，查此案經本局督飭隨辦委員。前安徽候補直隸州蕪湖縣知縣王萬姓、候補知縣余則達，會

同王牧、曹令等妥爲理結，所有辦理情形，均經隨時稟報在案。茲據該牧令稟稱全案了結。除批飭趕緊緝拿各要犯務獲懲辦外，理合據情詳請鑒核。俯賜咨呈總理各國事務衙門查照銷案，深爲公便。等情。到本部院。

據此，除批：據詳已悉。冠縣紅桃園一案，經局員王萬牲等會同議結，辦理尚稱妥速。仰候據情咨呈總署查照。繳。等因。印發外，相應咨呈。爲此咨呈貴衙門，謹請查照施行。

（總理各國事務衙門檔）

二三一 鄧華熙爲牛世修部欲與大刀會合夥請會擊事致張汝梅電

光緒二十四年十二月初七日（一八九九年一月十八日）

濟南。張漢帥鑒：壽春郭鎮親往剿匪，頃據其支電稱：到鳳台丁家集，有舊部於自賊中出，據稱賊勢將近萬人，直趨西北，約由永城人歸德、曹州，與大刀匪合夥，想是實情。應俟到蒙城另稟。等語。賊勢頗大，敝處已飭速添募，以厚兵力。請尊處轉飭各營，聯合豫軍，嚴行堵禦會擊是盼。華。陽。印。

批：接電啟已飭曹、兗兩鎮督飭各防營加意防範。行知兩鎮。

（山東巡撫衙門檔）

二三二 總署爲東省若有滅洋傳言望飭查禁事咨張汝梅文

光緒二十四年十二月初七日（一八九九年一月十八日）

光緒二十四年十二月初一日，准咨稱：據署諸城縣李恒誠稟稱，德員顧老斯等在卑縣水清溝地方被搶一案，當經會營親詣查勘屬實，業將所失物件，照數賠還了結，並將洋員護送膠州訖。一面選差幹役，勒緝賊贓務獲。等情。查德兵赴濰勘路被毆一案，現據各屬稟報，查明委無其事。惟諸城縣境既有此案，業經妥爲了結。德使所指德兵勘路被毆，卽係此案傳聞之訛。等因。

正辦理間，本月初三日〔二〕，復准德國海使照稱：該員自沂州府行赴青島時，途次諸城縣境內紫口地方，被居民圍繞攻擊，口出不馴，復拋石塊，以致受傷，並其行李被搶。當由該員自向知縣控告，設法昭雪，已經辦結。本大臣固可不必過事吹求，惟該員所稱各節，與山東巡撫所稱並無其事等語不符。應請轉致該撫查照。又查山東各處，現有謠傳中國國家有欲驅逐德人之令、除滅洋教等語。地方官聞此並不禁止，且爲喧傳。各處居民本來强悍，趁此情形，遂隨意攻打搶奪勘路、查礦之德國匠師人等。本大臣應請嚴飭該撫，轉飭所屬各地方官，設法約束居民，俾免仍有攻打游歷德人之事。否則兩國睦誼必致見損，不免由駐膠德官自行設法保護。等因。

本衙門查山東各屬民教不能相安，一時不易解釋，謠傳之謬，恐難保其必無。除由署先行照復德使外，相應咨行貴撫查明，設法曉諭該居民等謹守約束，以免枝節橫生。並將辦理情形聲復可也。

（總理各國事務衙門檔）

〔二〕核之德使原照並總署復照，應爲十二月初二日。參見下文。

附錄：德使爲顧乃斯被搶並山東有滅洋傳言事致總署照會

※一八九九年一月十三日（光緒二十四年十二月初二日）

照得茲接本國駐膠巡撫函送德員顧乃斯稟帖一紙，內係該員自述於十一月初一日在山東省被攻一事。據稱：該員自沂州府行赴青島時，途次諸城縣境內紫口地方，被居民圍繞攻擊，口出不訓（馴），復拋石塊，以致受傷，並其行李被搶。當時由該員自向該知縣控告，設法昭雪，已經辦結。等因。本大臣固可不必過爲吹求矣，惟查該德員所稱各節，與貴署十一月十九日來文內敘山東巡撫所稱，迭次詳細訪查並無其事等語大相背謬。該巡撫所報似屬不實，此節本大臣應與貴署言明。

又查據顧乃斯以及他人現均同口一詞，謂山東各處，現有謠傳中國國家發有諭令，欲驅逐德人，除滅洋教。等語。地方官聞此並不禁止，且此等惑衆之謠言，轉由地方官喧傳。各處居民本來强悍，趁此情形，遂隨意攻打搶奪勘路、查礦之德國匠師人等。本大臣應請貴署將該撫所稱與該員所稟不相符之處，轉致該撫查照。並請嚴飭該撫轉飭所屬各地方官，設法約束居民，俾免仍有攻打游歷德國人之事。否則兩國睦誼必致見損，將不免由駐膠德官自行設法保護也。爲此照會。

（總理各國事務衙門檔）

二二三三 總署爲已咨山東巡撫禁止滅洋傳言事致德使照會

光緒二十四年十二月初七日（一八九九年一月十八日）

光緒二十四年十二月初二日，接准照稱：德員顧乃斯自沂州府行赴青島時，途次諸城縣境內紫口地方，被居民圍繞攻擊，口出不馴，復拋石塊，以致受傷，並其行李被搶。當由該員向知縣控告，設法昭雪，已經辦結。本大臣固可不必過事吹求，惟該員所稱各節，與山東巡撫所稱並無其事等語不符，應請轉致該撫查照。又查山東各處，現有謠傳中國國家有欲驅逐德人、除滅洋教等語，地方官並不禁止，且為喧傳。各處居民遂隨意攻打搶奪勘路、查礦之德國匠師人等。應請嚴飭該撫轉飭所屬各地方官，設法約束居民，俾免仍有攻打游歷德人之事。等因前來。

本衙門查本月初一日，接准山東巡撫咨稱：德員顧乃斯在諸城縣水清溝地方被搶一案，業將所失物件照數賠還了結，並將洋員護送膠州訖。一面勒緝賊賊務獲。等情。來照所指德兵勘路被毆，想即係此案。現由本衙門咨行山東巡撫嚴飭所屬各地方官，設法曉諭該居民等謹守約束，禁止謠傳，並令實力保護貴國匠師人等，以昭睦誼。相應先行照復貴大臣查照可也。

(總理各國事務衙門檔)

二三四 汪望庚為皖汴邊緊金鄉吃重事致張汝梅等電

※光緒二十四年十二月初八日(一八九九年一月十九日)

濟南。撫、藩、臬憲鈞鑒：皖汴邊緊，金鄉吃重，求飭着員速來。餘詳稟。望庚叩。
批：復。已由司飭諸令回任。

電悉。飭屬加意防範。金鄉張令已由司飭回本任。

(山東巡撫衙門檔)

二三五 劉坤一爲牛世修部欲與大刀會合夥請嚴防事致張汝梅電

光緒二十四年十二月初九日(一八九九年一月二十日)

濟南。張翰帥鑒：齊電悉。迭經電飭江、皖各軍並咨豫省併力會剿。現據徐州道及壽春鎮電，賊勢甚大，擬趨西北，由永城入歸，向曹州與大刀匪合夥。等語。夏邑復有匪首徐鳴燕聚衆二三千人，豎旗起事，消息甚緊，亟宜迅速剿辦。除分飭前敵遵照外，務請轉飭曹、兗一帶豫爲籌備，嚴防竄擾。至禱。坤。青。印。

批：復以已飭兗、曹兩鎮，賊如北竄，卽迎頭截剿。

(山東巡撫衙門檔)

二三六 著劉坤一等通籌會剿牛世修起事電旨

光緒二十四年十二月初十日(一八九九年一月二十一日)

兩江總督、山東撫台、安慶撫台、河南撫台：奉旨，鄧華熙、張○○電均覽悉。據稱，接郭寶昌初四探報，賊勢將近萬人，直趨西北，有由永城竄歸德、曹州一帶招約匪黨。等語。賊情叵測，豫、東兩省均

形吃重。著裕長、張○○迅飭派出各軍，扼要堵剿，仍各通籌現有兵力，陸續調撥，實力抵禦。並著劉坤一、鄧華熙嚴飭江、皖各軍相機會剿，勿專事驅賊出境，轉致逢令西趨，蔓延益甚。軍情瞬息千變，朝廷豈能事事遙制？惟在各該疆臣振刷精神，熟察情勢，權其輕重，力顧大局。是爲至要。仍將辦理情形隨時電聞。將此各諭令知之。欽此。蒸。印。

批：卽電奏已飭克、曹兩鎮調齊隊伍，加意防範。又調馬游擊帶兩營前往，以厚兵力。賊如北竄，卽迎頭截擊。倘賊勢重，臣當再調防軍，親帶赴邊界督剿。請代奏。

（山東巡撫衙門檔）

二三七 總署爲應於沂州加意防護事致張汝梅電

光緒二十四年十二月初十日（一八九九年一月二十一日）

山東。撫台：接呂使電，德君聞沂州不靖，擬派兵護教。辯說再四，外部允暫勸止。本署已據尊處護（教）覆之，仍希加意防護，免貽藉口。又威海租約並無准募華民爲英兵之文。約文另鈔寄。蒸。印。

（山東巡撫衙門檔）

二三八 總署爲薛田資等案業已結清事致德使函

光緒二十四年十二月初十日（一八九九年一月二十一日）

昨准函稱：十二月初一、初二等日，疊將薛田資被捉一事、顧乃斯被攻一事函照到署，未見復文。等因。本衙門查顧乃斯事，經該處地方官將所失物件，照數賠還了結，業於本月初七日照會貴大臣在案。薛田資事，本月初七日准山東巡撫電稱，據兗沂道彭虞孫面與安治泰議立合同，內載：一、日照令免其處分。一、案犯已獲許言輔等四名。一、薛教士病未全痊，給卹銀二萬五千兩，移作建堂之資，由官在城內擇地建堂。待教堂建成後，官率紳耆陪話。一、街頭等處教民失物，共估值錢一千五十串，已如數發給。等情。於本月初一日，與安治泰互相鈐印完案。等因。是此案亦已結清。相應函復貴大臣查照銷案可也。此復。順頌日祉。

（總理各國事務衙門檔）

附錄一：德使爲薛田資被捉一案事致總署函

※一八九九年一月十二日（光緒二十四年十二月初一日）

所有德國教士薛田資被捉一事，前接本國安主教專函，本大臣閱後本擬親赴貴署面談一切，惟以不克前往，故備函佈聞。並有說帖一紙，祈先查閱。此佈。順頌日祉。

（總理各國事務衙門檔）

附錄二：德使陳述薛田資等案之說帖

※一八九九年一月十二日（光緒二十四年十二月初一日）

德國教士薛田資，在山東日照縣被捉一事，茲接本國安主教於本月十四日自兗州府專函，內稱：本主教前往日照查明，現在已回兗州府，應將查出各情報達。查此案起衅之故，專在該處知縣，並其衙役門公所爲。數月以來，在縣署捏造謠言，謂中國現有上諭，著各省居民攻打教民、教士，並驅逐德國人速出山東省。等語。該處土匪聞此，遂結黨立爲黑會名目，意欲攻德國人。適值薛田資來至，即被會匪捉去。本主教與山東巡撫並駐兗州府道台素相和好，甚願和衷辦結，所擬辦法亦足以昭雪，以防後患。詎料福若瑟並非由本主教所遣派，自行立約，遂忙忙然同薛田資而走，所議建房九間，並拿犯、追還衣物各節，實不足以警效尤。該知縣以及黑會匪徒見之心內如焚，爲先所造之謠言，必係屬真，故福若瑟如此慌忙而走，必因自恐其有仇視之心。立即將日照境內各處教民打散，惟土山地方較遠，故暫爲無虞。嗣後又在莒州境內一律搶奪打毀，並在沂水縣騷擾教民、教堂。主教即將福若瑟所議各節駁回，一面會同道台、知府並撫台所派委員，和衷商辦擬結。

據本主教所見此次日照滋事，撫台並道台、沂州府知府尚願認真保護，惟因稍爲顛預，致仍不免滋事。至日照知縣辦理實爲不善，應行懲責。且該知府並撫台所派委員，均不得力。至於莒州、沂水縣各案應如何辦結，須俟該地方安靜之後，再查明情形辦理。

本主教正在備函之間，又接青島電信，內開：日照縣土山地方亦被騷擾，教民數人受傷，教堂房屋毀壞，且有女人從中搶擄。等因。本主教先以土山地方為無虞，特請日照知縣並沂州府知府加意保護，不意仍不能防範，殊難辭疏忽之咎。又思黑會匪徒此次起衅，雖先由於教士、教民，其實意欲攻擊駐青島之德國人也。此節亦應預為防範為要。

（總理各國事務衙門檔）

附錄三：德使為沂州等處攻擊外國人事致總署照會

※一八九九年一月十五日（光緒二十四年十二月初四日）

頃接本國駐烟台領事電稱：山東沂州府境內亂勢紛紛，延及各處。現有匪徒結黨，從莒州城至沂州府城，意欲攻擊外國人。等因前來。本大臣應即照會貴王大臣查知，立即設法保全德國在山東游歷以及住止之教士、匠師人等身家。如有德國人被害，統惟貴國是問。又查此次亂事，都因日照縣知縣所為而起，前本大臣請將此員撤任，貴署未允。茲特備文照會貴王大臣，仍請將該員撤任，改派妥員為要。

（總理各國事務衙門檔）

二三九 著劉坤一等妥善辦理渦陽等地起事並保護教堂事上諭

光緒二十四年十二月十一日（一八九九年一月二十二日）

光緒二十四年十二月十一日，內閣奉上諭：

前因渦陽縣土匪倡亂，疊經諭令劉坤一、鄧華熙等會同辦理。近聞河南夏邑地方，又有匪徒起事，深恐連結渦匪，分途滋擾。惟念近歲豫、皖交界地方，連年荒歉，難保無災民因饑掠食，畏官捕治，揭竿而起。此等愚民，於法固無可貸，原情究屬可憫，若不分良莠，一概剿捕，致令玉石俱焚，殊非朝廷視民如傷之意。前因安徽鳳、潁等屬，疊遭水旱，曾經諭令戶部撥款，趕辦急賑，並令劉坤一、鄧華熙查明被災處所，妥籌賑撫。宵旰焦勞，無日不以民生爲念，特恐州縣玩視民瘼，或匿災不報，或散賑不實，致令朝廷恩膏不能下逮。然此非特地方有司之罪，封疆大吏與有責焉。劉坤一久任兼圻，裕長、鄧華熙各膺疆寄，均屬責無旁貸。務當宣布朝廷德意，先行出示，解散脅從，一面通籌賑款，遴派勤明幹練之員，會同地方官分投賑撫。如有不肖州縣虛應故事，甚或諱匿侵吞，卽著隨時從嚴參辦。務使災黎早慶一日之生全，卽朝廷早釋一日之焦慮。至各處教堂林立，尤須實力保護，毋任奸民乘機滋事。各路調集勇營，必當嚴申紀律，不得妄行殺戮，波及無辜。其倡亂匪首以及甘心從賊之徒，務當會合各營，實力兜剿，毋得稍留餘孽，致釀後患，用副朝廷綏靖地方、曲示矜全之至意。欽此。

(上諭檔)

二四〇 裕祿奏爲遵旨兼領總署大臣據理迅辦交涉事宜摺

光緒二十四年十二月十一日(一八九九年一月二十二日)

頭品頂戴·北洋大臣·直隸總督奴才裕祿跪奏，爲遵旨籌辦交涉事件，恭摺覆陳，仰祈聖鑒事。

竊奴才恭閱邸鈔，光緒二十四年十一月二十二日奉上諭：向來沿海、沿江通商省分，交涉事務本繁，卽內地各省，亦時有教案，應行核辦。各直省將軍、督撫，往往因事隸總理衙門，不免意存諉卸；卽總理衙門亦以事難懸斷，未便徑行，以致往還轉折，不無延誤。嗣後各直省將軍、督撫均著兼總理各國事務大臣。仍隨時與總理衙門王大臣和衷商辦，以期中外一氣相生，遇事悉臻妥洽。欽此。又於十一月二十八日，欽奉二十六日上諭：（上諭見前——編者）。

奴才伏讀再三，悚惶交集。竊查近年強鄰環伺，要挾多端，辦理交涉，中外同屬爲難。北洋爲通商要區，事尤繁鉅。力小任重，深恐弗勝。茲復仰承特詔兼領崇銜，勸勉交深，彌增兢惕。查華洋交涉以通商、傳教爲大宗。天津口岸近年展拓租界，各國恃強，橫索利益，任意刁難，辦理倍形棘手。而各屬教堂林立，人教之人往往欺壓平民，教士不問事理曲直，多方袒護。迨至民間積忿已深，鋌而走險，則又歸咎於保護不力，藉端尋釁。此等案件，地方官無不力與爭論，設法了結。乃彼族要求無厭，動輒電告駐京公使，逕向總署饒舌，致多周折，外間固無如之何也。

本年十月間，新授河南巡撫裕長過津，口傳十五日面奉懿旨，傳諭：嗣後辦理外洋交涉事件，務須據理辯論，不可稍涉遷就，使彼族得步進步。等因。欽此。奴才謹當懷遵辦理。遇有尋常交涉事件，督飭關道地方官，按照條約公法，竭力辯駁，相機因應，總以迅速辦結，免生枝節爲要。其有事關重大，非外間所能遽行定議者，必當據實電咨總理衙門，妥商辦法，中外聯爲一氣，力持大體，共濟時艱。固不敢孟浪從事，致啟猜嫌，亦不敢推諉存心，有辜職守。以冀仰紓宵旰憂勤於萬一。

所有奴才感悚下忱，理合恭摺具陳，伏乞皇太后、皇上聖鑒。謹奏。
硃批：知道了。以後辦理交涉事件，卽著據理辯論，不可遷就。

(官中硃批奏摺)

二四一 恩來爲豐縣鬧教已撥隊會捕事致張汝梅電

光緒二十四年十二月十二日(一八九九年一月二十三日)

濟南。撫帥鈞鑒：恩來文申到金，史令接豐縣兩次飛函，以匪徒數百，圍擾戴套樓教堂。深慮接壤湖團合刀會等，已派副營前後哨去恐單，派李榮枝馬隊馳往豐縣會捕。史令卽趕回魚。再，金、單界劉方田亦有動意，李家成已往辦。皖匪探無的信。恩來。文叩。印。

批：復以速將馳會捕情報查。劉方田須加意查拿，想已知會方署矣。併飭知方署鎮。

(山東巡撫衙門檔)

二四二 李定濤爲豐縣鬧教已率部保護縣境教堂事致張汝梅等電

光緒二十四年十二月十二日(一八九九年一月二十三日)

濟南。撫、藩、臬、運道府、洋務局府：頃探聞豐縣境戴套樓教堂，有匪徒數百圍擾，請兵趕救之信。單縣東距豐縣九十里，單境東南兩鄉教堂最多。除密知會教士韓甯鎬，一面督率勇團，會同防營營汛

設法保護，以防不虞。理合密稟。單縣李定濤。十一申。

批：卽行知方署鎮加意保護，復已由田鎮派隊前往拿辦矣。

(山東巡撫衙門檔)

二四三 裕長屬遣送山東饑民望派員接收事致張汝梅電

光緒二十四年十二月十二日(一八九九年一月二十三日)

濟南。巡撫張翰帥鑒：前于守帶函想邀覽。本擬俟台端派員攜款到豫，再將貴省流民分遣。惟現值軍務倥偬，省關外聚集饑民至六七萬之多，深慮防範稍疏，別滋事端。賑款難繼猶在其次。茲於萬分支絀中措辦經費，自本月十六日起，委員護送，分起資遣。惟到曹縣後，須有妥員接收管領，方不至再行轉徙，亦不至流而爲匪。萬祈貴部院飛電該管道府暨曹縣妥速經理。至要至荷。長印電。文。印。

批：卽據電飛飭照行。

(山東巡撫衙門檔)

二四四 裕祿爲陳明冠威拳民鬧教緣由及辦理情形事咨呈總署文

※光緒二十四年十二月十二日(一八九九年一月二十三日)

〔一〕原文如此。

據大順廣道龐鴻書詳稱：竊據廣平府知府岑守春煦會同調署威縣知縣戚令朝卿節次稟詳，暨准冠縣移到獲匪姚洛奇口供內稱，緣廣平府人、梅花拳民姚洛奇即姚文奇，及山東冠縣等處拳民，因直、東交界各處教民歷年屢次欺侮拳民，結有仇恨。又因本年九月初間，聞有訛傳山東文武各衙門出有批票，要拿拳民，都各害怕，疑係山東臨清、小盧等處教堂指使所致。姚洛奇隨即起意傳帖聚衆，擬合教堂拚鬧。威縣沙而寨即沙柳寨拳民趙洛珠即趙三多，與姚洛奇係屬素識。姚洛奇因其不願隨同出來領衆滋鬧，隨叫人於九月十二日，將趙洛珠架到直、東交界處所，逼脅出頭。姚洛奇復向各處添裹拳衆，歛借馬匹。當經萬前升道據稟咨請大名吳鎮率帶馬隊，前往彈壓。並經該縣會同冠縣曹令倜、邱縣李令子方，及由道遵奉憲台電諭，派去委員高令式樾、張主簿承壽等，諭飭三縣團總、紳董，前往開誠布公，曉以利害，向拳民極力勸諭。趙洛珠隨向姚洛奇合拳衆們當場叩頭，亦請解散。該拳民等深知悔悟，即於十七八日，紛紛解散回家。吳鎮因事已定，酌留馬隊，旋亦回大（名）。

詎山東冠縣紅桃園教民，向解散回家之拳民用言刻薄，姚洛奇復心懷不甘，隨乘機勾結匪類，妄造謠言，激怒紅桃園附近拳民，又復逼脅邀聚共至七八十人。突於十九日夜五更後，到紅桃園放（火）燒教堂及教民房屋，並殺死教民二人，擊傷一人。二十日，路過威縣第二口村，姚洛奇復又喝衆焚燒該村教堂及教民房屋二十餘間，並未傷人。二十一日，該縣戚令會同大名馬隊徐營官輔廷，及委員高令、張主簿並邱縣李令暨移會冠縣曹令，各督勇役，追至威縣候未村地方，合力拿獲首犯姚洛奇及從犯十五名，格斃四名，並馬一匹。因紅桃園案情較重，當歸冠縣帶回審辦。餘匪四散逃竄，追捕無踪。

二十三日，該府帶同經歷陶祖堯、千總何啟泰，並由道咨請魏營官金堯，偕同久在軍營善於緝捕之趙巡檢秉鈞，督帶開州盛軍後營馬隊一百名，暨由鎮遵照憲台電飭復撥大名馬隊一百名，先後馳抵威縣。當由該府飭令分別屯紮保護，四出查探巡緝。親詣第三口村勘明被燒小教堂平房九間，教民楊興鳳、石景行家平房各九間屬實。

嗣蒙憲台添派呂鎮本元，由天津馬廠督帶盛軍左營馬隊一營，暨由鎮遵飭添派大名練軍右營步隊一營，亦即先後馳抵威、曲等縣。復由該府商令分防，兼及曲周、清河等縣，以期周密。

十月初一日夜間，該府縣探的逸匪王幟度等，在威縣蘇村等處藏匿。隨督同魏、徐兩營官並趙巡檢、陶經歷等，率帶馬隊、勇役，於初二日早親抵蘇村併力搜捕，當獲王幟度一名。查明逸匪王學遜，已竄往南宮縣東大城村。復令趙巡檢、陶經歷會同馬隊，迅至東大城村，將王學遜亦即設法拿獲。查驗該犯等，均各受有槍傷。王學遜槍子尚未取出，傷口已均潰爛。當由該府縣會同研審。據供，伊等於威縣第三口村一案，係被姚洛奇逼脅與趙洛珠等同行，雖均在場，並未動手。伊等傷痕，均係九月二十一日在候未村地方，當姚洛奇拒捕之時，該犯等即棄械逃跑，被兵勇格放致傷，並無幫同拒捕情事。再四審訊，矢口不移。該府縣核與冠縣所訊已經正法之首犯姚洛奇供詞相符，據稱無虞避就。隨將該犯王幟度、王學遜，均請合依並非圖財而懷挾私仇，放火燒燬房屋，誘脅同行者杖一百徒三年例，擬杖一百，徒三年。到配折責拘役，遵照新章辦理。惟查直、東交界處所，拳民最多，動輒聚衆，屢與教堂滋事。此次山東請將從犯酌量監禁，應請將該犯等從重照天津鍋匪章程，分別解往無拳民州縣，酌量監禁。

三年限滿，再行發配，以昭儆戒。錄供通詳，並聲明逸匪趙洛珠等嚴緝獲日另結。王學遜旋即因傷抽風身死，復經該縣驗報在案。

至被燒教堂及教民房屋，當緝獲王輜度等到案審訊之際，范教士迪吉亦於十月初四日來威。該府縣即一面與之商酌賠款，妥實估計。初五日，議定賠修教堂一切房屋及屋內器具等物，共估賠京錢一千二百吊。又撫恤被燒教民楊興鳳、石景行等京錢二百吊。當由該縣將錢如數備齊，交由委員趙巡檢、陶經歷，面交范教士收清，作爲一概了結。其撫恤教民京錢二百吊，即歸戚令獨自認捐。賠修教堂京錢一千二百吊，由縣分作三年，無論正署兼代，按日分攤歸款。亦由該府縣分別通稟，並由道據以電陳各在案。

此外，威縣西鍾營教民王多才家被劫錢、衣等物一案，除該事主當時追獲之王懋合即王洛春一犯，已於本年四月間據報在押因病身死，由府委驗通詳不計外，其由該縣戚令緝獲逸賊石洛卜，並石洛卜所供同夥、差傳到案之王玉振、劉三、白五、穆升堂、穆文明、穆三九等六名，因供各執，已經提省審辦。並由道批飭該府勒緝逸賊蘇洛行即蘇六等，務獲究報。

其曲周縣辛營村教民周清霄家被賊劫去錢物並燒燬房屋，暨事主周治清旋即因傷身死一案，除被燒房屋十餘間，前據該府稟報，因與范教士商結賠修、撫恤威縣第三口村被燒教堂、教戶房屋之時，該教士總以爲言，並請撫恤以示同仁，當由該府籌給京錢二百吊併交該教士收領，作爲此案了結之款不計外。計由該縣先後緝獲正賊閻治輜、李滄生、呂二小、劉三等四犯，已經訊明從重正法梟示。並蒙憲

台批飭該縣，嚴緝逸賊于三等，務獲究報亦在案。

茲蒙前因，除威縣留防馬隊能否足敷巡護，俟飭廣平府酌核議覆到日，即與吳鎮切實商籌，另行具報。暨令該府轉飭威縣，曉諭鄉團嚴防保護，務使民教相安。並分咨臬司、津海關道查照外，所有冠、威拳民滋事始末以及辦結情形，並威縣西鍾營及曲周縣辛營村兩案獲犯提省懲辦撫恤各緣由，理合遵飭詳請查核。等情。到本大臣。據此，相應咨呈貴衙門，謹請查照備案。

(總理各國事務衙門檔)

二四五 汪望庚爲豐縣鬧教已由田鎮防堵事致張汝梅電

※光緒二十四年十二月十三日(一八九九年一月二十四日)

濟南。撫憲鑒：皖、汴賊氛稍定。豐縣鬧教堂，刻田鎮已派馬步隊赴魚境防堵，布置嚴密，州屬甚安。請抒慈廬。望庚稟。

(山東巡撫衙門檔)

二四六 汪望庚爲探聞豐縣教堂已保住事致張汝梅電

光緒二十四年十二月十三日(一八九九年一月二十四日)

濟南。撫帥鈞鑒：真電諭敬悉。昨偕何弁由嘉至金，會陳牧、馮弁調團防邊，頗整齊，州屬極安。

刻探豐縣教堂已保住，格殺三名，擒十名，餘衆潰散。皖、汴近亦稍定。望庚稟。元。

(山東巡撫衙門檔)

二四七 田恩來爲豐縣鬧教已擊散事致張汝梅電

光緒二十四年十二月十三日(一八九九年一月二十四日)

濟南。撫帥鈞鑒：探回豐匪擊散，馬隊已往，定無事。礪匪是另股，有擊散說，探回電稟。恩來叩。元。

(山東巡撫衙門檔)

二四八 田恩來爲擬留隊豐縣數日等事致張汝梅電

光緒二十四年十二月十四日(一八九九年一月二十五日)

濟南。撫帥鈞鑒：馬隊稟，戴樓燒五十七間，匪未全散無慮，隊留數日再回。劉匪設法密拿，急恐激變遠颺。恩來叩。願。

批：復以禍匪已報肅清，可喜之至。隊留數日耳，總以安靖爲主。

(山東巡撫衙門檔)

二四九 張汝梅爲濰縣辦團告示內並無爲難德人言詞事咨呈總署文

※光緒二十四年十二月十八日（一八九九年一月二十九日）

光緒二十四年十二月十一日，據濰縣知縣李務滋稟稱：竊卑職於上月二十九日，接奉排單札飭，以准總理衙門咨，查據德使照稱，請將濰縣唆使與德國人爲難告示撤回。等語。飭卽查明所出告示係爲何事，如何措辭，有無語言失當之處，照錄示稿呈送查核。等因。捧誦之餘，不勝驚異。

伏查卑縣爲東路通衢，自膠澳開關租界以來，各國洋人絡繹於道。其久居卑境者，縣城東北關則有禮和洋行德商斯美德，南鄉馬司莊則有德華銀行德商柏勞米、葛勒梅，均經卑職優禮相待，妥爲保護。並嚴諭闔境軍民，凡遇洋人無論何國，不准稍涉輕慢，致肇事端。差幸彼此相安，毫無釁隙。

迨十月十三日，該商斯美德告稱，聞馬司莊出有曉諭居民與德人爲難告示，柏、葛二君已發電音。等語。旋接青島來電，亦以爲言。卑職接閱之下，疑慮萬分，意謂近日並無發貼洋務告示，其中顯有錯誤。立派親信家丁馳往馬司莊細心訪查，面見洋人，苦於語言不通，無從盤問。幸其同伴有華人趙君瑞琛者，轉詢洋人所云爲難告示貼在何處，洋人隨赴店外，手指牆上所貼者，實爲十月初九日，卑縣張貼曉諭居民一體舉辦保甲團練之告示也。其間一言一字，並未關礙洋人，却不知唆使爲難四字從何而起。趙瑞琛當爲表白，謂洋人不識華人，不通華語，悞聽人言，錯認告示，現已代爲分割明晰。並作函知會卑職云，由青島得電，業已同洋人講明並無此事，使其由馬司莊回電不必掛念等云。卑職

復面見德商斯美德，亦稱委一時誤會所致。竊謂從此可以無事矣，詎意德使尚以此事屢向責問，而又
不明指告示係何語言，令人無從揣度。然卑職詳加查檢，委無別項告示語言失當，關礙洋人。

卑職一介庸儒，忝膺民社，雖不敢謂通達事務，而於款待洋人、調護洋務，要皆求其切中權宜，斷無
唆使爲難，明出告示之理。卑職雖愚，尚不至此。茲查柏、葛二洋人已返青島，往見斯美德，囑其電告
海使，辯明此事。口雖應允，而其果否發電，則又非卑職所能懸擬者也。

除仍遵照條約，隨地隨時認真保護，以免藉口外，所有奉飭查明卑縣並未出有語言失當、關礙洋人
告示緣由，擬合將洋人所指示稿，開具清摺，粘連排單，由五百里馳稟察核。等情。並呈示稿，到本部
院。

據此，查東省各屬洋人，地方官照約保護，是其專責，自不容稍涉疏虞。惟各領事、教士等，亦時有
惑於訛聞之處。卽如德使迭次照稱，濰縣華民毆辱德兵、毆斃華人；沂州曹莊打毀教堂、殺害教士等
案，東省紛紛派兵彈壓，嚴檄催查，卒至毫無影響。至此案攻打德人一事，今據該縣稟覆情形，是竟以
保甲團練告示指爲唆使爲難，尤出情理之外。意料所及在德人不通華文，想亦係誤於傳說。惟膠界甫
經劃定，將來開辦路礦，交涉日繁，若屢以捕風捉影之詞，請飭查辦，不惟德使素崇信實之心無以自
見，倘嗣後凡遇交涉，各屬均視同前案，轉令其無所警戒，殊於保護之道大有關礙。

本部院爲篤睦邦交起見，固不准官民輕視西人，稍有薄待；亦不敢聽其以無爲有，貽誤將來。應請
照會德使，分飭該國在東工、商、教士人等，勿輕聽奸民唆使。倘有華民爲難之處，亦應以確查屬實之

事，請予飭辦。庶各屬知所鑒戒，更能遇事認真。此後於切實保護之中，寓益求周密之意，想德使亦必樂聞也。

茲據前情，除批飭隨時實力保護外，相應照錄示稿咨呈。爲此咨呈貴衙門，謹請查照，迅賜照會德使，轉飭遵辦施行。

(總理各國事務衙門檔)

附件：濰縣錄呈保甲團練示稿

謹將查明卑縣並未出有語言失當、關礙洋人告示，並將洋人所指示稿開摺呈電。

欽加同知銜·特授萊州府濰縣正堂·加三級·紀錄十次李，爲出示曉諭事。案蒙本府轉奉撫憲札開：戢暴安良之策，莫善於保甲團練。現奉諭旨，令將民團一項認真舉辦。自當欽遵一體奉行，委員前往會辦，以衛閭閻。飭俟該委員到日，會同將境內應辦保甲團練，悉心考察，因地制宜，條議章程，稟報察奪。等因到縣。奉此，除邀集城鄉紳董，並各社社長、莊長等妥議章程，次第籌辦外，合行出示曉諭。爲此示仰閭邑軍民人等知悉：自示之後，爾等須知此次查辦保甲團練，係爲清查盜賊，保衛閭閻起見。務各遵照，一律按章聽候籌捐集款，認真舉辦，以靖地方而安民業。其各凜遵毋違。特示。

(總理各國事務衙門檔)

二五〇 總署爲日照沂水各案已經安主教議結事致德使照會

光緒二十四年十二月二十一日（一八九九年二月一日）

光緒二十四年十二月十二日准照稱：本月初十日來函內稱，沂州府日照縣各案，並未論及本月初一日奉送說帖內所開該匪等將日照境內各處教民打散，又在莒州境內一律搶奪打毀，並在沂水縣騷擾，意欲攻擊德國人。應請回復，似此各案如何辦結。更陳明凡遇德國教士人等被凌辱攻打，應會同本使署商辦議結，不能僅由該地方結清。至於安主教或他德國人與地方官商立合同，亦必由本使署批准，始能完案。等因。前來。

查本衙門接閱貴大臣本月初一日來函併說帖各節，即於初五日電詢東撫查復去後。嗣於初七日，接准東撫已與安主教鈐印完案之電。當已備細函達貴大臣在案。本衙門因詳查前後情節，是安主教送來說帖，尚在東撫未與該主教議明完案之先；至說帖內所稱莒州、沂水縣等處，已由東撫飭派馬步各隊分投保護，爲安治泰所盡知。該處教民近均相安，是此案辦理實已妥協，否則安主教豈肯議立合同，互相鈐印？因思民教案件，惟該處主教及地方官知之最悉，彼此商辦，自必公允。安主教在東有年，頗爲人所信服。今貴大臣以安主教所立合同，尚不足爲完案之據，是安主教從此即無調和民教之權，難以取信於人，似於該主教體面頗有關礙。如必以安主教所議爲不然，則該主教當時所立合同，勢須令其撤銷，亦覺未便。還請貴大臣詳細斟酌，如能就此了案，以昭兩國睦誼，實爲至願。爲此照復。

（總理各國事務衙門檔）

附錄：德使爲日照各案須經使署批准方能議結事致總署照會

※一八九九年一月二十三日（光緒二十四年十二月十二日）

昨於本月初十日准函稱：山東沂州府日照各案，現經山東巡撫與本國安主教立有合同，均已結清。等因。本大臣披閱之餘，查來函內專說薛田資一案，並未論及本月初一日本大臣奉送說帖內所開該匪徒等將日照境內各處教民打散，又在莒州境內一律搶奪打毀，並在沂水縣騷擾，意欲攻擊德國人等語。因此應仍請回復似此各案如何辦結。且查本大臣所指各案，均在薛田資被捉之後而出。此節已足證明日照知縣辦理不善，應行撤任。

更有一節，應與貴王大臣陳明之：凡遇有德國教士人等被凌辱攻打之案，應會同本使署商辦議結，不能僅由該地方結清，將本使署置之不問。至於或安主教或他德國人與地方官商立合同，亦必由本使署批准，始能完案。此次應一律辦理，如所稱此案亦已結清等語，因未經本大臣言明結清，似於往來之通例不合。情形如此，本大臣應仍執定前所請將日照知縣撤任一意，務望貴王大臣查照此意辦理，不可令本大臣請本國政府派兵前往日照彈壓。想此事若不早爲言明，似與貴王大臣頗有關係也。爲此照會，并請速爲示復爲要。

（總理各國事務衙門檔）

二五一 總署爲濰縣告示與洋人無涉事致德使照會

光緒二十四年十二月二十二日（一八九九年二月二日）

光緒二十四年十月二十四、十一月十七等日，疊准照稱：山東濰縣出有告示，內似唆使居民與該處勘路、查礦之德國人爲難。請卽轉飭將該告示撤回，並將妄出告示之官責辦。等因。本衙門當經先後電咨山東巡撫查辦具復去後。

茲准復稱：查據濰縣知縣稟稱，卑縣並未張貼前項告示，其中顯有錯誤，現派親信家丁馳往馬司莊細心訪查，面見洋人。據稱，係指十月初九日所貼舉辦保甲團練告示。其間一言一字，並未關礙洋人，不知唆使爲難四字，從何而起？等語。並將示稿粘呈前來，請卽照會德國駐京大臣。等因。

查該縣所出告示，係遵奉諭旨辦理保甲團練。各省皆然，非止一州、一縣，與洋人毫無干涉。實係德商不諳中華文義，致有誤會。相應鈔錄東撫來文並示稿，照會貴大臣查照可也。

(總理各國事務衙門檔)

二五二 總署爲飭查郟城殺斃教民事致張汝梅電

光緒二十五年正月十二日(一八九九年二月二十一日)

濟南。撫台：德使照稱，郟城縣境內土匪殺斃教民四人，蹂躪教民所住村鄉二十處，與貴處來文內言山東現在民教相安之語大相紕繆。請電該省立將郟城縣知縣撤任革職。等語。查日照已結之案，海使尚不滿意，若再有土匪戕人之事，難免藉口。希飭查，如果屬實，應嚴緝人犯，並酌調該縣離任，以爲疏防者戒。電復。文。蘭加足旁。印。

(山東巡撫衙門檔)

二五三 總署爲催辦鄰城殺斃教民事致張汝梅電

光緒二十五年正月二十四日（一八九九年三月五日）

濟南。撫台：鄰城縣土匪殺斃教民一事，德使復來催辦。前元電稱已飭查，究竟情形何如，犯已緝否？希速查電復。敬。印。

批：復以現在該府屬疊出鬧教之案，已嚴飭該管鎮道帶隊前往拿辦，併飭令作速議結。稟到再復。先此佈聞。

（山東巡撫衙門檔）

二五四 張汝梅爲錄送薛田資案所立合同事咨呈總署文

※光緒二十五年二月初一日（一八九九年三月十二日）

案據洋務局詳稱：本月初九日，奉撫院批據兗沂曹濟道彭道稟，日照縣街頭莊一案，會同安治泰議結，所有蓋印簽字合同一紙，呈請發交洋務局存案緣由。蒙批：如稟辦理，仰洋務局移會知照。此繳。鈔稟、合同併發。同日，又奉撫院札飭：照得日照縣街頭莊教案，前據兗沂道彭道虞孫具稟，已與安主教治泰會議完結，業經批行該局在案。所有此案起衅及先後查辦議結各情形，應即由局分別查明，摘敘全卷，並照抄合同，迅速詳報來轅，以憑核咨。合行札飭。札到該局，立即遵照辦理毋違。此札各等

因。到局。奉此，查此案前據日照縣知縣呂令丙元稟稱：竊照德國教士薛田資，前被卑境街頭莊民架毆一案，卑職聞信，星夜馳往，隨時將薛教士尋回。詢係因民人許言踵等與之評理，適值集期，一時趕集之人紛紛麤聚，以致生衅。該教士因被莊衆拖架，稍受微傷，尚無大恙。經卑職妥爲安慰，保護回城。當將大概情形，先復稟陳憲鑒。嗣奉本府檄委候補知縣乙令沛恩，下縣會同查辦，遵卽會委熟商。時值福副總教由青島得前來看視，勸令薛教士先行回歸，安心調養。卑職誠恐派人護送或有疏虞，遂於初四日，親自偕同福副總教，將薛教士送至石臼所乘輪回島，旋與福副總教折回。會同乙令妥爲籌商，此案亟宜早與福副總教設法議結，免致日久拖延，別生枝節。因與婉言妥議，福副總教始尚支吾推諉，意在要求；迨經苦口婉商，據理反復辯論，福副總教無可指摘，甫允速議了結。當與議定在於街頭莊代建教堂一所，計朝南海青堂屋五間，東西草廂房各二間，聽其在彼照常傳教。其教民失去衣物，押令莊民如數交出，不准隱藏。倘有短少，卽由卑職計值賠償。並速爲拘拿爲首滋事之人，嚴加懲辦。從此民教言歸於好，共釋前嫌。福副總教亦欣然允從，別無異議。當於初五日公立合同，簽字畫押，互換各執。福總教於立約後亦卽遣歸。等情。

據此，嗣經安主教來局面稱，福副總教與該縣議辦此案未能妥協，請派員會同另議。等語。當經揀派局員王令萬姓、余令則達、王令曾俊，會同沂州府知府定成，與安主教妥爲商辦。又蒙委派兗沂道彭道督同辦理。茲經彭道與安全主教妥商議結，書立合同，蓋印各執，作爲了結之據。理合照繕合同二紙，摘敘案由，詳請鑒核。俯賜咨呈總理各國事務衙門查照銷案，深爲公便。等情。到本部院。

據此，除詳批示外，所有此案先後議立合同，相應一併照錄咨呈。爲此咨呈貴衙門，謹請查照施行。

（總理各國事務衙門檔）

附件一：呂丙元與德司鐸福若瑟議結薛田資案合同

光緒二十四年十月初五日（一八九八年十一月十八日）

立合同日照縣、德教士今因薛教士在日照縣傳教，因街頭民教不和，無知愚民凌辱薛教士，現經衆人一再懇求德教士從中調處，街頭百姓願在該莊價買教民宅基，興修海青屋正教堂五間，東草廂二間，西草廂二間，仍請教士到堂傳教。興修教堂時，由日照縣、德教士公同派人監修。並因鬧事時所搶教民衣物，由縣簽差照單查起原物，如有短少，情願照賠。其被搶之教民，固不得藉端虛報；該莊民亦不得藉詞推諉。公同議明，按照以上各節辦理，從此民教言歸於好，各安本業。立此和好合同，各執爲據。

（總理各國事務衙門檔）

附件二：彭虞孫與德主教安治泰議結薛田資案合同〔二〕

光緒二十四年十一月十四日（一八九八年十二月二十六日）

〔二〕據原檔，此合同簽訂於兗州府城。

大清國欽命二品頂戴·山東分巡兗沂曹濟黃河兵備道彭，大清國欽賜二品頂戴·大布國欽賜二品寶星·大巴國欽賜頭等寶星·子爵·主教·管理山東南界教務安，會商議結事。

竊照薛教士被匪凌辱一案，現奉撫院行知總理衙門來文，令由本道會商本主教妥議速結。等因。查教士薛田資，前在日照縣街頭村被匪徒捉去，將衣裳撕破，毆辱受傷，殊深惋歉。自應遵照力為昭雪，妥籌慰恤。茲將會議辦結四條，開列於後：

一、日照縣知縣呂令未能先事預防，實難辭疎忽之咎。惟念該縣事煩人衆，一時不及兼顧，聞信後即設法將薛教士找回，情尚可原，應暫從寬免其處分。以後建蓋教堂等事，嚴飭該縣認真照料，加意保護，由本管道府隨時察看，倘或辦理不能妥協，仍分別輕重詳請議處。

一、滋事人犯，頃據該縣稟報，已拿獲許言踵即許顏景、王范吉、厲景貞、王述等四名，正在訊辦。其在逃未獲之犯，仍嚴拿務獲懲辦，以儆刁風。

一、薛教士病未痊愈，又兼搶去物件，應給養費以恤終身。伊情願將養身之費作為建堂之資，議明給銀二萬五千兩。准在日照縣城內，由官選擇潔靜官地五、六畝，以便建蓋教堂之用。其街頭村地方，仍照福總鐸前議，修建草屋教堂。應俟兩處教堂蓋就，該縣帶同該處紳耆，赴教堂慶賀陪禮。

一、街頭、汪崖、林子頭等村被擾教民所失衣物，現據該縣稟報，照各教民所開失單逐件估計，共值錢一千零五十千文。已如數當堂發給具領，取結存案。

以上四條係會同商議，兩相允洽。寫立合同一樣兩紙，彼此蓋印簽字，分執完案。所有養賠銀二

萬五千兩，由省城洋務局發給。合併登明。

(總理各國事務衙門檔)

附錄：方偉廉牧師議結教民被搶案合同

光緒二十四年十月初三日(一八九八年十一月十六日)

立合同牧師方偉廉因教友的糧食、家具、器械等物，被何家樓何姓拿去，學房燒毀，業經親友穆春芳等調處完結。將拿去的東西一切賠還，學房蓋起，和好如初。自今而後，不許西樓何姓無故生事，也不許教友無故生事找西樓。立字為照。

(總理各國事務衙門檔)

二五五 張汝梅為東省並無滅洋傳言事咨呈總署文

※光緒二十五年二月初一日(一八九九年三月十二日)

光緒二十四年十二月十一日，准兵部火票遞到總理各國事務衙門咨：光緒二十四年十二月初一日准咨稱，據署諸城縣李恒誠稟稱，德員顧老斯等在卑縣水清溝地方被搶一案，當經會營親詣查勘屬實，業將所失物件照數賠還了結，並將洋員護送膠州訖。一面選差幹役，勒緝賊賊務獲。等情。查德兵赴濰勘路被毆一案，現據各屬稟報，查明委無其事。惟諸城縣境既有此案，業經妥為了結。德使所指德

兵勘路被毆，卽係此案傳聞之訛。等因。

正辦理間，本月初三日，復准德國海使照稱：該員（自）沂州府行赴青島時，途次諸城縣境內紫口地方，被居民圍繞攻擊，口出不馴，復拋石塊，以致受傷，並其行李被搶。當由該員自向知縣控告，設法昭雪，已經辦結。本大臣固可不必過事吹求，惟該員所稱各節，與山東巡撫所稱並無其事等語不符。應請轉致該撫查照。又查山東各處，現有謠傳中國國家有欲驅逐德人之令，除滅洋教等語。地方官聞此並不禁止，且爲喧傳。各處居民本來强悍，趁此情形，遂隨意攻打搶奪勘路、查礦之德國匠師人等。本大臣應請嚴飭該撫，轉飭所屬各地方官，設法約束居民，俾免仍有攻打游歷德人之事。否則兩國睦誼必致見損，不免由駐膠德官自行設法保護。等因。本衙門查山東各屬民教不能相安，一時不易解釋，謠傳之謬，恐難保其必無。

除由署先行照復德使外，相應咨行貴撫查明，設法曉諭該居民等謹守約束，以免枝節橫生。並將辦理情形聲復可也。等因。到本部院。

承准此，查近來各屬地方官於交涉案件，均係設法勸導，秉公妥爲辦結，現在相安無事，並無別項謠傳。

茲准前因，除飭屬曉諭該居民等謹守約束，勿任枝節橫生，以免外人藉口，並將火票飭發臬司照例造報外，擬合咨呈。爲此咨呈貴衙門，謹請鑒照施行。

（總理各國事務衙門檔）

二五六 張汝梅爲擬即查明租界內錢糧冊數事致總署電

光緒二十五年二月初四日（一八九九年三月十五日）

北京。總署鈞鑒：密。江電敬悉。所有劃定膠澳租界四至詳細各界線地名，現已札飭附近州縣出示曉諭居民矣。至租界內錢糧冊交付德員一節，詢之彭道，據稱，劃界時德員曾有此議，惟未查明細數。等因。現在擬即委員馳赴該處，會同地方官，將租界內錢糧冊若干數目詳晰查明，再行咨覆貴署核辦，以便與德人議定共租我地畝實數若干。○○謹肅。支。印。

（山東巡撫衙門檔）

二五七 周永爲請出示曉諭租界村社赴德完糧事致張汝梅電

光緒二十五年二月初五日（一八九九年三月十六日）

濟南。撫憲鑒：租界八社三百六十八疇首事來縣饒舌，未見告示，堅不願赴德完糧，志在抗衡。可否曉諭赴德完納，或可以靖地方。事關緊急重大，請速賜電。周永叩。

（山東巡撫衙門檔）

二五八 張汝梅爲租界內應赴德完糧事致周永電

光緒二十五年二月初六日（一八九九年三月十七日）

膠州送卽墨縣周令。租界內應赴德完糧，遵照條約出示曉諭。○。魚。印。

(山東巡撫衙門檔)

二五九 總署爲安治泰將赴省商辦沂州教案事致張汝梅電

光緒二十五年二月初九日(一八九九年三月二十日)

濟南。撫台：德使函稱，沂境賊匪未靖，安主教卽日赴省，請山東大吏與主教和衷商辦，併盡力彈壓地方。等語。希查照，仍將商辦情形隨時電聞。青。印。

(山東巡撫衙門檔)

二六〇 總署爲德使欲撤任沂州府官員及索賠事致張汝梅電

光緒二十五年二月初十日(一八九九年三月二十一日)

濟南。撫台：德使照稱，沂州境內礦師買地甚棘手，請飭地方官勿得攔阻。日照、莒州、沂水應賠教堂焚毀物件，請照數發給。又請將日照知縣、莒州知州撤任，郟城知縣革職。否則卽欲派兵自往拿辦。各等語。查海使要挾無理已極，所請保護礦師、償賠毀物，自係地方官應辦之事，希飭所屬切實磋商酌辦。惟所指上三員，究竟平素官聲何如，所出之案是否彈壓不力？務希確查速復。蒸。印。

(山東巡撫衙門檔)

二六一 總署爲希飭沂州道府禁阻德兵事致張汝梅電

光緒二十五年二月二十日（一八九九年三月三十一日）

濟南。撫台：去臘呂使電稱，德君擬派兵沂州護教。卽電令詳告外部阻止，並電尊處加派防兵在案。頃海使照稱：沂州數月來，屢有攻擊德工程司、教士等，不得已，現膠撫已派德兵至府境內助地方官保護，並無他意，不准該兵前往他處。等語。查德兵並未商明，輒行派往，顯係海使煽聳生釁。現已照覆，囑其飛電膠撫緩派，未知能否就範。如該兵業已到沂，希飭道府據理勸諭德兵官卽速撤回，並調護土客以免滋事。號。印。

（山東巡撫衙門檔）

二六二 張汝梅爲阻派兵隊往日照蘭山事致青島德督電

光緒二十五年二月二十日（一八九九年三月三十一日）

德國葉大臣鑒：十九電祇悉。查日照薛教士被傷一案，上年已由兗沂道彭虞孫與安治泰主教議結，共給卹款銀二萬五千兩，並買地建堂、賠禮、辦犯等事，均經立有合同。銀已由安治泰取去，有收條。現仍嚴拿匪犯。

至沂州一案，昨據沂州府稟稱：有貴國官商慕興立、葛勒梅、漢納慢同教士方偉廉來謁，據稱行至

蘭境黃谷村西，突來鄉民多人圍觀，勢欲滋事。經該官商等開槍轟傷三人，莊長等聞信趨至解散，並未搶去財物，該商等亦並未受傷，等語。當由沂州府轉飭各該縣選派兵役，護送該官商等回青島。一面驗明受傷三人，已有一人因傷身死，其餘二人，均受重傷不能取供。仍即訪拿滋事之人到案審究。

今據貴大臣電稱前因，當是指此兩事而言。日照之事久經議結，銀已取去。所獲各犯，亦已歸案審辦。滋事之地方官均已撤任。沂州之事，是因貴國官商至該處游歷，並未照約先行照會地方官預為保護，以致鄉民誤會，並不知是貴國之人，聚衆圍觀，併未搶奪。實為地方官意料所不及。該官商等因人衆，當場即開槍轟死一人，受重傷二人，情形亦極可憫。來電謂該員等用軍械自衛，是該官商等開槍轟斃人命，亦為貴大臣所前知。比照貴國法律，似亦無用槍轟斃人命，復又從而焚毀村莊之理。

貴國素號文明講理，且極敦睦誼，貴大臣又是才品公平之人。請查兩國新訂條約，貴國兵隊只在邊界內過調，並無在邊界外可以調動兵隊之說。且此事亦非動兵之事，沂州府民情强悍，衆志成城。貴大臣如調兵隊前往焚毀村莊，萬一鄉民羣起為難，本院將何以保護？應請貴大臣將調派兵隊之議趕即停派。所有日照案犯、沂州等處村社，本院當嚴飭各地方官，分別認真審辦彈壓。嗣後貴國如有游歷官商，務望先期持所領護照，照會地方官，以便隨時選派兵役，沿途保護，實於兩國交誼大有裨益。貴大臣來電說，望嗣後該處一帶安謐無事。本院極為欣願，蓋事事總須和睦商辦也。撫東使者張覆。二十。印。

（總理各國事務衙門檔）

附錄：青島德督爲派兵隊至日照蘭山事致張汝梅電

一八九九年三月三十日（光緒二十五年二月十九日）

濟南。撫部院鑒：茲因上年本國教士薛田資被日照縣匪徒毆傷，幾至斃命，迄今日之「」尚未拿獲解案審訊。是以本大臣派兵一隊前往，其意係爲本國欲將該犯如何治罪及究出血款等節，貴國均行照准，以結此案起見。再，日前有德官數員，隨便遊歷，欲赴沂州府。在途次，幾村居民用砲轟擊，該德員等無法，祇用軍械自衛，保全性命。該省有如此頑民，地方官似未能防範于前，又不能懲治于後。所以本大臣特派德兵一隊，開往滋事之處，將該村焚毀。本大臣此舉，非與貴國有尋釁之意，不過俾人知有謀害德人者，本大臣決不能置之不理，以戒將來再滋此等情事。惟望今後教士、商人、礦師等安然各行其職，今行此舉，卽免將來再用此項舉動，猶望嗣後該處一帶安謐無事。德督葉。十九。印。

（山東巡撫衙門檔）

二六三 盛宣懷爲請飭沂州各州縣保護電桿事致張汝梅電

光緒二十五年二月二十二日（一八九九年四月二日）

濟南。張中丞：「據」報十九，德國兵船距膠州約二百里之地，由日照登岸，與土人爭鬧。等語。如

「」原文如此。

有其事，請飛飭各州縣保護電桿，以免阻隔。乞電示。宣叩。馮。印。

（山東巡撫衙門檔）

二六四 總署爲可將租界內糧戶等冊送德事致張汝梅電

光緒二十五年二月二十二日（一八九九年四月二日）

濟南。開缺山東巡撫：馬電悉。膠墨租界內糧戶等冊，可由該州縣徑送，以免枝節。養。印。

（山東巡撫衙門檔）

二六五 張汝梅爲請速將兵隊調回事致青島德督電

光緒二十五年二月二十三日（一八九九年四月三日）

青島。送德國葉提督鑒：日照之案，已獲犯四名，由該縣審辦，併嚴拿餘犯。賠款均取去。是此案已經了結，立有合同。至該商等疑爲鄉民行劫，卽開槍傷人，併未失物，又未受傷。該莊長聞信卽往，保護解散不爲不力。一切情形，想貴軍門當可原諒商辦，非須動兵之事。兵久住恐另滋事端，於鐵路、商務大有關礙。本院去任卽爾，特以良言相勸，總宜不失數十年兩國和睦爲體要也。愚見速將兵隊調回，免得百姓妄生疑懼，別滋事端，幸甚。伏望裁酌。○○拜上。二十三。印。

（山東巡撫衙門檔）

附錄一：青島德督爲日照教案務須獲犯等事致張汝梅電

一八九九年四月三日（光緒二十五年二月二十三日）

濟南。撫部院張鑒：來電敬悉。查日照薛教士之案，雖經彭道與安治泰議結各款，惟案內各犯迄未緝獲。夫拿辦逸匪，實關兩國邦（交）之要端。至沂州一事，該官商等護照雖未呈驗，乃鄉民聚衆行兇搶奪，於理合乎？承示游歷者須知會始能保衛，嗣後本大臣遇有赴內地游歷之人，遵照辦理。德督葉。二十三。印。

（山東巡撫衙門檔）

附錄二：德親王爲陳明派兵用意事致張汝梅電〔一〕

一八九九年四月三日（光緒二十五年二月二十三日）

濟南。撫部院張鑒：昨在膠州接准來電，並該州張刺史周旋備至，特此鳴謝。查中德邦交篤益，實屬確談。若貴部院誠能留心於所屬各處永不失和，卽如本國之礦務、鐵路各員得以安行其職，本親王曷勝欣悅。沂州、日照之案，已與葉總督面商，此舉不過令本國官、商、教士便行其事，各地方官果均按貴部院之美意奉行辦理，何須派兵往護？應諒其言，彼此之用意相同。想所商之事，可速日清結，嗣後

〔一〕此件與以下兩件之內容均與前正件有關，故亦附於此。

官、商、教士在內地無被阻滋擾情節，即勿須再發兵也。德國親王亨利。二十二。印。

批：得復拜悉，感謝之至。當嚴飭地方文武妥爲保護，勿任再滋事端，永敦和好，於商務大有益處。請商之葉提督，速將兵隊調回，免得百姓妄生疑懼，另滋事端。至叩至叩。山東使者○○○謹拜上德親王殿下。

（山東巡撫衙門檔）

附錄三：德親王爲冀地方官彈壓民衆事致張汝梅電

一八九九年四月五日（光緒二十五年二月二十五日）

濟南。撫部院張鑒：來電悉謝。如能嚴密保護德人，於商務大有興益暨兵丁不便久駐滋事處之意，彼此同心，實屬欣悅。惟冀嗣後地方官設法聽從本國官、商、教士在內地永遠按約安行其職，利無滋擾，即共再往彈壓〔一〕。至禱。德親王亨利。二十五。印。

（山東巡撫衙門檔）

附錄四：青島德督爲陳明退兵條件事致張汝梅電

一八九九年四月六日（光緒二十五年二月二十六日）

濟南。撫院張鑒：來電悉。本國官、商前在沂州被各村轟擊之事，特派兵前往焚毀。現已辦結，將

〔一〕原文如此。

隊調回。日照之兵，如按飭限期將事理竣，亦可退回。惟望在東省之官、商、教士，貴院及後任加意保護，得行其業，實爲主宰。今遇搔擾，情致難各居其職。嗣後德人再被中國官民滋鬧，無他，仍須派兵往懲。德督葉。念六。印。

批：具奏。卽行知各處。

（山東巡撫衙門檔）

二六六 劉坤一爲日領事查詢德兵赴日照事致張汝梅電

光緒二十五年二月二十三日（一八九九年四月三日）

濟南。張翰帥鑒：日領函稱，接密電，本月十九，德國兵輪駛抵距膠二百里之日照地方，派兵登岸，與土民爭鬧。此事與東方大局有礙，不能袖手旁觀。飛請電詢實在情形〔情形〕，以便轉稟政府云云。卽煩尊處查探，日照地方有無德國登岸，與土民爭鬧情形如何，速賜電復，以便轉告日領爲荷。坤。漾。印。

批：卽將德人無禮派兵到日照縣署，案早了結，詳細告之。速行。

（山東巡撫衙門檔）

二六七 總署爲德商慕興立等傷斃蘭山鄉民事致德使照會

光緒二十五年二月二十三日（一八九九年四月三日）

昨接山東巡撫電稱：據青島來電，內開，日前有德官數員隨便游歷，欲赴沂州途次，居民用炮轟擊，該德員等用軍械自衛，保全性命。該省有如此頑民，地方官未能防範，所以特派德兵一隊，開往滋事之處，將該村焚毀。等語。查此案據該署府稟稱：有德國商人慕興立、葛勒梅、漢納慢同教士方偉廉，行至蘭山縣黃谷村西，因未照會地方官預為保護，以致鄉民誤會聚觀。德商即當場開槍轟死一人，傷二人。當即驗明，並保護德商等出境。仍督飭營隊加意彈壓，毋任鄉民滋事。各等語。

本衙門查山東稟報，與膠撫所言迥不相符，其中恐有錯誤。倘德兵竟欲前往焚毀村莊，以至殘害民人，非但無以服人，亦覺有傷睦誼。

除請轉阻膠撫派兵一節業已另文照會外，相應將沂屬華民死傷實在情形，照會貴大臣查照可也。

（山東巡撫衙門檔）

二六八 總署為奉旨著飭彭虞孫速結日照教案事致張汝梅電

光緒二十五年二月二十四日（一八九九年四月四日）

濟南。撫台：養電悉。日照薛田資案與安治泰議定，何以德督又派兵住縣索犯？彭道辦理此案殊欠周妥。希飛催該道星速馳回，再與安主教詳議了結，並令□□德督迅即撤兵，免滋釁端。遵旨電

□□原電有碼缺字。

達。迴。

山東巡撫衙門檔

二六九 總署爲希飭夏辛酉於沂州嚴密布置事致張汝梅電

光緒二十五年二月二十四日（一八九九年四月四日）

濟南。撫台。頃海使照稱，德兵大隊已至沂州，暫難停止。將來沂境果能平靖，德國甚願將兵退回。此時或飭中國所派帶兵官，會同德國帶兵官商議彈壓。等語。夏鎮到沂後，務須切實保護彈壓。惟德兵舉動兇橫，亟應暗中嚴密布置，以防意外之變。希密飭辦理，遵旨電達。敬。印。

（山東巡撫衙門檔）

二七〇 張汝梅爲請商德使阻派兵隊往日照蘭山事咨呈總署文

※光緒二十五年二月二十四日（一八九九年四月四日）

本年二月十八日，據代理沂州府知府楊建烈稟稱：本月十一日晚間，德國洋商慕興立、葛勒梅、漢納幔等同耶蘇教士方偉廉，赴署謁見卑府。據云，是日午刻，攜帶行李貨物小車六輛，行至蘭境黃谷村西住歇，突由莊東來鄉民百餘人，分携槍械圍住車輛，開槍嚇放，欲行搶劫。伊等開放洋槍抵禦，轟傷鄉民三人，並經莊長等趕往保護，該鄉民等遂各逃散，並未搶去財物，洋人及車夫等亦無受傷。等語。

蘭山縣陳令公亮，適於是日早協同兗州田鎮所派馬隊，赴東鄉一帶巡緝，當經卑府函知陳令馳往勘辦。現據陳令回署面稟，受傷鄉民內有一名業已因傷身死，其餘李傳等二名，亦均受傷沉重，不能取供。查現值鄉民正與洋教爲難，該洋商等並未知會保護，以致鄉愚不知是教是商，輒行聚衆滋鬧。

除將該洋商等並行李車輛，飭令陳令選派勇役並移會下站，一體妥爲保護，已於十三日起程，旋回青島，併由陳令將驗訊緣由稟報詳辦外，理合稟請查核，應否移咨總理衙門核辦。等情到院。

據此，當經批飭該府縣嚴拿滋事之人，務獲究報。一面正在咨呈間，旋接青島德督葉來電：茲因上年，本國教士薛田資被日照縣匪徒毆傷，幾至斃命，迄今日之尚未拿獲解案審訊。是以本大臣派兵一隊前往，其意係爲本國欲將該犯如何治罪，及究出恤款等節，貴國均行照准，以結此案起見。再，日前有德官數員隨便遊歷，欲赴沂州府，在途次幾村居民用砲轟擊，該德員等無法，祇用軍械自衛，保全性命。該省有如此頑民，地方官似未能防範於前，又不能懲治於後，所以本大臣特派德兵一隊，開往滋事之處，將該村焚毀。本大臣此舉非與貴國有尋釁之意，不過俾人知有謀害德人者，本大臣決不能置之不理，以戒將來再滋此等情事。惟望今後教士、商人、礦師等安然各行其職，今行此舉，卽免將來再用此項舉動，猶望嗣後該處一帶安謐無事。德督葉。十九。印。等因。

本部院查薛田資在日照縣境被傷一案，上年已由兗沂道彭虞孫與德主教安治泰議結，共給卹款二萬五千兩，並買地建堂、賠禮、辦犯等事，均經立有合同。其銀兩已由安治泰取去，出有收條。至慕興立等在蘭山縣境游歷，並未照會地方官預爲保護。乃因鄉民聚觀，該德商卽指爲搶劫之人，又未失少

物件，輒當場開槍轟斃一人，轟傷二人。且已由蘭山縣驗明，當即保護出境。稟報後業已批飭拿犯懲辦，並嚴飭該府縣會同營隊加意彈壓，勿任鄉民滋事。辦理已極從權。今德督不議該洋商擅自開槍轟人之非，反以派兵一隊將該村焚毀等詞，肆其要挾，殊出情理之外。按照膠澳原約，該國過調兵隊，只准在邊界內，並無擅入內地之文。而沂郡民情浮動，萬一因此構釁，殊於交涉大有關礙。

除電復德督阻其停派兵隊以全睦誼外，擬合咨呈。爲此咨呈貴衙門，謹請鑒照。迅與德國駐京使臣籌商，將以上兩案辦理情形及東省嚴飭地方官彈壓保護各節，剴切詳陳，務令其作速轉電德督，勿得違約派兵，擅入內地，使百姓驚疑，滋出事端，以敦邦交。仍祈將籌商情形隨時賜覆施行。

（總理各國事務衙門檔）

二七一 劉坤一爲詢問日照教案辯論情形事致張汝梅電

光緒二十五年二月二十八日（一八九九年四月八日）

濟南。張翰帥鑒：沁電悉。德人兇暴無理，雖允撤兵，從此教案益形棘手。辯論若何？議定後示知爲禱。坤。勘。印。

批：復以其焚村莊之兵已回船，在日照城內之兵仍未撤。

（山東巡撫衙門檔）

二七二 裕祿爲詢問德國撤兵日期事致張汝梅電

光緒二十五年二月二十八日（一八九九年四月八日）

濟南。張翰帥鑒。沁電敬悉。德人恃強滋擾，蠻橫已極，同深焦憤。台端密籌布置，力與爭論，漸就範圍，甚慰。何日撤兵回島？仍望電示。祿。勘。印。

批：復以在日照城之德兵仍未撤出。

（山東巡撫衙門檔）

二七三 總署爲應相機調度日照布置情形事致張汝梅電

光緒二十五年三月初一日（一八九九年四月十日）

濟南。開缺山東巡撫。艷電進呈。所有一切布置情形，應由尊處相機調度。至夏鎮抵日照後，當切告彈壓保護之意，以示覺端決不自我而開，卽一面嚴密戒備，以防意外，是爲至要。遵旨電達。東。印。

（山東巡撫衙門檔）

二七四 毓賢爲接任事致總署電

光緒二十五年三月初一日（一八九九年四月十日）

北京。總署鈞鑒。豔電敬悉。現抵濟南，准初二日接任。請代奏。○○謹肅。東。印。

（山東巡撫衙門檔）

二七五 統賢爲請達德使速撤日照之兵事致總署電

光緒二十五年三月初二日（一八九九年四月十一日）

北京。總署鈞鑒：密。兗沂道彭虞孫與德國安治泰已將上年日照案議結，立有合同。至德國官商慕興立等行至蘭山境黃谷村，鄉民圍觀，並無生事，乃竟開槍轟斃百姓兩人，受傷兩人，越日因傷病故一名。莊長趨至勸解，該官商既無失物，亦未受傷，由地方官派人護送出境。是此兩案中國已盡邦交之義，與其委蛇，以期相安，尚未問其無端轟斃多命之事。旋突來德兵，焚燒蘭山韓家村民房三十九家，瓦屋、草房三百多間，錢財、衣物焚燒一空。現聞有燒斃人命情事，已飭縣確查。當時幸良民忍氣吞聲，東奔西逃，流離可憫。斯時○○由甯赴東，道經沂州，正逢此事，當即諄諭該府縣妥爲開道勸諭，無不遵諭忍受。一面飭查戶口，安撫以固民心。然四方居民均抱不平，忿怒情形幾難抑遏。時恐德兵擅聽教民一面之詞，無端焚燬，紛紛傳言，終有不能束手待斃之時。該國無理欺凌，出示焚燒，圍困日照衙署，看守縣令，並有拘執帶回青島治罪各節。今竟無端焚燒民房，則帶縣令往青，恐非恫喝之詞。倘仍任意而行，百姓衆怒，恐非教民之幸。

應請總署達知駐京德使，電知青島速撤日照之兵，以釋億兆羣疑，而重兩國邦交。諒德使通達時勢，無不樂從也。查德督葉有電云，非與中國尋釁。既非尋釁，宜速撤兵。倘兵住久，與民生事，一時保護不及，將謂中國開釁乎，抑謂德國開釁乎，咎將安歸？均祈達知德使爲要。

再，昨在途次接奉廷寄，當卽五百里釘封飛飭夏鎮辛酉遵照矣。
再，正當發電問，恭奉本日電傳密諭：遇有交涉事件不可不慎。等因。欽此。○○敬當隨時相機因應，恪遵諭旨，慎重辦理。請代奏。○○謹肅。冬。印。

(山東巡撫衙門檔)

二七六 張汝梅爲錄送致德國親王等人書事咨呈總署文

光緒二十五年三月初二日(一八九九年四月十一日)

頭品頂戴·兵部侍郎兼都察院右副都御史·開缺山東巡撫等處地方·督理營田兼提督銜節制全省軍務兼理鹽政·監督臨清鈔關·世襲雲騎尉·勵勇巴圖魯張，爲咨呈事。

竊照山東教案之繁，辦理之難，不可枚舉。尤以日照、沂州等處爲甚。德人無理尋釁，動輒脅之以兵。迭經本部院電請貴署據理爭辯，現在日照城內德隊盤踞如故。本部院卸篆在卽，竊慮海疆重地，後患靡窮，不得已取古人臨別贈言之義，特致德國親王暨駐膠總督一書，以期弭兵釁固邦交，盡吾心之所欲言，濟不濟弗問也。是否有當，謹錄書稿以供鑒察。

相應咨呈。爲此咨呈貴衙門，謹請查照施行。須至咨呈者。計咨呈書稿一紙。
右咨呈總理各國事務衙門。

(外務部檔)

附件一：張汝梅爲敦促退兵事致德親王並青島德督書

大清國撫東使者張，謹再拜奉書大德國親王殿下、總督膠澳租界事宜葉大臣閣下：

月之二十六日奉復電，承示沂州兵隊現已撤退，日照之兵亦可退回云云。具徵殿下、貴大臣慎重邦交、保全睦誼盛懷，使者極爲欣悅。惟其中葉大臣復電，有再被滋鬧仍須派兵往懲之詞，是駸駸乎以兵力自雄也。揆諸殿下、貴大臣慎重邦交、保全睦誼之盛懷，殆相背而馳矣。使者不佞，願爲殿下、貴大臣一廣其說：

嘗聞之立國以禮不以兵。兵者所以禦暴，非所以爲暴也。古人懼以兵爲暴，故治軍必定軍禮，軍禮定而後兵與禮合，國亦因之以立，初未嘗以兵力自雄也。敝國自上古至今，可紀者凡四千餘年，其間以兵力自雄、恣睢暴厲以求逞於人者，一時非不强且盛也，而禮教凌替，終必由强而弱，由弱而亡。載在史冊，後先一轍。卽取歐洲之史比而觀之，其强弱盛衰興亡之迹，不在兵力而在禮教，似亦有班班可考者。如羅馬之君士但丁，固以兵力自雄者也。侮强欺弱，好大喜功，歐洲盡入版圖，其强盛至矣。未幾而東羅馬爲阿刺伯所併，而西羅馬爲義大利所併，而羅馬遂亡。又如法之拿破崙及其孫拿破崙第三，亦以兵力自雄者也。好勤遠略以殘人國，各國咸憚而避之，其强盛亦可謂至矣。卒之拿破崙爲英所擒，拿破崙第三爲貴國所敗，流之荒島，國勢遂因之而衰。是皆窮兵黷武、禮教不立之前鑒也。

殿下、貴大臣學通今古，識貫中西，當亦知之熟矣。而貴大臣來電，猶斷斷以派兵往懲爲說，其始

終以兵力自雄乎，抑欲自盡保教護商之職，竟舍此而無他策也。使者不佞，竊以爲殿下、貴大臣之盡職殊不在此。

夫膠澳之租界，沂州府屬之蘭山、日照諸邑，皆我大清國之疆域也。其民之在教不在教者，皆我大清國之百姓也。其以膠澳借貴國爲租界，以沂州等處聽華商與貴國商人合辦路礦，彼此均沾利，皆我國大皇帝與貴國大皇帝睦鄰善交，講信修盟而後有此。殿下、貴大臣不遠數萬里，秉國君之命，督理膠澳租界事宜，能敬體兩國大皇帝睦鄰善交、講信修睦之盛德，有以導揚而贊翼之，是卽所以盡職，是卽所以保教護商，又安用兵力爲哉？

且試以保教護商言之。貴國所保之教，固泰西所謂救是「世」教。是已教以救世爲名，舉凡斯世之人無一不在拯救之中，而後其教始大。摩西舊約、耶蘇新約，其宗旨無不以行善救人爲歸。今殿下、貴大臣既以保教爲名高，而又顯背救世之義。辦教案則輕議殺戮，報槍案則並無失賊，於槍斃人命之事則置之，於焚燒村莊之事則縱之。老幼倉皇，盡室偕遁，因饑寒而填溝壑（者）正不知其凡幾。質之救世教中人，當亦耳不忍聞，目不忍覩，而懼行善愛人之道無以信於衆矣。是保教之不可恃兵力也。請言護商，將爲旦夕計乎，抑爲長久計乎？將爲工程司一二人計乎，抑爲公司計乎？如爲公司計、長久（計），使者甚以殿下、貴大臣因護商而煩兵力之非策也。貴國不惜以數千萬金合於華商議辦山東路礦，爲振興商務計耳，爲德華公司享長久利益計耳。開工之時須招華民爲之操作，告成之後又借華商以廣招徠，其非德商一手一足之烈所能獨成其利，不待智者而知。今殿下、貴大臣於築路開礦之先，因

商人過境鄉民聚觀，遂仇視鄉民，火其居而戕其命，鄉民疾之甚矣。未享路礦之利，先受路礦之害。遠近疑畏，合境譁然。路成而百貨不能流通，礦開而煤鐵無人販運。德商以數千萬金振興東亞陸路商務，謀於與英人爭海上之利，而竟因是折閱〔一〕，使養路鍊礦之商本無以持久而善終。卽還問之公司中人，似亦不願有此。是護商之不可恃兵力也。

然此猶就貴國一隅言之也。邦交日衆，遠邇是瞻，殿下、貴大臣亦知各國嘗以保教護商爲重否乎？俄租旅順亦保教亦護商，初未聞有派兵深入內地焚燒村莊之事也。英租威海，法租廣洲灣，亦保教亦護商，仍未聞有派兵深入內地焚燒村莊之事也。何也？以條約爲重，而有以限制之也。貴國爲泰西著名大國，文明之譽播於歐亞諸洲，禮教之隆甲於日耳曼諸族，一舉一動各國咸環而伺之。加以兵力自雄，而不以條約是重，其於睦鄰善交、講信修盟之義何？使者甚恐諸國之竊議其後也。

然此猶就外交一事言之也。殿下、貴大臣亦知東省風俗之强悍，民教之積仇有不可以勢迫威劫者乎？齊魯之民，親上死長，勇而好鬪，自古已然。貴大臣威之以兵，劫之以火，其不肯投袂而拒者，非畏貴國之兵力也。僉以食毛踐土，世受國恩，體我國大皇帝睦鄰善交、講信修盟之盛德，以敬國君者敬遠人也。蚩蚩之氓，尚知敬君上之命，合兩國之好，不敢遽逞志於遠人，貴大臣則巍然巨卿也，其不敢辱大君之命以合兩國之好，當不待使者再三瀆矣。民教積仇有非旦夕，使者不敢謂鄉民胥是善類，而教民中之陽託善類、陰構私怨者，亦實繁有徒。教士來自遠方，不知構私怨者之非善類也，概從而歿〔卯〕

〔一〕原文如此。

翼之。若輩遂得自快其私，往往因觸酒豆肉之嫌，別釀焚劫械聞之禍。禍深仇重，其勢不至民教互相傷殘弗止。使者所不忍言，當亦殿下、貴大臣所不忍聞者也。爲今之計，殿下、貴大臣不欲保教護商則已，如欲保教護商，當先自輯和民教，解釋怨嫌。始不是之圖而謀以兵力刼制之，猶之抱薪以救火，揚湯而止沸，終未見其有濟耳。

中西法律不同，人心是非則一。向者貴國兵隊之初至膠澳也，卽墨民人李象風刃斃貴國巡兵，卽予以環首極刑。未幾貴國巡兵在膠州刃斃民人董彥方，洞穿胸腹，情形極爲慘酷，而行凶之兵解回貴國，其罪僅判監禁三年。視敝國之民命何其輕，視貴國之民命何其重？衡諸公法，當如是乎？準諸條約，當如是乎，勿惑乎？於日照教案，始則勒索郵款，又欲嚴辦案犯；於蘭山游歷之案，先則槍斃人命，繼且焚燒村莊，而悍然不以爲非也。雖然，是皆教士、行商自快其意者之所爲，而非殿下、貴大臣所甚願也。於何知之？於殿下、貴大臣之復電復〔一〕知之，於殿下、貴大臣之撤退蘭山兵隊知之。殿下、貴大臣固斷斷以公法條約爲重者也。日照教案久經兩次議結，給郵養傷、購地建堂諸節，安治泰已與充沂道公立合同，無可悔議。殿下、貴大臣卽欲多獲犯審辦，亦是敝國法律所有，原可和衷商辦。惟取供定讞，仍須照法律科斷，不得波累無辜。貴國兵隊亦不得久住縣城，總以及時撤〔二〕。民心一日不靖，非獨於殿下、貴大臣保教護商終有窒礙，亦無以重邦交全睦誼也。

〔一〕「復」字衍。

〔二〕原文如此。

古人有臨別贈言之義，使者以病乞退，不日與殿下、貴大臣別矣。不避外交之嫌，敢竭忠告之道，倘辱垂聽。嗣後凡遇保教護商之案，援照條約，事事持平，地方官當同任保護之難，殿下、貴大臣亦勿以兵力相迫，俾民教和輯，積怨捐釋，是即兩國臣民之福，是亦使者與殿下、貴大臣之幸也。

率陳胸臆，維殿下、貴大臣實圖利之。

（總理各國事務衙門檔）

附件二：張汝梅為備陳民教結仇緣由事致青島德督書

再啟者：

日照教案貴大臣必欲逞志於鄉民者，以教士薛田資為鄉民所辱耳。不知教士之辱鄉民蓋有甚焉者矣。夫教士皆好善之人，何致辱鄉民？其辱之也，皆教民導之也。教民有真好善者，亦有託於好善之名以魚肉鄉里者。鄉里不服，構成嫌隙，則藉他故訟之於官。其曲在鄉民因而懲之；曲在教民，官不能為之左袒，教士即從而左袒之，必使教民得直而後已。苟不得直，或得直而不滿所欲，又必藉他故以示要挾。鄉里愈不服，始則疑忌，繼則胥爭，終且朋毆，於是鬧教之案成矣。教案成，教民必聳教士為之主持，教士又必聳領事、公使為之主持。勿論曲直是非，咸以官勢迫制鄉民。輕則責令治酒食服罪，教民據上座，使鄉民跪而獻之，必待教民領受而後敢起。重則責令賠償失物，有以數千文之物，賠至數百千、數十百千文之物。官吏束手，貧民破產，鄉里方痛若剝膚，而教民反自鳴得意，以為不如是，

不足以張救世教之威也。然而教中勸人爲善之本意詎如是乎？此種詳細情形，不但貴大臣初至敝國不知之，卽還問之教士，亦有知有不知也。積仇既深，構禍必烈。民情可畏，天道難知。使者行矣，一再爲貴大臣備陳之者，願貴大臣有以啟教士之聰，而勿長教民之燄也。大局幸甚，民教幸甚。

撫東使者張

（總理各國事務衙門檔）

二七七 張汝梅爲詳陳洋教洋商欺壓太甚必釀巨變事咨呈總署文

※光緒二十五年三月初三日（一八九九年四月十二日）

竊照本部院於光緒二十五年二月二十六日恭奉電旨：有人奏，近來山東民教不和，屢屢滋釁，亦實不免有虐待教民情事，以致彼教銜恨，藉事生風。此種情形，總由地方官平時不善開導，遂至睚眦報復，積怨成仇，口角細故，致釀巨案。著該撫諄飭各州縣，卽行剴切曉諭士民，須知人教之人，同係朝廷赤子，與爾民生同里閭。自應誼篤睦嫻，不必因其習教故存嫉惡之心，庶彼此相安無事。遇有詞訟，無論教不教，地方官總應一律持平辦理，毋得稍涉歧視，以期消息無形。等因。欽此。當經通飭各州縣並咨會新任撫院毓，一體欽遵在案。

惟查東省民教不能相容，莫甚於今日。其故皆由教民虐待平民，教士又袒護過甚，百姓銜恨日深，無論賢愚莫不痛心疾首，直有不可終日之勢。地方官遇有教案，極力彌縫，一不立結，卽受嚴譴。百姓

亦盡知教民勢大難犯，遇事含垢忍辱，敢怒而不敢言。教民因而氣燄益張，任意陷害良懦。教士不察，動將平民送官，教民遂得陰逞其欲。重則罰款破家，輕則折席賠禮，甚至罰席時不以人視平民，責令頭頂杯盤，膝行而前，必如是甘心方得了事。此民教結怨日甚之實在情形也。

即如上年日照教案起釁之端，因德國夏教士干預詞訟，聽信教民王英環聲稱劉文穆等有聚衆滅教情事。迨經該縣傳詢，始知王英環等因向屠戶厲學珍賒借未遂，捏詞聳聽。布教士則偏聽教民之言，忽稱查出許言踵等隨同譏誚教務，指請縣中添傳訊究。實則該教民因其家道殷富，爲索財計。教士薛田資亦不問虛實，輕聽教民慫恿，遽赴後街頭莊迫令莊衆，將許言踵等交出送縣，如違必派洋兵圍莊勦殺。該莊衆僉以許言踵等實係良民富戶，羣起不平，遂將薛田資架至村外廟內評理，以致揪損鬚髮。經該縣趕去彈壓，將其帶回。並由該教士查明，實係教民向許言踵等訛借起釁，即將教士〔民〕王英富等八名斥革，交縣嚴辦。是此案與〔許〕言踵等全無干涉之實在情形也。

薛教士僅止毛髮受傷，並無毆打損傷重情。即與該莊民之咎，不過極於凌辱而止。嗣經該縣會同〔副〕總教福若瑟議明，在街頭莊修建教堂一所，及追物拿人等事，公立合同，各執完案。並由縣厚送程敬，薛教士亦欣然收領，自回青島。詎案已議結多日，安治泰無可藉口，又稱薛田資受驚傷腦，頓翻前案。復由兗沂道會同另議，加給撫恤養傷銀二萬五千兩，並許拿犯、建堂購地、賠禮各節。旋即獲犯四名，由縣訊辦。續又公立合同。此日照教案一再更議了結之寔〔在〕情形也。

本年二月間，有德商慕興立等私自赴沂游歷，舍大路而不由，偏就小徑行走，先不遵照條約知會地

方官沿途保護。山僻愚民無知，以爲罕見洋人，於是羣衆圍觀，言語嘈雜，並無搶劫財物之事。該商等觸目生疑，恐係聚衆搶奪，遂開槍轟死一人，轟傷二人。經莊長等聞信，立時趨至彈壓解散，稟由蘭山縣選派兵役護送出境。官民一律保護不爲不力。該德商等既未受傷，所携什物，亦並未一件短少。此該洋商無端生釁之實在情形也。

惟是人命至重，中外一理。薛田資僅止損及毛髮，而索其養傷費至二萬餘金。今該洋商無故傷斃我一人，受重傷二人，其情節重大無論，迥非毛髮傷損可比，非如賠款、建堂等事所能了結。若按國（際）公法而論，該洋商須照例抵償，庶足以昭平允。而我國重篤邦交，僅與辯理，尚未能「就」薛田資僅傷毛髮一案效德人之所爲，稍有翻異。德總督葉世克應如何曲敦睦誼，持平辦結，乃該德總督不查治該洋商以殺人之罪，反派兵焚燒該處村莊四十餘家，使死者蒙不白之冤，生者遭毀家之難。倘我國亦以此施之於彼，該總督能安然受之否乎？

且更有令人不平者，不特洋商轟斃人命，使我百姓加受焚燒之慘；而日照百姓僅傷及薛田資毛髮，該總督猶以欸雖取去，官雖撤任，而犯未全獲，尚不足以快其心，仍派兵隊進日照縣城，勒令匪犯六日全獲，十日治罪。復於兩次議立合之後，欲將縣令解赴青島治罪。近日兵隊踞守城門內外，隔絕不通，可謂兇橫已極。不知該前縣呂令因此撤任，新任楊令耀林甫到，因何獲咎至此？該總督猝爲此舉，又係何情何理？

本部院以爲洋人動輒尋釁，其病在一疑字。聽一教民指某人譏誚洋教，則送縣訊懲。試問譏誚何

憑而疑爲謗教？便欲處之以死罪？有一游士見某鄉民衆聚觀，則開槍轟擊。試問聚觀何辜而疑爲圖劫？便欲置之於死地？充其疑團所極，勢凡教民所住之鄉，不居一平民而後可；凡洋人所歷之處，不見一華民而後可。不然，欲指何人謗教，其人卽實犯死罪之條；欲指何人圖劫，其人卽難逃死地之外。東省民人有何生理？推之各省，成何世界？冤死者多，懼死者衆，一旦變起須臾，雖治以嚴刑峻法，而亦無可挽救。要知彼此欲求相安，非使民教而得其平不可。近數月間，沂屬民情浮動，實因過受教民凌虐，久鬱不伸所致。

本部院觀此民不堪命，深慮海疆重地後患無窮，何敢以行將去任，自安滅〔緘〕默。若任聽該總督之所爲，必欲右教民而抑平民，使良善無地可容，恐人心憤激，鋌而走險，必致釀成巨變，殊於大局關係非淺。應請貴衙門迅賜查照前兩案情節，與德使力爲爭辯，令其電致葉總督，速將日照之兵撤退，以杜釁端。相應咨呈。爲此咨呈貴衙門，謹請查照施行。

（總理各國事務衙門檔）

二七八 毓賢爲飭屬與安治泰辯論以了結日照教案事致總署電

光緒二十五年三月初四日（一八九九年四月十三日）

北京。總署鈞鑒：冬電諒閱。頃據兗沂道彭虞孫稟稱，日照教案已與安治泰晤商，詰以前已議結，何又悔議？據安治泰云，前結薛田資一案係在街頭村，此次係在土山莊續有拆毀教堂及教民房屋等

事，並未獲犯審辦，以致沂、蘭、郯、費等處相繼滋擾。現須將各案匪犯務獲究懲，所有莒州、日照、沂水三縣教民所失房屋財產，共須賠銀四萬四千一百兩。並聲明郯、蘭、費等處所失確數，查明另賠。等情。

查薛田資一案本在街頭村，何得影射土山莊，任意牽混？教民並未失物，又何得索賠至四萬餘金？其爲有意要挾，藉端訛詐，顯而易見。且卽以失物言之，德兵焚燒韓家村，據蘭山縣稟報，共燒民房三百餘間，又焚燬糧食、衣物、器具、牲口、樹株、銀錢、文約，現飭兗沂道彭虞孫派員前往，與沂州府蘭山縣確估。彼既責償於我，我亦可責償於彼，亦係持平辦法。民教積仇已深，沂州民風又極强悍，本是聚衆自衛，若因而滋事，何以弭後患而固邦交？

除飭彭道與安治泰據理辨論並趕緊設法了結外，應請貴署向德使駁斥，不得任意訛索，並飭令速將兵隊撤回，毋任久住城中，別滋事端。○○仍一面飛飭夏鎮辛酉暨各地方官妥爲彈壓，嚴密防範，以備不虞。仍祈將駁斥情形隨時電示。○○謹肅。支。印。

（山東巡撫衙門檔）

二七九 毓賢爲安治泰提出退兵條款事致總署電

光緒二十五年三月初六日（一八九九年四月十五日）

北京。總署鈞鑒：密。昨發支電，又據日照楊令來稟，現德官兵均居縣署。並據彭道稟，安主教來

函，退兵難以自主，惟以傷斃教民，意在賠款，并於莒州、郟城、蘭山、費縣四處城裏，各建小堂一座。如果照辦，即行退兵。等語。○思德人要挾太甚，以理喻之不能，以力禦之不可。除已札飭彭道相機妥速辦理外，仍請貴署與德使辯論，速即撤兵，以免滋生事端爲要。至道府縣五稟，亦即統咨貴署備查，併聞。○○謹肅。魚。印。

（山東巡撫衙門檔）

二八〇 毓賢爲陳述德兵進據日照縣城情形事咨呈總署文

光緒二十五年三月初六日（一八九九年四月十五日）

兵部侍郎兼都察院右副都御史·山東巡撫部院·提督軍門兼理鹽政毓爲咨呈事。

查接管卷內光緒二十五年三月初一日，據日照縣楊令耀林稟稱：案查光緒二十四年九月二十六日，德國教士薛田資在卑縣後街頭村被匪毆辱一案，前經本道與主教安治泰會商議結，書立合同，彼此分執完案。稟蒙批准行知在卷。

卑職于二月十八日接印任事。十九日，突有德國官兵由縣境石臼所海口上岸。是日初更時分，先進縣城百餘人，各執洋槍、刀械，偕抵署前。內有帶隊官一員名法根海，繙譯官一員名夏禮輔，並教士薛田資及通使四人。卑職立即延入署內，優以禮貌。伊等交出駐紮青島德國大臣葉世克信函、告示等件，其意欲將滋事之人六日內由縣全行弋獲，十日內審明，照律擬罪，並究出體卹款項。餘皆要挾恫喝

之詞。卑職詰以此案已經議和，由省發給養賠銀二萬五千兩，並獲犯許顏景等四名訊辦，並檢出卷宗給伊看視。據稱，伊等未之前聞，現時伊大臣既有信函，即須照辦。二十日，又到持械洋兵三、四十名，炮車三輛。是日晚間，由薛教士田資交出犯名單一紙。當經卑職票差勒緝各犯，一面出示曉諭居民俾勿驚慌。並飛請本府核示，及電由首縣代稟憲聽在案。

現在洋人官兵均居縣署及署東倉屋，終日托鎗往來梭巡。所需食用，係由卑職墊價代買。商民尚屬安靜。連日提差嚴比，並懸立重賞。復函請閩城官紳，邀集四鄉紳耆，動以利害，勸令該莊等自行交犯，以期及早結案，不壞全局。無如限期太迫，且該犯等早已聞風遠颺，實屬不易拿獲。

卑職身任地方，責無旁貸，遇此非常之事，曷敢不殫精竭慮，力任其難。惟全局攸關，事又萬分棘手，倘辦理不遂彼意，則後事不堪設想。再四籌思，惟有仰求憲台迅示機宜，俾有遵守。卑職幸甚，地方幸甚。

所有德兵來縣日期及現辦情形，理合將信示各稿開具清摺，馳稟查核，迅賜批示祇遵。

再，前議賠養款項，究竟有無發給，並求詳示。等情。到前院。未及核辦，卸事移交本部院。據此，擬合咨呈。爲此咨呈貴衙門，謹請查照，迅速賜覆施行。須至咨呈者。計粘抄清摺一扣。

右咨呈總理各國事務衙門。

(外務部檔)

附件：楊耀林稟附葉世克信函告示

一八九九年三月三十日（光緒二十五年二月十九日）

謹將德國信函、告示繕摺呈電。

逕啟者：查上年有德國教士薛田資，被日照縣匪人毆傷甚重，幾致斃命。迄今日久，尚未設法拿獲兇手，審辦此案。是以本大臣因無別策，今派德兵一隊前往貴縣，其意祇為本國欲將該匪如何治罪，究出體恤款項等節，貴國均行照准以結此案起見，並無他故。我軍駐貴署時，于貴縣公私各事並不干預，然貴縣亦不得出署。必須出示曉諭，勸人安分守己，不准滋事，與本大臣所出告示相符。至德軍日需火食等物一節，除由青島口所發外，其餘應在貴縣及邑人等概行供給，均照市價賠償。我軍至縣後，限六日內，貴縣須將傷害薛教士之各匪全行弋獲歸案；限十日內，必將該匪人審明，照律擬罪。是時，有本大臣所派文武官各一員，傍坐觀審。定案後，凡德國駐京大臣所索各端，如係立能照辦者，務必即刻遵辦。

以上各條，假使貴縣抗違不從，必為我兵所拿，並邑城紳士數名解赴青島。本大臣深望不致于此也。惟冀貴縣竭力注意，按照以上所提各節遵行辦理，收平縣境，俾得教士、礦師人等勿被留難，無礙工作。貴縣自應照約保護德民。倘此案完結後再生此等背約之事，以致本大臣勉強再須自行保衛居貴縣屬地之本國人民，實非本大臣所願者也。

我軍約束緊嚴，在縣境時必定守法，決不擾及商民。如有華民膽敢攻擊謀害我兵者，定必以軍械自衛，並照軍法從事。此佈。卽請貴縣查照。順頌日祉。

葉世克具。

大德欽命總督膠州文武事宜大臣葉，爲出示曉諭事。

照得上年曾有日照縣境無法人等，無故滋事，將德國教士薛田資毆傷甚重，幾致斃命之案，迄今尚未完結。現又有教士福若瑟由該處旋青稟稱，沂州府一帶，居民擾害教民傷身各事，時有所見。甚至殺戮教友，種種不勝枚舉，幾有尸橫遍野之慨，情堪痛恨已極。是以該處今已無從傳教勸人行善。等語。前來。

本大臣查愚民如此叛亂，實屬與條約內載保護教民之語迥不相符。且不僅從教之人爲居民視如讐仇，卽每有德國礦師前往該處游歷驗勘煤礦情形者，時被該處叛民留難阻滯，以及加害各事。本大臣得聞前項背約之舉，殊深詫異。既與所轄德境毗連地叛亂如斯，豈能坐視不理，置之不問？再四思維，殊無他策，惟有派兵一隊，駐紮日照城內，竭力彈壓，以期民教相安，勿再生事。

該兵等日需火食，除由青島所發外，其餘應在該縣令及邑人等概行供給，須按市價賠償，不欲空勒。倘如軍勢不足彈壓，土匪仍敢同前煽惑愚民，致于德國教士、礦師人等，不能安然往來縣境，以及教民受害，則本大臣無他，須設法嚴重懲治。倘果至于如此，無論如何完結，亦惟爾等是問。

爲此合行曉諭，仰諸色人等知悉。自示之後，爾等須知不得無故滋擾，致干查究。誠能相安，以免本大臣應設嚴重之法。其各凜遵毋違。特示。

右諭通知。

(外務部檔)

二八一 毓賢爲陳述德兵滋擾日照蘭山情形事咨呈總署文

光緒二十五年三月初六日(一八九九年四月十五日)

兵部侍郎兼都察院右副都御史·山東巡撫部院·提督軍門兼理鹽政毓爲咨呈事。

光緒二十五年三月初二日，據沂州府知府楊守建烈稟稱：竊照德督葉世克，前因日照街頭教案未經獲犯，派兵踞住縣城，並分兵突入蘭境，將韓村居民房屋、糧物焚毀。業將詳細情形，先後馳稟憲鑒在案。

日來接據日照楊令函稟，以德兵踞住縣署之後，晝夜持炮，周圍梭巡，嚴查出入。卽該令因公出署，亦須說明，方准辦理。該令連日將前獲滋事之許言踵等四名提案，憑同法、夏兩兵官暨薛田資訊究當日在場夥同毆辱教士之人姓名，隨時懸立重賞，出票拘拿。詎均先期逃逸無踪。復經邀集在城紳士，苦口商說，曉以利害，謂縣官之命誠不足惜，但來者如此不善，若不設法獲犯，必於大局立有妨礙。伊等皆以爲然。現已公函邀請四鄉公正人等，到城商辦，當有眉目。惟限期急迫，轉瞬卽屆，倘至期不

能應手，未諗德人作何究竟。所有兵輪三隻，現仍停泊海口未退。等語。情詞異常迫切，聞之焦急萬分。

竊以德兵突如其來，雖以薛教士橫被毆辱，並教民迭被搶擾爲詞，挾令拿犯懲辦，然竊窺其意，未始非藉端要挾，別有居心。第彼族久住日城，要官踞署，在楊令身蹈危機，固屬不堪思議；而閭邑民心震恐，難保不因畏成忿，釀生變端。且滋事匪徒知有德兵在縣坐索，早已相率遠颺，急切恐難就獲。尤可慮者，德兵曠日持久，勢難甘心引退，萬一因此另生枝節，其患更何可勝言？至再籌思，不得不冒昧瀝陳，理合肅稟。仰懇俯念事關重大，迅賜電商總署，妥籌良策。務令趕速撤兵，以解危機而全大局。至奉飭夏鎮督隊來沂，彈壓布置，以備不虞。刻聞該鎮日內即可到郡，容當相機面商，妥爲辦理。再，韓村居民房屋、糧物被毀，已由蘭山縣查明，開摺稟報。亦乞電達總署與德使理論。臨稟無任迫切屏營之至。等情。到本部院。

據此，除札飭充沂道辦理外，擬合咨呈。爲此咨呈貴衙門，謹請查照，賜覆施行。須至咨呈者。右咨呈總理各國事務衙門。

（外務部檔）

二八二 著毓賢嗣後須選熟習洋務之員補署附近膠澳各屬事上諭

光緒二十五年三月初八日（一八九九年四月十七日）

軍機大臣字寄山東巡撫毓，光緒二十五年三月初八日奉上諭：山東平度州現多交涉事件，地方緊

要，潘民表升任後，現在知州是否勝任？著毓賢切實察看，毋得遷就。附近膠澳各屬，情形大略相同。嗣後遇有各該州縣缺出，務須遴選才識明幹、熟習洋務之員，酌量補署，以免貽誤。將此諭令知之。欽此。遵旨寄信前來。

(上諭檔)

二八三 毓賢爲陳述德兵焚燒蘭山縣韓家村情形事咨呈總署文

※光緒二十五年三月初十日（一八九九年四月十九日）

查接管卷內，光緒二十五年三月初一日，據蘭山縣陳令公亮稟稱：竊卑職前因德兵將卑境韓家村等處縱火焚燒，當經馳往勘辦，一面稟報在案。查韓家村一名東白蓮峪，卑職於二十四日，馳抵該村勘明被燒房屋王肅等二十八家，附近之前白蓮峪王振明家，亦被燒毀草屋三間。詢據該處村民，德兵於縱火後即撤隊，由安東衛海口退回，兵船已無踪跡。惟據該監生王肅等稟稱，各鄉民因此次洋兵縱燒韓家村房屋，紛紛惶惑，咸有戒心。生肅雖卧病增劇，竊聞各村現多籌備鎗械，期爲自衛之計。等語。雖經卑職開導，慰撫各莊，勸令被燒各戶，現均回莊安業，第鄉民忿切身家，伊等深恐事同韓家村，不分良莠，悉遭一炬之禍。難保各鄉民不同心積憤，致釀釁端。

除由卑職盡力勸諭，並將勘明被燒各戶房屋、糧物開具清摺，並分別撫卹外，理合稟請查核移咨總理衙門核辦。

再，德商慕興立等在黃谷河村，現經查明共被轟傷張狗剩、孫四、李振隆、李傳等四名，張狗剩、孫四即時因傷斃命。因孫四屍身即經屍親潛行抬回掩埋，是以未經驗報。受傷之李振隆，現亦據報因傷身死。合併聲明。等情。到前院。未及核辦，卸事移交本部院。

據此，除札飭兗沂道辦理外，擬合咨呈。爲此咨呈貴衙門，謹請查照施行。

(總理各國事務衙門檔)

二八四 毓賢爲陳明沂屬各教案辦理情形專咨呈總署文

※光緒二十五年三月初十日(一八九九年四月十九日)

查接管卷內，光緒二十五年二月初一日，據兗沂道彭道虞稟稱：竊職道於十里堡工次疊奉鈞札，以德督派兵赴日照、蘭山要挾，飭即遵旨轉飭欽遵辦理。等因。職道隨即起程，於二十七日安山途次又奉札開，本年二月二十五日，承准總理衙門電開，日照薛田資案業與安治泰議定，何以德督又派兵住縣索犯？彭道辦理此案殊欠周妥。希飛催該道星速馳回，再與安主教詳議了結，並令德督迅即撤兵，免滋釁端。遵旨電達。等因。札飭立即欽遵，前往妥速辦理。等因。

職道捧讀之下，欽悚莫名。遵即馳赴濟寧，與安治泰會晤。據云，薛田資在日照縣街頭村被匪毆辱一案，業已議結，並非因此發兵。緣日照土山莊續有匪徒拆毀教堂、教民房屋，此教堂內薛田資之物又被搶去不少。該縣並未拿犯懲辦，以致沂、蘭、郯、費等處紛紛搶擾，所毀教堂、教民房屋，並搶去各

物不可勝計，概未拿犯懲辦，教民實難安度。是以由青島派兵，前往保護教民。等語。職道答以保護教民係中國應辦之事，毋庸貴國派兵相助。日照呂令、郟城倉令、莒州蔣牧、費縣陳令均因疏於防範，辦理遲延，業蒙撫憲分別撤任調換。現在接署之員甫經到任，一俟詳細查明，自必認真辦理。希即電請將所派之兵先行撤回，以敦睦誼而便商辦。等因。復據安治泰云，必須將各案匪犯迅速拿辦，被擾教民給資賠補，俾得回家安度。此係至要之事，俟辦有眉目，方能撤兵。等語。職道與之辯論再三，固執不允。因將沂屬各案現擬辦法開列數條與之商議，安治泰亦不以爲然。

旋即送來一信，又抄稟一件，內開：查明莒州、日照、沂水三縣，被毀教堂、教民房屋及失物，索賠銀四萬四千一百兩。並聲明郟城、蘭山、費縣等處，現派教士赴彼查勘，俟稟復再行函知。等情。查此三縣均有殺斃教民之案，尚不知其如何索賠，實屬有意要挾，辦理萬分棘手。

除札飭日照、莒州、沂水、蘭山、郟城、費縣各牧令，趕緊會同防營，查拿爲首滋事之犯，務獲訊辦，暨保護教民回家安度，並飭日照迅速指撥城內官地五、六畝爲其建蓋教堂之用，以符薛田資案內原議外，應請俯賜札飭各該州縣迅即查照辦理，以期速結而杜藉口。所有職道與安治泰晤商各條，及安治泰來信並抄稟一件，照錄清摺，稟呈察核。應如何辦理，及轉咨總理衙門查照之處，伏祈鈞裁，並乞訓示遵行。等情。到前院。未及核辦，卸事移交本部院。

據此，除轉行外，擬合咨呈。爲此咨呈貴衙門，謹請查照賜復施行。

附件一：彭虞孫呈與安治泰晤商沂屬教案八款

謹將沂屬教案現辦各節約擬八條，與安治泰會商，照錄清摺呈電。

計開：

一、上年十二月初八日，東字正軍張哨官在蘭山縣王莊地方，督隊擊斃聚衆滋事拒捕之犯四名，餘匪逃散。

一、蘭山縣稟，首匪犯孫折等業已逃逸無跡，一時未能弋獲。已將該犯房屋拆毀，地畝入官變價，以備卹償教民之用。

一、二月初一日，田鎮帶隊與職道到沂州後，各屬匪徒俱散，未聞再有搶掠之事。爲首之孫折、楊清賢、趙東海、吳大少等俱逃逸無踪，仍懸賞勒緝務獲嚴辦。

一、諭令各州縣傳集公正紳董，傳諭四鄉練總、莊長，曉諭附從鄉愚，寬其既往，概不深究，惟須保護教民，不得再滋事端，言歸於好，以期民教相安爲第一要著。

一、據日照縣稟，拿獲許言踵卽許顏景等四名。莒州稟，拿獲劉小得等七名。費縣稟，拿獲陳志信等二名。蘭山縣亦有拿獲匪犯二名，嚴辦在案。應均由各該州縣訊取確供，分別擬辦。如所犯情節尚輕者，除責押，擬取具的保，釋令回家，責成保獲〔護〕教民。倘敢再滋事端，定行從重治罪。

一、被毀教堂幾處，草、瓦房若干間，及所失物件，由各教士會同地方官查明確數，開單再行商辦。

一、傷斃教民，蘭山縣三名，費縣二名，鄒城縣四名，又受傷二名。擬照鄒縣成案，死者每名給京錢五百千，傷重未死者每名酌給二百千，傷輕平復者每名酌給一百千。

一、教民被毀房屋，擬照單縣成案，瓦房每間給銀四兩，草房每間給銀二兩。所失糧食、物件，每大小戶酌給撫卹銀十兩內外。均由各該州縣查明核發。

以上八條，前四條業已飭辦，後四條現與安治泰面商，俟其議復，再行稟請憲台核辦。

其莒州蔣牧前交布教士京錢一千六百吊，蘭山陳令前交布教士銀二百兩，轉發逃避來城教民衣食之資，言明將來在撫卹款內扣算。合併聲明。

(總理各國事務衙門檔)

附件二：安治泰為沂屬教案索賠事致彭虞孫函

敬啟者：以莒州、日照縣、沂水縣等處教民被賊擾害一案，敝主教選派三位妥當神父福若瑟、布恩溥、文安多赴彼查(勘)去後。茲據該神父等按良心秉公稟報前來。敝主教復查無異。茲准欽差大人函提教民被搶失物值銀若干清單，除將原稟抄錄一分，呈送欽差大人備案外，特將原稟抄錄一紙，移送貴道查閱。即祈照抄去原稟內開銀兩數目，速為發銀賠補，決毋再行裁減遲延。切切。

至郟城、蘭山、費縣等處教民被搶一案，亦即派令妥當神父赴彼查勘。俟稟到日再行函知。查莒、郟等處教民被搶之案重疊，迄今多日，並未拿獲各案賊賊究辦，實在不成事體。即祈貴道趕

緊設法，速速嚴拿各案盜賊懲辦，以靖地方而民教相安也。是爲至感。專候賜復。肅此。敬請升安，維希斗照百益。

(總理各國事務衙門檔)

附件三：福若瑟等爲勘查沂屬教務損失事稟安治泰文

一八九九年二月二十八日(光緒二十五年正月十九日)

委查山東沂州府屬教務司鐸福若瑟、布恩溥、文安多謹稟主教大人閣下。敬稟者：

竊於西歷本年二月二十一日，接奉鈞諭，飭委查考莒州、日照縣、沂水縣等處各教堂被搶情形，教民被搶糧粒等物，認真查明，不得虛偽，據實稟報。等因。蒙此，當卽遵飭前赴莒州、沂水縣探聽。稍爲平安，按戶細加確查，挨詢外教之人，與教民所報大概相同。惟日照縣未能按戶挨查，奈因呂官懦弱無能。卑鐸福赴日照縣城，聞聽該境仍未平安。旋往莒州，途次遇日照匪人持刀趕殺二次，所以不能親身再往，誠恐又出事端。轉派妥當先生確查去後。茲據稟復前來。理合將查明莒州、日照縣被匪拆毀各處教堂，以及毀壞念經房屋，暨各教民被搶糧粒、物件、器具、衣服，並拆毀房屋，從減核實酌值價銀數目，開呈電閱。

計開：一、莒州拆毀教堂四座，念經房屋十四處，共約酌銀五千兩。日照縣拆毀念經房屋四處，共約酌銀二千兩。沂水縣毀壞念經房屋一處，約酌紋銀一百兩。

二、莒州、沂水縣教民被搶至今日給飯食，共約酌銀二千兩。日照縣被搶教民由彼至今日給飯食，約酌紋銀八百兩。

三、莒州被搶教民共一百九十七家，教民自開失單，共合京錢九萬七千八百五十千文。卑鐸等挨查確實，共酌紋銀二萬兩。日照縣被搶教民共一百零四家，教民自開失單，共合京錢五萬八千八百六十四千文。派先生挨查確實，共酌銀一萬三千兩。沂水縣被搶教民共十二家，教民自開失單，共合京錢五千千文。卑鐸等挨查確實，共酌紋銀一千二百兩。以上統共合算紋銀四萬四千一百兩。

此係卑鐸等挨戶細查，再三核算，格外從重裁減。卽如數發銀照賠教民被搶等物，實在酌價至極，至少萬不能再讓再減。

奉飭前因，理合稟復。伏乞主教大人格外仁慈，趕緊設法，函懇欽差大人酌奪辦理，以救教民苦難，有家可歸。嗚呼，卽如教民若想在家平安，毋論地方官長與衆司鐸均難保護，非蒙主教大人在京或省，商請妥派大權委員前來，始可太平，不然教民斷難保全也。肅修寸稟。敬請助安。伏維垂鑒。卑鐸若瑟等謹稟。

(總理各國事務衙門檔)

二八五 毓賢爲抄送彭虞孫與安治泰商辦沂屬教案函件事咨呈總署文

※光緒二十五年三月初十日(一八九九年四月十九日)

查接管卷內，光緒二十五年三月初一日，據兗沂道彭道虞孫稟稱：竊職道昨肅寸稟，備陳與安治泰會晤情形，並照抄各件排單遞呈，諒蒙鈞鑒。職道回兗後，又接安治泰來信，以西兵之來非其主之，其退兵與否，難以自主，並擬籌辦沂屬教案數端云，如果照辦，伊國無話可說，西兵自行退回。等語。

職道就安主教所稱各情，詳加體察，意在先允所請，然後退兵。而伊此議曾否與伊國公使電商，情殊詭秘，莫由揣測。職道以爲必先退兵，方能商辦。現已函復，仍囑其迅即電請將駐日之兵先行退回，以敦睦誼而便商辦。至其所索各節，應如何辦理，職道未敢擅擬。謹將與安治泰來往信函照錄清摺，稟呈鑒核。應否咨商總署之處，伏祈鈞裁，並乞訓示祇遵。肅此。具稟等情。到前院。未及核辦，卸事移本部院。

據此，除分別咨行外，擬合咨呈。爲此咨呈貴衙門，謹請查照，迅速賜覆施行。

（總理各國事務衙門檔）

附件一：彭虞孫爲商辦沂屬教案事覆安治泰函

光緒二十五年三月初一日（一八九九年四月十日）

敬覆者：頃接手書，以退兵一節，貴主教亦難自主，復承示沂屬教案擬辦各節，如果照辦，西兵自退。等因。

澈道詳繹來函，似兵之能退與否，貴主教仍有把握。查沂屬現經夏鎮帶隊前往，會同府州縣彈壓

保護，自必認真妥辦，使地方安靖。被擾未歸之教民，亦已札飭各該州縣妥爲照料，令其回家安度。惟頃接沂州府來稟云，日照縣各城門有貴國兵把守，出人不便，信息不通。如此情形，地方官何能辦事？貴主教曾受我皇上恩典，中國情形素所深悉。仍祈速賜電，請將現駐日照貴國之兵先行退回，以敦睦（誼）而便商辦。至尊意擬辦各節，自當稟請撫憲核示，再行奉復可也。先此布懇。順頌近祉。鵠候回玉。諸維朗照不備。

（總理各國事務衙門檔）

附件二：安治泰爲沂屬教案索賠各款事致彭虞孫函

敬啟者：日昨承囑，電請敝國退兵一節，仰見貴道大人保全大局之至意，實深欽佩。惟念西兵之來，弟未嘗主之；其退兵與否，弟亦難自主。謹將沂屬教案應行籌辦情形，先爲貴道言之：

薛教士在日照遭事一案，前已定合同。議恤銀二萬五千兩，亦經敝堂領收。其餘按合同應辦事件，該縣令未即照辦。祈飭該縣速辦，以符前約。至莒州、沂水、日照等處教堂被毀，及教民被搶景況，前經福教士、布教士、文教士查明，已開單呈電，茲不贅。蘭山、郟城等縣之教案，現派布教士、葛教士、白教士前往查訪。祈派委幹員一同往查，會開清單再行送閱。所有沂屬傷斃教民多名，弟不忍兇犯抵命，擬將兇犯重罰，每人命一名，著彼出京錢一千五百串養其家屬。受傷重者，著兇犯出養傷錢六百千；輕者減半。教民自遭事之後，經教士養活至今，曾費多金。官家亦應設法管問，並將教民護送回

家，平安過度爲要。

再，念十數年來，弟傳教山東南界，銀錢與心血不知耗費多少，今竟遭此巨變，事將全壞，實屬可惜。而滋事人等，又想教堂、教民盡可隨便攪閑，更屬可恨。教堂受此種種苦害，應在莒州、郟城、蘭山、費縣四處城裏，爲敝堂各修小堂一座，一〔以〕作賠補亦不爲過。

以上係弟擬辦沂屬教案情形，如果均蒙照辦，則敝國無話可說，西兵自行退回。鄙見如斯，想高明定以爲然也。此佈。順請鈞安。

二八六 張汝梅爲交涉命案應按中外律例合同商辦事咨呈總署文

※光緒二十五年三月十五日（一八九九年四月二十四日）

光緒二十五年二月二十四日，據膠州知州張牧承燮稟稱：光緒二十四年正月三十日，據卑州西關地方李顯堂稟報，州民董彥芳被德兵扎傷身死一案。當經卑前署州羅牧志伸移會德理事官驗訊稟詳，經撫院咨呈總理衙門酌辦。嗣據該屍親董長齡呈催，羅牧先已卸事，卑職接准移交，復經照案詳由前本府轉請咨催在案。

旋准德國巡撫羅紳達函開，以德兵刺斃董彥芳一事，當將該兵解回本國治罪。現奉外部文開，已將該德兵按無意因傷致董彥芳身死例，軍律監禁三年。當照監禁三年擬定。等因。函請查照。等因。正在核稟間，茲准德國總督葉世克函開，以上年德兵在膠州刺斃董彥芳一事，現在該德兵業經懲辦，此

案已結。惟董彥芳屍棺尚未葬埋，情殊可憫。擬賞給體恤洋銀四百元，函請傳領。限該屍親兩日內趕將屍棺葬埋。等因到州。

准此，查光緒二十四年即墨縣民李象風殺斃德兵一案，當將該犯正法，始行議結。今德兵扎傷董彥芳身死，德國外部擬以監禁三年，輕重懸殊，實不足以昭公允。惟中外律例互異，彼既確有依據，辯駁似亦無裨。現既酌給體恤洋銀，以擬燒埋，不無情理。當傳屍嗣子董振元及屍姪董長齡等到案，諭以事關中外，茲准德國函達辦法。該屍子等尚各甘服無詞。前項洋銀四百元，業已分別照領取結附卷。除一面函復外，是否有當，擬合稟請查核咨達，實爲公便。

抑卑職於此更有請者，人命至重，中外一體。每遇交涉，辦理參差，揆理準情，總非持平之道。可否咨請總理衙門轉商各國公使，凡有交涉之案，互按中外律例，合同酌定變通辦法，仍自衷諸一，是不致遇於倚輕倚重，似於大局不無裨益。合併附陳。等情。到本部院。

據此，查膠州民人董彥芳被德兵扎傷身死，該國將下手殺人之犯僅止定擬監禁三年，發給屍屬洋元，卽爲了事。而上年卽墨縣民李象風致斃德兵一名，卽將該犯擬抵正法。同一殺人之案，中外問罪情（輕）重懸殊。該州所稟，係屬持平之論。似宜照會各國公使，嗣後交涉之件，如係有關人命，務須互按中外律例，合同商辦，以免畸輕畸重之弊。

除稟批示外，擬合咨呈。爲此咨呈貴衙門，謹請鑒照酌核辦理，賜復施復（行）。

二八七 毓賢爲德兵在日照林家灘傷斃民人于文福事咨呈總署文

光緒二十五年三月十五日（一八九九年四月二十四日）

兵部侍郎兼都察院右副都御史·山東巡撫部院·提督軍門兼理鹽政毓，爲咨呈事。

光緒二十五年三月十五日，據沂州府知府楊守建烈稟稱：敬稟者，竊卑府前將德兵在日，因聞街頭莊衆欲與攻擊增兵防守緣由，馳稟憲鑒在案。茲於十一日傍晚，接據日照縣楊令函稟，以初九日忽有德兵六人，在林家灘瞥見于姓婦人，闖入圖姦，于姓弟兄三人聞喊，趕回救護，致被德兵開鎗將于文福立時轟斃，于文朋身受重傷。德兵復將于文祥揪帶進城押辦。屍親鳴同莊衆將死傷二人抬送至城。控經楊令驗訊明確，賞給棺殮、養傷錢文。德員自知理屈，乃竟偏聽德兵一面之言，謂並無入室圖姦之事，因被于姓弟兄持棒追趕，情急放鎗，轉欲治屍親以誣告之罪。楊令與之再三辯論，德員一味強詞奪理，概置弗聽，昂然而去。等語。

竊以前者德兵踞住日城，誠恐曠日持久，枝節叢生。是以迭請電達總署，設法商令退兵，既可免爲日愈多要求愈甚，並可省却將來無窮隱患。今德兵竟肆意逞橫，行兇斃命；而德員復多方袒護，顛倒是非。雖經楊令據理與爭，乃若輩烈燄方張，勢竟難以理喻。致愚氓含冤負屈，伸訴無門。種種情形，令人殊堪髮指。縱鄉里烏合之衆，明知勢力不敵，未敢公然與之爲難；然而結怨已深，難保無不逞之徒，乘彼單身外出，思欲尋仇，伺隙冀圖稱快一時。萬一倉卒釀生事端，彼族必將以之藉口，橫起波瀾，殊

於大局所關匪細。爲今之計，宜似仍乞電請總署，迅與德使委婉籌商，曉以利害，俾知民暑可畏，務令電知青島早日撤兵，免致激成意外之虞，彼此均無裨益。愚昧之見，是否有當，理合抄呈楊令原稟，肅泐馳陳，仰祈鑒核。俯念事關重大，迅解危機以弭隱憂而維全局。等情。到本部院。

據此，除稟批示並電達貴署外，擬合咨呈。爲此咨呈貴衙門，謹請查照該府縣原稟德兵滋擾情形，迅向德使理論，令其電飭膠澳葉督查明該兵隊行兇正犯，交由地方官會同德員，秉公審訊，按律嚴辦。速將駐紮日照兵隊撤回。並乞賜覆施行。須至咨呈者。計粘抄清摺一扣。

右咨呈總理各國事務衙門。

(外務部檔)

附件 楊耀林爲德兵在林家灘傷斃于文福等事稟文

光緒二十五年三月初十日(一八九九年四月十九日)

大人鈞鑒。敬稟者：竊卑職於初七日接奉初四日函諭，以彭道憲與安主教已經議和，營、沂、日三處給銀四萬餘兩結案。等因。當將此情告知德員，而德員則稱安治泰不能作伊督之主。嗣夏軍門於初七日，將督帶之隊移駐福疇、寨上莊。福疇距城二十餘里，寨莊距城十餘里。初八日來城擇一公所。卑職伺候軍門與德員晤商拿人一節，非從緩辦理不可。而德員則以犯人未獲，須將該莊長、團長等傳案問罪。卑職等告以該莊長無拿人之權，托伊幫拿則可，若因犯人在逃遽問伊罪，斷乎不能辦理。爭

執多時，天色已晚，夏軍門遂還寨上莊住宿。卑職亦回署內，滿冀初九日再與據理辯論。

乃初九日午刻，夏軍門已到城內，本定三點鐘時與德員復行晤商。不意德兵六人，在城東南距城十五、六里之林家灘莊外，將代劉姓看樹之于姓弟兄三人，用洋鎗轟斃一人，轟傷一人，傷甚重。並將于文祥係死者、傷者之胞兄帶在城內。

旋據屍親、莊衆人等，將屍身並受傷之人一併抬在城裏。卑職正欲到軍門處稟見，遂就便驗明各傷。訊據屍妻供稱：死者名于文福，係伊夫。受傷者于文朋係伊夫胞弟。德兵帶進城者名于文祥，係伊夫胞兄。伊夫等給劉姓看樹，在林家灘莊外另有房屋數間，並無院牆。是日午間，伊夫等均在地工作，適有洋兵三人，有二人進伊屋，欲行姦污未成。尚有一兵在門外把住。伊夫等聞知，邀同伊弟于文朋回家查問，不料就被洋兵均打倒了。伊夫已死。伊夫弟傷甚重，但尚未死。伊夫兄于文祥踵至，用木棒打狗；維時伊家二狗亂咬洋兵，就被洋兵把他揪到城內來了。現時因家中無旁人，遂邀同伊堂叔于仲文來城控告。等語。卑職當給伊京錢四十千文，令其抬回屍身棺殮，並養生傷。且囑令在城守候過堂。

昨晚德員光景，頗有自知理屈之意。不料初十日與德員會審，德員略問數語；卑職則一一詳細問之。據該屍親等鄉愚無知，且死一人，傷一人，在押一人，心慌已極，所說之話未免有互相歧異之處。而德員立將該棚頭教去問了數語，大意則謂德兵並無人室情事，伊等係奉諭在外測地繪圖，于姓弟兄領狗持棒，欲行追趕洋兵，且持棒打該棚頭。棚頭亦用刀砍于文祥，其夥二人看見，遂放槍屬實。德員遂

以于文祥說話不實，一虛百虛；于仲文係原告幫同誣告，非將伊等重辦不可。且隨後再寫信與卑職再定辦法。等語。卑職極力與之爭論，並請其萬不可再押于文祥、于仲文，致有他故。再三再四，先尚婉與之說，後力與之辯，幾有變臉之勢。無如洋人執意弗聽，且昂然而去。現伊等確將于文祥、于仲文二人押候究辦，察看情形，大有先發制人之勢。不惟不認殺人之罪，且要怪我們的不是。謂日照既打教士，又打教民，且德國已出告示，而百姓等仍敢無理。等語。

卑職具有天良，何敢隨伊等辦理，惟無法可施，萬分危急。本宜據情即時稟辦，但事關全局，未敢冒昧致啟釁端。用特飛函稟聞，伏乞查酌。應否代為通稟，或電稟各憲酌示遵辦，不勝悚惶待命之至。除稟知夏軍門外，特此具稟。恭請助安。卑職耀林謹稟。初十日未刻。

再，頃又聞德員將伊兵丁叫至署內，一一訓斥矣。是彼明知其非而不肯認錯耳。

（外務部檔）

附錄：德使為林家灘命案與毓撫所稱不符事致總署照會〔一〕

※一八九九年四月二十八日（光緒二十五年三月十九日）

昨接函稱：據山東巡撫電稱，德兵圖姦民婦。等語。本大臣當即電詢本國駐膠巡撫，並函復貴署在案。茲據駐膠巡撫電復，前在林家灘地方有本國朋〔棚〕頭一人，繪畫地圖，游行時並未攜帶洋槍。

〔一〕此件因無相應之清方正件，而內容與前件有關，故附於此。

突然被于姓兄弟三人持木棍攻擊，幾乎打死。幸有附近之德兵數人急來救命，抵擋之間，因放槍將一人轟斃，一人受傷，並將一人帶城看押。所稱圖姦民婦之事，均屬捕風捉影之詞，只爲遮掩華人三名無故攻擊德國朋（棚）頭一人之計。等因。前來。

本大臣查本國駐膠巡撫所言自屬實情。惟毓巡撫所稱與實情不符，特難相信。應請貴署轉致毓巡撫，若伊意欲毀謗德國人，必不肯善罷干休。將來倘再如此謊言，德國必可想法令其離任。設若德國果行設法令毓巡撫離任，山東不使再爲生事，諒駐山東之各國人民無不讚美稱快也。爲此佈函。順頌日祉。

（總理各國事務衙門檔）

二八八 總署爲即墨王一勳搶擄教堂希即查辦事致毓賢電

光緒二十五年三月二十日（一八九九年四月二十九日）

山東。撫台：美使函稱，即墨縣卧壘莊地方，有王一勳於西本月十四率衆擁入教堂、學堂，搬搶一空。等因。希查明嚴辦，免滋口實，並電復。號。印。

（山東巡撫衙門檔）

二八九 著毓賢通籌防務並准其指名奏調將弁事上諭

光緒二十五年三月二十二日（一八九九年五月一日）

軍機大臣字寄山東巡撫毓，光緒二十五年三月二十二日奉上諭：山東爲畿疆門戶，德人居心叵測，

亟應加意嚴防，沿海一帶，尤關緊要。現在該省水陸各軍，共有營數若干，應如何扼要分布，預占先著？著毓賢迅即通盤籌畫，揀派得力將領，嚴密布置，毋得稍涉疏虞。該省防軍將弁，有無久經戰陣、結實可靠之員？如尚不敷分布，准其指名奏調。其沿海地方，何處最爲要害，尤宜先事豫防爲要。將此由五百里諭令知之。欽此。遵旨寄信前來。

(上諭檔)

二九〇 毓賢爲請速與德使訂立路礦章程事致總署電

光緒二十五年三月二十五日(一八九九年五月四日)

北京。總署鈞鑒：密。箇電敬悉。德人勘驗鐵路並牽連購地、挖礦諸事在內，意欲不候貴署與該公使將章程合同議定即行開工。是以查照貴署上月箇電，一再駁斥，並將德員葉世克來函暨東省覆函咨呈貴署核示在案。茲奉前電，德人僅係勘驗鐵路，爲條約所准，自應照案保護。○現已飭屬遵示辦理。一面仍請貴署迅與德使議訂合同章程，咨行到東，再令開工，庶不致另生枝節。東省民風强悍，如購地、挖礦諸事不預訂妥善章程，萬一互起爭端，別滋巨釁，事後殊難因應也。伏祈酌示。○○謹肅。有。印。

(山東巡撫衙門檔)

二九一 總署爲德使欲於兗州建堂姑允其請事咨毓賢文

光緒二十五年三月二十五日(一八九九年五月四日)

光緒二十五年二月初一日，接准咨稱：教士薛田資請將鉅野匾額移建兗州府城教堂，與原訂條款不符。惟兗州建堂，彼教蓄意已久。此次安治泰來兗，亦提及此事。據稱，係就兗郡現有之房，在屋旁已購地內，將房量爲擴充，即以鉅野之敕建字樣匾額移於此房，作爲教堂。查鄉內紳民尚知禮讓，此次必不得已，以鉅野縣之敕建匾額移於兗州現有之房，不在兗郡另行購地建堂，尚可通融辦理。惟添建之房不可過高，致免附近居民疑慮。等因前來。

查德使於兗州建堂一事，蓄謀已久。雖迭經本衙門多方阻止權詞，告以鄒魯服習儒風已久，不宜令教士久居於彼，恐地方章甫縫掖之士，少見多怪，不能相安，反滋事端。彼堅韌之見終不可回，殊難以情理喻化。現既據貴撫勸諭紳民與安治泰和商，就現有之房，移建教堂匾額，如果移建後民教尚能相安，自應姑允所請。仍責令該管地方官喻以營造適中之屋，不宜過踰制度，以順民情。籌辦至爲妥洽。相應咨行貴撫，飭屬查照辦理可也。

（總理各國事務衙門檔）

二九二 毓賢爲德兵傷斃即墨縣民矯扶平等人情形事致總署電

光緒二十五年三月三十日（一八九九年五月九日）

北京。總署鈞鑒：密。據即墨縣周永稟稱，二月初九，有德兵八名各執槍械，將民人矯扶相等家騾、驢強行牽走，經矯扶平、楊作湖、孫中明追索，均被德兵用洋槍、鐵刀轟斃殞命，矯扶相只受刃傷，由

該縣驗明稟報前來。案關交涉，應請貴署照會德使，轉電葉提督查復核辦。○○謹肅。卅。印。

(山東巡撫衙門檔)

二九三 德兵滋擾日照蘭山情形並沂屬民情旱情探報〔一〕

光緒二十五年三月(一八九九年四月)

據探報稟稱：三月二十五日夜，甫交五鼓，德員忽令日照楊令一同赴鄉辦事。問以何事，不肯明言，並要帶兵六、七十名同去。該令被逼，不得已偕同出城。天明行至十里鋪莊，德兵站住，該令再三追問，德員始告知，伊等於二十五日午後，騎馬由十里鋪莊並附近之相家莊、煙敦嶺莊經過，各莊施放鳥槍。是以今早帶兵來此，挨戶搜查槍枝並放槍之人等語。該令告以放槍係逢五、排十操演團練，並非攻擊，容俟確查另辦。德員堅執不允。該令又告以請出莊長，令其自行交出。德員不聽，派兵往搜。該令亦派差跟往，以防不法。維時有該莊在籍翰林蔡紳曾源來見，該令告以前情，囑其轉告莊衆，各將槍械交出，並令各家婦女暫行躲避。該紳未及照辦，德兵已搜出鳥槍數根。正要回城，適德員法根海由相家等莊帶兵搜完，並帶有十二人來至十里鋪莊，向楊令聲稱，此莊有抬槍二百桿，欲將蔡紳帶城，俟將槍交出放回。該令告以並無多槍，再三據理商說，德員毫不聽從，隨將蔡紳暨所帶十二人押至縣署。

〔一〕此件未具探報者姓名及年月日期。查據《總理各國事務衙門檔》光緒二十五年四月初八日收毓賢咨文內，所引沂州知府楊建烈稟與此件第一段雷同。可知此件爲沂州府地方於光緒二十五年三月底之探稟。因其比上述毓賢咨文多出一段內容，故本書收入此件而未收毓賢咨文。

幸是日據十里鋪送到槍二十八根，德員始將蔡紳釋回。隨與楊令提訊十二人，僉供操演團練，並另有放槍六人。德員限令三日傳到，否則仍行派兵往拿。楊令隨時出票往傳。越日，將放槍六人傳案。該令先令心腹密授六人供詞，即與德員會訊，並示以辦團卷宗。到案後，衆口一詞，均稱實係辦團操演，並非與之爲難。德員心甫釋疑，而其兇橫之氣亦漸消去。當將先帶來之十二人釋放十一名，內有供認放槍一人，並添傳之六人答責開釋。等情。爲此稟報。

再，查百姓被洋兵焚燒者亦復不少。蘭山縣屬之王莊燒十一家，傷四人。王姓係蘭山富戶，聞所燒約值十餘萬金。韓村燒四十餘戶，房屋四百八十餘間，傷三人。郟城、蘭山搭界之磨山燒十一家，傷三人。並探得教民著名不安本分、藉端訛詐鄉愚者，有甯國柱及許道士叔姪三人。爲首鬧教者，蘭山王莊人孫哲，蘭山武生。現住郟城之楊慶雲父子。日照縣之貢生龐姓、穆姓等。然此數人平日尚稱正派，鄉里素所親信，故此次從而鬧教者甚衆。沂州府屬一帶，連年乾旱，食物騰貴。刻下亦少雨水，農民望澤甚殷。府城內亦日有饑民倒斃，現雖有施粥、放錢等善舉，然所施無多，亦難普濟也。謹此探稟。

（官中硃批奏摺）

二九四 膠澳德兵軍情探報

光緒二十五年三月（一八九九年四月）〔一〕

謹將探報鈔錄呈覽。

〔一〕此件未具探報者銜名及年月日期，此係據其內容推定。

一、探聞敵京發來密電，字甚多，由電局向該署打聽，係爲出戍官兵加月餉約三分之一云。餘事甚密，敵派司報者亦莫知其實在。卑職商請張令令電生密加探討，俾廣探聞。青局新改爲分局，膠爲子局，夏生、丁生執報，一切均有照應。謹併稟明。

一、敵在島中修造大作，其商務布置已有十之二三，聞需費約百餘萬，行棧德商爲多。平修街道，挖鑿水溝，由山至海十數道，高寬均足五尺，皆用塞門德土築成，如地道。然窰瓦木石諸作，約五千之數，招集四鄉窮民，凡領工及工頭者必稍解洋語，敵員中所信者，外加承保，方准充當。其營之內外些小工程，及整理營牆、平墊操場，皆是兵丁自作。

一、敵每日祇早操一次，晚操隨便。每營下操，或百名、數十名，身手步法而已。礮隊祇操開放諸法，亦不放響。步隊打靶人亦不多。操後聽兵丁攜帶兵槍四外打擊禽鳥，官亦不禁。每日分頭派員測量諸山高下，兵官騎馬四出及臨海諸山游走。水師因島中時疫大作，禁止登岸。傳聞兵船擬開香港避疫之說，容再探稟。

一、敵於上月三十日午後三點鐘，開駛兵船三條出口，隨即登山探悉，駛赴勞山洋面，向關帝廟島土人呼爲老爺廟島打靶，演放礮位。是晚即泊該處，夜放電燈，光射如月。次日凌晨登浮山偵視，勞山灣祇停泊二條，一條探聞駛赴勞山之東沙子口洋面停泊。

一、敵營中食水均在本營左近開井，上加鎖蓋，安置吸水機取用，搖機水自噴出，如輪船取用水然，防微可謂密矣。凡食用物件，半由哈喇洋行代辦，半由自運。兵衣水師多白色，陸隊多子花布色，遠看

如土色然。蓋以臨敵伏地，遠莫能辨也。

一、日來細審敵意，考以各營操防頗近隨便，大致以開通口岸、振興商務爲要務。刻間購集鐵路工料、加意修造等事。守台分防兵數無多，竟恃水則有船、陸則有礮，行多跋扈，輒以兵力驕人，詳察隱微而輕敵之心，已可在此數端中見矣。

一、本月初一日早五點半鐘，敵員督隊百餘名，走小排，赴西北小山一帶操步伐及跑小排，至八點收操，亦甚整齊，下操則隨便。

一、敵兵船停泊膠澳一條，青島一條，勞山灣二條。聞駛赴勞山之東首沙子口洋面游弋一條，此條得之傳聞，目未親見。

一、本月初一日，接張領官懷芝自日照專函至島，據稱：自膠至日照，山路崎嶇，車行不便。探聞日照情形與卑職所探大略相同，惟敵員姓名不同，此或更代之員也。

摺稟敵員穆興禮，今張領官函稱法金海。

其密電係由膠局

代發，時卑職在青島弗克展悉，合併稟明。張領官刻已馳赴沂州，已函致彼，探有緊要，徑呈德州公所，俾免轉折。是否有當，懇乞電示祇遵。

一、敵以青島後之抱島作華商交易處所，刻間時疫大作，民人、工役等染病全驅至此島。查此島形勢與青島如腹背，然該島面臨膠澳，敵前據島時由此登岸，估子藥庫卽此。凡輪船入口，向西北進淮子口卽膠澳矣。

一、探聞卽墨界向有石灰民窰一座，燒灰最旺，敵員偵知，帶兵六名馳赴該窰，竟插旗佔爲己有，以

便修造之用。該處民團^{土人謂聯莊會}將敵旗拔去，鳴金聚衆數千以抗。敵員赴縣，迫官究辦聚衆之首。官以奉大憲公文，整飭保甲係保衛村閭起見，且石灰窰本屬界外，又屬民窰，如照辦民情不服。民團亦詣縣理論，如佔此窰，決不肯干休。敵見勢不利，祇飭官重辦，自作排解而去。刻卽墨境之在教者遇事生風，強壓平民，聞附近各屬教民亦然，牧令多俯就之。

一、青島海關原屬我國所有，刻間口岸初關，稅則自有權衡。乃敵竟起狼貪，苛征無已。昨有民船購買蓆片爲搭蓋貨物之用，敵以偷稅論，除充公外，復將該船戶捉獲多人，釘以腳鐐，仍罰做苦工，日給燒餅三枚。現在受此罰者有二十餘名，均帶刑作工，且常常如此，實屬天恨人怨，至此已極。

(官中硃批奏摺)

二九五 高燮曾奏陳回收主權請自山東德事始摺

光緒二十五年四月初二日(一八九九年五月十一日)

內閣侍讀學士高燮曾跪奏，爲回收自主之權，請自山東德事始，恭摺仰祈聖鑒事。

竊維中國自馬關立約後，國勢不振，人人知之。而近日之辦理錯誤者，則以膠澳爲最。膠澳議成，而旅順、大連灣、威海、廣州灣等處，無詞以拒俄、英、法之請，遂使海疆扼要之地，一旦令屬於他人，中國幾無以自立。臣與科道諸臣當時屢經陳奏，奈翁同龢、張蔭桓等畏蕙無能，鑄此大錯，悔無及矣。然欲圖挽回之策，宜仍自山東德事始。就目下情形而論，日照教案、津鎮鐵路其大端也。

民教不和非一日，亦非一省，從無有以兵據城尅期責辦者。今德人緣日照已結之案，無故生波，兵

留縣城久而不去，前者燒毀村莊數十家，邇日復有姦淫婦女、戕斃男子之信。不知總署悉以上聞否？若但圖了事，漫允賠償，於德人無禮各節置之不問，以後愈無忌憚，山東恐非我有。各國從而效尤，時事不可爲矣。請飭下總理各國事務衙門先行催令退兵，然後辦理交涉事件，務令彼此之勢相均。不然惟有廢約而已，決不可視焚我村莊、斃我民命爲無足重輕也。

津鎮鐵路利害所關甚鉅，臣前請飭令廷臣會議，未蒙諭允。嗣聞德人梗阻，欲自修濟南至沂州一段，總署不准。茲聞全路歸我修築，而仍要我以借德款、用德工程師，則是不據一段而據其全段，狡莫甚焉。試言借德款之害：鐵路借款合同皆有本息，未能盡還，即將其路交該公司暫爲管理云云。計津鎮與蘆漢均係南北幹路，兩路並驅，入款必少，設屆期未能如約，德人必代爲管理，收回何日？遇事刁難，是我之修路適爲彼用。此亦總署所深知者。至用德工程師，其害尤顯。津蘆、津榆鐵路被英人金達把持，前車可鑒。倘蹈其覆轍，僱用德人而所借又係德款，跋扈必甚。請飭下總理各國事務衙門，告以此路不能獲利，借款慮難歸還，權作罷論。設他國欲承辦此路，中國亦決不允。彼縱脇制百方，我則始終堅定，彼亦無如我何。

此二端如能使就範圍，則中國自主之權不失，而各國亦不至羣起戎心，豈獨山東之福哉？然非我皇太后、皇上主之以遠識，運之以精心，未雨綢繆，當機立斷。或且以勿開釁之說進，一誤再誤，何以圖存？臣不勝憂危，不得不披瀝直陳，伏乞皇太后、皇上聖鑒。謹奏。

（宮中硃批奏摺）

二九六 著總理衙門辦理高燮曾所奏事上諭

光緒二十五年四月初二日（一八九九年五月十一日）

軍機大臣面奉諭旨：本日內閣侍讀學士高燮曾奏，日照教案，請飭總理衙門催令退兵再辦交涉事件，並津鎮鐵路請停借德款、禁僱德工一摺。該衙門知道。欽此。

（軍機處錄副奏摺）

二九七 著准萬本華等調往山東並著毓賢慎重交涉事上諭

光緒二十五年四月初五日（一八九九年五月十四日）

軍機大臣字寄山東巡撫毓，光緒二十五年四月初五日奉上諭：毓賢奏，籌辦防務特調得力將領一摺。山東防務，既據該撫密為籌布，前曹州鎮總兵萬本華、都司張奉先，均著准其調往管帶營伍，以資訓練。該撫在東有年，地方吏治實力講求，定能不負委任。惟於交涉事件素未深諳，遇事務須詳慎經理，力維大局，毋得偏執成見，徒顧虛名，致貽後患。將此諭令知之。欽此。遵旨寄信前來。

（上諭檔）

二九八 周永為鄉民聚眾鬧署請兵鎮攝事致毓賢等電

光緒二十五年四月十六日（一八九九年五月二十五日）

濟南。撫、藩憲鑒：十五日，西鄉民因王一勳鬧教在押，聚衆持械，來署滋鬧，不服彈壓，互有打傷。當場拿獲數人，衆不退，聲言報復。請飛速就近派一二營來鎮懾，並請速委大員來縣查辦。卽墨周永電稟。印。

（山東巡撫衙門檔）

二九九 李希杰爲已飭員前往卽墨開導鄉民事致毓賢電

光緒二十五年四月十六日（一八九九年五月二十五日）

濟南。撫憲鈞鑒：頃據卽墨縣周令電稱，十五日，西鄉民因王一勳鬧教在押，聚衆持械，來署滋鬧，（不）服彈壓，互有打傷。當場拿獲數人，聲言報復。請速派營鎮懾，並派員查辦。等情。查鄉民聚衆，應卽開導解散，該縣所請派營鎮懾，事近張惶，恐釀巨案。當經電飭膠州張牧，就近前往開導鄉民，會同卽墨營彈壓解散，以免激生事端。是否有當，謹稟聞。希杰稟。諫。戌。印。

（山東巡撫衙門檔）

三〇〇 總署爲奉旨著嚴密偵察煙台德兵動向事致毓賢電

光緒二十五年四月十七日（一八九九年五月二十六日）

山東撫台：奉旨：毓○電稱，德兵由青島赴煙台避瘟，隨集槍礮，至西海灘操演。等語。德人包藏

禍心，難保非託名避疫，別有陰謀。著毓○督飭防營嚴密偵察，預籌防範，隨時電聞。欽此。洽。印。

(山東巡撫衙門檔)

三〇一 孫金彪等爲陳報煙台德兵演操情形事致毓賢電

光緒二十五年四月十七日(一八九九年五月二十六日)

濟南。撫憲鈞鑒：密。新(到)德兵借地演操，元電稟報。昨日在西海灘略爲開演。今早復往，槍礮兼施，約千數百人。午初操畢回船，並無搔擾，民間亦甚安謐。謹稟聞。金彪、希傑稟。洽。印。

(山東巡撫衙門檔)

三〇二 張承燮爲實陳即墨鄉民鬧署情形事致毓賢等電

光緒二十五年四月十七日(一八九九年五月二十六日)

濟南。各大憲鑒：十六日，據即墨縣家人來州面稱，十五日，有該縣鄉民數百人，持械至縣，分布城關。周令會同呂參將前赴馬神廟彈壓不住，轉被投石，遂闖入署，滋鬧甚重，互傷不少。詰因奉飭拿押王一勳鬧教一案，鄉衆意在索犯，尚恐事猶未已。等語。查鬧教僅關交涉，而鬧署則關法紀。因周令電稟較略，大局所係，且勢未戢，不敢不據以實陳。應否電飭本府或委大員速往查辦，以期妥慎而示輯綏之處，大人自有鈞(旨)。嗣蒙本道飭卑職前往，現卑州設局啟辦平糶，糶糧人衆，俟趕部署啟程另稟

外，謹先電稟。卑職承燮。霰。

(山東巡撫衙門檔)

三〇三 李希杰爲應否委員前往即墨事致毓賢電

光緒二十五年四月十八日(一八九九年五月二十七日)

濟南。撫憲鈞鑒。兩霰敬悉遵辦。頃據膠牧電稱，遵趕赴，卽已訪得王一勳族戚兩〔內〕諸生絜之行。以解散爲主，到後察看亟稟。至查辦，乞電飭本府或委員前來，以期允協。等語。應否飭令萊州府曹守前往，乞憲裁。希杰稟。巧。印。

(山東巡撫衙門檔)

三〇四 張承燮爲請派大員查辦即墨聚衆鬧署事致毓賢等電

光緒二十五年四月十八日(一八九九年五月二十七日)

急。濟南。各大憲鑒。卑職遵趕赴，卽已訪得王一勳族戚內諸生，現絜以行。先以解散爲主，到後察看亟稟。亟〔至〕查辦，仍乞電飭本府或委大員前來，以期允協而重輯綏。承燮稟。巧未。

(山東巡撫衙門檔)

三〇五 周永爲陳明鄉民鬧署緣由事致毓賢電

光緒二十五年四月十八日（一八九九年五月二十七日）

濟南。撫憲鈞鑒：電諭謹悉。王一勳案，前教民范學清與王一勳不睦，美教士郭稟本道札縣傳訊，斷結和好。嗣准美教士郭函會本道札飭王一勳與范學清別事滋鬧〔一〕，却未據范學清來縣報案，傳地方〔二〕保訊無其事。前有各結。續奉憲電，卑職電復後密查暗訪，始悉王一勳果有夥搬教民范學清糧物。傳范學清未到，函會郭教士飭令來案對質，一面將王一勳等暫押覆訊，故未稟報。鄉民聚衆持械，來署滋鬧，不服彈壓，傷差二十八名，當場獲犯數人。現衆雖退，謠傳晉〔進〕城奪犯報復。守地方〔三〕日深焦灼，請速覆示。卽墨周永稟。

（山東巡撫衙門檔）

三〇六 毓賢爲卽墨王一勳鬧教已飭查辦事致總署電

光緒二十五年四月十九日（一八九九年五月二十八日）

北京。總署鈞鑒：前據卽墨周令稟，王一勳並無鬧教之事，電復貴署在案。十六日，周令來電，有

〔一〕原文如此。

〔二〕「方」字疑爲衍字。

〔三〕原文如此。

王一勳鬧教在押，鄉民聚衆不服。等因。該令所稟前後兩歧，立即電詢去後。周令以密訪王一勳有夥搬教民糧物。等語。當即電飭萊州府曹守，就近督同膠州張牧前往查辦矣。俟稟復再電聞。○○謹肅。效。印。

(山東巡撫衙門檔)

三〇七 毓賢爲德兵退出日照帶走紳士事咨呈總署文

光緒二十五年四月二十五日(一八九九年六月三日)

兵部侍郎兼都察院右副都御史·山東巡撫部院·提督軍門兼理鹽政毓爲咨呈事。

案據署理日照縣知縣楊耀林稟稱：敬稟者，竊查德兵踞署久駐不歸，其意雖別有要求，而口則止催拿街頭一案首要各犯。屢經卑職比差懸賞，併邀集紳董設法擒拿，至今未獲一名。而街頭一帶各莊，率皆整械自衛，又不敢過於操切，致釀巨案。當德員來問時，卽以犯皆遠颺，一時難獲爲詞，相機支應。乃閱時既久，而德員催挾之言日益加緊，察看情形，若不於街頭一案先杜其口，卽教案商妥，恐未必卽肯退兵。因於初八日與德員晤面時，商允由卑職親赴街頭，竭力搜拿，以結此案。據德員稱，如人犯萬難就獲，卽將莊長、地保人等帶案，以憑訊供。

卑職遂於初十日，稟請夏鎮酌撥隊伍，在距街頭四十里之南湖駐紮。一面會同城汛束把總蔭田，併紳士六人逕赴街頭，邀集附近紳耆，竭誠開導，動以利害，勸令交出人犯，免致闔境受累。據該紳等均

稱，上年毆辱薛教士一案，其著名首要係坊子莊厲用久、孔昭信、徐永煥三人，現時實均遠逃。等語。查所稱厲用久等三人爲首要，與薛教士所開之單，併卑職訪查姓名均屬相符。惟遠逃雖屬實情，若不親往該莊，而教民暗地跟隨，恐德員仍有所藉口。因乘騎馬匹，與束把總等同到坊子莊，先與該莊長等說明情由，然後令其指出厲用久等住宅，卑職親往看視，實已先逃。遂將該莊長二人暨鄉約、地保等三人，於十三日晚帶回城內，告知德員。於十四日會同訊據該莊長等供詞如一，均稱犯實遠颺，俟兵退時，該犯等必然回家，即可設法擒送。等語。德員令將該五人暫行看管，俟伊督來信時再辦。是日晚間，德員致卑職一函，令請紳士於十六日午前到署，以憑和衷面商，完結此案。

卑職查看情形，決無他意，且風聞因坊子莊莊長等來案，有信退兵。遂立將原信給紳看視，並由城紳開單寫信交由卑職，派人請到十三名。於十六日午刻進署，共見德員。略談數語，德員法姓即謂伊督來信，令將紳士全帶赴島，俟拿獲人犯時，再行釋回。等語。卑職莫名驚駭。因再四代爲極力婉求，並聲明紳士是官請來，若帶之赴島，是使官欺人也。且犯人無獲是官之責，若帶祇可帶官，至紳士則萬不能帶。婉與之辨，力與之爭，幾於無法不施。德員堅以不能作主推託，且有兵在門外把守。查看情形，勢難中止。因又言既帶紳士，須並帶官。德員仍若罔聞。斯時也，言已竭而計已窮，毫無挽回之勢。因於無法之中，令其稍帶幾名。始允祇將呂啟業、王淑芳、劉立政、尹日桂、劉葆存五人帶去。據德員復稱，紳士到島決無他故，俟見伊督後，三、二日放回亦未可知。卑職遂備紋銀四十兩、京錢二千文面交紳士，作爲川資，並代僱車輛送赴海口。德兵於是日未刻，全赴石臼所海口上船。卑職立即

專差前往膠州，電由首縣代稟憲聰在案。

伏查德兵踞署兩月，於茲遇事生風，連日赴鄉構釁。幸蒙訊示時頒，卑職遵循辦理，尚未釀成巨案。今教案正在商議，竟肯脫然引去，實為初願所不及。惟帶去紳士五名，莫名焦憤。可否仰懇憲恩函致青島，或致安治泰，令其轉達，俾該紳等得以速回。伏乞酌核辦理，實為公便。所有卑縣德兵全隊回島緣由，理合馳稟查核。再，卑縣教民回家後，一律各安生業。合併陳明。等情。並據兗沂道彭虞孫、署沂州府知府楊建烈轉據該縣稟同前由，到本部院。

據此，除稟批示，並飭兗沂道仍將教案妥速議結外，擬合咨呈。為此咨呈貴衙門，謹請查照，即將德兵撤回青島挾帶紳士五人同行各情形，照會德使，令其電飭駐膠德員葉世克，即將帶去紳士呂啟業等五名釋回，毋任久羈受累。所有街頭村鬧教案內滋事首犯，仍一面札飭兗沂道督同該府縣嚴密查拿，務獲究辦，以期民教相安。即祈賜覆施行。須至咨呈者。

右咨呈總理各國事務衙門。

(外務部稿)

三〇八 總署為請按地方官接待章程接待德教士事咨統賢文

光緒二十五年四月二十六日(一八九九年六月四日)

光緒二十五年四月二十二日，接准德國海使照稱：中國各省地方官接待天主教士一事，曾經貴署

奏稱，分別教中品秩，如主教其品位與督撫相同。等語。於光緒二十五年二月初四日奉旨：依議。欽此。本國政府聞此均極欣慰。本大臣茲奉咨開，查山東省內德國教堂為安主教所管理，專歸德國保護，前已經教皇特託。此次議定地方官接待章程，自應一律同占其利。因飭令本大臣照會貴署，請回復並無異議。等因。本衙門當即以並無異議照復海使矣。相應咨行貴撫查照可也。

（總理各國事務衙門檔）

三〇九 毓賢為陳明移營扼要嚴防事致總署電

光緒二十五年五月初二日（一八九九年六月九日）

北京。總署鈞鑒：亥四月二十電商移營扼要嚴防一節，未奉復音。因日照德兵已退，登州實扼東、北兩路要衝，日前已由毓賢電飭夏鎮，率兩營回登州原防，留一營仍駐日照。其駐青州兩營，仍紮原處。又於煙台四營內，撥一營駐紮濰縣，俾東、西兩路聲息相通。仍隨時督飭各將領嚴密防範，變通分布。特電聞。〇〇謹肅。冬。印。

（山東巡撫衙門檔）

三一〇 曹榕等為即墨私團解散教案已結事致省憲電

光緒二十五年五月初二日（一八九九年六月九日）

濟南。各大憲鑒：卽墨私團具結各散，聽官另辦。德教案已全結。惟美教王義訓案原告不主〔至〕，須煙台教士到，已另電本道轉詢再結。除卑府回郡分案稟陳外，卑府榕督同卑職燮稟蕭。

（山東巡撫衙門檔）

三二一 王懿榮等爲請救濟登萊兩府災民事致毓賢電

光緒二十五年五月初二日（一八九九年六月九日）

濟南。撫台大公祖台鑒：登、萊兩府，自去歲荒旱成災，至今得雨不足，春間平糶未敷，現在民不聊生。登州以文、榮、萊、海爲最重，萊州以卽墨、膠、平爲最重。請再遣員籌辦，分別輕重，以紓民困。又聞濟南平糶原屬賑款，尚有餘糧若干，祈查明確數，轉運兩府海口，先行出糶，又爲濟急，不勝哀懇。兩府京官王懿榮、王埏、戴恩溥、王培佑、柯劭忞、田智枚、王嘉禾、戚善勛、趙蔚坊、鄭炳麟、梁世娘、陳恒慶、于宗潼三十人等公電。

（山東巡撫衙門檔）

三二二 總署爲希與德人持平商辦路礦務事致毓賢電

光緒二十五年五月十一日（一八九九年六月十八日）

山東。撫台：五月初三日咨悉。查膠約第二款載明德商華商各自集股，今葉督所擬第三、四條，於

華民利益抑制太過。希由尊處磋商，以期持平。再，現據德署使照稱：由青島至濟南鐵路並附近三十里內煤斤，准德華銀行承辦，擬設德商華商集股公司，請飭切實保護。等語。本署已令開送勘路員名，並飭該商來署速訂合同。德使允達本國，尚未有覆。並聞。真。印。

（山東巡撫衙門檔）

三一三 毓賢爲高密大呂莊民拔標已飭查辦事致總署電

光緒二十五年五月十三日（一八九九年六月二十日）

北京。總署鈞鑒：亥據高密縣葛令電稱，十一日，大呂莊民與插標小工口角互毆，拔標多根，欲圍恩公司店。葛令飛往解散，已保護洋人回城。等語。○○當即電飭萊州府曹守就近查明妥辦，並電登萊青道轉飭迅速辦結，以免滋事。先此奉聞，俟該道府稟復再電達。○○。元。印。

（山東巡撫衙門檔）

三一四 總署爲嘉祥縣鬧教希飭彈壓保護事致毓賢電

光緒二十五年五月十四日（一八九九年六月二十一日）

山東。撫台：德使照稱，嘉祥縣匪徒滋事，八處村鄉所居教民均被搶奪，恐將攻擊教堂，請飭彈壓拿犯，並保護教堂。又安主教擬於本月十六至省，與巡撫及彭道會商，請電知尊處和衷商結各案。等。

語。希查照妥辦，並電復。願。印。

(山東巡撫衙門檔)

三一五 統賢爲嘉祥民教滋事現已飭查事覆總署電

光緒二十五年五月十五日(一八九九年六月二十二日)

北京。總署鈞鑒：亥願電謹悉。嘉祥民教滋事未據該縣稟報，現已電查。如有其事，當飭令拿犯，並隨時保護彈壓。○○謹肅。刪。印。

(山東巡撫衙門檔)

三一六 統賢爲請示沂屬教案辦結事致總署電

光緒二十五年五月十五日(一八九九年六月二十三日)

北京。總署鈞鑒：亥願電謹悉。彭道昨日來省，面遞商結沂屬教案節略。蘭、郟、費三屬所毀教堂及所失糧物，安主教原索卹款京錢十八萬吊有奇，約合銀八萬餘兩；彭道商給三萬六千一百五十兩。又蘭、郟、費共傷斃教民十三名，受傷二名，安主教原索卹款，傷斃者每名一千五百吊，傷重者六百吊，輕者減半；彭道商給傷斃者每名銀三百兩，傷重者每名百兩，輕者減半，共須給卹款銀四千兩有奇。莒、沂所毀教堂及所失糧物，安主教原索卹款銀四萬四千一百兩，彭道擬減半酌給，安主教尚未應允，

俟其到省再行面商。以上三款，皆由彭道與安主教極力磋磨，總共須給卹款銀六萬二千二百餘兩。如莒、日、沂三屬卹款，安主教不肯再減半酌給，則須八萬四千二百餘兩。安主教十六卽到省，是否飭令彭道照所擬妥速商結，應請酌核示遵。再，查德員慕興立等前在蘭山境內傷斃張狗剩等三名，又李傳受重傷未愈；德兵在日照傷斃于文福一名，其弟文朋亦受重傷；又在卽墨傷斃矯扶平等三名；又蘭山韓家村王薰等被德兵焚燒房屋、糧粒、衣物等項，除房屋未經估計外，所燒糧物飭彭道委員確查，共估值銀四萬七千六百二十二兩四錢，列冊呈報，均係減而又減之數。並據稱，該處民情實屬困苦異常。現在沂民所毀德國之教堂，所搶教民之糧物及毆傷因而斃命者，均已議賠卹款，是德兵所燒沂民之糧物及所戕之人命，自應比照安主教所定數目，互相賠給，庶足以昭公允而輯邦交。蘭、日、卽三屬，共被德兵轟斃者七名，傷重者兩名，應議給卹款銀二千三百兩，連焚燒韓家村糧物等項確數一併計算，應議給卹款銀四萬九千九百二十餘兩，似應卽在此次沂屬教案內扣抵，以昭平允而順輿情。應請貴署迅與德使妥議賜覆，以便遵辦。又據彭道稟稱：沂水西長峪、日照滿堂峪、莒州柳村美國耶穌教民被搶各案，現議給卹款三千吊。爲數不多，應卽照所議辦結，並請將議結德、美兩國教案各情形擇要代奏。○○謹肅。刪。印。

(山東巡撫衙門檔)

三一七 毓賢爲請商德使阻兵前往高密事致總署電

光緒二十五年五月十五日(一八九九年六月二十二日)

北京。總署鈞鑒：亥高密拔標事元電已陳。十四日，據膠州張牧電稱，德兵九十名有前往保護路務等語。○○恐高邑民心未定，易滋事端，請貴署商諸德使轉電葉督，德兵切勿前往。○已飛飭萊州府暨高密縣迅速將拔標之人查拿，并妥為彈壓保護，仍一面嚴禁鄉民不准滋事。謹聞候示。○○謹肅。刪。印。

(山東巡撫衙門檔)

三一八 總署為已電呂使向德外部阻兵事覆毓賢電

光緒二十五年五月十六日(一八九九年六月二十三日)

山東。撫台：元電悉。德貝署使照稱：以地方官無力彈壓，膠撫擬遣派德兵一隊，前往保護。等語。本署已電呂使，向外部力阻。希尊處亦電膠撫勸止，以期就範。咸。印。

(山東巡撫衙門檔)

三一九 毓賢為德兵已前往高密事致總署電

光緒二十五年五月十六日(一八九九年六月二十三日)

北京。總署鈞鑒：亥十六奉兩咸電敬悉。查沿途地方官早嚴飭保護，青島葉世克處，昨已去電勸阻派兵。旋接青島葉電稱：來電領悉。貴部院已於高密設法盡力彈壓，殊深感佩。無奈本大臣必須派

兵前往保護德員，亦不過按條約之理照辦，因中國未能任便派兵至一百里之德界內，是望德兵在該處引爲鎮服民心之策。此復。等因。並據高密葛令電稱：愚民不受開導，德兵已動，十七即到高密。奈何？等語。○○當即飛電膠州張牧星夜前往高密，切實開導，以期弭釁。先此電達，餘再續陳。○○謹肅。諫。印。

（山東巡撫衙門檔）

三二〇 毓賢爲安治泰來省商結沂州教案情形事致總署電

光緒二十五年五月十六日（一八九九年六月二十三日）

北京。總署鈞鑒：亥昨接願電，當將彭道所擬議結沂屬教案情形刪電詳陳，諒已邀鑒，仍候復。安主教於十五到省，彭道當與接見，云十六日未刻來署面商，即可完結。並遞來節略合同稿一紙，與彭道所擬辦法大概相同，惟商減一層，未定確數，俟其來署，再飭彭道面爲增損，即可敷衍完結。詎意安主教爲浮議所惑，本日巳刻，忽遣人來說仍有更易之事。等語。仍須婉商，如過於求急，反恐不能使就範圍。○○現仍飭彭道與之婉爲磋磨，俟二三日內議妥結案時，再行電達。○○謹肅。諫。印。

（山東巡撫衙門檔）

三二一 張承燮爲德兵入高密請飭道員親臨鎮攝事致毓賢等電

※光緒二十五年五月十七日（一八九九年六月二十四日）

濟南。撫憲、各憲鑒。刪、諫電諭謹悉。撫電亦到。德兵商緩一日，至十六仍來膠，計官弁馬步約百二十餘人。蒙本道諭再商緩，變力疾往說，其督帶出一洋文兵單，據譯數條，首限十七日抵高，辦法略仿沂、日而稍異。變慮啓釁太鉅，告以憲意，諸請和衷，陳說百端，始允本日之人高境，但百姓不動鎗砲，渠亦必不先動，靜候派來大員，從妥商辦。至高邑關廂如可屯兵，並暫允不進城。等語。變復詢據葛令來探面稱，高邑城鄉紳庶驚惶未戢，亦經葛令力勸，允不先動。等語。細察兩面光景，高民謬執，德人奢求，此次釁端倘不亟弭，必爲沂、日之繼。非得本道親來高邑鎮攝維持，兩面均無了法。除分電外，可否電飭本道親臨。乘輪青島轉至高邑，不過三日。無論何若，大局總望平穩。變俟汗透，亦即馳往聽候差遣，不敢推謝。一面覓膠紳與高紳有連者迅往開導，似較親切，不同官話。一面先電青島告知辦法，以免膠督催促。是否仍候電示祇遵。卑職承燮稟。

(山東巡撫衙門檔)

三三二 總署爲德使言大刀會圍困濟寧希即保護事致毓賢電

※光緒二十五年五月十八日(一八九九年六月二十五日)

濟南。撫台。德使言接安主教電，大刀會近有滋事，濟寧州被困，教堂大有危險。請設(法)妥慎實力保護。等語。所言如確，務即設法竭力保護，並將現辦情形迅速電覆。覃。印。

(山東巡撫衙門檔)

三二三 總署爲德使稱大刀會復起希即彈壓事致統賢電

光緒二十五年五月十八日（一八九九年六月二十五日）

山東。撫台：德使照稱，大刀會匪現復起事，擬攻兗州、濟寧各教堂，各處街道不通。請電巡撫查照條約保教辦匪，否則德國自行設法。等語。該使所稱，要挾已極。希即飭屬切實彈壓，並拿辦會匪，以免別生枝節。又嘉祥縣有無滋事，均電覆。嘯。印。

（山東巡撫衙門檔）

三二四 統賢爲陳述德兵入高密情形事致總署電

光緒二十五年五月十八日（一八九九年六月二十五日）

北京。總署均鑒：亥諫電計已呈覽。十七接萊州曹守電稱，查插標小工因買物與高民口角互毆。旋接登萊道電，轉據膠州張牧電稱，德兵馬步百餘人，十七抵高。張牧力疾往商百端，始允入高境百姓不動槍炮，渠必不先動。高邑關廂如可屯兵，并允暫不進城。該牧又詢據葛令來探面稱，高邑紳民驚惶，亦經葛令勸允不先動。各等語。

查此案應派大員速往了結，惟登萊道電稱正辦租界，未克分身，十七已電萊州曹守前往高邑，迅速商辦。并聞膠牧已覓膠紳與高紳親切者迅往開導，當易就範。總之德人以小事而滋鬧，終恐將來百姓

不能甘心忍受也。謹聞。餘再達。○○謹肅。巧。印。

(山東巡撫衙門檔)

三二五 毓賢爲飭帶隊赴高密防範事致彭金山電

光緒二十五年五月十八日(一八九九年六月二十五日)

濰縣。李令轉送駐濰防營彭遊擊金山覽：接總署巧電，奉旨：德兵至高密，著即迅速派隊前往相機彈壓，妥爲防範。一面諄飭地方官切實開導弭釁。等因。欽此。仰該遊擊迅速酌帶兩哨，立即親赴高密，相機彈壓防範，妥爲保護，毋得徇近生事。仍將啓行保護情形隨時電知。○○。嘯。印。

(山東巡撫衙門檔)

三二六 毓賢爲遵旨布防高密情形事覆總署電

光緒二十五年五月十九日(一八九九年六月二十六日)

北京。總署鈞鑒：亥巧電奉旨：既經嚴飭保護，德兵仍欲至高密。著即迅速派隊前往，相機彈壓，妥爲防範。一面諄飭地方官切實開導，以弭釁端。等因。欽此。○○當即電飭駐濰防營彭遊擊帶隊前往高密，相機彈壓，妥爲防範，不准徇近生事。并已一再嚴飭萊州府暨膠州知州迅往高密，督同該縣切實開導，俾即辦結。嗣後情形，謹當隨時電陳，請代奏。○○謹肅。效。印。

(山東巡撫衙門檔)

三二七 毓賢爲高密德兵索賠款已委員商辦事致總署電

光緒二十五年五月十九日（一八九九年六月二十六日）

北京。總署鈞鑒：亥據高密葛令巧電稟稱，德兵十七至，密境迤西有底洞莊聚有多人，於地圍上架有大小地槍，當德兵過時有開槍者，德兵卽開槍轟傷莊民數人，莊衆悉逃，德兵遂駐是莊。十八已刻進城，駐書院，尚無騷擾。據德員面稱，專候大員商辦路務。又稱葉督云，大呂莊案須賠款二千三百四十五兩，傷小工四名四百兩，以前兵費共四百五十兩，又現添兵每日一百二十。並令保固全縣鐵路，不保焚全境。等語。至大呂莊鄉民，自經葛令一再勸諭，現已畏禍避去。又據膠州張牧電稟，德署又添兵九十四名，往高密長駐。各等情。德人以小工與鄉民互毆微嫌，輒以兵力相要挾，其心實屬叵測。維事關大局，但有可以求全之處，無不委曲求全。○○現已添派候補知府石祖芬馳往該縣，會同萊州府妥速商辦。前已調撥濰縣所駐防勇前往彈壓，仍嚴飭葛令相機勸諭保護。應請貴署迅商德使，並電達德外部轉飭德員，俟該印委等到密時，務須和衷持平商結，俾免再滋事端。○○謹肅。皓。印。

（山東巡撫衙門檔）

三二八 毓賢爲嘉祥教案已派隊查辦事覆總署電

光緒二十五年五月十九日（一八九九年六月二十六日）

北京。總署鈞鑒：亥嘯電謹悉。德人以小事派兵，動輒要挾。安主教在省商結教案，○○與兗沂彭道正與磋商，安主教亦借大刀會虛喝，均是要挾伎倆。查兗州、濟甯並無大刀會起事，惟嘉祥縣民教滋事，并無八村之多。已早電兗州鎮，派隊迅往查辦。茲奉前因，當再查照條約嚴飭各屬保教辦匪，免生枝節。俟續聞再電達，祈酌代奏。○○謹覆。效。印。

（山東巡撫衙門檔）

三二九 總署爲應添勇跟蹤德人移紮事致統賢電

光緒二十五年五月二十一日（一八九九年六月二十八日）

山東。撫台：皓電悉。頃接呂使電，據外部云，海部近有訓條，非萬不得已，不准輕易派兵。中國應速派兵自行保護，方保不再生事。等語。現調濰縣防勇如尚力單，應卽添調切實彈壓。惟勘路爲日方長，應令該弁勇跟蹤移紮，以免再滋事端。其如何約會，可飭石守與德員商辦。希妥籌電覆，以便轉電呂使。馬。印。

（山東巡撫衙門檔）

三三〇 統賢爲沂屬教案已結請代奏事致總署電

光緒二十五年五月二十一日（一八九九年六月二十八日）

北京。總署鈞鑒：亥沂屬教案業已議結，兗沂道彭虞孫與安治泰帶去蓋印，候合同到省再行詳陳。

先此電達，祈代奏。○○謹肅。箇。印。

(山東巡撫衙門檔)

三三一 毓賢爲陳述嘉祥教案緣由事致總署電

光緒二十五年五月二十一日(一八九九年六月二十八日)

北京。總署鈞鑒：亥頃據署濟甯州汪望庚電稱，嘉祥教案係教民前曾訛詐鄉民，罰錢了事，昨受罰者不服，有欲向其索回原罰之款。等語。又經解勸，事已過，勿庸議。現尚安靜，更無搶奪攻擊之事。兗州本安謐無事。特電聞。○○謹肅。箇。印。

(山東巡撫衙門檔)

三三二 總署爲山東嘉祥等縣刀會鬧教已飭究辦事致德署使照會

光緒二十五年五月二十一日(一八九九年六月二十八日)

光緒二十五年五月十八日，准照稱：山東嘉祥縣地方匪徒滋事，曾請飭保護在案。茲接安主教電稱，大刀會匪現復起事，擬於攻擊兗州、濟甯各教堂，各處街道不通。等因。相應照會電飭該撫，查照條約保護德國教堂，按例究辦大刀會匪，不准蔓延。同日又准照稱前因，並謂大刀會匪在嘉祥、鉅野、汶上，及濟甯州、滋陽縣、甯陽縣將教民之家毀擾，所有教堂亦大危險。地方官一切不理，而會匪反自

誇奉山東巡撫之言。此事關係甚大。各等因。前來。

查匪徒滋鬧，事起倉卒，往往地方官防範所不及。至匪衆憑空捏造謠言，自係此輩慣技，斷無巡撫出言囑令匪徒之理。

除本衙門已將貴大臣前稱嘉祥滋事之案，業經電飭該省查辦，並此次會匪滋鬧各節，現又電令山東巡撫切實彈壓，拿犯究辦，均俟復到再行照會外，相應先行照復貴大臣查照可也。

(總理各國事務衙門檔)

附錄一：德署使爲嘉祥縣鬧教請飭保護事致總署照會

※一八九九年六月二十日(光緒二十五年五月十三日)

茲據本國安主教函稱：前數日山東省濟甯州嘉祥縣地方，忽有匪徒滋事，與該處德國教堂爲難，並在八處村鄉，所居教民均被匪徒搶奪物件，恐將來亦不免攻擊教堂。地方官不但不按分保護，且更爲唆使。等因前來。

本署大臣查現又有此等意外之事，未免設想山東巡撫果能力圖民教相安，嚴飭所屬地方官保護教堂，何致再有此滋事橫出？惟地方官深知巡撫仇視外國之心，故以挑唆愚民攻擊教堂，爲迎合撫臣之美計。如此所爲，誠恐與兩國交情不能不大有妨礙，諒貴署亦必以爲然。本署大臣應卽照會貴署，請卽電飭山東巡撫，務當立即設法彈壓，嚴拿各犯，並責成各地方官，凡德國教堂須妥爲保護。

又查據安主教函稱：伊於本月十六日，至省會與巡撫及彭道等會商。務望貴署一併電飭該撫，可與安主教和衷商議，務必將各案結妥爲要。

（總理各國事務衙門檔）

附錄二：德署使爲刀會復起並得東撫庇護事致總署照會

※一八九九年六月二十五日（光緒二十五年五月十八日）

山東嘉祥縣地方匪徒滋事，與德國教堂爲難，曾於本月十三日，照會貴署請飭保護在案。茲接安主教自濟南省會電稱：大刀會匪現復起事，擬欲攻擊兗州府、濟甯州等處各教堂。因會匪蜂起，故各處街道不通，而該巡撫更從中護庇賊匪。等因前來。

本署大臣查光緒二十二年十月間殺斃教士，亦係大刀會匪所爲。該時山東巡撫亦甚仇視教堂，藐視條約，將保護之責置之無議，以致難免自獲其咎，諒貴王大臣亦必憶及。度此情形，未免設想貴國政府如果願民教相安，必有其權力；否則再有如該時之枝節橫生者，惟有貴國政府切實保護，妥爲辦理。相應照會貴王大臣電飭該撫，務當查照條約，保護德國教堂，大刀會匪必須按例究辦，不准其蔓延。若仍不按約保護，本署大臣不能不報明於本國，中國國家無力約束，山東巡撫不懷善意，惟有德國自行設法保護本國教士。等情。實如此辦理，本國定可辦妥，並設法將不懷善意之官，令其離任。爲此照會。

（總理各國事務衙門檔）

附錄三：德署使爲嘉祥等縣大刀會鬧教事致總署照會

※一八九九年六月二十五日（光緒二十五年五月十八日）

昨日在署面談，言及濟甯州教堂會匪滋鬧之信，並指明山東巡撫及其同黨官員之咎。現在又有一信，足爲前言之據。安主教適來電稱：大刀會匪在嘉祥、鉅野、汶上各縣，及濟甯州、滋陽縣、甯陽縣將教民之家毀擾，所有教堂亦大危險。地方官受上司之命，一切不理。而會匪反自誇奉山東巡撫之言，如此行爲。等因。前來。

本大臣查此事，今早去文內之言，茲不必再爲贅詞，貴王大臣明鑑，必知此情形關係甚大。貴王大臣於此事以何法辦理，不令其禍愈大，並飭山東巡撫有何囑令，及該巡撫如何遵辦，請貴王大臣速行見復。本大臣再切勸貴王大臣不可偏信該巡撫托故謊言，令其蒙蔽，僅令其切遵貴署之言辦理，用心設法，速令地方平安，此實與中國大有關係。

除俟接到詳細情形後，一切懲辦地方官、懲治土匪、賠償各教堂所受之虧再爲請辦外，茲先照會貴署查照。

（總理各國事務衙門檔）

三三三 葛之覃爲德兵在高密索款並買地事致統賢等電

光緒二十五年五月二十二日（一八九九年六月二十九日）

濟南撫憲、各憲鑒：皓電謹悉。底洞莊事正查另稟。昨十九，該洋兵在城戲開礮，轟斃二人。是日又到劉戈莊，聞有傷斃人命，數未查確。二十，洋兵續到，不住書院，自往尋住紳屋，並逼令出示。覃見其兵強鎗利，心怒而不敢動。是日加定賠款、兵費等共三千七百餘兩，迫限數日全補所拔各樁，並出鐵路招工章程八條。內言定日興工，且云興工必先買地，應由縣代買，所標地段，交銀聽縣轉發，不勒價，不扣錢，並不以路壓墳侵莊，亦逼出示多張。云統俟補樁、買地事妥勿阻，約半月兵可退去。有阻，焚莊、案〔一〕索兵費，兵永不退。等語。卑職孑身待罪，一無足惜；大局如此，殆將不支。本府昨晚蒞高，並聞。覃稟。養。

（山東巡撫衙門檔）

三三四 統賢爲請速與德商議訂路礦合同章程事致總署電

光緒二十五年五月二十三日（一八九九年六月三十日）

北京。總署鈞鑒：亥馬電敬悉。德商勘路應派弁勇跟蹤移紮，以資彈壓，甚佩偉論。○○現已籌

〔一〕原文如此。

派，並擬俟石守赴密議結後，卽派該守照料，並籌辦路礦各項交涉事宜，以期周妥。萊州曹守現已到密。石守亦於廿二動身。

頃接曹守等養電云，德督所議賠款，限念四付清，計三千四百九十五兩。過期不了，每日加一百二十兩。又須沿路莊社出保護結，並卽照約買路地、開煤礦。等情。查德督屢次函電，祇云查勘路礦地勢情形，並未提及買地。前云派輔政司來省先議權宜辦法，至今未來。而約內載訂合同章程，德使亦未議訂。如卽任其買地，並無一定辦法，誠恐百姓不服，逼生大事。○○現已飭曹、石兩守與德員妥商矣。應請貴署迅催德使轉飭德商來京議訂合同章程，以便援照辦理。卽希電復。○○謹肅。漾。印。

（山東巡撫衙門檔）

三三五 毓賢爲指示辦理高密路案機宜事致曹榕等電

光緒二十五年五月二十三日（一八九九年六月二十日）

膠州送高密。曹太守、張刺史、葛大令同覽：兩養電均悉。前接巧電，內有德員云專候大員商辦路務。等語。現已加派石守祖芬，於二十二馳赴高密會同商辦。自應候石守到後，彼此和衷妥籌。來電云，限念四付清賠款等語，與前電德員所云不甚符合。側聞德人最重信實，何至自相矛盾若此？當係該員等不善因應之故。事關交涉，總以權衡理勢，不亢不卑，與德員反覆辯論，持平辦結爲是。鐵路合同十一款，究與原約相符否？未便率允。開礦、築路先只允其查勘地勢，並未牽涉買地一層。

買地須俟總署議訂合同章程，或由德督派平心靜氣之人前來會議持平權宜章程，方可允辦。惟莊社出保護結，紳民果願意照辦，自當從中設法調停。此次底洞莊開放地槍，係屬愚民輕舉妄動。而德人於蘭山、日照、即墨等處傷斃多命、焚燒村莊，至今尚未交兇議賠，其情節實較密案爲更重。

張牧到密後，應稟承曹守會同葛令，將一切應行駁詰籌辦各事，宜先與德員隨時磋商，酌量因應。究竟如何定議，應俟石守到密後再行妥速會商，並由曹守先告德員知之。

再，查劃界原約，無邊界百里內不准中國駐兵之說。惟相距太近，恐滋事端，請傳諭彭營移距德兵不必太近，然亦不得過遠。青島信息如何？德員在密情形如何？仍隨時電知。○。漾。印。

(山東巡撫衙門檔)

三三六 曹榕爲陳述抵高密辦案情事致毓賢等電

※光緒二十五年五月二十七日(一八九九年七月四日)

濟南。各大憲鑒：十七夜接葛令稟，該縣亦不易結，請速臨辦理。次日即束裝起程，是夜住邱鋪，復奉撫帥洽、巧兩電謹悉。二十日冒大雨前進，午後抵高。查居民不免尚有驚惶，詢知德兵住紮書院，弁兵約有百人。十七日入境，路經底洞莊，因該民放槍，德兵隨砲斃村民十二人，餘均逃散，是夜伊即屯駐該莊。十八日進城。十九日有各(劉戈)莊之事，民亦詢有損傷，尚未查清確數。二十日至今尚稱安靜，並未居住民房。連日爲賠款暨保護各事，卑府與之往返面商，大致暫粗有規模。煤礦一事，已商

明緩辦，餘均照昨奉養電辦理。其賠款先經葛令交出五百，餘係勸諭紳民捐辦，可勿另籌。頃奉撫帥十九日札文一件，謹遵辦理。惟卑府才識淺陋，此等事殊少閱歷，計石守來密尚需時日，張牧亦尚未到。事關大局，且有逾限兵費，倘德事可結，訂文合同應否待石守之處，候示祇遵。又張牧代葛令電稟各件多係風聞，不甚確實。現葛令受暑，頗形委頓。合並聲明。卑府榕稟。漾。

(山東巡撫衙門檔)

三三七 毓賢爲詳陳沂屬教案議結情形事致總署電

光緒二十五年五月二十八日(一八九九年七月五日)

北京。總署鈞鑒：亥沂屬教案安治泰奢望要挾，固不待言。○○駁詰並擬條款列入合同，不能任其偏狹，全遂其欲。經究沂道彭虞孫往返辯論，始立合同，共六條：一、共給郵款銀七萬七千八百二十兩。二、蘭、郟、費、日、莒五州縣所有德國教案一併作爲完結。三、嗣後教民有尋衅及詞訟等事，由地方官拿辦，教堂決不干預。四、德兵帶去日照紳士五人，俟電知青島釋放後再付贖款。五、蘭山、日照等處德兵轟斃人命、焚燒房屋等案，係德國無端起釁，實與條約不合，應派員與德官理論，另行議結。六、前索莒、日、沂各款四萬四千一百兩概作罷論。已於十九日簽字議結，帶往濟寧蓋印互換，二十七日將合同送省存案。查安治泰於十五到省，任情要求。屢議屢翻，得步進步，是其慣技。若一味曲從，大局安在？不能不以嚴詞相拒，看其如何。復授意彭道申說調停，磋磨減刪四日之久，始將合同議定，就我

範圍。該道辦結此事，苦心維持。除另行奏咨外，謹先電聞，並請代奏。○○謹肅。勘。印。

（山東巡撫衙門檔）

附錄一：彭虞孫與安治泰議定沂屬五州縣教案合同

光緒二十五年五月十九日（一八九九年六月二十六日）

大清國欽命二品頂戴·山東分巡兗沂曹濟黃河兵備道彭、大布國欽賜二等寶星·大清國欽賜二品頂戴·大巴國欽賜頭等寶星·子爵·主教·管理山東南界教務安，爲會商酌議事。

竊照所屬教案，前奉撫院令由本道會同本主教商辦。等因。茲將會議辦法六條開列於後：

一、蘭、郟、費、莒、日五州縣教堂毀失房舍、財物，合銀二萬二千三百七十兩，交由本主教自行經理。其教民毀失房舍、牲畜、財物，合銀四萬九千九百五十兩。又殺斃人口每名給銀四百兩，傷重者給銀二百兩，輕傷給銀一百兩，合銀五千五百兩。此二款均交由各該地方官會同教士散放。所有各該地方官紳墊發之款，即由此項發款內自行如數扣還。以上三款，另立細數清單附後。

一、此次償卹之後，沂屬五州縣教案作爲了結，所有前與教民互相生事之人，由地方官查拿懲辦，本道斷不因案已了結，置之不問。

一、教民既得卹款，各自安業，不得尋釁復仇。倘有殺人搶奪及被人控告詞訟等事，與教堂無干者，由地方官照中國例查拿訊辦，教堂決不預預。

一、德兵帶去日照紳士五人，自定約後，由本主教電請葉提督即行放回。俟接釋放來電，即兌清償卹各款。

一、蘭山韓村焚燒房物、傷斃人命暨日照轟斃于姓，德國無端起釁，實與條約不合，本主教殊為惋惜。惟與教中無涉，如何償卹，應由中國派員與德官另行理論議結，以昭公允。

一、此次五州縣償卹之款一併議定，沂水由該縣自了，所有前索莒州、日照、沂水之四萬四千一百兩，作為罷論。

以上六條，係會同商議，兩相允洽，寫立合同一樣兩張，彼此蓋印簽字，分執完案。所有償卹銀七萬七千八百二十兩，由沂州府衙門分別發給。合併登明。

(山東巡撫衙門檔)

附錄二：沂屬教案償卹清單

沂屬教案償卹清單。

計開：

蘭、郟、費、莒、日五州縣教堂毀失房舍、財物，合銀二萬二千三百七十兩。

蘭山縣教民七十五家，毀失房舍、牲畜、財物，合銀四千兩，官紳墊款一千一百二十兩在內。

郟城縣教民二百三十二家，毀失房舍、牲畜、財物，合銀一萬六千二百兩，陸大家卹款銀三千四百

兩在內。

費縣教民九十九家，毀失房舍、牲畜、財物，合銀八千三百兩，官墊銀三百兩在內。

莒州教民一百九十七家，毀失房舍、牲畜、財物，合銀一萬五千四百五十兩，官墊銀一千四百五十兩在內。

日照縣教民一百零四家，毀失房舍、牲畜、財物，合銀六千兩。

蘭山縣殺斃教民三名，每名給銀四百兩，合銀一千二百兩。

郟城縣殺斃教民七名，每名給銀四百兩，又傷重一名給銀二百兩，傷輕一名給銀一百兩，合銀三千一百兩。

費縣殺斃教民三名，每名給銀四百兩，合銀一千二百兩。

以上共銀七萬七千八百二十兩。

（山東巡撫衙門檔）

三三八 曹榕等爲請示德員築路買地事致省憲電

※光緒二十五年五月二十八日（一八九九年七月五日）

濟南。各大憲鑒：漾電謹悉。查德員所識十一條內，均爲保護鐵路，公買公賣。而設買地一條，言照時價公買，似與曹州教案條約第二段第三款內所稱蓋造鐵路不佔山東地土之言尚符。礦務一款業

經刪除。現德兵未退，安危在呼吸之間，日久或恐另生枝節。如准其買地，即可結局。石守似可不候，候示遵辦。卑府榕、卑職燮、覃稟。敬。

（山東巡撫衙門檔）

三三九 彭虞孫等爲濟嘉汶紅拳會蔓延請添兵籌辦事致毓賢電

光緒二十五年五月二十八日（一八九九年七月五日）

濟南。撫憲鈞鑒：嘉祥教案辦而未結，昨酉接安主教信，濟、嘉、汶二十五、六又出教案多起。並據嘉祥令稱，江南蕭縣人邵士宣鈞結紅拳會陳兆舉等，糾衆各處，尋招教民勒索，並有硬借教堂設立拳廠情事，人數頗衆，蔓延日廣，勢甚岌岌等情。查邵士宣、陳兆舉均係爲首之人，若不設法查拿，深恐愈聚愈多，致成巨患，而關係甚大。又未便輕率從事，田鎮派出勇隊不敷分布，應請添撥隊伍，速到濟、嘉、汶適中之地，會同州縣相機籌辦，伏乞核示祇遵。職道虞孫、卑職望庚叩稟。儉。

（山東巡撫衙門檔）

三四〇 彭虞孫等爲紅拳會勢盛請頒示嚴禁事致毓賢電

光緒二十五年五月二十八日（一八九九年七月五日）

濟南。撫憲鈞鑒：儉電稟諒蒙垂察。外來紅拳會蠱惑鄉愚，聚衆滋擾，聲勢甚盛，已詳前電。曹、

濟各屬，素懾憲威，擬求速頒印示，嚴申禁令，俾知儆畏，解散脅從。一面派隊鎮懾，購拿爲首，消患未萌。是否有當，祈裁示祇遵。虞孫、望庚稟。勘。

(山東巡撫衙門檔)

三四一 田恩來爲紅拳會鬧教已派隊保護事致毓賢電

光緒二十五年五月二十八日(一八九九年七月五日)

濟南。撫帥鈞鑒：汶、嘉境有南來傳習紅拳，煽惑鬧教。已派余通今帶步一哨、馬勇十暫紮安屬，飛飭李家成駐嘉，保護教堂。恩來叩。勘。

(山東巡撫衙門檔)

三四二 毓賢爲已派馬隊赴濟嘉汶籌辦事覆汪望庚等電

光緒二十五年五月二十八日(一八九九年七月五日)

濟寧。汪直牧送彭觀察同鑒：儉電悉。已派林秀全帶馬隊百名，馳赴濟、嘉、汶會同該州縣籌辦矣。○。勘。印。

(山東巡撫衙門檔)

三四三 總署爲希飭勸濟寧紳查調和民教事致毓賢電

光緒二十五年五月二十九日(一八九九年七月六日)

濟南。撫台：箇電悉。頃新德使接安主教電，濟甯紳士團首等常煽動居民與教爲仇，地方官不理，該處教堂仍有危險，請飭辦理。等語。該主教所稱，不免架詞聳聽。但未雨綢繆，保全較多。就希切飭勸諭紳董，調和民教，免滋事端爲要。 豔。印。

（山東巡撫衙門檔）

三四四 總署爲東撫查覆嘉祥教案緣由事致德使照會

光緒二十五年五月二十九日（一八九九年七月六日）

光緒二十五年五月十八日，疊准貝署大臣照稱：山東嘉祥、兗州、濟甯及滋陽、甯陽等縣，會匪滋事，有將教民之家毀擾者，所有教堂亦大危險。等語。當經本衙門電行山東巡撫切實彈壓，查拿究辦，並照覆貝署大臣在案。

茲准山東巡撫覆稱：據署濟甯州汪望庚電稱，嘉祥教案，係教民前曾訛詐鄉民，罰錢了事，昨受罰者不服，有欲向其索回原罰之款，嗣經勸散，可無庸議，現已安靜，並無搶奪攻擊之事。兗州本安謐無事。等因。

除仍咨令按照所開各縣，逐一細查辦理外，相應照覆貴大臣查照可也。

（總理各國事務衙門檔）

三四五 著毓賢添練營伍豫先布置防務事上諭

光緒二十五年五月三十日（一八九九年七月七日）

軍機大臣字寄山東巡撫毓，光緒二十五年五月三十日奉上諭：前因山東沿海地方緊要，電諭毓賢通盤籌畫，酌量添募四五營，擇要扼紮。該撫前調之總兵萬本華，現據電奏，已令將原招五營帶赴晉省。惟該省辦理防務，兵力究嫌單薄，仍著毓賢體察情形，應如何添練勁旅之處，酌籌餉項，豫先布置，勿以現在海疆無事，稍存大意。將此諭令知之。欽此。遵旨寄信前來。

（上諭檔）

三四六 曹榕等為賠款已交清德兵退回事致毓賢等電

※光緒二十五年五月三十日（一八九九年七月七日）

濟南。各大憲鑒：接奉勘電謹悉遵辦。賠款現已交清，德兵今日退半，云明日再退一半回島，餘留無多。公司現補樁，尚無阻。此次議催賠樁、保護路務，其傷斃莊民暨前次卽墨三命，並邊界不許我兵過界，擬仍稟請咨呈總署理論。現萊屬各部勘路事繁，非防範周到，不免滋事。昌、墨均交替在卽，尤恐疏忽。擬請飭署員迅赴新任，以專責成。

又卑職覃現病未痊，辦理善後似難支持。可否酌調別缺委員接署之處，出自憲裁。卑職燮事竣回

膠照料，附陳。卑府榕、卑職燮、覃稟。豔。

(山東巡撫衙門檔)

三四七 葉大可爲紅拳會擬攻城堂事致毓賢電

※光緒二十五年五月三十日(一八九九年七月七日)

濟南。撫憲鈞鑒：昨稟諒蒙慈鑒。今紅拳會擾楊莊後移踞馬莊，躬親彈壓，勉強暫散。現有朔日攻城堂之莊〔謠〕，恐釀巨禍，乞速賜示遵。大可稟。

(山東巡撫衙門檔)

三四八 毓賢爲呈送嘉祥教案清單事致總署函

※光緒二十五年五月三十日(一八九九年七月七日)

謹肅者：前奉鈞電，以嘉祥縣有匪徒滋事，八處鄉村教民被搶。等語。當即飛電濟甯州暨兗州鎮，撥隊彈壓查辦，業均電覆貴署在案〔一〕。茲准兗州田鎮排遞函稱：飭派濟字營官李家成、都司余通今確查去後。行抵嘉祥，即晤該縣德教士天恩，會商彈壓保護。一面派人密訪滋事情形，與該縣所述大致相符。總之民教睚眦，事所不免。毓賢已嚴飭地方官切實查辦，萬不准匪徒滋事。而教民一面之詞，

〔一〕原檔此處旁批：「未見。」

教士往往偏聽，恐亦非持平之道也。應請貴署照會德使飭令教士揆情度理，勿庸輕信教民爲要。謹將究鎮查明嘉祥教民情形一摺，附呈鈞鑒。專此肅覆。敬請鈞安。

(總理各國事務衙門檔)

附件：田恩來呈嘉祥縣八村莊教案清單

謹將查明嘉祥縣匪徒滋事，八莊教民被搶情形開摺恭呈鈞鑒。

計開：

一、傳聞高家海高順玉等，於四月十一日請到匪首陳兆舉，率領匪徒，將教堂中所有東西全行毀壞，捆綁習教之人，並將習教之高宏儒驅逐不家，霸佔居住房屋一節，今查明高家海高順玉等經嘉祥縣葉令傳案，會同州委秦令訊結，高宏儒房屋並未被人霸佔，現仍在家居。

一、傳聞姚家莊邱立德、蘇殿元、姚齊位、姚輝等搶割習教之麥，並勒索習教者出京錢五百千、酒席二十桌一節，今查明姚家莊邱立德與姚齊位，數年前賬目不清，又無實據，經縣飭團長調和了事。

一、傳聞鄭家莊之教堂被高家海之匪徒率領黨夥，將德教士所有什物搶掠一空，順開各件，有祭衣一身，真金聖爵一樽，門簾、天棚、台帷、蠟燭、大小神像等件均行搶去，餘皆毀壞一節，今查明鄭家莊被匪徒竊取等物，經嘉祥縣驗過，勒限緝獲。

一、傳聞揪家莊之習教者被馬家莊之馬懷修率領匪徒滋鬧，逼習教者出酒席五桌一節，今查明揪

家莊教習〔習教者〕被人勒逼酒席並無此事。

一、傳聞道關村教堂中所有東西被賊匪搶掠如洗，當有何廣聞、王德才率領惡黨，將習教者捆綁勒索錢文，嗣後該縣令又飭差罰習教者京錢三十千、酒席五桌，硬行和處，處和後，又將堂中東西連翻毀搶，並將習教者驅逐不家一節，今查明道關村即陶官村教堂被人搶劫勒索錢文，經首事歐陽東曉調處了事。

一、傳聞程家莊惡匪程學寶、程興泰等，將習教人程福增毆致頭顱、身體重傷，該縣令票差緝拿，不拿在票之匪黨，而拿習教者一人，嗣又縱放匪徒搶掠教堂如洗，驅逐習教者不家一節，今查明程家莊程福增被程寶玉毆碰微傷，程寶玉畏案逃逸，勒限未獲。

一、傳聞慕家海教堂被匪徒搶而復燒一節，今查明慕家海教堂燒搶之事並無影響。

一、傳聞段家莊匪徒勒索習教之人出京錢一千二百千、酒席五十桌，該匪徒又至周家莊大廟裏向習教者勒索錢文，訛詐酒席一節，今查明段家莊有匪二人冒充刀匪，訛詐京錢四千文，並無勒索京錢一千二百千及酒席等事，亦不知匪人名姓。已由縣訪拿。

（總理各國事務衙門檔）

三四九 毓賢爲已飭勸諭紳董調和民教事覆總署電

光緒二十五年六月初一日（一八九九年七月八日）

北京。總署鈞鑒：豔電敬悉。當即切飭兗沂道、濟甯州勸諭紳董，調和民教，並擬將滋事匪首拿

辦矣。○○謹肅。東。印。

(山東巡撫衙門檔)

三五〇 呂海寰爲陳述日照撤兵交涉情形專致總署函

※光緒二十五年六月初一日(一八九九年七月八日)

四月初三日，泐奉第三十五號公函，諒塵青睞。敬諭助華日邇，嘉福時增，式如遠祝。

撤兵一節，迭向外部催問，一味含糊，絕不下一直截了當之語。昨見副外部李和芬，據云德廷極願早撤，海部亦不願以德兵散駐各處，費多無益；惟接膠撫暨海靖來電，均謂刻下暫不能撤，以致遲緩迄今。每與外部辯論，輒以津鎮鐵路未經簽押以前不能撤兵爲詞。窺其伎倆，催撤愈急，要求愈甚；撤兵、造路雖截然兩事，而彼往往牽涉一氣，以爲挾制，殊堪痛恨。前次催問情形，業由佳電縷陳冰案，想邀垂察。目下津鎮鐵路銀行交款之事已否議妥？如簽押後即乞電示，以便催撤各兵，有以箝其口也。

茲將與外部問答各辭鈔錄呈覽。

四月十一日，接外部來函，據稱去年德兵在卽墨縣毀傷孔廟聖像一節，飭查去後。旋據覆稱，上年西歷正月，聞德兵至孔廟瞻觀聖像，無意之間碰折一肱。當時膠撫即往朱太守處婉言道罪，朱太守業經首肯，並已宣告該處人民，謂聖像並非德兵損壞。上年七月間，海靖業將各節轉致總署。現在此案已結，不必重翻。等語。查此案前奉署函業經作結，自無庸再與置論，當於鏡字二十八號函內敘述梗

概。今因外部來函照譯呈閱，可見彼族於此等事亦未嘗不重視之也。

南洋和屬各島，華民僑居數十萬。該族陵虐情事，罄竹難書。歷任到此，僑氓皆有籲求設領之稟。去年曾將擬與和外部商量辦理之意函陳厓略，設領一節，仰荷允許。查南洋一帶各島林立，內惟噶羅巴一埠，工商輻輳，華民居處最多。前曾擬於該處設領之意婉商和外部，外部諉商藩部，當日因德事繁重，在和匆促，未獲詳論其事。惟外部詞意之間，並非峻拒不能商辦，蓋設領雖損彼國利權，而各國領事棋布，公法所在，不能獨於中國而靳之。弟正為此事日懸心目，迺上月間，忽由該埠總領事寄來新聞報一紙，言該處華僑被虐情形，歷歷如繪，倒懸之厄，於今益烈。因於四月初四日，發電張道振動，即現署新加坡領事者。倩其將華民受害情狀詳查函報，以便赴和商辦。張道久居彼處，情形最熟，現聞適在噶羅巴耳。現將奉旨查辦法館事件重加詳訊覆奏之後，下月即可馳赴和都，呈遞答復和君國書，藉與外部細商南洋設領之事。敬請堂憲接見駐京和使時，擬在和屬各島設領保衛一節，乘便一提，作為先聲之導，使該使通知彼國政府，此舉出自署意。如此內外夾攻，或商辦時易於就範。此時和都適議弭兵會，各國廣集，亦無暇商議別事也。茲將從前華商所稟和屬苛政節略，暨所議設領之處，又近日寄來之新聞報一則，一併譯錄附呈，敬備存查。

正繕函間，接奉大署咸電，知海靖函稱日照兵十六日撤回膠澳。或亦知公論所不容，自求轉圜乎。惟畢魯曾言，無論京津各處之兵欲撤即行全撤，現未知京中之兵情形如何，各國皆經先撤，海靖作祟故意濡滯，想亦自覺無謂，不日行將撤退耳。仍請隨時示及為感。

兗州案自譯錄署駁海靖之語後，又經海（弟）將允租膠澳中國吃虧之處層層譬說，並云若將早經議結之案重又翻覆，是有意尋釁，非兩國交好之道等語，再三辯論，嗣後見面即不提，或者自知理屈從此罷論，亦未可定，但彼總未肯直下斷語耳。 合並附聞。

至德兵在蘭山焚毀村房，在日照圖姦斃命，情節最大，若不徹底清查，將案證供詞詳細告知，無以箝其口而折其心，前於三月願電、四月歌電電陳在案。如東撫查覆即祈示知，以便詰責為荷。

日前外部交來膠州新報一紙，弟當即駁其新報不足憑信。茲特譯出，一併照錄，乞代呈堂一閱。子通星使於月初赴和，道出柏林，小住三日。數年不見，鬚髮皓然，頗有老邁景況，其步履艱澀，體氣頹唐，想亦思慮過甚之所致也。弟比來精神雖可支撐，常有頭眩足重之病，遠居絕域，水土異宜。際此時艱，殊令人倍增抑鬱耳。肅勒敬請勛安。惟希荃照不悞。

（總理各國事務衙門檔）

附件一：呂海寰為辯論日照撤兵等事與德外部問答錄

光緒二十五年四月初六日（一八九九年五月十五日）

光緒二十五年四月初六日五點鐘，偕參贊廣音泰赴外部見李和芬。寒暄畢，問以：日前為德兵在日照縣亟應速撤，免再滋事，請貴大臣向畢魯商量究竟如何？李云：德國國家及本部均不願敵國之兵在日照等處，即海部大臣亦願撤退。唯日前電詢膠撫及海靖電復，均謂刻下暫不能撤，尚須再待數日，

看中國能否實在保護，俾德人享太平之福，方能撤回。告以：中國刻下確係實在保護，近來山東一帶並無鬧事之處，足證德人已得共享太平。而貴國總以兵力不足爲詞，是有意挑剔；膠撫與海靖以有事爲得計，其言豈足憑信？李云：膠撫與海靖亦願將兵撤回，據領兵官報，現在撤兵尚早，故爾耽延。告以：領兵官不能約束兵丁，縱令殃民，就中取利，自然不肯回膠。貴部亦應加意查察，不可輕聽一面之詞，致於兩國邦交有礙。本大臣接到總署來電，奉有訓條催令貴國速行撤兵，刻下山東人民均懷驚疑，且多不平之氣，久恐鬧出事來。況畢魯前與本大臣言，津鎮鐵路辦妥卽行撤兵，本來津鎮路與撤兵無干，頃接總署來電，津鎮鐵路大致已妥，唯候海靖訂期簽押。是此事業經辦妥，自應力踐前言，以敦友誼。津鎮之事，海靖當有電來。李云：本可及早簽押，因滙豐與德華交款事尚未議妥，故稍需時日。告以：此非中國耽延之故，不能藉口不撤。辯之至再，李允再與畢魯商量，如有簽押之期，或可卽撤亦未可定，然非我所能作主也。告以：本大臣立待復電。李云：可稍緩數日。

又告以：昨接貴部函稱，日照圖姦斃命一事係屬地方官捏報，有意陷害云云。核與總署來電相反。于文福被德兵轟斃，衆目共覩，此事萬不能假。不過其中詳細尚未得知，豈能以有意陷害數語了之？本大臣已電詢始末情由，俟有復電當與貴部辨論。李聞之默然無詞。

又告：蘭山縣焚燒村莊一案，貴部仍應再行細查，方足以服人心。李云：據膠澳新聞報實無四十餘家之多，可見中國地方官所報往往不實。遂將東報一紙交出，云：可請譯出華文，貴大臣閱之自知其詳。譯完後仍請將原報還我。告以：新聞紙更不足信矣。

李云：山東巡撫係何人？告以：新放毓大人名賢。李云：此人如何？告以：在山東多年，歷有政聲，最能作事之人。李云：如此甚好。敝國國家甚願貴國在山東放一熟悉中外情形之巡撫，方能聯絡邦交，凡一切齟齬之事，能泯於無形，日後兩國自然日加親密。非我們干預中國內政，實因東撫得人，則德國之提督、膠撫遇事和衷商量，自易消解，亦省得兩國國家為難，所關實非淺鮮。告以：貴大臣所論甚是，中國亦願貴國兵官之在山東者以邦交為重，不可遇事生風，強人所難也。李云：雖是閒談，確是緊要之事。告以但願彼此相安無事，則兩國均有利益耳。臨行又切囑其向畢魯商量即速撤兵，不可再遲，本大臣一二日來聽信，以便報知國家。李唯唯。遂辭回。

（總理各國事務衙門檔）

附件二：照譯德外部送來德報關於日照蘭山事件之報導

沂州來信云：華人憎惡洋人，日甚一日，擾攘之事，時有所聞。不惟教士常來申訴，即稽查煤礦之人亦怨聲噴噴，謂彼等時被攪擾，不能辦事，必須設法保護。等語。故膠撫派千總韓納滿、繙譯莫慈前往沂州查看情形。二君人甚和平。臨行時，膠撫又囑以萬勿滋事。西三月十九日，由安東衛赴日照縣，有礦師名佛耳舒爾帖者，與之偕者。次日到山嶗峒，居民繞觀，狀雖戲謔，然尚無滋事者。土人勸三君速赴前途，謂彼等到江口，可得車馬。窺其意實係不欲洋人停留此地，故託詞驅逐。三君遂乘坐小舟前往江口，而江口之人待之甚薄，不肯與以馬匹，只得用小車推運行李。次日行抵安東衛，此地難

日照縣九千啟羅邁當。所至之處，觀者如堵。連行二日，皆屬安靜。

第三日，至一小村名牌樓村，村民繞觀，初無惡意。三君離此村八百邁當，忽聞後面鎗聲隆隆，人聲洶洶，大隊村民追趕上前。爲首十人，狀尤兇惡。大隊之後，復有多人夥同追趕，後來者似係官兵，緣此中人皆有武官氣派。然若輩亦祇外強中乾，虛聲恫嚇而已。三君見勢危急，卽告以彼等係屬良善之人，並非教士，請其勿作惡態向人。村民不聽。至是三君已至舒村，運行李之華工至此亦放下車輛，四散而去。斯時追者愈近，三人藏身樹後，莫慈問追者是否要錢，正言間，忽來一人抬小礮，而門內裝鉛塊、鐵釘等，離三人約八十邁當施放，鐵釘、鉛塊紛紛向三人身傍飛過，樹枝皆折。華人愈行愈近，約離四十步，向之放槍。三人亦拔出手槍回放。華人見此無烟火藥之槍，皆譁然大笑，及試其鋒，乃稍却退。三人追近華人，連放數槍。正當前進，而佛爾舒爾帖忽然跌倒。華人意其中槍倒斃，皆大喜。佛爾舒爾帖卽時起來，偕二人藏避墳塋之後，仍放槍相對。華人見本隊中有受傷者，乃退回別邨。

三人遂向沂州進發，然行李皆蕩然無存。莫慈之跟役亦無踪跡，遲兩日方回。據述被華人擄去，將衣服剥去，用火焚死，經華人之奉教者再三勸阻，始免於難。該三德人遂報知沂州知府，而知府以此事與彼無干，應問之日照知縣，而知縣又已公出。知府本允派人送回，又不踐言，次日往問，推辭不見。殆日照知縣回署，告德人云，華人死者兩人，傷者四人，意欲藉此掩飾鬧事之由。鬧事時德人三人，華人約三百餘人。所失行李亦由知縣送回，又派兵及夫役等送回安東衛，斯時勾夫猶恩兵輪在該口迎接。

據德人所論情形列下：據云，該處居民不喜歐人，而人耶穌教之人常被欺凌。中國管理地方之權威令不行，派去之兵亦畏懼百姓，軍火被奪，驅之出境。德國開礦之人，亦因百姓屢鬧，不能工作。聞華人有言，德人海戰則能，陸地則無能為役，云云。因之藐視德人。山東一帶教士及礦師屢被欺凌，去年有教士詩吞刺被欺事，上禮拜又有韓滿之事。於是膠撫設立一法，派守備法爾肯海帶千總二人、醫生一人、兵一百二十名、砲兵十名，連環砲兩尊，到巨野相近之處。前詩教士被欺之處。又派韓納滿帶把總四名、兵四十人，往被欺各村莊責備肇事之人，繙譯官莫慈克留勃雷斯亦同往也。派兵之意，無非示威諸民，大約耽閣數日即可返膠。亦欲使該處百姓知德之威力，實因中國國勢日非，不能管理百姓，經此次派兵之後，百姓亦遂安靜，地方官亦不至如從前玩怠矣，懼德國派兵自護耳。

即墨地方又有符教士被欺之事，該教士騎一小驢，被人拉下捉去。膠撫得信，即派游擊勃來刺帶兵十人前往，而符教士已不在彼處，事間數日，始得釋回。於是勃游擊將鬧事之人捉獲多名，解往李邨辦理。

（總理各國事務衙門檔）

附件三：呂海寰為催辦日照退兵事與德外部問答錄

光緒二十五年四月初九日（一八九九年五月十八日）

光緒二十五年四月初九日，偕賡音泰赴外部見李和芬。寒暄畢，告以：畢大臣昨日請本大臣吃飯，

請代申謝悃。本大臣初六日所談之話，貴大臣允與畢魯商量，昨日本大臣雖與畢大臣相聚，未便談論公事，未知畢魯定於何日可以撤兵，願聞其詳，本大臣立待電報政府。李云：德國國家亟願撤退，海部與本部均意見相同，決無久駐兵之理。問以：定於何日？李云：亦只在目前，難以尅期。告以：如此看來是撤兵仍無定期，本大臣如何報知中國國家？仍請給一確信。李云：津鎮鐵路合同簽押，撤必速。

告以：津鎮鐵路前據貴大臣所說，是匯豐與德華因款項未能定議，並非中國耽延，何得藉口？本來津鎮造路與撤兵之事毫不相關，貴國分外要求，已非交好之道；刻下津鎮之路中德早經議妥，即應照從前畢魯告本大臣之話立刻撤退，方爲正理。今忽故意延宕，殊屬不合。李云：貴大臣可電知總署毋庸著急，沂州之兵早晚必撤。告以：非是總署著急，因貴國屢次食言，反似本大臣從中說謊，倘我政府詰問，本大臣無詞以對。李云：貴大臣與本部均無撤兵之權，本大臣但候海靖來電，並非有意遲延。

又問：津鎮鐵路大致議妥，未知將來有無更變？李云：所議尚妥，中間雖稍有不愜意處，德廷以邦交爲重，亦無異議。告以：如德廷有訓條定期撤兵，尚希先爲告知一聲。李云：可。

又告（以）：日前尚未了各案，請貴部早爲議結，業經一年有餘矣。李云：嗣後交涉稍簡，當逐件徐爲清理。問：交犯照會久未得復，未知刻下已辦否？李云：爲此事刻下尚晝夜查案，未有頭緒。問：何以如此之難？李云：因要仿照香港章程，故往返行查，耽延時日。

又問：聞新簡駐華公使克特羅係天主教中領袖，將來克大人到任後，可囑其和平辦事，遇有教案，亦可與總署訂一民教相安章程，庶可永遠無事。李云：克特羅恐伊亦無此權力。李又云：聞中國擬請

羅馬教皇派人主持教務，此事恐辦不動。答云：未聞此事。李云：德國即不能認，恐各國亦未肯允。緣教士分隸各國，例應歸各國管轄，權柄豈可旁落？告以：各歸教皇主持，將來各國可免齟齬，亦是上好辦法。李搖首云，恐辦不到。又閒談數語，遂回。

（總理各國事務衙門檔）

附件四：德外部爲日照命案事致呂海寰函

一八九九年五月十三日（光緒二十五年四月四日）

前准貴大臣於西四月二十五日函稱：總理衙門來電，德兵在日照縣境圖姦斃命，當經該處長官通知德兵統帶不理。等語。本部業已電詢青島巡撫，飭令嚴查據實電復。茲據該撫電復，總理衙門所稱各節，地方官捏報，意在陷害云。

（總理各國事務衙門檔）

附件五：呂海寰爲德使拆毀北京武昌試館事致德外部函

逕啟者：

本大臣前於巴黎接准總理衙門來電稱，貴國欽差海大臣拆毀北京武昌試館後院牆垣。等因。當經照會貴外部各在案。刻接總理衙門來電催了此事，現在北京民情驚恐，謠啄紛起，深恐激成事變，兩

國均有不便之處。囑本大臣速向貴外部理論，並請貴外部速行電令海大臣，趕將武昌試館地址等查清交還，實爲至要。

(總理各國事務衙門檔)

附件六：德外部爲陳述德兵破壞卽墨聖像情形事致呂海寰函

一八九九年五月二十日(光緒二十五年四月十一日)

本部接貴大臣正月間函稱：前年卽墨縣孔廟由德兵毀傷聖像，並將兩目挖去。請飭駐華德兵，以後不得再行毀廟傷像。等因。

准此，本部當卽飭查去後。茲據覆稱：前年正月間，德兵入卽墨縣孔廟游玩，見有泥塑神像，並不結實，無意間碰碎泥像手臂。當時駐膠巡撫立即往晤朱太守並道歉忱，朱太守業已首肯，並佈告該處民人，謂聖像並非德兵損壞云云。該處除聖像手臂碰壞外，並未損壞他物；該處謠傳謂德兵於孔廟內另傷他像，並挖去兩目，實無其事。

以上各節，已於上年七月間，由駐京海大臣轉告總署矣。至德兵在華本應謹守本分，卽中國廟宇佛像亦應保護。今該兵等並無違章之事，亦不必重翻舊案，另發訓條矣。

(總理各國事務衙門檔)

三五二 統賢爲陳述嘉汶拳會興起緣由事致總署電

光緒二十五年六月初二日（一八九九年七月九日）〔一〕

北京。總署鈞鑒：亥民教不安久矣。現嘉祥、汶上聞又生事，皆緣民間屢受教民欺壓，積不能平，各習拳棍，自衛身家，並非故向教堂滋事。惟間有強梁之徒及外來游民附入其中，故作報復大言，以圖快意，並於教堂附近練習拳棍，并欲借教堂爲拳廠，藉以示威。有以紅拳會爲名者，教民聞之生畏，聳令教士往飭地方官立即拘拿。該處拳民甚多，地方官不敢操之過急，轉恐激事。安主教赴該處查看，據云實有滋事情形，並函致彭道云，係嘉祥葉令、汶上錫令查辦不力所致，兩日內即進京辦理。各等語。○○前聞該處民教生事，即飭田鎮撥隊巡緝。旋又添撥馬隊馳赴該處，會同地方官實力保護彈壓，並出示剴切諭禁，嚴拿首要究辦，餘令回家安業，不得聚衆，再滋事端。一面嚴飭該道府州縣等，將現在所有教案據實查明，妥速辦結。葉令、錫令等籌辦教案均極平允，未能遵照教民所開人名，立即拘拿，是以教民愚愆洋人出頭也。並據兗沂道及府縣稟報，大概相同。特電達。○○謹肅。東。印。

（山東巡撫衙門檔）

三五二 彭金山爲陳明進駐高密暨回紮昌邑情形事稟統賢文

※光緒二十五年六月初二日（一八九九年七月九日）

〔一〕此電文在去電登記簿中登於六月初二日，而據文末鈞碼「東」，則應起稿於初一日。

標下管帶東字正軍後營副將銜。儘先遊擊彭金山謹稟大帥鈞座。敬稟者：

竊於五月十九日午刻，奉諭嘯電，准總署巧電，奉旨：德兵至高密，著即迅速派隊前往相機彈壓，妥爲防範。一面諄飭地方官，切實開導弭釁。等因。欽此。仰該遊擊迅速酌帶兩哨，立即親赴高密，相機彈壓防範，妥爲保護，毋得逼近生事。仍將啟行保護情形，隨時電知。等因。

奉此，遵即選左右兩哨，配帶整齊，定於二十日丑刻，親帶前往。業於十九日電覆鈞聽。惟是標下粗鹵無知，未諳洋務，且夷人性狡，理導難明，不勝悚惕之至。

嗣後冒雨進行，於二十一日午後到高密，隊伍暫紮范家坵。即會晤曹守榕、葛令之覃，及德國帶兵官毛威、鐵路公司慕興立等。云稱現在高事已定，仍開鐵路，商令隊伍在此太近，已違定章，則勿論彼此不便，商令回紮昌邑縣屬之丈嶺地方交界處彈壓，彼此兩有裨益。即蒙曹守吩示允准，標下即照此辦理，移隊丈嶺。於二十二日電覆在案。標下臨行時又承葛令面囑，以後勿令兵勇來偵探，亦不准通信云云。

伏查德兵十七日到境，十八日進城住書院，尚無滋擾情事。惟該處起釁之由，在城南十二里之大呂莊、堤東莊十一日做工口角。附近各莊素稱强悍，有意聚衆阻住洋人，不准修造鐵道者。恐路修成，有礙貧民生計。於十七日，洋人帶礮來嚇，開放空槍，實未開仗。事後傳說傷洋兵兩名、民傷十餘人之謠。葛大令飭令地保詳查數日，彼此均無實據可證，大約事屬子虛。此高密大概情形也。

標下到城內，見街市大半閉門，謠言四起，人心爲之惶惶。現查洋兵在高兩次，共計步隊一百七十

名、馬隊二十名。高密城門均歸洋兵把守，各門二人照料而已。嗣聞各鄉莊有聚衆之謠，又到大小礮數尊，以爲預防之計，恐生枝節也。徐思曹守既與洋官商妥，允定界限，必期隣睦民和，諒不致肇釁生事，以副大帥懷柔輯睦弭釁至意。

標下附呈見晤洋人問答言語摺一扣，是否有當，伏候訓示遵行。

再，標下經過沿途，雨水調勻，秋禾甚好。並順道諭知民間，高事已定，開導一切，各安農業，毋得再生事端云。理合附陳。恭叩福安，伏乞慈鑒。

標下金山謹稟。五月二十三日。

批：據稟移紮丈嶺地方情形已悉。查上年勘地立約，租界外名爲邊界。高密係在邊界之內，仍是中國自主之地。凡過調兵隊，只准德國不准他國，並非不准中國。此條似宜申論。惟高事既定，彼族亦何足計較。此次調兵，本爲彈壓保護起見。該遊擊問答一切，雖未據理分晰，而因應尚爲妥善。仰卽知照。除批稟外，並札洋務局知照。此繳。六月初二日。

（山東巡撫衙門檔）

附件：彭金山呈與德官問答錄

※光緒二十五年六月初二日（一八九九年七月九日）

五月二十一日晚四點鐘，標下輕騎帶二三人，無軍械，進高密縣署拜會曹守榕、葛令之覃。洋人早

已得悉，標下卽持片先爲問安。帶兵官毛威、鐵路公司慕興立等均來親拜。在縣署西花廳見面，寒暄數語。詢及帶兵來此何意，似有警恐之狀，身帶重重軍械，詞色甚厲。標下卽答：奉撫憲飭令率二百人，爲彈壓百姓、息事保護起見，並非打仗而來。毛君色霽：貴營向在何處帶兵？卽答：在烟台十年，隸孫統領部下。聞之忻然而言：問大帥好，統領好？答以：均好。毛君又言：現在高事已定，毋須勞駕。商之府縣云稱，外國向章，在界限五十里內不准兵勇窺探，更不准華兵境內住紮。貴營到此，並無領事官文書，已違定章。標下答以：此處實未到過，不知界限在何處，還得請教。曹守順口答以：彭君初到，人地生疎，亦難怪他。毛君云：此次修造鐵路，已奉大皇帝允准在案，高民何得聚衆生事，自取罪戾？刻下既經事定，隊伍先請回紮丈嶺地方彈壓，明午必須移去，以符定章，俾有裨益。其時天晚，曹守卽允移隊。洋官告辭出門。標下亦卽辭出，行十數里，大雨傾盆，迨天曉，始回行營。午刻卽拔隊到昌邑縣屬之丈嶺地方住紮。問答是實。

（山東巡撫衙門檔）

三五三 總署爲查詢高密路案詳情事致毓賢電

光緒二十五年六月初三日（一八九九年七月十日）

山東巡撫：呂使有電，外部照稱，高密案中國請勿派兵，已設法辦理，不致再生事，德廷聞之甚慰。然德廷意見，該管地方倘能預先防範，必不釀成此事。本部屢接膠信，德在膠附近之高密地方，尚在百

里界內，被華民攪擾，不能工作。因遣德兵保護，遇華人三百，攜帶軍火轟擊，相近各村，亦同仇敵，應即設法嚴行抵禦。其如何設法，本部不知其詳，應由膠撫查看情形辦理。惟膠撫所奉本國訓條，首以固全邦交爲要，非萬不得已，情形急迫之時，不得派兵。若中國兵力足資保衛，必不派兵前往，既已派兵，亦必立即撤回云云。刻下高密情形如何？東撫已否派兵彈壓？共有兵若干？如何布置？乞查明電示。等語。希將高密現在情形詳細電覆，以便轉電呂使。講。印。

（山東巡撫衙門檔）

三五四 毓賢爲德兵滋擾高密請照會德使查辦事致總署電

光緒二十五年六月初三日（一八九九年七月十日）

北京。總署鈞鑒：亥萊州曹守等稟稱，十七日，德兵在底洞莊共斃鄉民十三名，傷者八名。十八日，在縣城東門口燬砲，轟傷二人。又帶馬隊赴劉戈莊巡查，聞亦有殺傷者，並捆帶三名回島。書院中器具、書籍多被焚燬。念一日，又到德兵百餘人，四城由其啓閉。念二日，又據德員催索大呂莊一案，應賠工費、兵費銀三千四百九十五兩，限念四付清。又送來所定權宜辦法之合同章程共十一款，云照此訂議，兵即撤退。連日大雨，東路電桿被雷轟損，文報稽遲，石守一時尚難到密。該處官紳因德兵猖獗太甚，聲言無論城鄉派兵自辦，日見危迫，公同商請曹守，暫照所議允辦，並將大呂莊案賠款付清。德兵旋即分兩起退回青島，僅留數人在密守護，案遂議結。各等情。

查閱德員所擬購地辦法十一條，意在公買公賣，兩不滋擾。尚可照辦，內間有可議者。惟德兵在密傷斃鄉民甚衆，又焚燬書院中器物，搜括營團槍械，隱匿者斬，仍須挨戶搜查，實屬凶橫已極。如不與之理論，後患何所底止？

除將渠定合同暨一切情形另文咨呈外，應請貴署照會德使認真查辦，或飭將兵官酌量更換，以敦睦誼而免開釁。倘百姓衆怒難遏，咎將誰歸？祈速達德使爲禱。○○謹肅。江。印。

(山東巡撫衙門檔)

三五五 毓賢爲德兵行事與條約不符應請與德使理論事致總署電

光緒二十五年六月初三日(一八九九年七月十日)

北京。總署鈞鑒：亥據萊州曹守等稟稱，十八日，德兵到高密後，將城鄉各項軍器限三日繳齊銷燬，如有隱匿，查出立予重辟。現在城內團局並守城槍炮，搜括已盡；數日內尚須挨戶搜查。又濰縣撥往彈壓勇隊，駐紮城西四十里之范家邱，德人云，在邊界百里內勒令退紮。各等情。

查營汛、鄉團存有槍械，原爲彈壓地方、巡緝盜賊之用；卽民間冠昏喪祭行禮時，亦往往鳴炮致虔，文武人庠鳴炮致賀，田獵用槍此常事也。今德人一概搜查，不但騷擾居民，且於大局有礙。現正查勘膠濟一路，沿途防營、團局甚多，萬難任其搜查，致滋巨釁。更恐由漸而入，將來軍械所、機器局均須廢耶。再，膠澳劃界條約，邊界百里內雖許德人過調兵隊，原與租界情形不同，何得不許中國兵隊駐紮，

此兩節關係甚大，均與條約不符。德人叵測難防，應請貴署迅與德使理論，並電請呂大臣速與德外部據約辯論，並告以葉世克、慕興立等，在東省無端殺燒多案并圖姦傷命，種種兇橫，難以枚舉。經官竭力彈壓，終恐百姓不能甘心忍受也。德兵所行，殊於德國聲名有礙，應酌請更換以敦睦誼。並希速復為盼。○○謹肅。江。印。

（山東巡撫衙門檔）

三五六 毓賢為籌辦高密路案善後事致曹榕等電

光緒二十五年六月初三日（一八九九年七月十日）

膠州送高密。曹太守、張刺史、葛大令同覽：念二稟摺均悉。所擬合同十一條，尚無大損。現既允辦，應俟石守到密後再妥商。一切善後事宜，但於民間受害之處有可補救者，仍可隨時與德員妥商，增入合同之內。並非由彼議訂合同允辦後，即不能由我另增條款也。德兵搜括營團軍裝，於情理不合。萬不可再任其搜括，是為至要。書院各物被其焚毀，應查明飭賠。各莊轟斃、轟傷民人多命，應詳查稟報，以便議抵。○○。江。印。

（山東巡撫衙門檔）

三五七 張承燮為高密德兵撤回事致毓賢等電

光緒二十五年六月初三日（一八九九年七月十日）

濟南。各大憲鑒：初三日，踞高德兵全撤回島。留膠十二人遙護高路。燮稟。江。

（山東巡撫衙門檔）

三五八 彭金山爲陳明高密大呂莊一案經過情形事稟統賢文

光緒二十五年六月初四日（一八九九年七月十一日）

標下管帶東字正軍後營副將銜。儘先遊擊彭金山謹稟大帥閣下。敬稟者：

竊標下於五月二十三、二十四、二十六等日，曾將德事大概情形飛稟各在案。嗣又親往該莊，密查起釁實情，爲我帥詳陳之：

伏查大呂莊、堤東莊均隸龍德鄉，相隔僅一里許，離高密城東南十二里。前於五月十一日，有德國洋人手下細崽、通事、服役等五六人，均係華人，在該鄉附近量地插標不公，第恐洋人鐵軌成後，有礙民生計，而大呂莊團練長儀鶴齡及冷保知、冷保池喝令拔標，光棍單五、單六助之，彼此口角爭論，致犯衆怒。是日逢集人多，一呼百應，將通事等打傷三名，頭破血出，傷勢甚重，幸無妨礙。餘逃去回青島，哭訴情形，德員誤聽細崽之語，遂於十七日來步兵九十名、馬隊二十人，先過堤東莊理論。該莊見德兵叫門不應，彼此誤會，開槍致斃民人十五名、受傷四名。另開清單附呈。事後德兵即進城住書院。二十一日，復到步兵八十名，亦住書院，並無滋擾情事。

標下於二十一日到高密，會晤府縣及德員等，正在辯論，事已大定，即速議結，以歸和好。商令卑

隊回紮丈嶺，業已遵照電稟鈞聽標下旋紮丈嶺後，開導各村莊，勿再生事，民心漸屬安靖。前次逃避各戶，均已陸續歸家。此後〔係〕儀鶴齡等起釁於前，幸經府縣切實開導，弭釁於後，從速議結，不致釀成巨患。照給賠償各款銀三千四百九十五兩，由該縣令二十一日先付銀五百兩，餘係各紳贊助，如數付訖。德兵於五月二十九日馬步隊先行，於本月初二日悉數撤回青島，境內並無德人，沿途均屬安靜。標下於初二日親赴高密，會晤府縣，據云，德事業已議結，詳細情形已飛稟大帥在案。標下勿再縷陳。

再，聞德國馬兵於十九日，赴城西八里之劉戈莊買物，又斃民人五名、受傷一名。經該縣葛令查訊矣。標下奉札調駐高密，回紮丈嶺，現在德案議結，民情安帖無事，所帶兩哨是否回濰縣，抑仍紮丈嶺聽調，伏候訓示遵行。肅此恭叩福安，伏乞慈鑒。

標下金山謹稟。六月初四日。

批：據稟已悉。前已另檄飭遵矣。此繳。摺存。

（山東巡撫衙門檔）

三五九 毓賢為高密德兵肆虐請電呂使交涉事致總署電

光緒二十五年六月初五日（一八九九年七月十二日）

北京。總署鈞鑒：亥講電敬悉。高密案五月二十四日議結一切情形，已於兩江電詳陳。派兵兩哨前往彈壓，退紮昌樂丈嶺地方。至德廷首以固全邦交為要等語，具見敦崇睦誼，決不陵虐華民，辦事公

允，令人欽佩。此次愚民未悉其詳，拔標口角，該縣亦即賠補。而德員所云華民三百帶軍火轟擊，試問德兵有一人受傷否？而德兵在底洞斃我民十三人，傷者八人；在城燬炮，又傷二人；並將劉戈莊民捆去三人。其餘殺傷者，尚俟續查。索費至三千四百九十五兩。每日索供牛隻等物，不准稍遲。書院中書籍、器具，多被焚燬。任意恫喝，種種肆虐，軍律何在？諒德廷決不願德員若此也。應請貴署電知呂星使，轉告德外部，必須選派公正德員，前來滋事之處確查，則是非曲直不辯自明。不獨德國聲名令人欽仰，即華民、德商均有裨益矣。先電復，餘咨呈。○○謹肅。歌。印。

（山東巡撫衙門檔）

三六〇 毓賢爲詳陳高密路案情形事咨總署文稿

光緒二十五年六月初六日（一八九九年七月十三日）

爲咨呈事。

照得前奉貴署咨開：鐵路准其買地，業經轉飭遵辦。高密一案，已將大略情形於江電、歌電陳明貴署在案。惟電音未能詳盡。茲據萊州府知府曹榕督同高密縣知縣葛之覃稟稱云云。等因。到本部院。

據此，查高密在百里界內者，係邊界，非膠澳租界可比。上年定約，以邊界者中國有自主之權，祇准德兵過調，不准他國。並非不准中國調兵，而德員所稱大屬不合。惟兵隊彈壓，恐逼近生事，已退紮

昌樂丈嶺地方。此次拔標口角，愚民未悉其詳，該縣亦即賠補。而德員電致外部云：遇華人三百，攜帶軍火轟擊，各村亦同仇敵。試問德兵有一人受傷否？若德官兵之傷斃我民，捆帶我民，勒索兵費、牛隻，焚燬書籍、器具，任意恫喝，無禮無義，種種肆虐，軍律何在？是德員之行爲，與德國訓條首以固全邦交爲要等語，大相刺謬，諒德廷決不願德員之敗壞聲名若此也。

除稟批示外，合應將清摺二扣一併咨明。爲此咨呈貴署查核。請將買地章程與德使議定，以便轉飭遵辦。并請電覆呂使轉告德外部，必須選派公正德員，前來滋事之處確查，則是非曲直不辨自明。不獨德國聲名令人欽仰，即華民、德商均有裨益矣。望切施行。須至咨者。附粘抄清摺二扣。咨總署。

（山東巡撫衙門檔）

三六一 曹榕等爲陳明德兵佔領高密情形專稟統賢文

※光緒二十五年六月初六日（一八九九年七月十三日）

敬稟者：五月二十日傍晚，卑府榕抵高，當將大呂莊一案情形，詳細詢明。卑職之覃昨奉憲台皓電，知加派石守會同商辦。等因。惟德人亟欲議結此案，當此大雨時，行恐石守未能刻日到密，而案關緊要，焦灼萬分。今早德人送來議定章程合同二紙，茲特抄呈憲鑒。德人之意，如果所議各款均能照允，似乎兵可撤回，不過酌留數人。償賠之款，已於二十一日限令卑職之覃先墊銀五百兩，掣有收條附

卷。

十八日德兵到城後，令將城鄉各項軍器，限三日繳齊銷毀。如有隱匿者，查出立予重辟。現在城內團局並守城槍砲搜括已盡，數日內尚須挨戶搜查。每日夜間，德兵巡查各街，並將四城鑰鎖向高把總索去，聽其啓閉。至底洞一舉，德兵共斃我鄉民十三名，傷者八名，均已查明屬實。此外聞尚有傷斃者，容俟查訪確實再稟。十九日早晨，德人在東門城口燬我鉄礮一尊，轟傷小民二人。又帶領馬隊赴城西八里之劉戈莊巡查，因鄉民關閉土圍，聞亦有殺傷者，俟查明續稟。並捆帶二名來城，逼令卑職之覃卽時殺戮，卑職力欲婉求，幾遭不測。渠卽將三人捆帶回去，刻尚未識作何發落也。書院中所有器具、書籍等物，多被焚毀。二十一日午後，德兵又到百餘人，均住書院之內。刻下城關景象蕭條，十室九空。附近各莊，德人不時往返巡搜，逃避者亦復不少。

正在擬議合同之際，彭營官到，知奉憲台電飭，督帶兵勇兩哨來密彈壓。先在城西四十里之范家邱住紮，並未到城。詎知德人猜疑，藉口在邊界百里之內不符條約，逼令趕緊退紮，否則必有巨禍。現德人往探我兵，不知能免別生枝節否？

此間一切事宜，卑職榕自當隨時督同商辦，以維大局。但德兵一日不去，則城中一日不安，務乞憲台電商青島德國葉督，早日撤兵，以救生靈塗炭。叩禱之至。德人處每日供應牛隻以及各項食物，無論索取多寡，不准片刻遲延，稍有不遂，任意恫喝，種種爲難情形，早在憲台洞鑒之中。

至合同內載購地一節，卑職之覃前奉札飭，以：此次德人僅查勘道路，購買地畝尚須另議章程。等

因。現在究應如何辦理，擬合將章程合同照抄稟呈大人鑒核，迅賜一併批示祇遵，實爲公便。肅此敬請助安，伏乞垂鑒。

卑府榕督同卑職之覃謹稟。

批萊州府稟：據稟已悉。查買地一節，前奉總署咨稱允准，業經轉飭在案。德人種種肆虐，傷斃華民，已電咨總署核辦。此外尚有傷斃者，應即查明具報。嗣後一切事宜，仰俟石守到高會商妥辦。至摺開德國誤列中國之前，實屬非是。繳。摺存。六月初六日。

（山東巡撫衙門檔）

三六二 葛之覃爲陳明大呂莊聚衆拔標情形事稟續賢文

※光緒二十五年六月初八日（一八九九年七月十五日）

萊州府高密縣知縣葛之覃謹稟大人閣下。敬稟者：本年五月十一日，卑職赴呼家莊相驗自盡命案，午刻據卑署派人報稱，是日大呂莊集期，有插標小工至集買物，與趕集莊民口角爭毆，經勸各散。不期該小工復糾同夥還毆，彼時趕集人衆，該莊民等立時喊聚多人，與該小工等互毆，並圍住恩姓公司客店，不讓出入。一面將所插路標拔去多根，勸阻不服。等情。報經卑職即由屍場飛往彈壓。該莊民等初則特衆不服，後經卑職單騎進莊，切實開導，始行解散。即將恩公司等保護回城，極力慰勸。查驗被毆小工，受傷尚非甚重，亦即撥醫爲之調治。所有起釁大畧情形，先行電稟憲台在案。

十二日未刻，總辦錫公司得信，由膠州馳抵卑縣。卑職立時往見，多方調停，渠尚知理，允由卑職秉公妥辦。隨於十三日黎明，將該公司等護送回膠，暫行停工候信。察看洋人一邊，似不致立起釁端。

惟卑縣車輜、坊嶺等處，民多强悍，動輒連莊聚衆。此次滋事拔標，多係彼鄉人民。現在訪聞，該鄉民仍有暗地聚衆、預防洋人報復情事。差傳莊長人等。躲匿不案。卑職伏思此番送回洋人，停工候信，殊費週折。此中爲難情形，諒邀洞鑒。倘或稍遲時日，慮有變更。該莊民等，既有暗聚預防之舉，若再循例差拘，又恐激成事端。左右爲難，莫名焦急，晝夜籌思。發稟後，卑職星夜輕騎減從，親赴各莊面爲開導，以期解散莊衆，再行妥籌辦法。除將辦理情形隨時稟報外，所有起釁滋事籌辦緣由，理合專馬馳稟大人鑒核，迅賜批示祇遵。肅稟恭請助安，伏乞垂鑒。

卑職之覃謹稟。五月十三稟。

高密縣稟勘量鐵路小工口角情形。

批：據稟已悉。仰洋務局轉飭知照。繳。六月初八日。

（山東巡撫衙門檔）

三六三 毓賢爲于文福等命案應與德國理論事致總署函

※光緒二十五年六月十一日（一八九九年七月十八日）

前奉尊函，渥蒙鈞誨。日照于文福一案，承示迅飭查明，當即據稟肅復，一面加委密查在案。茲據

印委各員覆稱：德兵持械赴鄉，見者無不畏避。于文福之屋在莊外無鄰，祇有于金氏在家。德兵實係六人，惟兩兵入室拉住于金氏，意欲妄爲，一兵在門外看視，又有三兵隨後到來。于文福在地工作，聞知回家探視，卽被槍斃。等語。

查德兵既稱繪圖，何以入室？既未入室，于文福何以聞聲趕回？且德兵赴鄉量地，何以不照會該縣派人保護，獨私行赴鄉？揆其情節，證以于金氏所供，確係圖姦，並非捕風捉影。至德員所稱德兵被于姓兄弟持棍攻擊，幾乎打死，何以日照縣會同德員提訊時，隨經驗明德兵並無傷痕？且德員送到繙出供單，只供華人持棍追趕，亦無毆打字樣。是繪圖之事、幾死之說，只爲遮掩德兵之圖姦斃命，實是捕風捉影之詞。而于文福立時槍斃，于文朋傷成殘廢，皆確鑿可指。至于姓屍親于仲文堂訊時稱德兵六人一同到彼，與于金氏所供先來三人，後來三人之說不符，緣于金氏事後告知于仲文故。供詞互異，當卽指此。迄今教案已結，卹款已賠，而在日照圖姦于姓一案，暨卽墨奪驢矯扶平等三命，並轟斃蘭山張狗剩等四名，卽譯官慕興立無端動手又燒房燬物之案，至今亦未議定如何賠結。無告華民，實堪憫惻。應請貴署與駐京德使轉向青島詰問，或電呂星使與德外部理論，庶有以服民心而釋不平也。

再，安主教結案六條中，亦稱德兵無端起釁，轟斃民人，焚燒房物，殊可惋惜，應由德官另案議結。藉此奉聞。事關交涉，是否有當，仍請鈞裁。肅復。恭請鈞安。諸希霽鑒。

三六四 曹榕等爲詳陳高密大呂莊一案始末事稟毓賢文

※光緒二十五年六月十一日（一八九九年七月十八日）

萊州府知府曹榕督同膠州知州張承燮、高密縣知縣葛之覃謹稟大人閣下。敬稟者：竊高密大呂莊與鐵路公司肇釁一案，卑府榕上月二十日抵密後，已將大概情形暨日前德兵全數撤回青島各節，兩次飛稟憲鑒，並隨時電稟各在案。卑職承燮疊奉電飭，當經隨時電復。旋值感冒稍愈，卽於二十三日馳抵密邑，亦經電稟在案。惟是此案頭緒紛繁，前兩稟係倉卒間粗陳大略，殊多疏漏。茲再將此案顛末覩縷詳陳，伏候垂察。

卑府等查得高密大呂莊一案，係五月十一日，莊民與鐵路公司小工口角互毆，致傷小工四人。鄉民無知，遽乘集期人多，紛拔路標，並圍公司於客店。經地保力勸未允，若非卑職之覃聞報前往，苦口勸散，卽日已成鉅案。維時恩公司與小工雖經卑職之覃迎護到城，次日復護送膠局，明知案關交涉，斷非易了，而莊民謬執己見，未肯寢息。嗣接卑職承燮飛函，以轉接青島電音，德督葉世克明告派兵赴密，保護鐵路，囑各轉致。卑職承燮當於十四日飛電通稟，並卽電阻。旋接島電，彼兵已發，不能中止。然則沂、日之禍，殆將轉移於此。復由卑職承燮之覃於十五、十六日，先後飛電通報。但查島電有專爲保護路務，莊民不動，仍不先動等語，是以卑職之覃仍親赴大呂各莊，力勸勿再滋釁。不料十七日德兵到境，忽有事外之底洞莊竟先開鎗，致爲彼兵藉口，以彼悍狡禦我孱頑，勢豈能敵？於是底洞莊

傷斃十三人，受傷八人。次日，彼兵車推火礮逕入高城，旋在城外燬礮，轟傷二人。又次日各處搜莊，轟斃劉戈莊五人，受傷一人。計自彼兵到城，由衙門而書院，自行盤踞，城門鎖鑰索歸彼管。當此之際，不但高邑內外鼎沸，即膠邑隣封密邇，實亦上下騷騷。此卑職等疊次瀆陳，誠以牽動全局爲慮，固非僅計及一身一家也。

卑府榕接據葛令稟報起程，十八日夜分，於夏邱途次始奉憲台電飭來密辦理。抵密之日，彼兵正在四出尋覓，如火方熾，莫可撲遏。卑府仰遵電諭，逐層與之理解，意似稍戢。二十一、二兩日，議較就範，計賠椿、養傷等款共銀三千四百九十五兩。除卑職之覃先交付銀五百兩外，餘係各紳捐助，其他尚無苛索。惟保護路務辦法，原擬凡十一款，除前後重複各條，實祇九款，皆護路事，餘並不及。但合同外，欲莊社長各具切結。卑府等與之磋磨再四，似難況而愈下。時邑紳等皆以外兵入邑，如芒在背，急欲事了，庶望兵退可邀眉睫之安，即弭腹心之患。在卑府等瞻前顧後，實無長策，雖其時姑允各紳之所請，一面粗定，一面馳陳祇候憲示遵行。然彼兵官毛威、慕興立，亦以請示德督爲言，固未敢決爲一成之局也。仰蒙電示，均著照辦。而青島撤兵之電亦已先到。現在彼兵於上月二十九日已撤半數，本月初一日全撤，由膠回島。所有密境前此莊民拔椿處所，公司已一律自行補插，民間尚無阻擾。自兵撤後，其各莊逃避在外者，陸續來歸，地方情形漸就安謐。

除各善後及公平買地辦法，卑府榕已飭卑職之覃恪遵憲台勘電，隨時詳酌稟請示遵外。所有密境大呂莊與鐵路公司肇釁一案遵飭議結，德兵已撤各緣由，理合據實稟陳大人，請賜鑒核批飭遵照，實

爲公便。

再，事竣，卑府榕、卑職承燮先後回署。卑府祖芬尚未抵高，故未列銜。合併聲明。肅此祇請鈞安，伏惟垂鑒。

卑府榕督同卑職承燮、之覃謹稟。六月初四日。

批萊州府稟：稟、單均悉。前已另檄飭遵，並彙咨總理衙門核辦矣。仰卽轉飭膠州張牧、高密季令知照。繳。六月十一日。

（山東巡撫衙門檔）

三六五 毓賢爲高密案尚需增議補救事致張承燮等電

光緒二十五年六月十三日（一八九九年七月二十日）

膠州。張刺史送曹太守同鑒：高案已結，尚需增議補救，希會同石太守查照江電議辦。素仰張牧有幹才，望出力補救爲荷。○。元。印。

（山東巡撫衙門檔）

三六六 毓賢爲已派營彈壓濟寧紅拳事致總署電

光緒二十五年六月十四日（一八九九年七月二十一日）

北京。總署鈞鑒：覃電敬悉。查濟寧州稟，近尚靜謐，本無大刀會。惟邊境有江南紅拳，已撥馬隊

歸兗沂道調遣飭拿，並咨兗州鎮派營彈壓矣。第卽承電示，當再電飭濟寧州確查稟覆。○○謹肅。
寒。印。

(山東巡撫衙門檔)

三六七 毓賢爲飭卽查明濟寧大刀會鬧教事致汪望庚電

光緒二十五年六月十四日(一八九九年七月二十一日)

濟寧。汪直牧鑒：接總署覃電稱，德使接安主教電，大刀會近有滋事，濟寧州被困，教堂大危險，請實力保護。等語。希卽查明據實電復。○。寒。印。

(山東巡撫衙門檔)

三六八 汪望庚爲並無大刀會圍困濟寧州事覆毓賢電

光緒二十五年六月十四日(一八九九年七月二十一日)

濟南。撫憲鈞鑒：寒電諭敬悉。遵查卑州無被困事，教堂亦安。惟聞邊境偶有習拳之人，因被教欺訛無厭，轉向索償昔日罰款。現正設法查辦，此外別無刀會滋事。餘詳後稟。望庚印。鹽。

(山東巡撫衙門檔)

三六九 毓賢爲並無大刀會圍困濟寧州事覆總署電

光緒二十五年六月十五日(一八九九年七月二十二日)

北京。總署鈞鑒：前奉覃電，即電濟寧州查覆。茲據覆稱，卑州無被圍事，教堂亦安。惟聞邊境偶有習拳之人，因彼教欺訛無厭，轉向索償昔日罰款。現已設法查辦，此外別無刀會滋事。等語。特此電聞。○○謹肅。咸。印。

(山東巡撫衙門檔)

三七〇 總署爲請以禮接待來省德員事致統賢電

光緒二十五年六月十八日(一八九九年七月二十五日)

山東。撫台：德使稱，膠撫派德游擊法勒根漢，帶譯官慕興立等於本月二十五、六到省，代撫筌見貴撫，商結各案，諒必以禮接待。等語。膠撫既願派員商議各案，正可藉此妥結，自宜以禮相待，諸事可期就範。嘯。印。

(山東巡撫衙門檔)

三七一 統賢爲出巡河工不能接見德員事覆總署電

光緒二十五年六月十九日(一八九九年七月二十六日)

北京。總署鈞鑒：○○在工次奉貴署嘯電，以青島派員來省，商結各案。等因。情真如此，就範不難。惟前正啓行時青島來電，○覆以巡河緊要，請伊派員與石守祖芬面議，往返電達，與面議無異；排遞

公文，亦不遲悞。緣河工正值伏汛，逐處勘驗，必須親臨。況現在高糧茂盛，俗名青沙帳起，賊藏其中，防不勝防。工次接報，單縣參將岳金堂在曹屬巡緝，遇賊被害。俟過蟒袍期內，方能奏報。各處紳民，因德兵無故殺人放火，恨之切齒。倘德人冒然而來，正紳民疑慮之際，猝然受驚，誰之過耶？殊非保護之道。不得不詳細預先說明，以重邦交。況○遠在數百里外，二十五、六勢難回省。除再電告青島外，仍請貴署轉達德使，請電青島派員赴高密，與現辦鐵路、礦務之石守祖芬面議，以踐前派大員來高查辦之語。彼以禮來，此以禮待，公事持平，自當和衷共濟也。特電覆。倘德人定要來省，須俟高糧收割之後，並將各案議有眉目。○盡力勸諭紳商，開導百姓，均無閒言，德人再來游歷未為晚也。由工次專馬送濟寧。○○謹肅。效。印。

(山東巡撫衙門檔)

三七二 毓賢爲嘉祥紅拳會反教及並未庇護大刀會事咨呈總署文

※光緒二十五年六月十九日(一八九九年七月二十六日)

頃准貴署六月初一日咨開：接准德署使照稱，山東嘉祥縣地方大刀會匪滋事，擬攻兗州、濟寧教堂，各處街道不通。並稱會匪在鉅野、汶上及滋陽、甯陽等縣，將教民之家毀擾，教堂危險，地方官不理。等語。業經貴署分別准駁照復，並鈔錄來往照會，咨令查照德使所開各縣地方，詳細查明，認真辦理，勿任含糊飾掩。等因。到本部院。

承准此，查兗州、濟甯安謐如常，嘉祥、鉅野、汶上、滋陽、甯陽亦查無大刀會匪。嘉祥一帶自兗鎮派兵查辦後，已據摺函覆抄呈貴署查照在案。惟近有紅拳會匪自江南來者，匪首邵玉環、陳兆舉在嘉祥地方謠傳滋事，煽惑鄉民。五月二十九日，當經派撥馬隊馳赴濟甯、嘉祥、汶上適中之地，聽候兗沂道調遣，何處有匪，令即赴何處查拿。並擬懲首解從，攜帶本部院告示徧貼滋事處所，曉諭愚民。本部院按約保護，辦理不爲不力。二十三年十月，鉅野殺斃教士實係盜賊，案卷具在；而德使照稱亦係大刀會匪，附會甚屬無謂。至謂本部院庇護會匪，何以本部院前辦大刀會匪時，立將匪首劉士端、曹得禮正法？昭昭在人耳目，此言可不辨自明。至德使又稱將令大官離任，本部院原不意計及此，第德使因教士一言，能進退大官之任，恫喝若此，教士之氣燄如何，教民之氣燄如何，諒在貴署洞鑒之中。惟時事艱難，業承貴署一再電咨，本部院豈不願民教無事，免滋口實？

除再飭兗沂道彭虞孫，趕緊按照德使所開濟寧、兗州、嘉祥、鉅野、汶上、滋陽、甯陽等處逐一詳細查明，分別認真辦理，將匪首若何懲治，教民若何安撫，不准含糊飾掩，據實稟報再行咨覆外，合先咨明。爲此咨呈貴署，請煩查照，以憑咨覆德使可也。

（總理各國事務衙門檔）

三七三 毓賢爲蘭山日照即墨各案應責德國賠償事咨呈總署文

※光緒二十五年六月二十日（一八九九年七月二十七日）

案查德商慕興立前在東省蘭山縣境韓家村附近之黃谷河村轟斃張狗剩等三名一案，又德兵在蘭

山縣境韓家村焚燒民房一案，又在日照縣境林家灘轟斃于文福一案，又在即墨縣境色峪町轟斃矯扶平等三名一案，均經本部院先後電咨貴署查核。承准貴署覆電，已電達出使德國呂大臣向德外部理論，並由貴署照會德國海使云，俟查明議辦各在案。旋經本部院札飭印委分投確查詳估去後。

茲據已革蘭山縣知縣陳公亮稟稱：遵查洋人慕興立等，行至卑境距韓家莊七里之黃谷河村住歇，被鄉民相聚觀看，因正值孫哲等與洋教爲難，該洋人等心生疑懼，恐係意圖搶劫，即開放洋鎗，轟傷鄉民張狗剩、孫四、李振隆、李傳等四人，以致鄉民不服滋鬧，經莊長人等趕往保護各散。張狗剩、孫四旋即因傷身死。報經卑職驗明，張狗剩仰面致命右額角鎗子傷一處，圍圓七分，焦墨色，深透內，按摸骨，骨損，鎗子未經起出，餘無別故，委係因傷身死。孫四屍身因該屍親潛行抬回掩埋，是以先未驗報。旋經查明，並據該屍親具呈補報，復經卑職親詣埋屍處所驗明，孫四合面不致命左後肋鎗子傷一處，圍圓七分，焦黑色，深由骨縫透內，按摸骨，骨不損，鎗子未經起出，餘無別故，委係因傷身死。提驗李振隆，合面不致命左腿肚鎗子傷一處，透過仰面不致命左臙肋，進子處圍圓七分，出子處圍圓八分，按摸骨，骨損，焦黑色。李傳合面不致命左臀鎗子傷一處，圍圓七分，焦黑色，按摸鎗子在內。分別填格開單諭醫。嗣據報李振隆傷重醫治無效，延至二月二十日因傷殞命。又經卑職驗明，李振隆委係因傷身死，當經先後聲明稟報在案。正擬填圖詳報間，奉飭前因，查已死張狗剩、孫四、李振隆及受傷之李傳，均被鎗子轟傷一處。惟張狗剩係由仰面打入，其餘孫四等俱由後身打入。傳訊同時聚觀未經受傷之朱天成、朱世德、朱世高、王慶等，據稱當日村民彼此聚觀，其中有攜糞筐、農具等物，亦有婦女、幼稚，並未

見有手執鎗刀器械。嗣後洋人疑圖搶劫，開放洋鎗，各村民均各轉身逃散，張狗剩等致被轟傷身死。等語。除將朱天成等省釋，所有奉札逐細查明緣由，理合填格稟請查核。

又據代理沂州府知府楊建烈會督委員·候補知縣吳錫洛、蘭山縣陳公亮稟稱：竊卑職錫洛蒙充沂道札委轉蒙撫院據卑職公亮稟，德人派兵至韓家村等處縱火焚燒民房一案，勘明王肅等及王振明家被燒房屋、糧粒、衣物、器具、牲口、樹株、銀錢、文約等項，爲數甚鉅。現德人既於教民被焚、被搶損失房產衣物迫令賠償，韓家村被德兵無故焚燒，應責令德人賠償，亦是持平辦法。飭卽會同卑府暨卑職公亮，將被害各家所燒房屋、糧食等項逐一查明，照數確估開單，呈候核辦。等因。

蒙此，遵卽束裝起程，馳抵沂州府，會卑府暨卑職公亮前往蘭境韓家村等處，親詣被害王肅等各家查勘，居廬、什物悉成灰燼。卑府等目擊情形，殊甚憫恤，當以好言撫慰，並曉以現蒙憲恩高厚，俯念伊等無辜遭此慘變，飭委查估確數，務在責令賠償，以示矜全而彰公道。該鄉民等聞之，莫不感激涕零，稱頌憲德於無已，隨卽按照王肅等原開燒失各單，並查明前次漏報被燒財物，逐一核實確估。除被燒房屋、文約未經估計外，所有王肅等被燒糧食、衣物、器具、牲畜、樹株、銀錢等項，共估值銀四萬七千六百二十二兩四錢。理合開具清冊，會稟查考核辦。

又據委員·候補知縣房學禮會同調署蘭山縣事·前署日照縣知縣楊耀林稟稱：竊卑職學禮接奉札委，以據日照縣稟，縣民于文福被德兵開鎗轟斃，其弟子文朋亦被轟傷一案，飭將指查各節暨一切實在情形，會同楊令查明詳晰稟覆。等因。叩辭後，遵卽束裝起程，於四月二十五日馳抵日照縣，會晤卑

職耀林，亦蒙札同前由。仰見慎重民命、籌畫精詳至意，欽佩莫名。當即調閱卷宗，參以輿論，謹將查明各節縷晰陳之：

如德兵入室圖姦情事顯然，何以德兵謗為在鄉量地繪圖，並未入室一節。查德兵到縣以來，時常赴鄉量地繪圖，此次是否仍辦前事，並無確據。惟細核情形，該兵等素性兇頑，即使因公赴鄉屬實，亦難掩其膽大妄為之事。至入室圖姦，如果並無其事，于金氏必不肯任意亂供，自污名節。于文福等儘可在地安然工作，亦無須急於回家，上前救護。核其情節，非圖姦而何？又德員訊取德兵供詞，既經該縣會訊，是否錄有供單，其謂于文祥毆傷德兵，會驗時是否確有傷痕可指，當場有無證據一節。查卑職耀林會同德員提訊時，據德員稱，于文祥用木棍毆打德兵。隨經驗明並無傷痕，當因與該兵等言語不通，無從駁詰。退堂後，德員送到潘出供單，查閱德兵所供，只有華人持棍追趕，並無毆打字樣。詰其情由，則稱漏寫，此外別無證據。又于文朋受傷甚重，現在是否醫調漸痊一節。查于文朋右腿受傷，重至穿透骨損。現經卑職耀林提案覆驗，業已醫治漸痊，惟不能起立，成爲廢疾。又該屍親鄉愚無知，心慌意亂，所說之話未免互相歧異，其歧異處是否即在人數不符，其人數不符是否另有別情，抑係分在兩處一節。查德兵入室各節，于仲文並未在場目擊，是事後由于金氏尋向告知。堂訊時輒稱，德兵六人一同到彼，與于文祥所供先來三人，後來三人，并于金氏所供兩兵入室，一兵在門外看視，又有三兵隨後來到之說不符，並非另有別情。其餘起釁緣由及一切情形，均係據實稟報。除此案驗訊緣由，另由卑職耀林照例填格錄供詳送外，所有會同查明詳晰情形，理合馳稟鑒核。

又據即墨縣知縣周永稟稱：光緒二十五年三月初十日，據縣屬保正江遵先會同租界內保正姜求業稟稱，據租界內楊家村民矯扶選、矯扶剛、楊作寬，租界外色峪町民孫祥先投稱，本月初九日，有德兵八名，執持洋槍、刀械，將伊矯扶選堂弟矯扶相等家騾驢強行牽走。矯扶相央同矯扶剛之兄矯扶平、楊作寬之兄楊作湖、孫祥先之子孫中明追索，均被德兵用洋槍、鐵刀轟扎致傷，矯扶平、楊作湖、孫中明旋即殞命，囑爲報驗。等語。並據矯扶選等呈同前由。等情。各到縣。

據此，當經卑職立即一面飛函青島葉提督驗訊查辦，一面帶領刑件，親詣該處。驗得已死矯扶平咽喉、楊作湖左太陽穴腦後、孫中明右肋左腰眼，各有洋槍、鐵刀轟扎傷一處，餘無別故，委係因傷身死。飭驗矯扶相右肋有刃傷一處。集訊地隣、屍親人等，供與報同。

查此案已死矯扶平、楊作湖均屬租界以內，惟有孫中明係屬外之人。案關中外交涉，究進〔竟〕如何辦理，卑職未敢擅專。理合將驗訊情形馳稟鑒核。各等情。到本部院。

據此，查該印委等稟覆確查各案實在情形，均係德商、德兵欺虐平民，無端構衅。如慕興立等在黃谷河村轟斃張狗剩等一案，係該德商等住宿該處，鄉民僅祇聚衆圍觀，所攜均係農具、糞筐，並無刀械，其非糾黨圖劫可知。該德商等輒即開放洋槍，慘斃多命，槍子又多由後身打人，是當場逼趕鄉民，必欲致之死地，情實更顯然。莊衆未及稟請責令抵償，該德商等輒赴青島捏詞呈報。駐島德員不察虛實，遂即派兵赴韓家村等處，焚燒民房數百間，並糧粒、衣物、器具、牲口、樹株、銀錢、文約等項，爲數甚鉅。現經該印委估計之數，不過僅得什之四三。沂民生計本窮，何以堪此荼毒。

日照槍斃于文福一案，亦經查明德兵圖姦屬實。于文福因傷斃命，其弟文朋身受重傷，均有會驗傷格可憑。文朋現已因傷成廢。至德兵被于氏弟兄毆打，會驗時並無傷痕可指。其爲藉詞反噬，不辯自明。其斥駁屍親供詞不符，係于仲文未經在場，事後由于金氏訴知，傳述不無歧異。實則于文祥供德兵六人分兩次來到，于金氏供兩兵入室，一兵在門外看守，三兵隨後踵至，仍與于仲文所供六人之數相符。而其有意圖姦，旋于姦所拒捕，格傷本夫，其情事亦歷歷如繪。

至即墨轟斃矯扶平等一案，係因強牽驢騾起衅，傷證確鑿，更無待一再詳查。

竊維德國兵官於一月之中，縱令德兵、德商焚燒民房，轟斃人命，多至四起，實屬慘酷異常。現在德員又以鐵路公司小工與高密大呂莊鄉民口角微嫌，開槍轟斃底洞莊鄉民十三名，受重傷者八名。劉戈莊聞亦有受傷者，尚未查報。其凶橫殊日甚一日。如不將確查各案實在情形咨呈貴署，懇請照會德使，迅與理論，一面請由貴署電達出使德國呂大臣照會德外部，秉公查辦，請將駐紮青島德員及德兵官酌量更換，蘭山、日照、即墨各案，責令交兇辦罪，或比照東省議結沂屬教案辦法，分案賠償，以資撫卹，非但無以靖民志，更何以重邦交？

且查沂屬教案議結時，共給卹款至七萬七千餘兩之多，現均分散教民，回家安業。而鄉民被德兵慘斃多命，房屋、器具焚毀一空，既不曾議抵以雪其冤，又不獲議賠以紓其困，相形見絀。更恐民教積仇日重，籌辦中外交涉愈難。

除將高密大呂莊一案另行查明核咨外，擬合咨呈。爲此咨呈貴署，謹請查照核辦，冀速賜覆施

行。

(總理各國事務衙門檔)

三七四 劉坤一爲刀會糾衆祈會同兜拿事致統賢電

光緒二十五年六月二十二日(一八九九年七月二十九日)

濟南。毓中丞鑒：密。亥聞單、碭接壤間有刀匪糾衆滋事，精健營營官剿賊陣亡。並據徐州道電，匪衆現竄入豐、碭邊境。

除電飭該鎮道迅派馬隊馳往剿辦外，祈飭屬會同兜拿，以期早絕根株。至營官陣亡一節情形若何？尊處曾否電奏？並望電示。坤。養。印。

(山東巡撫衙門檔)

三七五 統賢爲陳述濟寧拳會反教情形事致總署電

光緒二十五年六月二十三日(一八九九年七月三十日)

北京。總署鈞鑒：亥效電計察鈞覽。○○於工次聞拳會滋事，當於二十二日趕赴濟寧，接見兗沂道、濟寧州，面訊地方情形，雖日前傳聞太過，現已顯有其事。適嘉祥、鉅野、金鄉等各縣令同至濟寧，據云，良民久受教民欺訛，無所底止，始而習拳自保身家，繼而拳中之匪混人民團，及煽惑聚衆，同向教民

索還前訛之錢者有之；并有教民鈎通拳匪，即搶教民糧物而暗中分肥者有之；甚至賊匪假名驅逐教民，乘機掠取財物波及良民者亦有之。滋事情形，十分棘手。

○○以地面廣闊，恐前撥之隊不敷分布，當即添調東字正軍前營戴副將守禮，帶隊馳赴濟寧適中之地，相機彈壓，查拿匪首。一面即飭各縣令趕回本境，切實開導解散。在德國教士等已驚惶不已，而地方官竭力辦理，當不至滋生巨衅。○○於濟寧查辦後，又出示剴切開導，曉以利害，以期勸散外，已於二十三日馳赴工次矣。特電聞。專馬送濟寧。○○謹肅。漾。印。

（山東巡撫衙門檔）

三七六 總署爲東撫出巡河工不能接見德員事致德使函

光緒二十五年六月二十四日（一八九九年七月三十一日）

六月十七日，准照稱：本國膠撫擬派游擊法勒根漢帶同隨員並繙譯官慕興立等，於本月二十五、六日到山東省會，（代）膠撫面見東撫，將各未結案件商議辦妥。請咨行東撫以禮接待面商，以盡地主之誼。等因。當經本衙門電行山東巡撫查照辦理，並照覆貴大臣在案。

茲准東撫覆稱：在工次奉電，以青島派員來省商結各案，實堪欣慰。惟河工現值伏汛，本部院已逐處親臨勘驗，遠在數百里外，二十五、六日勢難回省。已電告青島德國巡撫，請其派員赴高密，與現辦鐵路礦務石守祖芬商辦，電達本部院處，往返相商與面議無異，即排遞公文亦不遲悞。等語。本衙門查山

東巡撫現正出巡河工，致未能與游擊接見，相應函貴大臣轉電貴國膠撫查照可也。此佈。順頌日祉。

(總理各國事務衙門檔)

附錄：德使爲請由東撫接見駐膠德員事致總署照會

※一八九九年七月二十四日(光緒二十五年六月十七日)

茲據本國駐膠巡撫函稱：現擬特派本國遊擊法勒根漢帶同隨員並繙譯官慕興立等，不日前往山東省會，代本巡撫面見山東巡撫，將各未結案件商議辦妥。等因。前來。本大臣查本國巡撫此舉亦係因欲盡禮，亦因將未結各案和衷商辦之意，相應照會貴王大臣電知並咨行山東巡撫查照。再，查法遊擊等大約於本月二十五、六等日可到省會，諒山東巡撫必以禮接待面商，以盡地主之誼，並將未結各案辦妥爲要。爲此照會。

(總理各國事務衙門檔)

三七七 毓賢爲外來紅拳會首邵士宣來東聚衆事致劉坤一電

光緒二十五年六月二十七日(一八九九年八月三日)

南京。制台劉峴帥鑒：亥頃在工次接讀養電備悉。濟寧、嘉祥一帶近有外來拳會，爲首者邵士宣等，來東聚衆生事，人會者不少。并勾結平民曾被教民欺訛者，欲向教民索回財物。亦有教民勾結滋

事，以圖分肥。紅拳會、一心會，種種情形不同。自經剴切出示，間有回蕭縣原籍者。至岳參將帶隊拿賊，高粱地內忽出羣盜，親刃數賊，被槍轟斃。此與拳會並非一事也。俟過花衣期後方能奏，容再確達。先電復。○○。感。印。

(山東巡撫衙門檔)

三七八 總署爲濟寧拳首附入民團已添兵彈壓事致德使函

光緒二十五年六月二十九日(一八九九年八月五日)

前貴館麥繙譯來署，面談東省會匪圍困濟寧州一事，當經本衙門電致山東巡撫確查辦理。旋准覆電：濟寧州本無大刀會之說，亦無圍困濟寧之事，似係傳聞錯誤。惟邊境有江南紅拳，已撥馬隊歸克沂道調遣飭拿。等語。曾卽函達在案。茲於本月二十四日，又准山東巡撫電稱：於工次聞拳會滋事，當於二十二日趕赴濟寧面訊地方情形，適嘉祥、鉅野、金鄉等各縣令同至濟寧，據云，民間習拳自保身家，而拳中之匪首附人民團，煽惑聚衆。甚至賊匪價名驅逐教民，乘機掠取財物，波及良民。當以地面廣闊，恐前撥之營不敷分布，卽添調東字正中前營戴副將守禮帶隊馳赴濟寧適中之地，相機彈壓，查拿會首，並出示曉諭。一面卽飭各縣令趕回本境，切實開導解散，當不致滋生巨患。所有東省添兵赴濟彈壓情形，相應函復貴大臣查照可也。此頌日祉。

(總理各國事務衙門檔)

附錄：德使爲濟寧並未平安應切實保護事致總署照會（一）

※一八九九年八月六日（光緒二十五年七月初一日）

前於五月二十八日，本大臣以濟寧州一帶匪徒滋事，一面在貴署面談，一面照請貴王大臣轉飭保護德國教士。旋於六月初二日准復稱：本衙門現已電致山東巡撫，轉飭地方官保護教士。等因。又於六月十六日，准貴署總辦函稱：據山東巡撫電稱，濟寧州近尚靜謐，本無大刀會之說，亦無圍困濟寧之事，似係傳聞錯誤。等語。各在案。

查本大臣現淮安主教來函內稱各節，與山東巡撫所言大相背謬。據安主教所稱，濟寧一帶，騷擾教民之蠢動並未平安，每日有攻擊之案橫出。至因地方官自言鄉村各教堂未能保護，是以有十一位教士進州城避難。然城內亦不靜謐，常恐匪徒起事拆毀教堂。至離州城不遠安居地方，有官兵一百名駐紮，於匪徒滋鬧搶奪之事，該兵並未禁止。又在常溝地方駐紮之兵，與匪徒相親，同喫同喝，准其每日騷擾教民。等因。又據安主教另函內稱，兗州府汶上縣地方，前於六月初四日，有搶奪教民之案。而該處知府、知縣、鎮台均在附近之處，並且未能禁止。各等因。前來。

本大臣查該撫雖有靜謐之說，却有濟寧州、兗州府兩境內不靖之實據。至該處德國教士大有危險，而地方官似因奉上司之命，概行不理。惟有仍行照會貴王大臣，切切請即責成山東巡撫，必須切實

〔一〕此件因無相應之清方正件，而內容與前件有關，故附於此。

保護德國教堂，不准以於實情不符之電敷衍塞責。伏思本國國家以居山東德國教士保全身家甚爲留意，經前任紳、巴、海大臣不止千次屢屢陳明，諒早在貴王大臣洞鑒之中。因此本大臣務望貴國國家以此事盡力辦理，飭令該省大吏、地方官必須奉行切實照辦。並望轉致如果再有攻擊教堂之事，惟該官是問。倘仍有命案，本大臣不能不請貴署轉奏請旨，將該省大吏懲辦。若不允行，德國必自行設法保護本國教堂，以照德國人無論居住何國應得保護之意。爲此照會。

（總理各國事務衙門檔）

三七九 高密紳民爲慘遭浩劫懇請設法補救事稟文

光緒二十五年六月（一八九九年七月）（一）

萊州府高密縣閭邑紳民，稟爲高密慘遭浩劫，前禍既烈，後患方長，懇恩設法補救，轉詳撫帥，維持大局以全民命事。

竊密境自五月十一日起，叠遭蹂躪一切情形，言者甚衆，固應久邀洞鑒，無俟紳等再述。茲特摘其尤慘尤苦者，爲大人約畧陳之：

初大律莊之肇衅，係一小工在集上買雞，瞥見年輕婦女，伸手摸胸，以致衆怒羣毆，原有其事。不

〔一〕 原件無日期，據其內容姑列於此。

知該小工如何誑騙洋人，捏稱拔標阻抗工程，致被德兵官與師壓制。其實真洋人素守規矩，尚無滋擾，其最無賴者，彼國所用小工。斯役雖身穿華衣，而倚恃洋勢，到處橫行，欺辱鄉愚，不可殫述。

此次堤東莊慘斃十三人，實爲大呂莊城火殃魚。中間官克和、克聖弟兄二人，同時轟死。其父八十七歲，貧獨無依，勢必流爲乞丐，不久亦死。官克興織布爲業，突死於礮，遺有孀妻幼子，孤寡伶仃，無以度日，官以建在田割草，洋兵誤認伊執鎌刀爲軍器，一鎗轟死。官緒在村北荷鋤赴泊作工，洋兵以爲軍器，用刀砍斃。官樹雲、樹仁弟兄同死，有母七十八歲，無人養贍，不能久存。他如李發林、玉貴，一係傭工，斃於炮火；一在村東看守樹林，被刀劈死，遺妻素患瘋癩，無人照管，奄奄待盡。其餘傷亡，慘難殫述。

最可憐者紳士眷屬。當五月十八日，葛縣主迎入洋兵，合城奔竄，草木皆兵。現任貴州遵義府王守之妻，一撲一跌，逃至劉戈莊，適見洋兵，遂從土圩滾下，跌入泥溝，竟遭馬蹄踏傷，至今醫治未愈。又有一婦，夜竄高粱叢中，撲卧汗泥，驚悸失魄，次日經人救起，神情昏瞶。又有一手抱子，狂奔草露之間，中夜物色，失去幼子，次日查明，跌入泥淖中死。大約強壯男子當時雖甚慌，亂定生全，尚得八九，而最苦最慘莫如老幼婦女，因驚亂而逃出者，事後查知，非死卽病，不可以縷指數。至書院之書籍被焚，守城之礮被炸，以及搜括軍裝、勒賠兵費，皆有次焉者也。

爲今之計，痛定思痛，懲前毖後，厥其三端：

第一端，斃命之家無辜慘死。雖當時洋兵懷疑對敵，而事後查悉，實爲冤苦。其書院士子，安分讀

書，從無執過兵器。焚燬書籍、桌椅，亦殊意外。

第二端，勒繳軍器。查民間防盜，各保身家，法無禁止。卽外國人，亦各有隨帶保身之手槍，不聞各國禁止。今德國卽以待其本國民人之意待我華人，宜應一視（同）仁，無分彼此。在我華人自然感戴。況德國文明久着，夙稱教化之邦，凡所施爲，宜令列邦仰佩，不宜使別邦強國聞之腹非齒冷。且紳等更有說者：案既合結，立有合同，各莊社長願甘保護，永不損傷洋人。既由莊長具結保護，地方州縣隨時加察，縱有滿屋軍裝，誰敢輕舉妄動？若或民心不服，衆怒所積，雖徒手亦能搏人，何從防起？故紳等以爲此事，只在言而有信，既云保護，卽真保護，不在軍器之有無。萬不可懸此禁令，致使小人藉端訛詐，民不聊生。此亦必須力辯。

第三端，則力除後患也。真洋人雖守規矩，其手下廝役、小工人等，必須從嚴約束。以後所過鄉村集鎮，如果再如有向婦女調笑戲辱，准本地人立時拘拏，送官訊辦。亦不得聽從帶路差役擇肥而噬，索詐錢財。此固華民痛苦切心，極關緊要，亦彼德國聲名所繫。豈有文明大國，而肯縱容此輩無恥小人，招搖爲害。若不從嚴管束，認真監察，竊恐尚有游手之徒，託爲工程，或假稱在教，恫嚇鄉民，任情魚肉，後患不堪設想。倘洋官未查虛實，動輒興兵，在百姓則冤上加冤，在朝廷尚疑是頑民作亂。夫百姓各有身家，各有生業，豈肯無端肇禍，自取滅亡？故紳等謂此一端，最關緊要，必須議立專條，大張曉諭，俾得人人盡知德官公正，毫無偏袒，遇有此等匪類，只准拘拿，不准擅殺、擅打，庶以後常保相安，彼國亦永享無窮之利益。而兩國邦交，永無妨礙也。

爲此匍匐行轅，哀懇大人轉詳撫帥以全民命，闔邑無不均感。

(山東巡撫衙門檔)

三八〇 總署爲德使詢問巡撫回省日期事致統賢電

光緒二十五年七月初一日(一八九九年八月六日)

濟南。山東巡撫：效電已告德使。茲准函覆，其意不願令德員赴高密商辦。茲請電詢貴撫何日定可回省，希卽示覆，以便轉達。東。印。

(山東巡撫衙門檔)

附錄：德使爲請將東撫回省日期轉知事致總署函

※一八九九年八月五日(光緒二十五年六月二十九日)

本國膠撫擬派游擊法勒根漢面見東撫一事，昨准來函，內稱各節均已閱悉。本大臣查如果膠撫意欲派員赴高密商辦，似自可及，不必俟東撫倡議。東撫現既出巡河工，惟有函請貴署電詢該撫何日定可回省，俟復電到日，卽請轉致本大臣知悉爲要。此復。順頌日祉。

(總理各國事務衙門檔)

三八一 總署爲兗州府鬧教希飭保護事致毓賢電

光緒二十五年七月初一日（一八九九年八月六日）

濟南。山東巡撫：德使稱，據安主教電，濟寧賴撫台嚴飭保護，現已平安。惟兗州府又有土匪起事，要攻德國教堂。等語。希飭屬一體保護爲要。先。印。

（山東巡撫衙門檔）

三八二 毓賢爲陳述嘉祥教案交涉審理情形事咨呈總署文

※光緒二十五年七月初一日（一八九九年八月六日）

照得本部院迭奉貴署電咨，以濟寧嘉祥民教滋事，地方不理。等語。當經迭飭濟寧州、嘉祥縣查辦去後。

茲據稟稱：竊卑職望庚蒙憲台面諭，以迭准總理衙門電咨，嘉祥縣民教交涉一案，自應確查辦結，令卽回署辦理。等因。遵於回署後。查核該教士德華盛來州面稱各情，經卑「職」望庚商派卑州發審委員秦令璿，馳赴該縣會同葉令斷結案卷，並派人招德華盛來署面商，適已他出；暨將派令親信友人密往查覆各緣由，先行馳稟憲鑒在案。

嗣於二十日午間，准德華盛來署，初以現在嘉民勾結江南暨鄆、鉅之大刀會匪，在境搶奪攻擊闖擾

城堂，致教民四散，有家難歸，事已鬧大，不容再講。等語。經卑職望庚以卑職汝源先蒙兗沂道飭委，甫經前往密查，旋各鄉均甚安靜，毫無攻擊搶奪之事；沉〔現〕已由縣並經兗州鎮各派勇隊駐城堂門首，逐日輪流防衛，並派穩妥勇役，分赴各莊往復梭巡，切實保護。何謂教民有家難歸？總之事憑實在，公論難逃。民教以和爲貴，豈可迫之太甚，致生變端。等言。一再與其辯論。該教士始自言實爲教民所激，惟天良不可昧，事如可了，決不好爲其難。伊願往嘉祥，面詢德天恩各案實情，並失物確數。

卑職望庚誠恐復有反側，隨與訂定日期。於二十一日，偕同卑職汝源馳赴嘉祥，會晤卑職大可，檢齊卷宗，勒傳人證到案，會同逐一確切研訊。或因教民先前曾罰鄉民錢文、酒席，欲向索還；或被將婦女誘令改嫁，得錢私肥；或教民自與親屬爭產；或因家務爭執，遷怒排解之人；或被藉案以打點使用爲名，乘機訛索多贓，後經查知往追，因而教民詞曲理窮，捏誣鄉民欲行捆打、搶割麥禾暨勾結大刀會匪滋擾等詞，赴城內教堂避匿，並向教士訴述，請縣傳究，以圖挾制而冀拖累洩忿。其實皆係誑詞虛架，毫無影響。鄉民委無平空往向教民罰錢、尋衅之事。

卑職等伏查所控各案，業已訊明實情，類皆教民恃人教爲護符，平日橫行鄉里，魚肉良民。偶有稍與理較，動輒故意張大其詞，意圖使人莫可誰何。居心實不可問。查民教本屬同爲朝廷赤子，不容稍涉偏護；第各鄉民均因事後希圖將被罰、被詐錢文索還，致被藉口，亦（不）免畧有非是，未便過事推求，致使嫌積不解。當將業已質證明確各案，或畧予責儆，各當省釋寧家，諄諭不准再行生事。其有人證未齊，併教民理曲躲避者，或令原差暫行看管，或諭回歸候質。均由卑職大可傳集持平斷結。至該教

士德華盛、德天恩先後單送闖鬧教堂、訛擾教民之人，亦俟卑職大可趕緊分別查傳，訊明虛實懲辦，再行稟報。

卑職望庚與卑職大可先經訪聞，現有在教之華教師高會堂，素稱形同光棍，控案纍纍。近來更肆無忌憚，教案均係此人勾串而起，鄉間無不切齒，不得不去其太甚。當與德華盛晤商面允，華教〔師〕任憑拿辦。業經卑職大可密傳訊押，以平民氣而彌後患。其該教士所開失物各單，或查無其事，或比緝無獲。若責令無辜賠償，則嘉民本極瘠苦，力有未逮，且恐仍滋事。惟照單核計所值尚不過多，容俟卑職望庚與德華盛妥爲擬結。似此辦理，該教士等亦深以爲然。

卑職望庚與卑職汝源復順道周歷各莊，妥爲安撫，民情尚覺帖服。一面責成各莊長，以後務須切實彈壓保護，免致再啟弊端。遂於二十四日回署。

除卑職汝源回究銷差外，所有辦理嘉祥縣民教交涉緣由，理合將訊斷各案情形暨該教士所呈失單，分別開具清摺，稟請核咨，實爲公便。等因。並清摺兩件，（到本部院）。

（據此），相應抄錄咨明。爲此咨呈貴署查照，藉以明地方官無不理教案之意，並飭該州縣速結各案，再行咨覆。

（總理各國事務衙門檔）

附件一：汪望庚等呈嘉祥教案訊斷情形清摺

謹將嘉祥縣民教互控各案訊斷緣由，詳繕具供摺呈請憲鑒。

計開：

一起、據長樂里牟家海民人牟廣德以勾匪滋鬧等情，呈控牟廣泰等一案，當即傳訊。

據教民牟廣德供稱：那年牟廣泰因辱罵教民，王先生不依，罰了牟廣泰京錢二十千、酒席四桌。本月初五日，牟廣泰、牟現之找伊追要錢文、酒席。牟恒順向伊告說，牟廣泰意欲要酒席二十桌、京錢二百千。牟體全調處沒妥。牟現之領人將教堂內神像撕毀，桌椅等物全行砸毀，伊纔呈控的。提訊牟廣泰供稱：伊前因牟廣德罰過錢文、酒席，曾向牟體全說過，意欲索回，嗣牟廣德不肯，亦未催索。質之干證牟體全、牟恒順、莊長牟獻珠，供與牟廣德、牟廣泰相同。伊等前往教堂查看，屋門現已封鎖，神像、桌椅等物俱全，並沒砸毀情形。各等語。

訊悉前情，查牟獻珠等既已查明該莊教堂內並無失物情形，應毋庸議。至牟廣泰當年受罰，歷時（已）久，何得平空追索，殊屬無謂。斷令各自（回）歸安度，不准再提前事。飭候牟現之等到案再行訊斷。理合登明。

一起、據長樂里李家樓民人張錢將以勾拐價物等情，呈控苗當一案，當即傳案。

訊據張錢將之母張李氏供稱：伊子張弋堂之妻劉氏被教民苗當價賣。當因事無證據，飭令將劉氏實在下落確切查明，另呈核辦。嗣據張錢將呈稱：現在查明伊弟妻劉氏，苗當拐賣與鄆城縣劉家莊何法傳為妻，呈請關傳前來。隨即備文關提去後。

現准鄆城縣關解劉氏到縣。訊據張劉氏供稱：張弋堂是男人。伊去年與外祖母上墳，在舅母〔家〕住下。舅母與表哥苗當說起，伊婆家貧寒，伊男人又不正經過日子，與伊商議另行改嫁。伊年輕沒有主意，隨即應允。次日，伊舅母同苗當將伊送至王家沙窩莊，住了二十餘日，苗當就將伊賣給鄆城縣劉家莊何法傳爲妻。不料伊夫叔找向何法傳說明情由，夫兄張錢將隨來案懇請關提的。等語。提訊張弋堂，供亦相同。

訊悉前情，飭令候傳到苗當再行訊明究斷。理合登明。

一起、據長樂里陶官屯教民何永年以惡姪兇橫等情，呈控何廣文一案，當卽傳案。

訊據何永年供稱：伊家有祖遺漕船一隻，伊胞姪何廣文獨運。前經許玉珩、張松亭、歐文憲、吳永清說合，每年分給伊京錢五十千文，立有字據可憑。不料何廣文至〔自〕去年至今，分文未給。與他討要，不惟不給，反於四月二十一日，糾領四人持刀赴伊家滋鬧，並要綑綁，訛要錢文。那時伊不在家，查知隨向莊長歐東曉告知情由。歐東曉當因農忙，推至麥後管問，伊纔稟明的。質之何廣文供稱：伊與胞姪〔叔〕何永年分居各度，伊分得漕船一隻，所有地畝歸伊叔何永年管業，有分單可憑。伊並無領人赴何永年家滋鬧情事。提訊莊長歐東曉，供與何永年等相同。各等供。

據此，查何廣文既無領人赴何永年家滋鬧情事，應毋庸議。飭令候調驗分單，添傳干證許玉珩等到案另行核斷。理合登明。

一起、據長樂里陶官屯教民王廷杰以綑縛勒索等情，呈控王德才一案，當卽傳案。

訊據王廷杰供稱：本月初三日，有隣人王德（才）因伊奉教，領人將伊網縛，勒訛京錢十千、酒席一桌，係歐悅榮們說合，伊已請客，王德才問伊逼要錢文，伊纔赴案呈控的。光緒九年四月間，隣人歐富容、陳心田偷竊（歐）標家牛進〔隻〕，拴在伊家院內，歐標問知不依，令伊書立改過字據。質之王德才供稱：光緒九年四月，隣人王廷杰同歐富容、陳心田偷竊歐標家牛隻，被歐標查知，要赴城告，經莊長調處，王廷杰們情願包賠牛錢，立字了事。本月初三日，伊向王廷杰討要舊欠錢文不給，彼此口角，並無網他。提訊莊長歐東曉，供與王廷杰相同。各等供。

據此，查王德才網人殊屬逞強，責儆。王廷杰前犯偷竊，歷年已久，既已悔過應免究，予以自新之路，倘再犯准稟究斷。令兩造各自回歸安業，不准滋事，取結完案。理合登明。

一起、據德教士天恩片送馬懷（修）一案，當即傳訊。

據馬懷修供稱：伊莊有教堂，會長是馬登盛。去年三月十一日，伊在地裏與奉教之酒莊人李俊德逢遇說話，伊云奉（教）人不可過於利害。後來，李俊德與他兒子李守典非罰伊桌椅、酒席不能了事。伊隨託杜清秀、李明阜說合，罰伊京錢二十千，以作辦理桌椅、酒席之資。伊當時無錢，緩到六月初七日，賣地交給錢文，李守典們置了兩桌酒席。今年四月初十間，李守典恐伊向他討要酒席錢文，李守典在楊家樓置酒席一桌，邀原處人李明阜與伊說合，以後和睦，不許生事，伊亦沒吃他酒席。等語。

訊悉前情，斷令馬懷修回歸安業，不准滋事。理合登明。

一起、據德教士天恩面稱屯下里張潘莊張興文辱罵教民一案，當即傳案。

訊據張麟書供稱：伊因本年地內麥子被竊甚多，當令堂孫張興文赴地看守。於四月十九日夜間，有顧家莊奉教人賈福，赴伊地內偷竊麥子，被伊堂孫張興文當時捉獲。隨即向莊長告說情由，賈福恐事不了，捏稱張興文罵教。德教士就將張興文面稟了，伊纔來呈控的。蒙批和處後，經甘來聘調處，得賈福與伊見面服禮了事。等語。

訊悉前情，斷令張麟書回歸安度。理合登明。

一起、據章山里蘇家莊教民田守中以勾匪勒索等情，呈控王占禮一案，當即傳案。

訊據田守中供稱：奉教人向例不准奉祀祖先。本年正月初六日，隣人王重斥笑伊不是，彼此口角。伊忿不過，隨向高家海會長高殿興告說情由，要稟德教士。王重聞知，即託人情說，隨罰了王重酒席一桌了事。四月二十七、八間，王占禮主使王重，將伊拉至西窪，聲言要撕堂內神像，砸毀桌子、板橙、床張。伊實沒見撕、砸，亦無別人看見。走到高家海，王重叫伊還他酒席，伊就託高允仲調處，罰伊酒席兩桌。王重並不甘心，親自向伊要京錢三十千文，無奈允許。高允重並不知道。至四月三十日，伊在家作菜，在教堂作席，高允仲沒去，所到客人，伊並不認識。是日伊親交王重京錢二十千文，實沒見證、憑據。下短十千，王重逼討，伊纔呈控的。

質之王占禮供稱：隣人田守中同他兒子田成、王淑德們均奉天主教。田守中之三弟田守宗不奉教。本年三月間，他繼母宋氏生有女兒麥後出嫁，宋氏與田守宗因辦買妝奩，找田守中商議攤錢，田守中不允，彼此爭執，那時伊沒在家。是晚回來，田守中之弟田四託伊前往調處兄弟均攤，田守中說伊偏

袒，不惟不攤，返捏詞將伊誣控。蒙本官訊明，具結在案。不料田守中聽人唆挑，捏造撕破神像，砸毀桌子、板橙、床張。又說伊同王占豐、蘇德平向王淑德查問，是誰砸毀桌子等物，王淑德說，是他搬運家中梁、椽等物，是他拆蓋屋子，不與別人相干。那日王占磊向王淑德之妻查問神像究被何人撕破，他遂說那日赴田守中家閑坐，見他女人書本內有神像紙紋的甚麼樣子，遂說這事了得，如被王占禮聞知，定不干休。田守中不叫言語，不追究，就可無事。王淑德們均可傳問提訊。高允仲供亦相同。

訊悉前情，查此案非王重及王淑德等到案，不能水落石出。限令王占禮於三日內，趕將王重送案。並添王淑德等到案再行訊斷。理合登明。

一起、據長樂里高家海教民高鴻明以糾衆債麥等情，呈控高殿弼等一案，當即傳案。

訊據高鴻明供稱：伊前控商〔高〕順玉們訛伊錢文一案，業蒙訊明，不准高順玉等再要錢文，具結在案。堂斷之後，伊風聞高順玉們非叫伊給他錢文不能了事，伊畏懼沒敢回家，令伊表弟杜姓〔娃〕與伊家割麥子。後來將麥子打完，存在高胖家內。伊在外無有糧食，令杜娃用小車推載六十餘斤麥子，走有三里多路，高順玉聞知，令人截回，把伊家麥子共分。伊子婦聽聞，隨託高殿槐說合。高殿槐令他孫子高本順纔與伊子婦留下幾斗麥子。杜娃向伊告說情由，伊又呈控了。質之高順玉、高殿弼、高景辰同供：前與高鴻明互控一案，業蒙訊結在案。不料高鴻明捏稱伊等搶他麥子，又把伊等呈控了。伊等實沒搶他麥子情事。各等供。

據此，查兩造供詞各執，非傳杜娃、高仁堂等質訊不能定斷。飭令候添傳杜娃等（到）案訊明核斷。

理合登明。

一起、據長樂里高家海文生高殿槐等以惡棍不法等情，呈控高會堂一案，當即傳案。

訊據高會堂供稱：奉教三年。去年四月間，鉅野縣防營將高順玉之工人任四抓去，並將高順玉們一併捉獲，莊長將高順玉們保下，防營將任四帶去。高順玉恐任四在鉅野縣供板〔板〕，託伊與里長高雲慶們遞保狀，鉅野縣主當堂開釋，並沒花錢。不料本年四月十四日，高順玉捏稱防營抓他們，係伊眼線，並說給伊錢文。糾領多人將伊抓至店內，非叫伊給錢文不能了事。伊父託高雲慶們說合，令伊與高鴻明、高鴻如共拿京錢一千一百千文，後來伊們因拿不出錢來，纔呈控的。前蒙本州憲委員會同本縣訊明，斷令高順（玉）等不准再向伊們索要錢文，具結在案。不料高鴻明又呈控了。

質之高順玉、高殿弼、高景辰同供：去年四月間，鉅野縣防營赴伊莊上，將伊高順玉之工人在〔任〕四抓去，並將伊們保下，高會堂叫伊邀人赴鉅遞保狀。後來高會堂令伊等用錢打點，即可了事；否則防營仍來抓伊等供。給高會堂京錢一千一百千文。本年四月間，伊等查明錢文均被高會堂誑使，找他要錢。他託高雲慶說合，情願給伊等錢文了事。後來高會堂又呈控的。蒙委員會同本縣訊明，斷令不准伊等再要錢文，各自回家安度，具結在卷。

提訊高雲慶供稱：本年四月間，高會堂之父高廣漢託伊調處高順玉與高會堂要錢之事，伊隨〔向〕高會堂問明情由，實係被高鴻明、高鴻如三人將錢分使，情願拿出京錢五百千還高順玉們，又以京錢六百千爲任二〔四〕？家養贍之資，以贖前愆。後來高會堂們反復呈控，已蒙委員會同本縣訊明，斷令不

准高順玉們要錢，具結在案。不料高鴻明捏稱高殿弼們搶他麥子，又呈控了。各等供。

據此，查高會堂尚有供出他案，飭令禮房看管，候訊明另行核辦。理合登明。

一起、據長樂里高家海民婦高楊氏以勒訛逼逃等情，呈控高殿弼等一案，當即傳案。

訊據高楊氏供稱：伊聽聞高景辰與高殿弼說欲網打伊男人高鴻如情事，伊就來城躲避的。質之高鴻如供稱：高楊氏是女人。四月二十日，伊妻聽說高殿弼要捆，就來城躲避。後來又聽說，高殿弼等要搶伊之麥子，也沒搶去。訊（據）高殿弼、高景臣供稱：伊等並沒說要捆高鴻如的話，亦沒有說搶他之麥子情事。各等供。

據此，飭令各自回歸安業，不准再行滋事。次日覆訊高鴻如，匿不到案。高楊氏以高殿弼欲網伊夫、欲割伊麥無據之詞，信口混狡。飭令伊夫到案再為訊斷。理合登明。

一起、據章山里姚家莊教民高順和、姚濟興以奉教被訛等情，呈控邱立德等一案，當即傳案。

訊據高順和、姚濟興同供：與邱立德係鄰居。本年四月間，邱立德要罰伊等酒席錢文，纔呈控的。質之邱立德供稱：隣人姚濟興託伊揭〔借〕使裕慶和錢文沒還。本年四月間，伊在姚家樓寫字叫蘇殿元送給姚濟興，（向）他要錢是有的，並沒有罰他酒席錢文情事。提訊蘇殿元供稱：邱立德令伊與姚濟興等送字要錢是實，並沒聽說罰他酒席之事。各等供。

據此，查姚濟興兩次交王心恪、姚田京錢四十五千，邱立德雖未供認收到，兩次款係由蘇殿元代送

索單而起。邱立德、蘇殿元平(日)恃強，亦所不免。飭令原差看管，候覆訊奪追。理合登明。

(總理各國事務衙門檔)

附件二：葉大可呈查驗教士報失情形清摺

計開失物各村莊：

一、鄭家莊教堂內，聖體樓苦像盡行砸壞。聖樓內白緞帶金穗五十根，金聖爵一樽，大聖像一張，上帶聖母像下帶徐彥昭、利瑪竇像，小聖像許多件數，堂門大竹簾子一張，白祭披一身，西洋花瓶四個，臺帷一幅，蜜蠟十支，每文八支，高二尺五寸，西洋書二本。以上各件盡行搶去。所餘零星東西未及詳載。

查此案業經勘驗，屢次比捕，勒限嚴緝務獲究辦，通稟在案。

一、牟家垓教堂內，大神像兩張，大棚一個，對聯一副，桌子一張，椅子一把，板橙一條，床大、小兩張，蓆三領，梁椽十根，皆搶去。

查此案業經卑職望庚面諭莊長領同教民查明，並無失物情事。

一、布山教堂內，大神像一張，天棚一個，對聯一副，桌子二張，椅子二把，床一張，案棹一張，鍋一口，被匪搶去。

查此案據莊長稟稱：本莊教堂原係教民張學泗住宅，現因華教士已去，經本人搬回居住，並無失物

情事。

一、焦家坊教堂內，被匪徒將鍾搶去。

查此案據莊長稟稱：所失之鍾原係借用汶境方家道口物，現經本廟僧人取回。容俟移會汶上縣查明稟覆。

一、郭家莊教堂內，被匪徒將德教士之皮襖掛搶去一身。

查此案據莊長稟稱：並未聞有失少皮衣情事。

一、高家海教堂內，將祭臺掀（倒），鍋、碗、盆、勺一概全毀。大聖像兩張，床二張，板橙一條，蓆十領，盡行搶去。

查此案該教堂祭臺稍為損破，業經卑職代為修整彩畫完好，稟明在案。其餘各物，容俟查明稟覆。

一、姚家莊教堂內，大聖像一張，椅子兩把，方桌一張，蓆十領，盡行搶去。

查此案現經飭差查驗，據稟稱：教堂門關鎖，從窗戶外看見內有方桌一張，椅子一把，小床一張。惟不見大聖像及蓆十領。

一、陶官屯教堂內，所有大神像一張，床一張，棹子一張，椅子二把，板橙六條，蓆十領，小聖像許多，聖書八部。現在該堂因被匪徒霸佔居住，未便查核。不知以上所有什物全在與否。

查此案現經飭差查驗，據稟稱：教堂關鎖不便近〔進〕內。詢之莊衆，俱云並無失物情事，亦無人霸

佔居住。

一、程家莊教堂內，大聖像三張，洋印天棚一個，臺帷一副，對聯一副，花瓶兩對，方桌兩張。該教堂亦為匪徒霸佔，以上物件無由查驗，未知在否。又所有椅子兩把，板橙四根，蓆十領亦在其內。

查此案現經面詢莊長，據稱：堂內天棚簷子不知被誰家小孩撕落，其桌、橙日前本莊謝神，經該莊教民借出，用過後已歸還，並無失物情事。

一、蘇家莊教堂內，大神像兩張，桌子一張，板橙二條，床一張，皆搶去。

查此案現經飭差查驗，據稱：該處教堂係大過道一間，門開著，內無一物。

一、姚坊教堂，所有大神像一張，桌子一張，床一張，銅鍋一口，椅子把一。該教堂亦被匪霸佔，未及查驗。

查此案現經飭差查驗，據稱：堂門關鎖不便近進內。詢之莊衆，俱云不知有無失物情事。容再確查。

以上各條內，所有教士德華盛、德天恩先後單送闖鬧教堂、訛擾教民之人，容俟卑職大可分別查傳訊明虛實，趕為持平擬結後，再行據實稟報聲明。

(總理各國事務衙門檔)

一、椅子把數短一字。

三八三 毓賢爲冠縣紅桃園一案賀墨林等監滿保釋事咨呈總署文

※光緒二十五年七月初一日（一八九九年八月六日）

據署冠縣知縣程方德稟稱：竊查拳匪姚洛奇藉詞聚衆，於解散後復聚多人，放火殺人，拒敵官兵一案，當經卑前縣訊明姚洛奇卽姚文奇，因藉無據謠傳，誘聚拳民，至紅桃園等處焚房屋，殺死教民朱北爲等二名，官兵追捕，又復拒敵。等情不諱。卽於訊明後稟請就地正法。其餘各犯，復經會同臨清州訊明，擬請分別監押，限滿察看情形，稟請開釋各在案。

茲據各莊紳耆趙本廉等，以押犯賀墨林、李紹春、李凌太、范卓立、侯立極五名，均已自知悔過等情，聯名懇請具保前來。卑職查該犯賀墨林等，訊係被拳匪與官兵接仗時擄去，並未隨同放火殺人，情節極輕。原擬管押半年察看，稟請核釋，已屬權宜。茲已越半年，該犯等均各守法安分，似未便久羈，致無辜日久受累。

正在具稟間，復據報李紹春等在押患病，如以別項押犯，卽應保調；今案關交涉，未敢擅便。理合據情稟請鑒核，俯念該犯等均係無辜被擄，准予照限保釋，實爲公便。等情。到本部院。

據此，查該犯賀墨林、李紹春、李凌太、范卓立、侯立極五名，既在押守法安分，現已半年限滿，自應准其取保釋放，以免羈累。

除稟批示外，擬合咨呈。爲此咨呈貴衙門，謹請鑒照施行。

（總理各國事務衙門檔）

三八四 毓賢爲拿獲戕官杆夥訊明辦理請代奏事致總署電

光緒二十五年七月初四日（一八九九年八月九日）

北京。總署鈞鑒：○○在工次接據曹州府并營縣稟稱，單縣知縣李銓會同調署參將岳金堂，六月十二日下鄉勘驗劫案，順道訪緝賊蹤，忽由高粱地內突出羣盜，岳金堂奮勇直前攻擊，羣盜拒捕，用洋槍將岳金堂轟斃，并轟斃勇目。等情。○○立即嚴飭各營縣設法四路查拿，不准漏網去後。旋據該縣會同防營督飭民團，在附近高粱地內搜獲及購線訪拿，或莊長捆送，或同夥供出，共陸續拿獲二十多名。內有下手戕官兇盜張二、歐小萬二名，另格斃著名杆首王根春一名。查拿之時，該盜拒捕，又轟斃、轟傷勇丁各一名，分報前來。各盜供認，王根春、劉芳田均係杆首，兩杆首合夥向前，督打雖多，直認不諱。○○猶恐未實，案情重大，不厭詳慎，提到工次連日親自研訊，隔別推敲，各吐實情，歷歷如繪。此等劫後戕官拒捕傷人，實屬愆不畏法，罪無可逭。現擬將質證明確毫無可疑者，就地正法以昭炯戒。仍嚴拿逸匪劉芳田等務獲嚴辦，并究出知情窩家，一并懲辦示儆外，先將大概情形由工次專馬電達，請代奏。○○謹肅。支。印。

（山東巡撫衙門檔）

三八五 季桂芬爲陳明辦理高密被擄案善後各事稟毓賢文

光緒二十五年七月十二日（一八九九年八月十七日）

營務處升用同知。先換頂戴。署理萊州府高密縣知縣季桂芬謹稟大人閣下。敬稟者：竊查卑縣交涉民情，大約困極則喜生事，鬱極則思洩忿。再兼蠹役、游民恃洋人爲護符，從中煽惑，事遂不可聞問。卑職到任後，連日訪拿痞棍，嚴辦蠹役，民心稍安。洋兵進城時，紳民搬移空巷，現亦一律招集安業。紳士隨時接見婉商，故賃房諸事，尚不至過於掣肘。惟洋情處處存恃強欺弱之心，狼戾不情，來往信牘，亦依坭小信假義，奈通事細崽，播弄漁利，動輒恐嚇。公司洋人錫樂巴，前經候補府石守屢約不來。適六月二十五日，其弟副公司錫貝德來境測量水道，卑職設法邀至書院，隨帶通事、司事、德兵目列伯並德兵十二名。卑職先與面商議定各節，欲增議前事，則以總署及彼國外部爲辭。款留一飯後，請本府曹守與候補府石守、隨員、繙譯等，將面議各條申說清楚。卑職立意，總以不憚繁瑣諸事，由縣會同商辦，令其少與民交接滋事。錫貝德依允各條，除已隨同本府曹守暨石守電稟外，另摺詳呈。

至於代公司租賃房屋等事，隨時接見洋人辦事各人，俱由卑職傳集紳士，從中兩面婉商，以免紳士與洋人見面決裂。終日奔走勘驗房屋，反覆商量，甫有頭緒。每日必至三四點鐘以後，方能清理案牘。前任詞訟已數月不理，移交上控案至十七起之多。卑職隨時傳訊，已結有過半。屈計到任以來，越時十餘日，幾有寢食俱忘之勢，恃幸精力尚強，上承訓誨庇蔭，有一分心力盡一分心力而已。卑缺素非瘠苦，一切意外用款暫時賠墊，總可彌補。既不敢鋪張艱鉅爲要結之謀，亦不敢畏葸模稜貽因循之誤。

刻騰半日之間，謹將到任後辦理情形，及應行請示遵辦各條，臚陳若左：

一、書院爲合邑士民所仰望，被洋人作踐，毀壞牆垣及門扇、桌橙若干，急須修理。卑職創捐銀一

百兩，交紳士捐集公款，卽刻修理。

一、前報被洋人傷斃民人十三名及受傷八名，現在受傷者大半身故。除憲台電致總署問德外部索償外，卑職均傳集該家屬先行撫卹，每名給家屬銀二十兩。此款係卑職捐廉辦理。合併聲明。

以上兩條，雖由卑職捐廉，均宜奉憲諭辦理，以安士民之心。嗣後賃房、遷坟、買地諸事，庶可從容商辦。

(山東巡撫衙門檔)

三八六 毓賢爲預定回省日期事覆總署電

光緒二十五年七月十五日(一八九九年八月二十日)

北京。總署鈞鑒：工次轉來東電，承詢何日回省。○○現已查勘中游隄堰，當卽駛赴下游勘明海口，大約至快在八月節前回省。專馬送濟南拍電。○○謹復。刪。印。

(山東巡撫衙門檔)

三八七 毓賢爲濮州刀會聚衆已派隊查明辦理事覆裕祿電

光緒二十五年七月十五日(一八九九年八月二十日)

天津。制台裕壽帥台鑒：鹽電敬悉。開州地方被刀會擄搶，趙寨莊等處亦被滋擾，匪首劉贊虞等尚

在濮境彰樓，并紅廟另有一股，囑卽派隊查拿。等情。查刀、拳各會良莠不齊：一、刀會聽信外匪煽惑，招集曾受教民欺壓者人會復仇，欲索前訛財物者有之；一、教民勾串刀會，專擾教民暗中分肥者有之；一、棍徒鬧教爲名，波及平民者有之；一、強盜冒充刀會擄人勒贖，兵到卽逃，嫁禍刀、拳各會者亦有之。敝處訪聞既確，凡安分者自保身家，原不禁止；若真有擄人勒贖、搶掠無忌情事，亦卽派隊查拿。已分別出示剴切曉諭。各在案。近日曹州龍鎮本按月常赴曹屬四處巡緝，近來謠言太甚，確查多屬子虛。除再電飭龍鎮請宜鎮靜，并派隊迅赴濮州一帶認真查明，分別辦理，妥爲彈壓外，先此電復。○○。刪。印。

(山東巡撫衙門檔)

三八八 毓賢爲飭查濮州刀會事致龍殿揚電

光緒二十五年七月十五日(一八九九年八月二十日)

曹縣送曹州。龍鎮台鑒：准直督鹽電稱，開州等處教民被刀會擄搶，匪首劉贊虞等尚在濮境彰樓，并紅廟另有一股，請卽派隊查拿。等情前來。查近來謠言太甚，確查多屬(子)虛。除電復壽帥外，請貴鎮派隊迅赴濮州一帶認真查明，分別辦理，并希飭員弁等遇事鎮靜，妥爲防範，勿妄拿無辜爲要。候復。○○。刪。印。

(山東巡撫衙門檔)

三八九 毓賢爲濟寧陳兆舉聚衆已飭嚴拿事致總署電

光緒二十五年七月十七日（一八九九年八月二十二日）

北京。總署鈞鑒：工次轉來先電，承示兗郡土匪欲攻教堂，飭爲保護。等情。查平民前受教民欺訛太甚，故羣起報復。○○早已札調防營彈壓，并發告示剴切曉諭。安分者逐漸歸家，頑梗者未盡解散。茲據濟寧州、兗沂道電稟，拳首陳兆舉率衆持械，拒傷莊民。已電飭該州嚴拿審訊，如果屬實，當卽就地正法，以遏亂萌。專馬送濟南拍電。餘函復。○○謹肅。篠。印。

（山東巡撫衙門檔）

三九〇 彭虞孫等爲已獲陳兆舉應如何懲辦事致毓賢電

光緒二十五年七月十七日（一八九九年八月二十二日）

濟南。撫憲鈞鑒：昨據嘉祥葉令面稟，陳兆舉率衆持械，滋擾該縣高家海，拒傷莊長、平民三人。經團衆當場拿獲首從八名，並奪獲馬匹、洋鎗等械。茲將首犯陳兆舉押解到兗，訊據供認疊次糾衆滋擾濟、嘉、汶、鉅屬實。該犯黨衆，不便久延，應如何懲辦，乞訓示祇遵。虞孫、望庚稟。篠。

（山東巡撫衙門檔）

三九一 毓賢爲著將陳兆舉查實正法事覆汪望庚等電

光緒二十五年七月十七日（一八九九年八月二十二日）

濟甯。汪直收送彭觀察同鑒：前接該州稟稱，陳兆舉改過自新，自應寬其既往。現據篠電，陳兆舉怙惡不悛，率衆持械，拒傷莊長、平民，急應確切查明。如果屬實，就地正法卽是懲一儆百之道。隨時務須嚴加防範爲要。篠。印。

（山東巡撫衙門檔）

三九二 毓賢爲詳陳日照德兵槍斃民命事咨呈總署文

光緒二十五年七月十八日（一八九九年八月二十三日）

兵部侍郎兼都察院右副都御史·總理各國事務大臣·巡撫山東等處地方·督理營田兼提督銜·節制全省軍務兼理鹽政毓爲咨呈事。

光緒二十五年六月二十八日，據洋務局司道會詳，光緒二十五年六月二十三日，准署臬司咨開，光緒二十五年六月十四日，奉巡撫部院毓批據日照縣詳報，縣民于文福等被德兵用槍轟傷，于文福因傷身死一案，驗訊緣由，奉批：仰署按察使會同洋務局作速敘詳，以備咨請總理衙門核辦。並轉飭知照。繳。圖結存。等因。奉此，除轉飭知照外，擬合移咨。爲此合咨貴局，希卽主稿會詳施行。等因。准此，查此案據署日照縣知縣楊令耀林詳稱：竊自德兵來縣後，卑職深恐人心驚惶，當卽出示曉諭，並邀集城鄉紳董，諭令代爲勸導。一面派差嚴密稽查。其德兵換錢、買物等事，均由卑職飭人代辦，免致別滋事端。是以民情尚稱安靜。業經隨時稟報在案。

乃於光緒二十五年三月，據縣屬東所社林家灘莊民于仲文呈稱，伊堂姪子于文福等，爲人看守樹場，即在莊後空地蓋屋居住。四無隣舍，亦無院牆。本月初九日天午時分，有德兵六人，各持洋槍利刃，走至于文福屋前，硬行進屋，拉住于文福之妻于金氏，意欲妄爲。驚動狗吠，于文福與兄于文祥、弟于文朋均在附近處所工作，聞聲趨回救護，即被德兵開放洋槍，將于文福、于文朋轟傷倒地，于文福登時斃命。並將于文祥毆捉進城。于金氏向伊通知看明，同行來案，懇請驗究。

又據德國繙譯官慕興立面稱，伊棚頭一人帶兵五人，在鄉量地繪圖。因華民向棚頭等毆打，棚頭等開槍，將華民轟斃一名，傷一名，並捉獲一名請訊究。各等情。

立經卑職帶領刑件，親詣屍所如法相驗。據件作楊世泰驗報：已死于文福，問年二十七歲，仰面。不致命右肩甲有槍子傷一處，斜圓五分，深透，內骨損，皮肉翻捲，焦黑色。餘無別故。委係因傷身死。報畢親驗無異。填格取結，屍令棺殮。又驗得于文朋右腿有槍子傷一處，骨損，槍子由合面透出。開單飭醫。並給于仲文等京錢四十千文，以作殮、醫之費。查該莊地保先因悞公斥革，尚未接充有人。又勘得該莊西北半里許，有于文福等住屋一處。北屋三間，東頭接一小裡間；東屋二間；西邊牛棚一間。並無大門、院牆，四面亦無隣舍。屋前有空地二十餘步，地南二十餘步有東西沙河一道，現無存水，寬約十餘步。據于金氏指稱，是日于文福、于文朋被轟致傷倒地，即在此沙河內。查驗河內有血跡二片。又勘得屋西里許有東西小溝一道，中有南北小路，溝底有石橋一座。開單附卷。

卑職以案關交涉，情節重大，非將德兵治以殺人之罪，不足以昭平允。初十日，德國領隊官法根海

及繙譯官慕興立，同卑職會審此案，隨提集訊據于仲文供：于文福、于文朋都是分居堂姪。于文福們合他胞兄于文祥，向給劉姓看守樹場，在林家灘莊外蓋屋居住，並沒院牆，也沒隣佑。光緒二十五年三月初九日天午時候，怎樣有德兵二人走進屋裏，拉住于文福女人于金氏想要強姦，一人站在門外，于文福們在地工作，聽聞狗吠趕回看視，德兵開槍將于文福、于文朋轟傷，于文福立時身死，並把于文祥毆捉，隨後德兵又到三人，就一同進城了。小的先不知道，是于金氏找向小的告知前情，同往看明，纔來案報驗的。並沒別故，具結是實。據于文祥供：于文福、于文朋都是胞弟，合小的同居過度。向給劉姓看守樹場，在林家灘莊外蓋屋居住，並沒院牆，也沒隣佑。光緒二十五年三月初九日天午時候，小的合于文福們在地工作，望見德兵六人陸續走來，都沒在意。德兵二人怎樣走進屋裏，拉住于文福的女人于金氏想要強姦，一人站在門外，也都先不知道。是聽聞狗吠，小的纔合于文福們趕回看視。于文福、于文朋行走在前，還沒到家，德兵就出來開槍，把于文福右肩甲、于文朋右腿轟傷倒地，于文福立時身死。小的隨後趕回，順拿木棍打狗，又被德兵捉住毆打。還另有德兵三人，事後走到那裏，就一同來案的。並沒別故，具結是實。據于金氏供：于文福是男人。于文朋是夫胞弟。于文福們合胞兄于文祥同居過度。向給劉姓看守樹場，在林家灘莊外蓋屋居住，並沒院牆，也沒隣佑。光緒二十五年三月初九日，于文福們兄弟赴地工作，只有小的合于文祥們的女人在家。天午時候，見有德兵三人前來，都拿洋槍刀械。小的合于文祥們的女人害怕，于文祥們的女人都在北屋躲藏，小的獨在東屋躲藏。德兵直到東屋門前，二人進屋把小的拉住想要強姦，小的掙扎。一人站在門外，驚動犬吠。于文福們聞聲趕回，還沒

到家，德兵就鬆手出去。小的當時沒敢出來。是德兵開槍把于文福、于文朋轟傷倒地後，纔出來查看，見于文福業已身死，于文祥正被德兵捉住毆打。還有德兵三人隨同行走來城。小的就找向分居夫堂叔于仲文告知情由，同往看明屍傷，纔一同來案報驗的。并没別故，具結是實。各等供。

據此，提訊德兵，驗明均無傷痕。卑職與其言語不通，由德員當堂自行問供。卑職因案已供明，于文祥等均係屍親，自應即時開釋。詎德員以伊兵並非六人到其屋前，且無人室情事，于仲文係屬誣告，于文祥持棍毆打德兵，均應押候懲辦。僅將于金氏一人釋回。卑職據理力爭，幾乎決裂。德員不聽而退。

旋據緝出德兵供詞三紙。內開棚頭供稱：本日早七點鐘，柏立根守備吩咐叫我去城東南約十里量地，叫我帶兵五名。離城約十五里之處，到一河邊，有一橋。我叫兩兵由河內往西量地，有兩兵往東南量地，我叫一個兵在橋旁等着我，我自己由橋往東南向一個房子去量地。離該房子不遠有一村子，村名我不知道。我離那房子約有二十步，即看見一個人由那房子出來，手拿一塊石頭，跟着三個狗。我站在那裏畫圖，那個狗左右的咬我，我停住畫圖打那狗去。我見那個人手舉石頭，我恐怕他砸我，那狗到底也沒跑，這人也沒叫那狗回去。我就用手槍向地施放一槍，想那狗一聽槍響，必定跑走。當時由房內又跑出兩人，一個手持木棍向我跑來，拿石頭那個人同現在來的拿棍子的這兩人都向我來。我離他們有五步遠，我用手槍止化〔劃〕那兩人站住。我就繞過那房子去，就吹哨叫前頭的兵。這兩個人他僅〔緊〕追我，我剛繞過那房子去，那第三個人也到了。我就抽出刀來，即往他胳膊砍一刀，他的棍子即

掉了。那兩個一看這情形，他們就拿大的棍子追我，那第三個也同來。我就快走，回顧兩次，再用手槍止化〔劃〕，他們仍不回走。我就看見前往東南去的那兩個兵回來，離我還有一百步遠，他倆看我的情形，他們就放槍。我就躲開了。那兩兵離我還四十步，我聽槍響，我就回頭一看，見倒下了兩個。我就吩咐兵不要再放槍了。我看那第三個人在倒下的身旁看傷，我們就跑到（到）倒下的身旁，把那第三個拿住，就把他帶到這邊來。在路上遇見那三個兵回來，一個由橋旁來，兩個由西回來，後邊跟我們來的人約有四百餘人。即吩咐兵安上槍刺子，預備對抵。我們直來日照城裏，一點鐘到的。路中沒有別的事情。這是實在情形。該棚頭已經化〔畫〕押。

又第一的兵說：棚頭吩咐我們由河邊橋往東南去，向一個莊去。那莊名我不知道。我們兩人量了一千多步，我們就聽見棚頭吹哨叫人，我們就向他去了，就見他手拿軍械，有三個人手拿木棍追他，棚頭就向（我們）跑來。我們見棚頭危險之際，我們就放了一槍，擊倒兩個人。棚頭吩咐不再放槍。那第三個人我們就把他拿住，帶至城裏。在路中那三個兵也回來，就見後跟我們來的人很多，我們就預備與他對抵。路中並無甚麼事。一點鐘到的城裏。該兵已化〔畫〕押。第二的說：第一個說的話與我見的一樣，不差是實。我另外也沒甚麼說的。該兵已化〔畫〕押。

又由橋處徑西兩個，站在橋旁一個。橋旁一個兵說：棚頭吩咐我在河邊那個橋旁等着他們回來。據處〔二〕我見棚頭量地向一個房子去了。那房子即出來一個人，又跟着三個狗。那人手拿石頭不拿石

〔一〕原文如此。

頭，我没看見。我看見棚頭在那地方站着不走，又看他要拱噬他的那個狗。我看見這一個華人在那地方站着不動，他用石頭要砸那棚頭的事情我没看見。那個狗都没走。看棚頭放手鎗一響，那房子又出來人，我看他們看拿〔一〕棍子出來。我見棚頭繞過那房子去，我即聽吹哨往南走，三個華人拿着棍子追他，以後沒見。不多時我聽槍響，我即走到那地方去看，我看見那個棚頭同兩個兵帶着一個華人向我來了。他即吩咐我安上槍刺，即跟着來。在路上又遇見那兩個兵，我們一同預爲防備，因後邊有狠多的人跟着我們。我另外沒有甚麼說的。已化〔畫〕押。往西的回來說：棚頭吩咐由橋往西後，我們往西去量地，我量了一千八百步，就聽響槍一次，我們往四下望，沒看見甚麼。不久又聽槍響數次，我回到橋旁，離橋約九百步遠，即望見棚頭帶着三個兵，帶着一個華人。棚頭吩咐我安上槍刺子跟走。另外我没看（見）甚麼。已化〔畫〕押。往西去回來第二個兵說：第一個說的與我見的一樣，不差是實。我另外也沒甚麼說。該兵已化〔畫〕押。各等語。

據此，覆經卑職查驗于文祥兩胳膊，並無刃傷。十一日，德員法根海函問于仲文等如何懲治，卑職告以于仲文當時並未目擊，一經審訊，即據實供明。且所告人數雖不符合，而伊侄于文福被轟斃命，于文朋受傷損骨，並非虛捏。至于文祥係屬屍兄，即使毆兵屬實，而德兵並未成傷，且在伊弟子文福等被轟以後。是于仲文等情均可原。中國之人向知殺人者償命，若將屍親于仲文等懲辦，紳民人等必生疑懼。現擬稟請我國大憲核示遵行。

十四日法根海來函，以于文福等先向德兵毆打，德兵槍斃人命，係遵伊國駐紮青島總督葉世克信，以軍械自衛、以軍法從事數語辦理。慕興立又來面說，此案將來如何了結，應聽伊國總督暨中國大憲商辦。現時務將于仲文等從速擬辦，並派兵二人在卑職寓外守候回信。察看情形，若不允為即辦，伊等必自將該二人從重懲處。因反覆籌思，與其無辜被押此心難忍，反不若薄責釋放，尚可少受拖累。當與慕興立說明，如將于仲文等立時開釋，即可從權主辦，酌予答責。慕興立唯唯而去。隨以此情作書向法根海回覆。移時法根海、慕興立同來，卑職即將于仲文、于文祥提案微責釋放。退堂後，又給于仲文等京錢各二十千文，以示體卹。業將驗訊辦理情形，稟蒙各憲批飭，填格錄供通詳。等因。覆驗于文朋右腿傷痕，醫治漸愈，惟不能起立，已成廢疾。所有驗訊辦理緣由，擬合填格錄供取結，具文詳請鑒核。俯賜轉請咨呈總理各國事務衙門核辦，實為公便。等情。

據此，本司道等覆核無異。理合會詳憲台鑒核，俯賜咨呈總理各國事務衙門查照核辦，深為公便。等情。到本部院。

據此，查此案前經本部院彙同蘭山、即墨等處被德兵滋擾各案，咨請貴衙門核辦，迄今未准咨覆。茲據洋務局司道會詳前由，合再咨呈。為此咨呈貴衙門，謹請查照，迅催德使秉公議辦，賜覆施行。須至咨呈者。

右咨呈欽命總理各國事務衙門。

(外務部檔)

三九三 彭虞孫爲曹縣刀會抗拒團丁事致總督電

※光緒二十五年七月十九日（一八九九年八月二十四日）

濟南。撫憲鈞鑒：

頃奉篠諭謹悉。正在確查遵辦間，接曹縣曹令通稟，該縣有外來匪徒混入會中，聚衆滋事，不免〔分〕民教，肆行搶掠村人勒贖。經各團丁格斃九名，拿獲首從八十餘名。該匪拒斃團丁一名，拒傷四名，漸次退去。等情。職道因訊辦陳兆舉案，防範一切均關緊要，不便遠離。已札飭曹州府，就近前往督同該縣逐一訊明，分別重輕，電請憲示遵辦。虞孫謹稟。嘯。

（山東巡撫衙門檔）

三九四 總署爲刀會圖害法教士希即保護事致張人駿電

光緒二十五年七月二十一日（一八九九年八月二十六日）

濟南。山東布政使：法使函稱，大刀會匪欲將教士傅天德及教民圖害，地方官堅不保護云。希馳稟巡，一面電飭法教士所在之道府，加意彈壓保護，并電覆。馬。印。

（山東巡撫衙門檔）

附錄：法使爲山東大刀會欲害教士請飭保護事致總署函

※一八九九年八月二十五日（光緒二十五年七月二十日）

頃接山東來電內稱：因教案，大刀會匪人欲將教士傅天德及教民圖害，危險甚重。地方官並不保護。等語。前來。本大臣相應函請貴王大臣，即速飭知該省大吏，嚴飭所屬加意保護，彈壓平靖爲要。順頌日祉。

(總理各國事務衙門檔)

三九五 毓賢爲充屬拳會鬧教已飭彈壓事致總署函

※光緒二十五年七月二十六日(一八九九年八月三十一日)

毓賢在工次轉奉先電，承示兗郡土匪欲攻教堂，囑飭保護。等因。旋即專馬送濟南電復貴署在案。查平民學習拳棒，多係自保身家。惟前受教民欺訛太甚，加以外來匪徒乘機煽惑，遂各懷報復之心。毓賢業已調對〔隊〕彈壓，歸兗沂道調遣矣。並發告示，飭屬四處張貼曉諭。愚民安分者已逐漸回家，頑梗者尚未盡解散。茲據濟甯州、兗沂道電稟：拳首陳兆舉糾衆持械，拒傷莊民。已電飭該州詳查確實，即行就地正法，以遏亂萌。毓賢現在查勘中游隄堰，當即駛赴下游察勘海口，回省計在中秋左右矣。所有告示一紙，附呈鈞鑒〔一〕，便知近日民教情形。專此肅陳。恭請鈞安。諸希霽照。

(總理各國事務衙門檔)

〔一〕告示已佚。

三九六 毓賢爲飭查大刀會有無圍困濟甯教堂事致汪望庚電

光緒二十五年八月初七日（一八九九年九月十一日）

濟甯。汪直牧鑒：頃福若瑟來面稱，安治泰囑其來說，城內教堂被大刀會圍困，欲行攻打，請速保護。等語。究竟現在有無其事？作速電復，以便轉達。○○。陽。印。

（山東巡撫衙門檔）

三九七 毓賢爲飭查大刀會有無圍困陽穀教堂事致葉汝源電

光緒二十五年八月初七日（一八九九年九月十一日）

濟甯轉陽穀縣覽：頃福若瑟來面稱，安治泰囑其來說，坡裏莊總教堂被大刀會圍困，欲行攻打，請速保護。等語。究竟現在有無其事？作速電復，以便轉達。○○。陽。印。

（山東巡撫衙門檔）

三九八 總署爲已照會德使撫卹底洞莊莊民等事咨毓賢文

光緒二十五年八月初十日（一八九九年九月十四日）

欽命總理各國事務衙門爲咨行事。

光緒二十五年八月初二日，准咨稱：高密縣大呂莊莊民與德公司小工爭毆，德兵至底洞莊外，轟斃莊民十三人，受重傷者八人，情形極慘。請照會德使酌給撫卹，並開具被轟莊民姓名暨續議築路購地

善後章程八條。各等因前來。查底洞莊莊民因德兵過境，突被轟擊，情形最爲慘酷。並轟斃劉戈莊人五名、附近靈應菴人二名，尤屬無辜慘死。若不索給卹款，續議章程，何以重民命而安衆心？除由本衙門照會德使，並函知出使呂大臣與德外部妥速議辦外，相應咨行貴撫，卽就此次續議善後章程八條，飭屬查照辦理可也。須至咨者。

（山東巡撫衙門檔）

三九九 總署爲濟南偏西聚衆鬧教希即飭查事致統賢電

光緒二十五年八月十二日（一八九九年九月十六日）

濟南。山東巡撫：法使譯濟南教士電稱，省城偏西有土匪滋事，糾聚十餘處，教堂危險，請電貴處預設法保護云。希飭查有無其事，酌辦電覆。文。印。

（山東巡撫衙門檔）

四〇〇 陳榮倫爲教堂事緊請速發隊事致統賢電

光緒二十五年八月十二日（一八九九年九月十六日）

濟南。撫憲鑒：庚電計鑒。會匪滋事，稟調林軍楊、郝二弁各帶半哨，分防壽、陽。現林統傳諭撤回，固留不可，而教堂事緊，地方未安，甚形惶急。請電飭該弁暫駐，事平乃歸，並請速發步隊。榮倫。侵稟。

（山東巡撫衙門檔）

四〇一 毓賢爲飭查省西有無鬧教情形事致汪望庚電

光緒二十五年八月十三日（一八九九年九月十七日）

濟甯。汪直牧覽：接總署文電稱，省西有土匪聚十餘處，教堂危險，囑爲飭查保護。等語。尊處有無其事？隣境如何？均希查復。〇〇。元。印。

（山東巡撫衙門檔）

四〇二 毓賢爲省西教堂均各安靜事覆總署電

光緒二十五年八月十三日（一八九九年九月十七日）

北京。總署鈞鑒：接文電備悉法稱省西有土匪，教堂危險，囑爲飭查保護。等因。惟昨接省西臨清州屬武城、東昌府屬冠縣稟稱，教士、教堂均各安靜，並無土匪。至濟甯州，現亦去電飭查矣。謹復。〇〇。元。印。

（山東巡撫衙門檔）

四〇三 總署爲安治泰赴省希予接見事致毓賢電

光緒二十五年八月十四日（一八九九年九月十八日）

濟南。山東巡撫：德使稱，安主教現將出京，赴東省見巡撫面商各事，務照約接見。本署答以巡撫可以禮接見。惟撫署事繁，如有公事，須另派員商辦。等語。主教可見督撫業經奏准，俟其到時，可定期一見。彼如議及教事，可告以專派某員詳商，於事體似尚兩便。又法使亦言，法國主教請見巡撫不允，有背章程。等語。並希一律辦理。鹽。印。

(山東巡撫衙門檔)

四〇四 毓賢爲濟寧一帶教民聚衆滋擾請咨德使交涉事致總署電

光緒二十五年八月十四日(一八九九年九月十八日)

北京。總署鈞鑒：亥查濟、嘉、汶一帶，前有拳會報復鬧教，業派林提督、戴副將帶隊分路彈壓，並先後徧貼告示。嗣經拿獲匪首懲辦，該拳會亦各解散。并令各莊長出具安分切結在案。

乃據林提督及汶上縣稟稱：汶境邵家樓教民邵心昌，糾衆強架趙二，勒訛京錢八十千文。嘉、汶、鄆、鉅接壤之區，教民聚衆，或六、七十人，或二、三百人，各持洋槍、刀矛，以查拿拳匪爲名，竟搶汶境賀家莊民賀正端、閻家莊民閻永茂各家財物一空，又將伊毆傷，并見細縛一人，係稱稱係拳匪，送交濟甯總教士懲辦。等語。是地方官方將拳匪懲首解從，以靖地方；卽有匪徒，該教民亦應稟明地方官，詳查明確，會營拿辦。乃該教民恃有護符，竟糾衆擅網、勒訛、毆人，設激成變故，轉令拳匪得所藉口。是該教民自貽伊戚，非地方官保護不力也。除已出示查禁并飭洋務局照會總教士查辦外，應請貴署咨會

德使，電致總教士約束教民，方免後患。特電聞。○○謹肅。寒。印。

(山東巡撫衙門檔)

四〇五 汪望庚爲濟寧查無聚衆鬧教事覆毓賢電

光緒二十五年八月十四日(一八九九年九月十八日)

濟南。撫憲鈞鑒：元電諭恭悉。遵查卑屬近幸靜謐，教堂均安。鄰境亦未聞土匪聚處。望庚叩。寒。

(山東巡撫衙門檔)

四〇六 毓賢爲已留馬隊駐兗屬事覆陳榮倫電

光緒二十五年八月十五日(一八九九年九月十九日)

阿城送陽穀。陳大令覽：庚電未到，侵電悉。凡事務宜鎮靜。昨已准彭道稟留林提督馬隊，有事應稟商彭道可也。遇事速稟爲要。○○。刪。印。

(山東巡撫衙門檔)

四〇七 裕祿爲德州聚衆將燒教堂希飭查明彈壓事致毓賢電

光緒二十五年八月十五日(一八九九年九月十九日)

濟南。毓佐帥鑒：頃接駐津美領事若士得函稱，接山東德州公理教堂來電，本處土棍聚有多人，要將教堂焚燒，刻即要滋大事，請該領事趕緊函致北洋大臣，速電請山東撫台，派該處武官帶兵彈壓。等情。請查照速電致山東撫台辦理。等語。所稱是否屬實？希即迅飭該地方官查明，妥為彈壓，勿致滋生事端為要。祿。刪。印。

（山東巡撫衙門檔）

四〇八 裕祿為德州城郊已有拆堂情事請速飭彈壓事致毓賢電

光緒二十五年八月十五日（一八九九年九月十九日）

急。濟南。撫台毓佐帥鑒：前電當已邀覽。頃又據美領事函稱，又接據德州公理教堂來電，現經該處土棍將看墳莊教堂業已拆完，看墳莊離德州城二十餘里。今晚尚要拆龐家莊教堂，龐家莊離德州城五十餘里。請迅速電致派兵保護龐家莊教堂，此教堂並有許多洋人居住。等情。請速電致山東巡撫，迅速辦理。等語。再電達，祈即迅速飭屬彈壓保護為要。祿。刪。印。

（山東巡撫衙門檔）

四〇九 總署為平原縣有無焚搶教堂情事希飭查明保護事致毓賢電

光緒二十五年八月十六日（一八九九年九月二十日）

濟南。山東巡撫：法使函稱，濟南馬主教電稱，平原縣及沖處教民地方均被焚搶，並殺斃教民一

名。等語。有無其事？希查明保護，並電覆。諫。印。

（山東巡撫衙門檔）

附錄：法使爲山東平原縣焚搶教堂希即保護事致總署函

※一八九九年九月二十日（光緒二十五年八月十六日）

頃准山東濟南主教馬來電，內稱：在平原縣及五處教民地方，均被焚毀、搶掠，殺斃教民一人，危險甚大。該省大吏不辦。等語前來。本大臣相應據電函請貴王大臣，迅即飭令該管官員妥爲彈壓，加意保護平靖爲要。

（總理各國事務衙門檔）

四一〇 毓賢爲並未拒見教士事覆總署電

光緒二十五年八月十六日（一八九九年九月二十日）

北京。總署鈞鑒：亥昨奉鹽電敬悉。安主教來時自應接見，可派員專議教事，於事體兩便等諭，足徵洞鑒其中情僞，剛柔相濟，以存國體，佩服萬分。惟昨有法教士傅天德派人持帖，有欲來見之語，祇以近日腹大瀉實告，並非拒絕。特電聞。○○謹肅。銑。印。

（山東巡撫衙門檔）

四一一 毓賢爲著即查明有無拆毀德州城郊教堂事致宋森陸電

光緒二十五年八月十六日（一八九九年九月二十日）

德州。宋刺史覽：昨晚連接直督兩電，據稱，該州土棍將看墳莊教堂拆完，又要拆龐家莊教堂，此堂多住洋人。等語。尊處應即會營彈壓保護，並速查明電復爲要。○○。銑。印。

（山東巡撫衙門檔）

四一二 毓賢爲德州城郊教案已飭查辦事覆裕祿電

光緒二十五年八月十六日（一八九九年九月二十日）

天津。裕壽帥台鑒：連接兩刪電。當即電飭德州宋牧立即會營彈壓保護。俟查明有無情形再電復。○○。銑。印。

（山東巡撫衙門檔）

四一三 宋森陸爲已派人往查並會營保護教堂事覆毓賢電

光緒二十五年八月十六日（一八九九年九月二十日）

濟南。撫憲鑒：電諭謹悉。看墳莊不知何境，現未聞有拆堂事。已火速派人往查，並會營彈壓。

容查明再覆。森稟。

(山東巡撫衙門檔)

四一四 毓賢爲濟寧安靜並德州城郊教案已飭查覆事致總署電

光緒二十五年八月十六日(一八九九年九月二十日)

北京。總署鈞鑒：亥文電稱，省西有土匪，已電飭濟甯查復，十二先行電達。茲據汪牧復稱，近日教堂安靜，鄰境亦無土匪。惟昨接直督電稱，德州土棍將看墳莊教堂拆完。當即電飭德州查復。茲據宋牧電復稱，看墳莊不知何境，未聞有拆堂事，已火速派人往查，並會營彈壓。等因。均電聞。○○。銑。印。

(山東巡撫衙門檔)

四一五 毓賢爲已查明係平原董路口教民房屋被拆事覆總署電

光緒二十五年八月十七日(一八九九年九月二十一日)

北京。總署鈞鑒：亥二銑電諒覽。茲據德州宋牧復電稱，本月十三，平原董路口教民被直、東各縣土棍拆毀數家，距平原之看墳莊甚近。州境向無教堂，脅從者有亦無多，容查名姓緝究。龐家莊屬恩縣，即飭該縣保護。再電聞。○○。篠。印。

(山東巡撫衙門檔)

四一六 毓賢爲已查明係平原董路口教民房屋被拆事覆裕祿電

光緒二十五年八月十七日（一八九九年九月二十一日）

天津。制台裕壽帥鑒：據德州宋牧復電稱，本月十三，平原董路口教民被直、東各縣土棍拆毀數家，距平原之看墳莊甚近。州境向無教堂，脅從者有亦無多，容查名姓緝究。龐家莊屬恩縣，即飭該縣保護。再電聞。○○。篠。印。

（山東巡撫衙門檔）

四一七 裕祿爲美領事請濟南撥兵保護恩縣教堂事致毓賢電

※光緒二十五年八月十九日（一八九九年九月二十三日）

濟南。毓佐帥鑒：頃據美國若領事來函稱，接山東德州公理教堂電，德州、恩縣、龐家莊、看墳莊四處，今較前日，雜亂尤甚。現在只見華兵四十名，不足彈壓需用。仍祈函請北洋大臣電致山東巡撫，速由濟南府調撥三百兵至龐家莊保護教堂，再調兩哨兵丁至恩縣保護教堂。現時德州地面華兵無有，只好由濟南府調撥。等情。請即電致山東撫院辦理。等語。特此電達，即希查酌辦理，並祈電覆爲荷。祿。嘯。印。

（山東巡撫衙門檔）

四一八 總署爲濟寧教民滋擾請飭總教士約束事致德使照會

光緒二十五年八月十九日（一八九九年九月二十三日）

光緒二十五年八月十五日，准山東巡撫電稱：濟、嘉、汶一帶前有拳匪報復鬧教，業派提督、副將帶隊分路彈壓，並先後遍貼告示。嗣經拿獲匪首懲辦，該拳匪亦各解散。並令各莊長出具安分切結在案。茲據地方文武稟稱，汶境邵家樓教民邵心昌，糾衆強架趙二，訛去京錢八十千文。嘉、汶、鄆、鉅接壤之區，教民聚衆，或六、七十人，或二、三百人，各持洋槍、刀矛，以查拿拳匪爲名，竟將汶境賀家莊民賀正端、閻家莊民間永茂各家財物搶掠一空，又將其毆傷，並見網縛一人，稱係拳匪，送交濟寧總教士懲辦。等語。是地方官方將拳匪懲辦，以靖地方；卽有匪徒，該教民亦應稟明地方官詳查明確，會營拿辦。乃該教民竟至糾衆，擅網、訛錢、毆人，勢必激成變故，轉致匪徒得以藉口滋事。應請照會德國駐京大臣電飭總教士約束教民。等因。

本衙門查東省拳匪滋事，迭經本衙門電咨該省嚴拿懲辦，並照復貴大臣各在案。該撫撥派營隊，廣貼告示，獲有著名匪犯按律治罪，辦理極爲認真。該處教民亦應各安本分，恪守教規。乃竟糾衆持械，肆行搶掠，以致民教不能相安，實屬目無法紀。

除由地方官查明懲辦外，應請貴大臣迅卽電飭總教士，剴切勸導，嚴加約束，切勿袒護，致長刁風。並將此次藉端搶掠之教民，按照約章聽憑地方官懲治。嗣後遇有真正匪徒，止應由該教民呈報

地方官查明捕拿，不得擅行緝交教士，激成鉅患。

爲此照會貴大臣查明辦理，仍照復本衙門爲要。

（總理各國事務衙門檔）

附錄：德使爲請東撫面見安治泰商結教案事致總署照會〔一〕

※一八九九年九月二十六日（光緒二十五年八月二十二日）

光緒二十五年八月十九日，接准照會，內開：八月十五日，准山東巡撫電稱各節。本大臣披閱之餘，借悉該省內滋事仍未平安。至於所稱教民聚衆持械等語，是否屬實，本大臣現在無憑可據。如果屬實情，不能不設想教民如此肆行，必因始而平民遠理攻擊教民之際，該撫以及地方官並不禁止，均以袖手傍觀之故。然惟思教民聚衆持械，若非以自保其身，則所爲亦屬違法。該教士自應嚴加約束。

茲查本大臣前在貴署業已當面提及，安主教現擬親赴山東省城面謁巡撫。除已電知安主教，囑其以此事面商，並將其餘未結各教案和衷商議，妥爲辦結外，相應照會貴署轉致該巡撫知悉查照。務責成其以未結各教案，與安主教妥爲商結。設若該撫藉端避而不見，即可顯見伊所稱者均屬空言，於民教相安一事，毫不介意也。

爲此照會，即請見復爲要。須至照會者。

（總理各國事務衙門檔）

〔一〕此件因無相應之清方正件，而內容與前件有關，故附於此。

四一九 毓賢爲平原縣民教齟齬已隨時處理事覆總署電

光緒二十五年八月二十日（一八九九年九月二十四日）

北京。總署鈞鑒：亥前奉諫電，當卽轉電平原縣查辦。茲據復稱，平原現無焚殺教堂事，前因民教齟齬，隨時處了。等語。特電聞。○○。印。

（山東巡撫衙門檔）

四二〇 裕祿爲美領事請東撫派兵赴平原縣彈壓事致毓賢電

光緒二十五年八月二十一日（一八九九年九月二十五日）

濟南。撫台毓佐帥鑒：頃接美國若領事函稱，據德州公理會教堂來電稟稱，現在恩縣地方微見平定，並所派兵弁亦認真彈壓。惟平原縣地方仍然雜亂。請再電致山東巡撫，亦派兵弁在該地方彈壓爲妥。等因。前來。相應函請電致山東巡撫。等語。用特電達，卽希查照酌辦。祿。馬。印。

（山東巡撫衙門檔）

四二一 毓賢爲兗濟教民滋擾請德使選派公正主教學咨呈總署文

※光緒二十五年八月二十一日（一八九九年九月二十五日）

照得拳民鬧教，業經派隊分路彈壓，飭屬懲首解從，民教冀可安靜。乃昨據林提督、汶上縣連次來稟，該教民恃有護符，網人擅送，肆毆、勒訛。當即電達貴署在案。

茲據署兗州府知府洪用舟稟稱：卑府近日訪聞汶上縣有民人趙姓，被教民網送濟寧教堂勒罰錢文情事，正在派人密查，並函會駐紮該縣濟字營宋哨官清泰查覆間。旋據汶上縣錫令稟稱，以晤林提督，哨官尹裕水述及途遇教民聚至百十人，網縛一人，由縣境行走。詢及情由，據稱，係辦紅拳會，拿獲送往濟寧州教堂，交總教士辦理。等語。又邵家樓教民邵心昌，亦糾領多人，強架趙二，勒訛京錢八十千文。又架閣勸未獲，將其父閣永茂毆傷，經人處說了事。各等情。並據宋哨官清泰覆稱，遣人到賀家莊，將被架之趙光成喚至營中，問其前事情形。據趙光成聲稱，洋教人院搶掠一空，將伊子趙二帶至濟寧教堂，兩手鐵銬，拴在槐樹三日。經張合休、徐秉海等說合，罰京錢一百二十千，釋放回家。團、莊長趙學林、賀鳴鑾等看伊作難，減去四十千，仍罰八十千，限初十交價，現未過付。等語。具覆前來。

卑府接閱之下，不勝駭異。伏查民教不和，已成兩不相下之勢。衅端迭起，辦理為難。始則刀匪橫行，繼則拳會滋擾。即如前次汶上鬧教一案，蒙憲台派委林提督帶領馬隊前往彈壓，卑府並親赴該縣剴切勸解，出示曉諭，幸未滋事。嗣由嘉祥拿獲會首陳兆舉，解蒙本道訊明正法。壽張擊斃會匪數十，生擒多名。滋陽、寧陽亦緝獲十數名。月前兗州主教德華盛單開汶上教民被擾案件多起，呈交卑府，雖事不盡實，亦經卑府嚴飭該縣查明速辦。凡此辦理之嚴，無非為保護教民起見。乃近來會勢甫平，而教勢又起，聚眾訛索，自啟衅端。當教民等將趙二網至教堂之時，教士不能約束禁止，方且加以

鐵鎊三日之久，始行釋放。教士無刑訊之責，何得擅用鐵鎊？主教亦置若罔聞，所謂勸人爲善之意何在？衆情疑慮，能不洶洶；結怨愈深，報復愈慘。設一旦羣起而攻之，不但刀會、拳會之紛紜，恐情形尚有不堪設想者。伏讀歷次諭旨，凡遇交涉事件，一則曰持平辦理，再則曰妥爲保護。今教士勒罰錢文，則辦理不得謂持平，萬一激生他變，則衆怒難犯，地方官雖欲保護，將不可得。卑府揣時度勢，不得不鯁鯁過慮。合無仰懇憲台咨明總理衙門，照會德使，遴選明白公正、通達事理之總教士，在於兗州、濟寧等處教堂主持教務，庶可以束約教民，而消弭禍亂。是否有當，理合稟請查核批示祇遵。等因前來。

查民教滋事，始於教民欺人。而受欺太甚者，遂入拳會以圖復讐，並有外來拳匪，因此滋事。嗣經地方官會營拿辦，會民亦遂解散。卽偶有匪徒，該教民亦當稟明地方官懲治。乃竟擅網毆勒，故態復萌。則是地方官竭力保教，該教民轉目無官長，設至激成變故，咎將誰歸？

合應咨明。爲此咨呈貴署查照，並請照會德使，遴選公正持平之主教，在兗州、濟寧等處主持教務，約束教民，庶可消弭後患。盼切施行。

（總理各國事務衙門檔）

四二二 毓賢爲平原縣民教訴訟業已了結事咨呈總署文

光緒二十五年八月二十一日（一八九九年九月二十五日）

兵部侍郎兼都察院右副都御史·總理各國事務大臣·巡撫山東等處地方·督理營田兼提督銜節

制全省軍務兼理鹽政毓爲咨明事。

前准貴署諫電，當卽轉電平原縣查復。業經據復電達貴署在案。茲於八月二十日，據署平原縣蔣楷稟稱：光緒二十五年八月十七日巳刻，奉憲台電開，以准法國使臣電稱，卑縣境內有焚搶教堂、殺斃教民一名情事，飭卽查明稟覆。等因。當因事無實據先行電覆，並聲明餘事另行覆陳在案。

查卑縣並無西式教堂，教民不多。前蒙檄飭，以據馬主教天恩函稱，卑縣教民被搶。經卑職詳查控案，並敘明先後辦理情形，據實具覆。此外檢查並無呈報別案。惟有本月初七日，教民王付有以糾搶逞刁等詞呈控王朋玉等一案，呈內聲敘伊與鄉里向來和睦。八月初六日，鄰人王朋玉因與伊家素有訟嫌，致與伊父王明口角相毆，並被毀壞器物。現伊父年老受傷，不能動移，請傳訊究辦。等情。正在前往查勘間，復據王付有以伊父年紀過大，與王朋玉爭吵後痰壅氣閉身死等情，報經卑職親詣驗訊。及到彼處，王付有攔稱，伊父王明實未受有傷痕，死由老病氣閉。現已備辦棺衾，情願自行收殮，控案聽人調處，懇求免驗前來。卑職因控情先後大不相侔，且牽涉民教，若含糊了結，必至別生枝節，雖允予免驗，仍親到屍旁詳細查看。已死王明年逾八十，實因年老氣閉，並未受有傷痕。王付有家亦無搶毀器具痕迹。當場取具屍親人等甘結，屍令棺殮。一面傳集原、被人等，訊明起衅委因口角數語，並無別項重情。原呈所稱搶毀各節，既未勘有確據，事屬恍惚，不足深憑。卽傳諭里長、地方，妥爲處理，毋令釀訟。

卑職回署後，卽據鄉長曹玉堂、王宗禹等聯名公懇，以王明與王朋玉同莊素好，卽偶因細故口角，

亦屬事所常有，斷不至因此傷生，其死實因於老病。王付有出頭控告，因父子天性迫切所致，事後即當面說明，並經伊等安慰調理，王付有情願不訟；王朋玉亦不欲因此積嫌，已好言認過，兩造均無異議，請恩銷案。等情。具稟到縣。卑職以案情本極尋常，王朋玉固未糾衆搶毆，即王付有人尚老實，亦非有心刁告，故意尋仇。既已兩造心允，又經曹玉堂等於中處說，可了則了，免使拖延日久，節外生枝。隨復當堂分取切結，立將人證分別省釋完案各在卷。此外並未別開衅端，亦無搶擾報案可稽。

此次法使電詢，若因此案而起，則係傳聞異詞。惟民教尋嫌，已非一日，稍有觸礙，變態叢生。彼族每思張大其詞，以資恫喝。卑職身任地方，責有攸歸，惟有遇事仰體憲意，酌量從速經理，以免生衅而防未然。

除隨時開導解釋外，緣奉電飭，用將查明並無搶殺教民案據緣由，馳稟察核。等因。到本部院。

據此，查民教生衅，總因教士偏聽教民，教民倚仗教士，往往借細故以誣平民。而主教又不察虛實，動輒張大其詞，電陳貴署，肆口恫喝。本部院惟有督飭地方官，遇事速了，不分民教，持平辦理而已。

除稟批示外，相應咨明。爲此咨呈貴署，請煩查照，並請照會法使轉電東省教士，嗣後遇有教事，務宜察核虛實，勿庸輕聽教民，以免是非失實。望切施行。須至咨呈者。

右咨欽命總理各國事務衙門。

四二三 黃亮臣爲拳民來朝城縣鬧教請派隊彈壓事致毓賢電

※光緒二十五年八月二十二日（一八九九年九月二十六日）

濟南。毓大帥鑒：八月二十日，忽來匪徒二百餘人，與教民爲難。調團不敵，懇迅撥隊彈壓，以靖地方。二十一日肅。朝城縣黃亮臣稟。

（山東巡撫衙門檔）

四二四 毓賢爲飭即撥隊赴朝城縣彈壓事致龍殿揚電

光緒二十五年八月二十二日（一八九九年九月二十六日）

曹縣送曹州。龍鎮台鑒：頃據朝城黃令電稱，匪徒百餘人與教民爲難，調團不敵，懇請派隊。希卽迅速撥隊彈壓，以靖地方。尤須嚴飭哨弁，不准猛浪生事。○○。養。印。

（山東巡撫衙門檔）

四二五 總署爲德使請東撫接見主教面商教案事致毓賢電

光緒二十五年八月二十三日（一八九九年九月二十七日）

濟南。山東巡撫：寒電教民糾衆，當卽照會德使。頃據覆稱，如果屬實，教士自應嚴加約束。已電

囑安主教晉省與貴撫面商，並妥議未結各案，務必接見。等語。至接見後另派員詳商教事一節，前告海使，並無異詞。並聞。漾。印。

(山東巡撫衙門檔)

四二六 毓賢爲安治泰晉省業已接見事覆總署電

光緒二十五年八月二十四日(一八九九年九月二十八日)

北京。總署鈞鑒：亥漾電敬悉。安主教二十三晉省，業經接見，商議彈壓。特電復。○○謹肅。敬。印。

(山東巡撫衙門檔)

四二七 毓賢爲平原縣民教口角業早了結事覆裕祿電

光緒二十五年八月二十四日(一八九九年九月二十八日)

天津。裕壽帥台鑒：嘯、馬電均悉。承囑平原地方雜亂等因，自應照辦。查據平原縣稟復，焚殺實無其事。惟前教民與平民細故口角，伊父年老病斃，飾詞誣控，業早處了。○○謹復。敬。印。

(山東巡撫衙門檔)

四二八 彭虞孫致總署某員函

※光緒二十五年八月二十六日(一八九九年九月三十日)

據嘉祥縣稟報，拿獲首犯陳兆舉一名，由該管知州押解前來。兄親提研鞫，供詞狡展，尚未定讞。從此擒厥渠魁，彼族無可藉口，解散脅從，事機較爲順手耳。並以附聞。外附清摺一扣。

(總理各國事務衙門檔)

附件：彭虞孫呈東省民教衝突始末及籌辦情形節略

照錄節略。謹將東省兗、沂、曹、濟各屬民教起衅始末及籌辦情形，開呈節畧，郵呈垂覽，以備採擇。

竊維兗、沂、曹、濟三府一州，民俗囂凌，幅員遼闊，而曹屬號稱盜藪。光緒十七年，德國主教安治泰來東傳教時，虞孫忝牧濟寧，該州人心浮動。所有城鄉教堂數處，遵照約章實力保護，屢頒條教，三令五申。間有鼠雀之爭，一經涉訟公庭，立予持平剖斷。良以教民、平民疇非赤子，仰體朝廷懷柔遠人、敦睦友邦之意，雖畛域未能盡化，而地方尚屬相安。

亡何二十三年冬間，曹州鉅野縣有殺斃洋人之事。此案結後，教堂日增，教民日衆，教燄亦日熾。近年民教中構隙甚微，頓成冰炭。詰其肇衅之始，由於議罰而起。民人之奉教也，該堂向給蘆席一床，爲跪經之具。嗣與平民口角，小忿輒罰蘆席若干。因其所值甚微，惟命是遵，隱忍未較。既而變本加厲，視民之易與也。又改蘆席爲筵席，改筵席爲折席。自折席之議興，慾壑難盈，則數十千、數百千，甚有數千千者，不饜其欲則不止，民怨日滋。夫鄉曲間排難解紛，杯酒合歡，風猶近古。初罰筵席，民尚

曲從。其最難堪者，挾教士威勢凌轢平民，莫甚於跪獻一事。相傳該教罰席，就堂內設筵，羣飲聚譁，命儔嘯侶。責令罰主親到，如承大祭，每進一食，須令跪獻，門外鼓吹鳴砲，俾衆周知。在一鄉、一社之中，大都聚族而居。若卑幼入教，尊長得罪議罰，則卑幼儼然座客，尊長儼若階囚。怨毒結於人心，羞惡根於天性。此等舉動，教士匪惟不禁，反從而縱之，欣欣以逞強自詡。其招侮之由，實基於此。民間蓄仇忍辱，鬱遏未伸，萬衆一心，待機而發。此紅拳等會之所由起也。

曹州大刀會由來已久。惡其名不雅馴，改稱紅拳、義合、訣字、紅門等會，名目繁多，練習技藝。其術以立誓盟神，不貪子女、財帛，吞符念咒能辟槍砲刀兵爲炫人要訣。文詞鄙俚，荒誕不經。陽謂自衛身家，陰實尋教構絆，各屬隨地傳習與村塾同，惟其淺近易學，故能煽惑愚民，捷如桴鼓。維時有豐縣莠民邵士宣、鉅野革勇陳兆舉爲首，一倡百和，勾結日衆，兗、曹、濟表延千里，聞風嚮應。

時奉文舉辦團練，當軸趨其義舉。不加深察，一視同仁，意謂厲兵於農，正可備禦侮之選，故有練習技勇、保衛身家例所不禁之示。小人得逞其志，何所憚而不爲？地方官諱莫如深，揣摩風氣。積年之巨奸大慝，難保不溷跡其中，良莠不齊，真僞莫辨。不知安分習藝者，百中之二、三，大率無業游民，依草附木，藉訛教爲魚餌，恃人會爲護符，藐法營私，漸不可長。始則三五結黨，繼則百十成羣，持械橫行，如獸走壙。藉口尋教洩憤，而市井烏合，勢不能朽腹相從，浸假而強借苛斂矣，浸假而架人勒贖矣，浸假而焚掠搶奪矣。此亂兆也，識者憂之。甚至教民逃空，則誣良民藏匿，居則供酒食，行則索餼糧，是教罹其殃，民亦被累。更有教民挾嫌，暗結拳會以傾害同類圖洩私恨者。譁張爲幻，莫可究詰；種種

行徑，類皆盜賊所爲。

虞孫累次上書，瀝陳利害。現雖調營鎮懾，意在散脅擒渠。無如地廣兵單，兵進則颺，兵退復聚。操之過急，必激成變端；聽其蔓延，將燎原莫治。涓涓不塞終成江河，誰生厲階至今爲梗？誠恐今日隱患不在外侮而在內訌。此賈誼所謂痛哭流涕而長太息也。虞孫忝巡斯土，慨念時艱，事在轄圍之中，責無旁貸。乃官場積習以迎合爲工，大府之意見參差，僚屬之奉行泄沓，上下扞格，雖唇焦舌敝而天聽彌高，誰爲叩九閭而上訴也。此一腔孤憤有不能已於言者。

至該主教安治泰蠱目豺聲，居心叵測；其副主教德華盛、福若瑟輩類皆助紂爲虐，狡譎貪婪。方事之殷也，日與都門、青島，密電絡繹，聲息暗通。側聞安治泰又潛入京師，難保不熒惑簸弄，聳其駐京公使詰問總署，甚至恣意要挾，妄生覬覦。須知肇衅之端，其曲在彼，公論具在。斷當以口舌爭者，是在折衝樽俎之才，相機辯駁，有以餒其貪志而杜其狡謀，則東省交涉之事庶有豸乎？

不揣猥瑣，披拾見聞，謹開節畧如左。

（總理各國事務衙門檔）

四二九 楊昭程爲外來拳會聚衆乞定奪事致毓賢電

※光緒二十五年八月二十七日（一八九九年十月一日）

濟南。毓大帥鑒：念五突外來匪類，聚衆專與教民爲難，調團不敵，無法，乞電奪。莘縣楊昭程稟。

（山東巡撫衙門檔）

四三〇 毓賢屬飭派隊赴莘縣分別查辦事致龍殿揚電

光緒二十五年八月二十七日（一八九九年十月一日）

曹縣送曹州。龍鎮台鑒：接莘縣電稱，念五突來匪類，與教爲難。等語。希貴鎮作速派隊彈壓保護。訪查確係盜匪，自應嚴拿；倘係向教民報復前仇，只吵鬧一番，並無搶掠重情者，當分別勸諭解散。若一概拿辦，仍恐結仇更深，轉於教民大無益也。○○。沁。印。

（山東巡撫衙門檔）

四三一 毓賢屬已派隊赴莘縣彈壓保護事覆楊昭程電

光緒二十五年八月二十七日（一八九九年十月一日）

阿城送莘縣。楊令覽：來電悉。已電曹鎮派隊彈壓保護矣。○○。沁。印。

（山東巡撫衙門檔）

四三二 毓賢屬平原縣教案已了與德州無涉事咨呈總署文

光緒二十五年八月二十七日（一八九九年十月一日）

兵部侍郎兼都察院右副都御史·總理各國事務大臣·巡撫山東等處地方·督理營田兼提督銜節

制全省軍務兼理鹽政毓爲咨明事。

照得前奉諫電，當將平原縣稟咨達貴署在案。茲據德州宋牧稟稱：竊八月十六日午刻，奉憲台電諭，昨晚連接直督兩電稱，卑州土棍將看墳莊教堂拆完，又要拆龐家莊教堂，此堂多住洋人。等語。飭卽會營彈壓保護，查明電覆。等因。

蒙此，當查卑境向無各國教堂，亦無看墳、龐家等名村莊，又未聞有拆堂之事。卽刻以看墳莊不知在何處，現未聞拆堂事，已火速派人往查，並會營彈壓，容查明再覆。等情電稟。一面派人分赴四路確查，並抄錄電諭函會平原、恩縣、直隸吳橋、故城、景州各隣封查覆去後。

旋據派查南路之人，以查得看墳莊係平原縣管轄，與卑境雙廟莊毗連。看墳莊有耶蘇學堂民房三間，完整如舊，並無拆毀情事。惟距該莊四里，亦係平原境之董路口莊，教民董姓、蕭姓等家，于本月十三日，被同莊仇人勾結外境土棍，砸毀門窗、器具。董姓等先期聞信，將鎰重衣物預爲運出，並未失少。又查得龐家莊係恩縣管轄，距卑州邊境甜水舖二十里。龐家莊有美國教堂一所，堂內有男教士一名，女教士三口，又有平原教民董姓在彼躲避。該教士惑於董姓之言，驚慌失措，並誤聞卑州有防營駐紮，可以就近撥護，故托言州境土棍，一再電達。其實均與卑州無涉。等情稟覆。卑職覆查無異。復於是日亥刻，以查得本月十三日，平原境董路口莊教民，被直、東各縣土棍拆毀數家，距該縣看墳莊最近。州境向無教堂，脅從者有亦不多，容查名姓緝究，已會營彈壓。龐家莊屬恩縣，請飭其保護。等情。電稟憲臺鑒察。一面派令勇隊二十名、壯捕二十名，馳赴恩縣龐家莊共相保護。茲准直隸吳橋、

故城、景州均以查無其事。恩縣以已會營彈壓，並稟蒙憲臺准派馬隊一哨，前來保護，現均無事。平原縣以已將滋事之蕭重獲案嚴押，俟傳到教民蕭彥等持平酌理，即可了結。各等因。先後函覆前來。

是此案衅起平原，已將滋事之人拿獲。隣境恩縣業蒙派隊彈壓。該教堂以卑州為言，委由圖派勇隊就近防護所致。事與卑州無涉，已屬信而有徵。然近來時事多艱，人心叵測。曷敢以事不干己遽為畛域之分，境無教堂稍懈防閑之密。除由卑職隨時函商各隣封，於有教堂處所會哨彈壓，並仍查緝滋事脅從解究外，所有查明並無卑州土棍毀拆教堂緣由，理合詳細稟覆查核。等因。到本部院。

據此，查教民失事，動輒以小報大，以少報多，祇圖聳聽。本部院因事關交涉，首貴持平。已嚴飭各州縣隨時速了，並會營彈壓，一體查緝。除稟批示暨分咨直督外，相應咨明。為此咨呈貴署，煩為查照施行。須至咨呈者。

右咨呈欽命總理各國事務衙門。

(外務部檔)

四三三 毓賢為濟寧州並無大刀會鬧教事咨呈總署文

光緒二十五年八月二十九日(一八九九年十月三日)

兵部侍郎兼都察院右副都御史·總理各國事務大臣·巡撫山東等處地方·督理營田兼提督銜節制全省軍務兼理鹽政毓為咨明事。

案照八月十二日，據署濟寧州汪牧稟稱：本月初七未刻，接奉鈞電，以頃據福若瑟來面稱，安治泰囑其來說，濟寧城內教堂被大刀會圍困，欲行攻打，請速保護。等語。究竟現在有無其事？諭令卑職作速電覆，以憑轉達。等因。

蒙此，遵查拳會久散，地方安靜，圍困教堂之說毫無影響。當經電稟覆陳在案。適德華盛來署，卑職詢以此節是否有因。據稱，近日城鄉各教堂均甚安靜，委無別故，想係福若瑟訛傳。等語。伏思洋人以捕風捉影之情，作草木皆兵之狀，懷疑莫釋，自生驚恐，事未按實，遽即要求。卑職惟有隨時督飭勇役，嚴加防範，恪遵按約保護之意。理合稟覆鑒核。等情。到本部院。

據此，查教士草木皆兵，總由教民前此訛人，一聞謠言，自生疑懼。惟事關教案，不得不防患未然，轉飭保護。除稟批示外，相應咨明。爲此咨呈貴署查照施行。須至咨呈者。

右咨呈欽命總理各國事務衙門。

(外務部檔)

四三四 毓賢爲平原縣拳民歸入團練尚無尋仇事咨呈總署文

光緒二十五年九月初三日(一八九九年十月七日)

兵部侍郎兼都察院右副都御史·總理各國事務大臣·巡撫山東等處地方·督理營田兼提督銜節制全省軍務兼理鹽政毓爲咨明事。

現據署平原縣蔣楷稟稱：案蒙憲臺檄飭，以據馬主教天恩函稱，恩縣等處拳會欺壓教民，卑縣奉教者並有被搶之家。飭卽彈壓解散。等因。

蒙此，查卑境向有美國耶蘇、法國天主兩教，其教士分居恩縣、禹城等處，來縣境者每歲不過數次。奉教之民爲數不多，與平民亦無甚仇隙。本年五月間，教民魏鳳鳴等，以被搶牛、驢並毀壞器物各等情，呈控縣民張澤等到縣。卑職因牽涉教案，易生枝節，卽經親詣查辦，訊明所控毫無實據，亦無搶毀痕迹可尋。係因口角微衅，該教民等藉端添砌，逞刁控告，希圖抵制。卑職以事非重大，當傳同里、莊各長，出爲和解。維時天主教士高姓，因事來縣，與之當面明晰辨論，彼因教民無甚情理，亦無詞可藉。前案得以從善了結。自五月以後，民教兩無扞格，未聞別生衅端。

其所指拳會一節，前因外來拳師在境內誇衒技勇，鄉民年少無知，爲之欣動，約集人衆，學習拳棒，其意亦爲自相保衛。卑職查知前情，卽令強壯者歸入團練，仍不失爲各保身家；荏弱者恪守本分，自不致橫遭欺辱。一面親赴各該處，再三開導，民間漸知領會。第恐外匪煽動，遂復具稟請禁，當蒙允准施行。近來若輩頗知斂迹，抑民間各安生業，教民不相交涉，尚無尋仇搶鬧情事。馬教士所指教民搶掠多家，並無報案可稽，足見子虛烏有。現蒙憲示諭禁拳廠，詞嚴義正，洵足以醒聾瞶而發愚蒙。已經卑職各處張貼，此後民自爲民，教自爲教，彼此不相侵擾，卽所以杜隱患而息爭端。所有奉飭查明緣由，理合馳稟鑒核。等情。到本部院。

據此，查教民賴主教之勢，動輒誣控；主教信教民之言，動輒函電。一經地方官親詣查辦，盡屬子

虛，毫無證據。除稟批示外，相應咨明。爲此咨呈貴署查照，並希照會法使轉電馬主教天恩，嗣後遇事查實，勿輕聽教民誣告之言，率爾函電可也。須至咨呈者。

右咨呈欽命總理各國事務衙門。

(外務部檔)

四三五 總署爲鈔送法使所開平原縣拳首名單事咨毓賢文

光緒二十五年九月初五日(一八九九年十月九日)

平原縣等處教堂被毀一案，光緒二十五年八月二十日，准貴撫電稱：平原現無焚毀教堂情事，前因民教齟齬，隨時了結。等語。當經本衙門據電函復法國畢使在案。茲據該使三十日照稱：此案匪黨並未解散。將匪首名姓繕單附送。等因。相應鈔錄原照，連粘單一併咨行貴撫查核，仍聲復本衙門可也。

(總理各國事務衙門檔)

附件一：法使爲平原拳會毀教應即懲處事致總署照會

一八九九年十月四日(光緒二十五年八月三十日)

大法欽差全權大臣·駐劄中國京都總理本國事務畢爲照會事。

本年八月二十六日，接准函稱：據山東巡撫電稱，在平原縣現無新生事端，前因民教齟齬，業已隨時了結。等語。查該省官員等聲復，甚惜子虛。緣駐紮平原縣一帶傳教士天德至京面稱，該處情勢岌岌。但於十五日前，該教士擬前往平原，請縣派兵護送，彼復云，該城係匪徒伏藏之所，未便保護。等語。此回復足見該處並非平靖，在彼匪黨出沒，官員並未設法解散。又詫異匪徒共計三千名，但只擾害、搶掠教民，並言設若背教，即不擾亂。現有教民八十家口被其逼迫，受傷教民二十餘人，殺斃二名，焚毀教堂一所，拆毀兩所，並未補報。又傳教士經匪徒驅逐欲殺，不能回歸，教堂受危險甚重。因此務須嚴緝匪首懲處，以免滋患。

本大臣將匪首名姓繕寫附送，一併理應教民回歸原產，及賠補教堂。本大臣心忖貴王大臣必欲將山東迤北教堂擾亂之事即速消滅，並飭東撫遵照辦理可也。須至照會者。附粘單一紙。

右照會大清欽命總理各國事務王大臣。

(外務部檔)

附件二：法使所開平原縣鬧教拳首名單

恩縣拳黨名姓開列於後。所開匪黨名姓雖現在恩縣，而擾亂平原縣時均皆在內：

孫洛八 宋蘭亭 于存德 閔兆義 張岱峯 傅中寬 張保善 王永昌 張士傑 劉汾 趙卓
楊青連 高清兆 高雲堂 吳丙文 郭現有 李傅山 劉貴 馬登山 張洛五

行刺之人：

于穰苞 吳蠻子 宋 柱 郭其蘭 李太昌

平原境內被搶二十四莊，共四十八家，傷八名，死二名。內有重傷二名。

(外務部檔)

四三六 毓賢爲德礦師游歷已飭保護事覆青島德督電

光緒二十五年九月初八日(一八九九年十月十二日)

青島。德提督葉鑒：接庚電，藉悉總礦師赴莒州、沂州等處游歷，已飭屬加意保護矣。撫東使者
○。齊。印。

(山東巡撫衙門檔)

附錄：青島德督爲礦師游歷請飭保護事致毓賢電

一八九九年十月十二日(光緒二十五年九月初八日)

濟南。撫部院毓鑒：本署總礦師克爾佛擬日內由青島赴莒州後，赴沂州府等處游歷。除給照外，應請飛飭該各處員弁加意保護，勿任留難。德督葉。庚。印。

(山東巡撫衙門檔)

四三七 總署爲法使迭函請於平原等縣彈壓保護事咨統賢文

光緒二十五年九月十一日（一八九九年十月十五日）

光緒二十五年九月初三日，准法使函稱：平原等縣案，頃又准山東迤北馬主教來電，雖經拿獲匪徒數名，匪首仍未緝獲，地方不靖，復在在平縣殺斃教民一名。等語。應請速行山東巡撫，於平原、恩縣等處妥爲設法彈壓，保護平安。等因。

本衙門查平原一案，昨法使以匪黨並未解散，單列姓名照送到署。當於本月初五日，鈔錄咨行貴撫在案。茲於本月初七日，又准該使函稱：初六日據馬主教電，係屬莘縣，誤譯在平，足見該省匪勢日加蔓延。請咨山東巡撫迅卽妥爲設法，在於平原、恩縣、在平、莘縣等處平靖亂萌，以安教民。等語。相應再爲咨行貴撫查明酌核辦理，並聲復本衙門可也。

（總理各國事務衙門檔）

附錄一：法使爲請飭東撫於平原等縣保護事致總署函

一八九九年十月七日（光緒二十五年九月初三日）

逕啟者：日前將山東省平原等縣匪徒擾亂教民情形，照知貴衙門在案。頃又准山東迤北主教馬來電，內稱：雖經拿獲匪徒數名，未辦其罪；匪首仍未緝獲，地方不靖，復在在平縣殺斃教民一人。等

語。前來。本大臣據此，相應函請貴王大臣即速飭令東撫，在於平原、恩縣等處妥爲設法彈壓，保護平安爲要。 崑泐佈達。 順頌日祉。

(外務部檔)

附錄二：法使爲在平縣等處刀會糾衆事致總署函

一八九九年十月十日(光緒二十五年九月初六日)

逕啟者：頃接准山東迤北主教馬來電，內稱：在平縣劉日清糾約刀會二百名，搶掠教民十五家，傷二婦，罰錢數百千不息。等語前來。本大臣相應據電函請貴衙門即速飭知東省大吏，在於在平等縣妥爲迅速設法平靖，毋再滋釀重事爲要。 崑此。 順頌日祉。

(外務部檔)

附錄三：法使爲莘縣等處刀會蔓延事致總署函

一八九九年十月十一日(光緒二十五年九月初七日)

逕啟者：本月初六日，據山東馬主教來電，在在平縣糾約刀會二百名。等語。函知在案。今查悉係屬莘縣，電誤譯在平，足見該省匪勢日加蔓延之據。是以本大臣再行函達貴王大臣，務須嚴加飭令山東巡撫，迅即妥爲設法，在於平原、恩縣、在平、莘縣等處平靖亂萌，以安教民爲要。 順頌日祉。

(外務部檔)

四三八 毓賢爲革令陳公亮袒教抑民實無可原事致總署函

光緒二十五年九月十三日（一八九九年十月十七日）

謹肅者：毓賢七月中旬在查勘河工途次，接奉初九日發遞鈞函，并錄示德使往還函牘，備悉種切。當即飭委印委各員，將該革員陳公亮在任剛復自用之實在事迹查明聲覆去後。茲據署蘭山縣知縣楊耀林會同候補知縣趙炯稟稱：二十四年十一月初九，教民張廷標與平民郭藏因買花生口角細故，該革令即將郭藏訊責押斃。又十二月初九，教民萬方魁等呈控孫愍，該革令即將孫愍訊責押斃。二十五年正月二十，該革令訪聞孫門偷竊教民家衣物，遂傳責押斃。又二十五日，保長恐鬧教網送宋廣仁、宋鳳詔，該革令亦即重責押斃。以上四案，被押者有殊判可憑，責斃者有驗單足證。等因。

查民教互控，要在持平辦理。該革令不分案情輕重，一味嚴刑斃命，爲見好教民之計，幾至激成戕害巨衅。且查其近年以來，吏治既不講求，又復有乖職守。審理詞訟，擅用非刑；聽斷不公，民哭一路。其剛復自用，實在難以姑容。況向來參劾屬員，皆商之藩、臬兩司，並非一人之私見。此次參劾，實由該員辦事荒謬，民怨沸騰。若不將其參革，實無以講吏治而肅官常。

茲將該革令剛復妄爲之實在事迹詳細查明，實無可原之處。應請貴署察核轉致德使。專此肅覆。敬請鈞安。伏乞垂察。

毓賢謹肅。

（外務部檔）

附錄一：德使爲陳公亮辦事認真被革應予復職事致總署函

※一八九九年七月二十五日（光緒二十五年六月十八日）

茲接本國駐膠巡撫函稱：沂州府蘭山縣知縣陳公亮因厚待德國人，現被革職。等因。前來。本大臣查前在沂州府境內不靜之時，各地方官並無實力彈壓之人，惟有陳知縣一人認真辦理，屢次切實保護德國工程司及教士人等在案。該員如此所爲，無非分內應爲之事照約辦理，現即因此被議，本大臣聞之未免詫異。想陳知縣所得處分應行撤銷，設若不然，誠恐將來山東全省地方官仇視德國之心必大爲挑唆，或明露此心，或於有事之際袖手傍觀；所有願守約章之員，未免以陳知縣爲戒，將來不敢保護德國人，至兩國睦誼不能不見損。情形如此，陳知縣被議一節，不能不視爲特欲傷兩國和好之舉。因此該員應行回復原任，或另補他項缺分，方爲公道，並免議論紛紛。爲此專函佈達貴署，請即查照核辦，俾得明示於山東官員、紳士、軍民人等知悉，凡厚待德國人未必招禍於身，實爲兩便。此佈。順頌日祉。

（總理各國事務衙門檔）

附錄二：德使爲陳公亮被革一事應再加查看事致總署函

一八九九年十月九日（光緒二十五年九月初五日）

逕啟者：前因沂州府蘭山縣知縣陳公亮因厚待德國人參革一事，經本大臣於六月間函致貴署核

辦。嗣於六月二十日准復函，內言既據貴大臣函囑前因，即由本衙門咨詢山東巡撫，查看該革員陳公亮在任辦事，究竟有無可原之處，應由該撫再加查看。等因在案。茲閱本月初三日京報內載，毓賢片稱：蘭山縣知縣陳公亮參革遺缺。等語。似山東巡撫並未奉咨再加查看。本大臣相應再為函致貴署，請即令該巡撫查照貴署所囑辦理。因思去冬沂州府境內不靖之時，陳公亮認真辦理，切實保護德國工程司、教士人等，頗於兩國睦誼有益。該員以此建功，似亦足以抵銷其他過也。為此佈函，並頌日祉。

(外務部檔)

四三九 季桂芬為高密路標插竣事致毓賢等電

光緒二十五年九月十九日(一八九九年十月二十三日)

濟南。撫憲、各憲鈞鑒：高密密境未插標一律插竣，安謐無事。嘯接插昌邑。卑職桂芬稟。效。

(山東巡撫衙門檔)

四四〇 毓賢為福主教毆斃泰安縣民李二全事咨呈總署文

光緒二十五年九月二十日(一八九九年十月二十四日)

兵部侍郎兼都察院右副都御史·總理各國事務大臣·巡撫山東等處地方·督理營田兼提督銜節制全省軍務兼理鹽政毓為咨呈事。

光緒二十五年九月十八日，據泰安縣知縣朱鍾琪稟稱：敬稟者，竊卑縣民李二全被洋人毆傷身死一案，適在卑職公出期內，當經本府札委分府委員邵牧元瀚驗訊通報在案。當時犯遁無獲，未得主名，曾由邵牧於本城美國教堂查出西文姓名一紙，業經附稟聲敘。惟以譯音未定，未敢遽以爲憑。卑職公回後，卽日往晤該教士信爾利，悉心諮訪。該教士頗以民人慘死代爲不平。又經開具姓名，並告以其人住址向在沂州南關，此次卽是回沂。等語。惟其所開西文名姓，無從辨識。該教士不能譯准中音，未便相強。因倩精細妥友星夜馳赴沂州密查去後。旋又據信教士開來姓名一紙，謂前紙小有錯誤，此紙乃爲定音。正擬託人代譯，旋據遣出友人由沂查回，據云：起程後，卽按照德人行過日期並其僕馬車從之數，沿途查訪，知已回抵沂州。因卽到沂訪查，該處紳民已多有知其事者。周諮遍訪，互相印證，始知乘車過此者爲德國人傅士代，卽總教士福若瑟。土人皆稱爲傅大人。其跟隨洋兵二人，一名傅來得，一名倪沒奈，實有在途毆斃民人之事。彼曾自言不諱。畧無譌誤。等語。

卑職伏查此案，李二全因其父李繼山被洋人撞翻糧車壓倒，向前理論，竟被該洋人等羣毆致斃，其兄李大全亦身受鱗傷，實出情理之外。李二全年僅十五，跟隨父兄拉車，顯無別故，因與洋人理問，遂致橫逞兇頑。李繼山父子三人，老者六旬，弱者未冠，或傷或死，慘不忍言。業由卑職當堂給予京錢百千，先資埋葬。至此等兇徒，按之刑書卽當坐以故殺之罪，駢首不足蔽辜。而該洋人蔑視華民，竟敢狠毒至此。向章洋人游歷內地，必須請領執照，知會地方官以資保護。此次該洋人過境，既不知照，擅自馳驅；犯事後又不告明，逕自逸去。顯係故違條約，有意行強。幸而卑境民情向稱謹厚，設或當時激動公

憤，羣起相讐，於該洋人稍有不情，又不知將如何反噬。近與德人交涉教案，無不曲遂其求。今其於道途須臾之間，率斃一命，無禮逞兇，尤爲不法。情勢相較，孰重孰輕，民命所關，無分中外。按約責償，斷不能容該洋人置身事外。且此案兇頑情狀，衆目昭彰，雖局外如美教士等，亦皆同爲髮指。設不嚴懲重辦，不特外國聲名有礙，將以後地方官亦無從保護。卑職爲大局所繫，不敢稍從寬緩。茲既查訪得實，理合馳稟撫院查考。應如何按約與爭，嚴懲迅辦之處，伏候批示祇遵。謹將查訪得實情形，並教堂原開西文名姓單二件，及現訪名姓住址細單一件呈祈鑒核。等情。計鈔粘譯出西文姓名單等件。到院。

據此，查該縣民人李二全，被德國洋人在途毆斃一案，前據泰安分府委員·候補知州邵元瀚驗訊稟報，當經本部院於九月十三日，據情咨呈貴衙門核辦在案。茲據前情，查德教士福若瑟即傅士代，向在東省總司教務。因與跟隨洋人傳來得等在途疾馳車馬，撞翻民人李大全、李二全等糧食小車，復逞橫毆打李二全弟兄二人，一傷一死，殊出情理之外。人命至重，中外所同。自應認真辦理，以服人心。

除稟批示外，擬合咨呈。爲此咨呈貴衙門，謹請鑒核。迅賜查照前咨，一併照會德使，認真查明下手殺人之洋人，照約究辦。仍祈賜覆，望切施行。須至咨呈者。計鈔粘姓名年歲住址單、來信共二件。右咨呈欽命總理各國事務衙門。

附件：朱鐘琪呈美國教士來函並所開李案兇手名單

敬稟泰安縣朱大老爺大人閣下：電照昨日駕臨教堂，詢及德國人姓名，士當面稟明，但所稟之姓名音畧有錯訛。今日又從沂州府來客人，甚知其姓名之詳細。士隨卽問清，寫有紙片，請閱可也。專此佈啟。卽請升安。

美國傳道教士信爾利謹稟

正兇：德國人傅士代，在沂州府南關大街路東居住。

幫兇：德國人傅來得，年二十四歲，有鬚；倪沒奈，年二十三歲，無鬚。

(外務部檔)

四四一 毓賢爲請商德使調換教士事咨呈總署文

※光緒二十五年九月二十一日(一八九九年十月二十五日)

竊照拳民甫經解散，而教民轉聚衆拿人，曾於八月中據汶上縣錫令稟電達貴署。旋據署兗州府知府洪守稟，備經咨呈貴署查核在案。茲又據兗沂曹濟道彭道稟，據兗州府洪守稟同前因。並稱：職道查前獲匪首陳兆舉訊明正法以後，兗、濟一帶已漸安靖。旋聞汶上教民有聚衆拿人情事，正札飭查覆間，據汶上縣錫令稟報前情。職道當卽據稟函致教士德華盛，囑其將教民網送濟寧教堂之人迅卽交

出，由地方官辦理。並嚴飭教民毋得聚衆，擅自拿人緝送教堂勒罰，致激衆怒，再起衅端。

茲接覆函，以前因汶上坡南稍靖，教堂中令習教人男女大小九十餘口回家安業。於靳家莊相近地方，見習教人邵心昌被閩勸邀同賀家莊趙二等數人追趕，遂即奮然迎護，其黨分竄。惟獲趙二一人，拘送教堂。當以出門拿人於教務大無利益，將習教人嚴行訓斥，派人知會賀家莊首事賀明鑾等，將趙二保出領回，立有不再滋事字據，並無罰錢之事。等情。職道查德華盛所稱各節，顯係因事已經人據〔處〕說了結，任意狡辯。雖云嚴斥教民，仍恐不能認真約束，再滋事端。可否札飭各州縣會同防營，嗣後倘查有聚衆滋擾之人，不論民教，概行拿辦，以儆效尤而弭後患。伏候示遵。

再，職道春間兩次赴沂查辦教案，細訪民教不和之故，始由教民欺壓平民，往往以睚眦細故罰錢文、罰酒席，教士不爲禁止，又從而袒護之。以致民間積怨成忿，此響彼應，相率復仇。究、曹、濟情形亦復相同。職道每於接晤教士時，反覆勸導，舌敝唇焦，冀其省悟。並迭飭各州縣遇事持平辦理，以期消患未萌。無如總司鐸中如沂屬之布恩溥跋扈任性，濟屬之德華盛固執自是，俱聽教民慫恿之詞，干預民教涉訟之事，不遵約章，不嚴教規。若不設法撤去，另選明白公正之人主持教務，誠恐民教相仇，釀成巨患。雖地方官竭力保護，亦慮防不勝防。合無懇請咨明總理衙門酌辦之處，理合稟請察核。等因。到本部院。

據此，查明〔民〕教不和之故，始由教民倚勢勒罰平民錢文，教士不卽禁止，反爲袒護。如沂屬教士布恩溥跋扈任性，濟寧屬教士德華盛固執自是，俱聽教民慫恿之詞，干預民教涉訟之事，不遵約章。若

不設法撤去，恐民教相仇，地方官雖欲保護，亦慮防不勝防。

除稟批示外，擬合咨明。爲此咨呈貴署，謹請查照，咨會德使將教士布恩溥、德華盛撤去，另選明白公正之人主持教務，不得干預地方公事。并嗣後查有聚衆滋鬧之人，不論民教，概由地方官查辦，始得持平辦理，以弭後患而靖地方，與教務亦大有裨益。望切施行。

（總理各國事務衙門檔）

四四二 毓賢爲章邱縣各教案業已妥爲斷理事咨呈總署文

※光緒二十五年九月二十一日（一八九九年十月二十五日）

案據章邱縣知縣楊學淵稟稱：案蒙洋務局排單二百里札，以奉撫院札，以據法主教馬天恩函稱，恩縣等處有大刀會人恃衆滅教，章邱等縣均有教案未結，請飭分別查辦。等情。行令妥速辦結，設法解散。等因。

遵查卑縣尚無大刀會向教民滋擾情事。惟前有金盤、十字口、西姚、侯家等莊民教交涉各案，迭據馬主教函致洋務局札飭查辦。即經分別斷理，次第辦結，開摺稟呈洋務局查核。內惟十字口莊教民王見桂與焦昭貴交涉一案，係飭莊長、地保秉公和解。其金盤莊教民張振明與張永貞，西姚莊教民王存道等與王存志等，侯家莊教民侯方英、謝張氏與侯登林等交涉共三起，均經提集訊明，妥爲斷理。兩造俱皆允服，取有切結附卷。結後將及兩月，各教民並無後言，民教已相安如故。茲奉前因，理合將辦結

交涉各案開具簡明清摺，稟呈鑒核。等因。到本部院。

據此，查民教互控，該州縣無不從速辦結。除稟批示外，擬合咨明。爲此咨呈貴署，煩請查照銷案施行。

(總理各國事務衙門檔)

附件：楊學淵呈縣屬各教案斷理情形清摺

照錄粘單。

謹將卑縣金盤等莊民教交涉各案辦結情形，開摺呈電。

一起、縣屬金盤莊教民張振明，因平毀墳塚與張永貞交涉一案。經卑職便道詣勘，就近訊明張振明，因族姪張永貞耕種墾地，誤將伊幼孫墳塚少有殘毀，遂赴教堂申訴，並未具控到縣。當將張永貞申斥，令將墳塚培補完整，曉諭解釋，取結完案。

一起、縣屬十字口莊教民王見桂，因誦經被毆與焦昭貴交涉一案。此案並未具控到縣，已飭據莊長、地保秉公和解，稟覆完案。

一起、縣屬西姚莊教民王存道等，因習教被毆與王存志等交涉一案。訊明王存道與子王良仔，先後借欠堂叔王維武、堂兄王存志、隣人胡興禎等錢文，屢索未償。嗣經王維武等逼令同赴團練局，對衆詳論，互相揪扭，經勸各散。王存道即赴教堂捏飾申訴，旋復來案具控屬實。當將王存道申斥，並嚴飭

王維武等嗣後不准赴團論事，曉諭解釋，欠項另案質理。

一起、縣屬侯家莊教民侯方英，因習教被火與侯登林等交涉一案。訊明侯方英家自行失火，旋即撲滅。因隨母侯高氏新投天主教，被叔侯登林等語言譏刺有嫌，疑被縱火燒害；又因侯登林與程克生背地謗教，經同教之謝張氏廳〔聽〕聞告知，摺拾具控。謝張氏夫弟即謝學富之父謝緒講，因謝張氏多言構釁，理說不服，彼此口角。謝學富趨護爭毆，謝張氏受有微傷，遂一併牽連互控，並赴教堂裝點申訴屬實。當將侯登林、程克生、謝學富酌量責懲，侯方英、謝張氏分別申斥，曉諭解釋，取結完案。

(總理各國事務衙門檔)

四四三 總署爲法使請東撫接見馬天恩面商教案事致毓賢電

光緒二十五年九月二十二日(一八九九年十月二十六日)

濟南。山東巡撫：法使稱，平原一帶教民出避大刀會，現在可否回歸原處，并請保護，擬由馬主教謁見巡撫商辦。等語。本署仍告以應照安主教前事，巡撫接見後另派員詳商，該使允電主教。特電聞。養。印。

(山東巡撫衙門檔)

四四四 總署爲德人毆斃山東泰安縣民李二全事致德使照會

光緒二十五年九月二十二日(一八九九年十月二十六日)

光緒二十五年九月十七日，准山東巡撫咨稱：泰安縣民李二全被毆身死一案，據縣民李繼山呈

稱，伊與子李大全、李二全自濟寧用車推運糧食，行至縣境東向莊地方，有德國洋人二名騎坐馬車從後疾馳，將糧車撞翻。李二全上前理問，被德國人分用洋槍筒、馬棒疊毆，致傷身死，復將李大全毆傷。有地保李忠誠見證。伊等因係洋人，未便還毆，亦未攔阻。等語。

查洋人赴內地游歷，照章應由領事官發給執照，呈驗地方官，隨時保護。今該洋人經過縣境，並未將照送驗，輒疾馳車馬撞翻李繼山等糧車，並將李二全疊毆致斃，實屬慘切。現在教堂查出姓名，譯係斜爾對。請照會德國駐京大臣，轉電青島總督，查明此案殺死華名〔民〕之洋人是否斜爾對，務令追究正犯，照約辦理。等因。前來。相應照會貴大臣轉電青島總督，務即查明正犯照約懲辦，以重人命，並希見覆為盼。

（總理各國事務衙門檔）

附錄：德使為毆斃李二全一案應查有確據事致總署照會〔一〕

※一八九九年十月二十七日（光緒二十五年九月二十三日）

光緒二十五年九月二十二日，准照稱：准山東巡撫咨稱，泰安縣民李二全被德國人迭毆身死，請本大臣轉電青島巡撫查辦。等情。本大臣披閱之餘，本應照屬辦理，惟查東撫所稱，並未指明此事出自何月何日，且其文內並無實係德國人將該華民毆傷之確據。即以該撫所稱，該洋人經過縣境，並

〔一〕此件因無相應之清方正件，而內容與前件有關，故附於此。

未將執照送驗。等語。查地方官既未驗照，何以知該洋人係德國人？乃僅據不知何國、何處之教堂查出姓名，謂之爲斜爾對三字。想係只按耳中所聞之音，以漢字還音之字樣，此不足以查明該洋人之正姓正名也。務必將該洋人西字原名查明知照前來，本大臣始可辦理一切。因思山東全省必應有一認識西字者，足以寫明該洋人之姓名。爲此應請貴署轉飭該撫，將該洋人西字原名查明知照。本大臣接有實據，果係德國人將華民毆傷，自應轉致青島巡撫查辦。爲此照復。須至照會者。

（總理各國事務衙門檔）

四四五 總署爲莘縣教民被搶希飭保護事致統賢電

光緒二十五年九月二十三日（一八九九年十月二十七日）

濟南。山東巡撫：法使函稱，莘縣教民被匪搶掠二十餘家，他處亦未平靖，請竭力保護彈壓。等語。希飭屬查拿匪徒，認真保護。梗。印。

（山東巡撫衙門檔）

附錄：法使爲莘縣教民被搶希即保護事致總署函

一八九九年十月二十七日（光緒二十五年九月二十三日）

逕啟者：山東省教案一事，經本大臣迭次達知貴衙門在案。頃又准山東主教馬來電云，莘縣教民

復被匪徒搶掠二十餘家，他處亦未平靖。等語前來。本大臣相應據電達知，理應切請貴王大臣迅速嚴電東撫，務須遵照諭旨、條約竭力保護彈壓，未可置此重責不顧，是爲至要。泐佈。順頌日祉。

(外務部檔)

四四六 總署爲鈔送法使所開平原縣拳首名單等事咨毓賢文

光緒二十五年九月二十三日(一八九九年十月二十七日)

光緒二十五年九月初五日，准法國畢使函稱：接山東迤北馬主教電，平原、恩縣、在平等處仍屬不靖，傳教士天德未能回歸原處。並開列平原匪人姓名王之邦、王甲三、張齊、魏本、魏鳳選、高五閣王、高友順等前來。請飭令山東巡撫於平原、在平、恩縣三處妥爲設法平靖。等語。十三日，復准法使函稱：馬主教來電，各縣教民被擾，流離不能回歸原處，地方官推諉不辦。請電行東撫速爲平靖，竭力保護，並將該省如何辦理之處速即函復。等因。本衙門查本月初八日，准貴撫咨稱：據平原縣蔣令稟，該縣等處並無平民滋擾教民情事。應請照會法使轉電馬主教，嗣後遇事查實，勿輕聽教民誣告之言，率爾函電。等語。當經據文照會法使，平原等處查無教民被擾之案，地方官亦無推諉不辦情事。相應咨行貴撫，飭屬仍行認真保護可也。

(總理各國事務衙門檔)

附錄一：法使爲開送平原縣拳首名單事致總署函

一八九九年十月九日（光緒二十五年九月初五日）

逕啟者：日前將山東平原等處不靖函知貴衙門在案。頃又接山東迤北主教馬電稱，在平原、恩縣、在平等處仍屬不靖，傳教士天德未能回歸原處。並開列平原縣匪人名姓，係王之邦、王甲三、張齊、魏本、魏鳳選、高五閻王、高友順等前來。本大臣相應據電函知，即請貴王大臣飭令山東巡撫，在於平原、恩縣、在平三處妥爲設法平靖，並按函開之匪徒緝拿懲處爲要。順頌日祉。

（外務部檔）

附錄二：法使爲東省教案地方官推諉不辦事致總署函

一八九九年十月十七日（光緒二十五年九月十三日）

逕啟者：頃復准山東馬主教來電，內稱：各縣教民被擾，流離不能回歸原處，地方官推諉不辦。等語前來。本大臣相應據電佈知，切請貴衙門嚴行電飭東撫，速爲平靖，竭力保護，並將該省如何辦理之處，即速函復本大臣爲要。此泐。順頌日祉。

（外務部檔）

四四七 裕祿爲美領事請東撫速派隊赴平原縣彈壓事致毓賢電

光緒二十五年九月二十六日（一八九九年十月三十日）

濟南。撫台毓佐帥鑒：頃接美國領事若士得函稱，據山東德州公理教堂來電稟稱，前派兵彈壓，平原縣、恩縣等處土棍尚且安靜；今山東巡撫將該官兵撤回，隨土棍聚有多人，要將平原縣南門外距城十五里李爐莊地方教民殺害，刻刻即要滋生大事。請本領事趕緊函致，速即電致山東巡撫，趕緊派武官帶兵彈壓該處，萬勿遲延切要。等情。前來。相應函請查照，隨即電致山東巡撫照辦爲要。等語。合電台端，即希查奪辦理是要。祿。宥。印。

（山東巡撫衙門檔）

四四八 劉坤一奏報山東刀會奔襲鹽礦業已擊潰片

光緒二十五年九月二十八日（一八九九年十一月一日）

再，江蘇徐州府屬之豐、沛、碭山等縣，均與山東壤地毗連。本年七月，東省刀匪有糾衆鬧教之信，豐縣、碭山兩處，二十二年間曾有刀匪滋擾，經該兵團擊退，時思報復，防務尤應加嚴。前經徐州鎮總兵劉青煦、徐州道桂嵩慶，飭派營官熊長春、尤（遊）擊何迪華分帶防練各軍，馳赴豐、碭，會同地方文武嚴密布置，保衛教堂。七月二十日，突有東省匪首陳寶濬、孟繼禮率黨三四百人，由沛縣郝集竄至豐樂

村、八里屯一帶，搶掠教民牲畜，並將豐樂村舊堂學屋門窗毀壞。該鎮道接據縣稟，即飛調熊長春、何迪華由碭赴沛，並加派營官李輔勳、銘軍營官陳凱，各率馬隊星馳往剿，該匪等聞風遁回東境。正在籌商會剿間，該匪復於二十五日，自谷亭闖家集分作兩股回竄，一由城子廟竄楊官屯，一由三河尖竄郝家集，每股約三四百人，蜂擁而至。適新兵右營幫帶劉正庭前往龍堽集偵探，得信後，即會同銘軍馬隊哨長周萬春，及徐州馬小隊管帶高文聲，各帶隊伍馳至楊官屯，與由城子竄來一股會遇接仗，登時格斃十餘名，生擒十九名，匪勢奔潰。何迪華、熊長春聞信進剿，行抵張莊，與劉正廷〔一〕相值，而該匪由三河尖竄郝家集一股，已從東西劉莊搶掠而來。何迪華慮其突前劫犯，即將悍匪十五名先行正法，其餘四匪派兵解回縣城，一面整隊迎擊。該匪見勢不敵，東竄豐樂村，突入唐團，強閉圩門拒守。團勇李安祥、趙法其攔捕，立被轟斃。時何迪華等跟踪追至，督隊環攻，匪衆棄械越圩逃遁。我軍開槍轟擊，斃匪九名，生擒五名，訊明正法。復於圩內搜獲一名，解縣收審。餘匪四散，搜捕無踪，地方安謐如常，人心大定。當飭李輔勳、陳凱先後回徐，仍留何迪華、熊長春暫住沛縣，期與東省會捕。訊據獲匪供稱：匪首陳寶濬、曹守齋即曹鞋，均單縣人，孟繼禮鉅野縣人，是否遁歸尚難指實。據該鎮道稟報前來。

除飭趕緊購線嚴拿務獲嚴辦，及沛縣被搶各教民勘明撫卹，舊堂被毀門窗一律修整，並將所獲匪犯訊供解辦，一面咨會山東撫臣飭屬會同嚴緝外，理合附片具陳，伏乞聖鑒。謹奏。

〔一〕前作劉正庭。

光緒二十五年十月二十日奉硃批：知道了。卽著嚴飭該營官等認真防捕，毋稍鬆懈。欽此。

（軍機處錄副奏摺）

四四九 毓賢爲平原縣舉會業已擊散事覆裕祿電

光緒二十五年十月初二日（一八九九年十一月四日）

天津。裕壽帥台鑒。宥電敬悉。查平原一案，前已派兵彈壓，業經擊斃賊三十餘名，餘匪潛逃四散，并飭附近州縣截拿。現在平原一帶安靜。該署縣遇事粉飾，已另派員接署辦理矣。○○謹復。冬。印。

（山東巡撫衙門檔）

四五〇 總署爲李二全一案應照約嚴究兇手事致德使照會

光緒二十五年十月初四日（一八九九年十一月六日）

山東泰安縣民人李二全被德國人毆斃一事，本年九月二十二日，本衙門據山東巡撫來文，照會貴大臣查照在案。九月二十四日，復據山東巡撫文稱：李二全一案，查訪得實，正凶名傅士代，卽總教士福若瑟，住沂州府南關大街路東。幫凶一名傅來得，一名倪沒奈。因同行至泰安縣東向莊地方，疾馳車馬，撞翻民人李繼山暨其二子李大全、李二全等糧食小車，李二全年僅十五歲，徒手向前理論，竟被

德國人羣毆致斃。其兄李大全亦身受鱗傷。父子三人老者六旬，弱者未冠，或傷或死，慘不忍言。前報德國人姓名譯音錯誤，現已訪查的實，請照會德國駐京大臣，認真查明下手殺人之德國人，照約究辦。等因。

本衙門正擬照會間，適接貴大臣來照，備述前因。所稱德國三人姓名，與山東巡撫來文雖小有參差，而轉音無異，係屬譯音輕重不同之故。此三人即爲毆斃華民李二全之德國人無疑。至來照所稱德國三人騎馬坐車，因見路窄，小車在中間行走，無過去之地，大呼開道不聽，該德國人無法，繞走過去，撞翻小車。李姓中一人勒騾，艾姓、費姓與之相持跌倒。忽有李姓一子，用巨石向前拋擊，幸未擊中該兩德國人。艾、費兩人見性命有危，遂用馬棒迭向李姓頭間毆打，佛姓勸散，均同前往。時逾不久，李姓從後趕來，遂謂伊子因被毆身死一節。查李姓父子因車被撞翻，向前勒騾理問，並無不合。德國人行至路窄地方，小車人力開道費事，理應相諒，乃遽用馬棒迭毆致傷，已涉動蠻。即謂李姓一子用巨石拋擊，若爲保命起見，應毆打拋石之人以爲抵禦，乃竟將相持倒地之人毆斃，其爲無理逞兇，更爲顯然。

來照又稱，德國人行至東向莊，居民皆肆口嚷罵。該德國人始終未用洋槍，無不守禮，忍氣不言，不至釀成大禍一節。查德國人毆人至死，居民豈有不譁然之理？遽指爲嚷罵，恐係當時誤會。況既已毆斃人命，洋槍、馬棒似亦無所區別。來照又稱，李二全死無確據，其咎不應歸之於自保性命之德國人，應歸之先行攻擊之華人自招其禍。山東居民仇視之心，屢屢顯露，該省地方官並未禁止。此次

又事同一律一節。查李二全被毆身死，該縣檢驗填格有案，不得謂無確據。其咎之所歸，不歸之於撞翻小車未曾受傷、空言欲保性命之德人，轉歸之於被毆身死之華人，撞車啟衅置之不論，尤爲情理所無。至李姓等推車行路並無不合，地方官又從何禁止？且人力推車轉動不易，以致未能聞呼讓路，此亦情勢使然，不得謂爲仇視。貴大臣所述種種情節，本衙門實所未解。

總之此案曲直所在，顯而易見，人命至重，中外同然。還望貴大臣平情論事，迅卽電致青島巡撫，將毆斃華人李二全之德國人照約嚴究懲辦，以篤邦交而重人命。爲此照復。

（總理各國事務衙門檔）

附錄：德使爲李二全一案應歸咎華人招禍事致總署照會

一八九九年十月三十日（光緒二十五年九月二十六日）

大德欽差駐紮中華便宜行事大臣·內大臣克爲照會事。

所有華民李二全被德國人毆傷一事，曾於光緒二十五年九月二十二日准照會，業經本大臣於九月二十三日先行照復在案。茲聞此事詳細情形，應向貴署細陳之：

緣本年八月二十八日早九點半鐘，有德國三人，一名佛爾術理德，一名艾柏諾，一名費來塔等，由兗州府經過寧陽縣赴泰安府。於大道行路之間，至離東向莊約有五里遠之地方，遇有李姓父子二人，手推小車在道前行走。伊等以前相離約三十丈遠，尚有數十人同行，亦皆手推小車。該德國人內惟佛姓

一人騎馬，其餘兩人均坐在騾車沿上。所有馬匹均在車後，爲馬夫所牽帶。因見路窄，小車在中間緩行，無過去之地，所以預爲大聲呼嚷開道。故李姓中之最年輕者，屢次轉頭回顧，乃小車始終不肯推向旁邊，只在轍內行走。該德國人無法，遂將所坐騾車繞走過去。因車輪深埋轍內，不能不彼此相擠，故欲過小車之時，因車外所繫之口帶撞翻小車。佛姓一見此事，馳馬向前，查知小車所運之貨並未傷損，遂擬向前行。不料李姓令其一子跑至前面，約會同行之數十小車，令該華人等攔阻洋人。故前面之車夫人等，立刻皆手持支車木棍，大有不平之勢。且該洋人等之騾車過李姓小車時，忽有李姓中一人，用手將騾嚼勒住，不令車行。因此，艾姓下車意欲令其放行，乃該華人氣甚不平，復用手勒住艾姓。費姓見事危急，亦趕緊下車，令放艾姓。當時三人相持，一同跌倒。忽有李姓一子用巨石向前拋擊，幸未擊中該兩德國人。惟艾、費兩人見性〔性〕命有危，遂用馬棒迭向李姓頭間毆打，此時佛姓勸散。當下路旁有種地之華人等，均向車夫理論，並云彼洋人既預嚷開道，爾等不能不早已聽明，何故復行攔阻？於是該德人等均同前往。時逾不久，李姓又從後趕來，遂謂伊子因被毆身死，須給銀補償。等語。及該德人行至東向莊地方，居民皆肆口大罵，聲嚷殺害洋人。惟該德人始終未用洋槍，無不守禮，且皆忍氣不言，是以不至釀成大禍。

查來文所謂李二全被毆致傷身死一節，似屬並無確據。如果屬實，固爲可惜，惟其咎不應歸之於自保姓〔性〕命之德國人，應歸之於先行攻擊之華人自招其禍。查山東居民仇視洋人之心，近來屢屢顯露。而該省大吏、地方官並未禁止，貴國政府亦不認真辦理。此次又事同一律。居民持械，德人以無

法自保，未免還毆。本大臣現雖知此案之詳細，應仍查照貴署來文所請，電致青島巡撫以及駐烟臺領事，詳查辦理。惟望貴署亦即轉飭將實在情形查出，想必與本大臣以上所述各節，兩相符合也。爲此照會。須至照會者。右照會大清欽命總理各國事務王大臣。

(外務部檔)

四五二 某京官奏爲請飭毓賢妥善辦理山東教案事片〔一〕

光緒二十五年（一八九九年）

再，臣聞山東兗州、曹、濟各屬，教民擄人勒贖，德國教士安治泰縱容包庇，地方官無如之何。民間私相仇殺，德人復率兵入鄉，擾害無辜。東省本有大刀會匪，緣是嘯聚愈衆，羣與教黨爲難。若不及早解散，恐釀巨患。請飭山東撫臣毓賢，飭屬妥善辦理，並將現在情形查明具奏。或德人實有縱容擾害情事，當諭總理衙門王大臣，按約據理照會駐京德使臣，與之力爭，以固民志。謹附片具陳，伏乞聖鑒。謹奏。

(軍機處錄副奏摺)

四五二 毓賢爲侯袁世凱接印後即進京陛見事致總署電

光緒二十五年十月初五日（一八九九年十一月七日）

〔一〕 原件未具奏事者姓名與日期，姑排於毓賢離任之前。

北京。總署鈞鑒：亥初四奉上諭：○○著來京陛見。欽此。俟袁中丞接印，○○遵卽北上。請代奏。○○叩。歌。印。

(山東巡撫衙門檔)

四五三 總署爲希飭屬保護濟南府等處教堂事致毓賢電

光緒二十五年十月初六日(一八九九年十一月八日)

濟南。山東巡撫：法使言，濟南府並平原、恩縣各教堂情形均仍危險。等語。希飭屬切實保護。魚。印。

(山東巡撫衙門檔)

四五四 總署爲法教士欲請東撫委員查核教案事咨毓賢文

光緒二十五年十月初七日(一八九九年十一月九日)

光緒二十五年十月初二日，准法國畢使照稱：山東平原縣教案，八、九兩月間情形大不如前，現有證據可指，因傳教士目覩情節，來京面稟。又邇來迭接馬主教來電，情形與東撫輕言該處平靖並無擾搶，甚屬不符。應請再行切咨東撫，竭力設法彈壓保護。現傳教士不日回歸濟南，希電東撫專委幹練之員，會同傳教士前往查核實情，商議酬補了結。等因。正辦理間，適於本月初三日，准貴撫冬電稱：

現在匪徒擊散，良民、教民均各回家不少。至莘縣早令曹鎮撥隊彈壓，並札飭莘縣截拿匪徒。等語。本衙門業已據電照覆法使。惟該使所稱傳教士將回濟南，欲請貴撫委員會同該教士前往查核一節，究竟如何商議了結，並應否酬補，本衙門無憑揣度。除照覆法使轉飭傳教士回東聽候貴撫酌復外，相應鈔錄法使照會，咨行貴撫查照酌辦，並聲復本衙門可也。

（總理各國事務衙門檔）

附件：法使爲平原情形與東撫咨稱不符事致總署照會

※一八九九年十一月四日（光緒二十五年十月初二日）

於光緒二十五年九月二十七日，准貴衙門函：據署平原縣稟云云。前來。本大臣查該縣所稟，於五月間各事，亦無從知爲實據。但八、九兩月間，情形大不如前，現有證據可指，已於八月三十日照知在案。緣因傳教士目覩情節危岌，抵京面稟。至所稱馬主教所指教民被搶多家，並無報案可稽等語，閱之不勝詫異。蓋前因該縣有本處大亂，未便保護之言等語。邇來迭接馬主教來電，屢次函達貴衙門亦在案。此等情形，與東撫輕言該處平靖並無擾搶，甚屬不符。是以本大臣應請貴衙門再行嚴加切咨東撫，竭力設法彈壓保護。現傳教士不日回歸濟南，尚希電飭東撫專委幹練之員，會同傳教士前往，在彼查核情實，商議酬補了結。應俟貴衙門與本大臣意見相合後，以便告知傳教士起程。望祈迅速見覆爲要。

（總理各國事務衙門檔）

四五五 總署爲平原等縣拳會已彈壓擊散事致法使照會

光緒二十五年十月初七日（一八九九年十一月九日）

光緒二十五年十月初二日，准照稱：平原縣事八、九兩月間情形大不如前，因傅教士目睹情節危岌，抵京面稟。又邇來迭接馬主教來電，情形與東撫輕言該處平靖並無擾搶，甚屬不符。是以本大臣應請再行切咨東撫，竭力設法彈壓保護。現傅教士不日回歸濟南，希飭東撫專委幹練之員，會同傅教士前往查核，商議酬補了結。等因。

本大臣查此事，昨准東撫電稱：平原盜匪當經委派濟南南府盧昌詒，帶領步隊前往彈壓，分別辦理。一面出示勸諭，被脅良民來歸甚衆。其仍聚而未散之匪，膽敢抗拒，傷我官兵二人；斃賊二十多名，奪獲槍械多（件），餘賊潛逃四散。業經札飭附近各州縣密拿，現在平原縣一帶安靖。旋又電稱：平原匪徒擊散，良民、教民均各回家不少。至莘縣早令曹鎮撥隊彈壓，並札飭莘縣截拿匪徒，並無稟報搶掠情事。馬主教若來請見，自當照章接見。各等因。是平原、莘縣等處現在情形已與前不同。來照所稱傅教士將回濟南，欲請東撫派員會同傅教士前往查核一節，究應如何商議了結，並應否酬補之處，本衙門無憑揣度。應將來照鈔行東撫酌核情形，俟傅教士回東後，就近函復遵悉。相應照復貴大臣飭知傅教士可也。

（總理各國事務衙門檔）

四五六 裕祿爲美領事請派兵保護龐家莊教堂事致毓賢電

光緒二十五年十月初八日（一八九九年十一月十日）

濟南。毓佐帥鑒：頃接美國領事若士得函稱，據山東德州公理會教堂來電稟稱，距德州東南百餘里路，今日將天主教堂焚燒。等語。該土棍等隨又議定赴龐家莊，欲將本教堂焚燒。等語。刻刻卽要滋生大事。請貴大臣速卽電致山東巡撫，趕緊多派弁兵彈壓該處，萬勿遲延，切要切要。等因。前來。相應函請貴大臣查照，隨卽電致山東巡撫照辦爲要。等語。特此電達，希卽查照辦理。祿。庚。印。

（山東巡撫衙門檔）

四五七 總署爲法使請保護平原等處教堂事致毓賢電

光緒二十五年十月初九日（一八九九年十一月十一日）

濟南。山東巡撫：法使稱，平原縣苗家嶺教堂及教民十六家被匪焚燬。又美使稱，德州東南九十里，有會匪滋鬧，焚燬教堂，請東撫速設法彈壓保護。各等語。希查酌辦理電復。餘咨達。佳。印。

（山東巡撫衙門檔）

四五八 毓賢爲龐家莊教堂已派隊保護事覆裕祿電

光緒二十五年十月初九日（一八九九年十一月十一日）

天津。裕壽帥鑒：庚電敬悉。燒教堂事是否屬實，已飭屬查辦。龐家莊教堂亦即飛飭恩縣保護，並派馬隊彈壓矣。○○。青。印。

(山東巡撫衙門檔)

四五九 毓賢爲飭查平原苗家嶺等處有無教案事致宋森蔭等電

光緒二十五年十月初十日(一八九九年十一月十二日)

德州。宋牧轉平原承牧同覽：總署電稱，平原苗家嶺教堂及教民十六家被匪焚燬。又德州東南九十里有會匪焚燬教堂，及龐家莊有無其事，均速查電復。○○。蒸。印。

(山東巡撫衙門檔)

四六〇 宋森蔭爲禹城苗家林有鬧教情事覆毓賢電

光緒二十五年十月十日(一八九九年十一月十日)(一)

濟南。撫憲鑒：接平原函，苗家林屬禹城，有匪搶教民。平原、卑境均無事。森謹稟。

(山東巡撫衙門檔)

四六一 總署爲法使又稱東省鬧教希查明事致毓賢電

光緒二十五年十月十二日(一八九九年十一月十四日)

濟南。山東巡撫：法使稱，山東馬主教電稱，匪徒又滋事，有村莊八處被搶，教民三人被殺。並未

〔一〕此件無日期，在來電登記簿中排在光緒二十五年十月十一日和十月十二日的電文之間。

指明地方，希查明速辦電覆。震。

(山東巡撫衙門檔)

四六二 總署爲奉旨著孫金彪陸見事致毓賢電

光緒二十五年十月十三日(一八九九年十一月十五日)

印。 濟南。山東巡撫轉電孫鎮。軍機大臣面奉諭旨：陝西漢中鎮總兵孫金彪著來京陸見。欽此。元。

(山東巡撫衙門檔)

四六三 毓賢爲泰安命案已飭錄寄供詞事覆德領事電

光緒二十五年十月十三日(一八九九年十一月十五日)

烟臺。德領事官鑒：來電悉。德人在泰安屬東巷地方毆斃華民一名，毆傷華人一名，已飭泰安縣將供詞錄寄。先電復。撫東使者毓。元。印。

(山東巡撫衙門檔)

附錄：德領事爲請移交泰安一案供詞事致毓賢電

※一八九九年十一月十四日(光緒二十五年十月十二日)

濟南。山東巡撫毓大人：華人一名在東向莊泰安縣被德人某毆傷一案，請飭泰安縣各將所有供詞等，可速移交本領事。此報收到。即祈電覆。駐烟臺德國領事官連。具「真」。印。

（山東巡撫衙門檔）

四六四 總署爲苗家嶺教案已飭確查事致法使照會

光緒二十五年十月十三日（一八九九年十一月十五日）

前准照稱：平原縣苗家嶺地方，教堂、教民被焚毀，須嚴切辦理。請飭東撫派幹員會同傳教士商議了結。等語。本衙門於初七日行文，初九日發電去後。茲接山東巡撫電稱：遵即確查，並撥隊前往彈壓。除有確覆再爲函達外，相應先行照復貴大臣查照可也。

（總理各國事務衙門檔）

附錄：法使爲苗家嶺焚毀教堂須辦理事致總署照會

※一八九九年十一月十日（光緒二十五年十月初八日）

昨接貴衙門照稱：據東撫電復平原縣一事云云。本大臣查東撫稟稱各節，此次始認該處擾亂，足見該大吏前屢稱平原地方平靖，全無的確之言。又該大吏現籌法派兵彈壓各節，本大臣業已閱悉。惟東撫意見係屬遲緩，甚爲惋惜。蓋東撫以馬主教迭次誠言置之不顧，致前易除之事，今釀巨患。猶致匪

徒聚衆，膽大抗拒，及傷官兵三人。該撫如此漠視，自當歸咎於彼，而此事故暫緩議論。且本大臣今、昨兩日，連准馬主教來電，該處危岌日加一日。今之電云，苗家嶺地方教堂及教民十六家，均被焚毀。等語。事屬尤須嚴切竭力辦理。至來照所稱無憑揣度一層，本大臣亦難遙度。是以請貴衙門飭令東撫委派幹練之員，會同傳教士至彼查核，商議酬補了結。除本大臣仍希貴衙門再行切飭東撫照辦外，相應照會貴王大臣查照可也。

(總理各國事務衙門檔)

四六五 毓賢爲苗家林鬧教已派隊彈壓事致總署電

光緒二十五年十月十四日(一八九九年十一月十六日)

北京。總署鈞鑒：亥前奉魚、佳兩電，卽電平原、德州確查，當卽電復。茲據德州電稱：德境無教堂，平原現無事，龐莊屬恩縣境，尚平靜。惟苗家林屬禹城境，有鬧教情事。已派隊前往彈壓矣。○○○謹肅。寒。印。

(山東巡撫衙門檔)

四六六 毓賢爲法使所稱教案已飭查明事覆總署電

光緒二十五年十月十四日(一八九九年十一月十六日)

北京。總署鈞鑒：亥震電敬悉。八村莊被搶、三教民被殺，已飭各縣查明辦理。有無其事，容再復。○○○。寒。印。

(山東巡撫衙門檔)

四六七 毓賢爲已派隊前往保護事覆美領事電

光緒二十五年十月十四日(一八九九年十一月十六日)

烟臺。美領事官法鑒。來電悉。前因平靜，故將兵飭回。茲又派隊前往保護矣。撫東使者毓。寒。印。

(山東巡撫衙門檔)

附錄：美領事法勒爲大刀會反鬧希調兵事致毓賢電

※一八九九年十一月十五日(光緒二十五年十月十三日)

濟南。巡撫毓鑒：聞大刀會反鬧，茲兵丁已被貴部院飭回。本領事定要認真保護美國人命、產業一切等物。美領事法勒。

(山東巡撫衙門檔)

四六八 總署爲奉旨著孫金彪即行來京事致毓賢電

光緒二十五年十月十五日（一八九九年十一月十七日）

濟南。山東巡撫：奉旨：○○電悉。孫金彪所帶四營，即均飭令該總兵選派將官暫行經理，即便起程來京。欽此。咸。印。

（山東巡撫衙門檔）

四六九 總署爲在平等處教堂被燒希即彈壓辦理事致毓賢電

光緒二十五年十月十五日（一八九九年十一月十七日）

濟南。山東巡撫：法使言，在平、升平〔一〕教堂暨教民村莊，均有燒燬情事，在平教民被殺死四名，戕傷多名，請切實辦理。等語。希飭屬查明，認真彈壓，迅速辦理，以免口實。咸。印。

（山東巡撫衙門檔）

四七〇 總署爲濟南地面大刀會焚教堂希即防範事致毓賢電

光緒二十五年十月十六日（一八九九年十一月十八日）

濟南。山東巡撫：美使稱，接濟南美教士電，該處大刀會匪滋鬧，焚教堂，殺教民。撫台撤退兵勇，

〔一〕原文如此。據光緒二十五年十月十七日毓賢復電：「升平」應爲博平。

現無保護，甚屬危險。希轉電設法保護，並嚴拿會匪懲辦，免釀重案。等語。卽希普查，妥爲防範，並電復。銑。印。

（山東巡撫衙門檔）

四七一 毓賢爲在博鬧教已派吉道帶隊彈壓事覆總署電

光緒二十五年十月十七日（一八九九年十一月十九日）

北京。總署鈞鑒：亥連覆二寒電，諒蒙察閱。旋奉咸、銑二電敬悉。前平原事畢安靜，是以撤兵。嗣在平、博平土匪生事，又切實開導出示，並派濟東道吉燦升帶同隊勇，前往彈壓，解散良民，嚴拿土匪，分別良莠妥辦。○○謹肅。篠。印。

（山東巡撫衙門檔）

四七二 總署爲希將在博鬧教詳情電知事致毓賢電

光緒二十五年十月十八日（一八九九年十一月二十日）

濟南。山東巡撫：篠電悉。前各使屢因教案切情〔請〕保護，當據來電節次照覆。彼使每以地方官所報不實，迭來置辯。此次在平、博平教堂有無被燬，教民有無傷害，來電未及。希再飭查，將詳細情形電知，以杜狡展。嘯。印。

（山東巡撫衙門檔）

四七三 毓賢爲孫金彪已交代營務進京事致總署電

光緒二十五年十月十八日（一八九九年十一月二十日）

北京。總署鈞鑒：亥前奉電旨，遵卽轉電孫金彪。茲准電稱，營務交幫統王寶華暫行代理，彪定二十一日上船，由津晉京。等因。請代奏。○○謹肅。巧。印。

（山東巡撫衙門檔）

四七四 總署爲錄送平原等處教案來往照會事咨毓賢文

光緒二十五年十月二十日（一八九九年十一月二十二日）

光緒二十五年十月十四日，准法國畢使照稱：兩月以來，山東教案仍無頭緒，情勢日甚一日。平原各處擾搶等事，務須籌設切實得力之法，彈壓平靖，緝拿匪首。至前請派員會同傳教士商議酬補了結，應請照復一定不移之言。等因。相應鈔錄來往照會，咨行貴撫查照，迅速辦理，以免再生枝節。仍聲復本衙門爲要。

（總理各國事務衙門檔）

附件一：法使爲平原各案務須切實彈壓事致總署照會

※一八九九年十一月十六日（光緒二十五年十月十四日）

昨准覆稱：平原苗家嶺地方教堂、教民被焚燬一案，本衙門於初七日行文，初九日發電。茲接山東巡撫電稱，遵卽確查，並撥隊前往彈壓。除有確覆，再爲函達。等語。前來。本大臣查兩月以來，山東教案迭次照知、函達，舌敝筆禿，至今不但仍無頭緒，而情勢日甚一日，不勝惋惜之至。足見貴衙門屢次照覆，據東撫電語或確查，或派兵，均係飾詞。而本大臣查貴衙門迭次行文、電知東撫遵辦，迄今毫無施行，其中定有欺蒙之弊。且欺蒙之責歸咎何人，應由貴衙門查究懲辦。至於平原各處擾搶等事，務須貴衙門嚴飭東撫，籌設切實得力之法，彈壓平靖，緝拿匪首嚴懲，勿須坐視不顧重責。至前照請飭派幹員，會同傳教士前往商議酬補了結一層，至今未接回音。應請貴衙門照覆一定不移之言，不可仍前含糊，是爲切要可也。

（總理各國事務衙門檔）

附件二：總署爲已將來照咨行東撫催辦事致法使照會

光緒二十五年十月二十日（一八九九年十一月二十二日）

光緒二十五年十月十四日，准照稱：兩月以來，山東教案迭次照知、函達，仍無頭緒，情勢日甚一日。至平原各處擾搶等事，務須籌設切實得力之法，彈壓平靖，緝拿匪首嚴懲。再，前請飭派幹員，會同傳教士商議酬補了結一層，至今未接回音。應請照復一定不移之言，不可仍前含糊。等因。查東省在平、博平等處教案，本衙門已於本月十二、十五等日，先後電知山東巡撫，請其認真彈壓，迅速辦理。

各在案。茲准前因，應將貴大臣本月十四日來照再行咨催東撫，切實彈壓，以期平靖。一俟該省聲復到日，即行轉達。至派員會同傳教士商議一節，其應否酬補，如何了結，本衙門無憑遙斷，必應由該省酌核辦理，亦於本月初七日照復貴大臣文內詳晰言之，並未嘗稍涉含糊。此事如何派員會商，應由仍〔仍由〕本衙門咨催東撫，將一定不移辦法就近函達傳教士可也。爲此照復貴大臣查照。

（總理各國事務衙門檔）

四七五 裕祿爲高唐州教民被搶希即查辦事致毓賢電

光緒二十五年十月二十四日（一八九九年十一月二十六日）

濟南。毓佐帥鑒：亥美領事若士得函稱，山東德州公理教堂來電稟稱，高堂〔唐〕地方教友被搶，並要贖身價銀兩；如若不給，即將被搶教友殺害。該處之官不管，弁兵亦是無用。請本領事稟本國欽差大臣，與總理衙門商議，電致山東巡撫，速將此案辦妥爲要。等因。前來。查此案本領事觀山東地方甚是雜亂，相應函請貴大臣查照，速即電致山東巡撫，趕緊派兵彈壓該處，保護教堂、教士並教友等，以免嗣後滋生大事。切要切要。等語。即希查照辦理爲荷。祿。敬。印。

（山東巡撫衙門檔）

四七六 總署爲美使稱東省不辦教案希即確查事致毓賢電

光緒二十五年十月二十五日（一八九九年十一月二十七日）

濟南。山東巡撫：連日准美使函稱，疊接本國駐臨清教士電，教民在高唐地方被匪搶掠，該匪並恐嚇教民，地方官不爲保護。並聞前數禮拜，該處紅拳會匪滋事，幸經兵勇擊散，並斃匪數名，撫台反欲究治該兵等擅殺之罪，以致該匪仍舊蠢動。又天津領事來電，山東匪徒滋擾，屢請北洋大臣轉電東省辦理，東省竟置若罔聞。卽請速電山東撫台嚴飭保護，以全教士、教民生命。如不嚴辦，將來釀成重案，咎有攸歸。等語。該使所稱是否屬實？卽希迅飭確查，派勇實力彈壓，庶免釀成重案。未可稍涉大意，勿任地方官掩飾誤事爲要。並電覆。有。印。

（山東巡撫衙門檔）

四七七 毓賢爲拿獲朱紅燈暨丁家寺和尚事致總署電

光緒二十五年十月二十五日（一八九九年十一月二十七日）

北京。總署鈞鑒：亥嘯電敬悉。前因在平、博平土匪鬧教，派吉道燦升、馬副將金敘帶隊前往彈壓，并再三給發告示，解散良民，嚴拿匪類，拳民業已各散。惟據偵探報稱：解散拳民路過在平境張莊教堂，堂中守護本僱把勢匠多人，兼以莊內教民突出，開槍追捕，拳民情急，拚死拒敵。以致土匪附合，教民、拳民互有損傷。教堂內本有火藥，遂失火焚燬。等語。證以訪聞，大致相同。且匪首朱紅燈暨丁家寺和尚，似有妖法邪術，能避槍刀，出沒無定。圍以重兵，亦難得手。迭經吉道會同馬副將嚴密購線，不惜重貲，竟將朱紅燈暨丁家寺和尚一併設法拿獲，實非○○意料所及。現已將朱紅燈暨和尚錄

供收禁。聞餘匪尚未散淨，已飭馬副將往拿，當不致再滋大事。查此次焚燬教堂，係教民生事，自行起衅。○○迭派隊勇，業將匪首拿獲。辦理教案，似亦可對外人。至教堂焚燬若何，教民被傷若干，俟在平豫令查覆，再詳細電達。請先代奏。○○叩。有。印〔一〕。

（山東巡撫衙門檔）

四七八 毓賢爲飭查高唐州教民被搶事致宋森陸電

光緒二十五年十月二十五日（一八九九年十一月二十七日）

德州。宋牧覽：裕壽帥敬電，據美領事函稱，德州公理教堂來電，稱高唐地方教友被搶，並要贖身銀兩，如不給，即將教友殺害。該處之官不管。等語。總署有電亦同前因。希轉電高唐州迅即查明辦理，并電復。○○。有。印。

（山東巡撫衙門檔）

四七九 毓賢爲請轉告美使勿輕聽教士之言事致總署電

光緒二十五年十月二十七日（一八九九年十一月二十九日）

北京。總署鈞鑒：亥昨將拿獲匪首朱紅燈等情形電陳台鑒。旋奉有電敬悉。查該匪於平原起衅，

〔一〕據《山東巡撫衙門檔》載，毓賢於同日以同一內容電裕祿。本書從略。

派兵彈壓不散，擊斃該匪三十餘名，並誤傷平民，奏參各在案。該匪散人在平，即派吉道及馬副將前後分撥三營，前往彈壓，勢已解散；拳民路過張莊，該教堂先開槍追捕，拳民還擊，致焚教堂。嗣因匪徒復聚，設法購線，不惜重貲，將匪首朱紅燈及丁家寺和尚一併拿獲。博平、高唐等處，亦經分哨巡緝，嚴飭查拿。○○辦理教案，諄飭持平；紛至沓來，立即辦理。不分晝夜，不遺餘力。昨奉有電，美使據教士之電，反謂東省置若罔聞，不為保護，兵勇擊斃數匪，轉欲究治擅殺之罪。此語從何而來？該教士以謠言為實事，美使不察，竟聽其詞，煩瀆貴署，殊出情理之外。希貴署衡情酌理，轉告美使勿輕聽教士，并飭教士約束教民為要。○○謹肅。感。印。

（山東巡撫衙門檔）

四八〇 毓賢為禹城教民轟斃拳民請告外使約束事致總署電

光緒二十五年十月二十七日（一八九九年十一月二十九日）

北京。總署鈞鑒：亥拳、教兩不相下，經再三勸解，拳會漸已回家。訪聞有拳民歸家，道經禹城韓莊，被該處教堂設伏，施放快槍，轟斃拳民十多人，并將馬槍去。是否屬實，正查辦間，禹城向令來稟大略相同。結仇日深一日，從此拳民又聚，將來報復諒不免也。除嚴飭防範保護外，請貴署告知駐京美使、法使嚴行約束教民，不可開衅為要。○○謹肅。感。印。

（山東巡撫衙門檔）

四八一 裕祿爲已悉朱紅燈等就獲事覆毓賢電

光緒二十五年十月二十七日（一八九九年十一月二十九日）

濟南。毓佐帥鑒。有電謹悉。土匪滋事，經台端派隊拿獲匪首朱紅燈暨丁家寺和尚等。兩匪首就獲，該處鬧教之風當可寬息。祿。沁。印。

（山東巡撫衙門檔）

四八二 總署爲美使請兵彈壓濟臨等處紅拳會事致毓賢電

光緒二十五年十月二十九日（一八九九年十二月一日）

濟南。山東巡撫。頃美使來言，山東濟南、臨清、龐莊等處，紅拳會聚集日多，殺人放火，搶掠財物，較前更甚。在彼居住之美國教士、教民極爲危險。請電東撫派勇切實彈壓。等語。美使向不多事，所言似非無因。設果釀成巨患，恐難了結。希速派兵分投彈壓，不可稍涉大意。仍電覆。豔。印。

（山東巡撫衙門檔）

四八三 毓賢爲飭即督隊前往禹城彈壓事致林秀全電

光緒二十五年十月二十九日（一八九九年十二月一日）

濟寧轉飭林提督知悉：日前拳會已散，今有冒充拳會者，竊發生事。已派吉道台、馬將官分別良莠辦理。現禹城韓莊告急，應加派該統帶立即督馬隊前往截壓，保護教堂，與馬將官為犄角之勢。分別彈壓查拿，切不可孟浪，悉聽吉道台調遣。○○電諭。豔亥。印。

（山東巡撫衙門檔）

四八四 毓賢為濟臨等處教案已分別飭查辦理事覆總署電

光緒二十五年十月三十日（一八九九年十二月二日）

北京。總署鈞鑒：亥豔電敬悉。查龐莊屬恩縣，飭查去後，尚無回稟。現今祇有濟南屬禹城韓莊滋事，已飭馬副將帶隊前往彈壓，兼飭吉道親臨分別查拿，又電飭濟寧林提督帶馬隊馳赴該處截壓。臨清容查覆派兵。特電覆。晝夜經營，豈敢稍涉大意。○○。州。印。

（山東巡撫衙門檔）

四八五 總署為法使稱平原大刀會蔓延濟南務望彈壓事致毓賢電

光緒二十五年十一月初一日（一八九九年十二月三日）

濟南。山東巡撫：感電悉。頃法使又來言，平原大刀匪蔓延濟南一帶，驅逐教民，焚毀教堂，情極危迫，濟南教民失所者計三千人。總由地方官不肯嚴辦之故。請電飭切實保護。等語。查東省法、美、

德均有教士，如果匪勢蔓延，釀成事端，三國將羣起爲難，所關匪細。務望設法認真彈壓，以消隱患。東。印。

(山東巡撫衙門檔)

四八六 統賢爲李葆珠到東已飭接防事致總督電

光緒二十五年十一月初一日(一八九九年十二月三日)

北京。總署鈞鑒：亥李葆珠到東，已飭其先往接帶尤成章防守寧海孟良口之三營矣。孫金彪在烟臺多年，情形極熟，布置頗好。特爲電達。○○謹肅。東。印。

(山東巡撫衙門檔)

四八七 總督爲安治泰擬遣行東省南境希飭屬保護事致統賢電

光緒二十五年十一月初三日(一八九九年十二月五日)

濟南。山東巡撫：德使稱，安主教擬徧行南境，查明各教堂未結案，與地方官和商了結。請電貴處轉飭保護助理。等語。希查照妥辦電覆。絳。印。

(山東巡撫衙門檔)

四八八 總署爲安治泰通行東省南境已電知妥辦事致德使函

光緒二十五年十一月初六日（一八九九年十二月八日）

昨准照稱：安主教現擬遍行山東南境，查明德國各教堂未結各案，以便趕緊和衷了結，俾將來民教永遠相安。請轉致該省地面官設法保護該主教。至所有未結各案，均須相助辦結。等因。頃又准函稱同前因。本衙查此事業經電行山東巡撫，轉飭各該地方官查照妥辦。除俟復到再行知照外，相應函復貴大臣查照可也。此復。順頌日祉。

（總理各國事務衙門檔）

附錄一：德使爲安治泰擬遍行東省南境希飭保護事致總署照會

※一八九九年十一月七日（光緒二十五年十月初五日）

茲據本國安主教聲明：本主教現擬遍行山東南境，查明德國各教堂所有未結各教案，以便趕緊和衷了結，俾將來民教永遠相安。等因。前來。本大臣相應照會貴署查照。因思安主教此舉，專爲將來民教絲毫無衅端起見。應請貴署轉致該省地方官，務令設法保護該主教。至所有未結各教案，均須相助辦結，以篤邦交。爲此照會，即請示復。

（總理各國事務衙門檔）

附錄二：德使爲催辦安治泰去東省南境一事致總署函

※一八九九年十二月四日（光緒二十五年十一月初二日）

逕啓者：本年十月初五日，本大臣照會貴署，以安主教擬遍行山東南境，查明德國各教堂所有未結各教案，以便趕緊了結。應請貴署轉致該省地方官設法保護，並請示復。等因。各在案。查現已相隔一月之久，尚未見貴署復音，茲故再行佈函，即望示及爲盼。專此。順頌日祉。

（總理各國事務衙門檔）

四八九 總署爲應將兗州教堂舊基交安治泰建堂事致毓賢電

一 光緒二十五年十一月初八日（一八九九年十二月十日）

濟南。山東巡撫：德國在兗州建堂移掛匾額一事，本年五月十四咨行貴處在案。昨德使又照請電行東撫，即以兗州城內舊教堂地基交給安主教建堂，以符初議。希即查明兗州城內果有舊立教堂地基，即照前咨辦理。餘咨詳。齊。印。

（山東巡撫衙門檔）

四九〇 毓賢爲陳明濟東臨各屬拳會已解散請代奏事致總署電

光緒二十五年十一月初九日（一八九九年十二月十一日）

北京。總署鈞鑒：亥東省民教忿爭，○○逐處派兵彈壓。自餘匪竄入在平，○○即派濟東道吉燦升、副將馬金敘各帶勇隊，馳往彈壓，勢已解散；張莊教民先開槍追捕已散之拳民，以致復聚，土匪附合，致焚教堂。○○嚴飭文武查拿匪首，不惜重賞，遂將朱紅燈及丁家寺和尚拿獲訊辦。均電呈在案。

嗣禹城韓莊教民擊斃拳民十餘人，恐其糾眾報復，遂飭吉道親赴禹城，并飛飭馬副將帶隊趕往彈壓曉諭，拳民又盡解散。餘匪仍聚高唐李集等處，經吉道派隊馳勦，該匪持械來迎。二十八日，擊斃三名，擒獲李二一名；二十九日，擊斃九名，生擒匪首董元邦一名，奪獲槍刀多件。並於高唐拿獲盜首于清水一名。而禹城韓莊保護無事。

至臨清、博平、齊河、高唐一帶，亦皆分隊巡防，匪蹤已淨。吉道乘此嚴飭各州縣，保甲團練加意整頓。目前首犯已獲，餘匪盡散，民各歸農。所有濟南、東昌、臨清各屬，一律安靜情形謹電聞。請代奏。○○叩。佳。印。

（山東巡撫衙門檔）

四九一 毓賢爲已派充沂道與安主教妥商南境教案事覆總署電

光緒二十五年十一月初九日（一八九九年十二月十一日）

北京。總署鈞鑒：亥絳電敬悉。在平一帶滋事匪首朱紅燈及僧人本明，又滋事匪首于清水等二名，已先後獲案。良民歸農，土匪四散，地方逐漸安謐。濟東道吉燦升已回省，南境各教案隨時多已辦

結。安主教既擬往查，已轉飭各屬保護助理，並派兗沂道彭虞孫與之和衷妥商，相機因應。今年南境教案與上年沂屬教案情形不同，彼如任意要索，當婉以拒云。〇〇謹肅。佳。印。

（山東巡撫衙門檔）

四九二 總署爲美使稱高唐州大亂希即確查事致毓賢電

光緒二十五年十一月十二日（一八九九年十二月十四日）

濟南。山東巡撫：頃據美使函稱，高唐地方大亂，該處現無兵隊彈壓，請速派兵彈壓。等語。查貴撫佳電內稱，在平一帶現已拿獲匪首，地方逐漸安謐。茲據美使所言，即希確查地方情形飭辦，並電復。文。印。

（山東巡撫衙門檔）

四九三 毓賢爲兗州建堂已函彭道辦理事覆總署電

光緒二十五年十一月十二日（一八九九年十二月十四日）

北京。總署鈞鑒：亥齊電敬悉。兗州城內舊教堂地基，已函囑彭道查明前咨，一切辦理矣。〇〇文。印。

（山東巡撫衙門檔）

四九四 毓賢爲已飭屬沿途保護教士事覆英領事電

光緒二十五年十一月十二日（一八九九年十二月十四日）

烟臺。英領事孫鑒：來電悉。刀會、拳會或歸農，或擊散，現安靜。已飭沿途州縣保護矣。撫東使者毓。文。印。

（山東巡撫衙門檔）

附錄：英領事爲哥老大刀各會起事請保護遊歷教士事致毓賢電

※一八九九年十二月十三日（光緒二十五年十一月十一日）

濟南。撫院毓鑒：照有英國伯、卜、馬、周四姓教士，現由天津往平陰、泰安等處遊歷，路聞高唐、在平等州縣有哥老、大刀各會滋事，恐遭陷害，電請速飭沿途州縣妥爲保護是幸。烟臺英領事孫電。

（山東巡撫衙門檔）

四九五 毓賢爲德兵所擾之鄉民業已救濟事致總署函

※光緒二十五年十一月十二日（一八九九年十二月十四日）

謹肅者：竊毓賢由工次回署，清釐一切。旋奉八月十九日所發鈞函，敬悉鄉民被德兵擾害一節，業蒙貴署電達日星使再三辯論，具佩蓋籌。毓賢前已札飭洋務局暨兗沂道，督飭印委，各確切查明戶口，先行墊給，務期實惠及民，不使稍有冒濫。嚴寒轉瞬，窮黎感戴皇仁，實由貴署之痼瘼在抱，知關廬繫，

謹以奉聞。肅復。恭請鈞安。諸希鑒。

(總理各國事務衙門檔)

四九六 總署爲應將兗州教堂舊基交安治泰建堂事咨毓賢文

光緒二十五年十一月十三日(一八九九年十二月十五日)

光緒二十五年十一月初七日，准德國克使照稱：光緒二十三年二月間，議定曹州城內及鉅野縣張家莊各建教堂一所，地基每堂至少十畝，由中國官先與德國教士商訂，互經照會爲憑。安主教至貴署陳明，張家莊地方不便，改指兗州府爲建撫卹教堂之處。上年四月，張巡撫面允在兗州府城內指定十畝地，爲建堂地基。又本年正月，東撫以現已允准將兗州府城內舊教堂地基交給安主教，知會該主教。理應指兗州城內地基給德國建堂，現在未如所允辦理。請電令即以兗州城內地基交給安主教，以符初議。等因前來。查光緒二十三年，與德國議定教案辦法六條第三款，內開：中國允於曹州城內及鉅野縣各建教堂一所，一切工料照濟寧教堂辦法，每堂約十畝，地基官爲指撥。等語。現在既據該使照述張家莊地方不便，請將兗州城內舊教堂地基改交安主教。除業由本衙門先行電達，並張家莊一處應作罷議外，相應咨行貴撫，查照上年五月初四日「一」本衙門隨咨鈔件辦理可也。

(總理各國事務衙門檔)

「一」據十一月初八日總署電毓賢，又謂「本年五月十四咨行貴處」。上述文書皆未見。有關此案請參見本書所收光緒二十四年十月十七日及光緒二十五年三月二十五日總署咨東撫文等件。

附錄：德使爲索要兗州城內地基事致總署照會

※一八九九年十二月九日（光緒二十五年十一月初七日）

按查光緒二十三年二月間，前任海大人向貴王大臣議定，於曹州府城內及鉅野縣張家莊各建教堂一所，地基每堂至少十畝，由中國官先與德國教士商訂。等語。互經照會爲憑。又查於二十四年閏三月初八日，本國安主教蒙貴王大臣在貴署面見之際，該主教陳明張家莊地方不便，無如改指兗州府城爲建撫卹教堂之處。該時貴王大臣意見相同，即令安主教與山東巡撫商訂。嗣於四月間，前張巡撫面允在兗州府城內指定十畝地，爲建堂地基。後於五月初七日，海大臣照會貴署，內開，所有在兗州府撫卹教堂，現已均擬動工。等因。旋於五月十四日准復文，內言並不異議，且稱東省教堂自應製掛匾額，以符初議。等語。又於本年正月間，山東巡撫以總署現已允准將兗州府城內舊教堂地基交給安主教等情，知會該主教。均經在案，足以爲憑。理應指兗州府城內地基給與德國教堂，以便建堂。茲據安主教聲稱，現在仍未如所允辦理。想係因巡撫迭經更換，故爾忘記。等因前來。本大臣查安主教現擬趁假回國，伊未起身之前，擬先至省會商訂，不日即可到省。相應特照會貴署查照，請即電行該省大吏，令其即以兗州府城內地基交給安主教，以符初議爲要。

（總理各國事務衙門檔）

四九七 總署爲美使稱德州獻縣一帶鬧教希即查復事致毓賢電

光緒二十五年十一月十四日（一八九九年十二月十六日）

濟南。山東巡撫：文電未接覆。頃美使又稱，接駐德州明教士電，長思麻地方，教堂十三日被毀，教民四家被搶，教士眷屬叟〔更〕危險。該匪以獻縣爲聚潛之所，聲稱欲於十七日往打天主教大禮拜堂。等語。希飭該牧確查該州地方近日有無教堂被毀情事，嚴緝懲辦，並希迅派營弁，於德州一帶有教堂處嚴密防範爲要，並電覆。鹽。印。

（山東巡撫衙門檔）

四九八 毓賢爲迎候接任事致袁世凱電

光緒二十五年十一月十六日（一八九九年十二月十八日）

小站。袁慰帥鑒：亥識荆在通，大快下懷。昨已兩肅寸函并專員投遞。頃奉刪電，敬悉一切。惟盼台旆早臨，屆時恭迎道左以便暢陳也。○○。諫。印。

（山東巡撫衙門檔）

四九九 胡建樞爲拳民拆毀教堂事致毓賢電

※光緒二十五年十一月十六日（一八九九年十二月十八日）

濟南。撫憲鑒：昨晚聞有匪徒在東、陽交界之董杠莊遊弋，連夜派勇保護。勇至該莊，教堂已被拆毀，並欲向坡李總教堂爲難。卑職自應竭力保護，惟前請營隊均已撤回，境內空虛。請速派隊彈壓。建樞。刪稟。

(山東巡撫衙門檔)

五〇〇 胡建樞爲陳明撥隊保護縣境教堂情形事致統賢電

※光緒二十五年十一月十七日(一八九九年十二月十九日)

濟南。撫憲鑒：刪電後，聞匪由董杠莊入卑境，欲擾張莊教堂，遂督隊、團親往，至匪得信回竄，追出境數里匪散。因留縣隊住張莊彈壓，商撥駐張秋楊哨官馬二十四匹，紮定水鎮以保坡李莊。茲將追匪撥隊情形，電紓憲履。建樞。先鈔稟。

(山東巡撫衙門檔)

五〇一 彭虞孫爲已派隊赴陽穀縣保護教堂事致統賢電

※光緒二十五年十一月十八日(一八九九年十二月二十日)

濟南。撫憲鈞鑒：頃接陽穀胡令電稱，董杜〔杠〕莊教堂已被匪拆毀，並欲向坡李總教堂爲難，請速派隊彈壓。等情。職道查坡李總教堂關係緊要，卽商請田鎮派馬隊一哨，速卽馳往會同該令彈壓保

護。理合飛稟察核。虞孫。篠。

(山東巡撫衙門稿)

五〇二 彭金山爲擬派隊赴高密彈壓事致續賢電

光緒二十五年十一月十八日(一八九九年十二月二十日)

濟南。大帥鑒：標下十三日由高密回丈嶺，一路民安。昨夜奉電，悉錫公司請派員赴高弭亂。高密前已撥三棚彈壓，民安無事。擬再派一哨往，請電示遵。彭金山。巧稟。

(山東巡撫衙門稿)

五〇三 季桂芬爲祈暫勿發兵來高密事致續賢等電

※光緒二十五年十一月十九日(一八九九年十二月二十一日)

濟南。撫、藩、臬憲鈞鑒：高密，密。防營奉篠電諭敬悉。路工片刻未停，甚安。錫落巴在青島聞膠謠傳遽電稟，殊無情理。若遽來多兵，急反生事。暫勿來高，如須用(兵)彈壓，卑職陸續商調，仍由卑職與錫公司妥商辦理。該公司友來電呈鑒，便知實情。

卑職季桂芬巧抄錫友來電。

季鑒：頃接膠局電，高民預備刀槍，與洋人爲難。錫令局發電稟東撫，弟未及挽回。密告。

(山東巡撫衙門檔)

附錄：錫樂巴爲高民欲謀洋人即請派幹員調理事致毓賢電

※一八九九年十二月十八日(光緒二十五年十一月十六日)

濟南。撫憲大人轅下鈞啓：今接高密鐵路洋員電稟，言高民各備兵器，欲謀洋員作亂，勢威甚猛。恐高縣力微，不能辦理。仰懇速發電諭，即派幹員調理，遲恐不測。敝公司緣與憲轅和好，不欲稟知德督及欽(使)，恐不容商議，即以兵從。且係大人貴治，敝公司意宜和好，故乞大人速理。今日立俟回示。肅此。恭請勳安。青島鐵路總公司錫樂巴拜稟。

(山東巡撫衙門檔)

五〇四 毓賢爲陳明濟寧教民控報情形多屬不實事咨呈總署文

光緒二十五年十一月二十二日(一八九九年十二月二十四日)

兵部侍郎兼都察院右副都御史·總理各國事務大臣·巡撫山東等處地方·督理營田兼提督銜節制全省軍務兼理鹽政毓爲咨呈事。

本年十一月十九日，據署理濟寧直隸州知州汪望庚稟稱：竊天主教控報拳民罰款及失物數目，本

多不實不盡。況卑州暨金、嘉、魚三縣教堂，並各城鄉教民房屋，均未損及一草一木。乃該教士輕信教民之言，不察虛實，任意捏飾。其虛偽久在洞鑒。卑職每於接見於衿耆、紳董、團長、莊長之時，周諮博訪，並面詢約地莊農人等，加以密查，證以耳聞，非惟數多不符，且有事出無稽併影響而無之者。願爲我憲臺陳之。

教民倚勢欺凌，借端訛勒，或罰銀錢，或罰屋宇，或罰酒席，或罰鐘，或罰蓆，或罰油，不饜不休。其款數之多寡，視力量之豐瘠，雖父子姪不顧也。今略一詢問，卑職耳所及聞者，僅卑州西北一隅，受其罰者已不下百數十家。而此外所未及知者不知凡幾。良懦飲恨，求洩無從，求避無門。年復一年，日不聊生。稍有身家者，咸懍懍焉懼無以自保。適有延師習技者，天主教民見而異之，爲之裝點情節，慫恿教士，思有以迫之抑之，以遂其欺訛之欲。民乃不勝其擾，有逼而往索其前日之所罰者。然習天主教者類皆無業遊民，家徒壁立，且有併壁立而無之者。蓋昔日之所得于吾民者，早已隨手化去；今則求償未能矣，乃爲緩期以諉之，稟官以阻之，官爲彈壓卽安然無事。故雖有所索，未必卽有所償。如西鄉教民李學趙等十六家，一面訂期誘約，一面稟官禁阻，財與物兩無絲毫之失。有目共覩，有耳共聞，事有明証。此教民之呈報不實者一也。

習拳者本爲保衛身家起見，並非利人財物。其所以向教民索還前罰之物，求一平衡天之冤氣而已。故索還罰款者有之，索還酒席者有之，從未取人一物。偶有一二無知少年，負氣而取物作質者，亦必立刻倩人送還。如教民張廷相之食糧、帳簿，皆由莊長、首事及街隣人等如數歸還，並無扣留侵沒。

此教民呈報失物之虛僞者二也。

卑境之受教民欺者，東北鄉爲最，西鄉次之。拳民之所索，索其原物而已，並無奢願。其毫無影響及索而不償者無論矣，如教民張瑞茂等呈報共計京錢三千九百吊有零，茲經詳細查明，統計閭境教民所償罰款不過京錢二千五百吊有奇，較之天主教原訛良民之數，十僅二、三。嘉祥大致亦尚相同。若金、魚則一無事事，而該教士亦捏飾多端。此教士、教民虛僞不足信者三也。

天主教民衣不蔽體，食無隔宿，儲牀竈於一椽。窮困如此，有何衣食可搶？此教民之捏報圖訛者四也。

凡此四端，皆係卑職悉心諮訪所及。各教民所償罰款既備十之二三，乃該教士猶藉爲口實，獨不思良民何辜，而勒罰橫加，其飲恨抱忿之情，殊難言喻。如以西人素講信實而言，應將取者、與者彼此各爲償還，方稱平允；若徒聽教民一面虛言，動輒張大其詞，無理責償，信實安在？誠恐民情愈激則愈憤，欲望天主教安然無事，猶却行而望及前人也。況前次拳會之起，由於教民所迫，現方勉強鎮壓。幸各民具有天良，所以尚知畏官者，朝廷二百餘年深仁厚澤有以感孚之耳。設若輩再圖欺訛，勢必衆怒難犯，變生不測。雖官爲之彈壓，而民之理直氣壯，屈抑不伸，官亦未能折服其心。斯時必致民不畏官，事難了結，其患誠不堪設想也。際此時事日艱，卑職身爲民牧，能盡一分心力卽上紓一分憲廬。是以凡遇民教交涉之案，無不處以鎮靜，迅速持平辦理，固不敢稍涉張皇，尤不敢畏難苟安，以期仰報憲恩於萬一。

謹將確查教民所償罰款數目，及先經虛報覆查毫無影響各案，分別開具清單，呈請鈞電。可否仰懇憲恩，准予將卑職所稟情節咨明總理衙門立案，予以辯論，則萬民幸甚，大局幸甚。愚昧之見是否有當，理合稟請鑒核。俯賜批示祇遵，實為恩便。等情。到本部院。

據此，除稟批示並行充沂道彙案核辦外，擬合咨呈。為此咨呈貴衙門，謹請查照稟摺呈報各節，照會德公使轉飭安主教治泰，會同充沂道將各屬教案持平議結，以徵輯睦。毋得聽信教民一面之詞，以少報多，以無為有，致滋貽誤。即冀賜覆施行。須至咨呈者。計粘抄清摺二紙。

右咨呈欽命總理各國事務衙門。

(外務部檔)

附件：汪望庚呈州屬教民被罰錢物情形清單(計兩件)

謹將教民呈報罰過錢文數目繕摺呈電。

計開：

一、西鄉梁家集教民竇永貞稟報，五月二十九日，罰去京錢一千二百千，並牽去牛一隻一案。茲經查明實罰錢一千吊，牛隻已還。

一、西鄉中疇教民張瑞茂、李敬學呈報，六月初二日，罰去京錢五十五千、酒席八桌一案。茲經查明實罰去京錢五十千，酒席三桌。

一、西鄉中疇教民崔慎齊呈報，六月初二日，罰去京錢一百七十千，崔慎董等八人又幫貼京錢三十千一案。茲經查明兩共實罰去京錢一百千。

一、西鄉中疇教民王登鳳、李效謙呈報，六月十一日，罰去京錢七十千、酒席一桌一案。茲經查明數目相符。

一、西鄉長溝教民孫崇義呈報，六月十三日，罰去京錢五十千一案。茲經查明數目相符。

一、西鄉中疇曹家莊教民張雲福呈報，六月十四日罰去京錢四十千一案。茲經查明數目相符。

一、西鄉中疇前趙莊教民張培齡即張延齡呈報，六月二十三日，罰去京錢一百千，伊戚張培元、趙可法等備出京錢六十千一案。茲經查明實罰去京錢一百千。

一、北鄉房葛鋪教民石廣東等呈報，六月十七日，罰去京錢一千三百千文一案。茲經查明實罰京錢六百五十千文。

一、北鄉大徐張金莊教民田金章呈報，六月十九日，罰去京錢五百千文一案。茲經查明數目相符。

一、北鄉大徐張家莊首事楊朋來等呈報，六月二十九日，罰去京錢六十千文一案。茲經查明數目相符。

以上十起，共計京錢二千六百二十千文。

謹將教民呈報各案，查明並無被罰錢文繕摺電。

一、西鄉南疇教民張垂穩呈報，六月十二日，罰去京錢二十千文一案。茲經查明當時雖有此說，實並未交錢。

一、西鄉漕井橋胡家廠教民胡仲宣等三人呈報，六月十四日，搶去京錢二十千、麥子六石五斗、衣服六十九件、棗一百斤、白麵二百五十斤、驢一頭，砸毀傢俱四十四件，並將伊子胡小三架去逃回一案。訊明損壞瓦缸二隻，係胡仲宣自砸。其子胡小三亦係自行避匿。並無罰錢之事。

一、西鄉新挑河大吳莊教民吳存善呈報，六月二十八日，罰去京錢三十五千、酒席十桌一案。茲經查明吳存善當時先行走避，並未付給，亦無酒席。

一、嘉祥縣教民周慶珂控梁承官赴伊家抄搶一案。傳訊梁承官委無抄搶之事，旋即經人調處具息銷案。

一、德國教士函送北鄉大張家莊張管猷赴教民張鉅傑家抄搶一案。傳訊並無此事。

一、北鄉大徐張金莊教民張廷相呈報，六月十八日，搶去麥子十五口袋、酒醋一百一十斤、帳簿一本；又伊等十三家罰去京錢八十千一案。茲經查明並未罰錢，其糧食、帳簿當由莊長、首事及街隣人等如數送還。

一、北鄉大徐南棠陽女教民張徐氏控張興旺等，六月十九日，搶去經堂內各物一案。茲經查明該氏草屋二間，約值京錢二十千，實係自行拆賣，並非拳民所損。

以上七案，查明實在情形，均無罰錢失物之事。

一、西鄉中疇空山莊教民講經屋內，六月初二日，毀壞椅子一把一案。

一、西鄉東疇教民李學趙等呈報，六月初八日，罰去京錢六十六千文一案。

一、西鄉壩堆寺紙坊莊教民張垂現呈控，王朝欽六月十一日，率人抄搶衣物、錢文一案。

一、西鄉第八屯楊家莊教民楊文琦控楊秉齡兇訛等情一案。

一、德國教士函送西鄉梁家集梁承煥將教民靳姓網縛一案。茲經查明並無此事。

一、西北鄉石婁村薛家橋教民陳鳳廷等呈報，六月十六日，訛去京錢一千吊一案。

一、北鄉王武村教民張仰貢等呈報，六月十九日，訛去衣物等件一案。

一、北鄉王武村教民張中九呈報，六月二十三日，罰去京錢一百二十千、酒席十桌一案。

一、東鄉孫氏閘教民傅瑞廷呈報，七月初四日，拿去劈柴二千餘斤、麥子二百斤一案。

以上九案均查無其事。

一、北鄉王武村民人張仰經呈報，六月十九日，搶去京錢六千五百文、衣服四件一案。

一、北鄉王武村首事張仰唐呈報，六月十九日，搶去京錢五十千、衣服七件、白布四疋一案。

一、西鄉東昇莊民人柳作棟呈報，六月二十九日，被拳匪架去旋即放回一案。

一、西鄉鳳凰臺民人劉中立呈報，七月初一日，伊子被拳匪架去勒贖一案。

一、東鄉杏林莊民人丁發科控彭廣南等搶去牛驢各一頭、棉襖二件、單褲三條、小褂一件一案。茲

經查明該莊並無彭廣南其人。

以上五起，據報呈原稱並非教民，集訊供詞相同。茲經查明，委無罰錢失事情事登明。

(外務部檔)

五〇五 毓賢奏爲分別造報沂屬教案賠款事片

※光緒二十五年十一月二十六日(一八九九年十二月二十八日)

再，東省議結沂州各屬教案，共給償卹銀七萬八千餘兩，飭由藩司籌款發給，曾經奴才奏明在案。茲據藩司張人駿詳稱：日照縣街頭村民教滋事一案，於光緒二十四年十二月間，經兗沂曹濟道彭虞孫會同德國主教安治泰議結，酌給償卹銀二萬五千兩，係由司庫撥款發給。本年五月間，重結沂屬教案，共議給償卹銀七萬八千餘兩，仍由司庫撥發。查東省教案之有償卹，自光緒二十三年曹屬鉅野縣始，當時發給卹銀二十二萬五千兩，初未指明由何款內籌撥。惟上年德國教士在荷澤縣購買教堂地基，其屋價係在償卹款內撥給，曾經承准總理衙門電稱：該價可以作正開銷，卻不宜動地丁。等因。是於地丁之外，凡撥動司庫存款作爲償卹銀兩，應准專案造報。茲議結日照縣街頭村暨沂屬各教案，兩次共撥發銀十萬三千餘兩，均由司庫動支，自應援照前案辦理，詳請奏咨立案前來。奴才查上年議結日照縣街頭村民教滋事一案，發給償卹銀二萬五千兩，前撫臣張汝梅未及核奏，德教士旋即悔議。奴才到任後，又督同兗沂曹濟道彭虞孫另行商結。上年所給卹款既經撥發，自應彙入此次議結沂屬教案償卹

款內分別造報，以清款目而便句稽。

除咨部查照外，理合附片具陳，伏乞聖鑒訓示。謹奏。

光緒二十五年十一月二十六日奉硃批：該衙門知道。欽此。

(軍機處錄副奏摺)

五〇六 李恩祥稟報州屬各教案情形清摺〔一〕

光緒二十五年十一月(一八九九年十二月)

卑職十月二十日，馳赴在平縣本道行轅面稟一切事宜，是日風聞卑境董官屯莊教民有被拳匪搶掠財物、焚燒房屋情事。卑職立即回州馳赴該莊彈壓，該匪業經逃去。據教民馬本敬、王貴方面稱，伊等奉美國耶穌教傳道。十月二十日晚，被拳匪數十人突至伊家，將銀錢、糧食、衣物全行搶去，並將伊王貴方西馬棚二間、南屋二間放火延燒。等語。查勘該教民馬本敬、王貴方家被搶、被燒屬實。又據齊路小楊官屯民人臧吉太呈報，伊家於十月二十日過午，被拳匪勒去紋銀四百兩、京錢二百二十千文。又據教民高善政稟報，教民袁其順、張立勳、張吉田、任福慶、彭玉魁等家，於十月二十四日，被拳匪共罰去京錢二百五十千文。又據教民高善政稟報，石光吳莊教民趙玉堂家，於十月二十四日，被拳匪搶去

〔一〕此件原無具稟者姓名及日期，據光緒二十五年十二月十九日袁世凱咨總署文之附件二，可知此件為高唐州知州李恩祥於同年十一月下旬的稟報。

糧食若干、馬一匹，罰去京（錢）一百四十千文。又據禹路堤子陳莊增生陳玉振呈報，伊家於十月二十四日，被拳匪搶去車輛、騾頭、衣物等件。又據禹路胡集民人郭安良呈報，伊家於十月二十五日，被拳匪搶去京錢五百千文，棉花四千斤並糧食、衣物等件。又據平路張官屯民人王方寬呈報，伊家於十月二十五日，被拳匪搶去錢財、傢俱，並將伊擄至胡集，割去右耳始行放回。伊房屋被匪拆扒，地畝亦被匪價賣。又據教民高善政稟報，平路劉樓教民曲紹曾家，於十月二十七日，被拳匪搶去錢財、傢俱等物。又據平路何家廟文童劉世澤呈報，伊家於十月二十七日，被拳匪搶去紋銀九十兩、京錢二十三千文、煙土一包、驢二頭、牛一隻、騾子一頭，轎車、大車各一輛，棉花若干，並將伊弟劉世昌擄去，旋即逃回。又據禹路楊莊民人楊殿臣呈報，伊家於十月二十七日，被拳匪搶去傢俱等物。又據教民高善政稟報，恩路五里鋪教民高善章家，被拳匪逼令擺席若干，罰錢數十千文。又訪得在路徐官屯教民王連元家，被匪訛去京錢二百六十千文，並牽去牛二隻、驢三頭、破車一輛。又該莊教民江迎春、江文祥家，各被拳匪訛去京錢四十千文。又據夏路田莊民人田兆忠呈報，伊家十一月十七日夜，被拳匪搶去京錢四十六千、驢二頭、小車三輛、衣服被褥各件。伊弟田兆同並被拒傷。各等情在案。

奉飭前因，查卑境教民被擾十三家，平民被擾七家，共二十家。惟教民王貴方一家被燒西馬棚二間、南屋二間，餘均未被燒害。受傷者惟田兆同、王方寬二人，現均醫治平復。以上各案，均經卑職隨時稟報在案。惟此項拳匪，各處皆有。前在卑境南鎮、李集、涸河、蔣官屯分爲四股，日以搶掠爲事。經卑職於十月二十八日、二十九日兩日，會同本道派委文武員弁，帶隊在涸河、李集連日勦捕，擊斃首從

十三名，生擒董元邦、于清水二名，奪獲匪馬多匹，器械多件，餘匪紛紛逃竄，四境又安。近聞各鄰封復有拳匪聚眾搶掠情事飭查，卑境尚稱救平。

(山東巡撫衙門檔)

五〇七 彭金山等爲高密李金榜拆毀鐵路窩鋪事致袁世凱等電

光緒二十五年十二月初一日(一九〇〇年一月一日)

濟南。撫帥、藩、臬憲鈞鑒：高密。密。連日勸解，有十二莊不遵。聞昨張家大莊演炮，自傷一人甚重。今辰，武生李金榜等率二百餘人，執旂抬礮，越該鄉境，拆燬鐵(路)草窩鋪數座，搶去糧物各散。幸預囑備敵，未傷工人。一面保護公司，一面率兵役趕散，未便開礮窮追。現允洋人續調濰防鎮懾，約限五日。挽人勸解，倘再不遵及搶掠公司，作何辦理？叩求電示。麾下彭、卑職李(季)稟。東。膠州來電。十二月初二日到。

(山東巡撫衙門檔)

五〇八 袁世凱爲即調濰防隊赴高密彈壓事致季桂芬等電

光緒二十五年十二月初二日(一九〇〇年一月二日)

高密。季令、彭管帶：密。電悉。仰即調濰防全隊彈壓，須先照約商明德督。該員等務須嚴密保

護公司洋員，切毋疎虞生衅，斷不可任其搶掠。撫院電。冬。印。十二月初二日發。

（山東巡撫衙門檔）

五〇九 袁世凱爲奉旨著極力保護事致季桂芬等電

光緒二十五年十二月初四日（一九〇〇年一月四日）

高密。季令、彭管帶：高密。密。本日欽奉電旨：辦理高密一案情形并悉。派兵彈壓，雖照約應行咨明，究之權操自我。務須嚴飭派往營官，相機極力保護，毋任藉滋口實。等因。欽此。仰欽遵查照，極力保護，決不得再任搶掠滋事。撫院電。支。印。十二月初四日發。

（山東巡撫衙門檔）

五一〇 彭金山等爲已遵旨辦理高密路案事致袁世凱等電

光緒二十五年十二月初五日（一九〇〇年一月五日）

濟南。撫、藩、臬憲鈞鑒：高密。密。江、支電敬悉。電旨欽遵辦理。濰防昨到三哨，翌到齊。卑職先已照會德督，尚無異言。卑職與紳挽鄭公鄉、趙貢生就近勸解，日內未見舉動。今午該貢生來信，又勸允數莊，其勢漸孤。事尙就緒，初八進城。麾下金山、卑職桂芬稟。微。膠州來電，十二月初六日到。

（山東巡撫衙門檔）

五一一 袁世凱爲飭即查明德督所謂界外爲何意事致季桂芬電

光緒二十五年十二月初六日（一九〇〇年一月六日）

急。高密。季令。密。德督來電謂，特准該營兵馳入膠澳百里外界高密之境，認真保衛云。惟界外何須知會，且界外又何能保護？不可解。望查明即復。撫院。魚。印。十二月初六日發。

（山東巡撫衙門檔）

五一二 季桂芬爲已下鄉宣讀諭旨具結免究事致袁世凱等電

光緒二十五年十二月初六日（一九〇〇年一月六日）

濟南。撫、藩、臬憲鈞鑒。高密。密。今日下鄉宣讀電旨、憲諭，有出頭人，允初九進城，倘能具結免究，再辦善後。卑職桂芬稟。魚。膠局來電，十二月初七日未刻到。

（山東巡撫衙門檔）

五一三 季桂芬爲民衆已解散等事致袁世凱等電

光緒二十五年十二月初七日（一九〇〇年一月七日）

濟南。撫憲、各憲均鑒。高密。密。卑職於晦朔日，一面商調全營，一面電稟請示，一面知會德督，

故辦理迅速。昨會同彭管帶單騎下鄉，衆已解散安謐。趙貢生允明後日領李金榜等進城了事，卑職擬令具結，前事免究，再商善後。所謂百里外界，即邊界在租界之外。曹守尚未到。卑職桂芬。虞。膠州來電，十二月初八日到。

(山東巡撫衙門檔)

五一四 彭金山等爲民衆欲鐵路改道或豁免錢糧事致袁世凱電

光緒二十五年十二月十一日(一九〇〇年一月十一日)

濟南。撫帥鈞鑒：高密。密。車坊事，原俟初九日進城具結，再辦善後。今變不願進城，先議善後，非鐵路改道，即豁免濠里各莊糧銀。礙難照准。說事人告退。麾下、卑職明日仍減從下鄉勸說，並飛請曹守速臨。洋人錫貝同譯周季膺到，勒令派兵駐張家大莊，否則自調洋兵。倘該莊民萬一抗拒，求明示遵辦。麾下金山、卑職桂芬稟。軫。十二月十二日，膠局來電。

(山東巡撫衙門檔)

五一五 彭金山爲高密張家大莊民衆開礮阻路事致袁世凱電

光緒二十五年十二月十一日(一九〇〇年一月十一日)

濟南。大帥鑒：十一日洋人開工，標下帶隊赴梁家埠彈壓保護，張家大莊等莊率衆三千餘人攔阻，

不准修路，開礮，標下未敢開槍，保護洋人撤回。事情緊急，作何辦理，叩求速批。彭金山稟。軫。十二月十二日，膠局來電。

(山東巡撫衙門檔)

五一六 季桂芬爲李金榜孫文等聚衆阻路事致袁世凱電

光緒二十五年十二月十一日(一九〇〇年一月十一日)

濟南。撫帥鈞鑒：高密。密。發真電後，訪聞今日該鄉又欲聚衆阻路。先於昨午，擄役至張家大莊苦勸，留住鄉間。今曉李金榜、孫文、孫成書各率數百人前往，彭營官正保護開工，遙見多人，撤隊停工，又被拆木架兩座。卑職申刻回城。洋人因屢次不肯敵傷百姓，欲自調洋兵。萬求速電青島，暫止洋兵，候曹守商辦。事難兩全，緊急無策，電亟遵辦。卑職桂芬。真二鼓。十二月十二日，膠局來電。

(山東巡撫衙門檔)

五一七 袁世凱爲勸德暫緩開工設法解散民衆事覆彭金山等電

光緒二十五年十二月十二日(一九〇〇年一月十二日)

高密。彭管帶、季令。密。兩電悉。務婉勸德公司暫緩開工，一面設法解散，認真保護，并催曹守

速往。至濠里各莊錢糧，將來如真受水災，必可豁免，并可另籌撫卹，決不使農民失所。但德兵切須阻止。撫院。文。印。十二月十二日發。

(山東巡撫衙門檔)

五一八 袁世凱爲飭即出示曉諭事致季桂芬電

光緒二十五年十二月十二日(一九〇〇年一月十二日)

高密。季令：密。仰卽出示，謂鐵路應多架橋樑，必不至壅水成災。倘真成災，本部堂必奏請豁免錢糧，并妥加撫卹，決不至使民失所。仰各安業，切毋聽信煽惑，妄生事端，致干嚴懲。撫院電。文。印。十二月十二日發。

(山東巡撫衙門檔)

五一九 袁世凱爲已飭夏辛酉軍前赴高密等地事致季桂芬電

光緒二十五年十二月十四日(一九〇〇年一月十四日)

高密。季令：密。已電夏鎮撥一營赴高，一營紮濰，并派石守往。望速將前電豁免一事，多出告示爲要。撫院電。寒。印。十二月十四日發。

(山東巡撫衙門檔)

五二〇 袁世凱爲總署飭即嚴拏路案首要事致曹榕等電

光緒二十五年十二月十五日（一九〇〇年一月十五日）

高密。曹守、季令、彭管帶：密。頃准總署電開：文兩電已進呈。高密居民聚阻造路一事，德使來照內稱，中國不立即妥籌彈壓，即不能不派德兵前往。等語。是此事全賴官吏切實開譬利害，立飭解散，如有不聽開導，故意抗違，即將爲首滋事之人嚴拏懲辦，免致釀成事端，轉難收拾。此案關係甚重，貴撫責無旁貸，務希趕緊籌辦，並將近日情形隨時電復云云。望即遵照辦理。倘不遵開導，故意抗違，即嚴拏首犯嚴懲。並將近日情形隨時迅電。撫院電。咸。印。十二月十五日發。

（山東巡撫衙門檔）

五二一 曹榕等爲高密已成聚衆挾免錢糧之勢事致袁世凱等電

※光緒二十五年十二月十六日（一九〇〇年一月十六日）

濟南撫憲、各憲鈞鑒：高密。密。卑府昨下鄉徧宣電諭，極力苦勸，人衆口雜。督同卑職訪察情形，竟成藉端聚衆、挾免錢糧之勢。雖仍挽紳下鄉，而警探頻聞。欲勸則難令速悟，莫阻洋兵；欲懲則係無知愚民，無論官家無此辦法，必貽劣紳口實。進退棘手。然奸民愈無忌憚，貧者脅從，富者勒派，急成滋蔓。且萬一焚毀公司，又非遵旨保護之意。事際危急，惶悚上稟叩云。十二月十六日膠州

來電。

(山東巡撫衙門檔)

五二三 袁世凱爲著即出示並飭彭金山認真保護事覆曹榕電

光緒二十五年十二月十六日(一九〇〇年一月十六日)

高密。曹守：密電悉，甚念。可出示曉諭，倘將來真被水災，必可免糧。并一面轉飭彭管帶，帶隊駐紮公司附近處，如終不聽諭，敢來攻焚，惟有相機抵禦，認真保護。萬一疏誤，該管帶斷難辭此重咎。撫院。葉。印。十二月十六日發。

(山東巡撫衙門檔)

五二三 袁世凱爲錄送處置教案示稿並清單事咨呈總署文

※光緒二十五年十二月十九日(一九〇〇年一月十九日)

案查山東各屬匪徒滋擾教民，已非一日。所有沂州各屬案件，已於本年五月議結在案。五月以後，該匪等滋擾兗、曹、濟寧各屬教堂多處，並教民多家。經德主教安治泰會同兗沂道彭虞孫確查商辦，尚未議結。其中並有擾害民人案件，應俟議結時分別辦理。八月以後，該匪等又蔓延勾結，滋擾濟、東、泰、臨各屬地方。始以仇教爲名，漸且波及良善，甚至有擄架、勒贖、焚殺、斃命等重情，教堂亦

被焚毀數所。均經各教士先後呈報有案。

本署部院到任後，體察情形，實由民教積怨構成。而巨盜奸民，因而從中煽惑。曾經出示剴切曉諭，專以調和民教爲主。並通飭各屬，嗣後凡辦教案，必須遵照條約，持平辦理，毋得畸輕畸重，至啓紛爭。又飭查明境內自匪徒竄擾以後，共搶民人若干家，教堂若干處，確查詳勘，分別具報，以爲將來議辦根據，俾免各教士藉端勒索。

茲先就各府州縣、各營防陸續稟報各案件，悉心鈎核，彙繕清摺。濟、東、泰三府，臨清一直隸州，共十七州縣，匪徒滋擾案件總共一百四十六起。內中擾害教民案件一百二十七起，共三百二十八家。民人案件十九起，共二十八家。共燒燬、拆毀大小教堂十處，架擄、傷斃教民二十三名，民人七名。以上均係就現在查明案件簡明數目，先行咨呈冰案備查。其續報案件，容再另案咨呈。

再，各教士先後呈報案件甚多。除已經州縣稟報，及其稟報不實尚待查勘之案，一概刪除不計，故清摺所開教士呈報案件，僅列一十六起，以昭詳慎。合併聲明。

除將詳細情形具摺密奏外，理合將示稿、通飭札稿及查明濟、東、泰、臨各屬匪徒滋擾案件，繕具簡明清摺，備文咨呈貴衙門，謹請查照施行。

（總理各國事務衙門檔）

附件一：袁世凱呈勸諭民教告示稿並通飭稿

照錄清摺。

謹將勸諭民教告示稿一件、通飭稿一件，繕具清摺咨呈鈞鑒。

計開：

爲出示剴切曉諭事。照得自開禁通商以來，我朝廷特允西人在中國各省設立教堂，傳習天主、耶穌等教，並歷訂條約，載在盟府。我國家復承認保護教堂之責，曾迭奉諭旨，諄諄誥誥，期各相安。而總理各國事務衙門暨各省大吏，亦再四剴諭，已不啻三令五申。良以立約在信，交鄰以和，誠恐失信於人，至貽口實，失和於各國也。卽於平民立券，猶須遵守，匹夫一諾，尚復踐言，況我堂堂大國乎。近年以來，因民教失和，我朝廷償款、租地、黜官、刑人各案，不知凡幾，亦緣失信於人，良非得已。

本署撫部院下車之始，卽聞東省民教積不（相）能，時生事端。究其根由，多因地方官辦理未能持平之故。查西教與釋、老各教大致相仿，不必互生猜疑，習久爲常，自可相安無事。倘有教民不安本分，欺凌爾等，原許爾等據實控訴。由縣而府而道而司而院，均可爲之申理。本署撫部院素以愛民爲心，斷無不爲爾等作主。倘有聚衆鬪鬧，私相尋仇，是乃有背王章，且使官家失信違約。按例議辦，則聚衆者有常刑，失信者輸賠款。卽爾等本屬有理之案，轉致全行抹殺，爾等受無窮之苦，國家增牽顧之虞。是非特與教堂爲難，亦與爾等己身爲難，又與爾等國家爲難。明哲忠義者，斷不爲此。

自示之後，爾等須知傳習西教爲國家約許，並有保護之責。不得妄相猜疑，自然各安本分。遇有冤屈之事，止可向官長呈訴申理，切勿私相報復，自罹法網，貽累公家。倘有違犯，定行按律懲治，決不寬貸。

至授習西教者，按各國約章內載，傳教之士原係勸人爲善，視人如己，尊崇君上，謹守中國法度。又民教涉訟，地方官務須持平審辦，教士亦不干預袒護。等語。自宜恪遵條約，專心向善，奉公守法，敬崇君上，以保爾教聲名。循爾教規矩，地方官斷無不實力保護。爾等倘有恃教爲非，違越禮法，本署撫部院卽飭各屬治爾等以所犯之罪，亦決不爾貸。爾等須知雖習西國之教，猶是中國之民。所有本國法令，仍須遵守。何得因身入教，卽可忘爾本源也。爲此出示剴切曉諭。仰凡民、教人等一體知悉，父詔兄勉，共守法度。本署撫部院遇事不分民教，但論曲直。法令無私，毋輕嘗試。各宜懍遵。切切。特示。

照錄通飭稿。

爲通飭頒發事。照得東省民教各懷疑忌，不能相安，漸至成仇，迭滋事案。而拳、會各匪乘間抵隙，藉名造端，煽惑良民，勾結生事。推原其故，多由各地方官未能按照條約章程，持平辦理，有以致之。本署撫部院訪聞東省官吏，非視教如仇，卽畏教如虎。其仇教者固足倡率滋事，其畏教者尤易激成變端。

查平民、教民本屬一體，爲民牧者均得懲治約束。遇有訟件，但按律判其曲直，原不必分民教爲兩

歧。即洋人教士有干預公私事件，儘可據條約章程分別駁斥，不應偏聽袒護。如教士有不安分者，亦可查照成案，列其實跡證據，詳請上司核辦。無如近時官吏，平日於約章、交涉等件素未諳習，遇有教案無所依據，模稜瞻顧，敷衍苟安。甚至教士爲教民詞訟案件包攬干預，該教民並無訴狀，但憑教士函片，即籤票傳人。差役又需索騷擾，片紙下鄉，中業傾產；曲直未判，真偽未分，而良民已受無窮之累。且有因調處教案而訛詐多端，復令平民作樂放砲、叩頭設席以求了結各情形。本署撫部院聞之，不勝惻憫。在奉行法令爲民父母者，捫心自維，安忍出此？無惑乎平民結怨，教民長刁，迭有聚衆搶焚事案。

嗣後仰各牧令遇有教民與平民涉訟，務須按照律例、約章，持平辦理。尤不准差役有絲毫訛索。倘再復蹈前習，一經查出，立即嚴參。並將訛索差役盡法懲治，決不寬貸。但使民教悅服，各得其平，自可消弭無數隱患。

至傳習西教，載在條約；保護教堂，守令專責。倘遇居民聚衆搶焚教堂之事，必須先事預防，按照約章竭力保護，認真彈壓。其傳教西人，亦須驗明執照，以禮相待。切不可稍有疏忽，至使釀成巨案，貽累公家。明知時局艱難，措置原多棘手，而利害攸繫，治亂所關，身任地方，難辭盤錯。茲特刊布告示，張剴切曉諭，仰分別張掛。並轉奉照錄出示，務使鄉曲週知，互相勸勉，期各相安。爲此通飭各該司道，並徑飭該府州札到立即轉飭頒發各屬，一體遵照辦理，切勿視等具文，致干參究。切切。特札。

附件二：袁世凱呈濟東泰臨各屬教案清摺

照錄教案清摺。

謹將山東濟、東、泰、臨各屬匪徒滋擾案件，分別民人、教民繕具清摺，咨呈鈞鑒。

計開：

濟南府屬：

齊河縣：

十月二十六日，搶掠城子坡莊教民史有勤等三家糧食、衣物一案。又搶掠大冀莊教民葛文祥等九家糧食、衣物一案。又搶掠北辛莊教民孟繼賢、孟繼才等三家糧食、衣物一案。又搶掠城子坡莊教民張彥中等三家糧食、衣物一案。

十月十三日，搶掠杜家寨莊教民方金章等三家衣物、糧食一案。又搶掠官莊教民范景玉家糧食、衣物一案。

禹城縣：

十月初二日，搶掠苗家林教民王書紳等四家糧物一案。

十月初五日，燒燬苗家林供佛民房四間，並將看門民人一名戕斃一案。

十月十八日，搶掠姜家莊教民姜得安家車輛、牲口、糧食、錢文，並燒燬房屋一案。

十月二十日，搶掠各戶屯教民許天順家牲口、衣物、錢文，並擄架其子許狗子一案。

十月二十五日，燒燬李胡莊教民楊連中等三家房屋，並訛索錢文一案。又搶掠武家莊教民武日堂等三家衣物，並燒燬武登堂房屋一案。又訛索房家寺教民邵永春等家錢文一案。又訛索九聖堂教民梁玉輝家騾馬四匹一案。

十月二十六日，訛索興國寺教民高雲慶等兩家錢文一案。又訛索長李莊教民李金山等兩家錢文一案。又搶掠韓莊教堂未成，轟斃教民韓士信一名，又傷斃民人韓肉頭一名一案。此一案有教民、民人在內，應分作兩案。

十一月十二日，搶掠寶莊教民張哲等三家糧食、衣物，並燒燬張哲房屋一案。又搶掠寶莊教民孫廷宣家牲口、衣物一案。

平原縣：

九月初二日，搶掠杠子李莊教民李金榜等家衣物、糧草一案。

九月初三日，搶掠劉莊七家教民衣物、銀錢、糧食一案。

九月十二日，搶掠李爐家莊教民十三家衣物、糧食一案。

九月十四日，訛索森羅殿附近各莊教民糧食、衣物一案。

十月十九日，訛索趙莊教民常興孟家銀兩一案。

長清縣：

九月十八日，滋擾、訛索小袁莊教民趙藍田錢文一案。又滋擾、訛索郝家莊教民郝丙義錢文一案。

十月初六日，搶掠張李莊教民李公堂家銀錢、衣物、車、牛等項一案。

十月初七日，搶掠鄭家營教民鄭繼先等家錢、屋、牛、馬，並燒燬房屋一案。

十月十六日，訛索徐家樓教民徐長明等家銀兩一案。又訛索李官屯教民李達銀物一案。

十月十八日，擄架張李家莊教民李公堂之父李鳳來與其弟，並燒燬李公堂房屋一案。

十一月十二日，搶掠佛公店莊教民丑玉福等家糧食、衣物、牲口，並將丑玉福擄架一案。

十一月十三日，搶掠朱莊教民朱宴階等家物件、器具一案。

十一月十八日，搶掠燕家窩莊民人孔兆鳳、孔兆吉等家錢文、衣物一案。

十一月十九日，搶掠柴家窪莊民人關祿興家衣物、錢文一案。

十一月二十日，搶掠三官廟莊教民魏貞銀家錢文、衣服、驢騾一案。

十二月初三、四日，訛索南方寺頭莊教民鞠、李兩家銀錢一案。此案係美教士韓維廉呈報。又訛索

婁家寺教民李存珠家銀錢一案。此案係美教士韓維廉呈報。

東昌府屬：

聊城縣：

十一月初九日，拆毀小店子莊教民趙廷揚等十二家房屋，並向民人訛索錢文一案。此一案有教民、民人在內，應分作兩案。又拆毀季家海莊教民季永亭等五家房屋，並向民人訛索錢文一案。此一案有教民、民人在內，應分作兩案。

十一月十五日，拆毀臺莊教堂，並教民張希賢房屋一案。

十一月二十日，訛索胡家莊教民姚登瀛家銀物、馬匹一案。

堂邑縣：

十一月初九日，搶掠民人王廣有家錢文、衣物、牛隻，並將其兄教民王金海擄架，又扎傷工人李二一案。此一案有教民、民人在內，應分作兩案。

十一月二十六日，搶掠任家雙廟莊教民十四家，並燒燬教堂房屋一案。此案係法主教馬天恩報。又訛索雙廟莊教民任德純、任李氏銀兩一案。此案係法主教馬天恩報。

十二月初二日，搶掠丁園寨教民安志良家一案。此案係法主教馬天恩報。又搶掠滿杏園莊教民陳立本等兩家，並搶教堂一案。此案係法主教馬天恩報。

博平縣：

十月初九日，燒燬小王莊教民朱明經家房屋，並將朱明經擄架一案。

十月初十日，訛索張大勾莊教民周克存銀物一案。又燒燬張大勾莊教民張蘭心、張蘭貴等家房屋一案。又燒燬宋莊教民宋得志房屋，並搶掠糧食一案。又訛索宋莊教民宋鳳鳴等家錢物一案。

十月十二日，訛索李雙熙莊教民李保才等七家錢物，並搶掠糧食、柴草等項一案。

十月十三日，燒燬玉皇廟教民趙文燦家房屋，並將趙文燦擄架一案。又訛索玉皇廟教民趙山等十家銀物一案。又搶掠玉皇廟民人趙尊爵車輛一案。又搶掠玉皇廟民人趙文炳牛隻一案。

十月十四日，燒燬陶家橋教民陶自來家糧草一案。又訛索後王莊教民王景坡等七家銀物一案。又燒燬劉莊教民劉玉華家糧草，並訛索錢物一案。

十月十五日，訛索岳莊教民岳宗愛家銀物一案。又燒燬王麻子莊教民劉開泰家房屋，並搶掠車輛、牲口一案。

十月十六日，燒燬吳楊莊民人王書亭等九家糧草，並訛索銀物一案。又燒燬吳楊莊民人王書亭房屋，並將看門莊民張萬春扎傷身死一案。

十月十八日，訛索大朱莊教婦朱薛氏等家錢物一案。

十月二十日，搶掠張賈莊教民張立棟家牛驢，並訛索銀物一案。

十月二十一日，訛索菜屯教民李敬明家銀物一案。又燒燬樊莊教民樊宗唐等七家房屋，並訛索銀錢一案。又滋擾、訛索周家橋教民王連太等家錢物一案。又滋擾、訛索倫家橋教民倫鳳信等家銀錢一案。

十一月十六日，訛索張馬杜莊教民張洛寅家銀兩一案。又訛索王麻子莊教民劉興太家錢物一案。

十一月十九日，搶掠大黃莊各教民衣物、銀錢一案。

在平縣：

十月初七日，搶掠張官屯教民徐清華等十七家錢物，並燒燬房屋一案。又搶掠王香老莊教民徐善蘭等四家衣物、糧食，並燒燬房屋一案。又擄架馬家沙窩教堂教讀王觀傑，旋被殺害一案。又擄架馬

家沙窩教民劉安義等三人一案。又搶掠劉家集、梁莊教民王慶順、張學潤等十二家錢物一案。

十月初八日，搶掠吳官屯教民楊繼振等家錢物一案。

十月初九日，搶掠王家廟教民莊文禮等家錢物，並燒燬房屋一案。

十月初十日，搶掠閻屯教民王立順等五家衣物一案。又訛索馬家坊教民李大清錢物一案。又搶掠胡家口教民胡清江等家錢物一案。又搶掠姚張莊教民張福順等十九家，並燒燬四家房屋，拆卸教堂一案。又搶掠姚張莊教民張福苓家錢物，並將張福苓擄架一案。

十月十一日，燒燬趙莊教民方傳璽等兩家稽垛，並訛索錢物一案。

十月十二日，搶掠劉占鰲莊教民劉克義等九家衣物，並燒燬教民房屋，延燒教堂一案。又搶掠杭莊教民杭明甲等三家錢物一案。又搶掠金家樓教民金立柱等三家錢物，並燒燬房屋一案。

十月十三日，滋擾小馮官屯教民張兆河等家錢物一案。又搶掠泥匠王莊教民袁鳳歧等家衣物一案。又搶掠張楊莊教民王六德等家衣物、器具一案。又燒燬大張莊洋式教堂一座。又燒燬教民房屋一百八十餘間，並砍死教民張學曾、張傳路二名，又燒傷張安居等三名一案。此一案分燒燬洋式教堂、焚殺教民爲兩案。

十月十四日，搶掠焦莊教民焦聖訓等兩家錢物，並燒燬房屋一案。又搶掠雷莊教民曹越堂等家錢物，並拆毀教堂一案。又搶掠城南張莊教民張傳厚家錢物，並燒燬教堂一案。又搶掠丁莊教民李金山等四家衣物一案。又搶掠高莊教民高文學等家錢物一案。又搶掠張莊教民張學同等家衣物，並燒燬

張學同房屋一案。又搶掠張刷子莊教民宋文連等錢物一案。

十月十五日，擄架賈莊教民賈克階等二名，并搶掠銀物一案。又搶掠王莫莊教民閻祥等四家錢物一案。

十月十七日，搶掠姜莊教民姜懷進等十家衣物，並燒燬房屋一案。又搶掠武莊教民武連興家衣物一案。

十月十九日，燒燬八里莊教民靖叔明等家房屋，並延燒教堂一案。

十月二十一日，搶掠尹莊教民葉林園等家錢物一案。

十一月二十日，搶掠王劉莊民人、文童趙宗仁家衣物、銀錢，並將其子趙養祺擄架一案。

清平縣：

十月十八日，搶掠馮傳莊教民王長貴家器具，並拆毀房屋一案。

十月二十六日，拆毀小劉莊教民劉昌棟家房屋一案。

十月二十四日，搶掠許莊教民郭芹家器物一案。又搶掠魏莊教民王金順家衣物、錢文一案。又搶掠魏莊教民魏玉恒家一案。此案係法主教馬天恩報。

莘縣：

八月二十五、六等日，滋擾王家莊、齊家路口等莊民人、教民，並搶掠糧食一案。此一案係兩莊，有教民、民人在內，應分作兩案。

冠縣：

四月二十四日，搶掠孫家莊教民潘維翰家衣物一案。

恩縣：

七月十五日，訛索辛莊教民四家一案。此案係法主教馬天恩報。

九月十四日，搶掠張莊市集商販糧食一案。

十二月初間，訛索胡莊教民兩家錢文一案。此案係美教士傅恒理呈報。

高唐州：

十月二十日，搶掠董官屯教民馬本敬、王貴方等家銀錢、糧食、衣物，並燒燬王貴方房屋一案。又搶掠石光吳莊教民張玉堂家糧食、馬匹、錢物一案。

十月二十二日，搶掠小楊官屯民人臧吉太銀錢一案。

十月二十四日，搶掠梯子陳莊民人、增生陳玉振家車輛、牲口、衣物、銀錢一案。又訛索袁莊教民袁其順等五家錢文一案。又搶掠徐官屯教民王連元等家牛、驢、車輛，並訛索錢文一案。又訛索徐官屯教民江迎春等家錢文一案。

十月二十五日，搶掠胡集民人郭安良錢物、糧食等件一案。

十月二十七日，搶掠劉樓教民曲紹曾家錢文、器具一案。又訛索五里鋪教民高善章錢物一案。又搶掠何家廟民人、文童劉世澤銀錢、牲口、車輛等項，並擄架其弟劉世昌一案。

十一月十七日，搶掠田莊民人田兆忠家錢文、驢頭，並將其弟田兆同擄架砍傷一案
泰安府屬：

平陰縣：

十一月二十五日，搶掠毛家舖各教民衣物，並訛索教民張姓錢文一案。

十一月二十八日，搶掠袁兒莊教民八家，燒燬教堂及教民房屋，燒斃教婦丁趙氏一名，並傷民人一案。此案係法主教馬天恩報。因有教民、民人在內，應分作兩案。

十二月初一日，搶掠橋口莊教民，並燒燬房屋一案。此案係法主教馬天恩報。

十二月初三日，搶掠王家莊教民，並燒燬房屋一案。此案係法主教馬天恩報。

東阿縣：

十一月二十八日，搶掠東莊東慶盛之母、教婦東高氏家，並訛索錢文一案。此案係法主教馬天恩報。

十二月初一日，搶掠祁莊教民岳傳興、祁鳳舞、祁孝之三家，並將岳傳興及祁鳳舞之弟砍傷，又燒岳傳興房屋一案。此案係法主教馬天恩報。

肥城縣：

十一月二十五日，燒燬石頭溝莊學、教房屋一案。

臨清直隸州屬：

夏津縣：

十一月二十六日，搶掠賀屯教堂，並教民賀殿寅、莊民賀殿周等家錢文、衣物、牲口一案。又搶掠賀屯教堂一所，教士住宅一所，並搶教民三家一案。此案係美教士傅恒理呈報。又搶掠賀屯民人富戶一案。此案係美教士傅恒理呈報。

以上濟、東、泰、臨各屬十七州縣，共一百四十六案。內焚搶教民一百二十七案，共教民三百二十八家，焚燬大小教堂十處，擄架、傷害教民二十三名。又焚搶民人十九案，共民人二十八家，擄架、傷害民人七名。內有各道府州縣、各防營稟報者共一百三十案，由各教士呈報者十六案。合併登明。

(總理各國事務衙門檔)

五二四 曹榕等爲高密縣民希冀進省具呈事致袁世凱等電

光緒二十五年十二月二十日(一九〇〇年一月二十日)

濟南。撫憲、各憲均鑒：密。風聞該民等妄生希冀進省具呈，故遲疑不決。連日肩牌鳴鑼，遍曉利害，市高汛弁誘卑府等下鄉，語稍帖服。今擬懇單山長力保不究既往，領莊社長進城具結。山長口稱，緩尚可勸，急則生變。卑府等事無確握，惶愧無極。卑府榕、卑職桂芬。芻。膠州來電，十二月二十一日到。

(山東巡撫衙門檔)

五二五 袁世凱爲奉旨緝辦路案首要事致曹榕等電

光緒二十五年十二月二十一日（一九〇〇年一月二十一日）

曹守、季令、彭管帶：密。近日迭奉嚴旨，責令緝懲首犯，迅速了結，以免德人兵至，多傷民命。自應欽遵辦理。但李及兩孫應如何設法緝辦，望卽密議速復。

再，此事朝廷甚注意，望每日迅發一電，告知近情，以便核奏。夏營王分統到否？亦應預告德人。
○。馬。印。十二月二十一日發。

（山東巡撫衙門檔）

五二六 袁世凱爲給送示稿事致曹榕等電

光緒二十五年十二月二十一日（一九〇〇年一月二十一日）

高密。曹守、季令覽：密。李金榜、孫成書、孫文等前恐鐵路阻水爲災，聚衆滋事，嗣經允其成災免糧，並允加撫卹，又告以建橋情形，本部堂諄諄勸諭，苦心將就，無非仰體國恩，始終以愛民爲心。乃竟久聚不散，又不肯具結了案，是該民等並非爲身家起見，專意抗官搆亂，殊堪痛恨。若不嚴拏懲辦，何以綏靖地方，且恐釀成巨衅，多傷良民，實由李金榜等肇其禍也。茲限出示後三日內，聚衆者立即解散，李金榜等進城具結，本部堂尚可酌予加恩；倘逾限不遵，定卽嚴拏重辦，決不寬貸，亦決不展限。

除飭文武各官遵照外，合行出示云云。請立即照錄出示毋違。倘已就緒，可暫緩出，一面迅報。○。馬。印。

(山東巡撫衙門檔)

五二七 季桂芬爲張家大莊又有聚衆等事致袁世凱等電

光緒二十五年十二月二十二日(一九〇〇年一月二十二日)

濟南。撫憲、各憲鈞鑒：密。迭奉電諭，惶急萬狀。今曉王營到高，卑職照會德督。連日解散安靜，惟奸莠漁利斂錢，良民急欲了事，亦被逼脅無權。孫、李等屢誘不敢進城，幸卑職於下鄉時，暗地囑咐良民有警報知，今午後張家大莊又聚衆數百人，稟承曹守密飭妥護，如再干犯，必思抵禦擒首。日久相持，總思無傷民命，以仰體愛民憲意，誰知竟無善策。單山長又退後。頃有附生儀倬自鄉來說，鐵道允向北徙五里，可息事。姑允辦。然探聞聚衆急施詭計，看明日動靜續報。卑職芬稟。馮。膠州來電，十二月二十三日到。

(山東巡撫衙門檔)

五二八 袁世凱爲限滿即將李金榜等革衿擊辦事致曹榕等電

光緒二十五年十二月二十三日(一九〇〇年一月二十三日)

曹守、王分統、彭管帶、季令：密。養、馮電悉。李等詭謀遷延，恐無了期。前奉嚴旨，重在拏懲首犯，迅速了結，免德派兵，多傷良民。現已兼旬，斷不可再事延宕，致干譴責。擬俟出示三日限滿，即將李武生革衿，懸賞購線，拿解李者一千金，兩孫各五百金，格斃者減半。一面精選兵役，設法嚴拏，或暗斃。如去三犯，餘當瓦解。現趁增兵，聲威正壯，宜亟圖之，切毋再延。勢逼處此，良非得已。去三犯後，立即出示諭勸良民安業，毋失國家愛民之本意。望妥籌預備，依次舉行。並先籌議電復。○。漾。印。十二月二十三日發。

(山東巡撫衙門檔)

五二九 袁世凱爲總署飭查高密路案緣由事致曹榕等電

光緒二十五年十二月二十九日(一九〇〇年一月二十九日)

高密。曹守、季令：密。頃准總署來電：德使言，高密阻工案，係因地方官侵蝕地價，以致百姓尋衅滋鬧。等語。希即飭查妥辦，早日辦結，免生枝節，并電復。望遵照迅辦并復。○。豔。印。十二月二十九日發。

(山東巡撫衙門檔)

五三〇 曹榕等爲誘獲李金榜並洋員傷人事致袁世凱等電

光緒二十五年十二月二十九日(一九〇〇年一月二十九日)

濟南。撫憲、各憲鈞鑒：密。昨午卑職請單山長等以身家保李、孫等，許其改道，先具不滋事結。

孫文領若干人離城里許，李、孫率四人居然來見，以結有改道請憲示商辦語，堅執須下鄉與衆籌議，今曉即來。延至午後不到，卑職會同麾下彭，於戌刻設法已將李金榜獲禁。城廂嚴防，天明有無動靜續報。卑府等會稟。再，昨有洋人路過昌境范家邱，因犬出吠，放鎗傷人，頗重未死。正在吃緊之際，恐犯衆怒，擬先將事主安卹，稟商曹守再行詳稟。卑職芬附稟。膠州來電，十二月二十九日到。

(山東巡撫衙門檔)

五三一 袁世凱爲嘉獎彭金山等並飭解散餘衆事覆曹榕等電

光緒二十五年十二月三十日(一九〇〇年一月三十日)

高密。曹守等密。艷電已生擒李金榜，甚慰。彭管帶勇於任事，殊堪嘉尚，應記大功一次。出力弁勇查領功牌。懸賞千金，仰季令先行墊發具領，候撥毋遲。并告李等，現經投禁，決不加誅，倘餘黨復鬧，當先誅李，以昭炯戒。各宜解散安分，仍遵前示辦理，本部堂決不失信於吾民也。單山長急公苦心，殊堪敬佩，可先代致候。○。除。印。十二月三十日發。

(山東巡撫衙門檔)

五三二 季桂芬爲路案起因實係德人違約改道所致事致袁世凱電

※光緒二十五年十二月三十日(一九〇〇年一月三十日)

濟南。撫帥鈞鑒：密。敬求轉達總署，照會德使：該公司款不應手，高密土工已做三十餘里，原訂地價五里一領，現在分文未發。前因未給遷墳費，難服衆心，由卑職墊發銀四百餘兩，現尚未還。此次起衅，實由城東北改道三次，并違約不五里一發。如照錫貝德所插原道一直向北，無傷水利，不致起衅。請發公正德員查。卑職桂芬稟。越豔。膠州來電，十二月三十日到。

(山東巡撫衙門檔)

五三三 季桂芬爲已令李金榜函告莊衆具結事致袁世凱電

光緒二十五年十二月三十日(一九〇〇年一月三十日)

濟南。撫帥鈞鑒：密。李金榜自卑職設誘至藥店，會彭營拏獲後，日內餘黨堅守張家大莊不出。卑職已於昨日令李金榜在獄函知伊叔，求同黨來城具結，可代求生路。今午仍求儀倬來說，須紳士力保不扣二孫，方敢來案。已稟明兩守籌辦。先稟聞。卑職芬卅稟。膠州來電，正月初一日。

(山東巡撫衙門檔)

五三四 季桂芬爲查明德人所傷鄉民情事致袁世凱電

光緒二十五年十二月三十日(一九〇〇年一月三十日)

濟南。撫憲均鑒：密。已查明係德人名沙拉克，繙譯名丁經齋，兩馬一夫，由博山炭井回青島。受

傷人范希聰，六十七歲，傷重恐死。范李氏腿皮傷不重。稟由曹守札知昌邑妥卹。卑職桂芬稟。卅。
膠州來電，正月初一日到。

(山東巡撫衙門檔)

五三五 張瑞芬稟報縣屬各教案情形清摺〔一〕

光緒二十五年十二月(一九〇〇年一月)

謹將卑縣教民趙藍田等及平民鄭繼清等被拳匪搶擾家數查明，開摺呈電。

計開：

一、小袁莊教民趙藍田、郝家莊教民郝丙義兩家，於本年九(月)二十八日午間，被拳匪赴莊騷擾，經人攔處，趙藍田納給拳匪京錢二十吊，郝丙義納給拳匪十吊。

一、鄭家營教民鄭繼先、鄭繼尹、鄭繼堂三家，於本年十月初七日早，被拳匪拿去錢文、衣物，並牽去牛、馬及砸燬器具；鄭繼堂家被燒燬草房三間。又鄭繼先等隣佑平民鄭繼清、鄭好明，並在鄭繼先家寄居之鄭好清、鄭繼榮四家，亦被拿去糧食、衣物，均因失物甚微未報。

一、朱家莊教民朱宴階、朱永玉兩家，於本年十一月十三日，被拳匪拿去粗重器具。

〔一〕此件原無具稟者姓名及日期，據光緒二十五年十二月十九日袁世凱咨總署文之附件二，可知此件為長清縣知縣張瑞芬於同年十二月上旬的稟報。

一、張李家莊教民李公堂家，於本年十一月初六日，被拳匪搶去銀錢、衣物、車輛、牲畜，伊父李鳳來與伊弟均被擄去，用京錢二十千贖回。又於是月十一日，被拳匪放火燒燬房屋十間。

一、徐家樓教民徐長明、李官屯教民李達兩家，於本年十月十二日，被拳匪索去銀四十兩。

一、老王莊教民宋彥臣家，於本年十一月十一日，被拳匪勒索京錢二十千。

一、佛公店教民丑玉福、丑學禮兩家，於本年十一月十二日早，被拳匪拿去糧食、衣被，並牽去驢頭暨將丑玉福擄去，現已找回。

一、燕家窩平民孔兆鳳、孔兆吉兩家，於本年十一月十八日午後，被拳匪搶去錢文、衣物，並砸燬器具。

一、柴家窪平民關祿興家，於本年十一月十九日早，被拳匪搶去錢文、衣物，並砸燬器具暨將關祿興之弟關祿平網縛，逼去銀兩。

一、三官廟平民魏貞銀家，於本年十一月二十二日早，被拳匪搶去錢文、衣服，並牽去騾驢暨砸燬器具。

一、封家莊教民陳大禮、陳大順、陳大玉、陳大倫、陳曹氏、陳延鳳、陳中田七家，於本年十一月二十二日傍晚，被拳匪搶去糧粒、衣物、器具，陳延鳳家並被燒燬房屋四間。

一、李家莊教民李王氏家，於本年十一月二十二日午後，被拳匪搶去衣服、糧粒。

一、辛莊平民劉存榜家，於本年十一月二十五日午間，被拳匪搶去車輛、衣物、器具，並將工人張希

苓等毆傷暨將劉存榜之弟劉存訓擄去，勒令用銀二百兩贖回。

一、翟家莊教民李玉安，於本年十一月二十六日早，被拳匪搶拿衣服、牛隻，經人處說，用銀贖回。

一、薛莊平民房慶臺家，於本年十一月二十八日午間，被拳匪搶去銀錢、衣物。

以上教民趙藍田等共被拳匪搶擾二十二家，平民鄭繼清等共被拳匪搶擾十家，並無焚燬教堂。理合登明。

（山東巡撫衙門檔）

五三六 袁世凱爲飭查高密路案起釁緣由事致曹榕等電

光緒二十六年正月初二日（一九〇〇年二月一日）

高密。曹守、姚守密。季令電稱，德公司不發地價、遷費，并改原勘路，致民構衅。錫樂巴謂該令蠱惑釀亂，并不肯領價，致民生事。等語。兩人各執一詞，仰該守確切查明，據實稟復，以便向德人理論。倘涉虛浮，反自取辱。凱。冬。印。正月初二日發。

（山東巡撫衙門檔）

五三七 袁世凱爲張家莊莊衆如具結解散即可免究事覆曹榕等電

光緒二十六年正月初二日（一九〇〇年二月一日）

高密。曹守等密。兩卅電悉。辦理甚屬周妥。但能具結解散，永不滋事，或兩孫逃避，即可加寬免究。倘仍聚衆負固，伺隙滋事，必須嚴拏懲辦。昨得錫樂巴電，仍欲請德兵保護云。須加慎防。現李犯已獲，似可緩調兵駐丈嶺。望妥酌。○。冬。印。正月初二日發。

(山東巡撫衙門檔)

五三八 袁世凱爲請飭刑司會辦德員傷人事致青島德督電

光緒二十六年正月初二日(一九〇〇年二月一日)

青島。葉大臣鑒：頃據昌邑縣稟報，該境內有德人沙拉克、繙譯丁經齋，由博山炭井回青島，途中槍傷六十七歲老人范希聰及婦人范李氏。等情。請飭刑司迅即派員會同昌邑縣等秉公查辦。撫院袁電。冬。印。正月初二日發。

(山東巡撫衙門檔)

五三九 曹榕等爲高密路案確係德人違約所致事覆袁世凱等電

光緒二十六年正月初三日(一九〇〇年二月二日)

濟南。撫帥、各憲鈞鑒：密。冬電敬悉。季令於丈地、遷墳等事不肯聽民喫虧，遂爲錫所惡。高境滋事者，僅西北一鄉，餘四十里照常工作。盡惑一節，不辯自明。地價、墳費起衅前違約不發，有年月

電報爲憑。改道季令另稟。飭查稟復。卑府榕、釗同稟。江。膠州來電，正月初四日到。

(山東巡撫衙門檔)

五四〇 季桂芬爲已商調防營駐丈嶺等事致袁世凱等電

光緒二十六年正月初三日(一九〇〇年二月二日)

濟南。撫憲、各憲鈞鑒：密。叩賀春禧。已由王分統商調濰防兩哨駐丈嶺，在百里外界外。藩憲發單蔭堂信件昨到。單蔭堂頃酉刻到，請其從速下鄉。卑職芬稟。江。膠州來電，正月初四日到。

(山東巡撫衙門檔)

五四一 季桂芬爲德人修路違約查有確據事覆袁世凱電

光緒二十六年正月初三日(一九〇〇年二月二日)

濟南。撫憲鈞鑒：密。冬電敬悉。地價原訂五里一發，十月望日開工，有十月望電稟院可查。屢請丈量發價不覆，延至十一月二十日起衅。請兵時已做土工三十餘里，尚違約不發。二十二日有催錫樂巴速派人量地發價以安人心之電。至伊催領函電，均在起衅後十二月內，勒令派人往青島領價，無人敢去。至封篆時，伊始派人會同量地，卑職派人役領地價，在膠過年。是伊違約起衅確據。遷墳費原訂每屍棺四兩，伊反悔每塚四兩、棺多加二兩，卑職墊發四百八十四兩。此次錫貝德到高，方允照

發，亦未見銀。是遷坟費違約確據。至勘路插標，屢約會同辦理不聽，任所欲爲，屢插屢改，另繪圖貼說詳稟。卑職芬稟。江。膠州來電，正月初四日到。

(山東巡撫衙門檔)

五四二 曹榕等爲民衆圍攻南柳德公司事致袁世凱等電

光緒二十六年正月初四日(一九〇〇年二月三日)

濟南。撫憲、各憲鈞鑒：密。公司洋人布儀司由青島前往南柳，歲除抵高。卑府等恐有疏虞，阻其前往，伊急欲起行，乃於初二早派兵護送前行。頃據王營官面稱，探得車輜各莊民疑將李金榜解省，率衆往追，行至丈嶺，已衆有百餘，經弁兵等告知實情，勸令各散。并由丈嶺撥勇護送，二更時行抵南柳，洋人已宿公司。忽來有千餘人，圍住教堂，時洋人四名開放銃礮，奪圍而出，內一人被矛刺傷，已相率乘騎奔赴濰縣。計民人受傷二名，轟斃一名。此後情形尚未知悉。此次變起倉猝，聞係高、昌、濰沿途各莊民人所爲，伊等名爲搶奪李金榜，實欲捉拏洋人洩忿。頃復派人探聽，俟確再稟。再，查張家莊復形同負固，勢難善結，現擬將二孫設法拏辦。又青島派員赴昌會驗一案，望電致葉督暫緩。卑府等會稟。支。膠州來電，正月初四到。

(山東巡撫衙門檔)

五四三 袁世凱爲飭赴高密籌結路案事致李希杰等電

光緒二十六年正月初五日（一九〇〇年二月四日）

璵令速專馬迎投東海關李道台、孫軍門同鑒：高密民聚衆與德公司爲難，迭次滋事，時經月餘，屢派員往辦，迄未就緒。請二公先赴高密督飭各員妥爲籌結後，再來省晤敘。抵萊請先電示。○。歌。印。正月初五日電掖縣。

（山東巡撫衙門檔）

五四四 孫金彪等爲遵即偕往高密事覆袁世凱電

光緒二十六年正月初六日（一九〇〇年二月五日）

濟南。撫帥鈞鑒：職鎮等於初六抵萊，接奉電示，遵即偕往。容候至高密如何情形，再行電稟。職鎮彪、職道杰稟。魚。沙河來電，正月初六日到。

（山東巡撫衙門檔）

五四五 姚釗爲陳述與德員會談情形並請兵填紮事致袁世凱電

光緒二十六年正月初七日（一九〇〇年二月六日）

濟南。撫帥、各憲鈞鑒：劍初六到膠，初七見錫，婉商再四。據云：路標已定，萬難更改，明日即要動工。等語。當請其再緩數日，俟電稟撫憲飭營於張家大莊附近駐紮，如該民滋鬧，即可抵禦防護，以保萬全，切勿輕調洋兵。此層已經允許。乞飭彭、王二營迅即分哨前往，或添調營勇赴高填紮。此事高密紳民多執迷不悟，幾無一解事之人，辦理甚為棘手。卑府事權不屬，力竭智窮，應否回省面稟一切，候示遵行。卑府劍謹稟。陽。膠州來電，正月初七日到。

(山東巡撫衙門檔)

五四六 曹榕爲請添兵駐紮昌高交界事致袁世凱電

光緒二十六年正月初七日(一九〇〇年二月六日)

濟南。撫憲鈞鑒：密。昨德刑司抵高，當以昌邑查覆未到，且道途不靖，阻令暫緩，伊仍回膠。頃昌邑稟，該縣南鄉與濠里毗連，不免有奸民與彼響應情事。查范家邱一帶即昌、高交界，爲鐵路所經，洋人時常往來，民情强悍，在在可虞。無論此番滋事各莊能否解散，此一帶村莊似非添兵駐紮，不足以遏亂萌。濰防一營實不敷分布，應稟候憲裁。卑府榕稟。陽。膠州來電，正月初八日到。

(山東巡撫衙門檔)

五四七 袁世凱爲飭即回省面商路案事覆姚劍電

光緒二十六年正月初八日(一九〇〇年二月七日)

膠州。姚守：陽電悉。請就近知會王、彭，派兵防範。現已派孫鎮、李道赴高查辦。該守可回省面

商一切。○。齊。正月初八日發。

(山東巡撫衙門檔)

五四八 孫金彪等爲稟報抵高日期事致袁世凱電

光緒二十六年正月初八日(一九〇〇年二月七日)

濟南。撫帥鈞鑒：職、鎮等於初八午刻抵高。所有詳細情形，容卽查明飛速稟聞。職鎮彪、職道杰稟。齊。膠州來電，正月初九日到。

(山東巡撫衙門檔)

五四九 袁世凱爲指示商談路案機宜事致李希杰等電

光緒二十六年正月初八日(一九〇〇年二月七日)

高密。季令譯呈孫鎮台、李道台：密。曹案條約內路礦各款，應設立德華公司，彼此另訂詳細章程辦理。乃德人迄未訂章，徑自造路開礦，迭生事端。已迭囑德督等派員來省商訂詳章，尚未派來。鄙意擬暫停路工，先商訂章(程)，派員會同辦理，并節節派兵弁彈壓，以期相安。至高密濠里一案，商令改用原勘道路以息爭端，已分電總署及葉督、錫樂巴等商辦，并電葉派員會同二公商查。俟德員抵境，請商令改造原路，并囑暫停工以待訂章。如執意違約滋事，我輩不能任其咎。另函詳此電。○。

庚。印。正月初八日發。

(山東巡撫衙門檔)

五五〇 單蔭堂爲高密鄉民堅求改路事致袁世凱等電

光緒二十六年正月初八日(一九〇〇年二月七日)

濟南。撫憲、藩憲鈞鑒：密。卑職初五、初七往說兩次，伊等堅求改路。卑職反覆曉諭，并宣布憲札，逐句解說，伊等堅不回頭，情願捐銀二三千助工，總求改路。察伊等情形，實非叛民，的係頑民。卑職蔭堂奉委罔效惶恐具稟。齊。膠州來電，正月初九日到。

(山東巡撫衙門檔)

五五一 袁世凱爲擬捐銀以助工息事覆單蔭堂電

光緒二十六年正月初九日(一九〇〇年二月八日)

高密。單監院：密。齊電悉，甚念。改路一節，已分電德員及李道等商辦，倘可成，本部堂亦願捐二三千金，以助工息事。望就近稟商李道等妥辦爲要。撫院。青。印。正月初九日發。

(山東巡撫衙門檔)

五五二 李希杰等爲擬飭營進紮張家大莊附近等事致袁世凱電

光緒二十六年正月初九日（一九〇〇年二月八日）

濟南。撫帥鈞鑒：高密。密。杰、彪疊見曹守、季令、王、彭兩營官暨單教官，據稱，該教官已經兩次赴張家大莊開導曉諭，乃該莊執迷不悟，非改道他處，萬不肯解散。況南柳洋人被圍一事，經季令查明，確係孫汶帶往。所傷三人，係張家大莊及李金榜莊之人，并有字帖知照昌邑、安邱、濰縣沿路各村莊。似此情形，恐非善言所能解散。職鎮、職道商議，仍令單教官先赴附和各村莊，剴切曉諭。一面飭王、彭兩營進紮張家大莊附近要區，鎮守盤查，以防聯絡，并調濰縣兩哨填紮高城。俟單教官曉諭附近各莊就緒，再飭嚴拿要犯。

正在擬稟請示間，奉憲台庚電，擬暫停路工，先訂章程，并飭職鎮等與德員會商，將濠里現修之路改用原勘道路。謹當遵照辦理。惟據季令面稱，濠里一帶插標已逾數月，今忽改回原勘道路，彼處村民未必帖服，且昌濰一帶現在不無觀望，急或又生枝節。所慮不爲無見。

除令單教官徑往曉諭外，謹將擬辦情形先行稟聞，伏乞電示遵行。職道杰、職鎮彪稟。佳。膠州來電，正月初十日到。

（山東巡撫衙門檔）

五五三 季桂芬爲請由紳民自指路基與德妥商事致袁世凱電

光緒二十六年正月初九日（一九〇〇年二月八日）

濟南。撫憲鈞鑒：密。改道一節，應與德員妥商，卑職前曾有函致錫樂巴，如能改道，願捐廉籌款二三千金之語。惟有兩難，謹爲大帥陳之：原勘南道過遠，兩頭已修土工，恐接不上，萬做不到。北道相離不遠，雖可改，但同是子民，仍恐不服。必須飭單監院令紳民自指一道，與洋人妥商，官紳民統籌貼費方妥。卑職芬稟。佳。膠州來電，正月初十日到。

(山東巡撫衙門檔)

五五四 著榮祿傳知蔭昌前赴山東辦理交涉專上諭

光緒二十六年正月初十日(一九〇〇年二月九日)

軍機大臣面奉諭旨：記名副都統蔭昌，現經袁世凱調往山東辦理交涉事件，著榮祿傳知該員，即日前往。俟東省事件辦有端緒，著仍回京辦理武備學堂事務。欽此。

(上諭檔)

五五五 袁世凱爲嚴辦南柳一案等事覆李希杰等電

光緒二十六年正月十一日(一九〇〇年二月十日)

高密。李道台、孫鎮台：密。佳電悉，籌辦甚屬周妥。攻掠南流一案，尤須拿犯追贓，以期妥結。至改道一節，因無把握，姑一面商改，一面設法解緝。添兵兩哨，已由○電青島知照。前由季令電知，葉

督來電謂不合理。嗣後如有添兵事，亦可由二公電知。○。真。印。正月十一日發。

(山東巡撫衙門檔)

五五六 袁世凱爲姑允紳民指道商辦並應慎重事覆季桂芬電

光緒二十六年正月十一日(一九〇〇年二月十日)

高密。季令：密。佳電悉。該令前稱德人違約不照原勘，故已分電總署、青島，并派李道、孫鎮商辦。今謂萬做不到，未免令我取辱。姑照該令所擬，令紳民指道商辦。嗣後務須核實慎重。撫院。真。印。正月十一日發。

(山東巡撫衙門檔)

五五七 孫金彪等爲阻路首要孫成書已勸衆解散事致袁世凱電

光緒二十六年正月十一日(一九〇〇年二月十日)

濟南。撫帥鈞鑒：高密。密。職鎮等昨令單訓導復往濠里各村再勸諭，頃據回稱：爲首阻路之孫成書已有悔罪之心，今日渠至張家大莊及各村，勸其解散具結，仍由現定之路修造。約於明日再與單訓導見面。似此情形，漸有頭緒。容俟明日單訓導與其見面，究竟如何，再行電稟。蒸電敬悉，一切遵辦。職鎮彪、職道杰叩。真。膠州來電，正月十一日到。

(山東巡撫衙門檔)

五五八 李希杰等爲改道不易惟有重訂詳細章程事致袁世凱電

光緒二十六年正月十一日（一九〇〇年二月十日）

濟南。撫帥鈞鑒：高密。密。頃奉密電，按照條約另訂詳細章程，並知會德督暫停路工，派員來高，與彪等商查辦理。足徵洞悉弊由，不勝欽佩。如高密路已築三十餘里，未至青島領錢，又值濠里阻工，勢難領發。查高密至青島，旱路計二百里，領款已多窒礙，其如再遠乎？昨見德國濠里一帶鐵路圖，橋梁共造六十五道，似與水患無關。如改歸原勘之路，恐彼處百姓亦難帖服。倘德國派員來高商辦，仍執不改之意，惟有仰懇重訂詳細章程，再行開辦。查奉天俄國路工有員招呼，出事尚少。可否專派強幹之員，督同地方官妥爲辦理，庶可稍免後患。杰、彪稟。真。膠州來電，正月十一日到。

（山東巡撫衙門檔）

五五九 季桂芬爲德公司實已屢次改道事致袁世凱電

光緒二十六年正月十一日（一九〇〇年二月十日）

濟南。大帥鈞鑒：密。讀真電惶悚無狀。卑職蒙帥洞見原委，保全卑職，感德淪肌。若令大帥爲難，卑職於理不敢，於心何安？錫公司原勘故道，有南北兩路（此處原有眉批：「原電係『路兩』二字，疑筆誤顛倒，故更爲兩路。」），如改回原勘南道，本無傷水利；萬做不到者，指洋人一面言，因北道東段已做土工不少。如

由北道中段之原勘故道向北直下，亦可無傷水利，惟改回何處，故道由官指，恐再人心不服，亦係卑職格外慎重之意。至大帥與德人執辯違約、不照原勘故道之語，毫無語病。緣該公司屢插屢改，共有四處，卑職已繪圖貼說排遞。前呈姚守一圖，尚漏畫原勘南道一綫。卑職芬稟。真亥。膠州來電，正月十二日到。

(山東巡撫衙門檔)

五六〇 袁世凱爲飭即認真解散民衆事覆孫金彪等電

光緒二十六年正月十二日(一九〇〇年二月十一日)

高密。孫鎮台、李道台。密。兩真電悉。二公姑與婉商，藉爲延宕，而認真設法解散民衆。○與詳定章程，以杜後患。單訓導勸諭就緒，殊堪嘉慰，有成卽示該民等。以千餘人爲五洋工抵敗傷亡，技倆已見，尚願與洋兵接仗乎？愚甚徒自誤。○。文。印。正月十二日發。

(山東巡撫衙門檔)

五六一 孫金彪等爲民衆拆毀魯家廟德公司分局事致袁世凱電

光緒二十六年正月十二日(一九〇〇年二月十一日)

濟南。撫帥鈞鑒：高密。密。單訓導所勸孫成書確音未到，忽於午後探有數百人由北而東，欲赴

魯家廟拆毀公司分局。查該局因已停工無人，彭營官派四人看守。當飭王營官派隊前往迎截保護。乃隊尚未到，該衆人越牆進院，彭營四人極力勸阻，恃強不聽，施放槍礮，闖出局門。適王營官隊伍先趕到三人，遂七人與之抵禦。據稱該毀局衆人有受傷者，遂分頭逃逸。卽訪查，傳係東北鄉之人。是否與西濠里同黨，容再查明稟報。此次情形甚屬頑梗，一面先調駐濰兩哨來高，且令單訓導再往開導。如能悔過最妙，倘實屬執迷，究應如何辦法，職鎮等未敢擅專，乞電遵行。

再，在高洋工師擬明日赴膠，青島尚無德員來高。彪、杰稟。文。

(山東巡撫衙門檔)

五六二 袁世凱爲高密民衆如再攻掠卽相機鎮壓事致李希杰等電

光緒二十六年正月十三日(一九〇〇年二月十二日)

李道台、孫鎮台：密。文電悉。高民如此頑梗，實在無法保全。倘仍執迷，惟有懍遵去臆電旨，分別首從，嚴拏懲辦。並多派兵弁保護路局。如再攻掠，卽相機抵禦，無論如何，斷不可聽其搶掠，貽人口實。彭營四人守局不力，應申斥。○。元。印。

(山東巡撫衙門檔)

五六三 季桂芬爲陳述魯家廟案情事致袁世凱電

光緒二十六年正月十三日(一九〇〇年二月十二日)

濟南。撫憲、各憲鈞鑒：密。昨魯家廟案已由李道、孫鎮電稟。卑職今往查勘，該公司洋人等早因

停工搬出，僅壞木器。就近沿途訪察，拆毀工人窩舖四五座，有該廟看塋人李姓左手受傷。俱稱係由東北鄉各莊來，被濠里人傳帖約會，而濠里人未至。除稟承道府各憲核辦外，俟查明詳稟。卑職芬稟。元。正月十三日到。

(山東巡撫衙門檔)

五六四 袁世凱爲請照會德使勿遽派兵隊事致總署電

光緒二十六年正月十四日(一九〇〇年二月十三日)

總署鈞鑒：亥。昨接登萊青道李希杰等自高密電稱，迭派紳衿分赴各鄉曉諭勸散，尚無確音，忽探有數百人約赴魯家廟拆毀鐵路分局，當遣兵截獲未到，該衆人越牆入局，損壞木器。適有守局兵數人勸阻抵禦，恃衆不聽，施放槍礮。又將工人窩舖拆毀四五處。幸諸洋人因停工均移出，未被攻擊。等情。當電飭以分別首從，嚴拿懲辦，認真保護彈壓，毋貽人口實。

頃又接德員葉世克電稱：高密亂民將各局次第拆毀，茲派兵隊往膠州駐紮，如不迅速設法嚴爲彈壓，將逕行酌辦。等語。已電飭李道等迅拿滋事人犯，並覆囑德員停止派兵，以免驚擾。惟高民滋事計今四次，業經百方設法，操縱兼施，復加派李道等督同各員紳反覆開解，並拿獲爲首武生李金榜革衿監禁，該民始終梗頑，堅不聽從。德人又堅執不肯改道，屢擬派兵自辦，迭經婉轉勸阻。而愚民無知，又未可遽加懲創。惟有請照會德使，電囑葉世克從緩和商，切毋遽派兵隊，重滋衅端。幸甚。遠〔袁〕

世○叩。鹽。印。二十六年正月十四日發。

(山東巡撫衙門檔)

五六五 袁世凱爲飭即派員赴膠挽阻德兵事致李希杰等電

光緒二十六年正月十四日(一九〇〇年二月十三日)

高密。李道台、孫鎮台密。德兵至膠，如我迅爲禁辦，必當停頓，可一面設法妥辦，一面酌派員赴膠挽阻。○。寒。印。正月十四日發。

(山東巡撫衙門檔)

五六六 袁世凱爲德兵至膠飭即嚴爲彈壓民衆事致李希杰等電

光緒二十六年正月十四日(一九〇〇年二月十三日)

高密。李道台、孫鎮台等密。葉來電稱：高密亂民膽敢將鐵路各局次第拆毀，該彈壓兵丁竟不保護，本大臣殊出無策，須自設法保衛，茲派兵隊前赴膠州駐紮。貴部院若不迅速設法，嚴爲彈壓，則本大臣逕可另行酌辦。至如何酌辦之處，彼時再爲電達。等語。

望迅速設法嚴爲彈壓，並趕緊查拏滋事之人。倘致德兵前來焚殺，良民何罪，官心何忍？請亟圖之。○。鹽。印。

(山東巡撫衙門檔)

五六七 袁世凱爲德兵抵膠望約束各營事致李希杰等電

光緒二十六年正月十四日（一九〇〇年二月十三日）

高密。李道台、孫鎮台、密。張牧電：德兵二百餘人明早抵塔埠。至望約束各營，切不准滋事生衅，聽候商辦。○。鹽。印。正月十四日發。

（山東巡撫衙門檔）

五六八 袁世凱爲處分高密路案辦理不力各員事致曹榕等電

光緒二十六年正月十四日（一九〇〇年二月十三日）

高密。曹守、彭管帶、王分統、季令、密。迭飭認真保護路局，而該民再四搶掠，辦理又久無頭緒，殊爲辦事不力。曹守記大過一次，彭、王、季三員均記大過三次。倘再疏忽，定即嚴參。撫院袁電。寒。印。正月十四日發。

（山東巡撫衙門檔）

五六九 袁世凱爲總署飭查羅家廟公司被劫情形事致李希杰等電

光緒二十六年正月十五日（一九〇〇年二月十四日）

李道台、孫鎮台等：密。頃接總署電稱：德使照稱，高密城東羅家廟鐵路公司被劫，德員均避至膠州城內，官兵無力彈壓，應調德兵辦理。請定期面商。等語。除明日接晤後再達外，希迅查該公司被劫情形，切飭彈壓保護。即電復。等因。望遵照辦理。○。咸。印。正月十五日發。

(山東巡撫衙門檔)

五七〇 孫金彪等爲高密縣民欲毀路請添營防範事致袁世凱電

光緒二十六年正月十五日(一九〇〇年二月十四日)

濟南。撫帥鑒：密。今午德員到，據云，洋兵現駐膠，高密各局如不能保護，彼兵即來。當告以高民如再滋事，我兵必爲抵禦，無須德兵。彼已允許。二更後，忽聞該民謀乘夜平路、攻打公司，已飭各營嚴備。似此梗頑，倘不力加抵禦，恐無以阻洋兵。若防勦兼施，兵力尚形單薄，應請就近再速撥一二營，以備緩急。大局攸關，實出萬不得已，敬候憲裁。職鎮彪、職道杰稟。咸丑。膠局來電，正月十六日到。

(山東巡撫衙門檔)

五七一 孫金彪爲飭部革獲西鄉一帶毀路民衆事致袁世凱電

光緒二十六年正月十五日(一九〇〇年二月十四日)

濟南。撫帥鈞鑒：密。昨將二更，探聞西鄉各村有乘夜平路毀局之謀，電稟在案。當經飛飭王分

統督隊馳往防護，務須擒拿滋事之人。該分統立即前往姚戈莊，見該黨聚眾數百人，執拿槍礮開放，分統與之抵禦，打傷一人，立即拏獲六十餘人，并抬礮、火鎗十八杆，單刀、花槍等二十件。送縣訊供，有張家大莊之人十餘名。一面已商令曹守到膠阻止洋兵，先行飛稟，并請速派一二營來高。至叩。彪、杰稟。咸。膠局來電，正月十六日到。

（山東巡撫衙門檔）

五七二 孫金彪等稟請示如何懲辦拏獲之滋事鄉民事致袁世凱電

光緒二十六年正月十五日（一九〇〇年二月十四日）

濟南。撫帥鈞鑒：密。昨晚營中拏住滋事人五六十名。前奉諭嚴拿為首，可否分別嚴訊，酌留首要數名，餘皆釋放。請示。職道鎮孫、李全稟。咸辰。膠州來電，正月十五日到。

（山東巡撫衙門檔）

五七三 袁世凱為指示分別懲辦被拏鄉民事覆李希杰等電

光緒二十六年正月十五日（一九〇〇年二月十四日）

李道台、孫鎮台等：密。咸電悉。即嚴訊酌留首要，按律擬治。次要枷責示懲，並免人口實。脅徒者令取保具結釋放。洋公司如有失物，應追繳。○。咸。印。正月十五日發。

（山東巡撫衙門檔）

五七四 李希杰等爲陳述德員來高查勘改道情形事致袁世凱電

光緒二十六年正月十五日（一九〇〇年二月十四日）

濟南。撫帥鈞鑒：密。今午葉督派兵員毛威、譯員慕興立同錫貝德來高，允於北道原勘改道處所或往北移數里，或往南移數里，限三日內與民商定，伊再來會勘，俱一飯卽行。卑職恐沿途滋事，乘騎尾送過魯家廟而返。探得葉派洋步兵兩哨、馬兵一哨，以在膠保護爲名。翌曉卑府赴膠阻兵，單訓導下鄉商改道。職道、鎮等同稟。再，卑職接葉處密探云：毛、慕兩員來高，專爲查勘能否改道及實在情形，向來辦事公允。請速保護履勘，萬勿令民罣止，一切向毛痛說，必可商結。芬附稟。咸。正月十五日，膠州來電。

（山東巡撫衙門檔）

五七五 曹榕爲陳述抵膠禁阻德兵情形事致袁世凱電

光緒二十六年正月十五日（一九〇〇年二月十四日）

濟南。撫帥鑒：榕申刻抵膠，德兵三百餘陸續到，分駐城關，尚不騷擾。榕隨赴公司晤德兵員得爾、毛威、譯員慕興禮、公司錫貝德等，告知昨夜高境芝蔴莊兜拏滋事之人甚夥，得此懲創，民宜知畏。因藉與彼磋商，先請洋兵切勿赴高，已允。後商洋兵退回青島，路務由中國極力保護，雖未明允，窺其

詞意，若蒙帥電葉督和衷婉商，似可允從。再，錫公司云高境停工之賠累多，膠境無事，欲仍開工，似宜會從，庶免口實。統候電示。卑府榕。刪。膠局來電，正月十六日到。

(山東巡撫衙門檔)

五七六 袁世凱爲膠境安靜可允動工事覆曹榕電

光緒二十六年正月十六日(一九〇〇年二月十五日)

膠州。曹守：刪電悉。膠境安靜，可允動工。我如禁辦保護，德兵自不多事。○。葉。正月十六日發。

(山東巡撫衙門檔)

五七七 袁世凱爲已飭夏辛酉撥營前往擊辦毀路民衆事覆李希杰等電

光緒二十六年正月十六日(一九〇〇年二月十五日)

李道台、孫鎮台：密。迭電悉。高民如此梗頑，實無善策。前請免糧停工改道，均經允許，而仍此肆鬧，意究何居？請訊明示知。總之，我不緝辦，德兵必來縱兵焚殺，多害無辜，婦孺良民均被殃及，能無痛心？而緝辦又多係愚民，無知抵法，久抱不忍。然權其緩急輕重，實逼處此，不得不抵禦擊辦，以保良民。已電夏鎮撥營速往。仍請妥慎辦理，無論如何，斷不准再拆毀局路，致釀鉅禍。已獲各犯，可

分別拘禁責枷結釋。并招各紳衿，諭以萬不得已之苦衷。○。銑。印。正月十六日發。

(山東巡撫衙門檔)

五七八 袁世凱爲所撥各隊到後可以調用事致李希杰等電

光緒二十六年正月十八日(一九〇〇年二月十七日)

高密。李道台、孫鎮台：密。前電夏鎮由登撥一營往。昨飭濰縣宿管帶率所部拔往，今又派武衛馬一隊、步四隊陸續往濰接應，由吳長純統帶。先拔一隊由段芝貴管帶，計二十四日可到濰，請酌調用。日內情形如何？甚念，望示。○。嘯。正月十八日發。

(山東巡撫衙門檔)

五七九 孫金彪等爲濠里各莊已具結解散等事致袁世凱電

光緒二十六年正月十八日(一九〇〇年二月十七日)

濟南。撫帥鈞鑒：密。咸、葉電敬悉。拏獲聚衆人後，復令單訓導持憲電，職鎮等并嚴切出示，曉以利害。該民等深知畏懼，濠里各莊已解散，取具永不滋事甘結。其鐵路由原勘處所下段稍向北改，約德公司并毛、慕二德員明日來高覆勘商定。事已就緒，上慰憲廑。

再，所獲之人隔別研訊，皆無知貧民，圖其百餘文僱價，授以器械，附和前往。首要之犯見勢難抵

拒，先行逃逸。魯家廟一案，前已查明確係東北鄉各莊，為濠里約令前往，并無此次所獲西鄉之人在內。除遵示將情可擇釋者取保開釋外，擬將張家大莊之人酌辦枷責，以儆頑愚。祈示遵。魯家廟之案，飭季令另緝正犯懲辦。再，此次衆人昔未至芝蘭莊公司已被拿獲，并未失物。彪、杰稟。嘯。膠局來電，正月十九日到。

（山東巡撫衙門檔）

五八〇 單蔭堂為濠里各莊已具結事致袁世勦等電

光緒二十六年正月十八日（一九〇〇年二月十七日）

濟南。撫憲、藩憲鈞鑒：密。鐵路事，卑職前後單車往諭六次，宣布大人威德，曲賜矜全。伊等感悟，約定鐵路仍由舊道向北少改，地甚無多。十七日會同季令下鄉，各處莊社長面具甘結，永不滋事。共二十五莊，未到者尚有七莊，皆非首要。迅速接辦，勢無能為。待插標了事後再稟一切。訓導單蔭堂謹稟。嘯。膠州來電，正月十九日到。

（山東巡撫衙門檔）

五八一 著裕祿等嚴禁拳會並秉公辦理教案專上諭

光緒二十六年正月二十日（一九〇〇年二月十九日）

軍機大臣字寄直隸總督裕、署山東巡撫袁，光緒二十六年正月二十日奉上諭：總理各國事務衙門奏請飭嚴禁拳會一摺。上年據山東巡撫電稱，各屬義和拳會以仇教爲名，到處滋擾，並及直隸南境一帶。疊經諭令直隸、山東督撫派兵彈壓。此種私立會名，聚衆生事，若不嚴行禁止，恐無知愚民被其煽惑，蔓延日廣，迨釀成巨案，不得不用兵勦辦，所傷實多，朝廷不忍不教而誅。著直隸、山東各督撫剴切出示曉諭，嚴行禁止，俾百姓咸和〔知〕，私立會名皆屬違禁犯法，務宜革除惡習，勉爲良民。儻仍有執迷不悟，復蹈故轍，卽行從嚴懲辦，勿稍寬縱。至民教同是編氓，凡遇詞訟案件，該地方官務當秉公審斷，但分曲直，不分民教，不得稍有偏倚，用副朝廷一視同仁之至意。將此各諭令知之。欽此。遵旨寄信前來。

(上諭檔)

附錄：法使爲請降明諭剪除義和等會事致總署照會〔一〕

一九〇〇年一月二十七日(光緒二十五年十二月二十七日)

法國公使畢盛照會稱：照得山東北境與直隸中南境一帶可慘之情，一月以來，迭經本大臣文致或與貴王大臣面談各在案。查此等情形，爲寰中有教化邦國可恥之事。推原其故，蓋有二端：一係無法

〔一〕此件因無相應之清方正件，而其內容與前件有關，故附於此。又同日，美、英、德等國公使亦致總署以相同內容之照會，本書從略。

匪徒烏合成會，名爲義和拳，又名大刀會，肆行兇暴，到處焚掠。一係地方官素餐尸位，馴至縱容釀患，以致該會匪黨與教民爲難，到處將教堂及教民房舍搶毀，以及堪憫婦孺成遭塗炭。且匪黨旗上大書滅洋二字，是宜請貴王大臣再三留意者。本月十一日所奉上諭，以會亦有別。等因。恭譯此旨，惜使多人以此類大刀、義和等會爲朝廷所嘉許。是以該會之人顯著厥欣，氣愈熾而膽愈壯，恣其鬧教之兇。竊以爲上諭之意決非如此，蓋前已言明該會叛逆情形，實屬可惡至極。本大臣切請中國朝廷審慎體察以上情形，及時認真設法，尚可挽救。否則致匪黨妄想其行爲國家所許，日益披猖，於交涉之情大有危險。合請貴王大臣先行奏請明降上諭，指明義和拳、大刀會名目，飭令將該會剪除淨盡，並聲明凡人該會之人及容隱人會之人，咸爲中國律例所禁。是爲切盼。

五八二 袁世凱爲傳達總署與德使談判情形事致李希杰等電

光緒二十六年正月二十日（一九〇〇年二月十九日）

高密。李道台、孫鎮台：密。頃接總署皓電謂，洽電悉。昨切告德使，據稱現派德員赴省，如能商妥辦法，或高民不再有攻毀之事，德兵必不前進，俟事定開工即撤回。并云德員今明日可到。等語。商辦如何，希隨時電聞云云。請查照。○。苛。印。正月二十日發。

五八三 袁世凱爲已電德督陳述調兵高密緣由事致李希杰等電

光緒二十六年正月二十日（一九〇〇年二月十九日）

高密。李道台、孫鎮台：密。頃接葉電稱，李道來電，現奉撫調一隊兩哨來高彈壓，本大臣不能照准云云。已覆以：本月十一日，本部堂曾商貴處，擬調濰防一營赴高彈壓。當接貴大臣真電照准。李道等所電調之兵，即前經商准之隊哨，今始前往，并非另有調往，且注意在接護布、巴兩君出境，但能足資彈壓，何苦勞兵往高？幸無誤會。等語。請查照。○。哿。正月二十日發。

（山東巡撫衙門檔）

五八四 袁世凱爲飭即會辦德兵於膠州傷斃民命事致張承燮電

光緒二十六年正月二十一日（一九〇〇年二月二十日）

膠州。張牧：頃聞德兵在東門外槍斃二人，傷一人云。該牧何未電知？殊屬玩視民命。仰即約德員會驗，填註傷格案情，文送駐膠德督派員會辦。一面囑德員將兇手查拿，按律嚴懲。倘該牧不肯盡力爲民伸冤，希圖了事，焉用彼牧？務即妥商辦結，毋視爲尋常事。撫院電。馬。印。正月二十一日。

（山東巡撫衙門檔）

五八五 張承燮爲德兵傷斃州民並將致德督電底呈閱事致袁世凱等電

光緒二十六年正月二十一日（一九〇〇年二月二十日）

濟南。撫帥、各憲鑒：德兵前到馬步礮隊二起，雖逕駐城內考院、西關馬神廟，然暫尚安靖。昨到馬隊半起，逕駐東關關廟。今辰據報，五（更）踹門，用刀礮傷斃鄰近民人二名，受傷頗重一名。除電青島葉督並知照兵員會驗，兼極安諭居民勿生別釁外，合亟電請轉電葉督，並電高密李道、曹守，就近迅示辦法，應否派員來膠會驗。總求高事速定，洋兵即退，不使禍移臨境，致令全局掣動。無任迫禱。卑職承燮稟候電諭。馬未刻。

附呈電青島電底。青島大德督部堂葉鑒：高密路務未靖，派兵保護，亦勢不得已，然現住膠地，膠本無事，仰蒙體念，其前二起馬步礮隊到此數日，秋毫無犯，極感。至昨到馬隊一起，本州一體優待，用昭睦誼。乃今辰據報，五更有德兵踹門，用刀、礮傷斃居民二名，受（傷）頗重一名。素知貴國紀律嚴明，且當兩國邦交甚篤，況路務啟辦伊始，若使無事處居民轉交代有事處受禍，想貴大臣必所不忍。務乞飛電駐膠統兵大員會同驗明，應如何撫恤，如何懲治，期彌別衅而申軍令，在貴大臣必有明酌。謹電飛聞候覆。膠州張。馬。正月二十一日到。

五八六 孫金彪等爲張家大莊毆擊德人已飭查擊事致袁世凱電

光緒二十六年正月二十一日（一九〇〇年二月二十日）

濟南。撫憲鑒：密。今日曹守同德員慕興立赴范家鄉，會驗范姓民人受傷一案，當派小隊一哨護往。驗畢歸途，已過張家大莊寨門外，該莊忽放抬礮兩聲，洋人亦回放手槍即走，幸均未受傷。職鎮等聞信，立即往護，許爲趕擊首要懲辦，彼氣始稍平，惟已去信膠州。再三婉商，允再發信。現各莊甫經具結，而該莊仍怙惡不悛，實屬有意構衅，勢非嚴擊要犯孫文及開礮之人不可。現一面曉示各莊安業，一面派彭營官四哨、王營官兩哨，帶隊前往查擊。倘或不服，先放槍礮，惟有迎拒搜擊。合先飛稟。職鎮道彪、杰、卑府榕、卑職芬同稟。箇。急。高密來電，正月二十二日到。

（山東巡撫衙門檔）

五八七 袁世凱爲飭查被戕傷民人姓名等事覆張承燮電

光緒二十六年正月二十二日（一九〇〇年二月二十一日）

膠州。張牧：昨案被戕傷三人姓名及起事情節，未據詳細電知，甚念。該牧電葉件，亦多絮語。同是本國公事，何得分有事無事地方？意若驅德兵與高密滋事，殊屬不知大體。凡辦交涉案，須先查明案情，請人會驗，查拿兇手，定期會審明（白），始可議及抵卹。自有一定層次，切毋遇事忙亂。撫院電。

養。印。正月二十二日。

五五四

五八八 袁世凱為飭即查拏孫文及張莊放礮之人事致李希杰等電

(山東巡撫衙門檔)

光緒二十六年正月二十二日(一九〇〇年二月二十一日)

高密。李道台、孫鎮台。密。箇電悉。查李金榜被獲後，孫文仍煽衆挑釁，殊堪痛恨。應併放礮人一體查拏，藉示懲儆，杜人口實。希即妥慎辦理，并隨時飛報。○。養。印。正月二十二日發。

(山東巡撫衙門檔)

五八九 孫金彪等為已拿獲張家大莊放礮之人事覆袁世凱電

光緒二十六年正月二十二日(一九〇〇年二月二十一日)

濟南。撫帥鈞鑒。密。卑職芬會同營官彭金山帶隊，已於午刻將張家大莊昨日開礮之趙羆榮、劉優義二名拿獲，並搜出槍礮。其莊中衆民皆叩頭乞恩。已轉致德員勿調洋兵。彪、杰、榕、芬稟。養。高密來電，正月二十二日到。

(山東巡撫衙門檔)

五九〇 曹榕為高密紳民呈文懇求保全墳莊事致袁世凱電

光緒二十六年正月二十二日(一九〇〇年二月二十一日)

濟南。撫憲大人鈞鑒：謹稟呈爲懇恩保全墳莊事。竊查錫貝德插標，原勘北道，自邱家窪南經前埠匯、大王家莊、小王家莊、高頭、窩頭莊，北至柳溝河東南，此道無礙墳莊。現改插在前埠匯、大王家莊，南穿破小王家莊、高頭、窩頭三處，距初插標南北二里，須毀墳三百餘塚，不符條約，且逼近城根，永受水患。此靠城隅地與車坊毡千〔四〕隅民呈求縣主，力爭不得。哀懇大人見錫樂巴面商時，保全墳莊均感。高密四隅單步青等上稟。施行。養稟。正月二十二日，膠州來電。

（山東巡撫衙門檔）

五九一 張承燮爲陳報會驗命案情形事覆袁世凱等電

光緒二十六年正月二十二日（一九〇〇年二月二十一日）

濟南。撫帥、各憲鑒：帥（電）敬悉。卑職電係四等，字多譯緩，致煩憲廬增恐。此件據報，卽知照德兵員，一面實先驗明。迨該兵員由沽河回，已於酉刻約往會驗，刀、礮傷痕均實。正與辨論，請查兇手，渠謂屍婦未指認，不無意存推脫。戊初葉督覆到云，電統領特爾會同查辦。除催該統領作速查覆再行電報，並先由卑職優賞屍親棺殮，著候索兇伸理，仍諭民衆毋滋別衅外，謹聞候諭，續諭已到遵辦。卑職承燮稟。養已初。正月二十二日到。

（山東巡撫衙門檔）

五九二 袁世凱爲指示會驗命案機宜事致張承燮電

光緒二十六年正月二十二日（一九〇〇年二月二十一日）

張牧：兩電悉。德兵紀律，中外推重，如戕人而不能查出兇（手），誘屍婦自認，便即行同盜賊，定將溥告天下，並將電其政府。本部堂決不甘休。葉既派員會辦，俟到照送供格，妥與商辦，姑不必再照會葉。如來員辦不妥，再照葉，仍不妥，詳請本處核辦；又不妥，咨請譯（總）署辦。此事初起，應由該牧竭力伸理，切毋諉誤。一面先詳細迅報本處備查。撫院。養。印。正月二十二日。

（山東巡撫衙門檔）

五九三 季桂芬爲陳述張家大莊等莊民聚衆逐官事致袁世凱等電

光緒二十六年正月二十二日（一九〇〇年二月二十一日）

濟南。撫憲、各憲均鑒：密。嘯稟取結未到，皆係附近張家大莊數莊單訓導補取不全，卑職未敢續報。十九晡，毛、慕二員偕錫貝德到，各憲與議改道事，未允就結。二十晡，布、錫二君到，黎明即行。二十一曹守偕慕洋員至范家邱驗傷，錫貝德繫洋人博隋（隨）往，歸途張家大莊誦覺，欲調洋兵，力阻代辦。五更後，卑職會同彭營官率隊赴該鄉，卑職乘騎遍歷各莊曉示，催索該莊放炮之人，均勿株連。彭營圍紮莊外，卑職馳往驚擾（一）會同諭令交出兩人，拼役止兵，親自進莊，搜出巨炮兩尊、抬槍六桿。

〔一〕原文如此。

正在搜查，忽聞莊外槍聲，遙見數百人自北而來，卑職飛騎進城，彭管帶迎拒斥退，未追即返。據實上聞。卑職芬稟。養。高密來電，正月二十三到。

(山東巡撫衙門檔)

五九四 袁世凱爲申飭季桂芬電文矛盾並飭速結路案事致李希杰等電

光緒二十六年正月二十三日(一九〇〇年二月二十二日)

高密。李道台、曹守密。季令養電悉。查單訓導嘯電謂，未具結七莊均非首要，已無能爲；該令亦電謂張莊衆民叩頭乞恩。今又稱附近張莊數村取結不全，並有數百人放槍北來。前後電稟頗相矛盾，究竟何說爲實？搜出槍炮，亦未聲明是否起獲。至數百人來攻，正可迎擊首犯，該令竟飛騎逃竄，足見懦怯無能，無惑釀此巨案。且居民聚衆由來有漸，該令事前不能查禁，事後不能彈壓，迨迭派大員督飭辦理，仍任意顛預，抑知此案頗繫宸廑，來電皆須奏聞，而電詞矛盾，咎將誰歸？該道府等在彼督飭，亦須確切指示，不得聽該令變詐多端。倘該令再不知愧奮，迅將此案辦結，定即從嚴撤參究辦，決不稍貸。○。漾。印。正月二十三日發。

(山東巡撫衙門檔)

五九五 袁世凱爲轉飭高密紳民恪遵條約靜候核辦事致季桂芬電

光緒二十六年正月二十三日（一九〇〇年二月二十二日）

高密。季令轉飭單步青等：密。養電悉。已電飭李道台等查明迅即詳稟，以憑核商。該紳民等可舉熟悉情形公正解事者來省二三人，以備考問。造路係國家約許，凡屬臣民，均須恪遵。譬如父兄與人諾約，賢子弟何敢梗違？爾等皆係良民，切毋聚衆滋事，挑畔招敵，取蹂躪之禍，貽宵旰之憂。本院素以愛民爲心，實不忍坐視愚民自誤，望轉諭鄉里，務須安分，靜候核辦。撫院諭。漾。印。正月二十三日發。

（山東巡撫衙門檔）

五九六 季桂芬爲陳述路案起費於城北改道緣由事致袁世凱電

光緒二十六年正月二十三日（一九〇〇年二月二十二日）

濟南。撫帥鈞鑒：密。卑職所呈地圖手摺內，原勘北道係錫貝德於五月二十五日插，計樁二十六支。七月下旬係卑職到任後往勘之日，應請更正。至錫樂巴兄弟面允卑職改歸中間雙紅線一小段之道，前日錫樂巴來高，在孫鎮、李道、曹守面前，質從清楚，錫樂巴云伊確係曾經允許，並非卑職一面空言，應請存案。至城北改道三次，似與西濠里無干，但該公司傷礙紳士墳墓過多，及穿破高頭等莊，該

莊民有暗中與濠里幫貼錢文情事。故起衅不在濠里插標之日，而在城北改道之時。卑職芬稟。漾。高密來電，正月二十四日到。

(山東巡撫衙門檔)

五九七 季桂芬爲陳述各莊具結情形事致袁世凱等電

光緒二十六年正月二十四日(一九〇〇年二月二十三日)

濟南。撫憲、各憲鈞鑒。密。發養稟後，二十三日上午稟承各憲，再動兵則鋌而走險，恐激巨禍，單訓導因事已決裂，不敢再往。此時鄉民疑懼交併，毫不容髮。卑職挺身冒險，單騎親歷張家大莊附近六莊，該民等各懷恐懼，見卑職均懾服，互相推諉。卑職曉以利害，令莊長出頭指別良莠。僉稱：張家大莊外，有雷家莊莊長雷步雲惑衆貽害。卑職親至該莊，不過數十家，僅蔣、陳、雷、李四姓。令四姓族長出見，雷步雲已逃。蔣姓族長名介福，前充莊長，仍令復充。據云陳、李兩姓伊敢具保，惟雷姓不聽管束。卑職令將雷姓各戶開出，以便查拏。有雷步雲之胞弟雷館雲叩首乞恩，願率雷姓聽蔣介福管束。此莊帖服，其餘各莊以次就緒。卑職令各莊長明日必須進城，當堂具結，方無後患。但該莊長等又懼進城扣留，追其既往，卑職令殷家橋紳士殷聘臣作保。今日着役往催，至下午進城，當堂具結。結抄呈。

前因張家大莊滋事，茲六莊由單老師取結送案。二十一日洋人經過，該莊忽又放炮滋事。次日官

兵查拏放炮人犯，附近各莊驚慌出看，知係官兵，即退回。現將放炮人拏獲，附近各莊如再隨同滋事，惟莊社長是問云。至張家大莊，現均畏罪逃匿，擬令此六莊連環具保，如此懲勸兼施，當杜後患。卑職芬稟。敬。正月二十五到。

(山東巡撫衙門檔)

五九八 張承燮爲呈送張桂祥等傷單事致袁世凱等電

光緒二十六年正月二十四日(一九〇〇年二月二十三日)

濟南。撫帥、各憲鑒：帥養電謹悉。葉派夏里福昨酉到署，送供與核，約今已會審。刻同逐名研訊，衆供指係洋人，語言、衣履、刀礮均符。夏無詞駁。隨問前驗屍格如疑再驗。夏答既經會驗，不必覆驗。有此供、傷兩確，當場渠無異說，惟言婦須覆訊。洋情叵測，難免別出狡計。卑職惟堅執此次會審、會驗供傷單據以作理。即使覆訊，訊供傷具在，應難狡賴。除將刀、礮傷斃民人張桂祥、紀長春，受傷民人范玉祥傷單，屍親張沈氏、紀風儀等供隨稟排遞外，合先電聞候諭。

再，頃葉派刑官續到，約明辰會訊。並聞。卑職承燮稟。漾。正月(二)十四日到。

(山東巡撫衙門檔)

五九九 著董福祥毋庸回籍終制事上諭

光緒二十六年正月二十五日(一九〇〇年二月二十四日)

光緒二十六年正月二十五日內閣奉上諭：榮祿奏，提督丁憂懇請回籍終制據情代奏一摺。總統武衛後軍·甘肅提督董福祥前報丁憂，業經降旨賞假百日穿孝，毋庸回籍；提督一缺，改爲署任。茲復據榮祿代奏，該署提督懇請回籍終制，情詞肫摯，具見至性過人。惟時勢多艱，董福祥久歷戎行，威望素著，尚其勉抑哀情，移孝作忠，用副朝廷倚畀至意。所請回籍終制之處，著毋庸議。欽此。

(上諭檔)

六〇〇 季桂芬爲再陳張莊生變及平息情形事致袁世凱電

光緒二十六年正月二十五日(一九〇〇年二月二十四日)

濟南。大帥鈞鑒：密。讀申飭漾電，愧悚萬分。此案卑職養癰貽患及此次懦怯逃竄，實在罪無可逭。至電稟自相矛盾，所有會銜電，均係李道、孫鎮主稿，卑職不敢易一字。此次張家大莊反悔生變，及二十二日調兵，勒令交出放鎗人犯，正在該莊內起出大砲兩尊、抬鎗六支，莊外遙見多人，並聞鎗聲迭發，彭營向前追散，放鎗兩排，並未傷人，卑職飛騎進城，實由卑職一時情急，照實單銜具稟。

至二十三日上午卑職面稟李道、孫鎮時，欲再發兵，恐鄉愚無知，釀成多命；欲請單教官乘機下鄉，懲勸兼施，單教官又不敢下鄉。李道、孫鎮發漾電，又欲以該兩犯係臨時合莊捆送、頗知畏懼兩語，加於飛稟在案之下。卑職當面力爭，有一誤不可再誤，如再敷衍具稟，貽誤大局，將卑職加以斧鉞之誅，不足蔽過之語。孫、李兩憲大怒，責令卑職帶兵前往。卑職以訪聞民間驚擾，正懼發兵，不如卑職隻身

冒險前往張家大莊附近各莊，倘該數莊因昨日加以兵威，今日民心帖服，卽以寬其既往，令各莊長連環出結，藉此結案。於午刻下鄉，四更方回署，幸將該六莊一律解散，進城具結。上托鴻慈，倖倖就緒。但張家大莊現在人盡逃跑，卑職擬令此六莊再公保張莊良民各安生業，如有誘〔莠〕民生事，衆良民具稟嚴辦，扶良去莠，方能從此相安。至隨漾兩電，卑職單銜具稟，並未稟商各憲，至與會稟電不符。大人申飭漾電，卑職不敢婉辯，願甘事畢後，卑職身受撤參之咎。冒罪上稟。卑職芬稟。徑。高密來電，正月二十五日到。

(山東巡撫衙門檔)

六〇一 袁世凱爲飭卽招回張莊逃衆並嚴拏孫文事致季桂芬電

光緒二十六年正月二十六日(一九〇〇年二月二十五日)

高密。季令：密。徑電悉。單騎解散，現已就緒，尚有條理，甚慰。務確切查看究能再無反覆否。張家大莊人何心盡跑？卽出示招回，只將爲首之孫文等嚴拏懲辦。撫院。宥。印。正月二十六日發。

(山東巡撫衙門檔)

六〇二 李希杰等爲據實陳明張莊等莊衆滋鬧情形事致袁世凱電

光緒二十六年正月二十六日(一九〇〇年二月二十五日)

濟南。撫帥鈞鑒：密。漾、徑兩電祇悉。查二十二擊獲放炮二犯，以後正在人莊搜查槍炮，聞迤北約二里許至張莊同社之雷家莊左近，放炮數聲，彭營官隨即列隊往迎，該衆民卽四散逃去，實無追擊情形。職、鎮等以人心甫經解釋，遽加兵威，轉恐生其疑懼。季令隨於次日親往雷家等莊，曉以只擊放炮二人，絕不干連別莊。該莊等已於二十四來城，出具不敢滋事甘結。在該令萬不敢顛預從事，上煩憲廬。職道等當卽遵示督飭季令，迅將此案辦結。再，駐高各營似足鎮懾，如能商撤洋兵，實爲地方之福。于月清一營，已飭暫紮昌、濰境內。除隨時確查民情電稟外，合先據實稟陳。彪、杰、榕稟。李道親筆稿。宥。高密來電，正月二十七日到。

(山東巡撫衙門檔)

六〇三 李希杰等爲勘明鐵路佔地壓墳詳細情形事致袁世凱電

光緒二十六年正月二十六日(一九〇〇年二月二十五日)

濟南。撫帥鈞鑒：密。奉養電飭查明單步青等所稟鐵路壓佔墳墓一百餘塚，穿破小王家等三莊，逼近城根，永受水患，迅速稟覆。職道遵卽偕同孫鎮與曹守、季令，邀同紳士高業偕單翹、單緯、王玉璋等，照所呈鐵路經過村莊墳塋圖說，由前埠口迤東單言揚墳地起，至鞠家村單姓塋地止，經過有墳處所，照近城已做數段路工丈尺，連兩旁取土，共寬四丈，逐已勘量。查單關揚墳南北平插三標，儘南

〔原件此行眉批〕：此單關揚疑卽前單言揚之誤。待查。

一標正插墳間，若中標係屬鐵路，尚與墳塚無礙。前埠口義田、管姓兩處，不礙鐵路。葛家莊東義田約壓十塚，以外又四塚稍有形迹，詢問無主。又路南義田八九十塚無礙。樂家塋八十餘塚，若偏北，約

〔原件此行眉批〕：門姓兩字，門字疑誤。待查。

壓三十塚，若偏南，約二十塚。任家塋約壓二三塚。高頭莊東門姓塋無礙。莊西史姓塋無礙。窰頭東義田四十塋，約壓二十餘塚。其間有沒滅不甚清者。莊南喜姓十三塚，又十三塚，又單姓五十塚，均無

〔原件此行眉批〕：斌字待查。

礙。又十五塚，壓九塚。鞠家村金姓斌塚，若在西面取土無礙。統計須遷有主墳塚約四十餘塋，義田等約三十餘塋內外。

再，查鐵路由小王家莊後空園經過，路北有舊屋三間，西邊有矮土牆一道，均須拆去。高頭莊有民房一所，鐵路由門前經過。前詢錫貝德云，須拆去大門暨房屋數間。一係莊後，一係莊前，尚未由莊中穿過。至經過窰頭莊鐵路，現查插標之處，係在該莊西園牆外大道迤西高阜處，中隔大道，似不致穿破該村。前亦詢問錫貝德，據稱絕無妨礙。此係眼同紳士詳勘墳墓、村莊實在情形。

至近城水患一節，現在無從查看。現修路工近城一段，約離城三五里不等。

伏查此事，職道同孫鎮、曹守、季令，與錫貝德面商數次，錫樂巴過高，亦與切實商辦，堅稱前插之標係取地平，並非路標，北邊地勢大窪，工大費鉅，萬難更改。現插之路，並未穿過村莊，毀墳不過數十塚。反覆辯論，堅執如前。該紳等見職道等與之力爭，勢無可挽，故有電稟憲台之請。現遵飭將實在

情形逐一查明，據實飛稟，伏乞查核。再，鐵路如有展寬之處，則墳墓難免多壓。合併聲明。彪、杰、榕、芬稟。宥。職道主筆。高密來電，正月二十七日到。

(山東巡撫衙門檔)

六〇四 季桂芬爲續報各莊具結情形等事致袁世凱電

光緒二十六年正月二十六日(一九〇〇年二月二十五日)

濟南。撫憲鈞鑒：密。今曉錫樂巴衣箱等件自膠來省，護送過境。紳士高業偕王玉璋二人，昨申動身進省。濠里以西至昌境沿鐵道各莊，由社長趙德相等來城具結。至張家大莊，趙、劉、楊、張、李五姓居多，擬照雷家莊辦法，扶良去莠，另易莊長。俟辦妥再稟。卑職芬。宥。高密來電，正月二十七日到。

(山東巡撫衙門檔)

六〇五 季桂芬爲陳述辦理張莊具結情形事致袁世凱電

光緒二十六年正月二十七日(一九〇〇年二月二十六日)

濟南。撫帥鈞鑒：密。宥電敬讀。今午親赴張家大莊，婦孺尚未盡回，曉諭安撫。前報五姓外，尚查有高姓，該姓六族長各願出結。卑職令公舉一莊長，須能約束全莊，從速議妥。再令該莊長及附近

各莊長連環具保，庶互相管制，以杜後患。俱由前毛家莊長毛長倫從中申說，妥後仍請單監院領同進城，當堂具結。卑職芬稟。沁。高密來電，正月二十七到。

（山東巡撫衙門檔）

六〇六 孫金彪等屬高密各莊安靜並已嚴拿孫文事致袁世凱電

光緒二十六年正月二十九日（一九〇〇年二月二十八日）

濟南。撫帥鈞鑒：密。現在民情大致安帖，昨晚六洋礦師來高，今早赴濰，所過各莊俱安靜。訪查鄉民，據稱，孫文逃避。現購線嚴拏。彪、杰、榕、芬稟。勘。膠州來電，正月二十九日到。

（山東巡撫衙門檔）

六〇七 袁世凱為德督電謂德兵未便遽撤事致李希杰等電

光緒二十六年二月初一日（一九〇〇年三月一日）

高密。李道台、孫鎮台：頃據葉督來電謂，昨准電稱，高密地方安靜，請將駐膠兵丁撤回。等語。本大臣亦願兵丁節勞，但現時未便遽回，因邇經商協，僅由上莊至陸家廟築路造橋各事，而至要者，高密境外各段路工亦應均安然修築云。望查照。○。東。印。二月初一日發。

（山東巡撫衙門檔）

六〇八 孫金彪等爲濠里各莊具結並議定路址事致袁世凱電

光緒二十六年二月初三日（一九〇〇年三月三日）

濟南。撫帥鈞鑒：密。拿獲放礮之人以後，職鎮等隨即張貼告示，並飭季令親赴張家大莊附近各村，諄諄勸諭，各安生業，勿得效尤，致干重懲。自二十三至初二，下濠里一帶七十餘莊先後來城，重具切實甘結，現在民情已一律安靜，堪慰憲廑。

前者德員二十日來高，會同將下濠里修路處所大致議定，錫貝德已於二十二回膠。丈量插標，尚需時日。職鎮等擬於初五日由高啓程，恭詣憲轅，面聆訓誨。囑令曹守在高，督同季令與德員妥商辦理。其各營勇隊均已分別布置，足資彈壓保護。嗣後查看情形，如應有更調，再由該府縣與各營會商酌辦。均經知會曹守暨各營遵照辦理。職鎮彪、職道杰稟。江。高密來電，二月初四日到。

（山東巡撫衙門檔）

六〇九 袁世凱爲撤銷高密路案疏防各員處分事致曹榕等電

光緒二十六年二月初四日（一九〇〇年三月四日）

高密。曹守等：密。李、孫來電，該處已安靜，准其來省，仍留曹守籌辦一切。此案本異常棘手，該守等辛勞可想。前電曹、季、王、彭記過一節，均銷去。前獲放炮二犯應嚴懲。大凡聚衆案，斷非陡起，

全在該守令平時勤加防範，隨時究辦以消巨衅。無論如何，再不得有聚衆等事。倘復蹈前轍，定以該管官是問，斷不再貸。○。支。印。二月初四日發。

（山東巡撫衙門檔）

六一〇 袁世凱爲准定期開工暨轉達駐膠德兵撤退事致曹榕等電

光緒二十六年二月初七日（一九〇〇年三月七日）

急。膠州張牧轉送高密曹守、季令、王分統、彭管帶。頃與錫樂巴等訂明，初九日午時准其開工修路，駐膠德兵同日時撤回青島。仰遵照分派兵役，沿途妥爲保護彈壓，斷不得再滋事端。○。陽。印。二月初七日發。

（山東巡撫衙門檔）

六一一 曹榕等爲陳述德兵檢查張莊暨籌備開工等事致袁世凱電

光緒二十六年二月初九日（一九〇〇年三月九日）

濟南。撫帥鈞鑒：密。讀支電，蒙體辛勞並銷前過，感愧交併。孫鎮、李道卽於是晚三更啟行。讀陽兩電，卽函告錫貝德，准初九開工。初七二更接德兵官毛威信云，初八日派兩武弁至濠里巡（察）情形，步兵數名，決不騷擾。爲時已促不及電稟請示阻止，卑府卽刻飭卑職連夜派役分赴各莊，告知勿得騷擾

滋事。初八天明，復派數役策馬出境迎護，並知會王、彭兩營官往照料。已刻忽到三十餘騎，直赴張家大莊，穿莊查看並無槍炮，告知已繳縣署。該德弁兵等回到城外公司局，稍憩返膠。幸彼此相守，均未滋擾生事。至保護事宜，布置已妥，專候開工，刻尚未到。連日復經示諭居民各安生業，並禁止各莊不准撞鐘放炮，以安反側，先事預防。現各安謐，堪紓憲廬。

再，頃接毛威信云，初十准帶馬步兵均回青島，擬留駐膠武弁一員、馬兵數名，保護公司，巡查鐵路。請示鄉民安業，勿再生事。等語。恭候憲裁。卑府榕、卑職芬稟。佳。膠州來電，二月初十日到。

(山東巡撫衙門檔)

六一二 著毓賢調補晉撫袁世凱補授東撫等事上諭

光緒二十六年二月十四日(一九〇〇年三月十四日)

光緒二十六年二月十四日內閣奉上諭：貴州巡撫著鄧華熙調補。毓賢著調補山西巡撫。山東巡撫著袁世凱補授。欽此。

(上諭檔)

六一三 袁世凱奏請將疏防卜克斯案之肥城知縣等交部議處片

光緒二十六年二月十九日(一九〇〇年三月十九日)

再，前據肥城縣知縣金猷大稟報：光緒二十五年十一月二十八日，英國洋人卜克斯在縣境被人毆

傷，旋即戕害身死。即經該縣與營、典馳往救護，業已無及。驗看因傷身死。等情。經臣委員會同營勇馳往該縣，勒限嚴緝兇犯，並檄司委員約同教士，將卜克斯妥為棺殮。一面將大概情形，電請總理各國事務衙門代奏。欽奉上諭：飭將疏防之該管各官先行參處，一面嚴緝兇犯，務獲懲辦。等因。欽此。欽遵。行司將該縣金猷大撤任，委員前往接署。先據金猷大先後稟獲吳方城、孟洸汶等解省，發司訊據供認，謀殺卜克斯身死不諱。業經另案奏結。

查該管地方官，於洋人卜克斯被戕之際，雖事出倉猝，馳救不及，業已拿獲首從各犯，究屬保護未能得力，咎無可辭。相應請旨，將正任肥城縣知縣金猷大、肥城汛汛千總邱技盛，敕部查照光緒二十二年總理各國事務衙門會同吏、兵二部奏定章程議處，以示懲儆。理合附片具奏，伏乞聖鑒訓示。謹奏。

光緒二十六年二月二十六日奉硃批：金猷大、邱技盛均著交部照例議處。欽此。

（軍機處錄副奏摺）

六一四 袁世凱為分別懲辦李金榜等人事致曹榕等電

光緒二十六年二月二十日（一九〇〇年三月二十日）

高密。曹守、季令：密。正月十五日所獲張莊五名、姚莊二名，請酌量責懲保釋。孫成書免究。孫文不宥。李金榜及放礮二人均仍嚴禁。○。號。印。二月二十日電。

（山東巡撫衙門檔）

六一五 曹榕等爲探聞孫文潘回已會商嚴拿事致袁世凱電

光緒二十六年二月二十四日（一九〇〇年三月二十四日）

濟南。撫帥鈞鑒：密。號電遵辦。敬將管押七人，除一人受傷患病取保外，六人責枷示衆。惟孫文屢購拿未獲，現探聞潛回，私藏各莊，並謠傳有煽惑莊民另圖滋事情事，急應設法緝獲。已會商彭營嚴密辦理。合先稟聞。又奉漾電，謹遵辦理。卑府榕、卑職芬稟。敬。高密來電，二月二十五到。

（山東巡撫衙門檔）

六一六 著袁世凱認真辦理威海畫界暨高密路案等事上諭

光緒二十六年二月二十七日（一九〇〇年三月二十七日）

軍機大臣字寄山東巡撫袁，光緒二十六年二月二十七日奉上諭：有人奏，英人自威海以外圈佔文登、榮成兩縣地方，張貼告示，令界內居民向彼完糧，並強派華紳四人充當糧總，代爲催收。此次畫界，請飭審定疆界以固人心，毋蹈從前覆轍。等語。著袁世凱詳審地勢，據理力爭，毋得遷就了事，致啟效尤。

另片奏，高密縣屬濠裏地方，洋人修造鐵路，阻塞田間水道，有礙小民生計，因向攔阻，洋人鎗斃數人。日照縣地方，亦有德人擊死農人情事。請飭責問。等語。並著該撫詳晰查明，認真辦理。原摺片

均著鈔給閱看。將此諭令知之。欽此。遵旨寄信前來。
抄交總署。

(上諭檔)

六一七 呂海寰爲山東教務事與安治泰問答錄〔一〕

光緒二十六年二月二十七日(一九〇〇年三月二十七日)

光緒二十六年西三月二十七日即中曆二月二十七日，山東主教安治泰來拜。本大臣偕同參贊賡音泰接見。寒暄畢，問以：貴主教在中國幾年矣？

安云：二十餘年矣，我亦可算中國人。我最愛中國人，而山東人尤爲性情直爽，心地誠實，官紳商民均待我極好，並無相欺之處，我甚感念。

問以：何故屢次在山東生事？

安云：半由言語不通所致。外國人到中國，見者未免希罕，每到一處，觀者如堵，往往羣呼爲洋鬼子，歐洲人聞之，甚滋不悅。我就告訴他們，中國不知洋鬼子是罵人的話，意謂是洋人之通稱，不足深怪。

告以：我們在貴國，亦有人稱西乃子，我們亦不怪他。亦往往有擲石拋磚者，不理他亦就罷了。

〔一〕此件係由駐德使館咨送外務部，已與原咨脫離。

安云：有一教士到一地方，民人聚觀，越來越多。該教士手拿一棍，即威嚇人，觀者不聽，隨用棍亂打，以致激怒，幾乎鬧出事來。事後我甚咎其過於孟浪，不應先行打人。該教士尚不認錯。可見並非全是中國人之錯。

告以：此話甚公道，教士尚且如此，貴主教不知教民倚仗教堂之勢，欺壓平民更加十倍。嗣後貴教中人，須擇其家世清白、人品端正者，方許入教，其匪類及行止不端之人，俱不准入教。凡人教者，須先有人引薦，令同學者取具連環保結。則教中人皆係正人君子，自然人皆悅服。嚴禁教民不准干預公事，遇有詞訟之事，與平民一樣送官審理。則教民與平民自然浹洽，相安無事矣。

安云：我亦常以此話傳諭各教士，令其擇人而教。

答以：如此甚好。又告以：近來為教堂之事，動輒恫喝中國，用兵挾制，殊不知愈挾制，民愈不服，是驅之與教為仇。若因教案而佔中國口岸，人將疑陽為設教，陰圖拓地矣。要求愈多，嫌隙愈深，彼此漸成水火之勢。貴主教試思得地之利益，教士享之乎，抑國家享之乎？招怨之禍害，國家受之乎，抑教士受之乎？國家得其利而教士受其害，以此相較，似不合算，且失貴教勸人行善之本心。何不與民推誠相與，遇有齟齬之事，徑與地方官商量辦結，毋庸由公使轉報國家，動以兵相要挾。教中之事，由貴主教自己斷結，亦顯得貴主教有權，似與貴主教更覺有聲望矣。

安云：我前日見外部大臣，告以中國待我甚好，毋庸用兵保護。

答以：此意甚好，將來貴主教見德王，亦可將此意奏達。

安云：我在山東所設學堂三十餘處，均令讀孔孟之書，並不教其讀西書。所習西學者，不過算學、化學、礦學等類而已。

問以：山東人教者有若干人？

安云：我亦不記其數，大約不足十萬。山東撫台袁大人待我甚好，我臨行時，他向我說，所有教務應賠者賠，應辦者辦，毋庸我過慮。我甚感念他。

告以：從此山東可以相安矣。

安云：近來山東有大刀會，專與西人爲難。

告以：大刀會卽金鐘罩，乃白蓮教之流亞。此等邪教却非專與西人爲難，中國平民何嘗不受其荼毒乎？自來邪教未有能成事的，中國從前亦常有，並非今日纔有。從前臨〔林〕清白蓮教亂及深宮，亦不久卽撲滅了。

問以：膠州鐵路現已造至何處？

安云：我來時已造至濰縣矣。

告以：貴主教回中國，可告知公司，中國最講究風水，事雖渺茫，然相傳已數千年，此等風氣亦難驟改。凡插標建路，遇有墳塋之處，總要設法繞越，免致挖墳掘墓，令人傷心，且易激動公憤。貴主教既在中國年久，是知道的。既在彼處開通道路，是於民有益的，亦須要順民心，日後之事方不掣肘。

安云：中國情形我最知道。

又問以：何時回中國？

安云：我見德王後，仍要到羅馬一行。前月我到羅馬，蒙教王有上中國皇太后之書，命我呈遞。大約兩個月後即可回華矣。

告以：如定行期，甚盼再屈紱一譚。

安云：甚願與貴大臣相見，此次貴大臣款接殷勤，我甚感激。

告以：本大臣在總理衙門時曾見尊顏，今已數年矣。

又閒談片時而去。

(外務部檔)

六一八 袁世凱爲與德員議定交涉路礦章程事咨呈總署文

光緒二十六年二月二十九日(一九〇〇年三月二十九日)

欽命兵部侍郎兼都察院右副都御史·總理各國事務衙門大臣·巡撫山東等處地方兼理糧餉·督理營田兼提督銜節制全省軍務兼理鹽政·監督臨清鈔關袁爲咨呈事。

案查中德兩國，遵照光緒二十四年山東曹州府教案條約，另訂路、礦詳細各章程，本年正月二十五日，曾將擬具各章繕摺備函，恭呈鑒核在案。嗣經本部院會同記名副都統蔭昌，與德員再四磋商，反覆爭執，屢議屢改，疊有變更。商至兩旬，始經先後定議。查會商各章大綱有四：曰收回地權也；曰挽回

利權也；曰示以限制也；曰期於便民也。自租割膠澳，我之地權已削，而尺寸在所必爭。自興辦路礦，我之利權復失，而錙銖在所必較。不示以限制，則彼族得步以進步，勢將後患滋深。不期於便民，則百姓敢怒不敢言，久之鬱極必逞。故開議之始，必思斟酌盡善，遺憾不留。然而得失所分，利害攸繫，在我固不能事事遷就，在彼亦斷不能一一聽從。惟視力所能爭者爭之，理所應爭者爭之。若夫理之所應爭而為勢之所不能爭，則亦惟熟權審處，通盤籌計，使無失乎緩急輕重之宜而已。

如交涉章程本意，重在會同審辦案件。而葉世克所派代商之德員布德樂，堅持原訂曹約第一端第三款所云，德國租定之地，中國不得治理，均歸德國管轄。等語。凡該租界內辦案各條概不列議。爭之至再，勢難挽回，祇得量為變通，議定交涉暫行簡明章程七款，此外委實無法再爭。當於本月二十一日，由本部院會同廕副都統簽押。布德樂先在洋文本內代簽草押，俟携回青島呈請葉世克押定，再蓋印施行。

其路、礦章程尤費唇舌。因鐵路總辦德員錫樂巴在華多年，異常狡黠，堅稱路礦各事早經約許，是中國已特予以自有之利，與創議章程者有別。凡涉情節較重各款，均力請刪改，不肯照允。至預先繪圖呈由巡撫核定，並由巡撫節制及分其餘利各項，直屬不容置喙。爭持多日，始就範圍。雖不能盡如原擬各條，而已屬爭得過半。並於二十一日，由錫樂巴將路章彼此押定施行，仍俟德京總管簽押後，再行用印。煤礦章程係錫樂巴代青島礦員米海里司米德商訂，應携回青島由該礦員押定施行，亦須請德京總管簽押。均已由本部院會同廕副都統先行簽押。該德員等隨於二十三日全回青島。

查二十五年三月間，德員曾擬路礦事宜七條，幾欲將山東全省地權、利權據爲己有，經調任巡撫部院毓咨呈貴衙門核議在案。此次該德員抵省，復出以嘗試，當經嚴駁，已作罷論。惟自上年以來，德人造路用地，或妨民生計，或指發價值。其派員勘驗礦產，試採煤斤，各西人紛至沓來，任意投往，並不請領會印護照，竟持葉世克之印文執照，遍行內地。遇有可採之礦，不先謀諸地主，擅自開鑿。又疊因細故，傷斃人命。居民積怨，屢滋事端。而膠澳一帶，向無中國辦理交涉之員，遂亦無從稽查防範。該處匪徒，恃西人爲護符，借青島作逃藪，往往晝夜結夥駕舟，沿海搶掠，地方官吏莫可如何。每遇租界內外詞訟案件，德員一味偏袒界內人民，不肯拿交，動致案無結束。是我之地權、利權大半爲彼侵奪，遇事漫無限制，恣意欺虐吾民。若非妥訂詳章，爲患伊於胡底。現既將各項章程會同議妥，擬即陸續調派委員，各專責成，分司經理。嗣後事案有所據依，或者補救一分，當有一分之益。至於洋情叵測，事變靡常，將來能否一律順手，恐仍未可逆料也。

除會議各章，俟由葉世克暨礦務德員押定後，再彙案恭摺具奏外，所有議定交涉、路、礦章程，謹鈔錄三本，呈請核覆遵行。須至咨呈者。計咨呈交涉、路、礦章程二本。

右咨呈欽命總理各國事務衙門。

（外務部檔）

六一九 攀桂奏陳防俄管見摺

光緒二十六年三月初六日（一九〇〇年四月五日）

浙江道監察御史奴才攀桂跪奏，爲時艱甚鉅，伏請通籌全局，外消邊患，內臻郅隆，恭摺仰祈聖鑒事。

竊奴才默觀時局，博訪輿論，知今日內憂之可慮者有二，而實不足慮也；外患之可慮者有六，而實不足慮也；有大可慮者一，必應預防者四。請爲我皇太后、皇上陳之：

康、梁二逆元惡大愆，倖逃顯戮。近聞其匿跡海島，猶敢煽惑出洋華商，斂銀立會。夫華商雖流寓海外，素聞其有忠愛之心，但一經煽惑之餘，或恐其反恩而爲怨。此內憂之可慮者一也。山東、河南、直隸等處均有義和團名目，素惡洋教，其練團之初意，不過欲保衛鄉閭。特恐疆臣生事邀功，一有主剿之謀，則迫之使不得不叛矣。夫既非攻城抗官之寇，撫之可爲我用，剿之儼爲我敵，撫勝於剿，其理甚顯而易見。恭讀上年十二月十一日上諭：非民氣不靖，實辦理不善。仰見朝廷化莠爲良、一視同仁之至意，凡在臣民，曷勝欽感。果若剿之太急，難保不鋌而走險，將有易聚難散之勢。此內憂之可慮者二也。夫此內憂之可慮者推其原，實皆忠義之民，徒恃血氣之勇，未識朝廷之意，致成歧出之形。果使出洋使臣及領事等官，善爲保護，善爲鼓勵，則中外一心，寓洋之華商皆國家之藩衛也。果使督撫大員及地方守令，善爲撫循，善爲駕馭，則上下一氣，各省之義團，皆國家之干城也。奴才所云可慮而不足慮

者也。

奴才之所慮者，惟在外患耳。雖然猶有辨。今者俄肆於北，法逞於南，德圖山東膠州、青島，意窺浙江三門灣，英則睨我利源，隱有佔長江之意，日本曾與我開釁，大局受其凌夷，是外患之可慮者有六也。六者之中，俄、法相聯，英與日本皆有抑我之心，德雖陽與俄聯，而陰實忌俄，義、奧則與德聯，聽命於德者也。論其地之形勝，皆遠不如華；物力之充饒，亦遠不如華；兵之忠勇，實亦遠不如華。我中國誠能自強，則控馭之非難也。誠能講求外交，則聯絡之、羈縻之亦非難也。此又奴才所云可慮而不足慮者也。

獨是近年以來，與俄訂約，引寇入門，東三省許其造鐵路，則根本之地動搖；又許租旅順、大連灣，則險要拱手與敵。夫俄有兼併五洲之志，蓄之數百年矣。諸國悉力拒之，常如六國之拒秦。故德、奧、義三國聯盟爲拒俄也，英、法合兵駐守土耳其爲拒俄也，英又獨力拒之於波斯、阿富汗，日本嘗欲聯合中國拒之於朝鮮。蓋諸國之意，使俄西不得出黑海，南不得出波斯海，又於巨文島一帶阻其出東海之路，可謂不遺餘力矣。而我乃引虎自助，縱之出柙。自東三省鐵路定議後，諸國皆有戒心，皆有怒華分華拒俄之心。我與之陸地毗連，首當其衝，豈得不慮乎？計俄之四境，北方天寒多冰雪，南方多沙漠，其人民所聚不過九城。自九城外，皆曠土無人煙者也。其土地所出，不過黑海濱及波羅的海濱兩處，自兩海濱外，皆石田不毛者也。名雖爲大國，而實則天下最貧之國。其築錫伯利大鐵路，嘗欲貸銀於他國，而他國未有應者，蓋度其國貧，無可取償故也。今乃在東三省廣開利源，百產豐盈，供其采擷，視

之如陸海焉。此其意欲藉我富饒之資，以展其長駕遠馭之術也。俄海軍在東方者，向年惟海參崴一處可泊，恒以守凍爲苦，故其船常往來寄泊於中國口岸及朝鮮、日本等處，散而不聚，不能成軍。又有船無煤，須購煤於日本，常限制之不肯多與，海軍雖具，而素不得力，常爲他國所譏笑。今既得旅順、大連灣，皆所謂常年不冰之口岸，據東方海道之上游，大可爲用武之地。且在東三省尋得煤礦多處，不必有求於日本，由是海軍驟雄，而他國皆側目矣。西報屢議我養虎自衛，必將貽反噬之害，蓋較昔時尤爲可慮矣。

抑奴才更有慮者，他國之來，皆集於海疆，彼此互相牽制，使不得逞，往往相率而來，旋亦相率而去。而俄自北方陸地處處可入內地，非隔海諸國所能越境牽制，在我既防不勝防，亦無救援之望，其爲患實非他國可比。況俄既藉我海口形勢之便，以凌虐諸國，則諸國亦必將藉我海口以拒之。膠州、威海衛等處英、德駐兵，此其前車也。俄既因財力不足藉資於我，握我之利源，以與諸國爭衡，諸國亦將爭先恐後，分我利源，藉我之力，以與俄抗。於是長江財賦之地，山左右五金之礦，漸漸皆欲要素而得之。是我因一俄而致諸國皆集矢於我，將來南北紛爭，約縱連橫之局，勝負出入無定，必且以中國爲戰場，將角逐於此矣。此奴才所云大可慮者，則俄羅斯是也。

然則預防若何？一曰防之於東三省。奉天等處，爲我朝發祥之地，陵寢之所憑依，號爲陪都，輔以屬藩，當初形勢原極完密。北與俄以外興安嶺爲界，黑龍江、松花江、圖們江諸大水皆在境內，當初界限，原極謹嚴。乃近年俄兵由海道潛運至旅、大等處登陸者，已有三四萬人之多，藉保護鐵路爲名，心

懷叵測，外洋諸報論之久矣。近又遣兵四出，勒令居民割截辮髮，以入彼籍，有不從者，殺以滅口。聞因抗節不屈、駢首就戮者，業已不少，地方官且不能盡知，朝廷更何從得聞乎？此宜預防者一也。二曰內、外蒙古宜預防並宜籠絡也。從前與俄互市者，惟恰克圖一處，內有庫倫爲重鎮以控制之。其後漢山東西兩端，均已准俄人陸地通商，又准其在張家口添設行棧，則是瀚海內外之山川形勢，俄人早已熟履之矣。聞十餘年前，有出使道員在西洋地學會中，見有蒙古台吉借銀文契，內開：本旗地面所產牛馬作爲抵押，准債主管領。等語。奴才竊思蒙地素來瘠苦，俄人以借銀爲名，陰收其地，在諸台吉狙於目前之利，不免爲其所愚，日後隱患何堪設想？此宜預防者二也。三曰新疆準、回各部宜預防也。新疆據西北上游，爲內地各行省之肩背，距俄京尤近。計自俄京有鐵路兩條，一通至天山以北之伊犁，一通至天山以南之喀什噶爾，兩途入寇，皆甚便捷。奴才早聞有陝回通俄、滇回通英之說。近年自新疆以至陝甘等處之回，每有被俄煽誘情事。此宜預防者三也。又其一曰蘆漢鐵路，此路貫穿南北三千餘里，爲中權扼要，關係非輕。江山之險禁大弛，莽莽平陸，毫無攔阻，瞬息千里，風發電掣，賊兵猝至，有急雷不及掩耳之勢。故鐵路之利甚小，而害甚大，不待明言。乃因借比利時之款，卽授權於比人，有喧賓奪主之象。況比本小國，暗中難保非俄、法主持，藉此影射，使我不曉。今其款存於華俄銀行，卽其証也。更有盛宣懷挺身直任興修此路，令人大爲詫異。夫既借款修路，將必藉路還款，權既不自我操，則我車之出，豈能禁爾車之來？故西報謂此路之權已落在俄、法掌中，將來隱患何極。此宜預防者四也。

夫英、德、義、法諸國，或民主，或君民共主，每遇用兵之事，其費皆出自民間，故君與民必協商而後行，勢常多所牽制。俄獨爲君權最重之國，以開疆拓土爲事。又其地正當寒帶，百物不生，常豔心於溫、熱二帶物產之饒，如饑渴之求飲食，駸駸乎有南向之勢。諸國悉力拒之，無非欲自衛而已，我自衛之道亦當如是。故與其僅聯一俄，而我不免爲俄所用，且爲諸國所忌，何如廣聯諸國，而諸國自皆樂從我用。奴才所云通籌全局、消邊患而臻郅隆者此也。我皇太后、皇上撫馭八荒，凡五洲萬國之形勢情狀，早已洞然瞭然，有非臣下所能窺測高深者。奴才自忘愚陋，搜集衆聞，謹獻其一得，冀備采擇於萬一。

所有俄前主彼得遺書，可以知其處心積慮，有關於邊患者匪淺，謹將繕本隨摺進呈御覽。謹恭摺具陳，伏乞聖鑒。謹奏。

（軍機處錄副奏摺）

六二〇 袁世凱奏報辦理高密路案情形暨進呈鐵路章程摺

光緒二十六年三月十二日（一九〇〇年四月十一日）

山東巡撫臣袁世凱跪奏，爲敬陳辦理高密民人阻修鐵路一案情形，並將議定鐵路章程照錄進呈，恭摺仰祈聖鑒事。

竊查光緒二十四年，原訂山東曹州府教案條約，德國在山東省蓋造鐵路及鐵路附近之處開採煤

礦，均應另立詳細章程。而此項詳章迄久未定，德人恃無鈐制，往往恣意橫行。加以東省風氣未開，民情強悍，齟齬生事，時所不免。上年五月間，鐵路公司所雇小工，與高密縣大呂莊民人口角互毆，莊民乘勢拔去路樁，聚圍公司。德人藉口保護路務，遣兵徑至高密，擊斃莊民二十餘人，兵復盤踞不退。經調任撫臣毓賢，議償德人椿價、兵費等款，共銀三千四百餘兩，始行罷兵結案。是德人之恃強逞兇，動因細故稱兵壓脅，久已成爲慣技。臣抵任後，復有高密聚衆阻工之事。數月以來，變端層出。內之愚民悍頑，外之強鄰逼處，調停維護，操縱兩難，幾至智力俱困。謹將辦理情形，敬爲我皇太后、皇上縷晰陳之：

查高密阻工起事之由，因該縣境濠里一帶，地勢窪下，易受水患。居民懷疑積忿，遂以鐵路阻水爲名，羣起而與洋人爲難。上年十一月杪，該縣車輛、坊嶺兩鄉，已經蠢動。十二月初二日，武生李金榜等率二百餘人，執旗擗，往拆德人窩鋪，掠取糧物。臣接電稟後，飛飭萊州府知府曹榕督同高密縣知縣季桂芬，妥慎查辦，設法諭解。並電飭駐濰管帶東字後營遊擊彭金山，撥隊彈壓。該民等聲請鐵路改道，或豁免濠里各村錢糧。十一日，李金榜復偕高民孫文、孫成書等，率衆持械阻工，拆毀木架。德人因我兵未肯抵擊，擬調洋兵勦辦。當經一面婉商止兵，自任保護之責，一面電飭登防分統副將王來魁，撥隊分布，以資鎮懾。一面剴切出示，諭以修路載在條約，勢難中輟；現已商允德人造橋六十五道，不至壅水成災。將來如受水災，必可奏請免糧，且加撫恤，決不任民失所。並將橋道繪圖徧示。該民等終懷疑忌，首鼠兩端。臣復派山東候補道姚釗，馳往諭勸，百方曉譬，迄未就緒。

十二月二十日恭奉電旨：飭迅速妥籌辦理，分別首從懲治。等因。欽此。遵即察度情形，飭將爲首李金榜等分別革衿購緝。旋於二十八日，將李金榜緝獲禁押。因令作書解散徒黨，以自贖罪。並派高密紳士教諭單蔭堂，約同鄉紳，分投開導。該民等仍不聽從。本年正月初二日，復聚數百人，夜赴南流地方，圍攻公司。德人駐局者五人，均奪圍而出，轉擊斃華民一人，傷二人。該民亦將德局拆毀。德人執意用兵，復經竭力勸阻。臣以事久相持，驟難妥結，加派登萊青道李希杰、煙防統領·漢中鎮總兵孫金彪會同馳往查辦。該民等堅以改道爲請。因電商駐膠德員葉世克，派員赴高查勘，已允改道，可期轉圜矣。乃該民於十二日，又聚衆攻掠魯家廟公司，經該處守護兵丁抵禦，始行退去。德人因迭被搶掠，我兵保護不力，執爲口實，意調兵三百名進駐膠州，距高密四十里，相機而動，勢將決裂，岌岌可虞。正在商阻德兵，該民又於十四日夜間，聚謀將搶芝蘭莊公司，並毀平鐵路。幸李希杰等預先聞信，派兵救護。該民等竟開槍迎敵，萬不得已，因當場拿獲六十餘人，轟傷二人，奪獲擡礮、火槍、刀矛多件，衆始逃散。遂電飭將首要禁押，次要責枷，脅從保釋，藉示懲儆。

而二十一日，復有張莊挑畔之事。先是德員慕興立，至昌邑縣之范莊，會驗莊民范希聰被德人沙拉克擊傷一案。驗畢路過高密張莊，莊民忽施放擡礮。德員憤怒，復致信膠州調兵。再三婉勸，始經中止。因飭查拿該莊放礮之人，拿獲劉學義、趙顯榮二名禁押。該民等漸知畏懼，各萌悔心。自正月二十二日至二月初二等日，濠里七十餘莊，先後赴縣具結，永不滋事。爲首之孫成書，亦隨同具結。僅孫文飭拿在逃，餘衆均就安帖。初九日，德公司照舊開工。初十日，駐膠德兵依次撤回青島，亦未給德

人兵費賠款，事遂結束。以上情形，疊據道員李希杰及各守令、營員等稟報，業經分別電、咨總理各國事務衙門查照在案。

伏查高密阻工一案，屢經反覆，迭費周折。幾如一波未平，一波又起。固由民情頑梗，究係鄉愚無知，與盜賊有別，自無用兵擊勦之理。惟有遴派員紳，勸諭解散，斯爲上策。卽獲其首犯，亦未可遽置重典。無如該民等抗不遵勸，多方阻撓，徒逞小忿而忘鉅患。如操之過急，重拂輿情，既非牧民者所忍；儻稍涉寬縱，德兵又近在咫尺，我不懲辦，彼必縱兵焚掠無辜，爲禍尤烈。情勢異常棘手，安危間不容髮。爲善後之計，惟有妥訂章程，使彼此均有遵守。德人不至暴橫自恣，愚民亦不至疑忌生衅，庶足以漸杜紛紜。

臣疊商葉世克派員來省議章。復奏請調派記名副都統廕昌，來東贊佐。正月二十八日，葉世克所派代商交涉之武員布德樂暨鐵路公司總辦錫樂巴等，同抵東省。先由臣擬定交涉、路、礦各章，會同廕昌，持與開議。得失所在，利害隨之；在我固不肯事事遷就，在彼亦斷不能一一遵從。再四磋商，屢議屢改，商至兩旬之久，始先後議定交涉章程七款，煤礦章程二十款，鐵路章程二十八款。此外委實無法再爭。當於二月二十一日，由臣會同廕昌逐一簽押。其交涉章程，布德樂先簽草押，須攜回青島，呈由葉世克押定蓋印。其煤礦章程，係錫樂巴代青島礦員米海里司米德商訂，亦須攜回青島，由該礦員簽押。惟鐵路章程，已由錫樂巴在省押定施行。嗣後德人築路用地、設局雇工以及運載貨商、徵收釐稅等項，事無鉅細，皆有據依。而地主之事權，亦不至盡行旁落，漫無限制。但該路由膠至濟七百餘里，

將來能否節節順手，究難預知。臣當即陸續調派妥員，按照定章，分別認真經理，各專責成，務期勉盡一分心力，或可稍有一分補救，庶足仰慰宸廑。

除交涉、煤礦各章，俟葉世克等押定後再恭錄奏進外，謹先將議定鐵路章程照錄恭呈御覽。所有辦理高民阻修鐵路一案情形暨進呈鐵路章程緣由，理合恭摺具陳，伏乞皇太后、皇上聖鑒訓示。

再，此項章程係照錄簽押原本，因未便更改，故與奏摺體例不符。合併聲明。謹奏。
硃批：該衙門覈議具奏。單併發。

（宮中硃批奏摺）

六二一 袁世凱奏為高密縣又復聚眾已派大員查辦事片

光緒二十六年三月十二日（一九〇〇年四月十一日）〔一〕

再，高密濠里各莊，前已一律具結□〔完〕事，忽於三月初八日以後，疊據萊州府知府曹榕、高密縣知縣季桂芬等先後電稟：濠里莊民現復置備槍礮，勾結昌邑縣匪徒，聚至千餘人，將葛家集等處鐵路窩棚焚毀，並有圍城之謠。等情。臣查高密阻工一案，甫經議結，鐵路章程亦甫經議定，乃為日未久，忽又聚眾滋事，適足以貽人口實。且該處密邇膠澳，若不及時解散，恐致釀成巨衅。亟須遴派大員，馳往查辦，相機籌畫，方可因應得宜。現經委派總理全省營務處按察使胡景桂，剋期前往，督同該府縣防

〔一〕原件無日期，查據《隨手檔》，知係前摺之附片。

營，設法彈壓諭解，以期妥速辦結。除檄飭遵照外，謹附片陳明，伏乞聖鑒訓示。謹奏。
硃批：知道了。

(官中硃批奏摺)

六二二 總署爲希飭查禁義和拳揭帖事致裕祿函

光緒二十六年三月十四日(一九〇〇年四月十三日)

致北洋大臣壽山制軍閣下。逕啟者：茲准比國賈署使來署面稱，蘆漢鐵路將修至正定，現接鐵路總辦沙多來信云：保定至正定一帶，有義和拳、大刀會粘貼匿名揭帖，稱於本月二十日拆毀鐵路，傷害洋人，求速設法保護。等因。查賈使所云，僅據沙多來信，其所稱匿名揭帖，或是愚民散布流言，亦未可定。然既有此說，亦不可不豫爲防範。相應將該使問答抄錄寄閱，即希閣下飭查酌辦。

再，法使來稱，天津、保定附近，均有大刀會匪糾合。保府有天主教堂，恐其乘隙毀擾，請爲嚴備。等語。並希一并飭屬保護爲要。專佈。順頌助祺。附抄件。

(外務部檔)

六二三 袁世凱奏請飭調蔭昌唐紹儀佐理洋務交涉摺

光緒二十六年四月十四日(一九〇〇年五月十二日)

山東巡撫臣袁世凱跪奏，爲東省交涉繁難，懇恩俯准調員佐理，恭摺仰祈聖鑒事。

義和團檔案史料續編 光緒二十六年三月—四月

竊查山東形勢，地居要衝，爲海運、河運所必經，實南洋、北洋之樞紐。自德踞膠澳，英租威海，密邇強敵，肘腋滋虞。而德人修造鐵路，極意經營，由膠州西至濟南，復由濟南北趨天津，南通鎮江，駸駸乎縱橫四達。其開採礦產，游歷內地，沓來紛至，接踵相望。加以內地教堂林立，計已查明者，共大小一千三百餘處，教士有一百五十餘人。各洋人文牘函電，幾於無日無之。而民教案件，尤爲倍極繁瑣。以今日之東省，較諸數年以前，情勢懸殊，迥非昔比。況東省本有之內政，如吏治、河工、鹽漕、營務，日行案牘，幾已應接不暇，今復以外交若此，雖有邁衆之材、兼人之力，恐亦難措置裕如。駑鈍如臣，尤慄慄焉隕越是懼。臣受恩深重，勉圖報稱，斷不敢存畏難之見，懷苟安之思。第任重責繁，有非一手一足之烈所能勝者，不得不資羣策羣力之助，惟有博求衆才，分司其事，臣認真督率，總挈大綱，庶可併力協心，藉免貽誤。

茲查有記名副都統廕昌，公忠亮直，悃悃無華，前因與德人商訂路礦交涉各章程，經臣請調來東幫辦。該員洞燭德人情僞，於會議時悉心覈酌，逐條爭持，挽回利權計已逾半。現雖如章議定，而隨時籌辦，仍須得人贊佐，方可見諸施行。且德人在東省素無忌憚，疊戕人命，必須有嫻熟德律又爲德人所敬服者，遣與商辦，始能遇事妥結，戢其兇鋒。合無仰懇天恩俯准，將記名副都統廕昌留於山東，辦理交涉事件，洵於地方洋務均有裨益。

又查有候選知府唐紹儀，血性忠誠，才識卓越。曩在朝鮮隨臣辦理交涉商務，十數年中，深資臂助。現在津榆鐵路局供差，頗能抑制洋人，興革利弊。惟東省交涉，動關全局，正值開辦路礦諸務，端緒

紛紜，極其繁重。且事屬創舉，較之津榆一路及辦理已歷多年、業有例案可循者，其輕重難易，奚啻霄壤。擬並懇恩俯念東省洋務、商務關繫緊要，飭將候選知府唐紹儀發往山東，交臣差遣委用，俾資得力，實亦有裨時局。

所有東省交涉繁難，調員佐理緣由，謹恭摺具陳，伏乞皇太后、皇上聖鑒訓示。謹奏。

光緒二十六年四月十九日奉硃批：唐紹儀著准其調往差委。廕昌著毋庸留於山東，遇有緊要交涉事件，准其隨時奏請派往。欽此。

（軍機處錄副奏摺）

六二四 著總署照會法使撤換駐滇領事等事上諭

光緒二十六年四月十六日（一九〇〇年五月十四日）

軍機大臣面奉諭旨：丁振鐸電悉。法領事方蘇雅馱運軍火進省，闖關搶局，不服理論；該處紳團紛紛鼓譟，經印委各員彈壓開導，始各遞稟，暫行候示。該領事恃強橫行，殊出情理之外，似此舉動，豈能日久相安？著總理各國事務衙門迅即照會法使，將方蘇雅即行撤回，另派通達情理之領事官來滇接辦。並電知裕庚向該國外部切實理論，一面將運往軍火悉數運回法國，以重邦交而弭邊釁。欽此。

（上諭檔）

六二五 榮銓爲遠批緝拿平陽縣鬧教之許阿雷事致洋務局移文

光緒二十六年四月二十九日（一九〇〇年五月二十七日）

欽命二品頂戴·浙江等處提刑按察使司·總理全省驛務兼管營務處榮爲移會事。

光緒二十六年四月二十七日，奉撫憲劉批温州府稟，平陽一帶現有匪徒扞旗惑衆情事由。奉批：查匪首許阿雷，係上年瑞邑漏網匪徒，數年以來，仍糾集游勇多人，竄入平陽、永嘉一帶，該匪膽敢扞旗惑衆，言詞悖謬，希圖滋事，實屬形同化外。亟應嚴拿懲辦，以肅法紀。查此案昨准英總領事來函，英國教堂稟稱，平陽現有匪徒謀欲滋事，請飭認真保護。當經札飭藩、臬兩司並通商洋務局，轉飭該府飭縣，認真保護在案。據稟前情，仰按察司查照前札，速飭温州府督飭平陽、永嘉二縣及隣封營縣，會同營□〔汛〕防軍，上緊嚴密購拿，務將匪首許阿雷等剋期按名悉獲，馳□〔報〕究辦，毋任免脫，致貽後患。仍移藩司暨通商洋務局查照。繳。等因。

奉此，查此案前據該府並稟到司暨奉撫憲札准英總領事函請保護，即經分別批行在案。茲奉前因，除行府遵辦外，合就移會。爲此備移貴局，請煩查照，希即一體飭遵施行。須至移者。右移浙江通商洋務總局。

六二六 電局爲京保綫已阻事致總辦電

光緒二十六年五月初一日（一九〇〇年五月二十八日）

總辦大人鈞鑒：頃接外局急電，聞琉璃河至涿州鐵路、電線，已被匪徒拆毀，故京保之綫已阻。刻并聞有今日到長辛店之說。請速稟王爺、中堂大人，能否設法保護，派兵彈壓鐵路并綫之處，無任叩禱之至。艷。敬請鈞安。內局急稟。

（外務部檔）

六二七 電局爲長辛店綫已阻事致總辦電

光緒二十六年五月初一日（一九〇〇年五月二十八日）

總辦大人鈞鑒：頃外局電云，至長辛店綫阻。內局稟。

（外務部檔）

六二八 電局爲所有電均被阻滯事致總辦電

光緒二十六年五月初一日（一九〇〇年五月二十八日）

總辦大人鈞鑒：頃福州電云，刻下電線又阻。續收京電局急電，保定府電云，至長辛店綫阻，由琉

琉璃河至涿州綫，被匪徒砍斷，所有電均被阻滯。內局稟。

(外務部檔)

六二九 馮敦高爲京保電阻事稟奕劻等文

光緒二十六年五月初一日(一九〇〇年五月二十八日)

王爺、中堂大人鈞座：敬稟者：竊四月二十九日夜三點鐘，職局接長辛店電稱：義和拳匪於是日午後在琉璃河、涿州一帶拆毀鐵道、電綫，焚燒道木、電桿約有十餘里。故自京至保定電報已經阻隔。刻尚謠傳，有至長辛店及京城之說。得自傳聞，原未可深信，但職局承接鈞署官電，並有各國使署洋文電報，深恐設有阻隔，貽誤匪淺。爲此據實稟聞，應否轉飭營汛，沿途派兵看守，預爲防範之處，伏乞鈞裁。專稟。恭請崇安。

職道馮敦高謹稟。

(外務部檔)

六三〇 馮敦高爲拳民已至長辛店事稟奕劻等文

光緒二十六年五月初一日(一九〇〇年五月二十八日)

敬再稟者：正發稟間，接長辛店稟稱：今日天明五點鐘後，拳匪至長辛店，幾數千人。鐵路均被拆

毀，車站、料廠一概焚燒，電線亦被截斷。刻大隊已趨盧溝橋。等情。特此附稟。再叩鈞安。

職道敷高謹又稟。

(外務部檔)

六三一 著榮祿設法彈壓解散拳民不得率行剿辦事上諭

光緒二十六年五月初七日(一九〇〇年六月三日)

軍機大臣面奉諭旨：近畿一帶，拳民聚眾滋事，並有拆毀鐵路等事。疊次諭令，派隊前往保護彈壓。此等拳民，雖屬良莠不齊，究係朝廷赤子，總宜設法彈壓解散。該大學士不得孟浪從事，率行派隊剿辦，激成變端，是為至要。欽此。

(上諭檔)

六三二 總署為礦師應暫緩赴晉事致英使函稿

光緒二十六年五月初七日(一九〇〇年六月三日)

復英使信。逕復者：本月初二日准函稱，本國福公司礦師英人利德費碩爾，將豫省查勘礦產完畢，擬即前往山西。請繕發該礦師赴晉護照各一紙，並照咨晉撫飭屬保護。等因。本衙門查現在山西民情未順，該礦師應暫緩赴晉查勘礦產。特此函復貴大臣，請轉知該礦師可也。此復。順頌日祉。

堂銜。

(外務部檔)

六三三 總署礦路局擬爲中國即當修復盧漢路事致比使照會稿

光緒二十六年五月初八日(一九〇〇年六月四日)

礦路局呈，爲照復事。

光緒二十六年五月初五日，准照稱：盧漢鐵路所有借款，以五釐行息，均歸股票之用，而以鐵路作保。似今長辛店地方，匪徒燒房拆路，卽與擔保行息各節，大不相同。請卽日擬妥另擔股票大保，以安衆心。且該合同第五款載明，若照長辛店匪徒作亂，卽不足擔保，再爲興修，恐多窒礙難辦。希另擬妥保見復。等因前來。本衙門查長辛店地方鐵路，現雖被匪徒拆毀，中國卽當修復，必不使原訂合同，於行息作保各節，有所虧缺，自可毋庸另擬妥保。

相應照復貴大臣查照可也。須至照復者。

比國姚使。

(外務部檔)

六三四 著剛毅前赴保定解散拳民並整頓軍紀等事上諭

光緒二十六年五月初十日(一九〇〇年六月六日)

軍機大臣字寄協辦大學士·吏部尚書剛，光緒二十六年五月初十日奉諭：近畿一帶，拳民聚衆，昨已派令趙舒翹馳往剴切曉諭。著再派剛毅前赴保定一帶地方，開誠布公，諭以拳民、教民皆朝廷赤子，務宜仰體皇仁，即日解散，各安本業，毋得聚衆滋事，自罹法網。倘怙終不悛，國法具在，不能概從寬宥也。至派出在事各營伍，原爲除暴安良起見，若漫無紀律，藉端騷擾地方，卽著剛毅嚴切查明，以軍法從事。此外遊民土匪，如敢乘機滋亂，並著嚴拿首要，卽行就地正法，以昭炯戒。將此諭令知之。欽此。遵旨寄信前來。

(上諭檔)

六三五 總署礦路局擬爲從緩辦理晉省礦務事致英使照會稿

光緒二十六年五月初十日(一九〇〇年六月六日)

礦路局呈，爲照會事。

光緒二十六年五月初三日，准軍機處鈔交山西巡撫毓奏請停辦鐵路、礦務一摺，內稱：晉省礦務，一無可恃，到任後據閩省舉貢生監范宗漳等公同遞稟請停辦。立政貴順民心，好惡與同，斷難相強。且外國礦師不能指出何山何產，卽使有礦可開，而煤皆毒臭，鐵皆剛脆，不能行遠。又查合同內載，礦師勘定何鄉何山何種礦產，稟請山西巡撫查明，果與地方情形無礙，發給憑單，方准開採。等語。現據藩司詳文及紳士、商民公呈僉稱，此事有害無利，窒礙難行，請卽停止。等因前來。

本衙門查晉省紳商前擬開辦礦務，原爲興利起見，今據山西巡撫所稱，該省紳士、商民輿情不願，且煤、鐵兩種礦產，一無可恃，若遽行勘辦，勢必徒費人工，大拂輿情，不能取利。且既據查明於地方情形窒礙難行，即使勘定礦地，稟明山西巡撫，亦不能以礙難之處，准其開採。與其臨時多費周折，不如將山西省內礦務從緩辦理，俾臻妥洽。相應照會貴大臣，轉飭福公司遵照可也。須至照會者。
英國寶使。

(外務部檔)

六三六 著載漪管理總理各國事務衙門等事上諭

光緒二十六年五月十四日(一九〇〇年六月十日)

光緒二十六年五月十四日內閣奉上諭：端郡王載漪著管理總理各國事務衙門。禮部尚書啓秀、工部右侍郎溥興、內閣學士兼禮部侍郎銜那桐，均著在總理各國事務衙門大臣上行走。現在時勢艱難，該王大臣等務當實心任事，以副委任，不准固辭。欽此。

(上諭檔)

六三七 著載漪隨時會商總署緊要事件上諭

光緒二十六年五月十五日(一九〇〇年六月十一日)

軍機大臣面奉諭旨：昨派端郡王載漪管理各國事務，衙門。該郡王差務繁重，未能常川進署，如該衙門遇有緊要事件，仍著隨時會商。欽此。

(上諭檔)

六三八 許祐身奏請稽查京城地面解散拳民摺

光緒二十六年五月十七日(一九〇〇年六月十三日)

花翎三品銜·山東道監察御史許祐身跪奏，為輦轂重地，首宜清肅，亟應嚴拿匪類，以戢澆風，恭摺仰祈聖鑒事。

竊維拳民滋事以來，京城內外，輒有匪徒蹤跡，本月十二日已欽奉上諭嚴拿懲辦。惟是地方廣闊，街市稠密之處，衆目共睹，不難查究；而城隅曠地，為匪徒聚集之場，廢寺閒房，為匪徒匿跡之所，往往因居住無人，稽查易漏。臣近日風聞，炸子橋、土園、白紙坊等處，每有奸匪糾衆，借學拳棒為名，並有為首之犯綽號應天祿及李七等。此僅據臣所聞，其餘匪徒聚處，恐尚不止。應請飭下步軍統領衙門、五城、順天府嚴拿首要，俾所惑之徒聞而解散。至空曠之區，應否酌量派兵駐紮，以防散而復聚。近來編查保甲，居民戶口固可按籍而稽，誠能實力整頓，專其責成。外來無籍游民，自無所容其託足。各城門禁，尤宜一律加嚴，拳民以紅布裹首，紅帶束腰，易於識別。現雖悉力嚴禁，而根株尚未盡絕，自應隨宜解散，以弭隱患。

再，白紙坊在右安門內，該處距火藥局甚近，尤關緊要。向來設有營汛弁兵，分班梭巡。當此人心浮動之時，自宜預爲防範。至稽查京城地面，擬請仿照咸豐三年奏准外城稽查章程，及歷來保甲辦法。總期立法周密，奉行不懈，庶反側潛消，閭閻安謐矣。

臣爲輦轂重地，首宜清肅起見，是否有當，謹恭摺具陳，伏乞皇太后、皇上聖鑒訓示。謹奏。

（軍機處錄副奏摺）

六三九 軍機處交片：著英年等於禁城解散拳民事上諭

光緒二十六年五月十八日（一九〇〇年六月十四日）

交左翼總兵英、署右翼總兵載，軍機大臣面奉諭旨：頃聞義和團衆約於本日午刻，進皇城地安門、西安門，焚燒西什庫教堂之議，業經弁兵攔阻，仍約於今晚舉事，不可不亟爲彈壓。著英年、載瀾於拳民聚集之所，務須親自馳往，面爲剴切曉諭，該拳民既不自居匪類，卽當立時解散，不應於禁城地面肆行無忌。倘不遵勸諭，卽行設法拏辦。欽此。相應傳知貴總兵欽遵辦理可也。此交。

（上諭檔）

六四〇 著傳旨申飭裕祿事上諭

光緒二十六年五月十八日（一九〇〇年六月十四日）

軍機大臣字寄直隸總督裕，光緒二十六年五月十八日奉上諭：直隸地方緊要，北洋責任尤重。當此多事之時，該督宜如何統籌全局，實力維持。乃近來遇事因循，且不免意存推諉，殊屬非是。裕祿著傳旨申飭！仍當振刷精神，任勞任怨。倘仍前泄沓，貽誤事機，咎有攸歸，不能為該督曲宥也。將此諭令知之。欽此。遵旨寄信前來。

(上諭檔)

六四一 著奕謨等酌派營旗防護陵寢事上諭

光緒二十六年五月十八日(一九〇〇年六月十四日)

軍機大臣字寄守護西陵固山貝子奕、鎮國公溥、秦甯鎮總兵準，光緒二十六年五月十八日奉上諭：奕謨等奏請撥兵駐紮易州一摺。易州毗連涑水，該處拳教滋事業已漸臻平靖，所請調營駐紮之處，應毋庸議。惟陵寢重地，防護至關緊要。即著奕謨等酌派該鎮原有旗綠兵丁，擇要駐紮巡防，以資保衛而昭慎重。將此諭令知之。欽此。遵旨寄信前來。

(上諭檔)

六四二 朱祖謀奏陳不可與各國開戰緣由並請速定大計摺

光緒二十六年五月十八日(一九〇〇年六月十四日)

翰林院侍講學士臣朱祖謀跪奏，為事機危迫，宜審圖全局，以弭巨患，恭摺仰祈聖鑒事。

竊近日拳匪蔓延，夷情叵測，措置安危，間不容髮。今廷臣持論，約有兩端，均非弭患之道。一則謂該匪聲勢已大，宜一律痛剿，以除內亂。此未免不分良莠，殊失我國家子惠元元之意。一則認該匪爲義民，欲倚以剿滅洋人。此論雖出血誠，召亂尤速。臣請爲我皇太后、皇上瀝陳之。

蓋中國自強，原以兵事爲要領，然聯絡邦交，專與一國開戰可也，激犯衆怒，概與各國啟釁不可也。一面受敵，合中國之力而禦之可也，八面受敵，分中國之力以應之不能也。且外則軍火何自購，內則餉源何自籌？縱將現在中國之洋官、洋商以及兵卒區區數千人一時殲盡，其能使此十數國者畏憚中國之威，不圖報復耶？其能使我沿邊、沿海數萬里固比金湯，不容各國一騎一艦闖入耶？又況各使館火器充斥，逼近宮闕，萬一開釁，切膚之災，何堪設想。是直以宗廟、社稷爲孤注，輕於一擲，豈謀國萬全者所宜出哉？且持此說者，亦明知中國兵力未足，所恃者拳民忠憤，且其術不畏刀礮耳。不知逆匪起事，每託於假仁假義，以結人心，豈可深信？去冬梅東益於景州殺匪多名，近來袁世凱、聶士成於山東、天津一帶亦多傷斃，是不畏刀礮之說顯係虛誑。卽如嘉慶年間教匪，恃其拳術及真空八字神咒，初頗猖獗，旋即敗亡。今欲藉此以禦外侮，豈不大誤？

爲今之計，惟有簡派威望重臣，先赴俄館，次及各使，開誠布公，告以朝廷措置，必能消弭變亂，保全中外臣民，以安各國公使之心，止其增調兵隊，以防肘腋之變。一面厚集兵力，謹遵查拏首要、解散脅從之諭，認真辦理，剋日完結。事平之日，商諸各國，妥定教約以善其後，方爲妥善。至各國情勢，急之則協以謀我，防不勝防；緩之則各懷覬覦之私，暗相牽制，斷不能靜聽一二國之所爲。我果操縱得

宜，未始不可化險爲平，挽回大局。萬不可激使聯爲一氣，以致無所措手。此中機宜，非我皇太后、皇上獨斷於心，決定大計，則廷議紛紜，稍一延誤，其貽害有非臣子所忍言者。

臣係爲消弭禍變起見，謹披瀝上陳，伏乞皇太后、皇上聖鑒。謹奏。

（軍機處錄副奏摺）

六四三 總署俄國股擬爲請飭保護俄商事致察哈爾都統咨文稿

光緒二十六年五月十八日（一九〇〇年六月十四日）

俄國股呈，爲咨行事。

光緒二十六年五月十六日，准俄格使函稱：據張家口俄國郵政官、商民人等電稱，張家口人心慌亂，有匪徒攻打外國人事。請電知察哈爾都統，立即設法保護郵政局、商民無恙。等因。相應咨行貴都統，迅飭查明，速籌保護，仍聲復本衙門可也。須至咨者。

察哈爾都統。

（外務部檔）

六四四 著剛毅等迅速回京事上諭

光緒二十六年五月十九日（一九〇〇年六月十五日）

軍機大臣字寄協辦大學士·吏部尚書剛、都察院左副都御史何，光緒二十六年五月十九日奉上

諭：剛毅、何乃瑩著迅速回京。將此諭令知之。欽此。遵旨寄信前來。

(上諭檔)

六四五 著將崇禮等交部議處並著嚴擊焚堂各首要事上諭

光緒二十六年五月十九日(一九〇〇年六月十五日)

光緒二十六年五月十九日內閣奉上諭：崇禮等奏，兩翼地面教堂起火情形，並請議處一摺。崇禮、英年、載瀾均著交部議處。兩翼翼尉等官，均著革職留任，並摘去頂戴。仍勒令嚴擊首要各匪，務獲懲辦。欽此。

(上諭檔)

六四六 著馬玉崑率部星夜赴京事上諭

光緒二十六年五月二十日(一九〇〇年六月十六日)

軍機大臣字寄浙江提督馬，光緒二十六年五月二十日奉上諭：提督馬玉崑即日統率所部馬步各隊，星夜迅速赴京，無片刻延誤。至要。將此由六百里加緊諭令知之。欽此。遵旨寄信前來。

(上諭檔)

六四七 著裕祿招集義勇編成隊伍事上諭

光緒二十六年五月二十一日（一九〇〇年六月十七日）

軍機大臣字寄直隸總督裕，光緒二十六年五月二十一日奉上諭：天津一帶，義勇廣聚甚多，著裕祿迅速派員招集，編成隊伍，以資捍衛。將此由六百里加緊諭令知之。欽此。遵旨寄信前來。

（上諭檔）

六四八 著馬玉崑迅速來京毋再刻延事上諭

光緒二十六年五月二十一日（一九〇〇年六月十七日）

軍機大臣字寄浙江提督馬，光緒二十六年五月二十一日奉上諭：昨有旨，令馬玉崑統率所部馬步各隊，星夜來京，無許延誤。現在事機緊急，著即凜遵昨旨，迅速啟程，兼程前進，毋再刻延。將此由六百里加緊諭令知之。欽此。遵旨寄信前來。

二十三日，又繕寄諭旨一道，六百里加緊分寄宋、馬，催令即來。

（上諭檔）

六四九 著張春發等率部迅即赴京事上諭

光緒二十六年五月二十一日（一九〇〇年六月十七日）

軍機大臣字寄湖北提督張，傳諭江西臬司陳，光緒二十六年五月二十一日奉上諭：湖北提督張春

發、江西臬司陳澤霖，著迅速帶隊北上，星夜馳赴京師，聽候調用，勿稍刻延。將此由六百里加緊諭令張春發，並傳諭陳澤霖知之。欽此。遵旨寄信前來。

(上諭檔)

六五〇 著徐桐等與奕劻載漪並軍機大臣會商一切事宜事上諭

光緒二十六年五月二十二日(一九〇〇年六月十八日)

軍機大臣面奉諭旨：京師現辦軍務，著派徐桐、崇綺與奕劻、載漪並軍機大臣會商一切事宜。欽此。

(上諭檔)

六五一 著步軍統領衙門等穩定行市事上諭

光緒二十六年五月二十二日(一九〇〇年六月十八日)

軍機大臣字寄步軍統領衙門、順天府、五城，光緒二十六年五月二十二日奉上諭：昨因拳民滋事，延燒城外爐房，以致實銀無從周轉，行市無定，間有匪徒乘機搶劫錢店。倘號商紛紛歇業，必致官民交困，人心愈覺惶惑。即著步軍統領衙門、順天府、五城御史，出示曉諭各錢商酌中定價，務使銀錢票存一律流通，並將藉端滋擾匪徒一體嚴拏懲辦，以靖地方。將此各諭令知之。欽此。遵旨寄信前來。

(上諭檔)

六五二 著馬玉崑等兼程北上專上諭

光緒二十六年五月二十三日（一九〇〇年六月十九日）

軍機大臣字寄四川提督宋、浙江提督馬，光緒二十六年五月二十三日奉專上諭：連日有旨馳諭馬玉崑，統率所部馬步各隊，星夜來京，無許刻延。現在事機極形緊急，該軍現在行抵何處？著馬玉崑卽懷遵迭次諭旨，立刻兼程北上，萬勿再有刻延。將此由六百里加緊各諭令知之。欽此。遵旨寄信前來。

述旨後奉堂諭繕寄。

（上諭檔）

六五三 泊頭局爲拳民入局毀壞機器等事致各局電

光緒二十六年五月二十三日（一九〇〇年六月十九日）

急。急。各局督辦憲鈞鑒：卑局於二十二日下午六鐘，突來拳黨數百人，一直闖入局內，不容分說，捆獲將人、物摔□，並機器一同□毀。並據汛兵急報，電桿已鋸到離泊數里之近。幸所存機器尚有，趕緊安設起，尚可打電。謹稟上，恐稍遲，截桿漸近，信電（不）通。應祥稟。

（清代各衙門檔）

六五四 印啟奏請於京城嚴查保甲摺

光緒二十六年五月二十三日（一九〇〇年六月十九日）

太僕寺卿奴才印啟跪奏，爲京城重地，匪棍肆行，請飭嚴查保甲，以靖內亂而定人心，恭摺具陳，仰祈聖鑒事。

竊奴才伏讀本月二十一日上諭：五城御史文燠等奏，京城地方情形日亟，請安民心而弭禍變一摺。著派李端遇、王懿榮爲京師團練大臣，會同五城御史，督率弁勇，嚴密稽查，加意巡邏。城門出入，亦按時啟閉，以靖閭閻。欽此。恭讀之餘，曷勝欽感。

奴才伏查義和拳仇殺教民，京城匪徒藉以脅從，乘亂滋擾，訛言四起，駭人聞聽，最易煽惑愚民，竟敢白晝持械，橫行街市，三五成羣，任意劫殺搶掠，夜則廟宇、民居聚集成黨，鋪肆幾至關閉，家居日夜不安。現在門禁雖已嚴防出入，而京城地面，五方雜處，良莠不齊。從來僻巷廟宇、民舍雜居，最爲藏奸之地。況此時外來匪徒人數甚衆，難免積重生事，謀爲不軌。自非嚴查保甲，不足以靖閭閻，庶使匪徒無容身之地，而人心可定矣。相應請旨飭下管理保甲大臣，會同步軍統領衙門，嚴防所屬，派員分段認真稽查，不准虛應故事，仍前玩泄。

奴才爲慎重京城地方起見，是否有當，伏乞皇太后、皇上聖鑒，訓示施行。謹奏請旨。

（軍機處錄副奏摺）

六五五 著順天府等添設平糶局事上諭

光緒二十六年五月二十五日（一九〇〇年六月二十一日）

光緒二十六年五月二十五日內閣奉上諭：現在京城戒嚴，米價日昂，民間購食維艱。著順天府、五城御史迅速遴委妥員，於城內外添設平糶局，以濟民食。所需米石，隨時知照戶部割放倉撥給，勿遲延。欽此。

（上諭檔）

六五六 著載勛補授步軍統領事上諭

光緒二十六年五月二十五日（一九〇〇年六月二十一日）

光緒二十六年五月二十五日內閣奉上諭：步軍統領著莊親王載勛補授。崇禮毋庸管理。欽此。

（上諭檔）

六五七 著桂斌等由載勛差遣委用事上諭

光緒二十六年五月二十五日（一九〇〇年六月二十一日）

軍機大臣面奉諭旨：錫伯領隊大臣桂斌、山海關副都統富順、前科布多參贊大臣魁福，著交載勛、

載濂差遣委用。欽此。

(上諭檔)

六五八 準良奏陳挽救時局之計三則摺

光緒二十六年五月二十五日(一九〇〇年六月二十一日)

奴才準良跪奏，爲民勇交亂，洋釁已開，時局艱危，急籌挽救萬一之計，惟冀廟謨堅定，以安宗社而固人心，恭摺密陳，仰祈聖鑒事。

竊自四月十四日，涇水拳民仇教，地方官辦理不善，日甚一日，以至禍延畿輔，禁地戒嚴。凡在臣工，焦灼無狀。

查此次變亂，始以民教積釁，致百姓之公憤；繼以拳勇肆行，致各國之公憤。刻下拳匪一事，游勇一事，洋人一事，三變合一，幾於無可措手。顧於亂象已成之時，作挽救萬一之計，籌畫約有三端：一曰照會各國，廣議通商，而盡止傳教，以正本清源也；二曰分遣守令得民心者，廣布拳民，示以朝廷深悉民教仇恨，設法辦理，停止傳教，以釋百姓疑慮也；三曰特降諭旨，查明擾害地方勇營，申明軍法，其各統帥不能約束，從嚴察議，以杜拳團藉口也。以上三事，其詳細情節，均由奴才附片逐件詳陳。儻蒙採擇，其詳細辦法，或飭廷臣集議，或由奴才詳陳，以冀挽救時艱於萬一。

奴才賁膺閫寄，只宜恪遵職守，惟當變亂已成，難危萬狀，既在血氣之倫，宜識尊親之義，何敢以越

俎爲嫌，忍安緘默。謹披瀝以陳，無任焦急屏營之至。是否有當，伏乞皇太后、皇上聖鑒訓示。謹奏。

(軍機處錄副奏摺)

六五九 準良奏請照會各國廣議通商而概絕傳教片

光緒二十六年五月二十五日(一九〇〇年六月二十一日)

再，奴才所云正本清源者，查傳教一事，法爲重，而英、德次之，通商則各國所同利也。立約之始，不悉洋情，輕視傳教，重遏通商。彼族因通商非易，陰藉傳教爲先路之導，以窺我地里，詳我礦產。而在今日，傳教已成附骨之巨疽，通商實爲聯和之要務。且閩粵通商，而日益富厚，北地不通商，而日益困窮，則通商初何害於中國也。夫洋人人中國四十年，於我政教風俗無不盡窺底蘊，其所畏者百姓耳。趁此機會，照會各國，廣議通商，概絕傳教。各國懾於人心公憤，事變既大，兩敗俱傷，既有虞於商務，且彼不傳教之國，心豔通商之利，樂成此局，其必助我。果能如議，則與之定期，各勒教士回國，然後明降諭旨，遍刻謄黃，拳民則飭令安生，教民則勒令返正。人心既平，地方官得所措詞，便易措手。其草野渠魁，以仇教爲名而陰懷異志者，亦不難從此搜剔根株，而翦除萌孽，或可冀事變之徐弭也。奴才所謂正本清源之計者此也。謹附片具陳，伏乞聖鑒。謹奏。

(軍機處錄副奏摺)

六六〇 準良奏請分派妥員赴團諭令拳民解散片

光緒二十六年五月二十五日（一九〇〇年六月二十一日）

再，查涑水構釁之始，實只民教爲仇，至戕官燬道，遂成騎虎。刻下土匪、游民附者日衆，若僅以空言解散，勢必無功。果能辦理停教，分遣循良守令，如定興知縣羅正筠、南路廳同知韓景儒，皆平日撫愛百姓，素得民心，分赴各團，單騎曉諭，俾悉朝廷現正設法辦理概絕傳教，諭令解散，安靖聽候。如此則良民仇教者必不爲拳民所用，以漸而解，猶可希冀萬一。此奴才所謂釋其疑畏者也。

夫拳民滋事，始不過持鎗弄刀，刻下涿州一帶，竟已旗幟森然，火器羅列。奴才遣弁偵視，據云：富民出財力，貧民出人力。日甚一日，無可挽矣。謹附片具陳，伏乞聖鑒。謹奏。

（軍機處錄副奏摺）

六六一 準良奏請飭令整頓軍紀片〔一〕

光緒二十六年五月二十五日（一九〇〇年六月二十一日）

再，查定興一帶，自勇營焚掠以後，拳團愈熾。奴才所轄近鎮地方，既無教堂，亦無拳民，近則紛至沓起，處處有之。緣前此立團只云仇教，今此立團兼爲保莊，不惟不能禁止，實亦無詞禁止。夫設兵所

〔一〕原件無具奏者姓名，此係查據《隨手檔》而補。

以衛民，今則首先擾民，若不申明紀律，認真懲辦，不惟驅民成團，拳民愈得藉口。卽此軍律敗壞，何可以言戰也。自去春義和名團，早伏隱患，而禍變如此迅速，豈得諉之天時？且以天時人心度之，不過亂階之偶成，未至大局之已壞。伏願宸衷堅定，飭下中外各官，振刷精神，力圖挽救，非必無可措手也。謹附片具陳，伏乞聖鑒。謹奏。

（軍機處錄副奏摺）

六六二 著富順迅速赴山海關任所事上諭

光緒二十六年五月二十六日（一九〇〇年六月二十二日）

軍機大臣面奉諭旨：昨有旨，山海關副都統富順交載勛等差遣委用。現在山海關一帶地方緊要，該副都統卽著迅速赴任，毋庸請訓。到任后，所有地方防守事宜，務須妥爲籌畫，毋稍疏虞。欽此。

（上諭檔）

六六三 著戶部割放粳米交剛毅分給團民食用事上諭

光緒二十六年五月二十六日（一九〇〇年六月二十二日）

光緒二十六年五月二十六日內閣奉上諭：著戶部割放粳米二百石，交剛毅等分給義和團民食用。欽此。

（上諭檔）

六六四 許應騷奏爲請將時局實在情形宣諭咸知並籌防國疆事片

光緒二十六年五月二十六日（一九〇〇年六月二十二日）

再，自北電不通，謠傳日有所聞。閩省僻處海隅，無從得實，臣緣是焦灼萬狀。今輪舟復梗，各省益多風鶴之驚。應請將實在情形，由驛密行宣諭，俾紓疑慮。且廟謨所在，亦宜咸使知曉，庶有遵守也。比聞各國託詞助勦，戰艦麇聚於津沽，以勢度之，似難峻拒。臣惟此時辦法，欲期邦交復合，必當令彼勢先分。蓋各國相率而來，名爲聯絡，實固未忘猜忌，儻能相機理說，使附和者顯覺其非計，而覬覦者隱隨〔惰〕其成謀，徐圖收束，較易就範耳。臣管見所及，敢貢一得之愚，如何進止，恭候宸斷。

至閩省濱海，羣情易滋惶惑，臣惟以鎮靜處之。所有租界、教堂，已分飭得力弁勇，妥爲保護，人心尚稱安謐。惟是地方遼闊，兵力單微，當茲時局，斷不足以資分布。臣與各司道熟酌，擬速添募數營，明知餉力羅掘已窮，而因大局起見，不得（不）竭蹶從事。俟將來成軍（之）日（另）行咨部外，謹附片陳明，伏乞聖鑒。謹奏。

光緒二十六年七月初三日奉硃批：閩省防務，著卽按照江、廣現辦情形妥籌布置，仍以鎮靜處之。欽此。

六六五 著長庚飛飭馬亮迅速來京事上諭

光緒二十六年五月二十七日（一九〇〇年六月二十三日）

軍機大臣字寄伊犁將軍長，光緒二十六年五月二十七日奉上諭：調署伊犁綏定鎮總兵。記名副都統馬亮，著長庚飛飭迅速來京，聽候差遣，毋稍遲延。將此由六百（里）加緊諭令知之。欽此。

（上諭檔）

六六六 著張之洞等選將率營來京事上諭

光緒二十六年五月二十七日（一九〇〇年六月二十三日）

軍機大臣字寄湖廣總督張、湖北巡撫于，光緒二十六年五月二十七日奉上諭：湖北愷字四營、武功二營，著張之洞等遴派統領，迅速拔隊星馳來京，毋稍遲緩。將此由六百里加緊諭令知之。欽此。遵旨寄信前來。

（上諭檔）

六六七 著俞廉三選將管帶營旗來京事上諭

光緒二十六年五月二十七日（一九〇〇年六月二十三日）

軍機大臣字寄湖南巡撫俞，光緒二十六年五月二十七日奉上諭：湖南錠字四營、威字五旗，著俞廉

三遴派得力將弁，星夜管帶來京，交余虎恩統帶。毋稍遲緩。將此由六百里加緊諭令知之。欽此。遵旨寄信前來。

(上諭檔)

六六八 龔桂奏陳改義和團爲神武軍藉爲臂助摺

光緒二十六年五月二十七日(一九〇〇年六月二十三日)

浙江道監察御史奴才龔桂跪奏，爲敬陳管見，以濟時艱，恭摺仰祈聖鑒事。

竊自咸豐八年庚申歲，洋人五國來京，城下之盟，迄今庚子垂四十年矣。中國允其傳教，而教民仗勢欺民，於是民教爲仇，結不可解，此人事也。若論神道，中華三教，亘古於茲，固無所謂天主教者。我朝定鼎以來，卽奉儒釋道三教，今人奉天主教，則三教不幾乎息矣。於是上帝震怒，飭下神兵附於衆民，焚燬其教堂，戕戮其教民，雖然洋人逞刁，豈能於我國家甘心。奴才愚見，就此收撫義和團，更其名爲神武軍，卽請旨飭派委員督帥經理，分按八卦結爲管制，稱此暇豫，及時操練，免得裸亂無章，以備洋人秋日必犯中原，邇時兵勇大集，正可與之大戰，勝負雖不可豫知，大概有此臂助，總可與之抗衡。如遇三省有事，亦可以留一半拱衛京畿，分一半與俄人交戰。幸邀神助，天津海水退沙限，外船不得進口，洋兵莫能登岸，此天意也。時會如此，請皇太后、皇上勿庸憂心，執此一定之見於上，而諸臣等操持於下，庶可有濟。若能由此將洋人驅逐淨盡，各省海口除通商而外別無所事，豈不甚善。

奴才管見所及，是否有當，謹恭摺具陳，伏乞聖鑒。謹奏。

(宮中硃批奏摺)

六六九 著魏光燾飭令馬安良率營兼程來京事上諭

光緒二十六年五月二十八日(一九〇〇年六月二十四日)

軍機大臣字寄署陝甘總督魏，光緒二十六年五月二十八日奉上諭：京師為根本重地，現在情形緊要。著魏光燾飭令馬安良，迅速挑選步隊六營、馬隊兩營，星夜兼程來京，毋稍刻延。如餉械不足，即著魏光燾設法籌給，俾利軍行。將此由六百里加緊諭令知之。欽此。遵旨寄信前來。

(上諭檔)

六七〇 著賞給在京出力各營並義和團民銀兩事懿旨

光緒二十六年五月二十八日(一九〇〇年六月二十四日)

光緒二十六年五月二十八日，內閣奉慈禧端佑康頤昭豫莊誠壽恭欽獻崇熙皇太后懿旨：神機營、虎神營、義和團民，著各賞銀十萬兩。甘軍、武衛軍前曾賞銀四萬兩，著再各賞銀六萬兩。該軍士等當同心戮力，共建殊勛，以膺懋賞。欽此。

(上諭檔)

六七一 著賞給天津在事各軍及團民銀兩事懿旨

光緒二十六年五月二十九日（一九〇〇年六月二十五日）

光緒二十六年五月二十九日，內閣欽奉慈禧端佑康頤昭豫莊誠壽恭欽獻崇熙皇太后懿旨：天津軍務喫緊，在事各軍及助戰團民均屬得力。著共賞銀十萬兩，以資鼓勵。仍著裕祿督飭各營、團，將登岸洋兵分頭堵截，不得任其北竄。一面規復大沽礮臺，以固門戶。均爲至要。欽此。

（上諭檔）

六七二 著賞給武衛左軍銀兩事懿旨

光緒二十六年五月二十九日（一九〇〇年六月二十五日）

光緒二十六年五月二十九日，內閣欽奉慈禧端佑康頤昭豫莊誠壽恭欽獻崇熙皇太后懿旨：此次在京出力各營，昨已有旨分別給賞，以示鼓勵矣。現在宋慶所部之武衛左軍，業已陸續到京。著一併賞銀十萬兩，由宋慶均勻分給。仍著督飭將士等同心戮力，共維大局，迅奏膚功。欽此。

（上諭檔）

六七三 著賞給驍騎營並護軍銀兩事懿旨

光緒二十六年五月二十九日（一九〇〇年六月二十五日）

光緒二十六年五月二十九日，內閣欽奉慈禧端佑康頤昭豫莊誠壽恭欽獻崇熙皇太后懿旨：京津各營兵丁及義和團勇均已分別賞給銀兩。所有守衛之八旗滿蒙漢驍騎營，著賞銀一萬兩。兩翼前鋒八旗護軍，著賞銀一萬兩。由該王大臣等均勻分給，以示鼓勵。欽此。

(上諭檔)

六七四 袁世凱奏爲籌款募兵請飭部立案事片〔一〕

光緒二十六年五月二十九日（一九〇〇年六月二十五日）

再，東省海口林立，英、德逼處，較甲午年以前情形，尤爲喫緊。當甲午之役，僅禦一國，本省先後募兵不下五十營，客軍協防者亦有四十餘營。今與各國開釁，尤須嚴密設備。所有原練之武衛右軍七千人，祇可扼守青、濰，抵禦德人；新練之先鋒隊二十營，分布西南各路，防敵斷我運道。而東北各海口，殊嫌空虛。武定所屬埕子口，與大沽咫尺相望，尤關緊要。甲午年曾駐十數營，以防敵人登岸東竄，現實無營可撥。昨已派員駐赴曹、沂一帶迅募壯丁四營，趕緊編練，擬飭駐防埕子口。惟東省庫儲（支）絀，籌餉綦難，臣與藩、運兩司詳商，無論何款，姑先挪用，以濟急需，俟事平後，再酌量裁撤。仰懇俯賜敕部查照立案。

除分別咨行外，理合附片具陳，伏乞聖鑒訓示。謹奏。

〔一〕此件爲故宮博物院明清檔案部編《義和團檔案史料》所收同日袁世凱摺之附片。

光緒二十六年六月初七日奉硃批：該部知道。欽此。

(軍機處錄副奏摺)

六七五 坎字老團大師兄德通知〔一〕

光緒二十六年五月二十九日(一九〇〇年六月二十五日)

莊王府坎字老團奉王諭：燒燬電綫，洋桿並不可留。如有毛寇之人，即行拿交本團嚴辦。

大師兄德具。

(軍機處雜件)

六七六 著馬玉崑即刻赴援天津事上諭

光緒二十六年五月三十日(一九〇〇年六月二十六日)

軍機大臣字寄浙江提督馬，光緒二十六年五月三十日奉上諭：現在天津待援孔亟，著馬玉崑即行拔隊，無分晝夜，兼程赴援，萬勿稍緩。將此由六百里加緊諭令知之。欽此。遵旨寄信前來。

(上諭檔)

〔一〕此為原有之標題。

六七七 載勛等爲已派團民駐守總署事致軍機處函

光緒二十六年五月三十日（一九〇〇年六月二十六日）

焚燬總署之說，頃接慶邸來函，恰如尊諭。當將團民詳細查究，係屬子虛。惟風言未必無因，若有教匪冒團滋事，藉肆搶掠，亦不得不爲預加防備。業派團民二百名前往駐守去訖，並即刻答覆慶邸知照矣。茲蒙賜信，敬泐佈覆。卽請升安。

載勛、剛毅同頓首。

（軍機處錄副奏摺）

六七八 著晉昌補授盛京副都統並幫辦奉天軍務事上諭

光緒二十六年六月初一日（一九〇〇年六月二十七日）

光緒二十六年六月初一日內閣奉上諭：晉昌著補授盛京副都統，並幫辦奉天軍務。欽此。

（上諭檔）

六七九 著步軍統領傳諭掩埋教民屍骸事上諭

光緒二十六年六月初一日（一九〇〇年六月二十七日）

軍機大臣面奉諭旨：連日內外城殺斃教民人等甚多，著步軍統領等傳諭兩翼官弁，將九城地面遺

棄屍骸，各就相近城門亟行移出，交坊一律掩埋，毋稍遲緩。欽此。

(上諭檔)

六八〇 劉樹棠爲日領事電稱聯軍進兵意圖專致洋務局札

光緒二十六年六月初一日(一九〇〇年六月二十七日)

頭品頂戴·革職留任巡撫浙江部院·節制水陸各鎮兼管兩浙鹽政兼總理各國事務大臣劉，札洋務局知悉：五月二十九日，接准駐滬日本總領事來電：轉准在華各國水師提督電開，此次各國用兵，專爲彈壓義和拳匪及攔阻我軍馳往救援各國欽差、官員、商人等起見，並無他意。速行知會沿江沿海督撫。等因。請卽電飭省內大小文武官員知道，以免誤會，此爲望切。等因。轉電到本部院。准此，合行札飭。札到該局，卽便知照毋違。特札。

(外務部檔)

六八一 松椿奏爲添募漕標新軍四營並請撥餉銀事摺

光緒二十六年六月初二日(一九〇〇年六月二十八日)

頭品頂戴·漕運總督奴才松椿跪奏，爲徐州、清江一帶兵力單薄，謹擬先募四營填防，並請撥餉項以濟要需，恭摺由驛馳陳，仰祈聖鑒事。

竊奴才准兩江督臣劉坤一電開：光緒二十六年五月二十一日，欽奉六百里加緊廷寄，京城內外擾亂已亟，著各省迅速挑選馬步隊伍，酌派得力將弁管帶數營，星夜赴京，聽候調用。等因。欽此。奴才聞電之下，北望闕廷，憂心如搗。當經督臣劉坤一飭派總兵陳鳳樓，率領所部馬步全軍，兼程北上。駐紮清江之湖北提督張春發、駐紮宿遷之江西按察司陳澤霖，亦次第率領全軍起行。並准督臣電開：宿遷一帶空虛可慮，已飭徐州鎮添募步隊三營、馬隊一營，剋日成軍填防。並囑奴才趕募勇營，以資鎮懾。各等因。

准此，查徐淮海一帶，鹽梟土匪所在皆有，雖經疊次拏辦，總未盡絕根株。現在北省義和團匪拆毀電桿、鐵路，焚燒教堂，大沽失守，內憂未息，外侮紛乘。江北地連東、豫、皖三省，四通八達，伏莽甚多，水陸交衝，處處須防。徐、宿、清江一帶，更爲南北樞紐要隘，非添大枝重兵，不足以資鎮懾。惟是餉無可籌。奴才經返電商督臣，意見相同，祇可趕速先募四營，名爲漕標新軍。查有淮揚鎮總兵潘萬才，素爲淮軍驍將，在直省功績甚著，勦辦朝陽教匪，奏功尤速，堪膺統領重任，擬請派充統領。另再酌添馬隊，扼要防堵。其薪糧一切，按照湘、淮軍章程參酌發給，每月約在二萬兩上下。督臣當此沿江沿海處處設防之際，兼籌並顧，力爲其難，已允爲先籌三四萬兩。而於清江餉需，僅能暫（顧）目前，未可爲經久之計。

伏查甲午年籌辦海防，經前署漕臣鄧華熙暨奴才先後奏請，在湖南、湖北、江西各糧道徵存漕項水脚津貼項下，各月撥銀二千兩。又江南糧道月撥二千兩，江蘇糧道月撥一千兩，今請亦撥二千兩。又查

同治四年籌辦捻匪，經前漕臣吳棠奏請，在淮安關稅課項下，每月就近撥解銀三四千兩。今請按月撥解二千兩。合無仰懇天恩，俯念防務緊要，飭部速議，照案自六月起按月撥解，以應急需，統歸清淮軍需案內覈實造報。

所有徐州、清江一帶兵力單薄，謹擬先募四營填防，並請撥餉項以濟要需緣由，理合繕摺，由驛馳陳，伏乞皇太后、皇上聖鑒，飭部速議施行。謹奏。

光緒二十六年六月初七日奉硃批：戶部速議具奏。欽此。

（軍機處錄副奏摺）

六八二 理藩院爲暫借雍和宮辦公一摺已奉硃批事知照內務府文

光緒二十六年六月初二日（一九〇〇年六月二十八日）

理藩院爲知照事。本院具奏，衙署被劫，東西道路阻塞，所有日行公事有不可延緩者，酌擬暫借雍和宮廟內以便辦理公務等因一摺，於光緒二十六年五月三十日具奏。奉旨：知道了。欽此欽遵。相應知照貴衙門可也。須至知照者。右知照內務府。

（內務府檔）

六八三 榮銓爲遵批飭拿黃岩教案首要等事致洋務局移文

光緒二十六年六月初二日（一九〇〇年六月二十八日）

欽命二品頂戴·浙江等處提刑按察使司·總理全省驛務兼管營務處榮爲移會事。

光緒二十六年五月初九日，奉撫憲劉批黃岩縣稟，南鄉清洋陶耶穌教堂被匪焚燬一案，勘驗訊供由。奉批：查此案昨據寧紹臺道稟，已委員往查。當經批飭會同印官晤商教士，妥速議結，以免枝節在案。據稟前情，仰按察司速飭該縣暨各營汛防軍，上緊選派幹練兵役，懸賞購緝，勒限嚴拿，務將此案首要各犯，刻期按名弋獲，追起全贓，馳報究辦，毋再縱延，致干撤參。一面飭將各處教堂隨時認真保護，團練、保甲實力整頓，不准徒託空言，是爲至要。仍移洋務局暨寧臺道查照，並候督部堂批示。繳。繪圖存。

初十日，又奉札開：據寧紹臺道稟稱，黃岩清洋陶耶穌教堂被燬，與英領事開送失單不符。飭派洋務委員往查會辦。等情。到本部院。據此，除批示印發外，合行抄批札知。札司即便移行，查照遵辦毋違。各等因。

奉此，查此案已據該縣並稟到司，除批示外，除批示外，「一」合並移知。爲此備移貴局，請煩查照憲批事理，一體飭速遵辦。仍將各處教堂隨時認真保護，團練、保甲實力整頓，望速施行。須至移者。右移浙江洋務局。

(外務部檔)

「一」除批示外「四字衍。

六八四 著松椿等趕緊疏通運河以資糧運事上諭

光緒二十六年六月初三日（一九〇〇年六月二十九日）

軍機大臣字寄漕運總督松、山東巡撫袁，光緒二十六年六月初三日奉上諭：現在中外開釁，海道難行，糧運必至梗阻。著松椿、袁世凱即將運河趕緊勘明挑濬，總期一律疏通，船行無阻，是為至要。該督撫接奉此旨後，務當迅速派員，剋日興工，不得畏難延誤，致誤大局。將此諭令知之。欽此。遵旨寄信前來。

（上諭檔）

六八五 著載瀾補授右翼總兵事上諭

光緒二十六年六月初三日（一九〇〇年六月二十九日）

光緒二十六年六月初三日內閣奉上諭：溥顧著開去右翼總兵差使。右翼總兵著載瀾補授。欽此。

（上諭檔）

六八六 毓賢奏請召劉永福等捍衛京師片〔一〕

光緒二十六年六月初三日（一九〇〇年六月二十九日）

〔一〕此件為故宮博物院明清檔案部編《義和團檔案史料》所收同日毓賢摺之附片。

再，現在中外已開戰釁，雖上月天津之戰挫其兇鋒，然戰事方始，選將爲先。查近時宿將，如劉永福、馮子材、劉光才，卓著威名，遠夷所憚。可否請旨，飛召到京，捍衛根本重地，戰守均有可資。劉光才係實缺山西大同鎮總兵，現在江南有差，抑或飭令該總兵迅赴本任，可作晉北之干城。

奴才愚見所及，是否有當，謹附片具陳，伏乞聖鑒訓示。謹奏。

光緒二十六年六月初五日奉硃批：另有旨。欽此。

（軍機處錄副奏摺）

六八七 著裕祿嚴飭各州縣挖濠築壘禁阻洋兵來路事上諭

光緒二十六年六月初四日（一九〇〇年六月三十日）

軍機大臣字寄直隸總督裕，光緒二十六年六月初四日奉上諭：中外業經開戰，北洋沿海一帶，洋兵隨處皆可登岸，防不勝防。著裕祿嚴飭各州縣，密令義和團民及居民人等，相度要隘，多方設法挖濠築壘，徧設坑阱，節節阻其來路。仍一面聯絡團民嚴爲防範，毋稍疏懈。將此由六百里加緊諭令知之。欽此。遵旨寄信前來。

（上諭檔）

六八八 著張春發等面商廷雍剿辦保定一帶滋事教民事上諭

光緒二十六年六月初四日（一九〇〇年六月三十日）

軍機大臣字寄湖北提督張，傳諭直隸按察使廷、江西按察使陳，光緒二十六年六月初四日奉上諭：

〔硃批〕：安家莊、東閭村。

張春發、陳澤霖前已有旨諭令帶隊星馳北上，著由保定府一路前來。該處有教匪聚眾滋事，可與直隸臬司廷雍面商，速行剿辦，切勿遲誤。將此由六百里加緊諭令張春發並傳諭廷雍、陳澤霖知之。欽此。遵旨寄信前來。

（上諭檔）

六八九 著奎俊察看奏覆余蠻子可否錄用事上諭

光緒二十六年六月初五日（一九〇〇年七月一日）

軍機大臣字寄四川總督奎，光緒二十六年六月初五日奉上諭：有人奏，四川余蠻子材勇可用，其人尚在監禁。究竟可否錄用，著奎俊察看覆奏。將此由六百里諭令知之。欽此。遵旨寄信前來。

（上諭檔）

六九〇 鹿傳霖奏覆蘇省不宜招團已與各國約定兩不相擾摺

光緒二十六年六月初六日（一九〇〇年七月二日）

頭品頂戴·江蘇巡撫臣鹿傳霖跪奏，為遵旨籌辦情形，恭摺馳陳，仰祈聖鑒事。

光緒二十六年五月三十日，接准軍機大臣字寄，五月二十五日奉上諭：現在中外已開戰釁，直隸天津地方，義和團會同官軍助勦獲勝，業經降旨嘉獎。此等義民，所在皆有，各直省督撫，如能招集成團，藉禦外侮，必能得力。如何辦法，迅速覆奏。沿江沿海各省，尤宜急辦。將此由六百里加緊通諭知之。欽此。仰見聖明安內攘外、建威銷萌之至意，欽悚莫名。

竊以近畿一帶戰事已開，蘇省爲江海要區，亟宜加意籌防，招集民團，捍禦外侮，以效敵愾同仇之義。惟南北風氣異宜，南人賦性柔弱，不耐艱苦，易聚易散，與直東之民氣剛勁、人心固結者，迥不相同。且北地團會，迫於平日之義憤，人自爲仇，故可資其一朝之用，尚慮未可久恃。若南省則華洋錯處，相習有年，平時嫌釁未深，臨事恐難得其死力。上年各屬舉辦團練，規模略具，但能守望相助，難遽責以效命行間。仍宜兵團相輔，始有實濟。就蘇省情形而論，上海爲各國商務產業所在，且係內地精華，洋人亦恐釁端一開，羣不逞蜂起焚掠，官力無暇禁阻，彼必大受損傷。於是因勢利導，江、鄂兩督臣會商，派委江海關道余聯沅，約同太僕寺少卿盛宣懷，與各領事會議，約定各任保護，兩不相擾，爲暫顧目前之計。此外如寶山、江陰、鎮江所屬各礮臺，均已有人兵駐守。惟福山、川沙、金山等處，皆沿海要口，平日兵力分布本難周密，現已趕緊添募勇營，扼要填紮，嚴密防範，以資捍衛。一面責成各州縣切實整頓團練，清查內匪，嚴斷接濟。一旦有事，與各防營聯絡一氣，互爲聲援，似較專恃招集民團，稍爲得力。臣惟有隨時會商，就近督飭各員弁，實力戒備，相機審勢，竭力辦理，不敢稍涉疎虞。

所有遵旨籌辦緣由，理合恭摺由驛馳陳，伏乞皇太后、皇上聖鑒。謹奏。

光緒二十六年六月十四日奉硃批：知道了。卽著聶緝槩實力戒備，相機辦理，毋稍疎虞。欽此。

（軍機處錄副奏摺）

六九一 著宋慶與裕祿會商戰守事宜事上諭

光緒二十六年六月初七日（一九〇〇年七月三日）

軍機大臣字寄四川提督宋，光緒二十六年六月初七日奉上諭：四川提督宋慶，前經降旨幫辦北洋軍務。現在津沽一帶軍情緊迫，該提督老成宿望，曉暢戎機，所有戰守事宜，著與裕祿會商妥辦，毋得稍存諉卸。將此諭令知之。欽此。遵旨寄信前來。

（上諭檔）

六九二 載溎奏陳禦敵管見摺

光緒二十六年六月初七日（一九〇〇年七月三日）

奴才載溎跪奏，爲敬陳管見，仰祈聖鑒事。

竊以洋夷迫挾，薦至艱危，時局如斯。前猶仰蒙皇太后虛懷下問，冀收集思廣益之效，凡在臣工，允宜各抒悃忱，力圖報効。不意發言盈廷，是非淆雜，或顧惜身家，一味敷衍；或心存首鼠，熒惑聖聰。深幸皇太后洞燭其奸，不爲所搖，背城借一，立施宸斷。誠如聖諭，肘腋之患不得不除。奴才愚衷願

慮，未敢卽安，以爲前日議和諸臣，莠言亂政，柔奸巧佞，包藏禍心，尤爲腹心之疾。如聯元等，其情罪顯然，卽處以極刑，亦不爲過。切勿任其肖康逆之所爲，致貽少縱卽逝之患也。幸甚，幸甚。蓋洋夷居華年久，奸佞之徒，背順效逆者甚衆。今茲懲一警百，而賞罰分明，庶幾忠正之臣，竭誠圖報；奸佞之輩，革面洗心，則不求治而自治，振作元氣，恢復中興，此其時也。

近日京師戒嚴，閭閻市肆，大有戒心，居鄉者紛紛逃避，住京者閉戶警惶。擬請飭下有地面之責者，剴切諭示，照常安業，設法保護，以安民心。現在積欠洋款爲數甚鉅，請將此項作爲兵勇餉糈，兼以賑貸居民，不惟兵力益固，亦使窮黎不致失所，而市肆之被擄掠者，更可固本貿易，必將踴躍頌揚聖德。且近日米糧騰貴，銀價遞減，若此或可輾轉變通，於阜民濟時之道，不無小補。

自義和團民進京以來，肅將天威，大兵雲集，城內洋夷殲除殆盡。其兵勇陣亡者亦層見迭出，請旨賜卹已故兵勇，堅彼破敵之心。該兵勇等夙懷忠義，必能感憤圖報，大功可期速成，上慰宸衷，下安衆望。奴才不勝激切之至。謹恭摺具陳，伏乞皇太后、皇上聖鑒。謹奏。

（軍機處錄副奏摺）

六九三 崑岡等奏爲據呈代奏翰林院編修趙炳麟敬陳管見專摺

光緒二十六年六月初七日（一九〇〇年七月三日）

大學士·翰林院掌院學士臣宗室崑岡、臣徐桐跪奏，爲據呈代奏，仰祈聖鑒事。

臣院編修趙炳麟呈稱：治內防外，戒備宜急，敬陳管見，懇請代奏前來。臣等公同閱看，實係爲時事艱危起見，不敢壅於上聞。謹將原呈隨摺具奏，伏乞皇太后、皇上聖鑒。謹奏。

（軍機處錄副奏摺）

附件：趙炳麟爲敬陳禦敵管見呈請代奏事文

光緒二十六年六月初七日（一九〇〇年七月三日）

翰林院編修趙炳麟爲敬陳管見，呈懇代奏事。

竊聞不可失者，勢也；不可挫者，氣也。勢順而氣銳，奮寡可以服衆，勵弱可以屈強。我太宗龍興之時，明之火器不敵我之騎射，氣勢使然爾。自道光時，林則徐、鄧廷楨不盡其才，外夷得步進步，我之將士畏彼火器，望風退縮，莫敢與爭，失勢而挫氣爾。今外夷怨毒人民已深，切骨刺心，一旦思逞，殲其公使，敗其戰兵，勢得而氣銳。自道、咸數十年來，未有如今朝之痛快者也。然亟宜布置周密，策及萬全，方可自立不敗。春秋傳曰：不備不虞，不可以師。又曰：豫備不虞，古之善政。尉繚子云：無困在於豫備。諸葛亮云：國之大務，莫先於戒備，失之毫釐，差若千里。今之時勢，戒備尤急矣。炳麟不揣樛昧，敬呈管見，謹列於左：

一、器械宜速製造也。欲善其事者，先利其器。我國近數十年，一切鎗礮，購之外洋。鎗則以哈吃開司毛瑟爲精，礮則以克虜伯格倫爲善。天津、江南、湖北等局，做西法製造，似不及彼國之精，是以軍

營所用，多購自外國。今兵端已啓，我子藥稀少，最爲可慮。擬請速飭製造各局，擇其所造之合用者，加緊多造，以便要需。炳麟觀我國之檣鎗、劈山礮，子多而能擊遠，體輕而便行營，雖發響稍緩，然能多給各軍，以後隊繼前隊，蟬聯不絕，定能制勝。且子藥皆我能自造，不致受制於人。宜速諭天下工匠，能加工精造者，朝廷不惜重價購之。此最急要之事，不可少緩。又戚繼光之無敵大將軍，造法載在練兵實紀甚詳，能照法製造，置守要隘，能退大敵，彈多力猛，機活易帶，擬請多造。易曰：除戎器以戒不虞。此之謂也。

一、將帥宜務和衷也。炳麟觀道、咸以來，中國數次之失機，多由諸將各存意見所致。擬請聖明開誠布公，訓勸各省督撫及各軍統領，務須擊此彼應，擊彼此應，勢如常山之蛇，處處相顧，方爲周密。若此疆彼界，不顧全局，卽誤國之臣矣。孟子曰：天時不如地利，地利不如人和。此之謂也。尤宜乘彼大兵未來，斟酌督撫中之老疲者，統領中之浮滑者，旗綠各兵中之異趣者，從速設法易去，免誤軍國。兵法云：臨敵易將，必慎必決。周之克殷，在一心一德。我太祖、太宗時，地不過諸部落，將不過諸貝勒，無敵天下者，君臣大小和衷而已。炳麟伏願聖神加意焉，天下幸甚。

一、人心宜速安靜也。京師自正陽門被焚後，人心驚惶，官因之輟政，商因之罷市，長攜幼而走，壯扶老而行，都城車馬爲之一空。根本重地，景況至此，見之深堪太息。擬請朝廷速籌安靜京師之法，俾各衙門照常辦事，各市面照常貿易。一面訓飭各臣工，當以國恩相勉，國義相激，不可稍見非常，卽倉皇失所，致負本朝數百年養士之心。一面勸諭義民，遇有異教，誅其人勿火其屋，奸細可去，而烈焰不

張，人心能安，國本方固。程顥云：安危之本在乎人情。人情之定亂，國之安危繫之。不可不加意也。

一、調兵宜加選擇也。自有外患以來，我水陸各軍練習洋操，遂多服戎裝，用西洋之弁卒。若此等隊伍調集近畿，恐民與兵讐，不惟難禦外侮，而且易致內亂。擬請朝廷擇中操之精剛驍勇者，多調聚燕、洋操各營，使防外省，以爲直隸接濟。庶兵民一氣，可卻敵也。

一、京米宜多儲積也。京津糧米仰給東南，各國兵釁一開，難保無截我漕船之事。咸豐十年，外釁初起，疊見玉明、文煜之奏，有夷船阻漕等情。擬請飭漕運各臣，及直隸、山東、河南、江南各督撫，於糧運往來之區，加兵嚴守。尤宜乘敵兵未至，多辦糧米，儲積京師，使米價得平，日食弗窘。國以民爲本，民以食爲天。孔子論政足食先於足兵，卽此意也。

一、防務宜早嚴密也。以陸路而論，滇、川、西藏界英，粵西界法，猶係邊境。獨俄羅斯自伊犁迄黑龍江，包我東北兩面，調兵最易。然我東方兵力如果核實，尚能抵制。嘗閱邸鈔，見雲生奏，吉林烏拉丁丹練有左右翼兵。又壽山奏，奉天練有鎮邊新軍。又兵部奏，添練黑龍江馬步等營。又增祺奏，奉天通省二十五屬，計二千五百餘團，團丁十萬數千家。此皆近二年事，有案可稽者。擬請嚴旨，責成東三省各臣，認真防守，不許外人深入。吉林、黑龍江兵力少單，速宜增練，以免臨時掣肘。並請飭甘肅新疆督撫，及早招募訓練，以備陸路，庶幾陸路之師可緩。最可慮者，彼合師攻我水路爾。直隸海口爲京師門戶，幸大沽水淺，船難進口。然登岸之處，大沽以北，如豐潤之澗河莊、神堂，灤州之張家莊、長開口、齊家莊，樂亭之洋蘭坨，昌黎之蒲河，撫甯、臨榆之牛頭崖、赤洋口、榆河口；大沽以南，如濟溝、母

豬河、岐口、老黃河等處，不一而足。宜速責成裕祿，相度形勢，早下水雷、魚雷，封其進路。敵船如近，我礮臺卽宜燃礮擊退，勿令近岸。並派敢戰士卒，分駐沿海一帶，繼以義團多築濠壘，隨戰隨守，以逸待勞，則水路之師可緩。此兵法所謂制人而不制於人者也。京師根本既固，次則奉天、山東爲直隸唇齒，江南、廣東爲中國精華，一處失守，皆足老我之師，制我之命。宜責成該督撫、將軍，及早加兵防範，不可疏忽。孫子曰：善戰者先爲不可勝，以待敵之可勝。其是之謂歟。

一、練團宜酌簡員也。咸豐時納蔣文慶疏，籌辦各省團防，於是曾國藩、胡林翼諸臣，以練團奏中興之績。今戰端已啓，邊境闕寥，專恃練兵，力恐不足。且游勇會匪，徧地紛然。如今年湖南長、衡等府，飄匪潛滋，幸有司卽時撲滅，廣西南、太一帶，餘孽猶未肅清。一旦乘國家有事，揭竿嘯聚，亂不勝防。外敵既臨，內憂若動，兵分則力薄，民荒則餉絀，殊可慮也。擬請朝廷酌擇各省公正紳士，會同督撫，籌辦各省團防，由紳士選擇各郡縣紳衿之公正者，籌辦各郡縣團防，紳士熟悉情形，盡知根柢，擇身家清白、強壯樸誠者入團練習，游勇、土匪不致混入爲奸，幹役、劣紳不得藉端肆擾，敵至可以助中朝兵力，敵去可以杜內地亂萌。張載所謂清野省戍，卽此法也。

至於兵之強弱，全在將之得失，紀律整肅，賞罰嚴明，又爲馭將之本。君心以堅定爲主，政府以和公爲先，天下事尚可圖也。事難彌縫，勢已決裂，敗一國，則各國不敢輕進，大局尚可支持。一國勝，則各國無不偕來，神州從此糜爛，民之生死、國之存亡，在此舉矣。若惑於衆議，稍涉優游，過此以往，未之或知。

炳麟讀聖賢之書，慕忠義之事，蒙朝廷擢在侍從，未報涓埃，今覩君國危難，五中憂憤，犬馬顧主之見，竊思上聞，伏乞據呈代奏。謹呈。

(軍機處錄副奏摺)

六九四 著各督撫催營北上並著廷杰即轉行各省事上諭

光緒二十六年六月初八日(一九〇〇年七月四日)

軍機大臣字寄各督撫，光緒二十六年六月初八日奉上諭：前有旨，諭令各省督撫酌派營隊來京，聽候調遣。著嚴催統帶各員，務即星夜兼程北上，勿稍延緩。此旨即著廷杰轉行電寄各省。如有電報不通之處，即由該藩司照錄諭旨，由六百里加緊分寄各督撫遵照。將此由六百里加緊傳諭廷杰知之。欽此。遵旨寄信前來。

(上諭檔)

六九五 劉恩溥奏請派令大員督辦通州防務摺

光緒二十六年六月初八日(一九〇〇年七月四日)

臣劉恩溥跪奏，為通州地方扼要，請飭倉臣督辦防剿事宜，恭摺仰祈聖鑒事。

臣奉諭旨，剋日前往天津，因念通州為入京水陸通衢，亟宜派大員督辦防剿各事，方為萬全。查倉

臣長萃向來辦事結實，不避勞怨，現在無米可驗，株守通州。可否派令督辦通州防剿事宜，以收實效，出自聖裁。

至軍火兵械等費，臣到津後，儻銀根緊急，不能應手之時，仰懇准於通濟庫暫爲挪用，俟兵事完竣，再由直隸督臣設法歸償，實叨逾格鴻慈。如蒙俞允，臣卽移知倉臣長萃遵照辦理。臣於是日拜摺後卽行起程。伏乞皇太后、皇上聖鑒。謹奏。

（軍機處錄副奏摺）

六九六 著劉坤一等疏通運河趕運漕米事上諭

光緒二十六年六月初九日（一九〇〇年七月五日）

軍機大臣字寄兩江總督劉、漕運總督松、浙江巡撫劉、山東巡撫袁、護理江蘇巡撫。江蘇布政使聶，光緒二十六年六月初九日奉上諭：江浙漕糧尚未運齊，到津米石亦因戰事，無從運通。現在軍食孔急，聞本屆漕米，上海招商局約尚存三十萬石，海道既阻，亟應變通辦理。著劉坤一、松椿、劉樹堂、袁世凱、聶緝槩迅速會商，改由運河兼程趕運。沿途河道如有淺阻之處，先行勘明，隨時疏濬深通，以利進行而免延誤。將此由六百里加緊各諭令知之。欽此。遵旨寄信前來。

（上諭檔）

六九七 著裕祿等趕運並保護在津漕米事上諭

光緒二十六年六月初九日（一九〇〇年七月五日）

軍機大臣字寄直隸總督裕、倉場侍郎劉，光緒二十六年六月初九日奉
上諭：江浙漕糧尚未運齊，昨經諭令裕祿查明該省糧道及押運委員等，飭令趕緊運通。聞此項漕米，天津招商局約存四十餘萬石，亟須設法趲運，尤應妥籌保護。現在劉恩溥正在天津，著裕祿會商劉恩溥，相機辦理。仍將如何籌辦情形，迅速會同覆奏。將此由六百里加緊各諭令知之。欽此。遵旨寄信前來。

（上諭檔）

六九八 載勛等奏陳遵辦京師城守情形摺

光緒二十六年六月初十日（一九〇〇年七月六日）

奴才載勛等謹奏，為遵辦城守事宜，謹將現辦情形，並遵旨詳查，恭摺奏聞，仰祈聖鑒事。

竊查現與各國開釁，京師戒嚴，奴才等奉命督辦，亟應悉心籌備。所有派出之都統裕德等，均按舊制八旗段落，城上駐紮，以昭防守。一面嚴飭兩翼八旗地面各官，嚴密稽查。並令義和團民沿街巡緝，遇有邪教匪徒，即行拏辦，以靖奸宄。其欽派駐門之崇勛等，亦各分門駐守，啓閉亟嚴。並揀調五營誠實精細官弁，密往天津一帶地方偵探，以通消息而識夷情。此現在分布城守上下之情形也。

奴才等正在籌辦之際，准軍機處交到面奉諭旨：前有旨，諭令載勛、載濂辦理城守事務。所有城上下分布兵丁地段，及安置礮位防具各事宜，多日未據具奏，實深繫念。著迅將現辦情形，詳細陳奏，毋得稍延。欽此。奴才等聞命之下，當即派委桂斌等，前往各城，逐件清查。據稱：官兵器械均尚整齊；該巡查大臣等逐日巡查，亦無空誤；各城箭樓均設有驍騎營神威礮位四尊，用資防守。此外各城舊存礮位尚多，均堪試用，惟因兵數太單，未能全行安置。此各城礮位分布之情形也。伏查城守以兵爲要，而防具尤宜周備。現在兵數無多，惟有督飭各該弁兵，無分晝夜，嚴密梭巡，以勤防守，而昭慎重。

所有現辦情形暨遵旨詳查各城分守緣由，理合恭摺覆陳，伏祈皇太后、皇上聖鑒。謹奏。

（軍機處錄副奏摺）

六九九 著載勛等詳細籌畫城守事宜並剖析覆奏事上諭

光緒二十六年六月初十日（一九〇〇年七月六日）

軍機大臣字寄莊親王載、貝勒載，光緒二十六年六月初十日奉上諭：載勛等奏，遵將城守事宜詳查一摺。所稱官兵、器械均尚整齊等情，語意尚屬含混，未能逐一分析籌畫。究竟各旗營官兵，城上城下如何分布，駐紮何處地段，兵力太單之處，應如何分別添派？礮位尚多，果係何項礮位，子藥是否合用，每城應分設若干？至守城防具，均係需用何項器具？現在軍務喫緊，城守事宜尤爲緊要。著載勛等再行

詳細籌畫，妥爲布置，剖析具陳，毋得一奏塞責。將此各諭令知之。欽此。遵旨寄信前來。

(上諭檔)

七〇〇 顏鍾麟爲陳明防護教堂情形稟俞廉三文

光緒二十六年六月十一日(一九〇〇年七月七日)

敬稟者：邇患目疾，不能寫紅牋，茲由陳令傳諭：事關機密，許用草書上陳。體恤下情，無微不至，感紉何可名言。六月初七日，奉督憲語電，因道署向未頒有密碼，是以電請蔡道轉懇譯發。隨於初九日奉到排遞手諭，並將鄂電鈔給閱看，仰見智珠在握，勝算獨操，應變隨機，以安爲攘。自應恪遵指示，首嚴啓釁之防，咸使聞知，共懷忌器之戒。

查道屬襟江帶湖，素多伏莽，教堂林立，時有齟齬，祇以無隙可乘，幸得相安無事。况岳埠新闢，虞詐未能盡泯，游勇潛踪，防範實難稍懈。前因拳民開衅，彼族詰難，卽料浩劫將臨，掣動全局。比卽飛飭各屬，嚴防土匪，力保洋教，各盡職分所當爲，毋貽外人於口實，庶東南可保無虞，而畿輔仍資遙衛。並於郡城內外，督同府縣舉辦團防，清查保甲，聯絡水陸營暨捐廉添募勇丁四十名，各派員弁，晝夜梭巡。故外間雖有流言，人心尚覺安定。迨後得閱招團禦侮之旨，亦知一經宣布，奸匪藉端，大局何堪設想？登時諄囑電局，切勿輕洩。豈次日清晨，卽有將前件錄帖通衢，查得係由保甲局紳，從縣中鈔出，且聞有赴堂逐客情事。周令適在假中，未暇與計，遂立傳局紳至署，曉以利害，促令揭去。豫守初未與

聞，隨飭該紳等，再添巡丁三十名，加意防護，以期周密。並商允信字旗分撥弁勇一哨，續赴城外駐紮，以資鎮懾。此邇月來籌維布署之大概情形也。

除再分飭所屬切實遵辦外，所有岳、常、澧各處教堂及教士姓名人數，開摺呈候察核。肅覆恭請鈞安。

卑府顏鍾驥謹稟。

批：據稟已悉。民教積嫌已久，近日人情愈加浮動。道屬地方教堂林立，伏莽滋多，斷不可任無知之徒，肇衅生事，尤不可令匪類藉口擾民。一切措置之法，制府語電中已詳言之，仰即遵照指示妥辦。並督飭各屬，並移會防綠營汛，一體實力保護，萬勿疎懈。

至痞匪閩鬧雖係一時烏合，前數日必先有流言。官署或不之知，紳士則斷無不知者。務令地方官延召團紳，剴切開導，俾將利害得失了然胸中。一有所聞，隨即馳報，庶得及早防範。常、澧兩屬教堂尤多，該道務須錄電飛飭，妥慎辦理，萬勿滋事，致東南各省藉爲口實。至要。此繳。清摺存。

（清代各衙門檔）

七〇一 著裕祿奏覆海口防守情形事上諭

光緒二十六年六月十二日（一九〇〇年七月八日）

軍機大臣字寄直隸總督裕，光緒二十六年六月十二日奉上諭：現在戰事方殷，北洋各海口，頭頭是

道，均須嚴密防守。所有山海關、秦王島、埕子口、昌黎、灤州、樂亭、甯河、北塘等處，裕祿業已調派何營前往，防堵兵力是否可恃？著裕祿迅速據實具奏。如尚須添兵防守，即著該大臣趕緊添調得力營勇，節節布置，毋稍疏漏。將此由六百里加緊諭令知之。欽此。遵旨寄信前來。

(上諭檔)

七〇二 黃槐森奏請堅定開戰片〔一〕

光緒二十六年六月十三日(一九〇〇年七月九日)

再，臣恭繹迭奉上諭：中外失和，釁由各國先開，不能不戰。仰見聖謨廣遠，惟斷乃成。凡在臣民，莫不聞而感奮。自應齊心努力，以同仇敵愾，必無遲疑觀望而稍有貳心。但恐或有狃於偏見，甘受外侮，而覲不為怪，輒以危詞妄瀆宸聰，諒必難逃聖明洞察。臣愚千慮及此，迫切上陳，萬望聖衷堅定，存大一統之志量，振歷年姑隱忍之類，開前古所未有之局。書云：皇天無親，惟德是輔，理勢所必然。雖有謂洋人鎗礮堅利，所向無前，詎知畏葸，習慣聞風先逃，原非勢不相敵。溯查光緒初年越南之役，其先屢為法人所挫，即因未戰先奔之故。後經申明紀律，誓滅此虜，遂獲全勝，由彼乞撫，歸我範圍，然後罷兵。至今十餘年，相安無事，可為明徵。今天威大震，各督撫臣受恩深重，悉當共抒忠誠。惟臣身任疆土之寄，又處邊瘠之區，既以遠而不能率兵前驅，復以貧而不能籌餉接濟，稍分宵旰之憂勞，不勝

〔一〕此件為故宮博物院明清檔案部編《義和團檔案史料》所收同日黃槐森摺之附片。

悚徬徨之至。

所有微臣憤激愚忱，謹冒昧附片具陳，伏乞聖鑒。謹奏。

硃批：知道了。

（宮中硃批奏摺）

七〇三 著派清銳等充義和團練大臣會同增祺等認真辦理事上諭

光緒二十六年六月十四日（一九〇〇年七月十日）

軍機大臣字寄盛京將軍增、戶部侍郎清、刑部侍郎溥、奉天府府尹玉、副都統晉，光緒二十六年六月十四日奉上諭：清銳等奏，奉省拳民焚燬法國洋樓並近日情形一摺。現在既與各國開釁，奉天地方

〔硃批〕：義和

緊要，自應妥籌防範。清銳、溥頤著派充團練大臣，會同將軍增祺、府尹玉恒，迅速認真辦理。至一切戰守事宜，並著與副都統晉昌悉心籌畫，毋稍延緩，致誤戎機。將此由六百里加緊（各）諭令知之。欽此。遵旨寄信前來。

（上諭檔）

七〇四 著廷雍補授直隸布政使事上諭

光緒二十六年六月十四日（一九〇〇年七月十日）

光緒二十六年六月十四日內閣奉上諭：廷杰著留京當差。直隸布政使著廷雍補授。欽此。

（上諭檔）

七〇五 載勛等奏爲拿獲副都統慶恒及其差役請旨辦理事摺

光緒二十六年六月十四日（一九〇〇年七月十日）

奴才載勛等謹跪奏，爲請旨事。

據副都統慶恒於本月初六日稟稱：伊家於初四日被假冒團民搶劫燒毀，並將伊眷屬六名口殺害。等情。具稟前來。當卽札飭中營副將鮑湧泉等前往妥爲保護，嚴緝匪犯去後。又於初十日，有廣化寺團勇，將慶恒及伊弟護軍校慶祿、差役王德山、董貴等，由武衛中軍公所拿獲到團。訊據慶恒差役王德山、董貴各具供詞。奴才等公同查閱，與連日所訪情形大致相同。其搶劫焚燒慶恒之匪犯王占魁、趙二狗卽趙二大王等五名，業於十二日拿獲，連賊一併解送到團，卽經訊明正法。

除飭將餘匪嚴緝務獲究辦外，惟慶恒係屬一品大員，慶祿亦係職官，未便質訊，應如何辦理之處，奴才等未敢擅擬。謹鈔錄慶恒之差役王德山、董貴各具供詞呈覽，伏候聖裁。恭摺具奏請旨。

（軍機處錄副奏摺）

附件：慶恒之差役王德山等人供單

謹將鈔錄供詞恭呈御覽。

王德山供：伺候慶恒大人，在伊家及公所備差。現在存鎗一、二百桿，連鎗袋並鉛丸亦約有一二百分，先均在公所西屋放存。後有鎗十桿、洋刀五把、長鎗十支，均於六月初二日用車運至慶宅內。自前年五、六月間，有西直門內教堂楊姓洋人到伊家內，聽外人傳說，係爲保國會之事。去年、今年正、二月間，楊姓洋人又去過三、四次。他們又商說甚麼，我不盡知，聽說也是發洋財的事。只求恩典。所供是實。

董貴供：

在炒豆胡同營務公所伺候朱師爺名樸。慶大人招勇，其意原爲保護私家，慶大人私下與人商議招勇，數目不得其詳。私意暗中與有仇之團爲難，打算打仗後，擬赴山盤踞。如需用火鎗器械等項，由永子懋處領用。只求恩典。所供是實。

（軍機處錄副奏摺）

七〇六 著將慶恒之差役王德山董貴交刑部嚴行審訊事上諭

光緒二十六年六月十四日（一九〇〇年七月十日）

軍機大臣面奉諭旨：載勛等奏，查明副都統眷屬被害等情，並鈔錄差役供詞呈覽一摺。差役王德山等供多支離，恐有別情。王德山、董貴二名均著交刑部嚴行審訊，勿任狡賴。欽此。

（軍機處錄副奏摺）

七〇七 裕祿等奏請將臨陣退縮業已正法之副將銜參將管治興革職片〔一〕

光緒二十六年六月十四日（一九〇〇年七月十日）

再，統領武衛左軍後路副將銜。河南儘先參將管治興，當戰勦喫緊之際，馬玉崑連催帶隊接應，乃敢遲悞不進，臨陣退縮，當即在軍前正法，以肅軍威而彰國法。

理合奏參革職，謹附片請旨，伏乞聖鑒。謹奏。

光緒二十六年六月十六日奉硃批：另有旨。欽此。

（軍機處錄副奏摺）

七〇八 鹿傳霖奏為應解京餉道路梗阻擬由京商借事摺

光緒二十六年六月十四日（一九〇〇年七月十日）

頭品頂戴。江蘇巡撫臣鹿傳霖跪奏，為蘇省應籌京餉，道路梗阻，解匯兩難，擬設法在京就近商借官、商銀款，解部濟用，匪蘇劃還，恭摺陳明，仰祈聖鑒事。

竊因京津一帶民教尋仇，釁端已開，匪徒乘機肆擾，徵兵調將，需用浩繁，疊奉諭旨，迅速撥解京餉，以濟要需。乃海道不通，票號停歇，既屬無從匯兌。若委員由陸路行走，長途跋涉，中多梗阻，即有

〔一〕此件為故宮博物院明清檔案部編《義和團檔案史料》所收同日裕祿摺之附片。

大枝師旅護送，亦恐疏失堪虞。所有蘇省應解京餉，前已籌解三批，現均阻滯途中，未能按期到京。此中爲難情形，雖荷聖明垂察，曲加體諒，而坐視君父之急，不思設法接濟，撫衷自問，寢饋難安。現於無可如何之中，酌籌變通辦理之法。

當此北方不靖，到處戒嚴，輦轂之下，搶掠時聞，殷實官、商，雖有蓋藏現銀，苦於無可存放，匯南又慮阻滯。輾轉籌策，茲議由司提存各項京餉銀三千萬兩，刊刻二千兩起至五千兩止兩聯印票一百張，裁截兩半，票根存司，正票寄京，咨送內務府郎中莊健查收，就近情商殷實官、商，各量力之所能，暫行借墊，以充京餉。借數若干，即用若干兩印票畫押蓋章，給予執守。其銀立時彙解戶部守取庫收，連同借戶銀數，知照蘇省，隨時如數匯還，匯費仍由蘇認。或借戶自願持票來蘇，向藩庫領取，無論何時，悉聽其便，並無絲毫留難需索。如此一轉移間，既得鉅款暫濟國家之急，而在京官、商，苟有存銀，亦覺流通稱便，樂於從事。據蘇州布政使聶緝槩詳請奏咨前來。

臣查該司所擬辦法，係爲籌濟京餉期免遲誤起見，事屬可行。

除咨戶部外，謹會同兩江總督臣劉坤一恭摺具陳，伏乞皇太后、皇上聖鑒訓示，敕部查照。謹奏。

光緒二十六年七月初八日奉硃批：戶部知道。欽此。

(軍機處錄副 摺)

七〇九 鹿傳霖奏爲遵旨帶兵北上並於清江設立糧臺事片

光緒二十六年六月十四日（一九〇〇年七月十日）

再，臣欽奉諭旨：迅速來京。等因。欽此。遵卽商調添募共計六營，擬於六月十四日帶同北上，附片奏明在案。當此事機緊迫，必須寬籌軍餉，俾免缺乏。且恐江運有警，則轉運尤難，不得不預爲之計。當經檄飭藩司，趕速籌銀二十萬兩專款，委員解往清江，交淮揚道庫存儲，備支新募各營的餉。如用有餘款，卽可就近撥解部庫，以供京餉。茲據蘇（州）藩司在於庫存錢價等款內，分批如數籌撥，委員解赴淮揚道庫存儲。一面卽在清江設立糧臺轉運，以期妥速。一切用款，悉於此項銀內開支，事竣由臣據實造報。據蘇州藩司聶緝槩詳請奏咨前來。除咨部外，謹會同兩江總督臣劉坤一附片陳明，伏乞聖鑒。謹奏。

光緒二十六年七月初八日奉硃批：戶部知道。欽此。

（軍機處錄副奏摺）

七一〇 鹿傳霖奏爲添設太湖水師以資巡緝事片

光緒二十六年六月十四日（一九〇〇年七月十日）

再，蘇省留防太湖水師一軍，經臣於署兩江總督任內，奏明歸撫臣節制，欽奉硃批允准欽遵。迨臣

回任後，擬即將該軍酌量抽調成營，專司巡緝。乃統計各營船隻，向多撥護釐卡，所餘無幾。現值防務喫緊，又撥礮船十號，保護上海製造局軍火。分撥既多，兵力愈薄。蘇省河道紛歧，素爲梟匪出沒，值此北方有事、人心浮動之時，自應早籌布置，以期有備無患。查臣標向有飛划一營，船小行速，最利內港。但僅祇一營，不足供巡緝之用，現已派員迅速趕造飛划數十號，募足精壯槳勇，遴委幹員管帶，連原有飛划分爲左右兩營，常川梭巡，俾資捍衛。除將營制餉章另行議定咨部立案外，所有添設飛划營巡緝大概情形，謹會同兩江總督臣劉坤一附片具陳，伏乞聖鑒訓示。謹奏。

光緒二十六年七月初八日奉硃批：該部知道。欽此。

（軍機處錄副奏摺）

七一一 鹿傳霖奏爲增發太湖水師口糧事片

光緒二十六年六月十四日（一九〇〇年七月十日）

再，蘇省港汊紛歧，梟匪時虞出沒，現值防務喫緊，亟宜整頓水師，認真巡緝。而欲期將士用命，須籌激勵之方。茲查留防太湖水師一軍，計六營一哨，額設長龍艦七號，舢板一百三十七號，共槳勇九百九十九名。原係每名月支口糧銀三兩，較陸營正勇支餉數目相形本絀，現擬每名月加銀二錢，核計每月大建共應加給銀二百九十九兩七錢，小建加給銀二百八十九兩七錢一分，爲數無多。應從本年六月起，照案在軍需款內開支，以示體恤而期得力，仍歸留防案內彙案造銷。據督辦蘇省善後局司道詳請

奏咨前來。臣復核無異。除分咨戶、兵部查照外，謹會同兩江總督臣劉坤一附片陳明，伏乞聖鑒，敕部查照立案。謹奏。

光緒二十六年七月初八日奉硃批：該部知道。欽此。

（軍機處錄副奏摺）

七一二 著派成勳等充吉林義和團練大臣並著壽山籌辦統帶黑龍江團民事上諭

光緒二十六年六月十六日（一九〇〇年七月十二日）

軍機大臣字寄吉林將軍長、署黑龍江將軍壽、吉林副都統成、伯都訥副都統嵩，光緒二十六年六月十六日奉上諭：吉林、黑龍江地方緊要，尤為俄人兵食來路，亟應扼守嚴防，以禦要衝。該省營勇僅敷分布，宜藉團民以為之助，方足以厚兵力。著派吉林副都統成勳、伯都訥副都統嵩崑充義和團練大臣，會同長順，招集團民，認真操練，妥籌辦理。黑龍江義和團民應否酌派團練大臣統帶，並著壽山就該省情形籌辦，以固邊防。是為至要。將此由六百里加緊各諭令知之。欽此。遵旨寄信前來。

（上諭檔）

七一三 海門總兵為黃巖縣打教已飭剿辦事咨報洋務局文

光緒二十六年六月十七日（一九〇〇年七月十三日）

欽命署理浙江海門等處水陸總鎮。統轄台寧太各營。世襲一等伯爵。加三級趙爲咨報事。

爲照台民仇教已深，動輒肇釁，今因北省拳匪滋事，不逞之徒，遂趁風而起。卽經敝鎮嚴飭標練各營，實力巡防，毋稍疏懈。

茲於本月十四日，據探兵報稱：黃邑東南鄉坦頭王地方，有匪名元方二頭、陳老綿鞋、王普壽等，糾集黨羽四五百人，各執旗幟槍械，於十三日午後，闖至石曲村教民李澤三、方寶珍等家，肆行劫掠。又據報，探得林香店、長浦一帶，各聚二三百人，合坦頭王約共有六七百人，欲至柵橋、海門燒搶教堂。等語。查本標中營練軍，均已四處分防，海門城內存兵無幾。遂飭沈管帶將各哨酌量暫行調回，俾移緩就急，以資保護。旋又函致台州府徐守、黃巖縣韓令，並商李統領，卽速設法拿辦，以遏亂萌。曾將大概情形，函請提督軍門先行由電稟陳撫部院在案。

詎該匪等竟敢於十五日早晨，擁至柵橋，將空無人居之天主教堂一所焚燬。比亟派兵追捕，而匪已遁去無踪。現時謠誑紛紜，人心浮動。該教士李思聰異常惶急，誠恐擾及海門。竊思該匪等如此猖獗，肆無忌憚，若不及早剿辦，則愈聚愈衆，其膽益張，勢必滋蔓難圖，爲患更不堪設想。祇以事關緊要，敝鎮遂不避越俎之嫌，一面知會李統領，一面逕調新左軍左營管帶陳勝珠，督率所部弁勇，剋速會同黃巖縣馳往該處，相機施行，務須解散脅從，嚴緝首要，以安民教而靖地方。正在咨報間，適徐守由郡來椒，當與會商妥辦，以期迅速肅事。

合將該匪滋事暨分飭營縣剿辦情形，相應備文咨報。爲此合咨貴局，請煩查照施行。須至咨

者。

右咨督辦浙江通商洋務總局。

(外務部檔)

七一四 著袁世凱飭馬金叙赴津並著裕祿飭范天貴返津事上諭

光緒二十六年六月十八日(一九〇〇年七月十四日)

軍機大臣字寄直隸總督裕、幫辦北洋軍務、四川提督宋、山東巡撫袁，光緒二十六年六月十八日奉
上諭：裕祿等奏，前敵喫緊，請調將才等語。已革副將馬金敘，著賞還翎頂，由袁世凱飭令馬金敘即日前往天津，交馬玉崑軍營差遣委用。遊擊范天貴，著裕祿飭令該員迅速回津，並交馬玉崑軍營差委，以資得力。將此由六百里加緊(各)諭令知之。欽此。遵旨寄信前來。

(上諭檔)

七一五 著統率王大臣查明慶恒至死一案並淘汰偽義和團事上諭

光緒二十六年六月十八日(一九〇〇年七月十四日)

光緒二十六年六月十八日內閣奉上諭：義和團民爲國宣力，人數既衆，良莠不齊，甚且有意尋仇，肆行無忌。本月竟有偽義和團戕殺副都統慶恒眷屬一案。當經該統率王大臣查明，將該偽團正法五

人。乃聞尚有人嘵嘵不已，竟將慶恒凌虐至死，殊屬不知法紀。著該王大臣確切查明，務將真正義和團衆，令其恪守戒規，義以和衆。其有匪徒假托義和團之名，尋釁焚殺，著照土匪之例卽行懲辦。經此次淘汰後，義和團之真心向善者，益當愛惜聲名，同心禦侮；其僞托之匪徒，自無可逃於顯典。從此涇渭攸分，當亦該團之所深願也。欽此。

(上諭檔)

七一六 著各部院懲戒告假及私自出京各員事上諭

光緒二十六年六月十八日(一九〇〇年七月十四日)

光緒二十六年六月十八日內閣奉上諭：現在各部院衙門當差人員紛紛告假，殊屬不成事體。著各該堂官查明，如未經告假私行出京人員，著卽行革職。其已經遞呈告假者，將來到署銷假，著將各該員前資註銷，以示懲儆。欽此。

(上諭檔)

七一七 軍機處交片：著刑部內務府處治張廷錫等白蓮教犯事上諭

光緒二十六年六月十八日(一九〇〇年七月十四日)

交刑部、內務府。軍機大臣面奉諭旨：載勛等奏，拿獲演習邪教匪犯八十餘名請旨辦理一摺，所有

爲首之張廷錫一名，著卽凌遲處死。其餘年已及歲之男女各犯，均著卽行正法。其年未及歲之幼童幼女各犯，著刑部、內務府分別按律懲辦。該衙門知道。單四件併發。欽此。相應傳知貴衙門欽遵辦理可也。此交。計抄摺單共五件。

(內務府檔)

附件一：載勛等奏報拿獲張廷錫等白蓮教犯請旨治罪摺

光緒二十六年六月十八日(一九〇〇年七月十四日)〔一〕

奴才載勛等謹奏，爲拿獲演習邪教、勾引太監等多人匪犯，請旨辦理，恭摺仰祈聖鑒事。

竊查現軍務喫緊，京城內外地方，恐有形踪詭秘、謀爲不軌之徒，亟宜嚴密搜查。當飭各營去後。茲於本月十三日，據左營都司曾崇蔭帶同弁兵會同團民，在永定門內佑聖寺及永定門外高家園地方，拿獲演習邪教、聚衆起事之張廷錫等男婦老幼共八十名口，並起獲教書、刀械多件，解送奴才衙門。當經奴才等督飭司員，嚴行審訊。各該犯等演習邪教，意在謀爲起事，均各供認不諱。

伏查此等邪匪，勾引太監等多人，甘心謀叛，實屬罪大惡極。仰荷皇太后、皇上福庇，未容伊等釀成巨患，卽將其拿獲，實爲幸甚。

除由奴才等再行督飭旗營員弁，在京外地方認真搜查，總期淨除患萌、仰慰宸繫，並抄錄各該犯供

〔一〕原件無日期，此係據軍機處錄副奏摺而補。

詞，恭呈御覽外。相應請旨，將張廷錫等男婦老幼共八十名口，應如何治罪之處，伏乞皇太后、皇上聖裁施行。

再，奴才載瀾門上拿獲已入教之玉桂等三名，業經歸案訊辦。爲此謹奏請旨。

(內務府檔)

附件二：張廷錫等供單(計三件)

謹將傳演邪教人犯數目抄錄供詞，繕寫清單，恭呈御覽。

張廷錫供：

我係直隸束鹿縣人，年三十三歲。來京從先在珠寶市爐房做買賣。本年三月間，我因貧，經素識這高鑑叫我(到)他家養病，隨給我修理空房一間住着。後經徐子津給我薦得王子峯治病，他叫我入聖賢道，練習氣法，病可痊愈，我就跟他學習。高鑑又招集男女多人入道。至本年五月二十日間，有這劉大姐、劉二姐在彼住着學道，我向他們稱說，神仙傳諭日後我有天下之分，稱劉大姐爲正宮，劉二姐爲西宮。隨向他們成姦。至六月十三日夜，被官人訪知，將我們拿獲解案的。至隨同我們的太監等多人，並起獲這刀械等物，是我們預備起事用的。至我封東宮關姐兒，他逃往何處，我不知道。是實。

高鑑供：

我係大興縣人，年五十九歲。在永定門外高家園地方居住，種菜園度日。原有這張廷錫向我商說，

在我家設立聖賢教。我隨幫同勸人人會學道。張廷錫僞稱有天子之分，他將劉大姐、劉二姐姦佔。所有學道之人，均在我家居住。至六月十三日，不料官人將我們拿獲解案的。至隨同我們的太監等多人，並起獲這刀械等物，是我們預備起事用。是實。

劉大姐供：

我係宛平縣已故民人劉文成之女，年二十歲。跟我母親在永定門內大街路西佑聖寺後身居住。於上年三月間，有我胞伯劉文泉向我們家內商說，永定門外高家園地方，高姓家立有聖賢道，叫我姐妹二人入教學道。我們依允，隨時常往高姓家學道。至本年五月間，我們就在他家住著。有張廷錫稱係道深之人，並稱說神仙傳諭他，日後有天下之分。至五月二十日間，張廷錫因酒醉向我成姦，並封我為正官。於六月十三日夜，被官人訪知，將我們拿獲解案的。

劉二姐供：

我係宛平縣已故民人劉文成之女，年十七歲。跟我母親在永定門內大街路西佑聖寺後身居住。於上年三月間，有我胞伯劉文泉向我們家內商說，永定門外高家園地方，高姓家立有聖賢道，叫我同我胞姐劉大姐入教學道。我們依允，隨時常往高家學道。至本年五月間，我們就在他家住著。當有這張廷錫，稱係道深之人，並稱說神仙傳諭他，日後有天下之分。至五月二十日間，張廷錫向我並我胞姐行姦，又封我為西官。六月十三日，不料被官人將我們拿獲解案的。

康俊先供：

我係固安縣民，年二十六歲。因病淨身，充當太監，原在內殿當差，本年三月間逃走。五月間，素識鄭善榮將我引在高家園高姓家，跟這張廷錫學聖賢道，就在彼住著。張廷錫說，他有天下之分，派我差使。六月十三日，被官人將我拿獲解案的。今蒙詢問，這張廷錫演習邪教，叫我們隨同他起事。所供是實。

劉元春供：

我係直隸南皮縣人，年二十二歲。自幼淨身，在儲秀宮充當太監。本年五月二十三日，我逃走來至永定門外高家園地方，素識高姓家內立有聖賢道，叫我入道，我依允，就在彼住著。有他同院住的張廷錫，稱係道深之人，他日後有天下之分，派我差使。於六月十三日，不料被官人訪知，將我拿獲解案的。今蒙詢問，這張廷錫演習邪教，叫我們隨同他起事。所供是實。

陳永泰供：

我係宛平縣民，年三十五歲。自幼淨身，充當太監，在內四執事當差。本年正月間我逃走。本年五月間，這康峻〔俊〕先將我引在高家園地方高姓家，跟這張廷錫學聖賢道，就在彼住著。張廷錫說他有天下之分，派我差使。六月十三日，被官人將我拿獲解案的。今蒙詢問，這張廷錫演習邪教，叫我們隨同他起事。所供是實。

張富榮供：

我係直隸滄州人，年三十二歲。因病淨身，充當太監，在內殿當差。本年二月間我逃走。六月初

二日，這鄭善榮將我引在高家園地方高姓家，跟這張廷錫學聖賢道，就在彼住着。他說派我差使。不料被官人將我拿獲解案的。今蒙訊問，這張廷錫演習邪教，叫我們隨同他起事。是實。

徐益祥供：

我係直隸南皮縣人，年三十六歲。因貧淨身，充當太監，在御茶房當差。本年五月間，素識劉姓將我引在高家園高姓家，跟這張廷錫學聖賢道，就在彼住着。張廷錫說他有天下之分，派我差使。六月十三日，被官人將我拿獲解案的。今蒙訊問，這張廷錫演習邪教，叫我們隨同他起事。所供是實。

龐順泰供：

我係武清縣人，年三十六歲。因貧來京淨身，充當太監，在建福宮當差。六月初九日，我兒子龐永順由武清縣來京，接我並我女人回原籍，我隨告假。是日我們走至永定門外高家園地方，我們隨到素識高姓家內住宿。因他家立著傳聖賢道，我們也跟同在彼學道，派我差使。不料被官人將我們拿獲解案的。今蒙訊問，這張廷錫演習邪教，叫我們隨同他起事。所供是實。

劉慶林供：

我係直隸滄州人，年三十三歲。因貧淨身，充當太監，在內殿當差。六月初三日，我們伙計張富榮約我入聖賢道，我依允，隨同他往永定門外高家園地方學道。張廷錫稱說有天下之分，給我差使。至十三日，不料被官人將我拿獲解案的。今蒙訊問，這張廷錫演習邪教，叫我們隨同他起事。所供是實。

王玉順供：

我係直隸東光縣人，年三十三歲。自幼淨身，在乾清宮充當太監。本年六月初八日，我逃走出來。至十二日，素識龐順泰將我帶至高家園地方他家浮住，他同院街坊高姓家傳聖賢道，勸我學道，派我差使，我依允。至十三日，不料被官人訪知，將（我）拿獲解案的。今蒙訊問，這張廷錫演習邪教，叫我們隨同他起事。所供是實。

鄭世榮供：

我係山東樂陵縣人，年三十一歲。因分（貧）淨身，充當太監，原在內殿當差。本年二月間我逃走。隨在高家園龐姓屋內借住，跟這張廷錫學聖賢道。張廷錫說他有天下之分，派我差使。六月十三日被官人將我拿獲解案的。今蒙訊問，這張廷錫演習邪教，叫我們隨同他起事。所供是實。

金益德供：

我係直隸定興縣人，年三十一歲。自幼淨身，在建福宮充當太監。本年五月二十日我逃走回籍。至六月十一日，我來京路遇素識龐順泰，將我帶至高家園子高姓家內浮住。他家立有聖賢道，勸我入教學道，派我差使，我依允。不料被官人訪知，將我們拿獲解案的。今蒙訊問，這張廷錫演習邪教，叫我們隨同他起事。是實。

王四姐供：

我係直隸滄州民人王長永之女，年十五歲。在州屬合格村居住。五月二十四日，我父親帶我到永

定門外高家園高姓家學道，我與龐姓同屋住着。至六月十三日，不料被官人將我拿獲解案的。

高張氏供：

我係大興縣民人高鑑之妻，年五十六歲。在永定門外高家園居住。原有這張廷錫在我院內傳聖賢道，傳人吸氣學道。我也隨同習學。不料被官人將我拿獲解案的。

高尹氏供：

我係宛平縣民人高全之妻，年三十五歲。在永定門外高家園居住。原有這張廷錫在我院內傳聖賢道，傳人吸氣學道。我也隨同習學。不料被官人將我拿獲，連我幼子一併解案的。

高房氏供：

我係大興縣民人高永貴之妻，年二十七歲。在高家園居住。原有張廷錫在我們家內傳聖賢道，我們也隨同習學。不料被官人將我拿獲，連我女孩三口一併解案的。

孫董氏民供：

我係直隸南皮縣太監徐一祥之妻，年二十七歲。在東安門內南池子地方居住。現跟我父親董萬祿，在永定門外高家園地方居住（之）龐姓家借住。彼處高姓院內，有張廷錫傳聖賢道，傳人吸氣學道。我也曾學過。不料被官人將我拿獲解案的。

高葛氏供：

我係大興縣民人高三之妻，年二十七歲。在永定門外高家園地方居住。原這張廷錫在我們家立

聖賢道，傳人吸氣學道。我也曾學過。不料被官人訪知，將我們拿獲，連我幼子一併解案的。

孫董氏供：

我係直隸滄州民人孫二之妻，年二十三歲。在正陽門外打磨廠骨頭作坊生理。六月十二日，我同我徒弟蔡夢發，往永定門外高家園地方高姓家學道。至十三日，不料被官人將我拿獲，連我攜帶幼孩一併解案的。

劉蘇氏供：

我係宛平縣已故民人劉三之妻，年五十一歲。在永定門內大街佑聖寺後身居住。原我夫胞兄劉文泉，將我女兒劉大姐、劉二姐引至高家園地方高姓家，跟這張廷錫學聖賢道。後我知覺，於本年五月間，我也至彼，跟這張廷錫學道。至本月十三日，被官人將我拿獲解案的。

龐范氏供：

我係武清縣民人龐永順之妻，年十九歲。在縣屬中易村居住。我夫翁、婆母均在京內。六月初九日，我跟同男人由京接我公婆回家，走至高家園地方，隨在素識高姓家內住宿。我同我公婆均跟他們學聖賢道。至十三日，被官人將我們拿獲解案的。

龐李氏供：

我係直隸滄州太監龐順太之妻，年三十六歲。在東安門內南池子地方居住。原因我男人帶我回籍，道路不通，隨在永定門外高家園居住（之）高姓家借住。因同院有（張）廷錫傳聖賢道，傳人吸氣

學道。我也曾學過。不料被官人將我拿獲解案的。

楊葛氏供：

我係宛平縣民人楊永寬之妻，年三十二歲。在京南榆垓村居住。原我男人學聖賢道，本年六月十二日，我也跟他至高家園地方高姓家，跟這張廷錫學道，就在彼住宿。至十三日，被官人將我們拿獲解案的。

徐韓氏供：

我係直隸涿州已故民人徐國祥之妻，年五十四歲。來京在永定門內南城根地方素識劉姓家浮住。六月初九日，劉姓女兒劉大姓（姐）引我到高姓家內，傳人吸氣學道，我也曾學道。至十三日，被官人訪知，將我們由劉姓家拿獲解案的。

張張氏供：

我係宛平縣民人張子雲之妻，年三十四歲。在永定門內南城根地方居住。六月初十日，我母親劉氏到永定門外高家園地方張姓瞧病，他家立有聖賢道，傳我們人道，我依允。隨即回家。至十三日，被官人由我家將我拿獲解案的。

張劉氏供：

我係宛平縣民已故張得山之妻，年五十九歲。在永定門內佑聖寺後身居住。六月初十日，我因患眼疾，帶同我外孫女順姐，至永定門外高家園地方張姓家瞧眼疾。他家立有聖賢道，傳我人道，我依

允。隨同我外孫女回家。至十三日，被官人由我家將我們拿獲解案的。

張順姐供：

我係宛平縣民人張子雲之女，年十五歲。在永定門內佑聖寺後身居住。六月初十日，我跟外祖母張劉氏，到永定門外高家園地方張姓家看病症。他家立有聖賢道，傳我們入道，我依允。至十三日，不料被官人由我家將我們拿獲解案的。

靳岫兒供：

我係宛平縣已故民靳七的女兒，年十二歲。在永定門內馬道地方居住。原憑媒將我許給劉國祥爲妻，因我娘家無人，就在他家童養。現因我婆母、我夫姐人學聖賢道，我也跟同學習。不料被官人將我們拿獲解案的。

劉李氏供：

我係宛平縣民人劉國玉之妻，年二十五歲。在永定門內馬道地方居住。原我婆母帶着我夫胞妹大姐、二姐另居，因他們學聖賢道，我也至高家園高姓家內跟張廷錫學道。六月十三日，被官人拿獲，連我帶着幼孩二名一併解案的。

劉尤氏供：

我係宛平縣已故民人劉大之妻，年五十五歲。在永定門內佑聖寺後身居住。原我街坊劉大姐引我至張廷錫學聖賢道，我隨跟同到彼，被官人拿獲解案的。

趙劉氏供：

(我)係大興縣民人趙九之妻，年三十一歲。在永定門內大街居住。原我男人在高家園地方高姓家，跟這張廷錫學聖賢道。六月十三日，被官人由我家內將我們拿獲，連我幼女二名一併解案的。

王徐氏供：

我係宛平縣民人王廣義之妻，年二十五歲。在永定門內居住。六月初九日，劉大姐、劉二姐引我到高姓院內，有張廷錫傳聖賢道，傳人吸氣學道，我也曾學過。不料被官人將我連我幼子一併拿獲解案的。

趙萬氏供：

我係大興縣已故民人趙樹林之妻，年五十八歲。在崇文門外東河沿地方居住。原南藥王廟地方，桑姓傳人學聖賢道，我也曾學過。至十三日，被義和團由我家將我連我兒子趙小珠一併拿獲解案的。

龐永順供：

我係武清縣人，年十八歲。在縣屬中易村居住，種地度日。我母親原在京內住着。六月初九日，我由家內接我父親、母親回家。是日走至永定門外高家園地方，我們曾與高姓認識，隨在他家住宿。因

他家立著傳道聖賢教，我父母均未走，我們在彼學道。至六月十三日，不料被官人將我們拿獲解案的。

龐永升供：

我係武清縣人，年十三歲。跟我母親在東安門內南池子地方居住。六月初九日，我胞兄永順由原籍來京，接我母親並我父親太監，連我胞嫂回家。是日我們走至永定門外素識高姓家內，隨在他家內住着。因高家有聖賢道教，我父母均未走，我們就在彼學道。至十三日，不料被官人將我們拿獲解案的。

董萬祿供：

我係文安縣人，年六十四歲。來京在東安門外東沙灘地方居住，負苦度日。本年五月二十七日，我同我女兒欲要回籍，隨到素識高姓家浮住。他家立有聖賢道，勸我入教學道，我依允。至六月十三日，不料被官人訪知，將我拿獲解案的。

高永祥供：

我係大興縣人，年二十三歲。在永定門外高家園地方居住。原有張廷錫來我家，向我父親高鑑商說，借我家傳聖賢道，傳人吸氣學道。我也隨同習學。不料被官人將我拿獲解案的。

高永順供：

我係大興縣人，年二十一歲。在永定門外高家園地方居住。原有張廷錫來我家，向我父親高鑑商

說，借我家傳聖賢道，傳人吸氣學道。我也隨同習學。不料被官人將我拿獲解案的。

高永得供：

我係大興縣人，年十四歲。在永定門外高家園地方居住。原有張廷錫來我家，向我父親高鑑商說，借我家傳聖賢道，傳人吸氣學道。我也隨同習學。不料被官人將我拿獲解案的。

高永清供：

我係大興縣人，年十四歲。在永定門外高家園地方居住。原有張廷錫來我們家，向我祖父高鑑商說，借我家傳聖賢道，傳人吸氣學道。我也隨同習學。不料被官人將我拿獲解案的。

高永桂供：

我係大興縣人，年三十三歲。在永定門外高家園地方居住，種地度日。原有張廷錫來到我家，向我父親高鑑商說，借我家傳聖賢道，傳人吸氣學道。我亦隨同習學。不料被官人將我們拿獲解案的。

楊永寬供：

我係宛平縣人，年三十四歲。在京南榆垆村居住，趕車度日。本年五月間，素識薩格慎將我引至高家園地方高姓家，跟隨張廷錫學聖賢道，他教我吸氣養身。六月十二日，我帶着我女人楊葛氏至高姓家住宿。至十三日，被官人將我拿獲解案的。

劉廷州供：

我係直隸冀州人，年三十二歲。來京在東安門內北池子居住，負苦度日。於六月初十日，素識張連升將我薦在高鑑家人聖賢道，隨叫我給他們做飯。至十三日，被官人將我們拿獲解案的。

高全供：

我係大興縣人，年三十六歲。已革南城坊捕役，在永定門外高家園地方居住。原有張廷錫來我家，向我父親高鑑商說，借我家傳聖賢道，傳人吸氣學道。我也隨同習學。不料被官人將我拿獲解案的。

蔡夢發供：

我係直隸深州人，年二十歲。來京在打磨廠骨頭作坊學徒。六月十二日，我們掌櫃孫董氏將我帶至永定門外高姓家學道，我依允。十三日，不料被官人將我拿獲解案的。

王寶樹供：

我係直隸滄州人，年十三歲。跟我父母來京，在東安門內南池子地方居住。本年四月二十八日，我父親將我並我胞姐王四姐，送至高家園地方張廷錫家人聖賢道。後我回家。至六月十三日，我同陳希元到張廷錫家接我胞姐，當被官人將我拿獲解案的。

陳希元供：

我係直隸任邱縣人，年四十九歲。來京在東安門內南池子地方居住，負苦度日。本年六月十三日，我街坊王寶樹約我到永定門外高家園地方，接他胞姐回家。及至到彼，因高姓家傳聖賢道，被官人

拿獲，連我一併解案的。

高四供：

我係大興縣人，年二十七歲。在永定門外沙子口地方居住，種地度日。於五月二十七日，素識劉文泉將我薦在高鑑家人聖賢道，我依允。至十三日，被官人將我們拿獲解案的。

劉文泉供：

我係宛平縣人，年六十六歲。在永定門內佑聖寺後身地方居住。上年正月間，素識沈開春將我引至高家園地方高姓家，跟這張廷錫學聖賢道。後我將我胞侄女劉大姐、劉二姐引至彼處學道。本年六月十三日，被官人將我拿獲解案的。

劉國祥供：

我係宛平縣人，年十五歲。跟我胞兄在永定門內馬道地方居住。原我母親帶同我胞姐分居各度。後被我胞伯將我母親等引入聖賢道學教，我也跟同學習。不料被官人將我拿獲，連我童養妻靳氏一併解案的。

吉二供：

（我）係昌平州人，年三十九歲。在永定門內地方居住，做小買賣爲生。原有張廷錫在高家園高鑑院內傳聖賢道，傳人吸氣學道，我也隨同習學。不料被官人拿獲解案的。

趙九供：

我係大興縣人，年四十二歲。在永定門內地方居住，做小買賣爲生。原有張廷錫在高家園高鑑院內傳聖賢道，傳人吸氣學道，我也隨同習學。不料被官人拿獲解案的。

劉三套供：

我係大興縣人，年四十六歲。在永定門外大沙子口居住，趕車爲生。本年三月間，素識張廷錫雇我跟他教內，用車接人，我依允。就在高鑑家住著。至六月十三日，被官人訪知，將我們拿獲的。

劉國珍供：

我係宛平縣人，年三十歲。在永定門內馬道地方居住，鋸碗爲生。我母親原帶同我胞妹大姐、二姐，分居在永定門內佑聖寺後身居住。後我聞說，被我胞伯劉文泉引我母親並我胞妹人聖賢道學教，我未敢理論，隨在高姓家住著。當有這張廷錫，在高家自稱道深，並說佛諭日後他有天子之分，隨將我胞妹全行姦污，封爲正宮、西宮之語。於（六）月十三日，不料被官人訪知，將他們拿獲，連我並胞弟國祥、國玉一併解案的。

劉國玉供：

我係宛平縣人，年二十八歲。在永定門內馬道地方居住，鋸碗度日。原我母親帶我胞妹大姐、二姐，另居在永定門內佑聖寺後身住著。後我們聽說，被我胞伯劉文泉引我母親並我胞妹人聖賢道學教，我也跟同學習。他們就在高姓家內住著。當有這張廷錫，在高家自稱道深，有佛諭，日後他有天子

之分。隨將我胞妹全給姦污，又封爲正宮、西宮。等語。於六月十三日，不料被官人將他們連我胞兄國珍、我胞弟國祥、我女人劉李氏，及國祥女人斬氏，一併解案的。

張玉供：

我係香河縣人，年四十九歲。來京在崇文門外東河沿地方居住，底局子生理。本年五月初十日，素識張廷錫立有聖賢道，他到我家勸我學道，我也學過。不料被義和團由我家將我拿獲解案的。

朱錫林供：

我係山東德平縣人，年四十二歲。在崇文門外頭條胡同看守遵化試館。原有永定門外高家園地方居住（之）張廷錫家傳聖賢道，傳人學道，我也曾學過。不料被義和團由館內將我拿獲解案的。

吳啟元供：

我係大興縣人，年三十六歲。在崇文門外東河沿地方居住，做小買賣爲生。原素識寇姓，引我在永定門外高家園地方居住（之）張廷錫家內，立有聖賢道，我也曾學過。不料被義和團由我家將我拿獲解案的。

宋文泉供：

我係大興縣人，年三十三歲。在崇文門外頭條胡同居住，負苦度日。我房東朱錫林將我引在高家園地方高姓家內，立有聖賢道，傳人學道，我也曾學過。不料被義和團由我家將我拿獲解案的。

李文豐供：

我係直隸深州人，年四十歲。在崇文門東河沿地方居住，做小買賣爲生。原這宋雲龍，引我在南藥王廟居住桑姓家，立有聖賢道，傳人學道，我們也曾學過。不料被義和團由我家將我拿獲解案的。

宋雲龍供：

我係大興縣人，年六十一歲。在崇文門外後河沿地方居住，檢糞度日。原崇文門外南藥王廟地方居住之桑姓家，立有聖賢道。本年二月間，我也跟他學道。不料被義和團由我家將我拿獲解案的。

宋三供：

我係直隸新河縣人，年二十五歲。來京在崇文門外頭條胡同遵化試館內住着。原崇文門南藥王廟地方居住之桑姓家立有聖賢道，傳人學道。本年五月，我也跟他學道。不料被義和團將我拿獲解案的。

董玉林供：

我係直隸鷄澤縣人，年三十八歲。在崇文門外東河沿地方居住，做小買賣爲生。我聞得永定門外高家園地方居住張廷錫傳聖賢道，傳人學道，我也曾學過。不料被義和團由我家將我拿獲解案的。

趙小珠供：

我係大興縣人，年二十二歲。在崇文門外東河沿地方居住，做小買賣度日。原我母親趙萬氏跟着桑姓學聖賢道。至六月十三日，被義和團由我家將我母親連我一併拿獲解案的。

玉桂供：

我係鑲藍旗滿洲哈芬布佐領下前鋒，年三十三歲。在瀾公府當差，在朝陽門內大街地方居住。原有張廷錫在高家園高鑑院內傳聖賢道，傳人吸氣學道。我們也跟他學習。現在學道人楊永寬等犯案，將我供出。經我們公爺將我交出，官人將我們拿獲解案的。

振明供：

我係鑲白旗濂貝勒府包衣不記管領下六品達，年三十八歲。在清河二旗村居住，在本府隨事處當差。於光緒二十二年間，素識謝奇觀傳聖賢道，教我跟他學道，我仿照習學。現在經瀾公爺查知，將我交送解案的。今蒙訊問，我與張廷錫並不認識。是實。

王玉供：

我係宛平縣人，年三十八歲。在清河二旗村居住，在濂貝勒府服役。原有謝奇觀傳聖賢道，傳人學道，我也曾學過。現在經瀾公爺查知，將我交送解案的。

三單計：男婦六十九名口。外有幼孩十一名口，未經錄供。

（內務府檔）

附件三：起獲道書刀械清單

起獲邪書刀械等件：

切刀三把。道書六本。藍譜紅單一紙。錫茶罐一對。月牙斧一把。腰刀一把。大桿子二根。桿子鞭一根。念珠大小二十四掛。洋靴掖三個。無鞘小刀一百三十六把。代鞘小刀二百二十五把。刀鞘一堆。紙一捆。磁佛一尊。念珠九掛。洋鐵小刀槍五把。鐵流星一副。鐵棍一根。鐵尺一根。扎槍一桿。全神太平小黃旗一面。

(內務府檔)

七一八 永德等奏請飭下督撫查明寧遠廳官有無賄縱情形片〔一〕

光緒二十六年六月十八日(一九〇〇年七月十四日)

再，據寧遠廳屬舖戶、鄉約、地戶人等公稟：本月初間，有教匪頭目杜、白二人來寧探事，購買火器，意欲起事害民，被義和拳拿獲，送交廳官。後經該匪賄同司獄廳官郭連陞等縱放。教匪與義和拳於初九、十二兩次開仗，義和拳俱被邪術所破，殺傷數十名。又聞洋匪調集各處教匪，意欲大行殺戮，該廳官直意庇護教匪，並不設法剿辦，以致民心惶懼，日夜奔逃。該匪教堂週圍排列大砲、巨槍，義和拳勢難進身。懇請檄飭文武各員，催兵進剿，以固民心而靖地方。等情。公稟前來。

查該教匪肆殺無忌，情理難容，若不相機剿辦，及時嚴防，誠恐蔓延滋擾，有害地方，關係匪淺。除札飭該處駐紮大同練軍管帶官楊廷選等，趕緊相機剿辦，勿任蔓延外。惟查該廳官郭連陞等，究屬有

〔一〕此件為故宮博物院明清檔案部編《義和團檔案史料》所收同日永德、奎成摺之附片。

無賄縱情形，相應請旨飭下山西巡撫，趕緊查明辦理，以安民心而靖地方。理合附片具陳，伏乞聖鑒。謹奏。

光緒二十六年六月二十四日奉硃批：著山西巡撫查明辦理。欽此。

（軍機處錄副奏摺）

七一九 丁振鐸奏報法員估運軍火激成教案及前後辦理情形摺

光緒二十六年六月十八日（一九〇〇年七月十四日）

兼署雲貴總督·雲南巡撫臣丁振鐸跪奏，為法員估運軍火入省，紳民疑憤，攔查行李，匪徒乘機焚搶教堂，當經獲匪懲辦，並保護法員、教士平安出境，恭摺仰祈聖鑒事。

竊查駐滇法總領事官方蘇雅，於本年四月初間，違約私運軍火，估闖蒙關來省，經臣委員查實，將軍火暫留商辦。方蘇雅復率衆執鎗入城，紳民鼓噪，欲羣起搜查，臣恐激成衅端，當將大概情形電奏。旋奉電傳諭旨：照會法使，將該領事撤回，並電裕庚向法外部理論。等因。欽此。嗣因方領事抗不點交，挾同法員、教士回越，滇民益憤，以致匪徒乘機攔截行李，焚搶教堂，經臣督同司道極力保護，並將文武各官摘頂勒緝。疊經馳電，奏請特下嚴旨，將臣革職嚴議，以固邦交。適北直拳民事起，京津電阻，疊次電奏，未知已否仰邀宸鑒。旋接駐法使臣裕庚來電，應速保護回越。方領事亦催促甚迫，業經派員帶兵護送方領事等，由省起程，平安出境。所有方領事估運軍火，釀成教案，先後辦理

一切情形，敬爲我皇太后、皇上縷晰陳之：

查法國教士來滇傳教，已數十年，民教均甚相安。卽蒙自、思茅先後開設洋關，往來洋員、洋商行李貨馱，悉皆遵照關章查驗。自上年議開鐵路，法員馬馱絡繹，卽有夾帶軍火、藏匿教堂之謠，滇民遂生疑慮，欲阻路工。蒙自匪徒亦猝起燒搶洋關，經關道調兵擊散，保護法員，幸無傷損。並剴切示諭紳民，以鐵路係中法會辦，同分利益，地主之權仍自我操，決無強佔情事，始獲會勘工竣。正督飭各地方官，傳集紳民，會議購地事宜，預（與）法員約期開工。詎於本年四月初五日，據署蒙自關道劉春霖電稱：法總領事官方蘇雅由越來蒙，馬馱三百餘件，稱係行李，估不容驗。經稅務司聲明關章，切實照會，該領事堅執不允。惟將裝鎗長箱四十六件存蒙領署，餘箱三百餘件闖關估運來省，勢極兇橫，內有軍火箱數十件，沿途紳民譁噪。請到省時，飭稅釐委員查驗，以釋民疑。等情。經臣飭由布政使李經羲，派令雲南府知府松堦、候補知府駱景宙，會同六城釐金委員。候補知府李盛卿，屆時妥爲查驗。十三日洋馱到省，經過釐局，驗明行李五十八馱，當卽放行，外有二十六馱，經該印委等就原箱縫口驗看，確是軍火，暫（留）商辦。鉅〔詎〕方蘇雅與副領事伯威率領多人，各攜快鎗，登時蜂擁入局，指嚇委員，毆打丁役，立將軍火搶運入城。維時紳民聚觀，羣懷忿恨，勢將閔鬧，經該印委等極力開導，始各遞稟候示。

當於四月十四日電奏，蒙諭飭總理衙門：據中法會議越邊通商章程第十五款，照會畢使，另派通達情理之員，到滇接辦路工。將原馱軍火迅卽運回，以全睦誼。並電駐法使臣裕庚，向外部切實理論。臣

欽奉電旨，遵卽嚴飭司道府縣宣布皇仁，開導紳民。一面分飭防綠各營竭力彈壓保護，一面督飭洋務鐵路局照會方蘇雅，勸將軍火（交）出運回，暫釋民疑而免肇事。並於狡賴各節，加函駁辯。詎該領事不受理解，退回文函，約定十八日面議。十七日又函稱，須俟畢使另電，再訂晤期，意殊叵測，是以仍將照會補送。乃該領事置文不覆，疊來函論，或誣釐員凌辱，或捏蒙關造謠，或云只帶幾枝洋鎗防身，各國租界均有鎗礮自衛，或云卽日退回越南，以兵力前來挾制。又動稱民若稍擾，卽開鎗強力打退。一味吶喝橫狡，且須派人保護。紳民聞之愈憤，兩相觸激，禍機尤速。又經臣電請總理衙門，剴切照會（法）使，告以滇民所仇者領事，所憤者軍火，並非仇怨邦交，如軍火運回，領事速去，路工、交涉均易辦理。旋准總理衙門復電，已切告，法使云：滇省如能保護方領事平安出境，卽電令暫回蒙，其軍火或自行運回，或暫交地方官收存，由方領事酌定。等語。當經來電曉諭紳耆，並將滇省力任保護方領事平安出境，電請總理衙門詳告畢使，速電方領事離滇。殊方領事任意支吾，軍火既不運不交，函論皆毫無情理，民間疑憤益深。

臣恐旦夕生事，復飭由洋務鐵路局摘敘畢使電詞，於五月十一日切實照會，勸令暫交軍火，折回蒙自。恐仍延宕不復，文內諭三日內照復，否則另議辦法。伊卽捏稱，三日外將其逐退，藉詞狡賴，意在聳聽。並於初十日倩員致意云：北直拳匪鬧教，已派洋兵會剿，蒙自宋領事來電，臨安百姓謠稱焚燒領署，我將折回蒙自。是（日）酉刻又陡稱：奉畢使電諭，因現在情形有不好之處，恐法員駐滇，與地方官有多不便，准本月十三日率領路員、教士，同回越南。請封鎖各寓，並派兵沿途保護。詞甚含糊，軍火

仍真不論。臣當飭司道往晤教士，告以：滇民因估運軍火，疑憤方蘇雅一人，非獨不礙教堂，並未阻止路工，即路員不去，尚力任保護，何況教士？該教士聞言頗悟，亦云：自道光年間來滇，相安已久，中越兵爭，亦未去滇，今被方領事逼迫，不得不從。隨據教民公稟，懇堅留教士。司局復照會教士，恐教民無主，怨恨生事，切實勸留，並存爲保護憑據。該教士回函婉謝。臣又飭司局照會路工總辦馬司，請轉飭各路員，照常留辦，勿誤要工。詎意馬司亦爲方領事所逼，詞難傾吐。臣知該領事意在激畔，恐其去有復言，凡爲滇省後患所應杜者，均預先籌措。無如一切皆由方主，彼則串成一局，我則勢難兩全。且交出軍火，退回蒙自，本係畢使覆允在先，此次照會仍本前議，並無不保護教堂、路員之說，既被方領事挾逼自行，礙難遏阻，惟有妥飭地方官點封寓所，料理護送起程，先弭現畔，以盡滇責。

十二日，方領事即糾合路員、教士二十餘人，聚屯蕭家花園，勒限預備夫馬，定十四日起程。臣勸以必欲同去，可分兩起緩走，仍執不允。當飭臣標中軍副將蘇掄元，帶兵隨行保護，並飭省防分統·普洱鎮總兵高德元，帶兵在洋寓暗護數日。前外間原有謠傳，謂法人盡去，勢將加兵，不如拚死。臣當傳諭團紳，逐處切實開導，不准聚衆滋事，謠傳漸息。

乃連日大雨，泥濘阻塗。十四日午刻，法員先發行李十餘槓，其餘馬馱尚未出寓，陡報城廂聚集多人。臣立即派員約同團紳，速往解散，立止洋寓緩行。迨員紳趕到，人聚逾萬，匪徒混雜益衆，見洋槓停歇城外，遂藉搜查軍火，登時將槓件打毀，經員弁奪回箱槓數件。維時人如山湧，隨處聚湊，凡近洋寓、教堂街巷，悉皆填滿。臣見勢出倉猝，先以保護蕭家花園洋員爲重，與司道冒雨分馳，沿街諭阻。雖

經閱撲數次，幸內有重兵抵護，外有臣等彈壓，始漸解退。詎人多勢湧，易聚難散，又被匪徒煽惑，分往空閉各教堂肆鬧。原護兵丁不多，力阻被毆。愚民圖搜軍火，匪徒即乘勢打搶。臣不及回署，就洋務局加派弁兵，分投趕獲。霎時間萬手齊動，立即抄毀罄盡。加派兵到，勢已無及。

查城內英、法大小教堂、洋寓，共有十六、七處，省城防綠兵勇，除分紮汛防外，存城僅及千人。蕭家花園爲洋員聚所，先已分兵數百往護，其餘教堂、洋寓及城外教堂，臣將兵勇盡數分派，每處亦止數十人。晚間愈聚愈衆，城鄉齊集，竟難數紀。雖各處皆下嚴令，失事定加重懲，而人勢過洶，若竟開鎗轟擊，民匪難分，必致激成大變。臣一面傳令鳴鑼，令愚民速散，勿爲匪煽，不聽即開鎗轟擊。愚民聞令稍退，而匪徒抄搶得計，即乘昏黑時，將德國老教堂放火燒燬。臣恐夜間人亂，變出非常，即飛調員弁，速護械庫重地，飭令司道四出查拏。藩司正在巡緝，聞警馳赴，見火勢已熾，與司道竭立保救民房，幸未延燒。城外狗飯田法教堂離城十里，重門已閉，日間打搶，派有弁兵護守。至夜見城中火起，該處復陡聚數千人，立將教堂焚燒，弁兵搶護受傷，卒難保全。當城內燒搶時，蕭家花園疊被民、(匪)閱撲，經蘇掄元施放排槍嚇退。當夜暨十五黎明，拏獲搶匪十餘人，訊明周小貴、陳興發二犯，確係焚搶匪首，登時正法梟示，民稍斂戢。

現查被燒燬者，僅平政街法國老教堂及城外狗飯田教堂各一所，被抄搶者，僅永寧宮新教堂一處。此外蕭家花園大洋洋〔一〕寓、新公館、法員公寓、高底巷新建公寓、醫士公寓，均獲救全。英國房屋被搶

者，僅龐家花園、綠水河小教堂、東城根洋寓三處，其中和巷大耶穌堂、昇平坡救恩堂、羊角巷洋寓，因救護最力，危而復安。英教士眷屬聞警邀入縣署，妥護無虞。英教堂所失無多。法教堂三處封存什物，難以預計。方領事及路員貴重物件，收拾馬馱百餘，幸未全出寓。

至十六日外勢稍定，臣先遣員向英教士撫慰。復率同司道，親詣方領事寓所，引咎慰問。並囑將洋員、教士失物開單速交，明云憑贓拏辦，實則預爲賠償依據。方領事答稱，幸未傷人，已蒙保護，其言甚甘。迨將法員失單籤交查看，則諸多含混。臣仍令轉囑教士，速將教堂失單開送，並飭藩司親往議商，告以道遠險多，必俟議妥保護章程，乃可成行。方領事勉強應允。臣與藩司籌商再四，欲設法暫爲挽留，速將賠款議定，俾前事後案，劃分兩截辦理，方免牽掣。但該領事狡譎異常，似已洞燭隱情，所開失單，已預留不在滇結地步，未必遽就範圍。復將一切情形，先行電奏在案。

隨據駐法使臣裕庚電，令速護方領事回越。並據總理衙門來電：據畢使照稱，方、宋二領事不能在滇妥駐，欲離本任，飭卽保護出境。方領事亦催促甚迫。臣復飭藩司往商，委曲開解。該領事答稱，賠款一層，俟國命再定，諸凡易結。失落銀票，稱係河內所出，自向原號截止，並將奪回各物，飭地方官開單點交。該領事於二十八日，率同路員、教士人等起程回越。維時謠風未息，臣恐復滋變故，愈難收拾，當飭副將蘇掄元，挑帶得力弁兵一營，隨行保護。先派員弁十餘人沿途查探，並嚴飭各地方官，於洋員經過城鄉，預傳團紳，責令先具保護出境切結，設有聚衆阻擾情事，卽惟出結紳團是問。到蒙復責成關道，督飭文武，認真接護，沿途皆獲安靜。茲據關道劉春霖電稱：已於六月初九日，保護方領事、路

員、教士，並在蒙法員及隨從人等，平安出離滇境。

臣查方領事路〔一〕瀕行，屢函感謝，並以省城文武各員日夜保護，盡心竭力，匪徒打搶事屬意外，若使因公獲咎，以後交涉事多，恐文武寒心，愈難辦理，請將摘去文武各官頂戴賞還。又稱：伊接法廷來電，願意兩國和好，不開衅端，仍以修造鐵路爲重，囑諭地方勿任百姓猜嫌。等語。臣固知方領事言雖如此，不無中懷憤疾，而值此時勢，不得不相機因應，曲示羈縻。此次肇衅，實由方領事一人。臣於軍火，執約堅持，原冀除平衆怨，弭息禍端，又恐彼族有心尋衅，晝夜彈壓保護，毋使藉口。幸聖明洞鑒邊情，總理衙門申論得直，法廷允飭方領事離滇。詎意積久蓄深，又激於教士同去，一觸卽發，不可遏制。惟幸未損傷洋員，而焚搶巨按〔案〕已成，致令匝月維持，敗於俄頃。固知追原激衅之咎，具有公論，與他省教案衅由我啟者，情形迥別。然撫心內疚，萬死莫贖。並據營務處、藩、司〔臬〕兩司自懇議處前來。相應請旨，將臣與該司等一併交部嚴議，以謝友邦。各文武員弁事前疎於防範，咎本難辭，惟於教堂林立之地，處釀激既久之時，保護彈壓，已及一月，並無損失。迨變起倉猝，措手爲難，尚能分投救護，冒險保全教堂、洋寓多處，拏獲搶匪多名，並護送方領事等平安出境，似尚情有可原。臣已將前摘文武各員頂戴暫行賞還，合無仰懇天恩，可否將該文武員弁等，從寬免其置議，抑仍應將責成較重之文武，查開職名參處，伏候諭旨遵行。

至賠款，方領事現已回越，自可緩議。惟昨據署蒙自關道劉春霖電報，自焚搶教堂後，越南總督都

梅調兵數千，添紮保勝、龍膊一帶，逼近滇境。臣比卽遣員致詢方蘇雅，是否與滇開釁。旋准該領事送閱華洋電稿，謂滇督保護平安，法兵毋入滇界。等語。瀕行來函亦云，回越後必不開釁，仍敦和好，所有損失各項，公平議結，並請將函中各情，電致總理衙門，轉致畢使。等語。該領事等，現已保護平安出境，請飭總理衙門照會畢使，作何議結，電知滇省，以釋民疑而敦邦誼，大局幸甚。

除咨總理各國事務衙門查照外，所有法員估運軍火，致激衆憤，釀成教案，先後辦理情形，謹具摺縷陳，伏乞皇太后、皇上聖鑒。

再，雲南巡撫係臣本任，毋庸列銜。合併聲明。謹奏。

光緒二十六年七月初七日奉硃批：丁振鐸等均著免其議處。該衙門知道。欽此。

（軍機處錄副奏摺）

七二〇 松淮等奏覆遵旨協同團民防衛京師火藥局情形摺

光緒二十六年六月十九日（一九〇〇年七月十五日）

奴才松淮、明安跪奏，爲遵旨覆奏，仰祈聖鑒事。

竊本月初十日，軍機大臣面奉諭旨：右安門內火藥局關係緊要，著工部堂官督飭派出各員，加意嚴防，毋稍疏虞。欽此欽遵。片交到部。奴才等查火藥局爲存儲火藥之所，現值軍務緊要，尤宜認真防守，以昭慎重。前已派令監督每日一員，監造，筆帖式二員，輪流住宿。局外圍牆，向設南營六汛官六

員、兵四十二名，局內濯靈庫，向設八旗漢軍官四員、兵二十名，晝夜梭巡，以資守衛。前奉諭旨：鄉民練習拳勇，良莠錯出，深恐別滋事端。等因。欽此欽遵。奴才當即知照步軍統領衙門、八旗漢軍，加意慎選勤幹實缺官弁調換，不得以老弱充數。該衙門現已調換。當此教民亂竄之時，局中內外官弁兵丁，只有此數，再四思維，深恐調撥未易。現因火藥局匠役，會同白紙坊紳民及各住戶，公立義和團，隨時在局外巡查，共有一百數十餘人。周圍尚有南陽閣、三官廟等處義和團民數百人，亦在局外附近，晝夜巡查，似足保衛。奴才等不時往查，並率領監督、監造等官，隨時捐助，以期敬慎。

所有現在加意巡查，遵旨嚴防情形，恭摺覆奏，仰慰宸廑，伏乞皇太后、皇上聖鑒。謹奏。

（軍機處錄副奏摺）

七二一 華桂奏請飭下馬玉崑協同團民限期奪回大沽口片

光緒二十六年六月十九日（一九〇〇年七月十五日）

再，奴才恭讀十五日邸抄，直隸總督裕祿奏天津近日軍情，含渾支吾，毫無定章。洋人之計，利在多方以誤我軍，分我軍勢，減我兵力，以緩奪回大沽之計。裕祿本不知兵，正中此病。現在既有馬玉崑一枝勁旅，何不稱此機會，聯絡團民，約同水會，併力奪回大沽礮臺為要，而猶喋喋於機器局等處如何拒戰耶？如此延緩，洋人愈覺得計，若再半月不能奪回，則大沽口終為洋人所有。若待洋兵麇集，門戶為人把守，出入任其自便，良足深惜。應請旨限十日，飭令馬玉崑協同水會、團民，拚命奪回大沽口，事

成懸以重賞。奴才爲督臣貽誤軍情、有關大局起見，謹附片具陳，是否有當，伏乞聖鑒。謹奏。

(軍機處錄副奏摺)

七二二 毓賢奏請裁撤武備學堂將所省經費充作兵團餉需片〔一〕

光緒二十六年六月十九日(一九〇〇年七月十五日)

再，晉省武備學堂，自光緒二十五年正月開辦以後，迄今一年有餘，奴才到任後，即飭司將該學堂經費有無虛糜、是否尚有成效確切查明去後。茲據詳稱：晉省自開辦以來，功課並未鬆懈，而第稍習其藝，莫能得其精意，恐難大著成效。等情前來。奴才查現值中外開釁，晉省添兵添餉，並切實整頓團練，需款甚鉅。該學堂常年經費銀二萬兩，既經該司等查明並無成效，自未便任其虛糜。應請卽予裁撤，將所省經費，作爲添勇暨團練之需，其不敷者，飭司另行籌撥。所有裁撤武備學堂，將所需經費以備添勇團練各緣由，理合附片陳明，伏乞聖鑒。謹奏。

硃批：知道了。

(官中硃批奏摺)

七二三 著五臺山僧人普濟禦擊到津敵船事上諭

光緒二十六年六月二十日(一九〇〇年七月十六日)

軍機大臣面奉諭旨：

〔一〕此件爲故宮博物院明清檔案部編《義和團檔案史料》所收同日毓賢摺之附片。

五臺山南山極樂寺住持僧普濟，戒律精嚴，深通佛法。現在天津事機緊迫，所到夷船甚多，該僧素善修持，心存報國，著即聯屬義和團民，設法禦擊剿辦，滅此凶夷，毋任肆擾，荼毒生靈，實爲厚望。欽此。

(上諭檔)

七二四 陳鼎爲遵札出示保護日本商民事申浙江洋務局文

光緒二十六年六月二十日(一九〇〇年七月十六日)

通商場理事局委員·候補同知爲申覆事。

竊照六月初九日，奉憲局札開：准日本領事若松照會內開，照得近來京畿一帶，有義和拳匪擾亂，專與各國人爲難，其勢洶洶，平定之期，不知何日。惟此地貴地〔一〕官民，與敝國人交情頗厚，不見齟齬，諒可望相安無事。惟近日上海地方，各種謠言，紛紛不一，而此地亦時有所聞。況各國政府，因保護使館、商民，已派兵前往，誠恐此地愚民人等，不解各國派兵真意所在，且聽信各種謠言，起與敝國並各國人爲難，釀成交涉巨案，彼此有損無益。相應照會，請將如何設法彈壓保護之處，從速查復，以便電達本國政府，並示諭居留商民，是爲至要。等因過局。准此，查近來北省拳匪滋事，與各國人爲難。浙省各屬教堂洋房以及貿易商民，所在皆有，前經通飭極力保護在案。茲准前由，應再分飭杭州府暨

〔一〕原文如此。

仁和、錢塘縣、拱宸橋巡防局，極力保護，並將各國派兵保護之意宣明，出示曉諭，禁造謠言，以期中外安靖。除照復外，合行札飭。札到該丞，立即遵照，迅速出示曉諭，并嚴拿造謠之人。一面妥爲設法保護，毋稍疎虞。仍將遵辦情形具報毋違。等因。

奉此，伏查通商場、日本租界，華洋雜處，良莠不齊。茲奉前因，遵即出示曉諭通商場、日本租界諸色人等，務應照常貿易，安守本分。如有不法棍徒，輕造謠言，煽惑人心，希冀生事者，定即嚴拿懲辦，決不姑寬。轉飭去後。所有遵辦緣由，理合申覆具報。是否有當，伏乞察核施行。須至申者。

右申浙江洋務總局憲。

(外務部檔)

七二五 李永鎮爲敬陳築造地營禦敵之法事呈文

光緒二十六年六月二十一日(一九〇〇年七月十七日)

國子監助教李永鎮謹呈，爲軍情萬緊，懇請趕造地營，以禦北竄事。

竊現在津軍單弱，畿輔空虛，各國兵來日多，一旦內竄，其禍有不堪設想者。昨擬條陳四事，懇團練大臣代奏。特恐會議稽遲，致令緩不濟急，茲謹將密造地營一條詳細陳明，懇即日飭諭前敵諸軍，並天津團防，星夜趕造，於天津三面密密布置，庶於時局大有裨益。儻蒙奏派馳赴各州縣，糾合紳董，即日辦理，永鎮情願親往布置。惟隨帶馬隊十餘騎、馬數匹，五六日間，近畿一帶即可盡行舉辦。此請實

爲國家安危起見，務乞中堂允准施行，則天下幸甚。地營規制列後：

地營之制，圓徑二丈，深約一丈，中留一窪，外開小溝以防雨水，腹設木板以便坐立，擇取大道或地平畧高處挖造。上架長木不計多根，木上用麻包、布囊盛滿沙土，堆放十餘層，隨時潑水，取其濡滯，柔以克剛。中用繩索紐連，周圍留縫，略與地平，敵兵入境，隨其踪跡而迎擊之。營營相接，村村相連。又將各處小村人民併入大村，不使敵人禽〔擒〕我人民，用作前鋒。小村拆去，不使敵至藏身。大村之外，挖壕以禦衝突。大村四面築起碉樓，以施火器，並安大砲，以遙擊之。至於敵人大砲，落在土囊之上，不能炸開。即使炸開，不能傷人。小鎗子喫入土囊，不能中人。敵至又無喘息駐足之所。斯爲防守至精之法，伏乞刻飭造辦外，或即派永鎮前往辦理之處，恭候鈞命，無任悚禱之至。助教李永鎮謹呈。

（軍機處錄副奏摺）

七二六 著趙舒翹等飭屬與李永鎮商酌趕造地營事上諭

光緒二十六年六月二十一日（一九〇〇年七月十七日）

軍機大臣字寄順天府、直隸總督，光緒二十六年六月二十一日奉上諭：國子監助教李永鎮呈稱，軍情萬緊，請趕造地營，以禦北竄。等語。所呈不爲無見。著即派李永鎮會同順直各屬州縣，趕緊辦理。並著趙舒翹、陳夔龍、裕祿速飭所屬各州縣，與李永鎮速行商酌，於由津至京一帶，相度地勢，嚴密籌

辦。原呈著鈔給閱看。將此諭令知之。欽此。遵旨寄信前來。鈔交軍務處。

(上諭檔)

七二七 許應騷奏爲閩省不宜招集義團事片〔一〕

光緒二十六年六月二十一日(一九〇〇年七月十七日)

再，臣欽奉寄諭：招集義團，自當就本省情形，相機辦理。查閩係著名瘠壤，民習於情，縱懷忠愛之念，奈鮮果敢之風。歷募防營，均以外籍應選，此其明證。至漳、泉二府，民俗素稱强悍，而多不受鈐束，其難輕去其鄉，地方官勸練有方，亦僅能內助守衛，斷不能外資捍禦。更恐強爲號召，客匪乘機滋事，擾害閭閻，謠言四起之秋，尤未敢輕發。臣再三審慎，謹附片陳明，伏乞聖鑒。謹奏。

光緒二十六年閏八月初八日奉硃批：知道了。欽此。

(軍機處錄副奏摺)

七二八 崑岡等奏爲據呈代奏翰林院修撰夏同龢請募苗兵事摺

光緒二十六年六月二十二日(一九〇〇年七月十八日)

東閣大學士·翰林院掌院學士奴才宗室崑岡等跪奏，爲據呈代奏，仰祈聖鑒事。

〔一〕此件爲故宮博物院明清檔案部編《義和團檔案史料》所收同日許應騷摺之附片。

竊據翰林院修撰臣夏同龢，以黔省苗兵曾著功效，擬請自行籌款召募，親赴前敵，呈請代奏前來。奴才等公同查看，實屬忠義可嘉。可否仰邀俞允之處，出自聖裁。謹據情代奏，伏乞皇太后、皇上訓示施行。謹奏。

（軍機處錄副奏摺）

附件：夏同龢為請自行籌餉召募苗兵事呈請代奏呈

光緒二十六年六月二十二日（一九〇〇年七月十八日）

翰林院修撰夏同龢謹呈，為黔省苗兵曾著功效，請自行籌款召募成軍，親赴前敵，呈請代奏事。

竊自五月以來，洋人肇釁，奪我大沽礮臺，以搖動我畿輔，普天率土，同深義憤。恭讀五月二十五日上諭，張皇六師，聲罪致討。凡有血氣，靡不奮興。將見同袍修兵，集資助饟者，皆應詔而起矣。同龢黔南下士，濫廁詞曹，康祿虛糜，涓埃未答。志非溫飽，難忘毀家紓難之心；願矢澄清，竊取敵愾同仇之義。

查貴州苗民，種類繁多，聚族而居，動成村落，大都生計艱難，終身勤苦，恆用鳥鎗獵取禽獸以爲食，童而習之，誠百發百中之技也。甲申法夷倡亂，肆擾粵邊，廣西提督蘇元春及記名總兵張君棟，均曾派員入黔，召募苗兵，以當前敵，皆能奮勇爭先。法人因之屢挫，見則卻走。而張君棟遂有黑旗張之名，以所部皆黑苗兵，旗色純黑，是以稱也。張君棟現在武衛軍中，其實在情形，可問而知。今若招用苗兵，

厥有四利：洋人鎗礮利於遠擊，我用輕銳一鼓而前，短兵相接，制其死命，苗兵迅走，足當斯選，一也。鳥鎗準頭精習有素，少加訓練，卽成勁旅，二也。曩與法戰，舊著聲威，洋兵畏忌，三也。黔中大饑，時有粵寇，恐結苗民爲亂，滋多招之，使來以盜攻盜，不煩防勦，弭患無形，四也。同龢寄籍已久，熟習夷情，招之易集，無逃亡之患；散之易去，無滋擾之虞。可否代懇天恩，飭部給咨前往，一面召募，一面籌款。除自行捐貲外，並擬以忠義勸導鄉黨戚友，集腋成裘，以饒需之厚薄，定兵額之衆寡，多或六營，少或四營，成軍之日，卽行統帶前來，請旨調用，趨赴前敵，與諸將協力破賊，以仰報高厚鴻慈於萬一也。

伏念前太傅·毅勇侯曾國藩，初以在籍侍郎創辦團練，卒殲巨寇，翊贊中興。前四川總督丁寶楨，始亦以庶吉士在籍躬率義勇剿賊，既而封圻，游擢巡撫山東，捻首北犯，首援畿輔。是皆以儒臣爲將，受知於文宗顯皇帝，而功成受賞於皇太后，至今勳業彪炳，震耀寰區，人皆以爲非由我皇太后裁成激勵之不克臻此。如同龢者，何敢妄擬先賢，然耿耿愚衷，未嘗不援以自策。如奉旨允准，自當兢兢業業，勉圖奏功，使天下忠義之士，知同龢之驚下，尚蒙朝廷許効馳驅，庶幾觀感憤發，雲集響應，或舉辦團練，或倡率義師，家自爲守，人自爲戰，則天下之兵不勝用矣。洋人有不聞風而懼者哉？

所有同龢擬請自行籌餉，召募苗兵緣由，理合具呈，伏乞代奏。

（軍機處錄副奏摺）

七二九 長順奏請收撫唐殿榮楊毓林一股以資防邊片

※光緒二十六年六月二十三日（一九〇〇年七月十九日）

再，近來鐵道興工後，凡我邊界之得地勢及地利者，俄人無不任意侵占，獨蜂密山一帶，逼近俄邊，沃野千里，彼竟不敢踰鴻溝一步，詢諸邊氓，皆曰盜首唐殿榮之功。查唐殿榮山東黃縣人，素充敦化縣團練長，以訟受屈，去而爲盜，凡著名劇匪悉附之，遂橫行於東山，不可復制。自光緒二十三年，前將軍延茂派隊剿撫後，該匪與其夥黨楊毓林綽號十四閻王者，匿跡蜂密山、凉水泉子等處，招集數百人，挖金爲生。先是邊民在彼私墾，屢被俄人凌虐，甚至劫奪財物，自唐殿榮占據後，嘗因護民，與俄死闘，俄人屢受挫，不敢輕窺邊境。有地名鍋奎頂子，現更名爲奎頂山，在興凱湖之西北，與姓界近，山頂爲釜形，上年俄人百餘踞山後，占民居，修車道，爲久住計，邊民求遷讓弗許。唐殿榮欲與俄人戰，迺令邊民詣俄營達意，自率夥黨伏山頂，至夜，列陣向空開槍。俄人大驚，轉約次日退，至曉悉遁。蓋俄人不能夜戰，唐之黨素練暗槍，俄所深畏故也。邊地所立界牌以木，俄人任意移置，常推而西，唐殿榮則推而東。曰：我在，不能使國家失寸土。其俠而近忠，爲此邊氓感其德，慕其義，於是以保界歸之非倖致也。此次委員戴鴻鈞入山勘荒，邊民百數十人羣求收撫唐殿榮以安邊界，並甘作保。次日唐殿榮與楊毓林親來投誠，並言如蒙收降，竭力圖報。等語。該員未敢擅許，回省請示。

奴才長順伏查光緒二十四年九月間奉懿旨：各省奏到就地正法之案，以盜犯爲最多，此等兇徒，其

情可惡，其愚可憫。況若輩類非懦弱無能，倘使安分務農，本有營生之路；投營効力，亦有進身之階。用是特頒訓諭，凡我赤子，勉爲盛世良民，毋得徒逞強梁，自罹法網。等因。欽此。欽遵在案。今唐殿榮與其夥（黨）楊毓林，雖係積年盜匪，但伏處山林，挖金度活，與時出搶掠者不同。觀其保護墾民，抗衡敵國，存心行事，俠義可嘉，又非尋常盜匪所可同日而語。此次悔罪投誠，情詞懇切，若阻其自新之路，適足爲鄰國之資矧。現值邊地空虛，盜賊肆擾，招墾不易，若收撫唐殿榮等，以盜攻盜，既可靖內患，以邊氓防邊，亦足固吾圉。合無仰懇天恩，俯准唐殿榮、楊毓林投誠之請，留營効力，以贖前愆。如蒙俞允，將來墾務一營，就地招募，半多強梁之徒，卽令唐殿榮管帶。所有保護墾民，彈壓匪類，以及清界搜山等事，俱爲該營專責。仍責成節制之墾務局員隨時察看，倘仍有不循法度之事，立以軍法治罪。

是否有當，理合附片陳明，伏乞聖鑒訓示。謹奏。

光緒二十六年六月二十三日奉硃批：另有旨。欽此。

（軍機處錄副奏摺）

七三〇 著長順等認真籌邊並著將唐殿榮等留營効力事上諭

光緒二十六年六月二十三日（一九〇〇年七月十九日）

軍機大臣字寄吉林將軍長、琿春副都統英，光緒二十六年六月二十三日奉：上諭：長順等奏，擬將散布防軍歸併訓練，并陳清界實邊切實辦法一摺。所奏各營化散爲整，半歸防守，半歸訓練，布置均尚妥

協。武備軍有名無實，著卽行裁撤，騰出餉項，另練礮隊，以備緩急。所籌清界實邊各節，因地制宜，自屬籌邊要務，均著依議行。該將軍等務當實事求是，不得徒託空言，有負委任。另片奏，盜首唐殿榮、楊毓林悔罪投誠，請留營效力。等語。唐殿榮等既經收撫，卽責令其保護墾民，彈壓匪類，並隨辦清界搜山等事，以贖前愆。儻仍有不循法度等情，著卽以軍法從事。將此由六百里加緊各諭令知之。欽此。遵旨寄信前來。

(上諭檔)

七三一 貴恒奏請明降諭旨宣示決戰摺

光緒二十六年六月二十三日（一九〇〇年七月十九日）

奴才貴恆跪奏，爲京師人心惶惑，請旨明白宣示，解釋羣疑，以安人心而維大局，恭摺仰祈聖鑒事。竊於本月二十、二十一兩日，闕傳有皇上奉請皇太后巡幸之事，人心震動，奴才知必無此事也。奴才於何知之？於五月二十五日決戰之旨，及本月十九日查辦各衙門人員告假出京之旨知之。五月二十五日諭旨，沈痛愷切，臣民具有天良，讀者無不痛哭流涕，感激奮發。皇太后、皇上於彼時並無此舉，而直待於今日乎？連日攻擊逆館、逆堂，將近一月，終日礮聲震耳，人心鎮定欣悅，皆謂不日報捷，全師直抵津沽，逆夷授首，同聲感頌皇太后爲我朝聖人，直爲亘古神人。況皇太后前後聽政、訓政近四十年，勵精圖治，久歷艱辛，一切世情變幻險夷，無不在慈鑒之中。倉卒之間，國門一出，道路驚惶，皇

太后豈有蹈此危途乎？是以奴才知必無此事也。推求其故，由於前次諭旨，令順天府飭大興、宛平兩縣設立官車局，供應各營需用。安定門外黃寺地方，順天府備有大小車一、二百輛，愚民無知，遂有此訛傳，人心不定。伏請明降諭旨，宣示臣民，俾共曉此義，則人心大定，而大局自全矣。

至於兵事利鈍，頃刻變換。譬之於弈，國手與低手弈，低手偶著一子，幸而得法，國手遂幾費躊躇，終能擺脫，以保全局。不日各路大兵陸續齊到，皇太后、皇上默運於中，統帥應變於外，於津沽以抄其後，於要路以截其前，逆夷前後受制，必不能全師而歸。卽以情勢而論，我將士感激效命，以一敵一，鎗礮叢中，縱有損傷，逆夷亦斷無全活之理。此奴才決其戰必有勝，我皇太后、皇上無庸慮者也。伏求皇太后、皇上堅持初意，信賞必罰，以勵士心。制以必戰之勢，與之久以相持。彼越國遠來，我逸彼勞，我處室中，彼軍深入，久自不暇自給。俟其窮蹙，請命乞和，無論如何了結，必易措手。自來夷狄之患，勢終在和。惟能戰則能和，不能久持，則和亦不能久也。況今日決裂至此，與之輕易論和，我將何以償之乎？

奴才不揣冒昧，爲保全大局，披瀝直陳，不勝悚慄之至。伏乞皇太后、皇上聖鑒。謹奏。

（軍機處錄副奏摺）

七三二 袁世凱奏爲代奏伍廷芳電達美國政府聲明事摺

光緒二十六年六月二十三日（一九〇〇年七月十九日）

山東巡撫臣袁世凱跪奏，爲據電代奏，恭摺仰祈聖鑒事。

竊臣於本年六月二十三日，接准兩江督臣劉坤一，將出使美國大臣伍廷芳二十一日電奏一件，轉電到臣。查該大臣原電內稱：欽遵初三電旨，詳達外部，並將洋兵不應攻佔礮臺切詰婉諷。現美廷聲明，北京有警，各督撫如能認真保護各國人民，美人認真和好。茲定辦法：一、救在京美國官員、教士、商民；二、保護中國各處美國人民財產；三、保全應得權利，並助剿亂民。惟望中國平靜，保全疆土，共敦睦誼。經電駐各國美使，轉達各國政府，均無異言。但各國最重使臣，伏乞諭飭保護，以免中變。容候隨時偵探密陳，請代奏。伏乞皇太后、皇上聖鑒。

再，此摺係由驛六百里加緊具陳，合併聲明。謹奏。

光緒二十六年六月二十六日奉硃批：知道了。欽此。

（軍機處錄副奏摺）

七三三 盛宣懷奏覆盧漢路款無可撥充兵餉摺

光緒二十六年六月二十三日（一九〇〇年七月十九日）

頭品頂戴·督辦鐵路大臣·大理寺卿臣盛宣懷跪奏，爲遵旨核奏事。

光緒二十六年六月十四日承准軍機大臣字寄，光緒二十六年六月初四日奉上諭：現在統籌戰備，迭經諭令各省籌餉練兵，共保疆土。惟庫款支絀，餉項艱難，既與外洋決裂，所有各直省認還洋款，著

卽暫行停解，聽候部撥，移充軍餉。至盧漢鐵路自應緩修，盛宣懷所領部款及與比國借款動用若干，著迅卽報部，暫行勻撥兵餉，以濟要需。將此諭知戶部，並由六百里加緊諭令各直省將軍、督撫及盛宣懷知之。欽此。

伏查盧漢鐵路議准借部款銀一千萬兩，二十三年夏間，經戶部先撥銀四百萬兩，自盧保、淞滬、漢滬三段先後開工築造。至二十四年間，所有部款四百萬，連南北洋官款撥銀三百萬，卽支用垂罄。經臣會同直隸督臣榮祿、湖廣總督張之洞，六月十四日附片奏明，籲請照案續撥。嗣由戶部劃撥各省昭信股票三百萬兩，陸續收過二百十萬餘兩。又戶部奏准將提回德華鈔款合銀八十八萬二千七百五十八兩六錢二分，撥作盧漢鐵路經費，均卽陸續撥付。自保定至正定勘路、購地、料價、築路各款，暫存上海總公司者，常不及十分之一。保正一段原係五月告成，正定以南亦係接續購地，籌辦開工。向來解往北路銀錢料物，皆由天津分撥，盧保通車以後，又以長新店爲總匯之地，以保定爲轉運之地。拳亂猝發，迫不及防，盧保鐵路首當其禍，自高碑店北至盧溝橋百數十里間，軌道、車站、機器、車輛以及一切分儲轉運之料物、銀錢，焚搶拆毀，蕩焉泯焉。自高碑店南至保定以迄正定，三百餘里已成及將完之工程，亦被逐節焚毀拆損，存儲料物搶失尤鉅。華洋員司工匠奔迸傷亡，道途梗絕。毀失之數，目前無從查考，將來修復之費，洋員洋匠死亡損失賠償撫卹之費，當不知何如籌措。

至所借比款均存比法銀行，按月需款若干，由比國公司撥來若干，總公司並無絲毫存款。上年九月，臣與裕祿、張之洞奏請將蘇粵等省已撥未解之昭信股票款另行籌撥片內，業經陳明。統計撥付來

華之款將及一千萬兩，料價、金鎊約各得其半。現在北路工匠星散，本已停工；南路亦在危疑，在事者均願緩修。惟照常工作，則比款不能不來。一旦停緩，則比款自此不至，不特無由司撥兵餉，且恐比公司以已付之款、已做之工半途停廢，虧耗之鉅不能不索償於國家。而楚、豫間工役於路者，不下五六萬人，驟令停遣，此事未定，亦慮貽朝廷南顧之憂。張之洞顧念大局，力任保護，臣亦督飭在工各員勉爲其難。如戰事不已，勢亦必須停辦，而將來之喫虧，更不知若何結束矣。

所有盧漢路款無可勻撥緣由，謹恭摺覆陳，伏乞皇太后、皇上聖鑒。謹奏。

光緒二十六年七月初八日奉硃批：著路礦總局查核辦理。欽此。

（軍機處錄副奏摺）

七三四 軍機處交片：著刑部內務府處治劉福順等白蓮教犯事上諭

光緒二十六年六月二十四日（一九〇〇年七月二十日）

交內務府。軍機大臣面奉諭旨：載勛等奏，續獲演習邪教案內匪犯請旨辦理一摺，所有拿獲之劉福順等男婦老幼共三十四名，其年已及歲之男女各犯，著卽行正法。其年未及歲之幼童幼女各犯，著內務府、刑部分別按律懲辦。該部知道。單四件併發。欽此。相應傳知貴衙門欽遵可也。此交。

（內務府檔）

附件一：載勛等奏報續獲劉福順等白蓮教犯請旨治罪摺

光緒二十六年六月二十四日（一九〇〇年七月二十日）

奴才載勛等跪奏，為續獲演習邪教、意圖起事案內匪犯，請旨辦理，恭摺仰祈聖鑒事。

竊前據左營都司曾崇蔭拿獲演習邪教張廷錫等八十名口，業經遵旨解交刑部辦理。今復據各處團民會同營汛官兵，在廣安門外等處地方，續獲演習邪教、意圖起事案內之匪犯劉福順等男婦老幼共三十四名，並起獲念珠、摺子、經咒單等件，先後解送前來。奴才等督飭司員嚴行審訊，該犯等均各供認不諱。除由奴才等督飭旗營員弁，在京城內外各地方，迅將教匪認真搜拿，務期淨除根株以遏亂萌外。相應抄錄該犯等供詞，恭呈御覽。應否遵照前次諭旨辦理之處，伏乞皇太后、皇上訓示遵行。再，奴才載濂門上拿獲入教之王德俊等三名，均已歸案訊辦。合併聲明。為此謹奏請旨。

（內務府檔）

附件二：劉福順等供單（計二件）

謹將傳演邪教人犯數目抄錄供詞，繕寫清單，恭呈御覽。

劉福順供：

我係宛平縣人，年五十歲。在廣安門外南駱駝灣地方居住，種地度日。上年四月間，我親戚高全引

我人聖賢道學道，我依允，連我兒子劉長太並我兒媳葛氏、我女人張氏一同入道。至本年六月十四日，不料被義和團訪知，將我們拿獲，連由我家內起出念珠四掛、經咒單一紙、摺子一個，一併解案的。

張永祥供：

我係宛平縣人，年五十三歲。在廣安門外小紅廟地方居住，種地度日。上年四月間，高全引我父子並我女人、我兒媳人聖賢道學道，我們依允，隨在我家內傳我學道。至本年六月十四日，不料義和團訪知，將我們拿獲解案的。

張金斗供：

我係宛平縣人，年二十三歲。在廣安門外小紅廟地方居住，種地度日。上年四月間，高全引我父母、我兄弟、我女人人聖賢道學道，我們依允，隨在我家傳我學道。至本年六月十四日，不料被義和團訪知，將我們拿獲解案的。

張金山供：

我係宛平縣人，年十九歲。在廣安門外小紅廟地方居住，種地度日。上年四月間，高全引我父母並我弟兄人聖賢道學道，我們依允，隨在我家傳我學道。至本年六月十四日，不料被義和團訪知，將我們拿獲解案的。

張金升供：

我係宛平縣人，年十六歲。在廣安門外小紅廟地方居住，種地度日。上年四月間，高全引我父母

並我弟兄人聖賢道學道，我們依允，隨在我家傳教學道。至本年六月十四日，不料被義和團訪知，將我們拿獲解案的。

劉長太供：

我係宛平縣人，年二十八歲。在廣安門外南駱駝灣地方居住，種地度日。上年四月間，我親戚高全引我們入聖賢道學道，我們依允，隨同我父親、母親並我女人葛氏一同學道。至本年六月十四日，不料被義和團訪知，將我們拿獲解案的。

王幅奎供：

我係直隸冀州人，年七十二歲。來京在宣武門外菜市口地方居住，從先跟主度日，現在閑着。上年二月間，我女兒劉王氏引我入聖賢道，我依允。後我女兒將我帶至永定門外高姓家，當有張廷錫在彼，他隨傳我學道。於本年六月十三日，不料被官人將張廷錫連我兒媳王徐氏等拿獲。我害怕，逃至圓明園內藏躲，當經義和團並官人查知，將我拿獲解案的。

張鳳山供：

我係宛平縣人，年二十三歲。在清河北二畦村居住度日。上年五月間，素識徐振明帶回張廷錫至我們村內，徐振明引我入聖賢道，我依允，我就跟隨（張）廷錫學道。現在不料被義和團、官人於〔訪〕知，將我拿獲解案的。

徐三供：

我係宛平縣人，年六十八歲。在清河北二畦村居住，種地度日。上年五月間，我兒子徐振明帶至我家內一張姓，稱說傳聖賢道，令我入道，我依允。於本年六月間，因我兒子學道被義和團拿獲。現在又被義和團並官人將我拿獲解案的。

吳榮貴供：

我係廂白旗濂貝勒府包衣何進福佐領下人，年三十八歲。在安定門外柏新莊地方居住。上年十月間，有本府當差人這王瑞林，引我跟張廷錫學聖賢道，我依允。現在有學道人楊永寬因學道犯案，將我供出。經我們本府濂貝勒爺將我交送，經官人解案的。

王瑞林供：

我係鑲白旗濂貝勒府趙錫祉佐領下六品包衣達，年五十九歲。就在本府園內居住。上年五月間，有永定門外高家園居住之張廷錫，引我跟他學練聖賢道，我依允。現在有學道人楊永寬，因學道犯案，將我供出。經我們本府濂貝勒爺將我交送，經官人解案的。至起獲這手巾一條、小褂一件、煙袋荷包一分、銀一兩六錢、藥一包、盒子一個、鬚梳一個，一併解案的。

王德俊供：

我係廂白旗濂貝勒府包衣不記佐領下人，品烏伸達，年二十三歲。在海甸成府村本府園內居住。我因誤差，已經革退。上年五月間，有永定門外高家園居住之張廷錫，引我跟他學練聖賢道，我依允，仿照習學。不料我們府內濂貝勒爺查知，派義和團將我父親王瑞林拿獲。我聞知，到府詢聽，將我一

併交送解案的。

杜寶山供：

我係宛平縣人，年三十九歲。在永定門外西龍王廟村居住，做小買賣度日。原於光緒九年正月間，有桑泰來引我入聖賢道，傳我吸氣坐工。我隨到他家，設供明誓，由此仿照演練。後我引王鎬、翟四並翟四的女人翟楊氏入道。不料被官人同義和團將我拿獲解案的。

王鎬供：

我係直隸衡水縣人，年四十三歲。來京並無一定住處，瓦匠爲生。原於光緒二十四年八月間，素識這杜寶山引我入聖賢道，我依允。現在不料被官人同義和團將我拿獲解案的。

翟四供：

我係宛平縣人，年六十六歲。在永定門外二郎廟地方居住，負苦度日。原於光緒二十四年八月間，素識杜寶山引我並我女人翟楊氏入聖賢道，我們依允。現在不料被官人同義和團將我拿獲解案的。

王凱供：

我係大興縣人，已革南城城防捕役，年五十六歲。在永定門外楊家園地方居住。上年二月間，素識王二引我聖賢道入道，我依允。後王二又帶我往高鑑家去過。現在不料被官人將我拿獲解案的。

王慶富供：

我係通州人，年三十一歲。在州屬燕郊地方居住，上鞋度日。本年二月間，有陳姓、李姓約我入張

廷錫設立聖賢教，在高姓家，我依允。隨同他見着張廷錫，說明燒香祝念之法，並稱說八月間便能起事。現被義和團訪知將我拿獲的。

陳慶林供：

我係直隸衡水縣人，年三十二歲。來京在三里河居住，上鞋度日。上年十月間，有張姓設立聖賢教，並有高老頭、高姓、郭姓充當法官，約我入聖賢教，我依允。張姓向我說明燒香祝念之法，並稱說本年八月間便能起事。現被義和團訪知，將我拿獲解案的。

李三供：

我係直隸衡水縣人，年五十歲。來京在大蔣家衚衕居住。本年五月間，有張姓設立聖賢教，並有郭申、高全、高四充當法官，約我入聖賢教，我依允。張姓向我說明燒香祝念之法，並稱八月間便能起事。現被義和團訪知，將我拿獲解案的。

王德供：

我係通州人，年二十四歲。在崇文門外紅橋居住，負苦度日。本年五月間，素識這汪錫香勸我入張廷錫設立聖賢教，我依允。隨見着張廷錫，說明燒香祝念之法，並稱說八月間便能起事。現被義和團訪知，將我拿獲的。

汪錫香供：

我係大興縣人，年六十四歲。在崇文門外西河沿居住，牛角作坊手藝。光緒二十四年七月間，張

廷錫在永定門外高姓家設立聖賢教，約我入教，我依允。他向我說明燒香祝念之法，並稱說本年八月間便能起事。現在我又約得這王德也人此教。今被義和團將我拿獲的。

劉張氏供：

我（係）宛樂〔平〕縣民人劉順福〔福順〕之妻，年四十七歲。在廣安門外駱駝灣地方居住。上年四月間，我親戚高全引我們入聖賢道學道，我們依允，隨與男人劉福順、我兒子劉長泰、我兒媳葛氏一同學道。至（本）年六月十四日，不料被義和團訪知，將我們拿獲解案的。

劉葛氏供：

我係宛平縣民人劉長泰之妻，年二十四歲。在廣安門外駱駝灣地方居住。上年四月間，我（親）戚高全引我們入聖賢道，我們依允，隨與我男人劉長泰並我夫翁劉福順、我婆母劉張氏一同學道。至本年六月十四日，不料被義和團訪知，將我們拿獲解案的。

吳葛氏供：

我係宛樂〔平〕縣已故民人吳大之妻，年六十六歲。在右安門外葛家村居住。上年四月間，我親戚高全引我並我兒媳吳孟氏入聖賢道，我們依允。至本年六月十四日，不料被義和團將我們拿獲解案的。

吳孟氏供：

我係宛平縣民人吳殿元之妻，年三十一歲。在右安門外葛家村居住。上年四（月）間，我親戚高全引我並我婆母吳葛氏入聖賢道學道，我們依允。至本年六月初「十」四日，不料被義和團訪知，將我們拿獲，連我幼子一併解案的。

葛斬氏供：

我係宛平縣已故民人葛八之妻，年五十歲。在右安門外葛家村居住。上年四月間，我親戚高全引我入聖賢道，我依允。至本年六月十四日，不料被義和團訪知，將我拿獲解案的。

張馬氏供：

我係宛平縣民人張永祥之妻，年四十八歲。在廣安門外小紅廟地方居住。上年四月間，高全引我並我男人、我子媳入聖賢道學道，我們依允，隨在我家傳我學道。至本年六月十四日，不料被義和團訪知，將我拿獲，連我幼子一併解案的。

張郁氏供：

我係宛平縣民人張斗金之妻，年十七歲。在廣安門外小紅廟地方居住。上年四月間，高全引我並我翁婆、我男人弟兄入聖賢道學道，我們依允，隨在我家傳我學道。至本年六月十四日，不料被義和團將我們拿獲解案的。

翟楊氏供：

我係宛平縣民人翟四的女人，年六十二歲。在永定門外二郎廟地方居住。原於光緒二十四年八

月間，素識杜寶山引我同我男人人聖賢道，我們依允。現在不料被官人同義和團將我拿獲解案的。

王劉氏供：

我係大興縣民人王廣得之妻，年十七歲。在宣武門內教子胡同居住。上年十月間，我夫胞姐劉王氏，引我至高家園地方張姓家學聖賢道，我依允，隨就跟同張姓學道。不料被義和團將我男人等拿獲，我逃跑在西馬廠門地方，被義和團將我拿獲解案的。

張崔氏供：

我係宛平縣已故民人張大之妻，年六十五歲。在清河北二畦地方居住。上年五月間，素識徐振明傳我並兒子張鳳山學聖賢道，我曾學過。不料被義和團將我拿獲解案的。

徐鄭氏供：

我係宛平縣民人徐三之妻，年六十二歲。在清河北二畦地方居住。上年五月間，我兒子徐振明將一張姓帶至我們家內，稱說傳聖賢道，令我學道，我依允。本年六月間，我兒子被義和團拿獲解案。現被義和團又將我拿獲解案的。

二單計：男婦三十二名口。外有幼孩二名，未經錄供。

(內務府檔)

附件三：起獲經咒單

爾弟子劉門葛氏，叩求先天老爺；叩求指引孩兒，一道緒天太環宮，給頭層聖母叩頭。求頭層聖母

指引孩兒，一道明天都子宮南無（菩薩），給二層聖母叩頭。求二層聖母指引（孩兒），一道聖天斗牛宮，（給三層聖母叩頭）。求三層聖母指引孩兒，一道安洋院、清英宮，（給四層聖母叩頭）。求四層聖母指引孩兒，一道雲盤天、無永殿、單求宮，給無生老母叩頭。

（內務府檔）

附件四：起獲什物單

起獲教匪什物：

手巾一條。小褂一件。煙袋一分。銀二包，約一兩六錢，計大小十一件。藥一包。盒子一個。胡梳一分。摺子一個。小珠四掛。經咒一紙。

（內務府檔）

七三五 刑部爲奏准拿獲教民毋庸解部事咨內務府文

光緒二十六年六月二十四日（一九〇〇年七月二十日）

刑部爲咨行事。

山西司案呈，所有前事等因。相應抄單行文內務府可也。須至片者。計單一紙。右咨內務府。

（內務府檔）

附件：刑部奏請拿獲教民即交義和團王大臣毋庸解部片

※光緒二十六年六月二十一日（一九〇〇年七月十七日）

再，現值軍務倥傯，臣部監獄裏應倍加慎重。疊經諭令提牢及司獄各官，督飭禁卒人等，加意防範。各獄囚尚均安分守法。惟各衙門送部人犯，內有教民，及雖未入教如抹藥等類。此等人犯一經收人，謊言誕語，煽惑人心，衆情惶恐，於監獄大有妨礙。相應請旨飭下步軍統領衙門、順天府、五城御史及各旗營，嗣後拿獲此等人犯，即行解交統率義和團王大臣處，訊明分別辦理，毋庸紛紛送部，致滋擾累。臣等爲慎重監獄起見，是否有當，謹附片具奏。等因。

光緒二十六年六月二十一日奉旨：依議。欽此。

（內務府檔）

七三六 翰林院爲洋兵佔踞衙署暫移祖家街辦公事行內務府片

光緒二十六年六月二十四日（一九〇〇年七月二十日）

翰林院爲知照事。

所有本院衙署已被洋人佔踞，前經本院奏明在案。現在本院公事，暫移在祖家街正黃旗官學辦理。相應知照貴府。因用印不及，徑行白片可也。須至片者。右片行內務府。

（內務府檔）

七三七 晉昌奏請添募兵勇摺片〔一〕

光緒二十六年六月二十五日（一九〇〇年七月二十一日）

再，奉天南路逼近租界，防守尤為喫緊，奴才業將所部育字軍馬步十營分路前進，現已攻毀洋城十餘座，撲殺洋兵無算。前隊嚴紮海城，相機進剿。惟查海城大石橋以南鐵軌未斷，賊股往來飄忽，死力抗拒，若僅持此育字軍數營，且戰且守，恐不足以當大敵。現雖商經增祺，准募二營，業已成軍，另摺具報，仍嫌單薄。擬再募添兩營，合成十五營，以當南路，如遇緊急不敷應用，再於奉字等軍抽調協助。

至奴才擬隨時赴行營策應各路，一切文案事件辦理需人，自應另設局處，派委員、書差官等項，以便隨同前往。並須添募親軍馬步小隊兩哨，為驅使辦公之用。如蒙俞允，於軍務不無裨益。

所有懇請添募兩營暨委行營員書差官及募設親軍小隊緣由，是否有當，理合將擬設營局處人員額數及支領薪餉數目，開單附片呈覽，伏祈聖鑒訓示。謹奏。

光緒二十六年七月初八日奉硃批：另有旨。欽此。

（軍機處錄副奏摺）

七三八 戴勛為奏陳布置義和團務一摺已奉旨事咨內務府文

光緒二十六年六月二十六日（一九〇〇年七月二十二日）

〔一〕此件為故宮博物院明清檔案部編《義和團檔案史料》所收同日晉昌摺之附片。

欽命統率義和團王大臣爲知照事。

本王大臣具奏，布置義和團務大概情形等因一摺，於光緒二十六年六月初四日奉旨：知道了。欽此。相應抄錄原奏，咨行貴府查照可也。

右咨內務府。

(內務府檔)

附件：載勛等奏陳布置義和團務大概情形摺

※光緒二十六年六月初四日(一九〇〇年六月三十日)

奏爲遵辦義和團務，謹將布置大概情形恭摺具陳，仰祈聖鑒事。

竊奴才等奉命會同辦理義和團務，當於五月三十日奉派翼長桂斌摺內聲明，督飭該員會同翼長文瑞，迅將團務悉心經理，俟妥定章程，卽行詳細奏陳在案。

伏思義和團之興，雖由神道，實出輿情。奴才等受命統率，懼弗克勝，惟有各盡天良，和衷共濟，期堅衆城之志，略紓宵旰之憂。至統率之方，惟有因民之所欲，寓以兵法部勒之而已。若概以成例拘之，則蔑有濟矣。奴才等現集之團，計有數萬之多，刻經設法拊循，幸均就範。當飭該團等隨同官兵，先行攻剿住京洋館。一俟洋館肅清後，再由奴才等妥籌良策，奏明辦理。此外未集之團，應卽聽其自練，守衛鄉里，不便強爲招致，以順衆志而免拘牽。至應立章程，尚屬簡易可行。謹將現擬章程四條，敬爲皇

太后、皇上陳之：

一、總壇宜設也。查義和團之興，始自山東，遍及各省。教由神道，團各請壇，均於本地選人守壇，是其通例。現在奴才載府第添設一壇，爲各團總匯之所。擇外團之學力素優者，參以在團官員，派令守壇，以資聯絡而便調遣。新團投到者，自應責令詳查，分別收錄。其有練拳未久，輕率結團，藉端滋事，或遊手匪類詐冒義勇，意圖乘變取財者，亦應分別嚴拿解散，庶羣情易達，而膺鼎自分矣。

一、五鎮宜分也。團民衆集聚居，既無便地分置，又難周查。現按東西南北中分立五鎮，由奴才等分領之。無事既便分管，有事仍應合辦，庶鈐制較密，而呼應亦靈矣。

一、捐輸宜勸也。京外各團向係自備資斧。惟外團來京者，裹糧有限，人地生疏，自籌口食，似多未便。若請款計授，不惟復難爲繼，且無以副義舉而伸衆志。現由奴才等勸捐銀米，以供軍糈。倘有不敷，再行請旨，設法籌辦，庶軍食有資，而士氣益奮矣。

一、文案宜設也。凡治軍，以文案、營務、糧餉爲重。此次辦團，既與向來軍務不同，自未便拘執成法，致涉鋪陳。且團由義集，費係公捐，若必處處求備，官派稍重，勢無以激發民心。現擬先設文案一處，其營務、糧餉，均於文案統之。俟團有增益，或出軍攻剿，再行隨時增設。其各項委員，卽由奴才等調取，以資臂助，並不支給薪水，庶同心協力，而羣情洽矣。

以上四條，均係團務目下切實辦法。現既集團剿洋，惟有動之以忠義，不以勢利決其防；感之以性情，不以意見敗乃事。冀以下齊衆力，上播皇威。

除未盡事宜俟奴才等隨時妥籌，另行奏明辦理外，所有義和團務布置大概情形，理合恭摺具陳，伏乞皇太后、皇上聖鑒訓示遵行。謹奏請旨。

奉旨：知道了。欽此。

(內務府檔)

七三九 惲祖翼爲遵批即飭營縣保護教堂事移洋務局文

光緒二十六年六月二十六日(一九〇〇年七月二十二日)

頭品頂戴·浙江等處承宣布政使司布政使惲爲移知事。

本年六月十六日，奉撫憲劉札開：本年六月十四日，准上海德總領事索電開，現據英國內地會教士稟稱，浙江處州府有匪徒擾害教士。等情。查該處亦有德國教士，請貴部院立飭處州府，設法彈壓匪徒，切實保護各教士，免致釀成大事爲要。等情到院。

准此，除札處州府速飭保護外，札司立即移行遵照，督同營縣，迅速設法彈壓，妥爲保護，毋稍疎懈，是爲至要。切切。等因。奉此，合亟移請。爲此合移貴局，請煩查照。希卽速飭該府縣等，會營設法彈壓，妥爲保護，毋稍疎懈，望速施行。須移(知者)。右移浙江通商洋務總局。

(內務府檔)

七四〇 劉樹棠爲頒發保護各國商教曉諭專札洋務局文

光緒二十六年六月二十八日（一九〇〇年八月二十四日）

頭品頂戴·革職留任巡撫浙江部院·節制水陸各鎮兼管兩浙鹽政兼總理各國事務大臣劉，札通商洋務局知悉：本年六月二十日，准南洋大臣劉咨開，竊照北地匪徒肇釁，現由上海道與各國領事議定，在內地及長江等處，各國商教、人民財產，均由地方力任保護，以期彼此相安。亟應出示曉諭，俾衆週知。除分行外，相應將告示咨送查照。等因。到本部院。准此，合行札飭。札到該局，即便查照毋違。特札。

計粘抄告示一道。

（外務部檔）

附件：劉坤一保護各國商教曉諭

全銜爲出示曉諭事。

照得前因北地匪徒肇釁，誠恐各處土匪煽惑愚民，藉端滋鬧，業經一直嚴切示禁，並電檄各屬，凡教堂、商務，務須會同地方紳董協力保護，諄切告戒，不啻三令五申。蓋此次戰事，本非朝廷意料所及。西國商民，仍當保衛。非特彼此互有商民客居其地，亦天理人情教化應爾。現復由上海道與各國領事

議定，在內地及長江等處，各國商教、人民財產，均由地方官力任保護，以期彼此相安。以後何「無」論如何，必當一律照辦。

爲此再行曉諭爾諸色軍民人等一體知悉：自示之後，務各安分守法，須知各國商、教人等，仍應照約一律嚴密保護。如有造謠滋事匪徒，定即查拿正法，決不寬貸。其各凜遵勿違。特示。

右諭通知。

光緒二十六年 月 日給告示。

(外務部檔)

七四一 著獎賞榮祿事懿旨

光緒二十六年六月二十九日(一九〇〇年七月二十五日)

光緒二十六年六月二十九日，內閣欽奉慈禧端佑康頤昭豫莊誠壽恭欽獻崇熙皇太后懿旨：大學士榮祿，加恩著在紫禁城內並西苑門內乘坐二人肩輿。欽此。

(上諭檔)

七四二 毓賢奏請飭令總兵劉光才迅赴大同鎮本任以固嚴疆摺

光緒二十六年六月二十九日(一九〇〇年七月二十五日)

山西巡撫奴才毓賢跪奏，爲請調宿將帶隊，迅赴本任以固嚴疆，恭摺具陳，仰祈聖鑒事。

竊晉省北路情形喫緊，業經奴才奏報在案。查山西大同鎮總兵劉光才熟悉軍務，現在江南有差。奴才前於請調宿將片內，聲請或將該鎮調京，或飭赴本任。欽奉硃批：另有旨。欽此。現在晉省北路教民聚集甚衆，謀爲不軌，疊據歸綏道及各廳稟請派兵，以資防範。且大青山一帶千餘里外，即與俄國毗連，尤須加意嚴防。晉省兵力既單，又乏將領，大同爲山西重鎮，且係京師右臂，形勢極爲重要，非有名將，難資控制。務務〔一〕懇諭旨，飭令該總兵劉光才迅赴大同鎮本任。查晉省新募之兵未經訓練，恐難得力，並乞飭令劉光才，將其所部三千人統帶前來，則沿邊千里戰守均有可恃矣。

謹專摺陳請，伏乞皇太后、皇上聖鑒訓示。謹奏。

光緒二十六年七月初四日奉硃批：另有旨。欽此〔三〕

（軍機處錄副奏摺）

七四三 醇親王府問吉凶乩語〔三〕

光緒二十六年六月（一九〇〇年七月）

奉託承囑復太平。

〔一〕「務」字衍。

〔二〕此旨見故宮明清檔案部編《義和團檔案史料》上冊，第四〇四頁。

〔三〕此件爲北京義和團運動高潮中醇親王府之扶乩錄，據此可在一定程度上窺見滿貴族當時的政治態度和精神狀態，故錄之。

春鳥紫氣，有人提携，病者安，行人至，訟有理，兇化喜。

問易州。

侍臣最有相如渴，不賜金莖露一杯，運逢丙尾作事人，寅申一衝，好事將成，伏魔降寇。

庚子年

列戟門前，裘馬翩翩，風波險處，早久有限。

高梧百

命中帶驛馬，陞遷不得寧，財帛終有耗，晚歲得榮封。

敬惜字問一生文學。

暢飲高歌，時光容易過，達謀事業，莫自蹉跎，

功德財

既然謀心要堅，萬物有機緣，美境在後邊。

問遷都。

何須祈禱暗通誠？善惡平分汝自明，休把心機混懵懂，營求動作自然成。

辨真假。

汝有十年運，嬌花香滿春，時逢庚辛酉，回家教子孫。

攻堅壘。問西什庫幾時方能攻破。

取與無傷有惠，行藏自合中庸，金丹大道自然成，何用燒鉛鍊汞？

洋夷滅。

汝懷抱免憂，吉人自有天垂救，何必問根由？

夕陽短。

日上三竿，我還未起，看破紅塵，都在鏡裏。

宇宙清。問洋人。

亥卯信吉，丑未信凶，欲除心腹病，急行步向東。

(醇親王府檔)

七四四 著獎賞李秉衡事懿旨

光緒二十六年七月初一日(一九〇〇年七月二十六日)

光緒二十六年七月初一日，內閣欽奉慈禧端佑康頤昭豫莊誠壽恭欽獻崇熙皇太后懿旨：李秉衡加恩著在紫禁城內騎馬，並在紫禁城內、西苑門內乘坐二人肩輿。欽此。

(上諭檔)

七四五 袁世凱奏為代呈伍廷芳電送美國總統覆書事摺

光緒二十六年七月初一日(一九〇〇年七月二十六日)

山東巡撫臣袁世凱跪奏，為據電代奏，恭摺仰祈聖鑒事。

竊臣於光緒二十六年七月初一日，接准出使美國大臣伍廷芳電稱：國書欽遵呈遞，茲將外部齎送美總統覆書謹譯呈。

大美國大伯理璽天德問大清國大皇帝好。奉光緒二十六年六月二十三日國書，荷蒙大皇帝鑒察敵國願敦睦誼、持平辦事之衷，實深欣幸。美國派兵在中國登岸，原為保衛使館，保護寓華商民財產，按

照條約公法，應享權利起見。各國派兵，亦同此意，均經聲明。閱惠書知中國亂匪騷擾，戕害德使及日館書記，圍困各使，違旨作亂，並疑貴國朝廷祖縱。謹擬辦法，切盼施行：一、願貴國將駐京各使臣現在情形，宣示各國。二、立准各使臣與本國任便通信，仍切實保護，俾免驚險。三、諭飭各大員與各國兵官會商，協救使館，保護各國人民，安靖地方。倘蒙允行，則此次擾亂各事，不難與各國妥商了結。各國如允敝國調停，敝國樂為貴國效勞。敬布悃忱，伏祈省覽。西歷一千九百年七月二十三日。

請代奏前來。

除咨呈總理各國事務衙門外，理合據電代奏，伏乞皇太后、皇上聖鑒訓示。

再，此摺係由驛六百里加緊馳遞，以期迅速。合併聲明。謹奏。

（軍機處錄副奏摺）

七四六 袁世凱奏陳排難解紛宜由美國入手片

光緒二十六年七月初一日（一九〇〇年七月二十六日）

再，查美國覆書，較各國最為和平，辦法亦頗切實，尚未迫我所難。將來排難解紛，似須由美國入手。且駐京各國使臣，惟美使有電回國，該國即願任調停，倘令各國使臣均發安電回國，則願任調停者當不止一美國，或可漸就範圍。擬請飭下總理各國事務衙門王大臣妥籌商辦。是否有當，理合附片具陳，伏乞聖鑒訓示。謹奏。

（軍機處錄副奏摺）

七四七 準良奏報拿獲假冒義和團詐財之張玉山訊明正法摺

光緒二十六年七月初三日（一九〇〇年七月二十八日）

奴才準良跪奏，爲拿獲假義和團，擾害平民，訊明就地正法，恭摺仰祈聖鑒事。

竊自五月二十四五日恭讀諭旨：義和團民忠義報國，敵愾同仇。等因。欽此。自五月下旬以來，各處紛紛設壇，地面尚稱安謐。詎於七月初二日，紫荊關參將沙明亮派兵解到假義和團一名。初三日經奴才詳細研訊，據供：名喚張玉山，易州人，因家貧出外遊蕩，扮做義和團民，聞得紫荊關素業成衣之張英萃家道殷實，卽行指爲奉教，威言恐嚇，詐取財物。經參將沙明亮派兵押赴各團質證，均稱張玉山向未入團，確係存心訛詐。奴才伏思當此軍務喫緊，人心浮動，乃此等匪徒，竟敢乘機訛詐，擾害民生，所關實非淺鮮。當於訊明後，卽恭請王命，將該匪犯張玉山卽行正法。奴才卽行嚴飭各項當差官役，並曉諭各團，認真查拿。再有所獲匪徒暨奉教人等，均報官照案一律辦理，以靖地面。所有匪徒假扮義和團民，訊明懲辦緣由，謹恭摺具奏，伏乞皇太后、皇上聖鑒訓示。謹奏。

光緒二十六年七月初七日奉硃批：知道了。欽此。

（軍機處錄副奏摺）

七四八 崇綺等奏覆遵旨攤派各省應解直隸軍餉緣由摺

光緒二十六年七月初五日（一九〇〇年七月三十日）

戶部尚書臣崇綺等謹奏，爲遵旨速議具奏事。直隸布政使覺羅廷雍奏，軍務需款浩繁，餉項不繼，

請由各省廣爲協撥，以濟軍需一摺。光緒二十六年七月初二日奉硃批：戶部速議具奏。欽此欽遵。由軍機處鈔交到部。查原奏內稱：各處駐紮練軍調赴天津一帶防勦，另募新營填紮巡緝，計大名新募練軍二營一哨，正定四營，保定五營，宣化二營，通州二營，共計十五營一哨，月餉均歸練餉局發給。該局常年餉項，支發舊有各營本無盈餘，現在驟添多營，而蘆餉之來源又斷，計口授食，不敷甚鉅。天津被陷後，運司、關道、天津道、支應局、籌賑局、銀錢所各庫存銀盡歸烏有，凡支應局、銀錢所發餉各營，及此次督臣在天津、蘆臺、山海關添募各軍，餉項一無所出，均向司庫索欸，挹注實屬爲難。前敵軍情日急一日，若不廣儲糧餉，勢必饑疲譁散，其何能支？唯有懇恩飭部指撥各省的欸銀二百萬兩，剋期解直，以飭饑軍而保危局。等語。

臣等伏查直隸天津爲水陸要區，自夷氛不靖各路防勦之師一切軍械糧項，皆於此取給。乃津郡不守，司關道局並銀錢所各處庫欸悉歸烏有，不惟蘆餉來源已斷，添練各營不敷甚鉅，前敵調派各軍向由各局、所發餉者，亦將有坐困之虞。該布政使廷雍奏請由各省指撥的欸銀二百萬兩，係屬必不容緩之計，臣部自宜速爲指撥，以資協濟。應令山東、河南、山西、陝西、安徽、湖北、福建等省各籌銀十萬兩，江西、浙江等省各籌銀二十萬兩，四川省籌銀二十五萬兩，湖南省籌銀五萬兩，江蘇、廣東等省各籌銀三十萬兩，共計銀二百萬兩。均於接到部文後各按派撥銀數，分批解赴直隸保定府，交布政使兌收，作爲各路軍需之用。明知各省素非充裕，籌撥均屬爲難。惟直隸爲畿輔重地，軍務萬分喫緊，不得不賴各省協力同心，勉籌接濟。各該省務當於本省司道關局各庫，無論何欸，移緩就急，趕緊報解，斷不可

稍涉遲延，致有貽誤。

所有遵旨速議緣由，理合恭摺具陳伏祈皇太后、皇上聖鑒。謹奏。

（軍機處錄副奏摺）

七四九 袁世凱奏覆遵旨撥解東省軍械赴京摺

光緒二十六年七月初五日（一九〇〇年七月三十日）

山東巡撫臣袁世凱跪奏，為遵旨劃撥東省軍械，派員管解赴京，恭摺覆陳，仰祈聖鑒事。

竊臣於本年七月初三日，承准軍機大臣字寄，光緒二十六年七月初一日奉上諭：本日李秉衡面奏，山東現存軍火，尚有堅利遠後膛擡槍四百桿，堅利遠槍子十七萬顆，馬蹄尼槍子兩種共三十萬顆，後膛克虜卜車礮十尊，礮子一千顆，均為該省所不用。等語。現在京津前敵軍情喫緊，著該撫迅將前項軍械，揀派委員，提解來京，毋稍延誤。將此由六百里加緊諭令知之。欽此。遵旨寄信前來。當即欽遵，飭令善後局迅速查明，如數動撥。

茲據該局員稟稱：舊存堅利遠後膛擡槍四百二十八桿，已裝子彈四萬二千五百八十九顆，未裝子殼十三萬三千五百三十七顆，大馬蹄尼槍子彈十四萬七千二百二十八粒，小馬蹄尼槍子彈五萬六千二百粒，兩共槍子二十萬三千四百餘粒，此為東省所未用。惟先鋒隊新募礮隊兩營，每營應需礮位十八尊，共需三十六尊，而東省所存克虜卜礮僅二十尊，尚不敷該礮隊之用。前因曹州鎮龍殿揚奉飭募勇

北行，又經撥用四尊，現止存十六尊，應撥歸先鋒隊領操。等情。臣伏念京畿防務關係至重，當此需用軍儲之日，亟須竭力籌措，設法撥解，以資接濟。已飭將堅利遠擡槍及已裝子彈並大小馬蹄尼槍子彈，悉數劃撥。其未裝擡槍子殼，仍飭局督催工匠，星夜趕裝，陸續起解。至克虜卜礮位，雖經先鋒隊領用，亦應移緩就急，即在該礮隊內分撥十尊，並配子彈一千顆，一併檄委山東候補知縣奎光、朱鴻保等，迅即分批管解，妥速北上，投赴總理武衛各軍。大學士臣榮祿處交納，以供應用而濟急需。

所有遵旨劃撥東省軍械，派員管解赴京緣由，理合恭摺由驛六百里覆陳，伏乞皇太后、皇上聖鑒訓示。謹奏。

光緒二十六年七月初八日奉硃批：該部知道。欽此。

（軍機處錄副奏摺）

七五〇 永德等奏爲分隊扼要布防並先行借款發餉事摺

光緒二十六年七月初六日（一九〇〇年七月三十一日）

奴才永德、奴才奎成跪奏，爲遵旨分布馬步各隊扼要嚴防，並先行借款覈發鹽乾口分等項銀兩，恭摺由驛覆陳，仰祈聖鑒事。

竊奴才永德前因京師戒嚴，又聞有俄國馬隊由旱路前來之警，是以挑派馬步各隊晝夜巡防，並請旨可否令奴才永德帶隊馳赴京師，聽候調用。等因具奏。於本年六月二十三日接奉寄諭，令奴才永德審度機宜，熟籌形勢，扼要嚴防，毋稍疎虞。所請帶兵入衛之處，着毋庸議。等因。欽此。當因歸綏所

屬之右衛、甯遠、托克托城、薩拉齊等處拳教尋仇，肆殺無忌，深恐日聚愈衆，蔓延滋擾。兼之歸綏兩城迤東百餘里烏爾圖溝內教民麇集，無業游民亦混跡其中，難保不四出滋擾，貽害地方。歸綏一帶軍務喫緊，餉缺兵單，是以奏請飭下山西巡撫，迅速籌餉撥兵，以資嚴防。等因。於六月二十八日接奉硃批：着咨明山西巡撫迅速籌撥。欽此欽遵。奴才等正在籌辦嚴防間，接准山西巡撫咨，令奴才永德欽遵寄諭事理，迅速遴選將領，簡練兵丁，在大青山後一帶地方嚴密防守。一面派委委員分路偵探，隨時詳報。如有應行會商事件，飛速咨知，和衷商辦。等因前來。竊維晉撫籌商一切，足見顧全大局，軍民有賴。奴才等自當竭盡愚誠，遇事和衷商辦，以期仰慰聖主軫念邊防之至意。

伏查歸綏所屬七廳，地方遼闊，山路崎嶇，頭頭是道，實有防不勝防之勢。奴才等僅就綏遠城挑定馬隊五百餘員名分爲兩營，一令駐紮大青山後庫克額爾濟，一令駐紮大青山後烏蘭花地方。該兩處距歸綏一、二百里之遙，與察哈爾軍台大路亦不甚寫遠，如此分紮，內則可剿教匪，外則可禦俄兵。其餘大同練軍，擬令仍舊駐紮。惟庫克額爾濟原紮參將王新成一營，擬令移紮甯遠一帶，以資彈壓。如此旗練各營四面分布，聲勢可以聯絡，緩急亦可相恃。又新挑步隊五百餘員名，擬令分紮歸綏附近適中之地，遇有緊急，往來捷便，可以隨處策應。其舊練步隊三百八十餘員名，擬令在莫多沁溝一帶駐紮，烏爾圖溝等處教匪設欲蠢動，即可相機剿辦，以免釀成巨患。所有留防馬隊官兵二百餘員名，或分馬撥按站專遞公文，或派遠出偵探，兼令助剿。其餘八旗官兵，設遇緊急，盡力防城，庶可無虞。

惟查新挑馬步各隊既經分紮，應需器械槍礮等項，若照成案由神機營請領，誠恐緩不濟急，致悞軍

需。擬將綏遠城舊存軍械提出整修，暫借綏遠廳庫存儲，新章添加六分平銀三千五十餘兩，以資需用。應需旗幟、號衣等項，若照成案由歸綏道請款製造，亦恐往返耽延，有悞軍需。擬將廳庫存儲公費減平銀一千五百八十餘兩暫行借動，以便及時製造，不致耽延。至行營應需鍋等項，由奴才等與八旗官兵盡力捐辦五成，其餘擬將廳庫存項湘平銀三千八百三十餘兩暫行借用，以便就近製辦。以上借款製辦各項，統由奴才等專派妥員認真經理，隨時造報，斷不敢有所虛靡。新挑馬步各隊應需藥鉛等項，擬由晉省請領，現在藥鉛無著，暫由餘存項下就近動用，年終歸案報銷。

至各營官兵應領鹽乾口分薪紅等項，除留防馬隊官兵原有出防鹽乾口分章程，亦有籌定的款，現值軍務喫緊，該官兵四出偵探，隨處助勦，擬請按照出防章程覈發，以符原案外，其舊練步隊一營委營總一員、隊官一員、筆帖式一員、書手二名，每員名應領鹽乾等項，擬請仿照出防馬隊委營總、參領、筆帖式各員應領數目，一體覈發。步隊兵三百八十名，擬請仿照河沿步隊成案，不論月建，每兵月支銀三兩，所需薪紅等項，每月以五兩覈發。新挑馬隊左右兩營委營總二員、隊官十員、辦事官二員、書手四名，每員名應領鹽乾等項，擬請仿照出防馬隊委營總、參領、筆帖式各員應領數目，一體覈發。馬隊兵五百名，擬請仿照出防馬隊章程，不論月建，每兵月支銀七兩，所需薪紅等項，每營每月以五兩覈發。新挑步隊左右兩營委營總二員、隊官十員、辦事官二員、書手四名，每員名應領鹽乾等項，擬請仿照出防馬隊委營總、參領、筆帖式各員應領數目，一體覈發。步隊兵五百名，擬請仿照河沿步隊成案，不論月建，每兵月支銀三兩，所需薪紅等項，每營每月以五兩覈發。以上各營共需鹽乾口分薪紅等項銀兩，擬

請照案責成歸綏兵備道承辦。現因款項無著，擬飭該道暫將庫廳存儲大青山後各空閑廠地租一萬一千七百一十餘兩提出，以便及時照數開放。所有提借各款，統俟晉省籌解到日，再行歸還廳庫，庶無轉。嗣後各營月餉等項，仍請晉撫源源撥解，由該道承領覈發，按月按款造冊送晉撫覈轉報銷。現值軍務喫緊，臣已奉旨責令扼要嚴防，覈度情形，不容稍緩，是以一面奏明，一面先行借款，督飭委員，趕緊製辦。其應支鹽乾口分等項銀兩，均係照章覈發，並無虛糜。現值亢旱歉收，米糧一切諸多昂貴，該官兵等應領銀兩，爲數無多，若仍扣減，實不足以示體恤。此項官兵應支銀兩，擬請免扣六分平銀，俾沾實惠，卽自六月初八日爲始，按月照章一律覈發，先行操練。擬於七月初九日飭令各營一併起程，分往各處扼要駐紮，隨時探報，相機辦理。

再，此次馬步隊各營似未便另設營務處，所有應辦一切營務文案事件，仍歸左司辦理，以節糜費。惟應需薪紅等項，自應量爲加增，擬請照案每月薪紅銀以二十四兩由歸綏道覈發，以資辦公。奴才等受恩深重，值此時艱，自當隨時相機妥籌辦理，總期兵歸實用，餉不虛糜。其餘未盡事宜，容當隨時咨商晉撫辦理。

再，此項馬步各隊一俟軍務稍鬆，再行覈酌情形，隨時奏明辦理。

是否有當，理合恭摺由驛覆陳，伏乞皇太后、皇上聖鑒訓示。謹奏。

光緒二十六年七月十三日奉硃批：著照所請。該部知道。欽此。

(軍機處錄副奏摺)

七五一 長萃奏爲遵旨將通倉米石撥給軍需事摺

光緒二十六年七月初七日（一九〇〇年八月一日）

奴才長萃跪奏，爲遵旨擬將通倉白米接濟兵食，並補報以前酌撥各軍米數，恭摺仰祈聖鑒事。

竊奴才於六月二十二日亥刻，承准軍機大臣字寄，光緒二十六年六月二十二日奉 上諭：宋慶所部各營需米甚多，無從購買，通州倉米尚有可撥，卽著宋慶派委委員前往領運，以濟兵食。如委員抵通，長萃卽行飭令監督等，迅速酌量發給，毋任缺乏。並將發出米石數目，隨時知照戶部。將此由六百里各諭令知之。欽此。遵旨寄信前來。

查前一日，奴才接准浙江提督馬玉崑函稱：現在軍中食米已將告罄，借撥漕米八千石，以資散放。等因。當卽由通州平糶米內，酌撥漕米二千石，發交原差都司楊振忠具領。旋據該都司面稱：漕米係屬帶皮之米，難供兵食，未便承領。等語。奴才因軍食緊要，不及具奏，當卽改札西倉，開放粟米一千八百石；復札中倉，將粟米儘數開放。統計該二倉共放粟米三千八百二十七石零。西倉所存亦已無多，隨卽飭令平糶局員，撥出漕米四千石，俟交價時聲明開除，並由團防總局發款舂作細米，以備該軍承領。茲奉諭旨，飭由通倉撥給宋慶所部各營米石。旋據宋慶文稱：仍派都司楊振忠承領。奴才卽令先就舂出細米承領，俟領運完竣，如尚不敷，再行遵旨由西、中二倉內酌撥。但西、中二倉所存粟米業經放訖，其粳米存數無多，應留備倉甲月米之用。惟王公大員俸糈所用之白粳米尚存十二萬九千餘

石，以後宋慶等軍如再派員領運，即應遵旨撥給白米，以濟兵食。並隨時知照戶部備查。

謹會同臣劉恩溥專摺具陳，伏乞皇太后、皇上聖鑒。

再，奴才辦理防勦事宜，不克呈遞膳牌，是以派令臣衙門筆帖式代遞，合併陳明。謹奏。

光緒二十六年七月初七日奉旨：知道了。欽此。

（軍機處錄副奏摺）

七五二 長萃奏請飭下戶部等早籌的款以資團民軍需片

光緒二十六年七月初七日（一九〇〇年八月一日）

再，查六月十三日，奴才具奏籌辦通州防剿事宜摺內聲明，所有加餉、新餉，並製辦旗幟、號衣、鑼、鍋、帳棚，採買土藥及貼補行糧、養傷等費，均擬遵照臣劉恩溥奏准之案，先由通濟庫挪用，俟軍務稍平，再由直隸督臣設法歸款，以重庫儲。等因。奉旨允准。當即欽遵，統由團防總局委員，隨時稟明奴才批准挪用在案。

嗣准統率義和團王大臣函稱：現奉諭旨，派令本團翼長長麟、文瑞，帶領義和團，由通赴津，擬在通州設立糧臺，所需軍糧等項，即希趕早備妥。等因。當經飭令通州團防總局，將米麪、鍋碗、席片、伙夫一切備齊。惟子藥一項，通州所存無幾，自用尚且不敷，斷難挹注，當即函覆統率王大臣亦在案。嗣於五月二十五等日，翼長長麟、文瑞帶領義和團民陸續到通，約計二千餘人，按日供應米麪，有盈無絀。

旋准統率義和團王大臣文稱：奏派奴才督辦該團後路糧臺，奉旨依議。等因。欽此。伏念以朝廷之庫款，濟朝廷之急需，當此時事艱難，曷敢略分畛域。惟是庫儲有限，耗用無窮，若不及早圖維，誠恐後難爲繼。現計旗幟、帳棚尚未辦齊，兩營新餉尚未開支，撥用平糶米六、七千石尚未發價，而挪用庫款已三萬一千兩矣。雖庫儲尚有二十餘萬兩，而爲日方長，有加無已。一月之後，竟恐不支。惟有仰懇天恩，飭下戶部及統率義和團王大臣，迅籌的款，以資接濟，實爲切要。理合附片具陳，謹奏。

光緒二十六年七月初七日奉旨：知道了。欽此。

（軍機處錄副奏摺）

七五三 刑部爲刻即將韓清溫等白蓮教犯送部事行步軍統領衙門片

光緒二十六年七月（一九〇〇年八月）〔一〕

刑部爲片行事。

奉天司案呈，准步軍統領衙門知照，拿獲教匪韓清溫等二十八名口，定于初八日具奏送部。片行刑部，希將備辦公事先期派妥。等因前來。本部業經將備辦公事辦理外，相應片行貴衙門，速即派撥弁兵，將教匪韓清溫等二十八名口刻即押解送部，以便遵旨懲辦，幸勿刻延。因用印不及，先行白片，后補印文可也。須至片者。

〔一〕原件無日期，據其內容，當發於七月初八日之前。

右片行提督衙門。

(刑部檔)

七五四 著各省將軍督撫保護電線事上諭

光緒二十六年七月初九日(一九〇〇年八月三日)

軍機大臣字寄各省直省將軍督撫，光緒二十六年七月初九日奉上諭：劉坤一等奏，軍情緊要，請飭各省修護電線，以通消息一摺。現當用兵之際，軍情瞬息千變，惟賴電信無阻，消息靈通，方可通籌因應，迅赴機宜。著各直省將軍督撫，嚴飭地方文武營汛，將電線一體認真稽查，實力保護。儻有匪徒糾衆掘斷毀壞情事，卽行勒拿嚴辦。並將防範不力之員弁，從重懲處。至直隸保定及山西、陝西一帶，電線被毀尤多。著裕祿、李廷簫、端方等，飭屬查明地段，立即設法修復，不得稍有遲誤。將此由六百里各諭令知之。欽此。遵旨寄信前來。

(上諭檔)

七五五 載勛奏爲訪獲在逃職官據實糾參事摺

光緒二十六年七月初十日(一九〇〇年八月四日)

奴才載勛跪奏，爲職官私自潛逃，現經訪獲，據實糾參，恭摺仰祈聖鑒事。

義和團檔案史料續編 光緒二十六年七月

竊查奴才堂弟宗人府候補筆帖式載勝，前於四月間設立義和團，緣爲保護身家。有宗室國存等混入團內，藉端滋擾，不安本分，且有藏匿教匪妻女索詐情事，均經分別拏辦在案。今於七月初八日，由京西南照臺村續獲案內犯婦國祁氏供出，商同奴才堂弟載勝各處潛逃，一併拏獲，解送前來。查國祁氏係國存案內要犯，載勝身任職官，竟敢與該犯婦同逃隱匿，既經一併續獲，自應徹底根究。除將犯婦國祁氏交總團嚴訊另結外，相應請旨，將候補筆帖式載勝卽行革職，交宗人府永遠圈禁。

所有職官潛逃、續獲到案各緣由，理合恭摺具奏，伏乞皇太后、皇上聖鑒，爲此謹奏請旨。

（軍機處錄副奏摺）

七五六 盛宣懷爲轉交英總領事電文事致總署電

光緒二十六年七月十二日（一九〇〇年八月六日）

據英總領事霍必瀾云：初八上諭，使臣准用明電。而洋人必用洋文明電，且須指一事爲證，方信是本人真信。現各國皆疑使已被害，必欲得親筆信，方能釋疑。若欲其改用漢文碼號，恐使駐京中國電本，是與准用明電之旨不符。等語。交來洋文明電一件，囑寄交英使竇納樂。宣。文。

（軍機處錄副奏摺）

七五七 著廷雍暫護直隸總督事上諭

光緒二十六年七月十五日（一九〇〇年八月九日）

光緒二十六年七月十五日奉上諭：直隸總督著廷雍暫行護理。欽此。軍機大臣遵旨傳諭直隸布政使廷雍。

(上諭檔)

七五八 總署收袁世凱轉煙台德領事致北京德使電

※光緒二十六年七月十五日(一九〇〇年八月九日)

收東撫轉德領事與德使電。七月十五日。

北京。德國欽差衙門：華六月二十五日，本領事曾由山東巡撫遞送總理衙門，轉交華文電一件。內詢以前有何事端，現在如何情形，可用何法助辦。等因。現請貴署欽差將今如何情形，及被殺傷害人名，按照美國欽差送文之法，由總理衙門及山東一面電報外部，一面電知本領事。再，因總理衙門阻止用密碼與各國欽差往來，莫如用華文電達，以便由本領事轉致外部等。西歷八月五號。駐煙臺德國領事官連。

(軍機處錄副奏摺)

七五九 著鹿傳霖所部留駐保定並助剿事上諭

光緒二十六年七月十六日(一九〇〇年八月十日)

軍機大臣字寄暫護直隸總督廷、江蘇巡撫鹿，光緒二十六年七月十六日奉上諭：廷雍奏，天津西北

防務空虛，並各屬教匪猖獗，請留營助剿一摺。據稱，天津直達保定，水陸共有三路，防務均尚空虛，而各屬教匪又復麇聚多處，非得大枝援兵會同防剿，不足以靖內亂而禦外侮，請撥營分路布置。等語。所奏尚屬實在情形。現在鹿傳霖所部六營將抵保定，即著留於該處助剿。該護督即將一切布置情形會商妥籌辦理。另片奏，各省籌解餉需緩不濟急，請在於司庫款內先行設法挪墊。等語。即著照所請行。將此由六百里各諭令知之。欽此。遵旨寄信前來。

(上諭檔)

七六〇 著各王公大臣分別留京留守隨扈署缺事上諭(空檔)

光緒二十六年七月十六日(一九〇〇年八月十日)

光緒二十六年七月 日內閣奉上諭。光緒二十六年七月 日內閣奉上諭。光緒二十六年七月 日內閣奉上諭。

月 日內閣奉上諭。光緒二十六年七月 日內閣奉上諭。光緒二十六年七月 日內閣奉上諭。

〔原注〕：以上欽派留守、留京、隨扈三、署缺諭旨五道，十六日未申之交王大臣二次召見後，於養性殿命章京張嘉猷等人繕王公、貝勒、大學士、尚書、滿漢侍郎等名單四件遞上，隨奉硃圈並加硃筆單一件發下分別繕旨。明日清晨，同硃單五件送堂遞上，未發下。其日方罷巡幸議也。原檔徧檢不得，謹補繕空檔同原單訂存，並恭注如右。

硃筆留守：

載溎、溥偉、載濂、載潤、載澤、溥侗、載灃、崇綱、溥靜、凱泰。
載勛等城守仍留京。崇綺、剛毅留京辦事、徐桐。

五字

硃筆圈出者隨扈：

硃筆八字

睿親王魁斌。硃○肅親王善耆。克勤郡王崧杰。順承郡王訥勒赫。添派載瀛、載瀾隨扈。○貝子溥倫、毓棟、○毓崐。鎮國公毓亨、全榮。○輔國公載卓、奎瑛、意普、麟嘉、毓炤。

五字

硃筆圈出者隨扈：

大學士崑岡。吏部尚書徐郁。硃○兵部尚書敬信、徐用儀。刑部尚書崇禮。工部尚書松淮、徐會灃現兼署禮部尚書。○理藩院尚書裕德。○都察院左都御史懷塔布、吳廷芬。

硃筆圈出者隨扈：

吏部左侍郎溥善、署護軍統領、硃○左侍郎溥顧。○戶部左侍郎英年、○右侍郎溥良。禮部左侍郎榮惠、右侍郎桂春、署左翼總兵。兵部左侍郎阿克丹。刑部左侍郎崇勳、署護軍統領、○右侍郎景澧。工部左侍郎溥興、署右翼總兵。○理藩院左侍郎那桐、右侍郎會章、祥普署前鋒統領。內閣學士壽耆、孚琦、聯元、特圖慎、筆署護軍統領、貽穀。都察院左副都御史奕杖、慶福。

五字

硃筆圈出者隨扈：

吏部左侍郎陳學棻。硃○兵部左侍郎葛寶華、○右侍郎李殿林。○刑部左侍郎徐承煜、右侍郎梁仲衡。工部右侍郎李端遇。內閣學士陸潤庠、陸寶忠。都察院左副都御史曾廣鑾、○何乃瑩。

(上諭檔)

七六一 著榮祿等激勵官兵奮勇立功事懿旨

光緒二十六年七月十七日(一九〇〇年八月十一日)

軍機大臣面奉慈禧端佑康頤昭豫莊誠壽恭欽獻崇熙皇太后懿旨：傳諭榮祿、董福祥，激勵統帶營官兵丁等奮勇立功，從優破格獎賞。卽刻傳知各處，張貼告示。欽此。

(上諭檔)

七六二 著獎賞董福祥事懿旨

光緒二十六年七月十八日（一九〇〇年八月十二日）

光緒二十六年七月十八日，內閣欽奉慈禧端佑康頤昭豫莊誠壽恭欽獻崇熙皇太后懿旨：董福祥著在紫禁城內乘坐二人肩輿。欽此。

（上諭檔）

七六三 著剛毅幫辦武衛軍事務事上諭

光緒二十六年七月十八日（一九〇〇年八月十二日）

軍機大臣面奉諭旨：協辦大學士·吏部尚書剛毅著幫辦武衛軍事務。欽此。
交榮、剛，七月十八日。

（上諭檔）

七六四 王之春奏爲續撥司庫款項以爲增兵設防之需事摺

光緒二十六年七月十八日（一九〇〇年八月十二日）

頭品頂戴·安徽巡撫臣王之春跪奏，爲安徽省增兵設防，餉需不繼，續撥司庫款項，以資接濟，恭

摺仰祈聖鑒事。

竊自中外釁開，各國聯軍內犯，前津沽被佔，現仍增調兵艦，紛至沓來，行蹤飄忽，恐其擣虛抵隙，江海同時震驚。臣連奉寄諭，飭令派兵北上，及保守疆土，布置戰守事宜。察度地方情形，欽遵熟籌妥辦，業經次第覆奏在案。就徽省大局而論，幅員則陸多於水，形勢則水重於陸。省城爲根本重地，縮穀大江下，而東西梁山險隘所在，蕪湖商埠亦交涉要區，故江防與海防互爲表裏，均非駐有重兵，未能有恃無恐。其沿江兩岸各屬，梟、會等匪往往糾黨橫行，輒爲民患。其距江稍遠南路甯、池、太等屬，客民勢盛，率多桀驁不馴，散則務農，聚則爲盜。北路鳳、潁、泗等屬，爲從前捻逆故巢，民貧而悍，伏莽尤多，一聞外患憑陵，到處謠言蠶起，託辭仇教，皆有蠢蠢欲動之機。必須懾以兵威，庶可遏其萌蘖。原有練防營隊，分布不敷，是以籌畫增兵，申嚴防務，添募湘勇、皖勇各營，經臣先後奏明。

嗣皖北各屬與齊、豫、蘇交界之區，謠傳刀會匪徒乘機思起，邊境遼闊，巡緝難周。皖南所添新勇，全數駐紮蕪湖，內地兵單，教、會等匪時虞不靖，故又飭各就本處添招二營。省城近撥武衛楚軍步隊四營、定安馬隊四哨並營務處親兵，赴京入衛，防營仍覺單薄。設使長江下游江蘇一帶有警，須調皖兵接應，抽撥亦甚爲難，因再續招湖勇五營，以備緩急徵調。又以省垣庫儲重要，復招定安親兵一營，常留鎮護。此固審時度勢，爲慎固封守之計，實皆迫於不容已者也。

惟是防營增益，需用浩繁，湘勇自遠招來，餉照湘軍章程發給，其數本較皖省餉章爲優，現皖勇若令仍照舊章，未免相形見絀。且此時銀賤物貴，兵勇度日維難，欲用其力，必先顧恤其身，能結其心，乃

堪鼓勵其氣。現擇省防與分駐沿江要地之練軍防勇，酌加月餉，統計每月所需爲數甚巨。至於營務要需，軍火爲重，皖省限於款絀，存儲本屬無多，勻撥新增各營，殊形不足。有兵而無械，豈徒手所可交鋒；有槍礮而無子藥，豈空器所能禦敵？臣咨商兩江總臣，已承協撥新式槍枝，隨配藥彈，由皖委員領運來皖。此際江南防務重於安徽，應用孔繁，未敢請益，是以臣又派員前赴上海，與各洋行商購洋槍子彈，幸訂定購數本早，尚無戰事阻格，其件數、銀數由臣另片奏陳。加以新增各營招募有費，製辦號衣、帳棚等項有費，北上隊伍先發三箇月餉銀，諸用畢集，前次借撥藩司庫銀三十萬兩，一經分給，已少餘存。此又時艱勢逼，立待支發之需，實皆迫於不容緩者也。

臣統觀大局，寇患方張，軍事一日未平，卽防範一日難弛，而餉項需亦一日不能輕減。皖省圻封，係臣專責，必先期轉輸不匱，而後能防禦無疏。無奈地方異常瘠苦，餉源枯竭，籌措極難，仰屋興嗟，深虞度支不繼，有誤事機。督同藩司再三商酌，惟有再於司庫借撥銀三十萬兩，無論何項，移緩就急，照數撥解防軍支應，爲接濟目前要需。仍當撙節開支，不敢稍涉浮濫，一面設法策畫，以期逐漸解還。相應奏明請旨，飭部查照立案。

所有增兵設防，餉需不繼，續撥司庫款項緣由，謹繕摺由驛具陳，伏乞皇太后、皇上聖鑒訓示。謹奏。

光緒二十六年八月二十九日奉硃批：著照所請。戶部知道。欽此。

（軍機處錄副奏摺）

七六五 著各省督撫飛飭各軍迅即援京事上諭

光緒二十六年七月十九日（一九〇〇年八月十三日）

軍機大臣字寄各省督撫，光緒二十六年七月十九日奉諭：現在敵氛逼近都城，各省援兵到者不多。錫良等所部各營，據報起程多時，尚無到京消息，難免無沿途逗遛情事。即著各該督撫飛飭派出各軍，無分星夜，迅即兼程前進。並著沿途經過各省隨時查催，如有意耽延，應即嚴參，以軍法從事。安徽、河南一帶，民情果敢可用，所有招募成軍已經訓練者，著各該省續行添撥，派員管帶，迅速來京。總兵劉光才尚屬宿將，並著劉坤一迅飭該總兵，統領所部，星馳北上。該軍原紮之處並皖、豫等省練軍續行來京，其原紮地方如慮空虛，各就本地籌餉，另行招募填紮，為移緩就急之計，以維大局。將此由六百里加緊各諭令知之。欽此。遵旨寄信前來。

（上諭檔）

七六六 著劉坤一於江南等省多買糧食運京事上諭

光緒二十六年七月十九日（一九〇〇年八月十三日）

軍機大臣字寄兩江總督劉、山東巡撫袁，光緒二十六年七月十九日奉諭：袁世凱奏，運京糧食東省現難採買，請飭江南等省多買，以資接濟。等語。著劉坤一即飭轉運總局道員惲祖祁等，趕向產米

省分多爲採買，源源運京，以資接濟。秋收將屆，東省如有可購之糧，仍著袁世凱設法採運。原片著鈔給劉坤一閱看。將此各諭令知之。欽此。遵旨寄信前來。

(上諭檔)

七六七 錫光奏陳接濟團民管見摺

光緒二十六年七月十九日(一九〇〇年八月十三日)

委散秩大臣·世襲一等昭武侯奴才錫光跪奏，爲安民固本，以垂永遠，敬陳管見，恭摺仰祈聖鑒事。

竊奴才跪讀光緒二十六年五月二十五日詔旨，嚴切誓滅洋夷，同時雖髫齡幼子，無不禦侮效忠，神人共憤。義兵效勞兩月之餘，張國之威，大申天討，此皆仰賴我皇太后、皇上深仁厚澤，德洽於天，使萬人一心，翦彼凶饑，尅期殄滅。又讀五月二十九日聖訓，仰蒙皇太后恩賞團民，使其同心戮力，共建殊勳。跪讀之餘，莫銘欽佩。

惟念團民聯絡京外，日久糧費不足，無力接濟，深恐懈生。若不預爲設法，惟恐漢奸從中撥弄，解散拳民，致傷兵力，貽害不堪設想。伏查團民設壇，起於村戶，殷實之家爲之首善，練習者多係農民。兩月以來，征調各處，往返川資，均歸首善。如京西白溝河一帶而論，多至四萬餘衆，惟恐遲延時日，各村無力捐助，仍由自備資斧，深恐團民藉口解散，以至不可收拾。其各團壇主，亦因之裹足不前。若不

破格獎勵，無足以資酬勞。擬請援照康熙、雍正年間，擇其戒嚴省分，豁免地丁，該團等得以雨露均霑。仰或仿照山東鹽運使豐紳泰捐助銀兩，再為倡捐殷實大員及曾任關稅優差，亦足以資普惠。則已練團民不難精益求精，未習者自必踴躍兵事。

溯查咸豐庚申以來，我朝屢戰洋夷，於中停止，推原其故，一病官讜，一病民不干兵。各國傳教以來，今已三十餘載，素知民心堅固，未敢任意強橫。所以不得力者，民也。前因康黨亂政，謠言四起，人民紛紛投逆，竟作奸謀。忠義之士，同仇敵愾。今民習學義和團，實天假手於民，神人共憤，使我得洒庚申之耻，共滅諸國，以歸舊制。誠如聖訓：大張撻伐，一決雌雄。伏願我皇太后、皇上明降詔旨，督令將士，迅速進兵，普惠團民，激勸天下民力，痛滅洋夷。及大小臣工有莠言亂政、甘心從逆者，即刻嚴誅，以淨夷黨而杜亂言。實為天下幸甚，國家幸甚。

奴才為安民固本以垂永遠起見，謹就管見，披瀝直陳，是否有當，伏乞皇太后、皇上聖鑒。謹奏。

（軍機處錄副奏摺）

七六八 劉坤一奏請仍准劉光才駐紮江寧緩赴山西本任片

※光緒二十六年七月二十日（一九〇〇年八月十四日）

再，准山西巡撫毓賢電稱：晉省防務緊要，已奏請派劉光才帶所部三千人速赴本任。等因。查劉光才前蒙恩命，補授山西大同鎮總兵，因在江寧統帶親軍七旗，扼守下關等處砲台，歷有年所，深資得

力，奏准緩赴本任。江寧爲省會要區，兵力未厚，江干防勇僅祇親軍七旗與衡字三營，係屬久練之師，總計不過四千人。餘皆新募，尚須認真訓練。當此江防喫緊，處處戒嚴，一有警信，卽當協力抵禦。該總兵情形甚熟，聲望亦優，帶隊駐紮下關地方，責任甚重。若率所部調赴山西，是江寧既無得力之將，又少得力之兵，沿江要隘僅祇舊勇千餘，實形單薄，設有疏虞，臣不敢當此重咎。惟有仰懇天恩，俯念江寧省會濱臨大江，爲北上餉械必由之地，較諸山西尤關緊要，仍准劉光才照常駐紮，以資戰守。俟軍務稍鬆，再行酌量飭赴本任。

理合附片陳請，伏乞聖鑒訓示。謹奏。

光緒二十六年七月二十日奉硃批：昨已有旨，令劉光才迅速帶隊來京。著仍遵前旨飭催起程，毋任刻延。欽此。

（軍機處錄副奏摺）

七六九 長順等奏請撤去義和二字專辦團練摺

光緒二十六年七月二十四日（一九〇〇年八月十八日）

奴才長順、成勳跪奏，爲吉林義和團良莠不齊，自相攻殺，擬請撤去義和二字，專辦團練，以遏亂萌，恭摺具奏，仰祈聖鑒事。

竊奴才長順前奉諭旨：著各就地方情形，分練義和，以資戰守。等因。欽此。欽遵設立團練總局，

揀派官紳，經理團務，一面延致拳師，設壇分練拳法。嗣奴才成勳奉命充義和團練大臣，會同長順，招集團民，認真操練。當經奴才長順將原設各壇撥歸奴才成勳經理，並籌撥銀三萬兩，以期逐漸擴充。練未一月，而邊警日至，各外城均請撥拳民以助兵力不足。奴才等因所練拳民無多，又恐操練未精，不能應敵，遂電商增祺，由奉撥派法師敬際信，率帶拳勇二十四名來吉教演。不料該法師一人吉境，沿途復收無賴數十人爲徒，到處騷擾，肆行殺戮。入城之日，商民皆設香案，道旁觀者，都令長跪，不跪者刺刃於其胸。師徒裝束詭異，與從前髮、捻各匪相似。師乘轎，徒各執刀以衛，入署來見，分庭抗禮，儼然以神佛自居，幾忘其爲平民也。到未三日，殺教民二人，一支解之，並剥其皮。徒衆晝夜遊行，傷人奪物，不一而足。於是不逞之徒，慕彼威勢，羣相趨從，如螳附羶，其勢寔盛，閭城人心惶懼。奴才等催赴前敵，而彼全不以禦寇爲意，任意遷延。並自刊木質印信，文曰：欽命奉天義和神拳總壇各團敬印，出示曉諭，張貼街市，於是省中原有各壇羣抱不平，時思闢法。奴才等因其擾累過甚，疑爲假充，正擬拏辦，詎該法師已於七月二十日夜爲各壇毆傷，砍取首級，其徒黨六十餘人，同時一併擒獲，起出寶銀、銀圓並金銀首飾、女衣、煙土、煙膏、偽印、抬槍、火槍、洋礮等物，稟經奴才等飭交發審局提訊，究出沿途擾害殺戮情形，幾與盜賊無異，甚有全家被殺者。所獲銀物器械，皆係沿途訛索搜搶而來。奴才等現擬將該假拳民分別懲治，藉此以敬效尤。

伏思古來邪術之亂天下，其始亦嘗假託仁義，顯示神奇，迨信服衆多，邪正雜亂，妖妄亦興，於是人心囂然不靖。今日義和團之釀成禍亂，同出一轍，若不早思遏抑，將來流毒，伊於胡底。況外人合以謀

我，自以平亂爲名。是義和二字，僞者固足擾民，真者亦適以召侮。奴才等現擬將省中原練數百人併作一營，以營制鈐束之，不再多練。相應請旨撤去義和二字，專辦團練，聊資保衛。並由奴才等咨會伯都訥副都統·義和團練大臣嵩崑，一律辦理。

奴才等爲崇正黜邪、預遏亂萌起見，是否有當，謹合詞恭摺具奏，伏乞皇太后、皇上聖鑒訓示。謹奏。

光緒二十六年十二月二十九日奉硃批：著照所請。該部知道。片併發。欽此。

(軍機處錄副奏摺)

七七〇 著廷雍傳諭各省將京餉解至保定以接濟行在事上諭

光緒二十六年七月二十五日(一九〇〇年八月十九日)

軍機大臣字寄護理直隸總督廷，光緒二十六年七月二十五日奉上諭：現在朕恭奉慈鑾暫幸太原，隨扈官兵及內府日用所需，亟須撥款解濟。所有東南各省京餉，著廷雍通行各屬，傳諭各省解員，一律運至保定省城，由該護督照收儲庫。仍將行在所需經費，於此項內源源委解，以資接濟，毋稍延誤。欽此。遵旨寄信前來。

(上諭檔)

七七一 軍機處交片：著何乘鰲分別收編資遣散勇事上諭

光緒二十六年七月二十六日（一九〇〇年八月二十日）

交宣化鎮總兵何，本日軍機大臣面奉諭旨：朕恭奉慈輿巡幸太原，深恐隨扈兵勇，於所經州縣鄉鎮，或有滋擾，已飭帶兵各員嚴加約束。乃近聞頗有逃兵散勇，百十爲羣，託名扈從，沿途肆行搶掠，以致民多逃匿，市肆一空，尚復成何事體！且似此警不畏法，尤恐流而爲匪。著何乘鰲將原帶之正定練軍四營，卽由保定調回，帶同馳往宣化至大同一帶，查明此項散勇，嚴行截止。其有營可歸者，派弁押回原營。若無營可歸，卽擇其年力强壯技藝優嫻者，編立兩營，認真訓練，以備調遣；凡老弱疲惰不願從軍者，概將軍械收回，資遣歸籍。所需經費，由行營前路糧臺給發。儻仍敢結黨行強，不受約束，卽照軍法從事，以肅軍政而靖閭閻。該總兵務當振刷精神，實力辦理，勿稍延誤。欽此。相應傳知貴總兵欽遵辦理可也。此交。

（上諭檔）

七七二 著馬玉崑節制孫萬林等軍分紮後路事上諭

光緒二十六年七月二十七日（一九〇〇年八月二十一日）

軍機大臣字寄提督馬、總兵孫、總兵萬、副都統奇，光緒二十六年七月二十七日奉諭：孫萬林、萬

本華、奇克伸布三軍，均著歸馬玉崑節制，調赴後路，扼要分紮。馬玉崑務須認真約束，儻沿途行走及駐紮地方有騷擾情事，卽著馬玉崑據實嚴參，定當將各該統帶從重治罪。該三軍卽著分日拔隊啟行，毋庸隨扈西上。欽此。遵旨寄信前來。

(上諭檔)

七七三 著賞給岑春煊以頭品頂戴事上諭

光緒二十六年七月二十七日(一九〇〇年八月二十一日)

光緒二十六年七月二十七日内閣奉上諭：甘肅布政使岑春煊著賞給頭品頂戴。欽此。

(上諭檔)

七七四 著吳永以知府留省候補先換頂戴事上諭

光緒二十六年七月二十七日(一九〇〇年八月二十一日)

光緒二十六年七月二十七日内閣奉上諭：直隸懷來縣知縣吳永，著以知府留於本省候補，先換頂戴。欽此。

(上諭檔)

七七五 端方奏爲遵旨安置教士教民事片

光緒二十六年八月初四日（一九〇〇年八月二十八日）

再，奴才前閱邸鈔，光緒二十六年六月初六日奉上諭：各直省屢有民教相仇之事，總由地方官辦理不善，激成事端。其實教民亦國家赤子，其中非無良善之徒，祇因惑於邪說，又恃教士爲護符，以致種種非爲，執迷不返，而民教遂結成不可解之仇。著各督撫通飭曉諭，教民中有能悔悟前非、到官自首者，均准予自新。並諭知民間，凡有教民之處，准其報明該地方官，聽候妥定章程，分別辦理。現在中外既已開釁，各國教士應卽一律驅遣回國，仍於沿途設法保護爲要。該督撫等，當體察各處地方情形，速爲籌辦。等因。欽此。仰見朝廷於消息未萌之內，仍寓懷遠以德之心，欽佩無暨。

查陝省地處西隅，各屬教堂不及東南之衆，教士、教民因勢稍孤子，安分者多。邇因津沽事起，省垣及近省各洋人自設戒心，願歸其國。奴才仰承德意，均飭保護遄歸。

六月二十一、二十八等日，兩奉電傳諭旨：各國洋商、教士在通商各埠、各府州縣者，按照條約，一體認真保護。欽此。伏查陝西向無商埠，其近省各屬寓居之洋人，業經護送出境。南北山一帶現存教士，勸其返國，尚多遷延未行。疊奉聖諭肫詳，益當飭屬認真保護。近接湖廣督臣張之洞咨稱：去陝洋人多已行抵漢口，沿途均尚無虞。其各屬教民，現飭地方官聽候妥定章程至日，再行遵照分別辦理。

所有現在安置教士、教民大概情形，謹附片具陳，伏乞聖鑒。謹奏。

硃批：該衙門知道。

（軍機處錄副奏摺）

七七六 軍機處交片：著隨扈及留防各軍造具清冊以備查驗事上諭

光緒二十六年八月初六日（一九〇〇年八月三十日）

交神機營、虎神營、十處練軍營王大臣，甘肅提督董、直隸提督馬，本日軍機大臣面奉諭旨：此次隨扈各軍，旗兵漢勇爲數不少，其中有接仗傷亡營數不齊者，有臨時潰敗人數不足者。前日召見馬玉崑，亦稱原統二十營，約計現存不過一半。等語。推之各營情形，當復相同。若不亟加整理，何以清軍額而重餉需。著神機營、虎神營、十處練軍營王大臣，董福祥、馬玉崑等各統領，即日造具清冊，分別隨扈及留防後路兩項，咨送軍機處，請旨派員點名查驗，以昭覈實。至榮祿帶往保定之張春發、陳澤霖、余虎恩各軍，或甫調到防旋即潰散，或甫經招募尚未報齊。張春發尚能一戰，陳澤霖並未成列，李秉衡前奏，言之尚有餘恨。是其散漫情形，當有更甚於隨扈各軍者。並著榮祿併同曾經接仗之武衛各軍，遴委直隸司道大員，同日點驗。即使續有募補，亦應截清住支起支月日，不得任聽含混開報，始終以原定餉額請領。仍將點名冊咨送軍機處備查。又夏辛酉一軍現在何處，是否已回山東？即著袁世凱一體查明辦理。欽此。相應傳知貴王大臣、提督欽遵辦理可也。此交。八月初六日。

另照錄知會榮○、袁世凱，又鈔交隨扈各軍。

（上諭檔）

七七七 著授載漪爲軍機大臣事上諭

光緒二十六年八月初七日（一九〇〇年八月三十一日）

光緒二十六年八月初七日內閣奉上諭：端郡王載漪，著授爲軍機大臣。欽此。

（上諭檔）

七七八 著載瀾補授御前大臣事上諭

光緒二十六年八月初七日（一九〇〇年八月三十一日）

光緒二十六年八月初七日內閣奉上諭：載瀾著補授御前大臣。欽此。

（上諭檔）

七七九 著榮祿統籌兼顧力修戰守事上諭

光緒二十六年八月初七日（一九〇〇年八月三十一日）

軍機大臣字寄大學士榮，光緒二十六年八月初七日奉上諭：榮祿現駐保定，前已有旨，令收集各軍，力固省防。惟由直入晉，邊隘甚多，紫荊關尤爲要口，該大學士務當統籌兼顧，或分兵駐守，或扼要嚴防，並多設偵探，以期消息靈通，隨機策應。現在和戰尚無定局，亟宜乘此時力修戰守之備。該大學

士手握兵符，尤當鼓勵各軍，聯爲一氣，俾有事互相援應，庶幾於大局有濟。將此由六百里諭令知之。欽此。遵旨寄信前來。

(上諭檔)

七八〇 德壽爲請代奏派兵解餉並地方情形事致李廷簫等

光緒二十六年八月初七日(一九〇〇年八月三十一日)

謹將八月初七日廣東來電錄呈。

萬急。太原。李護撫台、恩署臬台同鑒。亥密。魚奉江電謹悉。兩宮駐蹕在晉，稍紓憂急。近日計已抵省，仍乞代奏，跪請皇太后、皇上聖安。

德壽於六月二十日接兼署督篆，懍遵疊次籌餉籌兵諭旨，於常年京餉外，另籌三十萬兩，分批解由清江轉運局採辦米石，以資北援勇營。原派劉永福全軍前往，嗣奉寄諭嚴催，復經飛飭拔隊啟程。據報已於七月十二日兼程前進。以上兩節，均電總署代奏，未卜是否達到。以後應解餉項，自應提前委解行在呈交。惟劉永福一軍，應否電飭改赴西省，伏乞代奏請旨。

粵省自北方告警以來，節經添募勇營，並將虎門、長洲各臺礮勇一律募足，責成各將領嚴密防範。現在地方尚稱靜謐，民教亦屬相安，足紓聖慮。

除專弁恭摺具奏外，統乞代奏，並祈電復。德壽謹叩。陽申。印。

(軍機處錄副奏摺)

七八一 廷雍奏爲鑾輿西巡專陳敬慰事摺〔一〕

光緒二十六年八月初七日（一九〇〇年八月三十一日）

暫護直隸總督·布政使奴才覺羅廷雍跪奏，爲恭聞鑾輿西巡，專摺敬慰，仰祈聖鑒事。

竊自天津不守，敵氛逼近京畿，於七月十五日後，自京至保定一路文報不通，偵探員弁音信隔絕。至二十三日以來，各營潰勇成千累萬，紛紛而下，到處搶奪，民不堪命。遠近傳喧，有洋兵已闌入京城，皇上奉皇太后西巡之說。奴才聞之，心身若失，手足無措，北望京師，神馳不已。立即密派員弁，分路偵探。正深焦灼間，適二十六日大學士榮祿、戶部尚書崇綺西來經此，備述情形，惟云我皇上恭奉皇太后慈輿出居庸關西行，至駐蹕何處，伊亦未知的確。奴才聆悉之下，愧憤難名，凡爲臣子，罪何以容？

伏思此次京津之亂，所患內外紛乘，屢失事機，遂成燎原之勢，實爲史冊所罕見。如此事起倉卒，以致儀仗未備，司膳未隨，雖有王大臣及提臣等帶兵隨扈，而山徑崎嶇，道路遼遠，寒暑風雨，想像蹕路艱辛，不勝馳繫之至。奴才時以藩司甫護督篆，任重事亟，勢難奔赴行在。雖飛飭沿途地方官敬謹供奉，第恐趕辦不及，勢必在在簡陋。奴才撫心自問，悚疚萬分。所幸榮祿於途中截留京餉及鐵路經費等銀，飭派陝西臬司升允押解西行，以資進用。奴才復思御前服用及官兵餉糈度支浩繁，自應寬爲籌備，當與榮祿、崇綺公同電告各省，將各項京餉改解山西一帶，探明行在確交，以期源源接濟，無誤要

〔一〕此件爲故宮明清檔案部編《義和團檔案史料》所收同日廷雍片之正摺。

需。

再，奴才不得苟延殘喘，力支危局，當與榮祿、宋慶商酌，將潰勇趕緊收伍及分別資遣，並佈置獲鹿一帶及留防近省南北各營，以冀稍道臣子之責。惟願綸音宣布，俾各省疆臣共圖扶維之計，早復京師，還御宸極，以慰天下臣民之望。奴才雖極愚鈍，尤當奮勉效命，以期仰副聖懷。

所有奴才仰慰下忱，理合恭摺由驛五百里馳陳，伏乞皇太后、皇上聖鑒。

再，此摺係七月二十八日拜發，專差行至良鄉迤北，路阻折回，由奴才另繕。合併聲明。謹奏。

硃批：覽奏具見悃忱。仍著慎守封疆，整肅吏治，以固人心而維大局。並將由直入晉南北各要隘嚴密籌防，勿稍疏誤。

（軍機處錄副奏摺）

七八二 著榮祿仍坐鎮保定調度各軍事上諭

光緒二十六年八月初八日（一九〇〇年九月一日）

軍機大臣字寄大學士榮，光緒二十六年八月初八日奉上諭：榮祿等奏，退駐保定及派兵解餉拱衛行在各摺片。獲鹿爲人晉衝途，自應派撥重兵前往扼紮。惟保定爲省城重地，距京較近，且係獲鹿後路，該大學士仍當駐此調度，毋庸前往獲鹿。各軍新敗之後，不免挫喪銳氣，安得大枝生力軍，以振其氣？至張春發、陳澤霖兩軍誠不得力，然與其回駐淮徐，虛糜餉項，不如就現存人數嚴加淘汰，重整營

規，俾壁壘一新，足資調度。若另募新軍，無非各處潰兵散勇，濫竽充數，又安見其必能得力耶？以上各節，該大學士務當殫精竭慮，以求至當。仍安心坐鎮，勿稍紛營，是為至要。將此由六百里加緊諭令知之。欽此。遵旨寄信前來。

交原摺差回遞。

(上諭檔)

七八三 著開去載漪御前大臣差使事上諭

光緒二十六年八月初九日(一九〇〇年九月二日)

光緒二十六年八月初九日內閣奉上諭：端郡王載漪現已授為軍機大臣，著開去御前大臣差使。欽此。

(上諭檔)

七八四 軍機處奏為遵擬王貝勒等津貼數目事片

光緒二十六年八月初九日(一九〇〇年九月二日)

遵擬王、貝勒等津貼數目，恭候欽定。親王、郡王每日六十兩。貝勒、貝子每日三十兩。入八分公以下各照品級支給。以上所擬各數是否有當，請旨遵行。謹奏。

光緒二十六年八月初九日軍機大臣面奉諭旨：親、郡王每日給銀六十兩。貝勒、貝子每日給銀三十兩。入八分公每日給銀十五兩。餘依議。欽此。恭錄由六百里知會大學士崑岡、署直督廷雍。

現在隨扈王公大臣等名單：莊親王載勛、肅親王善耆、喀爾喀札薩克親王那彥圖，端郡王載漪，貝子溥倫、毓櫛，公爵載瀾、桂祥、博迪蘇、載澤、定昌、志鈞，將軍載振、溥儀，都統芬車，副都統蘇嚕岱、敬昌，協辦大學士剛毅、王文韶，刑部尚書趙舒翹，戶部左侍郎英年，禮部右侍郎桂春，工部右侍郎溥興，內務府大臣繼祿，內閣學士貽穀，日講起居注官侍講王埏。御前侍衛、乾清門侍衛，軍機處無從查悉，應由御前大臣開列。合併聲明。

(上諭檔)

七八五 毓賢奏請將湖北京餉江蘇漕糧轉運入晉摺

光緒二十六年八月十二日(一九〇〇年九月五日)

山西巡撫奴才毓賢跪奏，為請旨飭將湖北京餉、江蘇漕糧轉運入晉，恭摺仰祈聖鑒事。

竊以湖南布政使錫良率師入衛，行抵直境，探得聖駕巡幸山西，當將各營暫駐順德府，先行馳赴行在，道出固關，與奴才晤面。聞得湖北管解京餉銀二十萬兩，由武功營護送，已到河南彰德府，暫存縣

庫。應請旨飭知河南撫臣派員協解來晉，以濟餉需。又聞江南漕糧十萬餘石，以日計之，約已運至山東德州。詢得德州由陸起運，六日可達獲鹿，再六七日可抵晉省，運道較捷。現在兩宮巡幸太原，大兵雲集，糧食最關緊要。應請諭知漕運督臣、山東撫臣，速飭江安糧道，將此次漕糧由德州先行運到獲鹿，安設轉運局，再運入晉。並請旨飭知沿途防營各將領，派兵節節護送，以免疏虞而重軍食。奴才以糧餉攸關，誠恐具奏奉旨之後有誤事機，一面將具摺緣由先行分函知照，聽候諭旨欽遵。

再，漕糧由陸起運，應請明降諭旨，准由承運各官自行雇覓車馱，運送來晉，以紓民力而固民心。是否有當，伏乞皇太后、皇上聖鑒訓示。謹奏。

硃批：另有旨「一」。

（軍機處錄副奏摺）

七八六 著痛加剷除義和團上諭

光緒二十六年八月十四日（一九〇〇年九月七日）

光緒二十六年八月十四日內閣奉上諭：朕此次恭奉鑾輿暫幸太原，當經先後派出榮祿、徐桐、崑岡、崇禮、裕德、敬信、溥善、阿克丹、那桐、陳夔龍，充留京辦事大臣。復令慶親王奕劻回京，會同李鴻章，與各國議辦一切事宜。此案初起，義和團實為肇禍之由。今欲拔本塞源，非痛加剷除不可。直隸

〔一〕此旨見故宮博物院明清檔案部編《義和團檔案史料》上冊，第五六一—五六二頁。

地方，義和團蔓延尤甚。李鴻章未到任以前，廷雍責無旁貸。即著該護督督飭地方文武，嚴行查辦，務淨根株。儻仍有結黨橫行，目無官長，甚至抗拒官兵者，即責成帶兵官實力剿辦，以清亂源而安氓庶。欽此。

(上諭檔)

七八七 廷雍存抄李鴻章劉坤一爲議和事來電(計三件)

光緒二十六年八月十四日(一九〇〇年九月七日)(二)

李中堂來電。初五日到。

勘電悉。電商停戰，各國外部均以京內情形未悉，不能定議。保宗廟、宮殿，曾與英提督言，或無礙。此次事變關係太大，鴻早奏明，斷難勝任。頃復奏請添派慶邸、榮相、劉、張二督，會同籌議。榮尚在省，乞先密請候旨爲要。

又電。初八日到。

艷電悉。各國設詞推宕，尚未開議，似須德國所派大帥帶兵到齊，方能集議，要脅必多。是以奏請特派慶邸、榮相等會辦。國事萬難，須共擔荷。望先呈榮相知照，崇公想奉旨留守，並乞致意。戰事應

(二) 此爲抄電日期。

照常嚴備。保、涿一帶若有拳匪嘯聚，須令解散，免洋兵藉詞深入。鴻。支。

南洋劉大臣來電。初八日到。

請速專送榮中堂。京陷已半月，迄無辦法。各國紛議，謂中國現無政府。德續調兵數萬，八月底可到，直隸一帶無所用之，必力攻山東。英調兵至上海，日調兵至廈門，誰肯袖手，瓜分立見。惟有乘德兵未到，各國尚有牽制，趕緊議款，尚可弱而不亡。究未知聖意何如？公必有卓見，望速用萬急電示知，以便與李相及各省妥速籌辦。事機間不容髮，大清存亡在此一舉，萬勿遲疑。坤。支。

（軍機處錄副奏摺）

七八八 廷雍爲議和事致李鴻章劉坤一去電彙抄（計四件）

光緒二十六年八月十四日（一九〇〇年九月七日）〔一〕

謹將由護院致李中堂擇要各電鈔呈鈞覽。

七月二十八日，致電李傅相鈞鑒。亥密。養電敬悉。兩宮已出居庸幸陝，扈從爲禮、端、慶各王，懷、啟、王、趙各尚書。馬、董兩軍門護衛。中堂電商停戰，日來當有端緒，務請先約保我宗廟，幸甚。竊維此次事變，甚於咸豐庚申。庚申之役，洋兵入都，街市無毀，禁城無犯，此次宮廷內藏、京津庫帑，悉

〔一〕此爲抄電日期。

被焚掠。中堂開議，似可列論此兩端，以抵婪索，再約以勿肆殺戮蒼生。幸甚。廷雍。勘。印。

七月二十九日，致電李傅相鑒：前呈勘電，計呈鈞覽。時局岌岌，開議究竟如何，抑仍須嚴備戰事？祈卽電覆。不勝切禱。廷雍。艷。印。

八月初九日，致電李傅相鈞鑒：亥冬支電讀悉。同日又奉峴帥電，亦以各國要脅鴟張，囑轉榮相等因。奈榮相於初八由保起程，於獲鹿一帶布置防營，再赴行在，不免耽擱，恐誤事機。除飛呈榮相外，當將中堂及峴帥兩電另錄，由驛六百里加緊排遞行在軍機處，請爲代奏請旨。然事機萬急，卽請中堂與峴帥一面開議，一面候旨遵行，以維大局，出自鈞裁。廷雍叩。佳。印。

八月初九日，致劉大臣電。劉制台鈞鑒：囑轉榮相支電讀悉。榮相已於初八早乘火車往定州，卽赴行在。雖將原電飛送，第恐榮相中途或有耽擱，當卽另錄，并人同日傳相來電，彙函由六百里排遞行在軍機處，請爲代奏，請旨遵行。事機既屬萬緊，擬請尊處與傅相一面先行開議，一面候旨遵行，以免延誤之處，出自尊裁。廷雍叩。青。印。

（軍機處錄副奏摺）

七八九 著董福祥仍節制甘軍扼要駐紮事上諭

光緒二十六年八月十九日（一九〇〇年九月十二日）

軍機大臣字寄大學士榮、甘肅提督董，光緒二十六年八月十九日奉上諭：保定以西，甘軍駐紮甚多，仍著歸董福祥節制調遣，在於獲鹿、井陘、固關一路扼要駐紮。該提督務須整飭營規，嚴加約束，如有滋擾地方情事，惟該提督是問。榮祿著毋庸接統。將此各諭令知之。欽此。遵旨寄信前來。

（上諭檔）

七九〇 著壽山開缺聽候查辦事上諭

光緒二十六年八月十九日（一九〇〇年九月十二日）

光緒二十六年八月十九日內閣奉上諭：壽山著開缺，聽候查辦。黑龍江將軍著延茂補授，即赴新任，毋庸來見。未到任以前，著薩保暫行署理。欽此。

（上諭檔）

七九一 著晉昌開缺聽候查辦事上諭

光緒二十六年八月十九日（一九〇〇年九月十二日）

光緒二十六年八月十九日內閣奉上諭：晉昌著開缺，聽候查辦。盛京副都統著訥欽補授。欽此。

(上諭檔)

七九二 端方呈長庚奏請見駕事電稿

光緒二十六年八月十九日(一九〇〇年九月十二日)

護理陝西巡撫·布政使端方，謹將伊犁將軍長庚電請速轉行在軍機處祈代奏電底錄呈鈞鑒：奴才長庚跪請皇太后、皇上聖安。奴才接直隸藩司電，驚悉鑾輿西幸，憂憤無地。竊維時艱至此，非固守中原，先斷敵人來路，合天下之力，激勵將士，再舉再奮，無以克敵圖存，業經具摺馳陳。可否容奴才馳覲天顏，面聆聖訓，然後出糾義旅，聯合各疆臣，力圖恢復。

至伊犁邊外前駐俄兵，現已撤去，地方安靜，防務有新疆撫臣饒應祺督飭鎮道等官，嚴密防守。將軍篆務，查有駐塔城伊犁副都統春滿，知兵善戰，邊情最熟；駐伊犁副都統拉禮，諳練老成，熟習滿漢公事。可否仰懇天恩，准將春滿調回伊犁署理，抑或令拉禮就近署理，伏候欽定。新疆兼臬司·鎮迪道潘效蘇，才堪應變，聞督臣魏光燾奏調，奴才現已電商魏光燾，請令暫緩入關，改調伊犁幫辦防務事宜，更爲有益。奴才愚慮，竊以宗社大計根本爲重，倘值邊事有急，跪聆聖訓後仍可馳回籌辦。是否有當，伏乞聖鑒訓示。謹電奏。長庚。魚。

(軍機處錄副奏摺)

七九三 林福彭爲奉札嚴禁拳民聚衆事致各屬札並頒曉諭稿

光緒二十六年八月十九日（一九〇〇年九月十二日）

奉道憲方爲札飭事。

案照中外肇釁，起於民教相聞，以致激成兵端。現在中外停戰議和，所有各屬亂民拳匪，應由各地方官剴切出示曉諭，務令追悔前非，各自解散，農民速即歸耕，工商復安故業，庶可身家永保，長享太平。倘敢仍前安爐聚衆，造言生事，該地方官等應即查明，隨時稟請懲辦。

除分札飭遵外，合亟札飭。札到該府，立即遵照，分行各屬，督飭地方保甲團練各局，妥爲出示曉諭。倘有前項亂民拳匪逞忿尋仇，任意殺害，悖上天好生之德，違聖神仙佛慈悲救世之心，則是自取滅亡，悔將無及。該管官吏一經查明，應即分別通報，稟請營隊前往剿拿。仍將實在情形，隨時具報查核，毋稍徇延。切切。此札。等因。

奉此，除分行遵照，並出示曉諭外，合亟札飭。札到該○，立即遵照，督飭地方保甲團練各局，妥爲出示曉諭。倘再有前項亂民拳匪，安爐聚衆，造言生事，以及逞忿尋仇，任意殺害，該官吏應即分別通報，稟請營隊前往剿拿。仍將實在情形，隨時具報查核，毋稍徇延。切切。此札。二十六年八月十四日行。

十六日到。札行六屬，並札發繕就告示多張，各處粘貼。

署府正堂林全銜，爲剴切曉諭事。

案奉道憲方札飭：中外肇釁，起於民教相聞，以致激成兵端。現在中外停戰議和，所有各屬亂民拳匪，應令追悔前非，各自解散，農民速即歸耕，工商復安故業，庶可身家永保，長享太平。倘敢仍前安爐聚衆，造言生事，該地方官等應即查明，隨時稟請懲辦。令即分行各屬，出示曉諭。等因。

查各屬多有亂民拳匪，嘯聚滋事，疊經本府出示曉諭解散在案。茲復接奉前因，除分行各屬出示曉諭外，合亟出示剴切曉諭。

爲此示仰各地方保甲團練、居民人等一體知悉：倘再有前項亂民拳匪，逞兇尋仇，任意殺害，悖上天好生之德，違聖神仙佛慈悲救世之心，則自取滅亡，悔將無及。自此次示諭之後，如再不知悔改，惟有派撥營隊前往剿拿，屆時玉石俱焚。本府雖有一片婆心，亦不能爲爾等曲宥也。切切。特示。八月十九日稿。

（清代各衙門檔）

七九四 林福彭爲請商調營兵剿辦拳民事稟方恭劄文稿

光緒二十六年八月二十二日（一九〇〇年九月十五日）

稟道憲。敬稟者：竊卑府於八月十六日，奉到憲札，以：現在中外停戰議和，所有各屬亂民拳匪，應由各地（方）官出示曉諭，飭令各自解散，農民歸耕，工商復業。倘敢仍前安爐聚衆，造言生事，該地方

官等應即查明，隨時稟請懲辦。等因。

奉此，卑府自津陷後，即率民團練勇，由楊柳青至獨流、靜海、青縣、興濟一帶，撫輯難民，彈壓潰兵、拳匪，沿路尚稱安靖。旋抵滄州暫駐，稍釐積牘。探聞各屬鄉僻處所，時有拳匪滋事，並據紳民控告有案。隨於八月初三日，遴委分省補用知縣陳令鏡心、候補縣丞蔣彥鈞，赴靜海、青縣，候補知縣彭令庚孫、候選縣丞孫錦堂、補用守備張登科，赴南皮、鹽山、慶雲等邑，會同該地方營汛各官，傳集紳士，隨處諄勸，並出示曉諭，立時解散，各安生業。適與憲意相符，曷勝敬服。

現據該員等稟稱：自赴各處遵諭辦理，所有拳匪頗多悅服，毀爐解散。無如飢民太衆，間有無家可歸者，仍在隱僻村莊聚衆生事。經卑府面商請梅軍門撥隊馳往，以冀剿撫兼施，速清地面。乃此間營伍無多，不敷分布，且滄州時有謠言，百姓惶惑，所有防勇未便盡行出隊。是以兵往匪散，兵歸匪聚，一時猝難就緒。此卑府抵滄州以後，辦理拳匪實之在口情形也。

正在爲難之際，適奉憲札，有拳匪倘敢仍前安爐聚衆，應即查明，隨時稟請懲辦之諭，各屬紳民同聲感戴。爲此據實稟陳，伏乞憲臺賜商之就近各營，派隊痛剿，但得兵威稍振，匪勢即可漸衰。卑府爲綏靖地方起見，是否有當，仰祈訓示遵行。莠民幸甚。專肅寸稟，恭叩鈞安，伏乞垂鑒。

卑府謹稟。八月二十二日稿，即日印發。

七九五 敬信奏報聯軍佔踞京城各旗營衙署大概情形摺

光緒二十六年八月二十四日（一九〇〇年九月十七日）

奴才宗室敬信跪奏，為奏聞事。

查京城戒嚴，自七月二十日夜內各國洋兵進城，分佔各旗地面，奴才現傳詢兩翼翼尉、五營將官，旋據各該旗營稟稱：京城內外各壇，雖有洋兵，幸無大擾，惟倉庫間多被擾，內外城門亦多損壞，暫難啓閉。衙署官廳均經洋兵分踞，旗營官弁兵丁，一時猶難傳集。等情。謹將大概情形先行奏聞。俟和議畧定，洋兵撤隊，再行次第整頓，詳細具奏。至步軍統領印信、令符、令箭等件，向來安放步軍統領寓所，今莊親王載勛扈從差次，其印信等件，未知移交何處。合併陳明。為此奏聞，謹奏。

光緒二十六年閏八月初三日奉硃批：步軍統領印信，已由載勛交善耆送京矣。

（軍機處錄副奏摺）

七九六 李廷簫奏為據情代奏劉坤一請調武衛先鋒兩軍事摺

光緒二十六年八月二十五日（一九〇〇年九月十八日）

兼護山西巡撫·布政使臣李廷簫跪奏，為據情代奏事。

竊臣於八月二十四日，准兩江總督臣劉坤一電稱：武衛先鋒左右兩軍回防，已抵山東境內。現在

江南防務吃緊，德人續調重兵，將次到華，該國提督駐滬，有窺伺海州之說。擬將張春發一軍紮海州，陳澤霖一軍紮清江，可否暫歸坤一節制調遣，以一事權，請旨遵行。囑臣代奏。等情前來。理合繕摺代陳，伏乞皇太后、皇上聖鑒訓示。謹奏。

光緒二十六年八月二十五日奉硃批：另有旨。欽此。

（軍機處錄副奏摺）

七九七 著劉坤一節制張春發陳澤霖兩軍事上諭

光緒二十六年八月二十五日（一九〇〇年九月十八日）

軍機大臣字寄兩江總督劉，光緒二十六年八月二十五日奉上諭：李廷簫代奏，劉坤一電稱，請將張春發、陳澤霖兩軍分紮海州、清江。等語。前據李秉衡奏，張春發尚屬奮勇，陳澤霖素不知兵。該兩軍已回江北，究竟天津潰敗之後尚存幾營，著該督仍遵前旨覈實點驗。卽如所請，分別扼紮，統歸該督節制調遣。至陳澤霖是否有用，並著該督詳細察看，據實覆奏，勿稍遷就。將此諭令知之。欽此。遵旨寄信前來。

（上諭檔）

七九八 鹿傳霖奏請早赴西安建立新都以定大計摺

光緒二十六年八月二十八日（一九〇〇年九月二十一日）

頭品頂戴·新授兩廣總督臣鹿傳霖跪奏，爲懇請天斷，早赴西安建立新都，以定大計而繫人心，恭摺密陳，仰祈聖鑒事。

竊維此次拳匪肇禍，激動洋兵，禍起倉卒，都門不豫。幸我皇太后、皇上乘輿西幸，雖備極艱苦，猶足以維繫天下臣民之心。此皆仰賴列祖列宗在天之靈所默佑者也。今派李鴻章等人京議和，而其電奏洋人之言，欲回鑾然後開議，此卽彼族之狡謀，欲誘人坐困，如朝鮮故事，政令悉出於彼，而矯稱諭旨，以號召天下，則人心瓦解，大事去矣。此時彼卽許我撤兵，而咫尺津海鐵路已爲彼修復，旋撤旋來，朝發夕至，從何防範？一思及此，可爲痛哭寒心。且奸細之信函、滬上之洋報，彼所指名索取欲得甘心者，多係朝廷懿親重臣，一旦旋京，豈非自投羅網，獨不知之而不思之乎？自古夷狄侵逼，避地遷都以成中興者，歷代多有。秦中自古帝王州，河山四塞，北有山西、直隸，南有巴蜀、荆楚，東有河南、山東，西有甘肅、新疆，皆可扼險固守。我皇太后、皇上經此艱難，於西安建立新都，卧薪嘗胆，崇儉去奢，任賢使能以圖興。我朝厚澤深仁，民心尚固，彼洋人之議和，見我不隨其誘困之計，所有要挾，或可從減。其必不能從者，尚可從容辯論。若徘徊中途，俟其要挾以難從，然後赴陝，彼時人心又將爲之一驚，且貽彼族以口實，不如及早西巡之爲愈也。

如以臣言爲不謬，務懇聖慈將臣摺留中，勿稍宣露。卽日斷自宸衷，明諭樞臣，降旨分飭秦、晉撫臣，預備人夫車輛，擇期啟鑾，前赴西安，早定遷都大計。如有阻撓諫止者，卽請以臣摺所慮各節折之，或可憬悟無辭。並祈選派親王重臣，駐京留守。仍諭飭各軍，嚴防宣化、大同、保定、正定後路，以期有

備無患。

微臣區區愚忠，不避嫌怨，冒昧密陳，不勝迫切待罪之至。伏乞皇太后、皇上聖鑒訓示。謹奏。

（官中硃批奏摺）

七九九 廷雍奏爲保定添募新軍請飭部立案事摺〔一〕

光緒二十六年八月二十九日（一九〇〇年九月二十二日）

暫護直隸總督·布政使奴才覺羅廷雍跪奏，爲保定添募新軍，規復舊營，恭摺仰乞聖鑒事。

竊查保定省防，向祇練軍馬隊兩營、步隊一營，自拳教構衅，各屬紛紛請兵，不敷分布。本年五月間，經前督臣裕祿飭令添募練軍步隊一營。嗣因津防喫緊，近畿匪徒蠢動，練軍四營，不足以固省防，奴才於六月間在臬司任內，稟前督臣批准，添募步隊四營，名曰振遠軍。旋將前募之練軍步隊一營，撥歸振遠軍，分爲前後左右中五營，並募親軍馬步隊各五十名，爲奴才親軍衛隊。維時天津不守，長蘆鹽運使楊宗濂帶來蘆勇兩營，乏食將潰，當撥歸振遠軍，改爲先鋒親軍左右營。嗣因京津潰勇紛沓而來，誠恐散漫爲患，設法收繳槍械，分別資遣，仍願投營者，挑選精壯，編收隊伍，成振遠副中步隊一營、副前礮隊一營、先鋒親軍步隊一營，共成振遠軍十營，並成衛隊馬步一百名。

再，查保定練軍馬步三營，仍歸舊額。其馬隊兩營，平日放哨撥巡，尚稱得力。其步隊中營，多供

〔一〕此件爲故宮博物院明清檔案部編《義和團檔案史料》所收同日廷雍各片之正摺。

差遣，久曠操防。若再任令照常散處，足啟合營散漫之心，自應嚴加整頓，飭令一律歸伍，認真操練。是以又於潰軍中，精選四百五十名，交巡防營務處，分派看守倉庫及保甲局查街巡夜，並偵探等差之用，其從前派撥各處差遣之練軍，全行撤回歸伍訓練，務使新舊各軍，悉成勁旅。以上新舊各營隊，均係查照裁併淮練軍章程辦理，以期搏節。

所有招募新軍、收遣潰勇、整頓練軍各緣由，謹恭摺具陳，伏乞皇太后、皇上聖鑒，飭部立案施行。謹奏。

光緒二十六年閏八月初三日奉硃批：該部知道。欽此。

（軍機處錄副奏摺）

八〇〇 廷雍奏爲已將淮軍右翼等潰軍補募成營飭剿拳民事片

光緒二十六年八月二十九日（一九〇〇年九月二十二日）

再，淮軍右翼及天津練軍馬步各營，向隸天津鎮，前敵潰敗，經浙江提督呂本元率帶來省。據報馬步共十六營，因河間各屬拳匪猖獗，已飭調往勦辦。又署天津鎮記名提督徐得標，由津帶來安慰等步隊四營，係在津經前督臣飭令臨時招募，到此已多走散。奴才因省防北路兵單，飭令將原有四營人數補足，並添募馬步隊各一營，名曰錦字營，共成步隊五營、馬隊一營。又游擊范天貴，經直隸提督馬玉崑奏調往津，撥帶武衛軍步隊五營，甫及抵津，郡城失守，該軍節節迎敵，由京來省。所部傷亡散失，該

游擊確按現有人數具報，每營祇剩三百人，卽按實數成伍，分爲五旗。現因往剿白溝河一帶拳匪，飭令添募馬隊一百名爲一旗，共成馬步隊六旗。如果兵力不敷，再飭補募成營。以上各軍餉項，均暫時查照各該營餉章，由省籌發。

理合附片陳明，伏乞聖鑒飭部立案。謹奏。

光緒二十六年閏八月初三日奉硃批：該部知道。欽此。

（軍機處錄副奏摺）

八〇一 彭述奏請遷都長安而暫緩啟鑾摺

光緒二十六年八月二十九日（一九〇〇年九月二十二日）

掌山西道監察御史臣彭述跪奏，爲請遷長安，以減後患，暫緩啟鑾，以就和議，恭摺仰祈聖鑒事。

竊臣風聞各國有請皇太后、皇上回鑾之說，又有廷臣恭請速往長安之議，何所適從，在朝廷自有主宰。臣願有請者，數十年來，各國殫精竭慮，力爭北洋要害，無非爲逼近都城，動輒要挾。今若舍而他往，實奪伊等已得之利權，此各國所以有回鑾之請也。咸、同之間，長髮、捻、回逆氛幾滿天下，所失何止數百城，而都城並未震動，卒能以次恢復。今則失一城而天津破，失二城而都城空，若再不爲遷都之計，將日日在危急之中，而爲人所制，後患益不可勝言矣。太原地狹物稀，且現距敵較近，誠不可以久居。長安則關河四塞，爲自古帝王之都，論天下形勢，固未有踰乎此者。但各國恭請回鑾，既已未奉俞

允，且卽遷長安，是不啻各國速之行也，各國其能無疑乎？疑而與之言和，恐彼要挾更多，或有萬難應許之事。似不如暫時駐蹕太原，以待和議。佯示回鑾之意，而不予以確據，堅持西遷之心，而不可以聲張。一俟和議既成，卽指長安，毋任或持異議，致不果行。緩急之間，關係匪淺。是惟皇太后、皇上經權互用，庶幾大局幸甚。

謹恭摺具陳，伏乞皇太后、皇上聖鑒。謹奏。

（軍機處錄副奏摺）

八〇二 奎順等爲已飭保護口外教士事呈奕劻文

光緒二十六年八月三十日（一九〇〇年九月二十三日）

總統察哈爾八旗都統奎順、頭品頂戴·副都統·訥恩登額巴圖魯魁福爲呈覆事。

總辦察哈爾等處營務處案呈：茲於八月二十八日，承准欽命管理總理各國事務衙門事務·便宜行事·和碩慶親王咨開：爲咨行事。光緒二十六年八月二十一日，准比國使臣函稱，聞北口外西灣子地方，有本國教士、教民，並有在彼游歷本國武官一員、平人一名，現在均受本地匪徒凌辱擾害，岌岌不可終日，望速設法實力保護。等語。查現屆中外議和之時，所有各國教士及游歷人等，自應實力保護，以免別生枝節。相應咨行嚴飭該地方官，迅速設法切實保護，勿得稍有疏虞，致礙大局，是爲至要。等因前來。

承准此，除遵卽照會口外道，並卽嚴飭張家口撫民同知、萬全縣知縣暨察哈爾旗羣總管等，遵照來文，所有口外西灣子教士，並該國武弁、平人等，不准本地匪徒凌辱擾害，迅速設法切實保護，毋稍疏虞，其口外等處，如有教士、游歷人等，均自應一體實力保護外。相應先行呈覆欽命管理總理各國事務衙門事務，便宜行事。和碩慶親王，謹請查照施行。須至呈覆者。

右咨呈欽命管理總理各國事務衙門。便宜行事。和碩慶親王。

(外務部檔)

八〇三 著毓賢開缺另候簡用等事上諭

光緒二十六年閏八月初三日(一九〇〇年九月二十六日)

光緒二十六年閏八月初三日內閣奉上諭：毓賢著開缺，另候簡用。山西巡撫著錫良補授。張曾敫著調補湖南布政使。福建布政使著周蓮補授。吳重熹著補授福建按察使。欽此。

(上諭檔)

八〇四 毓賢奏請將萬本華一軍調回山西或飭赴張家口駐劄摺

光緒二十六年閏八月初三日(一九〇〇年九月二十六日)

山西巡撫奴才毓賢跪奏，爲統帶晉威新軍萬本華，擬請調回山西以資策遣，抑或仍赴張家口駐劄，

請旨遵行，恭摺仰祈聖鑒事。

竊奴才前於五月間遵奉諭旨，派令前山東曹州鎮總兵萬本華，統帶晉威新軍步隊四撫標、練軍馬隊一旗，前赴張家口駐劄，以遏俄兵來路。七月奉旨調赴前敵，在蔡村、河西務等處與洋兵接仗，各軍或敗或潰，竟無接應之師，該軍亦獨力難支，敗後整飭行列，經直隸提臣馬玉崑，飭令該鎮赴居庸關山溝南口駐劄。

旋准該提臣來咨，萬本華歸其節制，並囑撥糧餉解往接濟。當經行司遵辦在案。惟道遠路梗，運解維艱，一時何能解到？閏八月初二日，又准馬玉崑函稱，南口地方爲宣化鎮所轄，該鎮舊有八營，今又添募兩營，一切防守事宜該敷分布。萬本華一軍本係晉軍，餉需不繼，轉運維艱，若由晉奏明辦理，似爲兩得之道。等因。

准此，奴才查該總兵萬本華，在蔡村、河西務等處，能於各軍潰逃之際，尚率所部與洋兵力戰，傷亡甚多是其明證。雖未殺敵致果，一振軍威，比之聞警便逃、交綏卽退者，實勝百倍，尚屬奮勇敢戰，紀律明嚴。查詢該軍尚存千餘人，困於山溝，餉項不繼，道途梗阻，運解維艱。直隸營勇尚多，足敷防守，該軍在直係屬可有可無之軍，而在晉省則爲有用之營。現在餉不能解，深恐饑潰，三軍易得一將難求。奴才爲愛惜將才起見，難以膜視。擬懇天恩俯准，將萬本華所存晉威新軍步隊勇營調回山西，擇要駐劄，以資策遣。抑或仍遵前旨，飭駐張家口防守，俾餉項便於運解之處，出自逾格鴻慈。

除咨呈軍機處查照外，謹恭摺具陳，伏乞皇太后、皇上聖鑒訓示。謹奏。

光緒二十六年閏八月初六日奉硃批：另有旨。欽此。

(軍機處錄副奏摺)

八〇五 鹿傳霖奏爲編修王廷相於前敵投河請旨優卹事片

光緒二十六年閏八月初四日(一九〇〇年九月二十七日)

再，翰林院編修王廷相，直隸熱河人，經李秉衡奏調同赴前敵。十二日出都，十五日奉派護餉。該編修見沿途潰勇甚多，恐有疏失，急催餉車至通州支應局妥存，隨赴前敵，往從李秉衡。維時其本軍消息隔絕，誤傳督師駐武清，遂徒步前往。行至牛堡屯，始知李秉衡軍在馬頭。迨其趕至，而馬頭已失，聞軍退張家灣。王廷相知事不可爲，作絕命書付直隸練軍侯維鎮，謂身爲詞臣，曾列諫垣，此行必以死報國，慷慨泣下。十七日辰後，行至倉頭，聞張家灣礮聲大作，喟然歎曰：兵敗矣，李某必殉節。敵勢洶洶若此，北望闕廷，亦恐危在旦夕，義不忍見。身爲書生，生不能奮勇殺敵，死當爲雄鬼以衛國。言訖，奮然投河而死。其子甲午舉人王晉豐，亦相從投水，遇救獲生。將該編修屍身撈獲，藁葬河干。其友分省補用知府曾廉同行，目睹其殉節情形，向臣述之甚詳。

臣查編修王廷相，學有本源，勵行敦品，曾任山西學政，教士以廉正，爲本鄉里推重，天下皆知其賢。茲臨難捐軀，其致命遂志，早定於平日。洵屬從容就義，大節凜然。惟臣屬在梓桑，知之既確，不敢壅於上聞，相應請旨敕部，將該編修從優議卹，以慰忠魂而勵名節。其子殉父，遇救得生，應否加恩

之處，出自鴻施。謹附片具陳，伏乞聖鑒訓示。謹奏。

(軍機處錄副奏摺)

八〇六 天津府錄存道員方恭劍爲奉札成立轉運總局事致各府札

光緒二十六年閏八月初五日(一九〇〇年九月二十八日)

奉道憲方爲札飭事。

本年八月二十日，准署理按察司使沈咨開：爲移會事。光緒二十六年八月初六日，奉護理督憲覺羅廷札開，照得聖駕西巡，暫駐山西太原，所有直省運晉糧餉、軍火，應派西路轉運專員，在獲鹿設立總局。查有候補道王仁寶，堪以派充總辦正任。易州直隸州竇以筠，堪以派充提調。責成該道等尅日馳赴獲鹿一帶，妥籌布置，務期轉輸便利，毋誤要需。沿途應設分局，亦由該道等察酌設立。除分行外，合行札飭。札到該司，即便查照。此札。等因。奉此，除分咨外，擬合就移。爲此合咨貴道，希即查照施行。等因。准此，除分行外，合亟札飭。札到該府，即轉飭查照。此札。閏八月初五日行。初七日到。未行各屬。

(清代各衙門檔)

八〇七 著錫良察看萬本華一軍能否勝任事上諭

光緒二十六年閏八月初六日(一九〇〇年九月二十九日)

軍機大臣字寄山西巡撫錫、直隸提督馬，光緒二十六年閏八月初六日奉上諭：毓賢奏，統帶晉威新

軍萬本華請調回山西一摺。萬本華所統晉軍駐紮南口地方，約束不嚴，聲名甚劣。著錫良悉心察看究竟能否勝任，應否調回山西，即行妥籌辦理。將此諭令錫良、馬玉崑知之。欽此。遵旨寄信前來。

(上諭檔)

八〇八 軍機處交片：著載漪載勛隨扈事上諭

光緒二十六年閏八月初六日（一九〇〇年九月二十九日）

交端郡王、載勛，本日軍機大臣面奉諭旨：端郡王載漪、載勛均著隨扈。欽此。相應傳知貴郡王等欽遵可也。此交。

(上諭檔)

八〇九 軍機處交片：著馬玉崑等定期拔隊隨扈事上諭

光緒二十六年閏八月初六日（一九〇〇年九月二十九日）

交前路糧台、馬玉崑、董福祥，軍機大臣面奉諭旨：現定閏八月初八日啓鑾，西幸長安。董福祥所統馬隊，著於初八日先行開拔。御前大臣、軍機大臣及隨扈各員之有差使者，著於初八日隨駕啓行。馬玉崑所統隨扈各軍，及各衙門隨扈人員沿途並無差使者，著於初十日啓行。欽此。相應傳知前路糧台、馬玉崑、董福祥欽遵可也。此交。

(上諭檔)

八一〇 榮祿奏爲遵旨裁兵騰餉以資董福祥添營事摺〔一〕

光緒二十六年閏八月初八日（一九〇〇年十月一日）

奴才榮祿跪奏，爲遵旨裁併營伍，騰出額餉，恭摺覆陳，仰祈聖鑒事。

竊於光緒二十六年閏八月初一日，在保定省城承准軍機大臣字寄，八月二十九日奉上諭：武衛中軍各營潰逃不少。董福祥在甘添募七營旂，據魏光燾電稱，餉項難籌。著該大學士即將武衛中軍潰逃缺額之餉騰出，撥給董福祥應用。將此由六百里諭知榮祿、魏光燾，並諭令董福祥知之。欽此。奴才前准戶部咨，董軍添募五營二旂之餉，部無可另籌之款，奏請飭下奴才查明，武衛各軍自接仗以來傷亡若干、潰散若干、現在實存若干，已缺額數勿庸募補，即以缺額之餉作爲董軍添募之餉。等因。當即轉行各軍，並飭中軍營務處遵照辦理。

伏查中軍自接仗以來，傷亡不少。卽如上月二十日巳刻，奴才目覩管帶中軍中路營官·副將銜·遊擊高天發，率三百餘人，在崇文門城上冲鋒而進，不及二刻，血肉橫飛，均歿於陣。而續進者，卽不能如前踴躍。當槍林彈雨之中，雖督隊者未敢稍鬆，而潰散亦勢所不及禁。然事後綜核全營兵冊，傷亡潰逃者在十之三。奴才前在保定，已通飭各營遣散潰勇，將隊伍一律裁併。正擬通盤籌劃，騰出的餉，另練大枝新軍，茲以董軍添募各營旂，餉項無着，奴才自應力顧全局，以資挹注。

〔一〕此件爲故宮博物院明清檔案部編《義和團檔案史料》所收同日榮祿片之正摺。

查中軍創立之時，奏明招募步隊十六營、馬隊四營，共爲二十營。嗣復酌改爲馬步二十七營旗，每年由戶部籌撥餉銀一百十六萬兩，業經照辦在案。自夏間我軍傷亡潰散，共計二千數百名，而傷亡者居其大半，所缺額數未經募補。惟核計缺額之餉，尚不敷董軍添募之用。奴才復飭各營再行裁併，分別資遣，現在中軍僅留步隊十營、馬隊八旗，共合十四營之數，實騰出六營額餉。今董福祥添募步隊五營、馬隊兩旗，以中軍餉章計之，每年按六大建、六小建核算，應需餉銀二十二萬七千零二十四兩七錢六分。本年自九月起至十二月止，四個月餉銀應需七萬六千二百六十五兩八錢六分。奴才即應咨行董福祥，派員前來保定如數領取。自光緒二十七年爲始，應請飭下戶部，將指撥武衛中軍常餉內，每年劃撥湖北省十萬兩、江西省八萬兩、陝西省五萬兩，共銀二十三萬兩，改解董福祥軍中，以資接濟而清款目。

至奴才中軍額餉，自九月以後，卽照十四營支放。所有裁併馬步各營人數，現均足額，當由奴才督飭各統帶等，剔除積習，認真整頓。嗣後如有應歸併裁撤之處，再由奴才體查情形，奏明辦理。總期餉不虛糜，兵歸實用，以仰副聖主整飭戎行、實事求是之至意。

所有裁併營伍、騰出額餉緣由，謹恭摺覆陳，伏乞皇太后、皇上聖鑒。謹奏。

光緒二十六年閏八月十一日奉硃批：戶部知道。欽此。

八一 余虎恩奏報營伍攻退情形及請旨如何行止摺

光緒二十六年閏八月初八日（一九〇〇年十月一日）

總統虎軍錠威各營旗·喀什噶爾提督·二等男奴才余虎恩跪奏，爲請旨遵行，仰祈聖鑒事。

竊奴才於六月初九日奉上諭：余虎恩著即招募馬隊二營，先發給招費銀五千兩。欽此。又於十三日奉上諭：余虎恩著再添募步隊四五營，所需餉項，著戶部籌撥的款。欽此欽遵。招募甫及成軍，軍械尚未領齊，即奉大學士臣榮祿調赴東交民巷，填紮甘軍防卡。七月十八、十九兩日，親身督隊，血戰兩晝夜。二十日正在得手之際，方期力掃餘氛，再赴前敵，詎料洋兵潛入，占據前門城樓，反將我軍圍困。二十一日各軍退走。旋因宣武門城樓旗兵請救，奴才隨即率所部衝上，救出都統英肇及防兵數百人。自辰至申，洋兵敗退，兵勇枵腹從事者，已一日夜矣。俯視城下，接應全無，惟見有洋兵及逃難百姓而已。不得已督隊下城，親赴督辦軍務處探聽，始悉皇太后、皇上鑾輿西幸，政輔皆各出城。奴才獨木難支，祇得率隊出京，徐殿各軍之後，沿途且行且守，見洋兵無外犯之意，而我軍餉項無著，不能久留。於七月二十八日趕抵保定，謁見大學士臣榮祿，告以行營餉絀，不能借墊，令奴才將馬步五營遣撤，復以遣費無措，令奴才開赴德州，再往江南就餉。現奴才於八月三十日，已抵德州駐紮。前奉旨所調湖南錠威九營，已赴山西。湖北武功六營，現亦行抵趙州。

伏念奴才忝居五等，身受三朝厚恩，當此戰事未停，和議未定，拳匪、土寇又將紛紛四起，奴才何敢

自耽安逸，自外生成？但始終未獲一奉諭旨，行止何敢自尊。或竟赴江南就餉，或即於德州遣撤，或赴出事地方攻戰，或趕赴行在扈從。所有請旨遵行緣由，理合恭摺具陳。

再，此摺係借山東德州知州印信。合併聲明。伏乞皇太后、皇上聖鑒，訓示施行。謹奏。

光緒二十六年閏八月十六日奉硃批：另有旨。欽此。

（軍機處錄副奏摺）

八一二 林福彭為奉札禁止偷砍堤柳電線事轉行滄州等州縣札

光緒二十六年閏八月初八日（一九〇〇年十月一日）

奉道憲方為札飭事。

照得南運河西岸提工栽種柳株，原為盤護隄根，藉資穩固而設。每有棍徒偷砍，無不隨時查究嚴辦。本年義和拳肇衅，各處土匪乘機偷砍。昨據交南薛家窩汛把總呈報，竟有十餘村莊不安分匪徒，砍伐成林大柳多顆，當竟〔經〕分飭交南兩縣查照，單開村莊姓名，查明訊究懲辦在案。一汛如是，恐別汛難保無偷砍情事。至電線乃國家為各省信息靈捷而設，亦聞各處土匪偷砍，尤屬膽玩。亟應徹底清查，嚴行究辦。合行札飭。札到該府，立即遵照，轉飭各該〇〇，俟委員到境，會同查明，提案訊究。如果訊係愚民實因乘土匪之亂竊，即准其將所竊之物交出，免予科罪，即交各該村董地方保回管束。如令再滋事端，倘有敢私相藏匿，希圖變賣取利，一經查明並有證據者，或罰令賠償，或重責枷示，分別懲

做，勿貽後悔。切切。此札。八月三十日行。閏八月初八日到。札行滄、靜、青、南四州縣。閏八月初八日稿，即日印發。

（清代各衙門檔）

八一三 李盛鐸爲直陳和議辦法事致行在軍機處電

光緒二十六年閏八月（一九〇〇年十月）〔一〕

照錄出使日本大臣李盛鐸電信。

團匪倡亂，召釁列邦，以致宮闕震驚，變輿西幸。凡在臣子，憤愧實深。自開戰以來，津沽、北倉、楊村、通州，我無戰不失利。自津沽以及黑龍江等城，三姓、琿春、甯古塔，奉天之金、復、海、蓋，敵無戰不得。據西報，頃遼陽、鐵嶺亦失，瀋陽危急。上月杪，俄、德攻據北塘、蘆台，初八據榆關，京南、京西皆遭蹂躪。德人議攻保定、正定，除日本外，均已允從。情勢日危，從此擾及東南，皆未可定。我若背城借一，未始非策，但海無戰艦，陸無勁旅，製造局廠多濱江海，開戰卽爲敵據，則有兵無械，有械無彈，一戰不勝，終致束手。矧彼已合謀，我無援助，此戰之難也。俄、法爲一黨，英、日爲一黨，美最和平，德最狠鷙。議款則意見各殊，言戰則互爭利益，轉不能不合。忽分忽合，我均受害。各國以宋、聶等軍勇戰，知我兵尚可用，乃宣言不瓜分，似屬可信。然俄若全據東三省，則德據山東，英據長江，日據閩，法

〔一〕原件無日期，考其內容，係發於光緒二十六年閏八月十日前後。

據粵，勢所必至。各國除美重商務外，俄、德志在乘機略地，不願速和；英、日志在干預政權，餘國希冀通商開埠，尚願速和。願和者冀要挾全遂，力請迴鑾。不欲和者知迴鑾不易，藉口可遷延決裂，亦力請迴鑾。至於償兵費、請改政及駐兵都城，皆條款所必有，均不易允，此和之難也。惟仰賴皇太后、皇上懷柔遠人，萬國同深尊仰，即如上年召見各使之妻，賞賚優渥；此次諭護使館，致送蔬果，外人仰沐皇恩，均深感激。是以洋兵人都，保護宮禁，毫無異辭。若趁此時，疊降悔過求和諭旨，飭慶親王速照會各使，並多頒請和國書，於要挾各事，委曲遷就，款議尚可望成。然後力圖自強，以期恢復。至釀禍諸臣，各國最爲切齒，雖蒙黜譴，意尚未慊，應如何嚴懲，或飭諸臣先行回京待罪，出自聖裁。謹就管見所及，酌擬現在辦法數條，用備聖明採擇：

一、美係中立之國，此次事起，即有人議，將來是非，當以美爲公正人判斷。可否頒國書，請其居間代爲排解。

一、請溫諭赫德，妥籌了結之法，并派令參預和議，藉以聯英。

一、山、陝如有存留教士，請破格優待，諭以轉電各處教士，安居勿生疑慮。

一、五洲爲一大戰國，不能閉關自守，勢難全用舊法。西人因我政治不同，非笑厭薄，召侮之由。

擬請明降諭旨，採用泰西政治，飭各督撫條奏，以備施行。詔舉通達中外時事人才，不論下僚、布衣、廢員，均許保薦，以待破格錄用。宣諭中外臣民，勿存滿漢新舊之見，但能心存愛國，才足匡時，均可備朝廷任使，宜去畛域，共挽時艱，人心團結，外侮自卻。

一、借才異地，古人所稱。日本聘用西人爲顧問，官多至數十，有議事權，無行政權，並無流弊。擬請先就美國聘用顧問官數人，曰外部、曰警部、曰學部，爲討論交涉、保甲、學校之用，以待次第舉行。此節不獨聯美，且示無排斥外人之意，彼族自當感動。

以上各條，皆體察中外情形，內政外交，實相表裏，如蒙採擇施行，於款局當有神益。時事危迫，昧死直陳，不勝激切屏營之至。請代奏。

（宮中硃批奏摺）

八一四 山西介休縣義和團頭目郭敦源供詞〔一〕

光緒二十六年閏八月十一日（一九〇〇年十月四日）

郭敦源供：

年四十五歲，介休縣義安村人，行二。入義和團三年，天下義和團，我都能調喚。我不怕槍炮，不怕刀砍，請試驗。

（軍機處錄副奏摺）

八一五 劉坤一等奏請將董福祥交部議處罷其兵柄摺

光緒二十六年閏八月十二日（一九〇〇年十月五日）

臣劉坤一、臣張之洞、臣魏光燾、臣善聯、臣王之春、臣劉樹堂、臣聶緝棨跪奏，爲任將不宜再誤，衛

〔一〕郭敦源一案，參見故宮博物院明清檔案部編《義和團檔案史料》上册第六七二頁之上諭。

軍宜加慎選，以安兩宮而定危局，恭摺密陳仰祈聖鑒事。

竊臣等伏讀七月二十八日上諭，有云：庶幾不遠而復，天心之悔禍可期。仰見聖明虛懷克己，鑒於前事之失，力圖挽救之方，曷勝欽悚。謹按周易曰：不遠復無祇悔元吉。又曰：迷復凶。蓋凡事措置失宜，至生災患，早思變計則吉，終於不悟則凶，此久已在聖諭鑒照之中者也。

竊惟此次召釁誤國之由，董福祥不能辭咎。平日大言欺人，自謂足以敵洋。五月半間，首戕洋官。六月以後，專攻使館。其軍半與拳匪勾通，拳匪焚奪，董軍劫掠，狼狽相倚，殘毒京城。既不聽大學士榮祿節制，並不遵諭旨調遣。及外患日急，大沽、天津、北倉諸軍苦戰數旬，傷亡殆盡，河西務諸軍雖然潰敗，究屬見敵。惟有欺罔跋扈之董軍，並未出隊迎截，出城後即大掠滿載，驅之而西。京畿人民，言之切齒。

聞該軍隨扈太原，尚有二十餘營。又聞車駕因欲幸陝特調馬安良一軍。此必董福祥乘國家危急之時，妄言回軍能戰，冀以廣樹黨羽，挾制朝廷。查回性狠鷙，向不馴良。董福祥所部，半係回兵；馬安良所部，盡係回兵。西安回民素多，甘省向係回藪。猶憶五月三十日諭旨，有禍起肘腋，朝廷苦衷等諭。臣等至今思之，猶爲痛心。今若乘輿幸陝，而又多調回軍，養虎自衛，誠恐乘輿肘腋之間，無非回人，將來朝廷一切措置，皆不能徑行其意。是在京爲拳匪所挾制，出京又爲回軍所把持。誠如八月十五日諭旨所云，一誤而再誤矣。

蓋董福祥自知罪惡多端，不僅爲各國所深仇，實爲天下士民所共憤，以故增兵自衛，便其私圖。似

此欺罔肇禍，始終怙非，絕不爲大清之宗社計，不爲兩宮之安危計，若不及早慎防，誠恐後患難測。此臣等所以急迫，不敢不披瀝直陳於皇太后、皇上之前者也。

竊謂洋兵未能盡撤，則回鑾實爲險著。若回軍布滿左右，則幸陝尤屬危機。總之無論駐蹕何處，扈衛諸軍，宜專選忠純篤實之將。可否請旨將董福祥交部議處，飭回本任，罷其兵柄，所部各營令宋慶、馬玉崑、岑春煊、錫良四人分統之。分爲四軍，其勢自戢。部署略定以後，分別撤留，能守軍律者留之，桀驁擾民者裁之。其馬安良一軍，尤懇不再徵調。兩宮既安，則天下臣民之心皆安。然後聖謨默運，可以熟計通籌。臣等合詞迫切密陳，謹繕摺馳遞，伏祈皇太后、皇上聖鑒。謹奏。

(宮中硃批奏摺)

八一六 劉坤一等奏請相機查辦董福祥片

光緒二十六年閏八月十二日(一九〇〇年十月五日)

再，董福祥罪惡甚多，本應卽予褫黜，惟此時以罷其兵柄爲先。俟該營有人分別接統，諸事部署妥帖，再請聖明裁奪酌辦，以免意外之虞。如此時鑾輿在途，或有不便，應請朝廷體察情形，從容辦理。是否有當，伏候聖裁。臣等謹附片密陳，伏祈聖鑒。謹奏。

(宮中硃批奏摺)

八一七 奕劻爲收到德國皇帝國電事電奏

光緒二十六年閏八月十六日（一九〇〇年十月九日）

照錄慶親王電信。

閏八月十六日，收到德國國電一件。謹代奏。

大德國大皇帝致大清國大皇帝電文：貴大皇帝來國電〔一〕，朕已閱悉。具見貴大皇帝實願將本國欽差慘被戕害及與教化相背各節，按照貴國禮儀昭雪，朕頗欣慰。惟朕爲德國皇帝，崇奉西國耶教，不能以莫釵爲伸雪之良法也。查除被戕之欽差外，尚有與朕同教之主教、教士、婦孺等多人，均壹〔因〕遵奉本教，備受凌虐，斃於非命。今皆仰祈貴大皇帝以伸冤，抑貴大皇帝只飭莫釵，豈足以慰此項無辜之冤魂哉？照萬國公法，當爲禁地之使署並受辱各國商民，天主、耶穌各教友以及同朕奉教之貴國人民，均被欺凌攪害，原不僅惟貴大皇帝是問，而貴國執政王大臣並各省大小臣工所犯之罪，原應論死，以致教化各國不勝驚駭，此等背義之員，卽應從嚴懲辦。如果貴大皇帝能治其應得之罪，朕甚願視爲足以折服各國之心。儻貴大皇帝肯相幫助，並准受害各國所派之官幫同查辦，朕亦無不爲然。至於貴大皇帝早能回蹕京師，朕更深爲欣慰。至朕所派統帥華德司，朕擬飭其不但照禮敬迓，而且俾貴大皇帝大遂聖心，隨時用兵保衛聖安，勦助勦匪，該統帥均可盡力辦理。至和局早定一節，朕亦切盼。惟議定和

〔一〕即同年閏八月初二日致德國國書，見故宮明清檔案部編《義和團檔案史料》上冊，第六四三頁。

局之時，不能不雪無辜受害各人員，抵償各罪。至住中華各國人民身家得以保全，隨意奉教，此係朕所厚望者也。

(官中硃批奏摺)

八一八 長萃奏陳通州失守奏報遲延緣由摺

光緒二十六年閏八月十八日(一九〇〇年十月十一日)

奴才長萃跪奏，爲通州失守，奏報遲延情形，據實陳明，仰祈聖鑒事。

竊奴才奉命辦理通州防剿事宜，一切情形，節經奏明在案。嗣因敵氛日迫，潞軍前營兵力太單，趕緊招募中後兩營。甫及成軍，敵兵已臨城下，團民間警星散一空。前領馬梯呢槍子藥已罄，以新招之勇，持無子之槍，一經敵人炸礮轟擊，子彈如雨，登時潰敗，蜂擁出城。城池既失，現復尤難，於是就糧順義縣，收集散失，併爲潞軍前後兩營。因通州協副將史濟源尚陷城中，卽令護理通永道劉煖帶赴該道兼轄之薊州住紮。其先時護印出城之坐糧廳滿監督增厚、護欵出城之坐糧廳漢監督李溥，均各會晤，所有護出庫欵二萬餘兩，卽交該護道劉煖存儲，以便借充軍餉。奴才待罪縣屬，摺件俱無，不克奏報，而入京一路險阻尤多，是以奏報遲延，不勝惶悚之至。謹恭摺具陳，伏乞皇太后、皇上聖鑒。謹奏。

光緒二十六年九月初十日奉硃批：知道了。欽此。

(軍機處錄副奏摺)

八一九 長萃等奏報洋兵佔踞京通各倉情形摺

光緒二十六年閏八月十八日（一九〇〇年十月十一日）

臣長萃、臣劉恩溥跪奏，為奏聞事。

竊臣等奏准，將通倉米石運赴京倉，通濟庫欸解交戶部。於七月十五日奉旨後，當即飭交坐糧廳監督、中倉監督作速辦理。無如車輛、人夫俱不應手，而州西一帶潰勇紛紛，其勢萬難運解。兩日之間，地〔城〕池已失，現在通庫及京通各倉，俱為外國所據。臣等雖間關入都，無從辦理，而艱險備歷，衣帽俱無，復不能奔赴行在。撫衷循省，惶愧彌深。時事如斯，竟至一無設措。惟有俟和局大定，各國交還倉庫，再行查看情形，奏明辦理。謹據實具陳，伏乞皇太后、皇上聖鑒。謹奏。

光緒二十六年九月初十日奉硃批：知道了。欽此。

（軍機處錄副奏摺）

八二〇 奕劻等為各國請懲禍首事致行在軍機處電

光緒二十六年閏八月十九日（一九〇〇年十月十二日）〔一〕

照錄慶親王奕劻、大學士李鴻章來電。

〔一〕原件無日期，此係據其內容推定。

閏八月十八日鴻章到京，正與奕劻晤商，接駐美伍使真電：美外部文稱，電傳初二諭旨，茲奉總統諭，中朝懲辦諸王大臣，足見推誠相待，惟細繹旨意，仍多疑慮。各公使僉稱，端王罪魁，若不嚴懲，無以謝各國；剛毅、趙舒翹亦釀禍首惡，重治方足蔽辜。當電確查，此次未及查辦者尚有幾員，並查明奉旨懲辦諸人，有無徇縱，至如何懲辦，應使各國皆知，果然確辦，方是核實。廷芳得文後，即詣外部，宣朝廷德意。外部稱：中朝須嚴放流竄極之典，方免列邦漸侵內治自主之權。美與中睦，故以情告。並云：兩宮早日回鑾，諸事方有主裁，亦免意外生變，務請轉奏。等情。

查嚴懲罪魁各節，不獨美主倡議，俄、法、英亦以此迭相詰責。況德王覆電已明言，執政王大臣並各省大小臣工所犯之罪，原應論死，如能定其應得之罪，始可以折服各國之心，並欲准受害各國所派之官幫同查辦。議和之時，須雪無辜受害，各人員抵償各罪，是各國異口同聲。不加懲辦，斷難就議。聞德統帥仍令聯軍往攻保定，難保不意存追襲，必欲得禍首而甘心。若能此時自行懲辦，當可止其西犯。縱不能盡如所請，亦應將致亂諸王大臣分別從嚴治罪安置，萬不可仍隨行在，使各國有所藉口，致稽開議，伏乞聖裁。謹代奏。 皓。

（官中硃批奏摺）

八二一 崑岡等代奏啓秀呈請賞假穿孝事摺

光緒二十六年閏八月二十一日（一九〇〇年十月十四日）

留京辦事大臣·大學士奴才宗室崑岡等謹奏，為據情代奏事。

茲據軍機大臣·禮部尚書啓秀呈稱：竊啓秀前七月二十一日入直，遽聞東華門內槍彈之聲急迫，當同禮親王等趨至蹈和門，始知聖駕業已啓鑾。趕卽折回隆宗門，騎馬追趕，出神武門外，彼時車轎皆無，僕衆逃散，卽單騎至地安門，見洋兵已紛紛亂竄，槍礮緊急，卽趨避回家，料理行裝趕緊隨扈。不料乘馬將出，洋兵已填街塞巷，不能前進，由馬上跌下，登時心悸怔忡，被人擡回家內。當時無醫無藥，朝夕呻吟。數日後始延醫診視，據云急火風疾所致，雖服藥亦不能速效，祇可加緊調治。總期身體稍能動轉，卽擬趨赴行在。不意啓秀之母於八月底卽患病不起，日重一日，醫藥無靈。目睹情形，心急如焚，因之怔忡作難，以起程負罪不淺。正焦灼間，老母於閏八月十六日子時，竟爾因病身故。啓秀既不能上報天恩，又未能克盡子職，徒延殘喘，負罪愈深。爲此呈請代奏，賞假穿孝。等因前來。理合恭摺具陳，伏乞皇太后、皇上聖鑒。謹奏。

光緒二十六年九月初八日奉硃批：啓秀著賞假百日穿孝，假滿後卽赴行在。欽此。

（軍機處錄副奏摺）

八二二 崑岡等代奏御史陳應禧等奏請回鑾事摺

光緒二十六年閏八月二十二日（一九〇〇年十月十五日）

留京辦事大臣臣宗室崑岡等跪奏，爲據情代奏事。

現據御史陳應禧等繕就條陳一件，齎送前來。臣等公同閱看，尚無違礙字句，不敢壅於上聞。爲

此謹奏。

附件：陳應禧等奏請早日回鑾摺

光緒二十六年閏八月二十二日（一九〇〇年十月十五日）

三品銜·山西道監察御史陳應禧、四品頂戴·翰林院編修臣柏錦林、五品銜·吏部司務臣陳桂蓀跪奏，為叩乞天恩，早賜回鑾，以慰臣望，以安民心，恭摺仰祈聖鑒事。

竊臣等困居危城，日慎一日，每念皇仁，莫名依戀。當啓鑾時，臣等均居外城，門禁森嚴，未能隨扈，罪何可辭。繼以洋兵虜至，突陷重圍，欲往無從，巨礮雷震，罔知所措。臣等幸獲生全，苟延旦夕，皆上託我皇太后、皇上之芘蔭也。幸而仰承列祖、列宗之福佑，社稷壇壝，均各無恙，廟貌依然，鐘虞如故。唯市間擾亂無禁，宵小乘間竊發，小民幾無以為生，米薪翔貴三倍於前。察度現在情形，再過兩月，外糧不進，飢寒交迫，大不聊生。雖經洋人懲息街面開市，場數支絀，諸多觀望，總不踴躍。此商旅士民，皆汲汲盼我皇太后、皇上早為回鑾，與之主張，以慰衆謀生之隱願也。所幸民心固結，即忍飢受阨，亦不敢稍生缺望，其殷殷繫戀之私，猶子之恃父，孫之依祖，須臾弗能離者。我皇太后、皇上豈忍棄之。伏願迅飭全權大臣，與彼妥議，速為退兵，庶幾早迎鑾輿，得回宮闈，亟慰臣民之望，實臣等悽悽下悃所昕夕虔禱者已。謹合詞冒昧上陳，是否有當，伏乞皇太后、皇上聖鑒。謹奏。

（軍機處錄副奏摺）

（軍機處錄副奏摺）

八二三 袁世凱代奏紳士等呈請旌卹王懿榮事摺

光緒二十六年閏八月二十三日（一九〇〇年十月十六日）

山東巡撫臣袁世凱跪奏，爲據情代奏，籲懇恩施，恭摺仰祈聖鑒事。

竊臣據在籍紳士·五品卿銜·前合肥縣知縣孫葆田、翰林院庶吉士宋書升等十七人聯名呈稱：已故欽命京師團練大臣·南書房翰林·二品銜國子監祭酒王懿榮，家傳清白，世篤忠貞，由翰林大考一等，薦擢祭酒。本年五月，改爲京師團練大臣。嘗言受任愈鉅，圖報愈難，感奮之忱，溢於言表。七月二十日，洋兵入東便門，該大臣猶激勵團勇，出爲抵禦，未幾潰兵塞途，人心惶亂，團勇遂不能成軍。該大臣見勢不支，回顧家人曰：吾身渥受君恩，又膺備衛之責，今城破，義不可苟生。家人環跪泣勸，輒厲斥之。遂仰藥，未卽絕，復投井中死。其妻謝氏及其長婦已故辛卯科舉人崇燕之妻張氏，亦同時殉節。八月初二日，經吏部右侍郎張英麟撈獲忠骸，代爲棺殮。其案上遺絕命詞，文曰：主憂臣辱，主辱臣死。於止知其所止，此爲近之。末書團練大臣·國子監祭酒王懿榮等字。於此見其學識素定，堅忍卓絕，早置身家於度外矣。查該大臣服識勤勞，持躬清正，覩狂瀾之既倒，視死如歸；痛一木之難支，擲生爲恨。妻殉夫而盡節，婦隨姑以殞身。鬱忠憤於九泉，勵德行於百爾。允宜上邀曠典，以備異日史乘之光。職等桑梓誼關，闡揚志切，見聞既確，用敢代陳，呈請據情代奏，籲懇殊恩，以慰幽魂。

再，該大臣有子三人：長、辛卯科舉人崇燕已故；次、甲午科舉人·二品銜·直隸候補道崇烈，出嗣

其已故胞弟懿霖；三、崇煥。長孫福坤，卽其故長子崇燕妻、現同殉節張氏所出；次孫福璠，崇烈出，俱幼讀。合併聲明。等情。具呈前來。

臣查該故大臣王懿榮，敦品績學，譽望翕然。當其侍從南齋，久已上邀宸眷，及夫受恩益渥，銜感彌深，常思幹濟時艱，竭忠報國。一旦遭遇變故，至死靡他。讀其所自爲絕命詞，足以覘其平日志趣，堅定不移，卒能履險蹈危，從容赴義，可謂大節凜凜，皎然不欺者也。其妻謝氏及其長婦張氏，亦能同時併命，慷慨捐軀，忠烈孝義，萃於一門，洵足矜式人倫，風勵薄俗。既據該紳等合詞呈請代奏，臣不敢壅於上聞。應如何一併俯賜旌卹之處，出自聖裁。

所有據情代奏，籲懇恩施緣由，謹恭摺具陳，伏乞皇太后、皇上聖鑒訓示。謹奏。
光緒二十六年九月初八日奉硃批：另有旨。欽此。

（軍機處錄副奏摺）

八二四 壽全等奏報官兵搜捕拳民時陵寢祭器被盜片

光緒二十六年閏八月二十四日（一九〇〇年十月十七日）

再，准署遵化州知州梁丹銘詳稱：准總統武衛前軍馮義和移開，閏八月初九日，准護理通永道劉煖函開，林亭一鎮已派前營兩哨會同賴令，前往辦理平城之匪，卽祈麾下一力掃清。馬蘭峪爲陵寢重地，已稟明慶親王，乞其札飭勒令解散。如該匪抗不祇遵，必來請兵。等因。准此，現定於十一日，派

胡幫統、程營務處督率馬步各營，攜帶快礮，分道並進，嚴束勇丁，毋許滋擾。等因。准此，具文申報前來。

奴才等遵卽飭派旗綠官弁，於風水地界詳細巡察，並曉諭鋪商民戶，如有義和拳民，不准容留。正察辦間，復據遵化州報稱，統領武衛前軍提督馮義和，督帶勇隊，剿捕拳匪，駐紮朱家屯。等語。閏八月十七日，遵化所屬之平安城等地方，拳匪抗拒官軍，經武衛前軍幫統領胡殿甲分隊進剿，立時擊散，餘匪竄入陵山新城莊地南一帶，間有逃至馬蘭峪者。十八、九等日，該軍進山搜捕，奴才等誠恐散匪北竄，當卽調集防兵，設法堵禦，並親赴新城等處察看。拳匪已逃，官軍甫退。

旋據值班章京德連報稱，當官軍搜捕時，突有數人，竟將昭西陵金銀器庫庫門擊碎，掠去祭器約八十餘件。奴才等聞報，不勝詫異。當卽帶同司員前往查驗，被劫情形與該章京原報相符。惟查行強之人是勇是匪，一時未能查明。容俟奴才等訪查明確，再爲詳細具奏。

謹附片具陳，伏乞聖鑒。謹奏。

硃批：著卽確切查明，嚴拿懲辦。

（官中硃批奏摺）

八二五 丁振鐸奏報議結省城英國教案並護送教士出境情形片

※光緒二十六年閏八月二十四日（一九〇〇年十月十七日）

再，法員方蘇雅前此激怒滇民，致有焚劫教堂一案，匪徒乘機肆擾，並將省城英國教堂教會房屋拆毀兩處，損失各項什物。電准重慶英領事電復，就滇議結。該教士等所開失單，索賠銀一萬餘兩，房屋賠修在外。經藩司李經羲再三籌議，以英教堂無因波及，理宜不俟彼國詰難，先速了結，以期慰服其心。且法正與滇構衅，防力實不暇兼支，尤不可留此枝節，致西鄰藉有責言，交涉愈多牽掣。因於洋務局面晤英教士孫道忠等，極力剖論。該教士等猶欲於議賠失欸外，另爲購地建屋，分設義塾、醫院，方允結案。復經該藩司疊次折辯，委曲開解，該教士等情詞屈服，均允照約辦理，總共賠償滇平銀九千五百兩，房屋賠修一概在內。飭由府縣地方官交欸收清，與該教士等議立華洋合同文書各一紙，公同簽字蓋印，分執一紙完案。該教士等皆有眷屬，聞津沽開戰，大局未定，求暫回國。臣亦因民情擾攘，教士駐滇，保護不易，允其所請。已飭地方營汛，派兵妥護出境。大理、思茅一帶英、法教士，懾於後患，亦陸續請護送回國。臣一律照允，電飭該處鎮道，責成文武營縣，分起護送離滇。現據報均已平安出境。

除另備文冊咨報總理衙門查照外，謹附片陳明，伏乞聖鑒。謹奏。

光緒二十六年閏八月二十四日奉硃批：該衙門知道。欽此。

（軍機處錄副奏摺）

八二六 滄州紳商爲請免知州商作霖擔任處分事稟方恭劄文

光緒二十六年閏八月二十五日（一九〇〇年十月十八日）

前永平府教授杜蔚、寧晉縣訓導董如權、內閣中書劉晉榮、副將銜。世襲雲騎尉劉元書、世襲雲騎尉劉元禧、五品頂戴。候選巡檢陳其濬、鴻臚寺序班于克峻、前南樂縣教諭張寶瑜、候選訓導李慶凱、同知銜附生劉爰萼、鐵嶺縣典史于連山、世襲雲騎尉劉元瑞、世襲雲騎尉尹世輔、附生董慶我、廩生王彬、增廣生張寶瑄、增貢生董建勛、廩生姜莘、監生王桐萼、監生盛世俊、監生尹保衡、附生董慶雲、舉劉英第、生董慶衍、生吳壽朋、生王寶元、生劉龍甲、生劉紹文、生姜銘恕、六品軍功尹德善、從九劉印綬、從九張福田、附生李樹本、附生劉世慶、從九劉慶麟、從九金書麟、武生張振甲、武生吳金堂、附生劉登第、從九李清芳、監生張振邦、從九李雲聲、六品頂戴馬振有、附生李志清、附生朱光耀、增生張壘、附生孫雲錦、附生劉毓菁、附生董慶珊、武生吳懋椿、附生左用中、從九張源貞、商民益隆號、貞吉堂、協同號、福慶長、元成德、恩德當、慶祥齋、福泉居、同慶園、義隆號、順德厚、恒聚號、永盛號、慶元樓、廣義成、同福樓、德聚恒、裕興隆、鴻盛興、育成堂、隆復興、同利號、合成興、德隆號、福源恒、萬興恒、南復興、永泰恒、聚通恒、義鉅號、永祥油店、廣興斗局、恩興號、義興棧、成興斗局、大德號、天和號、復興店、住滄州城內外德和店、大興號、元和號、大有號、李鳳綱、李維貞、李文成、張占魁、劉際恒，稟爲民情愛戴，瀝陳愚情，懇恩俯賜矜全事。

竊查地方官升遷撤調，權衡操之自上，自不應瑣瀆稟留，致干例禁。惟商州尊作霖在滄，其善政善教有深得民心者，不能不據實爲我大人詳細陳之。

溯其到任年餘，舉凡一切政治，如籌書院經費以惠士林，清理積案以釋民累，整頓保甲以衛民生，勸捐積穀以備荒歉，凡有益於地方者，無不竭力舉行，固不待言。且滄州本爲難治之區，雜處旗回，撫治不易，而商州尊獨能文武和衷，紳民浹洽，僉謂五六任以來，無此好官。故人人無不性命相依。今夏義和拳匪首王之臣糾邀萬衆，盤踞滄城內外，詭言赴津助戰。當其時信從者衆，勉籌銀米，託人交付，囑其速去滄境，不使驚擾人民。迨該匪逆跡漸著，商州尊洞悉其奸，預招練勇數百名，隨同官軍抵禦，卒保危城。滄州城垣年久失修，其坍塌處所，逐處皆通。經商州尊鳩工庀料，不日修補整齊，於今賴以保障。滄州文廟、學署、河廳、鹽務衙門，以及鹽、當各商並居民店舖數千餘家，均在西南兩關城外，商州尊恐拳匪擾害，於西南二面加修土圍一道，以資固禦。迭經拳匪攻撲，卒保無虞。梅軍門駐守滄城，迭派弁兵剿捕拳匪。商州尊因念征役之勞，連次犒賞銀四千餘兩，士卒益加奮勉。滄州境內有拳匪苗一瘋子，謀爲不軌，逆跡昭彰，商州尊懸購重賞，登時破獲，訊明屬實，卽行正法，實爲地方除一巨患，人心爲之大快。凡居民被拳匪焚擄強劫，呈報到官果有證據者，悉拘犯證到案，斟酌輕重懲辦，估計賠償，兩造悉皆忻服。

自天津失守以後，外來難民雲集，潰勇麇聚。商州尊或安置或解散，無不措置咸宜，毫無擾害。凡此之務，動費數萬銀兩，皆與紳等妥商籌畫，不害不擾，闔境歡忻鼓舞，樂爲勸輸。以視當時之各州縣

隨聲附合、措置乖方者，相去奚啻霄壤。所以滄州閭屬人民，愛如父母，敬若神明，以冀永爲屏蔽。不意昨讀省抄，得悉商州尊有撤任查辦之信，四境紳民無不相向失色，頓失所恃。

竊查滄州自五月二十以後情形，各拳匪之勢盛橫行，非但無地方文武官長在目，而其焚殺搶掠，誰敢阻其所爲？且見商州尊出入州署，拳匪以刀加頸者，日凡數次，卒能聲色不動，一聽死生存亡。此等危急情形，外人不得而知，惟紳等與梅軍門所共聞共見。現在拳匪棄其中帶，非但不認當日之焚殺劫掠，即使指名控告屬實，一經責令賠償，反若有所屈怨。不知此等款項係賠償受害之家，並非勒罰無辜之輩。所有認捐認賠各款，均係紳等經手收付，款難〔雖〕累萬，而出入逐一可查，商州尊實無絲毫銀錢人手。或者不察誤散浮言，致大人有此訪聞，紳等將所有捐賠各項銀兩，開摺恭呈察鑒。如果其中有需索賄縱等弊，不獨紳等有所聞見，即梅軍門與張營務處同處滄城，耳目何等切近。況梅軍門與營務處正在整頓地方之事，詎能緘默不言，爲商州尊事事掩護？

紳等屬隸編氓，亦深願得一廉明勤幹之員，爲地方興利除弊。現在拳匪雖已斂跡，而各處土回各匪，尚在蠢動。且將來一切善後事宜，恐非原手經理者，不免有茫無就緒之慮。可否仰懇大人將商州尊仍留滄州署任，俾億萬生靈均沐仁人破格矜全之德。務乞大人准予所請，地方幸甚，萬民幸甚，永頌公侯萬代矣。上稟。附呈清摺一扣。

附件：滄州紳商呈各捐款及拳民賠款數目收支清單

滄州捐款。

計開：

積穀銀二千兩。德樹堂捐銀二千兩。
德潤堂捐銀二千兩。德潤生捐銀二千兩。
恩德當捐銀二千兩。李曉峯捐銀三千兩。
德聚昌捐銀一千兩。李捷三捐銀八百兩。
吉慶祥捐銀八百兩。呂澤田捐銀八百兩。
馬虞卿德菴捐銀一千兩。張寶瑜捐銀四百兩。
盛喆生捐銀四百兩。李奉璋捐銀四百兩。
桐興義捐銀五百兩。于連山捐銀二百兩。
董麟閣捐銀二百兩。豐有號捐銀二百兩。
豐盛和捐銀二百兩。王希臣捐銀二百兩。
武贊廷捐銀二百兩。李清芳捐銀一百五十兩。
吳苓園捐銀一百五十兩。劉雋生捐銀一百兩。

馬萬春捐銀一百兩。劉輯廷、劉治軒捐銀一百兩。

陳春宴捐銀四十兩。董如權捐銀四十兩。

舖戶零捐銀一千四百七十五兩。

以上紳商舖捐，共銀二萬二千四百五十五兩。現在陸續收銀一萬六千二百八十三兩一錢八分。已發練勇口糧賞號、修南北關圍牆、津貼兵車價等項，共用銀一萬四千四百九十三兩八錢三分。實存公議局銀一千七百八十九兩三錢三分。計未收銀六千一百七十一兩八錢四分。此項係職劉元禧等派人經管銀錢帳目，所有領款，均由梅軍門批發，州尊祇管催捐，並不經手銀錢。事竣後由職等另造清冊，請州尊報銷。

安聘珍繳銀一千六百兩。青縣山呼莊匪首王之臣，是伊出名請來設爐。經劉元禧等懇求，情願繳償賠款贖罪。

劉佩芝繳銀五百兩。王之臣係在伊家設爐。韓霽軒經手。

馬老繳銀三千兩。係王之臣經事拳匪。陳其濬、劉元禧經手。

呂虎榜繳銀一千兩。係助王之臣抬槍之家，其子亦係拳匪。陳其濬經手。

蘇大禿子繳銀一千兩。係劉漢章指名控告之拳匪。陳其濬經手。

趙敬簡堂繳銀八百兩。係葉廣德指名控告。趙墨齋經手。

趙恩綸繳銀五百兩。係朱輔臣指名控告。

王二等繳銀一千兩。係孫華廷指名控告。陳錦堂經手。

李曉峯繳銀二千兩。係呂成泰指名控告，其子來州打仗之犯。劉元禧、張福田經手。

馬所繳錢四千吊。係同王之臣在城內打仗拳匪。防禦雲鵬、驍騎校國詔經手。

賈獻武繳錢九百五十吊。係劉紹文指名控告。陳其濬經手。

以上共收繳償賠款銀一萬一千四百兩。共收錢四千九百五十吊。

賞兵銀三千兩。五月二十九，城內與拳匪打仗，當諭兵勇不准搶奪拳民各家財物，故當時傳令賞銀三千兩。又賞兵銀八百兩。在舊州與拳匪接仗受傷陣亡恤賞等項。

拿獲匪首苗書元，賞銀二百兩。係搶殺劉壽山家首犯。

收潰兵四百餘名，口糧並遣費銀二千二百四十兩。有遣散回籍者，有馬金淑帶赴前敵者。范統領天貴經手。

付拳匪王之臣大米七十二包，五兩二錢，合銀三百七十九兩六錢。防禦慶詔經手。又拳匪罰令修水月寺鐘鼓樓工料銀一千一（百）餘兩。此係拳匪馬六經手。

賠修呂成泰家房屋等項銀三千兩。五月二十七，匪首王之臣率衆匪，焚燒呂家舖房、住房共一百五十餘間，並搶去財物等件。事定後，呂成泰指名控告各匪，經官斷給銀三十兩外，有被告與呂姓情說，賠銀二十兩。

又付給王之臣小米一百二十七石三斗，十千，合錢一千三百三十六吊八百六十文。

賠修和興號劉舖房錢三千吊。五月二十九，在城內打仗，被王之臣等匪焚燒舖房四十餘間。貨物等項，尚未賠償。賠修董姓舖房錢五百五十吊。與上同日，燒舖房十一間。賠修德馨舖房錢四百吊。與上同日，燒舖房八間。賠同心館貨物錢七百吊。賠萬隆號貨物錢六百吊。

以上營兵賞號、被害各家賠款等項，共用銀一萬零七百一十九兩六錢。尚存銀六百八十兩零四錢。共用錢六千五百八十六吊八百六十文。尚不敷錢一千六百三十六吊八百六十文。

此外搶燒葉家三撥葉廣德等十四家、朱里口劉壽山、聖佛寺李蔭榮等家，除首要正兇拿獲正法外，其餘均派該村團長、村正代為說合賠償。官未經手。

(清代各衙門檔)

八二七 崑岡等奏爲克林德及杉山彬祭禮尚待商酌事摺

光緒二十六年閏八月二十六日(一九〇〇年十月十九日)

奴才宗室崑岡、奴才那桐跪奏，爲據實馳陳，恭摺仰祈聖鑒事。

竊奴才崑岡於閏八月初七日，接奉初二日內閣奉上諭：德國駐京使臣克林德前被兵戕害，業經降旨，深爲惋惜。因思該使臣駐華以來，辦理一切交涉事宜和平妥協，追念之餘，倍加軫惜。著賜祭一壇，派大學士崑岡卽日前往奠醊。等因。欽此。奴才那桐於閏八月初八日，接奉初三日內閣奉上諭：日本駐京使館書記生杉山彬被害情事，前經降旨緝匪懲辦。因念該書記生在使館當差，理應一律保

護，乃因事出倉卒，遽爾被戕，實深軫惜。著派禮部右侍郎那桐前往致祭，並賞給祭葬銀五千兩。等因。欽此。奴才跪讀之下，仰見皇太后、皇上聯絡友邦，無微不至，曷勝欽佩。當即分別照會各該使臣去後。該使等雖已接受照會，迄今未見答覆。奴才等復分遣繙譯官探詢，各館僉稱：賜酒之舉固為隆重，然必須參用與國禮節始為允協。惟現在和議未定，尚須稍待。各等語。奴才等伏思，外交之道，首重通權，況禮貴因時，不容膠執，將來和局粗定，奴才等當再懇催各使臣商酌。致祭該故使克林德等儀文，擬即稍事變通，參用西禮，總期繁簡適中，以仰副朝廷懷柔遠人之至意。

除俟賜祭禮成，再由奴才等奏聞外，理合先行據實覆陳，伏乞皇太后、皇上聖鑒。謹奏。
光緒二十六年九月初十日奉硃批：知道了。欽此。

（軍機處錄副奏摺）

八二八 奎順等為查明張家口喇教士平安事呈奕劻文

光緒二十六年閏八月二十七日（一九〇〇年十月二十日）

總統察哈爾都統奎順、頭品頂戴·副都統·訥恩登額巴圖魯魁福為呈覆事。

總辦察哈爾等處營務處案呈：前准欽命管理總理各國事務衙門·便宜行事·和碩慶親王咨開：為咨行事。接准比國姚使函稱，前者兩次具函，請咨行張家口地方官，著實保護西灣子、牛跳梁〔一〕兩處教

〔一〕核據《外務部檔》有關文卷，牛跳梁實即陝西省寧條梁。此案參見光緒二十八年四月十二日升允摺。

士等人。接到來函內稱，均已咨行張家口都統實力保護。等語。本大臣至今未接該教士回音，未審是否平安。茲仍請咨行北口外地方官，務要速查本國方教主及隨從傳教人等前往歸化城地方，並有去歲前往甘省之剛國大臣費禕、韓拉特、雷檔、林輔臣、林生瑞以上各員，即請行文查明，各該員現至何處？是否平安？更有前云在西灣子游歷本國武官韋托瑪，以及當斯特二員，風聞現在尚存。望將以上各節查明，並望代籌一策，將本大臣信函達至西灣子。旋將信函送交。等因前來。查前准比國姚使函稱，西灣子、牛跳梁兩處，教士人等危險，請飭保護。等語。當經本衙門咨行轉飭地方官切實保護，並聲明現當議和伊始，勿任稍有疏虞，致礙大局。等因在案。茲准前因，相應咨行迅飭所屬查明，比國方主教及剛國大臣費禕等各員究竟現在何處？是否平安？其在西灣子游歷之比國武官韋托瑪、當斯特二員，究竟是否尚存？務須詳細確查，並速即據實聲覆，以便轉達比使。事關交涉，所繫甚重，幸勿稍有遲誤。所有比館託寄函，應由速飭西灣子地方官，設法妥交，並索取回函，一併聲覆本衙門。等因前來。

承准此，遵即札飭張家口撫民同知遵照確查，並令轉交信函，候取回信去後。又飭催後。

茲於閏八月二十六日，據張家口撫民同知呈稱：為申覆事。接奉札飭，奉准欽命管理總理各國事務衙門，便宜行事。和碩慶親王咨令查明張家口廳屬西灣子等處教士人等，設法切實保護，毋令匪徒滋生事端。復准咨令查明比國方主教及剛國大臣費禕、韓拉特、雷檔、林輔臣、林生瑞等各員，究竟現在何處？是否平安？其在西灣子游歷之比國武官韋托瑪、當斯特二員，究竟是否尚存？務須詳細查

明，據實聲覆，以憑轉咨。並將比館寄來一函，前經隨文飭交該同知，速爲寄至西灣子，妥爲交納，並索取回函。立等呈覆之件，萬勿遲延，是爲至要。等因。札飭各在案。迄今數日，未據申覆，相應飛催，務將飭查各節於文到時，逐一查明，迅速呈報，以憑轉咨。切切。等因。

奉此，遵查卑廳所屬口外地面，自五月間拳匪初起，當經分飭各汛弁認真查禁，並令將各處大小教堂，一律妥爲保護。一面卑職親詣西灣子等處各教堂，開導教士人等，毋稍自驚，並給告示張貼堂門，以使民教各自相安。是以數月以來，所有廳屬如西灣子、南壕塹、太子城、臺路溝、興和城並分堂頭、道營子、石窩子、白化溝等處大小教堂，及各處教民均得平安無恙，亦無匪徒欺擾情事。至以上各處堂內教士，現聞多在西灣子總堂。日前因廳屬地面有逃兵經過，卑職第恐匪徒擾害教堂，是以即日親詣彈壓，並爲保護。維時經過臺路溝，面見該教堂教士王達文，言及西灣子堂內，各國教士尚有十餘人。知其名姓者，主教方濟衆、教士藍玉田，并有武官韋托瑪。等語。至奉比館洋文一函，當經卑職加函差派外委送投。嗣據函覆，以西灣子等處教堂，現在均甚平安。惟送去洋文一信，未據詳細作覆，僅給方濟衆名片一紙。茲奉飭查，除再行飭派外委，卽赴西灣子，守取洋文回信另文申送，一面仍將各處教堂，隨時設法保護。等因。呈報前來。

相應將該廳所查情形，並送到方主教名片一紙，先行呈覆，俟該廳索取回函再行呈覆外。理合呈覆欽命管理總理各國事務衙門。便宜行事。和碩慶親王，謹請查照。須至呈覆者。

計呈送方主教名片一紙。

右呈覆欽命管理總理各國事務衙門。便宜行事。和碩慶親王。

(外務部稿)

八二九 岑春煊奏請飭下統兵大臣約束兵勇保護教堂片〔一〕

光緒二十六年閏八月二十八日(一九〇〇年十月二十一日)

再，臣於閏八月二十六日，接准湖廣督臣張之洞電稱：據法國領事照稱，陝西高陵縣地方有主教兩人、教士十五人、貞女二十一人，漢中地方有主教一人、教士貞女共十八人，承端護撫保護認真，故至今平安。現因扈蹕兵勇甚多，良莠不齊，深恐教士變生不測，望電陝省設法預為防範。若中國與外國議和，須保教士安靜如常，儻教士被匪徒所害，是中國不願議和。此事緊要，為兩國邦交甚重，並請奏明等語前來。

臣維現在聖駕駐蹕，關輔諸軍雲從，彼此不相管轄。而高陵之主教、教士、貞女總計三十餘人，漢中則不及二十人，諸軍分紮各處，照管難周，如其滋擾教堂，殊乖懷柔遠人之義。相應請旨飭下現到陝省之各統兵大臣，於所部兵勇嚴加約束，凡有教堂處所，勿令稍有滋擾，以仰副聖朝一視同仁之至意。

除高陵、漢中各地方官由臣嚴飭一體保護外，謹附片具陳，伏乞聖鑒訓示。謹奏。

〔一〕此件為故宮博物院明清檔案部編《義和團檔案史料》所收同日岑春煊摺之附片。

硃批：另有旨。

(宮中硃批奏摺)

八三〇 著陝西地方官認真保護教堂事上諭

光緒二十六年閏八月二十八日(一九〇〇年十月二十一日)

光緒二十六年閏八月二十八日內閣奉上諭：

現在陝省大兵雲集，高陵、漢中及各處教堂所有教士、教民人等，該地方官務須格外認真保護，相安無事。倘有不法兵丁，在於教堂處所滋生事端，定將該兵丁卽行正法，并將該管帶官及地方文武一體從嚴懲辦，決不寬貸。欽此。

(上諭檔)

八三一 崑岡等奏爲黃思永前被莊王府團民收禁現應如何辦理事摺

光緒二十六年閏八月二十九日(一九〇〇年十月二十二日)

留京辦事大臣·大學士臣宗室崑岡等跪奏，爲據情代奏，仰祈聖鑒事。

竊臣等准欽差大臣·大學士·直隸總督李鴻章咨稱：據翰林侍讀學士黃思永家人王福稟稱，竊家主翰林院侍讀學士黃思永，江蘇人，祖籍安徽，庚辰科進士，寓宣武門外老牆根。本年六月初六日子

刻，突有義和團數十人蜂擁而來，其時家主臥病在牀，不由分說，押令上車，送往莊王府，不知何故。迨至莊王府，既未入壇燒香，亦未傳見問話，僅有團目秦姓、張姓等時來恐嚇，並稱該團有乞恩釋放之權，但非認罰不可。家主答以候見王爺再說，以爲一見王爺，便分真僞。不料終不傳見，候至初八日申刻，忽送刑部收禁。刑部亦未問供，遂收入監禁四十餘日。至七月二十二日辰刻，洋兵入署，所有在監羈禁者全行放出，官役亦均各自逃命。家主不肯遠離，緊跟官役，行至兵部窪中街閒房內躲避，屢遇洋兵，迄未被害。理合據實報明，叩求據情代奏請旨。等情。到本大臣。相應咨會留京辦事大臣查照，酌覈陳奏。等因。咨會前來。

臣等伏查，既經該大臣據情咨會，應如何辦理之處，臣等未敢擅便，謹合詞代奏，伏乞皇太后、皇上聖鑒，訓示施行。謹奏。

光緒二十六年九月十三日奉硃批：卽著崑岡等查明原案，擬議請旨。欽此。

〔軍機處錄副奏摺〕

八三二 林福彭爲統計各屬秋禾實收分數事申方恭劄文

光緒二十六年閏八月二十九日（一九〇〇年十月二十二日）

申道憲。爲彙案申報事。

照得各屬秋禾實收分數，理應開摺彙報。除天津一邑尚無恢復外，迭經飭據靜海、青縣、滄州、南

皮、鹽山、慶雲等六邑分別開報前來。卑府覆查無異。理合彙開清摺，並各屬呈送原摺，一併申送核轉。計申送彙開清摺四扣、各屬原摺各四扣。

計開：

光緒二十六年分，一、靜海縣閭縣高窪地畝，除被水村莊另行查勘不計外，統計秋禾實收七分餘。一、青縣四鄉具報，被旱各村另行勘明稟辦不計外，其餘成熟村莊高窪地畝，統計秋禾實收七分餘。一、滄州四鄉高窪地畝所種秋禾，統計實收五分餘。被水村莊另行稟報。一、南皮縣四鄉高窪等地，除秋禾被旱各村莊不計外，其餘牽算，統計實收七分餘。一、鹽山縣閭邑，統計本年實收六分餘。一、慶雲縣四鄉高窪地畝，秋禾實收統計七分。以上州縣秋禾實收分數。

閏八月二十九日稿，即日發。

(清代各衙門檔)

八三三 盛宣懷奏請分別籌修北省拆毀桿線辦法緣由摺〔一〕

光緒二十六年九月初二日（一九〇〇年十月二十四日）

頭品頂戴·大理寺少卿臣盛宣懷跪奏，為籌修北省拆毀電報桿線，飭據商董議請分別辦理，以重報務而杜效尤，恭摺奏陳，仰祈聖鑒事。

〔一〕此件為故宮博物院明清檔案部編《義和團檔案史料》所收同日盛宣懷片之正摺。

竊自拳匪事起，京師至保定電線首被拆毀。曾不踰時，京津一路繼之，津德一路又繼之，山西、河南無洋兵無拳匪之地亦繼之。馴致晉、豫、直隸、東三省境內，蕩然無一線之遺。自夏徂秋，南北隔絕，中外阻塞，朝廷之指揮，封疆之機要，兩不相及，貽誤實多。豫省毀線之後，接准撫臣裕長咨會，已奏緩〔復〕興修建。聞車駕西巡，臣即分投派員運料趕修晉線，然猶有隨修隨毀之事。近日疊接湖廣督臣張之洞、調任河南撫臣于蔭霖電商，以豫省運道總匯，屬即派員接修。當飭商局各總董會議修復去後。旋據稟稱：所毀桿線太多，全責商股興復，不特商力實有未逮，似於憲法亦有未平，擬請將直隸、東三省曾經戰事之處經敵致毀，並非地方官保護不力者，由商人集股重造；如晉、豫兩省並無戰事，實係州縣不任保護，甚有指使拆毀，應援照光緒十二年貴州畢節拆線、十八年山西霍州等處毀桿成案，由地方官賠修。請奏明咨商奉准，以便墊款趕辦。等情前來。

伏查此次被毀電線，地周六省，線路過長興修費鉅，該商董等所稟商力未逮，自係實情。且內匪外兵擾動畿輔，全賴晉、豫鄰近傳報靈捷，顧乃蔽聰塞明，求無聞見，而彼洋兵所至，行軍電報即接踵而來。是毀線之舉，祇以自困，何損於人？當此寰海大通之日，猶挾深閉固拒之心，若非有所儆戒，恐經年累月修之而不足者，一朝一夕毀之而有餘。該商董等議由官商分別賠修，委係酌理準情、懲前毖後之意。昔年畢節、霍州等處拆線毀桿之案，均經黔、晉兩省撫臣奏明由官賠修，地方州縣多予撤查，拏辦人犯，有罪當重辟者以視。今年晉、豫兩省電線之全境盡毀情形，輕重尤覺懸殊。相應援案籲懇聖明垂察，准照各商董所請，飭將晉、豫兩省修復電線工料經費，仍由地方官賠償，以體商情而重報務。

當日州縣各官之有無縱容指使，煽衆拆毀之有無首惡渠魁，應否查明懲辦以儆效尤，是在各該撫臣察核施行以盡保護之實，非臣所宜擬請。其直隸、東三省有戰事地方，將來次第籌修，仍統由衆商承認集股修造，以盡報效之忱。

除將晉、豫兩省電線先行派員購桿運料、趕籌修接外，所有電報商董議請分別籌修北省拆毀桿線辦法緣由，謹恭摺具陳，是否有當，伏乞皇太后、皇上聖鑒訓示。謹奏。

光緒二十六年九月十四日奉硃批：著照所請。該部知道。欽此。

（軍機處錄副奏摺）

八三四 徐會澧等奏報懷柔義和團戕官劫獄及調兵剿辦情形摺

光緒二十六年九月初三日（一九〇〇年十月二十五日）

兵部尚（書）·兼理順天府兼尹事務臣徐會澧、留京辦事大臣·順天府府尹臣陳夔龍跪奏，爲懷柔縣土匪戕官劫獄，現籌調兵剿辦情形，恭摺奏報，仰祈聖鑒事。

閏八月二十四日，據霸昌道英瑞稟稱：十九日，據懷柔縣典史周壽嚴稟稱，卑職印官焦立奎，自本年五月以後，同都司項維揚並卑職辦理團防事宜，一向地方安靜。不料閏八月十七日晚，有土匪多人，攙雜小民，暗進城中藏匿，五更後突進縣署，竟將印官焦立奎戕害，並眷口及幕友、練勇一同殺害，署內銀錢、衣物搶劫一空，即將監獄打開，全將犯人帶走。登時卑職會同都司項維揚，帶同營兵練勇，追至

縣署頭門，將逃犯孫林當場格殺，該匪等開城遠颺，稟請派員來縣相驗核辦。又於二十一日，據北路同知沈宗稟稱，據懷柔縣捕盜營遊哨經制外委于春江稟稱，竊有懷柔縣內本地匪徒，勾結義和拳匪約三百餘名，突於本月十八日黎明時分擁入縣署，將縣令焦立奎連眷口一併砍殺，並殺傷丁役數名。外委正在署外帶勇巡查，聞聲立即往剿，當被匪徒砍殺勇丁二名，外委腰間受傷，衆寡不敵，乘空逃出。據情轉報。據此，卑廳查該縣土匪竟假義和拳爲名，聚衆戕官，形同叛逆，理合詳請查核，迅賜撥兵往剿，以衛地方。並據署密雲縣知縣徐國楨稟同前因。職道查此案，懷柔縣匪徒竟敢聚衆戕官，慘及眷口，搶劫衙署監獄，情同叛逆，理合詳請查核，派兵往剿，並速委員接署該縣印務。等因前來。

伏查順屬一帶，拳、土各匪，爲害甚深。臣等到任後，凜遵屢次剿辦拳匪之諭旨，通飭各州縣認真剿辦。乃懷柔縣匪徒，竟敢聚衆戕官，慘及眷屬，搶署劫獄，實屬形同叛逆，若不調兵剿辦，何以靖地方而昭炯戒。當卽就近咨商大學士·直隸督臣李鴻章，調派通永鎮李安堂五營，馳往該縣，相機剿辦。又恐緩不濟急，復咨請慶親王奕劻，札飭原駐全道之武衛左軍提督張相泰，先行派撥步隊二百名、馬隊二十名，開赴昌平一帶駐紮，藉資彈壓。

除委員前往勘驗訊供詳報，並札委候補知縣魯人瑞馳往署理該縣印務，迅將印信有無遺失，監獄被劫情形，據實查復，並剿捕首要，安撫商民，及一切善後事宜，會同營伍各員認真經理外，至署懷柔縣知縣焦立奎被匪戕害慘，及眷口實堪憫惻，容俟勘驗詳報，再行奏祈恩施。

所有懷柔縣匪徒戕官劫獄，現籌派兵剿捕大致情形，理合恭摺馳陳，伏乞皇太后、皇上聖鑒訓示。

謹奏。

光緒二十六年九月十四日奉硃批：另有旨。欽此。

(軍機處錄副奏摺)

八三五 榮祿奏覆遵旨移交武衛中軍隊伍摺

光緒二十六年九月初四日(一九〇〇年十月二十六日)

奴才榮祿跪奏，爲遵旨移交武衛中軍隊伍，恭摺覆陳，仰祈聖鑒事。

竊於光緒二十六年閏八月十六日，奴才自保定起程迎摺西上，於次日在定州行次，承准軍機大臣字寄，十四日奉上諭：榮祿著前來行在，人直辦事。所有駐紮保定一帶之武衛中軍，本日已有旨歸李鴻章節制調遣。李鴻章未出京以前，著廷雍暫行接收統帶矣。將此由六百里諭令知之。欽此。奴才跪誦之下，欽感莫名。竊查月前奏報，將武衛中軍歸併步隊十營、馬隊八旗，其餘淘汰裁撤，以節餉需在案。茲奉旨歸李鴻章節制調遣，奴才即在定州、新樂、正定一帶調集馬步各營統領營官等，曉諭宣示。除札知前派赴霸州、雄縣勦辦會匪之知府吳炳鑫、游擊石光賢步隊各兩營，記名提督李成金之馬隊兩旗遵照外，其餘在防之總兵孫萬林所部步隊四營、馬隊一旗，都司凌維琪馬隊一旗，副將王得有等所帶衛隊一營，副將張春林、守備郭鵬揚護軍兩營，均經奴才通飭各該統領、管帶等官，整齊隊伍，於二十日分起開赴定州，聽候廷雍暫行接收調遣。並將營制餉章、馬步營數，札知該藩司卽爲接統，以一事權。

其中路馬隊兩旗，前經提督董福祥帶往，現留隨扈，應請即改歸董福祥節制。西安駐防馬隊兩旗，奴才現擬帶回西安，就近歸伍。至游擊石光賢步隊兩營，擬俟剿匪事竣即回陝省，改歸董福祥節制。緣該營弁勇多係陝、甘籍貫，人地相宜，較易驅策。所有武衛中軍各營餉項發至閏八月底止，九月以後應由直隸藩庫先行墊發，俟各省解到，再行歸款。

至此次變起非常，自六月以後，各省應解本年餉項因無處匯兌，均未解到。奴才前咨東撫分別電催，除湖北、江蘇、福建三省未覆外，各省覆到，計欠解銀尚有五十餘萬兩。前在保定發放各營餉項，曾向直隸藩庫借撥銀十萬兩，俟由奴才電催各省將欠解本年餉項迅即設法解到，以便撥還，並將九月以前軍中各項欸目料理清楚。嗣後各省所解餉項，應撥歸李鴻章及董福祥各營數目，應由戶部指撥飭遵，以清界限，而重欸項。

奴才前荷聖慈，賞頒節制北洋各軍欽差大臣關防一顆，應俟報銷事竣，再為呈繳。奴才於九月初四日行抵衛輝府，計程半月可到行在，經過直、豫兩省，秋穫登場，民情安謐，堪以仰慰宸廑。所有交代武衛中軍各緣由，謹恭摺覆陳，伏乞皇太后、皇上聖鑒。謹奏。

光緒二十六年九月初九日奉硃批：該部知道。欽此。

八三六 軍機處交片：隨扈之王公以下各員每月津貼銀兩清單

光緒二十六年九月初五日（一九〇〇年十月二十七日）

（軍機處錄副奏摺）

交前路糧臺，所有隨扈之王公以下大小文武各員每月津貼，已奉旨分別酌減，開單咨送貴糧臺查照。不入八分公載瀾係御前大臣，奉旨每月發給津貼二百兩。希貴糧臺一併欽遵辦理，並希知照公載瀾可也。此交。計粘鈔單一件。九月初五日。

親王每月給銀五百兩。郡王每月給銀四百兩。貝勒每月給銀三百兩。貝子每月給銀二百五十兩。不入八分公每月給銀二百兩。不入八分公以下各爵職，每月按照品級大小給發：一、二品大員每月給銀一百零五兩。三品以下京堂每月給銀七十五兩。五品以下司員每月給銀四十五兩。七品以下司員每月給銀三十兩。都統、副都統每月給銀一百零五兩。頭等侍衛、參領、佐領每月給銀四十五兩。二等侍衛以下每月給銀三十兩。

(上諭檔)

八三七 劉家模奏請酌留行在衛兵收合餘軍北上保衛畿疆摺

光緒二十六年九月初六日(一九〇〇年十月二十八日)

山東道監察御史臣劉家模跪奏，為兵為民患，擬請酌留衛兵，收合餘軍北上，藉保畿疆而資鎮懾，恭摺仰祈聖鑒事。

竊臣維謀國莫先於定亂，定亂莫急於弭兵。溯自津沽接戰以來，將不能謀，士不能死，近數載練兵籌餉收效，概可知矣。幸而各行省大局尚完，民心並固，變輿巡幸，扈蹕無驚。邦本在民，僅此可恃，特

恐以軍行肆擾，將來兵民之構怨，有甚於團教之尋仇，此臣愚所深慮也。按當日附京一帶，屯兵最多，民間受災最重，故易至作亂。嗣後京內強搶官宅、當店，市面歇業，家眷車輛出京，橫遭劫掠。迨當大軍潰後，由京至正定千餘里，無處而無逃兵，百什爲羣，恃有軍裝火器，難民行旅，遇路殺掠，各官驛爲之一空。並有所部兵丁，搶奪本統領者。其同爲志在財物可想。竊憶當日京師告警，各省入衛之師，大半逗遛不進，今日西行之役，率皆踴躍爭先。查其經過各地方，承辦兵差，皆由民間勒派，杖責刑比，婦哭童號，至有耕種薄資、貿易微本盡行傾出，而不得免於禍者。是以列肆爲之罷市，旅店爲之閉門，荒落情形，殊堪慘目。夫河豫山陝之民，多習於樸實勤苦，重以連年荒歉，再加之差徭擾累，將何能堪？若或窮而無之，生心變亂，時局愈覺可危。

伏思秦中關塞謹嚴，輦轂遙臨，重兵實無所用，而北方則根本重地，二陵九廟，祖宗之靈爽式憑，豈可任他族偪處？縱謂和局可恃，而兵力不能相持，彼族要挾更甚。故爲今之計，但求厚集兵力，以資抵禦，嚴申軍律，以警潰逃，俾衆志成城，或可沮強鄰西犯之心，而知我中國之尚能振旅。庶幾和議易就，兵事可弭，變輿亦可早復，天下臣民望甚。相應請旨，飭下應留行在衛兵若干營，其餘各軍，慎選統帥，速令分起北上，務於保定近畿一帶，扼要駐紮，將北路不至空虛，而西土並免於蹂躪矣。

臣爲補救時艱、保全危局起見，是否有當，謹恭摺具陳，伏乞皇太后、皇上聖鑒訓示。謹奏。

（軍機處錄副奏摺）

八三八 著追贈王懿榮事上諭

光緒二十六年九月初八日（一九〇〇年十月三十日）

光緒二十六年九月初八日內閣奉上諭：袁世凱奏，大員殉節，籲懇恩施，據呈代奏一摺。二品銜。國子監祭酒王懿榮，敦品績學，持躬清正，侍從南齋，疊承恩眷。平日夙懷忠義，思濟時艱。本年七月間，臨難捐軀，從容就義，洵屬大節凜然。加恩著追贈侍郎銜，照侍郎例賜卹。其妻謝氏及其長子婦張氏亦同時殉難，忠烈孝義，萃於一門，允宜特予褒揚，以彰貞節。王謝氏、張氏均著准其旌表。伊長孫王福坤，著俟服闋後以主事分部行走。該部知道。欽此。

（上諭檔）

八三九 著戶部撥銀資濟陝庫事上諭

光緒二十六年九月初十日（一九〇〇年十一月一日）

軍機大臣字寄戶部、陝西巡撫岑，光緒二十六年九月初十日奉上諭：岑春煊奏，陝庫支絀，請飭撥專款一摺。近來各省解到京餉，應用之處甚多。惟陝省庫款空虛，亦係實情。著戶部於京餉項下，暫行借撥銀三十萬兩，以資接濟。俟四川等省原撥協濟之款解到，陸續提還。至所稱此次豫備行宮等項已近三十萬兩，請另籌撥款。等語。現在駐蹕西安，供頓一切，為款雖鉅，亦何至如此之多？以前承辦

各員，恐不免有浮銷中飽等弊。時勢艱難，朝廷事事務崇節儉，豈容稍有虛糜。所請撥款之處，著戶部另行撥給銀五萬兩。該撫務當督飭支應委員，樽節開支，力杜浮冒，並嚴禁濫支濫用，以重帑項。將此各諭令知之。欽此。遵旨寄信前來。

(上諭檔)

八四〇 著劉坤一等整頓裁撤張春發陳澤霖兩軍事上諭

光緒二十六年九月初十日(一九〇〇年十一月一日)

軍機大臣字寄兩江總督劉、江蘇巡撫松，傳諭護理江蘇巡撫·布政使聶，光緒二十六年九月初十日奉諭：張春發、陳澤霖所統兩軍，疊經諭令該督等查明實存兵數，再行給餉，存餘銀兩解赴行在應用。尚未據覆奏。現在駐蹕長安，需餉浩繁，陝省無可籌撥。張春發一軍，著劉坤一等查點實數，准其酌留三營。陳澤霖一軍，著全行裁撤，軍械一律收回。該兩軍月餉，均有指定的款，所有騰出餉項，即著該督等覈明確數，陸續派委委員，解赴西安行在，以濟軍需。將此由六百里各諭令知之。欽此。遵旨寄信前來。

(上諭檔)

八四一 著董福祥裁併所部軍事上諭

光緒二十六年九月初十日(一九〇〇年十一月一日)

軍機大臣面奉諭旨：董福祥奏，查明所部缺額無多，擬切實裁併以節餉項一摺。該提督舊部及新募，共計二十一營。現在餉項支絀，該提督務當汰弱留強，切實裁併，俟裁併後實存若干營，再行奏明辦理。至裁撤營勇所領槍械，務須逐一點收，免生事端。是爲至要。欽此。

(上諭檔)

八四二 徐會灃等奏爲據情代奏順天府紳民呈請回鑾事摺

光緒二十六年九月十一日(一九〇〇年十一月二日)

兵部尚書兼理順天府兼尹事務臣徐會灃、留京辦事大臣·順天府府尹臣陳夔龍跪奏，爲據情代奏，籲懇迴鑾，仰祈聖鑒事。

竊臣等據順天府治中王夢齡、大興縣知縣謝錫芬、宛平縣知縣范履福、經歷邢兆英會稟：據順屬紳民在籍紳士二品銜·奉天補用道朱樑濟等，舉貢生監國子監助教舉人周濂徽等，錢糧鹽當商人葉起源等，城鄉耆民龔懷寶等呈稱：我朝數百年深仁厚澤，爲從古所未有，凡在臣庶，其愛戴實浹髓淪肌。樑濟等或世居畿輔，或託業京城，皇恩所被，尤爲雨露先霑。詎自夏間民教相仇，以致洋人啟釁，倡犯京師，我皇太后、皇上倉猝西巡，率土之人，無不同深義憤。幸我皇太后、皇上視民如傷，惟恐致遭塗炭，俯允議和，一時更生有慶。惟大局甫定之際，正盼澤最殷之時，鑾駕一日未還，卽瘡痍一日不復。仰九重而遙籲，如嬰兒之念慈親，合億兆以懷思，如久旱之望霖雨。爲此懇乞據情人奏，早日迴鑾。等因。

臣等竊維此次洋兵入犯，佔踞京城，居民驚避，十室九空。雖迭經慶親王奕劻及臣等會商各國使臣，設法招集流亡，維持市面，而居民人等深盼皇太后、皇上早日回京，得所依恃。聞各國使臣致書慶親王奕劻，亦皆以鑾駕早旋、和局易於商定爲言。京城雖遭兵燹，而大內宮殿並未損傷，儻蒙聖慈早定迴鑾日期，實足以維繫人心，消弭禍患。伏讀閏八月初六日詔旨，原有事定取道河南回京之諭。而小民瞻天仰聖之忱，實有迫不及待之勢，情詞懇摯，出自至誠。既據合詞呈請，臣等不敢壅於上聞。謹照錄原呈，恭呈御覽，可否先將迴鑾日期宣示中外，俾慰天下臣民之望，不勝迫切之至。

所有據情代奏緣由，理合恭摺具陳，伏乞皇太后、皇上聖鑒。謹奏。

（軍機處錄副奏摺）

八四三 崑岡等奏爲呈報在京各員及家屬殉難清單事摺

光緒二十六年九月十二日（一九〇〇年十一月三日）

留京辦事大臣·大學士臣宗室崑岡等跪奏，爲遵旨覆陳，恭摺仰祈聖鑒事。

光緒二十六年九月初四日，接奉軍機大臣字寄，閏八月二十一日奉上諭：此次洋兵進城，在京文武大小各員，如有矢志殉國、臨難捐軀者，亟應予以旌揚，以彰忠節。著留京辦事大臣崑岡等，會同順天府詳細確查，奏明請旨辦理。倉場侍郎長萃、劉恩溥現在何處？著一併查明具奏。將此各諭令知之。欽此。欽遵寄信前來。等因。

臣等查本年七月二十一日洋兵入城，事出倉卒，捐軀殉國者到處皆有。臣等已於設立留京辦事公所後，行文八旗暨順天府等處查詢在案。惟京城所有各旗員暨各衙門漢員是否在京，無從查閱，礙難拘滯，旗籍取具圖片、漢籍取具印結成案辦理。現在謹據該殉節諸臣家屬呈報名口數目，開單具奏，應如何加恩之處，出自聖主鴻施。嗣後如有續經呈報者，仍由臣等隨時奏聞〔一〕，以廣聖仁而彰忠蓋。

再，倉場侍郎長萃、劉恩溥現均在京。合併陳明。伏乞皇太后、皇上聖鑒。謹奏。

光緒二十六年九月二十四日奉硃批：另有旨。欽此。

（軍機處錄副奏摺）

附件：崑岡等呈報在京文武各員及家屬殉難情形清單

謹將在京文武官員、家屬殉節各情，摘錄原呈，恭呈御覽。

計開：

前吉林將軍延茂之家人金瑞林呈報：家主延茂於七月二十一日，由安定門防守下城，矢以死報，於二十二日黎明，同家主母李氏、無品級司庫延芝妻唐氏、七品筆帖式·候選通判延蘭之妻董氏、已故筆帖式延藁之妻李氏、已故筆帖式·候選知縣延衡之妻李氏、已故國子監學正學錄延蕙之妻陳氏、延芝之女、延蘭大女、二女、三女，共十二名口，闔家引火自焚殉節。家主之胞兄前任浙江鹽大使延芹嫂金

〔一〕崑岡等歷次奏報各摺單，現在已有佚散，本書未能收齊。

氏、堂弟延蘭、家主之子主事肇鴻年十九歲、延蘭之子候選筆帖式肇騏、延芝之子肇駿，均十六歲，遇救得生。等因。

國子監祭酒熙元之家人王興呈報：家主熙元因丁憂在家，七月二十一日城守失防，憂憤難已，遂同家主母費莫氏、嫂富察氏，仰藥殉難。等因。

翰林院侍讀·宗室寶豐之胞弟寶焜呈報：胞兄於七月二十一日城破，隨扈不果，自題絕命詞云：忠孝節廉，本乎天性；見利思義，見危授命。嗚呼，寶豐不失其正。隨即吞金自盡。伊子承良年紀尚幼。等因。

翰林院侍讀崇壽之胞弟崇禧呈報：胞兄於七月二十一日城破，隨扈不果，遂即仰藥自盡。伊子桂馨，年十七歲。等因。

三品頂戴·奏蒙古事二等侍衛兼公中佐領全成之家人全安呈報：家主於七月二十一日京城淪陷，自言年邁，未能隨扈，同妻朴佳氏、子婦宗室氏、次孫英綬、三孫國史館繙譯官英緒，同時仰藥殉節。家主長子欽天監五官正桂芾、長孫理藩院筆帖式英榮，現存。等因。

花翎·頭品頂戴·前任奉天府府尹福裕之子、姪兵部員外郎衡璋、刑部員外郎衡玖、閑散衡鎔等呈報：職父福裕、母章氏，於七月二十一日京城淪陷，偕嫡母原任湖南澧州知州福昌之妻愛新覺羅氏、原任內閣學士福林之妻薩爾圖克氏並其女係本年四月奉旨指婚醇親王、內閣侍讀學士福敏之妻杭阿坦氏並其女，均同時仰藥、投井殉節。

二等侍衛·世襲一等子爵鍾祺之親兵劉永春呈報：營總鍾祺，由二等侍衛，經欽差大臣李秉衡奏調，派充營務處總辦，馳赴前敵。七月十七日李秉衡殉節，即將其遺骸成殮，派隊送歸河南後。營總趕緊入城，二十一日京城失陷，遂自縊殉節。長子廕生榮森，年十八歲，次子榮剛，年四歲。等因。

一品封典富謙之子刑部筆帖式斌福呈報：於七月二十一日洋兵進城後，遵父命攜兩姪逃往瑩地避亂，故父率領闔家殉難。適降服兄文福兵敗，歸家請命，職父一品封典富謙，隨率同胞兄三等待衛五福並妻伊爾根覺羅氏、次子清霽、女小胖姑娘、降服兄花翎·記名副都統·世襲三等子爵文福並妻呼都哩氏、次子清霽、長女大胖姑娘、次女竹姑娘、職姊三姑娘、職妻劉氏，一同用火自焚。斌福攜帶胞兄五福長子清霖，年十歲，降服兄文福長子清霖，年十二歲，進城悉知各情。等因。

三品頂戴·世管佐領兼雲騎尉德續之子閑散煜通呈報：親父經欽差大臣李秉衡咨調，派充委員，正在京料理，聞前敵失利，自稱受恩未報，遂於七月二十日赴敵，戰至亥刻，在東直門角樓下中傷陣亡。等因。

護軍參領兼司鑰長·世襲雲騎尉續林之家人夏升呈報：家主於七月二十一日洋兵入城，隨扈不果，用力將次子崇岡、長姪孫女、次姪孫女、三姪孫女殺死，家主同主母顏扎氏暨胞姪護軍校崇福、姪婦白氏，均經自縊。夏升將主人長子崇謙，年十三歲，挾出藏於附近。等因。

花翎·二品銜·候選道·前浙江紹興府知府繼恩之子媳、已故會典館膳錄官錫元之妻索綽羅氏呈報：錫元之父繼恩，於七月二十一日洋兵進城，率同胞姪婦已故廕生·戶部候補郎中錫光之妻覺爾

察室瑚雅氏、本族孫女岳姑娘、繼恩之妾張氏，闔家自焚殉節。索綽羅氏遇救得生。等因。

皇城內專缺副尉塔芳阿之胞姪工部候補員外郎魁林呈報：於七月二十一日洋兵進城，胞叔塔芳阿同妻戴氏、子馬甲清林、媳瓜爾佳氏、孫女榮姐、僕婦劉氏，闔家自縊殉節。等因。

（軍機處錄副奏摺）

八四四 崑岡等奏爲呈遞前吉林將軍延茂遺摺片

光緒二十六年九月十二日（一九〇〇年十一月三日）

再，據前吉林將軍延茂之家人金瑞林呈稱：家主於七月二十一日，由安定門防守下城，憂憤自矢以死報國，繕就遺摺，囑爲代遞，隨即引火全家自焚。因道路梗阻，無從呈遞。等因。呈請代奏前來。理合附片陳明，伏乞聖鑒。謹奏。

（軍機處錄副奏摺）

附件：延茂遺摺

光緒二十六年七月二十一日（一九〇〇年八月十五日）

前任吉林將軍奴才延茂跪奏，爲永辭聖世，叩謝天恩，恭摺仰祈聖鑒事。

竊奴才內務府世僕，知識拘迂，由同治壬戌恩科舉人、癸亥恩科進士，簽分禮部主事，補授員外郎、郎中，京察一等，奉旨：以京堂用。歷蒙簡放鴻臚寺少卿、光祿寺少卿、通政使司參議、內閣侍讀學士、

太僕寺少卿、奉天府府丞兼學政，調補詹事府少詹事、大理寺少卿，賞給副都統銜。駐藏幫辦大臣。光緒二十一年七月奉旨查辦黑龍江事件，旋於二十二年四月，擢授吉林將軍，在任三年，黽勉籌防，幸無貽誤。上年因病請假，開缺回旗。本年六月，蒙恩簡派襄辦城守事宜。自以久病未痊，難勝重任，繼思國步艱難之際，正臣子效命之時，惟有力矢血誠，冀酬高厚。自奉襄辦城守之命，日夜隨同督辦城守王大臣，奔走城垣，力疾守禦。詎意七月二十一日，正在安定門西中心臺，督飭虎神營震有步隊及正黃旗驍騎營併力防守，乃安定門城上營兵，已紛紛敗退西下，奴才趕急督隊迎敵，無如敵勢已張，我軍雖多敢死之士，而兵力過單，寡不敵衆，相持兩時之久，兵氣漸銷，死亡潰散。奴才一人獨力難支，失機之咎，實無可辭。本擬奔赴行在，匍匐請罪，第以宿疾未愈，不良於行。再四思維，艱窮無計，惟有以死報國，稍贖愆尤。遂於七月二十二日，舉家自焚，略效古人捐軀之義，以答朝廷眷顧之隆。從此豢養之恩，實啣恩於沒世；犬馬之報，誓圖報於來生。

所有奴才闔門自焚緣由，合先恭繕遺摺，叩謝天恩，伏乞皇太后、皇上聖鑒。謹奏。

（軍機處錄副奏摺）

八四五 袁世凱奏報濟陽縣孫玉龍起事狀官並請將縣令革職片〔一〕

光緒二十六年九月十二日（一九〇〇年十一月三日）

再，本年八月二十九日，據濟陽縣知縣沈逢龍稟報：縣境玉皇廟聚有土匪百餘人，四出搶掠，請兵

〔一〕此件爲故宮博物院明清檔案部編《義和團檔案史料》所收同日袁世凱摺之附片。

往捕。當即檄委候補知縣查榮綏先率小隊百餘名，馳往緝辦。閏八月初一日行抵該處，突有悍匪千餘人，分三路列陣迎敵。該令督隊奮禦，當場擊斃匪首偽先鋒二名、悍匪八十餘名。匪衆四面圍攻，勇隊勢寡，該令往來衝突，力盡遇害。身受重傷十數處，肢體分裂不全。勇丁亦陣亡十一名。迨續派大隊繼至，匪徒竄散，跟蹤搜捕，先後拏獲偽大元帥孫玉龍、偽副元帥孫九龍、偽軍帥王傳申等暨匪黨五十餘名。當即發交地方官審訊，供認糾衆倡亂、謀掠濟陽縣城、拒捕戕官等情不諱。已批飭分別嚴懲，並將知縣查榮綏等屍身覓獲殮卹。

惟濟陽縣知縣沈逢龍事前既未能防範，臨事又不往協捕，而探報不實，致釀鉅案，非尋常玩忽可比。相應請旨將沈逢龍卽行革職，以示懲儆。已故同知銜直隸州用候補知縣查榮綏，督隊勦匪，擊斬多名，卒以寡不敵衆，臨陣捐軀，死綏甚慘。合無仰懇天恩俯准，敕部將查榮綏照陣亡例議卹，爲以死勤事者勸，出自鴻慈逾格。所遺濟陽縣缺，東省現有應補人員，應請扣留外補。

除咨部查照外，謹附片具陳，伏乞聖鑒訓示。謹奏。

光緒二十六年九月十九日奉硃批：沈逢龍著卽行革職。查榮綏著照陣亡例議卹。餘依議。欽此。

(軍機處錄副奏摺)

八四六 著松蕃等和平辦理交涉並保護教士教民事上諭

光緒二十六年九月十三日(一九〇〇年十一月四日)

軍機大臣字寄雲貴總督崧、雲南巡撫丁、雲南提督馮，光緒二十六年九月十三日奉上諭：本年七月間，京畿一帶拳匪肇禍，驟啟兵端，以致地方蹂躪，生靈塗炭。現派奕劻、李鴻章等，與各國使臣在京議款，正在爲難之際。雲南與英、法屬界毗連，萬不可再啟釁端。崧、丁振鐸身任地方，責無旁貸，於一切交涉事件，務須和平辦理，以維大局。各屬教士、教民，尤宜慎遵疊次諭旨，加意保護。馮子材辦理邊防，惟當約束兵丁，嚴申紀律。如有無知弁兵徒逞意氣，至與教士、教民爲難生釁，卽著該提督隨時懲戒，毋稍回護。時局至此，全在封疆大吏與專閫大員和衷共濟，補救時艱。該督等接奉此旨，自當仰體朝廷不得已之苦衷，總以安靖地方、消患無形爲第一要義。儻意見紛歧，辦理不善，致礙和局，則罪有攸歸。該督等自問，能當此重咎否耶？懍之慎之。將此由六百里各諭令知之。欽此。遵旨寄信前來。

(上諭檔)

八四七 著李鴻章飭屬剿辦懷柔縣戕官劫獄之餘衆事上諭

光緒二十六年九月十四日(一九〇〇年十一月五日)

光緒二十六年九月十四日內閣奉上諭：徐會灃等奏，土匪戕官劫獄，調兵勦辦情形一摺。本年八月間，直隸懷柔縣突有土匪數百人，闖進衙署，將該縣知縣焦立奎戕害，並殺害眷口、幕友多人，銀物搶劫一空，實屬形同叛逆。雖經都司項繼揚等帶兵追勦，將逃犯孫林當場格斃，其餘各匪均開城遠颺，迄無弋獲。卽著李鴻章迅飭通永鎮李安堂，認真勦辦，悉數擒獲，盡法懲治，毋任漏網。餘著照所議辦

理。欽此。

(上諭檔)

八四八 饒應祺奏報俄領事調隊運礮入卡未使用兵力阻摺

光緒二十六年九月十四日(一九〇〇年十一月五日)

甘肅新疆巡撫臣饒應祺跪奏，為伊犁俄領事聞警調兵自衛，並運礮入卡，現正議和，未使用兵力阻，居民尚屬相安，謹據實密陳，仰祈聖鑒事。

竊查前駐甯遠俄署領事博果牙楞因津京之變，聞謠疑懼，請調俄兵二百人來伊，初期分駐綏定、甯遠，保護俄商。經臣與伊犁將軍臣長庚電飭署伊犁鎮馬亮，帶兵前往理阻。據稱：實祇自衛，並無他圖。該署鎮與伊塔道慶秀力任保護，俄商止其來綏，均暫住甯遠領事署中，約束維嚴，未致出外生事，前已奏明在案。因奉旨籌辦邊防，整飭營務，俄兵部遂謂伊犁有備兵欲動之事。全權大臣·直隸總督臣李鴻章來電：東三省違旨開衅，俄兵深入，迭陷十餘城，覆轍可鑒。且與俄廷商勸撤退京兵，已蒙允行，切勿再生枝節，致誤大局。是以各處防兵臣未敢輕調，恐啓戒心。

乃閏八月二十日，俄領事斐多羅福照會慶道，俄兵二百人尚需在甯過冬，借住軍園子，明春方回。並由薩馬運來開花礮二尊，係奉俄皇批旨。准長庚電商，臣以俄兵違約入卡，前已通融辦理，運礮尤非條約所載，不能擅允。當欲〔派〕兵往阻，恐礙和局，急電總署全權大臣並使俄大臣楊儒婉為理論。准

楊儒電覆：回商俄外部轉奏俄皇，據稱欲撤伊界大兵，故運二礮以資鎮壓。不但領事、商人藉以保護，卽華官亦可用彈壓地方，彼此有益。應請剴切曉諭官民，切勿誤會。儒爭商至再，總謂以礮代防，係從簡辦法，未允卽作罷論。查現正修好，並無他意。此舉有鑒於東省，爲有備無患之計云云。李鴻章覆電亦謂現正議和，應婉阻，否則相機因應，勿因細故開衅。等語。慶道與斐領事再三辯論，軍園子俯礮甯城，居高臨下，民心不安，駐兵實不相宜。斐領事乃令移駐城外里許俄鄉約園內，而兩大礮已經抵尼堪卡，用兵力禦，勢必卽啓釁端。乃飭伊犁府黃守丙焜前往會商彈壓，於九月初一日至甯。查已運來開花礮二尊，護送馬隊二百餘騎，車數十輛，均住城外，商民安堵，地方文武亦均以靜鎮處之。惟嚴防內奸，以免另生枝節。初七日據黃守電，俄馬隊並原來車輛均已撤回，於今早過綏。似此隨來隨去，留兵無多，尚與楊儒覆電保護商人、並無他意之說相符。惟伊犁自從前中俄分界，所有要隘悉爲所佔，綏、甯平垣，並無險要可扼，茲已經入門戶，又留利器制人，其心叵測，實屬難防。而和議正開，又未敢稍動聲色，致令藉口興兵，貽誤大局。惟有隨時查探，嚴密防範，以期暫安於無事。

所有俄兵二百餘仍住甯遠並運礮入卡，未使用兵力阻，現尚安輯情形，謹據實直陳，恭摺密奏，伏乞皇太后、皇上聖鑒。謹奏。

光緒二十六年十月十四日奉硃批：知道了。仍著隨時嚴密防範，相機因應，毋任奸民勾結爲患。欽此。

（軍機處錄副奏摺）

八四九 順天府爲霸州地糧等銀被德兵搶劫事咨內務府文

光緒二十六年九月十四日（一九〇〇年十一月五日）

順天府爲咨照事。

據霸州知州劉于祐稟稱：於閏八月二十一日，德國統領克德利帶兵二千到州，即行進城。二十二日下午，洋兵闖入署內，將上忙徵存地糧、旗租、房地旗產、雜稅等項銀四千九百八十兩零二錢五分三釐一毫，卑職業已封存候解，均被洋兵搜搶淨盡。理合開摺稟送查核。等情前來。據此，相應抄摺咨呈貴府，請煩查照核辦施行。須至咨呈者。計粘抄摺一張。

右咨呈內務府。

（內務府檔）

附件：署霸州知州呈德兵搶去各項銀兩清單

署霸州呈：今將洋兵搶去署內本年上忙徵存地糧、旗租、房地、旗產、雜稅等項銀兩，理合開摺，呈請憲鑒。

計開：

一、前任鄭牧移交，應解司庫，本年上忙改歸耗銀三十六兩六錢一分八釐四毫。

一、應解憲轅，本年上忙劃撥地糧正銀二千三百八十五兩零二分二釐五毫。

一、應解司庫，本年上忙劃撥耗銀二百三十八兩五錢零二釐二毫。

一、應解司庫，本年上忙改歸耗銀一百一十二兩五錢四分八釐七毫。

一、應解憲轅，本年上忙旗產升科正銀三十六兩五錢六分、耗銀三兩六錢五分六釐。

一、應解憲轅，本年上忙存退租正銀一十二兩六錢零八釐。又存退耗銀一兩二錢六分零八毫。

又另案租銀二十七兩二錢三分。又屯莊租銀八兩零二分九釐。又三次租銀五兩一錢零八釐。又四次租銀七百四十六兩七錢六分五釐。又奴典租銀六十四兩一錢二分。又公產租銀十三兩六錢三分。又存退平飯銀七分六釐。又另案等款平飯銀八兩六錢四分九釐。

一、應解憲轅，本年上忙普濟堂租銀二十五兩。

一、應解清河道庫，本年上忙忙牛、河灘租銀七兩四錢九分四釐。

一、應解永定道庫，本年上忙南老堤租銀三十八兩一錢九分一釐。

一、應解永定道庫，本年上忙牛眼廢堤租銀十六兩六錢三分一釐二毫。

一、應解內務府，委員牌取本年上忙雍和宮租銀六十九兩八錢五分六釐。

一、應解司庫，本年田房稅銀六百二十兩零五錢七分七釐。又牛驢豬稅銀十五兩三錢七分八釐。又牙帖稅銀五十三兩四錢。

一、應解憲轅，本年旗產稅銀二百九十四兩九錢五分七釐三毫。

一、應解司庫，本年上忙帶辦銀三十七兩。又鄉飲酒禮銀六兩。又會試盤費銀一兩六錢六分七釐。又孤貧小建銀一錢六分九釐。又俸工減平銀三十三兩五錢七分零五毫。又新案俸工減平銀二十二兩八錢二分九釐五毫。又遞馬廩糧銀三十六兩。又夫馬小建銀一兩一錢四分九釐。以上糧、租、正、雜等項，共銀四千九百八十兩零二錢五分三釐一毫，均被洋兵搶去。理合聲明。

(內務府檔)

八五〇 岑春煊奏請將毓賢升允發往新疆以杜外人藉口摺〔二〕

光緒二十六年九月十五日(一九〇〇年十一月六日)

頭品頂戴·陝西巡撫臣岑春煊跪奏，為籲懇特旨明定肇釁失律大員處分，以維和局而示保全，恭摺密陳，仰祈聖鑒事。

竊臣於九月十三日，准山西撫臣錫良電稱：據山西布政使升允稟稱，初七日卯刻，洋兵分路撲紫荊關，鏖戰兩時，於巳時失守。等語。接閱之餘，不勝憂憤。竊維此次大局之壞，皆由前敵諸軍無一能戰，以至外人輕我，知我不足畏，乃敢要挾百端。現正停戰議和之時，惟當慎守邊防，徐圖款議，何得更開戰釁，致大局益難挽回。即使釁自彼開，則當誓死相持一戰，以挫其鋒，庶款議始能就範。蓋此時戰事

〔二〕此件為故宮博物院明清檔案部編《義和團檔案史料》所收同日岑春煊片之正摺。

可勝，萬不可敗。我愈敗，敵愈驕，大局所關，何堪再誤。茲洋兵於初七卯時撲關，僅至兩時，遽已失守。升允身當統領，甫戰即敗，其平日漫無布置可想而知。且查紫荊關峭壁千尋，中僅一道，可容單人行走，較居庸、雁門之險何止百倍，此而不能守，則晉、豫以至陝省更何險之可憑？萬一洋兵乘勢西趨，安忍再驚行在。此次即非升允開釁，其喪師誤國，罪已難辭，若非予以嚴懲，恐外人得所藉口，款議愈無可望。

至和局至今猶未開議，聞各國因肇釁諸臣處分尚輕之故。諸臣中之尤爲外人切齒者，則以前山西撫臣毓賢爲最。即洋兵之西進不已，彼猶謂並非利我土地，專爲欲得毓賢而甘心。與其留之在晉，引敵西趨，倘爲敵獲，尤失國體。何如藉以謝敵，翻可以杜外人之口。擬請特降諭旨，將前山西巡撫毓賢、山西布政使升允，一並發往新疆，以爲轉圜之地。臣愚以爲，不和則已，欲開和議，則毓賢、升允必不能爲外人所容。若先特予嚴懲，明可以杜外人藉口之端，隱即曲寓保全之意。

臣爲維持和局起見，是否有當，謹恭摺密陳，伏乞皇太后、皇上聖鑒訓示。謹奏。

（軍機處錄副奏摺）

八五一 著岑春煊派員將毓賢解晉並著錫良擇地看管事上諭

光緒二十六年九月二十日（一九〇〇年十一月十一日）

軍機大臣字寄陝西巡撫岑、山西巡撫錫，光緒二十六年九月二十日奉上諭：岑春煊奏，獲咎大員行

抵渭南遵旨看管一摺。毓賢於山西巡撫任內獲咎，諭令勿庸前來，乃竟擅行來陝。著岑春煊卽行派員仍解回山西境內，由錫良擇定處所，飭令地方官妥爲看管，聽候查辦，毋稍疏虞。將此各諭令知之。欽此。遵旨寄信前來。

(上諭檔)

八五二 程文炳奏報洋兵節節進佔保定正定等城情形片

※光緒二十六年九月二十四日(一九〇〇年十一月十五日)

再，奴才行抵武陟縣城，河北彰衛懷道岑春榮以軍情緊急，已於前兩日奉河南撫臣劄飭，馳赴彰德府帶兵防堵，未及接晤。惟據河北籌防局各委員、紳士面稱：據近日探信，閏八月二十八日，有英、法、德、意四國兵二千餘名，襲據直隸保定省城，藩、臬兩司均被拘管，司庫銀兩先期經藩司派員運出三四十萬，尚有二十餘萬，搶運不及，亦被洋兵封鎖。本月初八、初九等日，復有洋兵四百餘名，進據正定府城，或西或南，徘徊無定。其襲據各城也，則以勦拳匪、撫教民、查礦務爲名。直隸地方恐又猝開戰釁，凡洋兵所至，悉以牛酒犒師，款接以禮，以故逆夷肆行無忌，得以遂其侵佔之謀。各等語。證以各處探報，大略相同。奴才猝聞，實深憤懣。

伏思河北三府，本中原腹心之地，爲向來用武者所必爭，況現在屏蔽關中，愈形喫重。目下洋兵既抵正定，距彰德府境，不過數日之程，若聽其縱橫游弋，萬一長驅直入，逼近秦、隴，其患何可勝言。若

拒之使得前〔一〕，又慮輕啟釁端，轉爲彼族藉口，日後辦理，更覺爲難。奴才歷受國恩至優且渥，疆場效死，分所當然，性命身家，久已置之度外。無如事關安危全局，匪可冒昧輕嘗，且議款能否有成，此間迄無確信。奴才審慎再三，殊難決計。

除一面咨商河南撫臣裕長妥籌戰守外，所有訪聞洋兵節節進站〔佔〕情形，謹附片由驛五百里馳陳聖鑒，究應如何辦理之處，伏乞皇太后、皇上訓示遵行，不勝迫切待命之至。謹奏。

光緒二十六年九月二十四日奉硃批：覽。欽此。

（軍機處錄副奏摺）

八五三 瑞洵等奏報卡倫添來俄兵現已撤回片

光緒二十六年九月二十四日（一九〇〇年十一月十五日）

再，前據瑪呢圖噶圖拉幹卡倫侍衛常陞報稱俄卡添兵運械各情，曾於閏八月二十一日附片陳明。並擬情形喫緊，奴才瑞洵尚應馳往督防。旋於九月十五日，據該卡倫侍衛常陞並偵探委員會稟稱：前報察罕珠蘇隆及阿拉克伯克地方添來俄兵，現均陸續撤回。等語。奴才伏維夷情叵測，邊地空虛，仍應嚴加防範。前練蒙兵，因餉需無著，業經裁撤一半，兵力已嫌單薄，未便損之又損。惟俄兵既已撤回，奴才即不必前去，仍在科布多彈壓撫綏遙制一切。理合附片具陳，伏祈聖鑒。謹奏。

〔一〕原文如此。

光緒二十六年十月二十三日奉硃批：知道了。欽此。

(軍機處錄副奏摺)

八五四 李鴻章等奏報收復懷柔縣城並請撫卹懲革各該官員摺

光緒二十六年九月二十五日(一九〇〇年十一月十六日)

欽差大臣·大學士·直隸總督·一等伯臣李鴻章跪奏，為懷柔縣城現經派兵收復，拿獲匪首正法，請將被害知縣先行賜卹，城守都司、把總量予革懲，恭摺仰祈聖鑒事。

竊查順天懷柔縣城被拳匪擁入縣署，將知縣焦立奎及其妻室子女六人、幕友一人、家丁二人，勇役、監犯、更夫等五名一併殺害，並將衙署倉庫、監獄劫掠縱釋一空。現派兵勦辦，經臣會禮等具奏在案。臣鴻章接稟後，即飛飭護通永道東路同知劉焮，率所部潞勇，會同分統武衛前軍·廣東南韶鎮總兵馮義和，星夜馳剿，並飭淮軍右翼統領·通永鎮李安堂，由玉田一帶繞往協剿。

茲據劉焮、馮義和會稟：途遇匪衆，登即擊散。及抵縣城，匪已聞風遠竄，追獲逃匪王深記及匪首拔貢解執中到營。訊緣知縣焦立奎履任年餘，持正疾惡，因思拳匪肆行燒殺，禁止不許入城。拔貢解執中屢請城內設壇，該令不允，解執中聚衆挾制，將該令家丁劉姓網往凌辱，將欲殺害。該令苦無得力兵役，適監犯李長清、何成海、曹漢卿請給限拿匪自贖，該令暫准，乃限滿無獲，遂將何成海、曹漢卿還禁，獨留李長清捕匪。詎李長清畏罪，勾串解執中所用匪首目張貫一、劉景和，糾集順義縣里務、俸伯

兩村匪徒，裏應外合，入城戕殺，並將壇務移設城內，踞住城池。嗣聞官兵已到，出城拒敵潰敗，始各逃散。該鎮道遂督城守都司、把總等官，將城收復。現飭分投搜捕，並將逃匪王深記軍前正法。惟逃匪首解執中係屬拔貢，監候批示核辦前來。

臣查知縣焦立奎，因禁拳匪焚殺，致遭戕害，全家丁口與幕友、丁役多人並及於難，殊堪憫惻。合無仰懇天恩，將同知銜·懷柔縣知縣焦立奎先行交部從優議卹。其隨同殉難之妻室、子女、幕友、家丁、勇役人等，容俟查明姓氏銜名到日，咨部一併給卹。至匪首拔貢解執中，身爲紳衿，設壇集匪，肆行劫殺，已屬罪不容誅，況復戕官踞城，未可稍稽顯戮，當經批飭正法，以昭炯戒。城守都司項淮揚〔一〕把總周鳳瑞，救護不力，失守城池，雖隨同收復，第功不掩咎，應請一併革職。該管道廳教佐典史雖例有處分，但係隨同復城，應請免其置議。

除仍搜捕餘匪務獲懲辦外，理合會同兼管府尹臣徐會澧、府尹臣陳夔龍繕摺具陳，伏乞皇太后、皇上聖鑒訓示。謹奏。

光緒二十六年十月三十日奉硃批：焦立奎著交部從優議卹。項淮揚、周鳳瑞均著卽行革職。餘依議。欽此。

（軍機處錄副奏摺）

〔一〕同年九月初三日徐會澧等摺作項淮揚。

八五五 李鴻章等奏請將被團民戕殺之典史王文煥交部議卹片

光緒二十六年九月二十五日（一九〇〇年十一月十六日）

再，據固安縣知縣王繼武稟：署該縣典史·補用知縣·候補縣丞王文煥，奉委赴牛坨鄉解散拳團，適遇黃堡鄉大股拳匪撲入，立將該署典史戕害。其子分省候補未人流王德英護父格救，同時被戕。稟請奏卹前來。臣等查該典史奉公被戕，其子同時遇害，係屬歿於王事，相應請旨，將補用知縣·候補縣丞·署固安縣典史王文煥及其分省未人流王德英，一併勅部議卹，以慰忠魂。謹會同兼管順天府事·兵部尚書臣徐會灃、順天府尹臣陳夔龍，合詞附片陳請，伏乞聖鑒。謹奏。

光緒二十六年十月三十日奉硃批：著照所請。該部知道。欽此。

（軍機處錄副奏摺）

八五六 王培佑等奏報查明太廟大概情形摺

光緒二十六年九月二十六日（一九〇〇年十一月十七日）

太常寺卿臣王培佑、少卿臣貴昌、臣張享嘉跪奏，為祇謁太廟，恭摺先陳大概情形，仰祈聖鑒事。竊洋兵入城，午門以外均歸美國保護。臣等數飭司員密行察看，均為洋兵所阻。嗣於九月初一日，美兵官將駐太廟之兵盡行退出，由慶親王臣奕劻，令肅親王臣善耆等敬謹接收。臣等會同前往祇

謁，遴派熟悉公事得力司員隨往檢點祭器，招集四五品廟官及執事首領太監等，常川守護，勿稍疏虞。伏查美兵駐節兩月有餘，誠恐重滋流弊，茲臣等先後率同司員敬謹查看，丹堊間有微傷而觚稜未改，皮置偶然失次而法物多存。此蓋我皇太后、皇上之孝思默爲感格，而列祖列宗在天之靈所由罔有怨恫也。惟太廟規制尊嚴，陳設尤爲繁重，經此次擾攘之後，未易遽行清釐。除飭司員悉心點驗闕失數目開單存案，俟事定，臣奏請歸各衙門製置外。理合先將接收大概情形，恭摺具陳，伏乞皇太后、皇上聖鑒。謹奏。

光緒二十六年十月二十九日奉硃批：覽奏敬悉。片併發。欽此。

（軍機處錄副奏摺）

八五七 著董福祥仍歸足二十五營並統領武衛中軍馬隊等事上諭

光緒二十六年九月二十八日（一九〇〇年十一月十九日）

軍機大臣字寄甘肅提督董、河南巡撫于，光緒二十六年九月二十八日奉上諭：董福祥奏，遵旨裁併營勇一摺。覽奏已悉。該提督所部新舊各營，業經切實裁併。惟甘勇素稱得力，著仍歸足二十五營之數，以資調遣。此外尚有前調武衛中軍馬隊兩營，併著該提督統領，應需餉項由榮祿撥給，並於河南截留京餉采買糧食項下撥給米一萬石，由該提督自行派員領運。仍著于蔭霖覈明糧價咨部，於月餉內扣算。甘軍分統馬福壽，著賞加二品頂戴。將此諭令知之。欽此。遵旨寄信前來。

（上諭檔）

八五八 奕劻等爲迅即護送教士事咨錫良文

光緒二十六年九月二十八日（一九〇〇年十一月十九日）

爲咨會事。

光緒二十六年九月二十八日，准英國全權大臣薩照會，內開：現據太原府來音云云，方爲妥善。等因。到本爵大臣。准此，相應由六百里飛咨貴部院，請煩查明，迅速設法，妥爲護送，並即見覆施行。須至咨者。咨山西巡撫部院。六百里排。

（外務部檔）

附件：英使爲請飭護送晉省教士事致奕劻等照會

一九〇〇年十一月十九日（光緒二十六年九月二十八日）

大英欽命全權大臣薩，爲照會事。

現據太原府來音，該處有英、瑞兩國教士五、六名，由太原府保護，仍未被害，云云。本大臣據請貴王大臣，所有在晉泰西教士，無論何國之人，凡未受害者，咸宜卽行設法護送至保定府，以便安抵海口。事屬緊要，切勿延遲。並應切囑該管各員，以此事若非出於萬全，關係甚重，諄諄告誡，方爲妥善，是所至要。須至照會者。右照會大清欽命全權大臣。便宜行事。管理總理各國事務衙門事務。和碩

慶親王、欽差全權大臣·便宜行事·太子太傅·文華殿大學士·商務大臣·直隸總督部堂·一等肅毅伯李。

(外務部檔)

八五九 崑岡等奏爲據情代奏副都統奕功闔家殉節事摺

光緒二十六年九月二十九日(一九〇〇年十一月二十日)

留京辦事大臣·大學士臣宗室崑岡等跪奏，爲據情代奏，仰祈聖鑒事。

竊臣等接准御前侍衛·正白旗滿洲副都統·正白旗護軍統領·鑾儀使·奉宸苑卿·宗室奕功之家人祥瑞呈報：竊家主世受國恩，奉職宿衛，趨公昕夕，勤慎當差。不料於七月二十一日，鑾輿西幸，家主因路途梗塞，未能隨駕扈從，實深憂憤，自矢以死報國，藉免愆尤。家人再三勸阻，無如家主志如堅石，遂於二十二日巳刻引火自焚，家主母祥佳氏見家主殉節，率同親子載捷，妾瑞氏、宋氏、李氏，女二姐、三姐、四姐、五姐、六姐，闔家投井殉節。等因。呈請代奏前來。應如何加恩之處，恭候聖主鴻施。謹恭摺奏聞，伏乞皇太后、皇上聖鑒。謹奏。

光緒二十六年十月二十九日奉硃批：另有旨。欽此。

(軍機處錄副奏摺)

八六〇 晉昌奏報增祺忽返省城人心疑慮摺

光緒二十六年九月二十九日（一九〇〇年十一月二十日）

奴才晉昌跪奏，為督臣復返省城，人心疑慮，東局益難措置，恭摺仰祈聖鑒事。

竊奉天省城不守，奴才恭奉聖容、御寶暫紮擘嶺地方，并收集散軍，聯合各蒙旗，徐圖恢復各情形，於閏八月二十七日奏明在案。奴才本擬即行護送聖容、御寶馳赴行在，惟探知道途梗塞，未敢輕率西行。奴才到擘嶺之日，適值該王旗建修佛殿甫成。當經商同喇嘛王羅卜臧拉西，敬將聖容請人供奉，以昭慎重。一面行知各蒙王旗。威靈所在，藩服輸誠。其附近擘嶺如賓圖哈拉哈卓克力圖等旗王，均已先後來擘敬謹行禮。一念國家非常之變，莫不憤恨填胸，誓欲得當以報。其在遠未及來者，漸亦遣使通詞，共懷忠憤，或許濟以糧草，或許助以馬匹。至兵則蒙民之強悍可用者，不難一呼即至。加以奴才所收隊兵將及十營，彼此互相聯絡，或可相機而動。惟所慮者，槍械不足，餉源難繼，正往復籌辦間。時將軍行抵義州，而俄兵復由錦分隊向義追逐，於九月初八日，增祺聞警退至清和門。方將暫避敵鋒，不知何以於十三日忽返省城。謂和議可就，何俄人之經營各路不遺餘力？謂和尚無成，而將軍又已經回省。度俄之急索將軍者，不過藉以收攏地面之意。今增祺既墮術中，事事必聽俄而行，遇有號令，各該地方將弗從耶，印信在彼，其誰敢違；將從之耶，有利於敵，必至有害於我。人人惶惑，舉無所主，以致盜賊蠡起，搶掠公行；散勇、教民，到處擾亂。而村屯之人民未去者，亦藉圖團練之名，為行劫之計。處

處荆棘，路斷行人；東省大局，糜亂已極。至是規復之謀，益難措手。

奴才督師無狀，致令根本重地，不能保全，負國辜恩，萬死不足謝罪。猶仰託列祖列宗之靈，皇太后、皇上威福，獲將聖容、御寶敬奉出城。其各蒙藩飲水思源，亦罔不涕泣受盟，誓急國難。祇以增祺忽然回省，羣生疑慮，無所適從。奴才惟有暗行聯合，激勵人心，俾各蒙旗不至因而解體，靜聽朝命以行，以期無悞事機。

所有督臣復返省城暨現在情形，理合恭摺馳陳，伏乞皇太后、皇上聖鑒訓示。謹奏。

(軍機處錄副奏摺)

八六一 壽全等奏報洋兵至馬蘭峪巡查及退出情形摺

光緒二十六年九月二十九日(一九〇〇年十一月二十日)

奴才壽全、堃岫跪奏，為洋兵入境巡查，現均退出，謹恭摺奏聞，仰祈聖鑒事。

竊於光緒二十六年九月十五日，接據署遵化直隸州知州梁丹銘稟報：現有洋官德西沙拉督帶洋兵駐紮該州，有□赴馬蘭峪之說。奴才等當即飭屬嚴防。十六日戌刻，突有洋兵馬隊三四十名，至馬蘭峪周查而去。十七日未刻，復有洋兵馬隊四五十名前來，攔阻不及，竟入圍牆，該洋官至景陵瞻仰，尚無別情，旋即退去。二十一日，接據薊州知州姚虞卿稟報：有法國洋兵二千餘名，現抵該州，尅日東下。等語。奴才等趕緊派員設備。二十二日巳刻，洋官尼牲帶領馬隊二百餘名，先後到馬蘭峪，聲言此次前

來，專爲巡查有無拳匪，官民不可驚惶。等語。奴才等督飭文武員弁，善言相待，給以寓所、食物，設法安置。洋官等至陵寢瞻仰，奴才等隨處保衛。洋兵在境內遍處巡查，尚未滋擾，於二十五日全行退出。嗣探得此起洋兵已於二十六日回薊州，意在西指矣。奴才等於洋兵退後親查，風水圍牆以內並無事故，全境軍民均尚安謐。

所有洋兵入境、退出情形，謹恭摺奏聞，伏乞皇太后、皇上聖鑒。謹奏。

光緒二十六年十一月初二日奉硃批：知道了。仍著隨時認真守護，毋稍疏虞。欽此。

（軍機處錄副奏摺）

八六二 壽全等奏爲輔國公光裕墜井身死並代遞遺摺事摺

光緒二十六年九月二十九日（一九〇〇年十一月二十日）

奴才壽全、堃岫跪奏，爲守護公墜井自殉，並代遞該公遺摺，據實直陳，仰祈聖鑒事。

光緒二十六年九月十八日，據奉恩輔國公光裕門上報稱：伊主人光裕於是日已刻墜井身死，並有繕就遺摺一件，懇請代遞。等語。奴才等當卽親往，查看屬實。

查該公兩次蒙恩簡派守護東陵，於一切應辦事宜盡心經理，罔不裕如。現值時事多艱，蓄憂已久。自京師被擾，乘輿西巡，奴才等與該公晤談公事時，每謂君憂臣辱，君辱臣死，我輩苟且偷生，能不深愧。奴才等常勸以事雖萬難，而大局當須維繫。該公始終鬱鬱，憂憤莫遏，竟以身殉。雖一死無補於

事機，而節義凜然，其愚忱不可泯沒。且該公身後蕭條，伊子廣壽年甫十歲，伶仃尤堪憫惻。謹將其遺摺呈覽，可否仰懇天恩，優予議卹之處，出自聖裁。

謹據（實）恭摺具陳，伏乞皇太后、皇上聖鑒。謹奏請旨。

光緒二十六年十一月初二日奉硃批：另有旨。欽此。

（軍機處錄副奏摺）

附件 光裕遺摺

光緒二十六年九月十八日（一九〇〇年十一月九日）

奴才光裕跪奏，爲事處萬難，斷無生理，謹涕泣具陳，叩謝天恩，仰祈聖鑒事。

竊奴才於光緒二十五年二月，恭膺簡命守護東陵。自到任以來，於一切奉祀典禮及應辦公事，加意經營，時虞隕越。不謂本年五月間，民教構衅，地方戒嚴，當經奉旨設防。防兵則抽調無多，防餉則錙銖未到，風聲鶴唳，警報時聞。迨探聞得京師不守，乘輿西巡，凡爲臣子者，能不痛心疾首，憤不欲生。惟以委任之重，不得不殘喘苟延，期能恢復。嗣聞罷兵議和，亦可冀承平。乃奉有解散拳民之旨，馬蘭峪間窩有拳匪，極力驅逐，幸已散淨。拳民既淨，洋兵原不至到此，迺有數國洋兵，由湯山北下，佔據遵化。十六日，卽分兵數十騎前來，以善言相待，始經退去。十七日，復有洋兵數十騎前來，奴才趕緊帶同司員等，出郊相迎，彼竟置之弗顧，闖入圍牆，直至孝陵瞻仰多時。雖無別

情，而奴才所司何事，竟任其不遵禁令，負罪實深。且洋人有次日仍來千餘名之說，奴才窺其來意，日甚一日，儻或損傷門、牆，負咎尤重。與洋人接待，柔則受辱，剛則僨事。若處之以柔，辱身即係辱國；處之以剛，僨事則禍不可測。籌思輾轉，殊難自全，與其受辱肇禍，何如以死報國。言念及此，涕淚交併。此生有負厚恩，不能圖報於萬一，儻九原有知，當不墮仰企昇平之志。垂死之臣，語無倫次，謹恭摺叩謝天恩，伏乞皇太后、皇上聖鑒。謹奏。

（軍機處錄副奏摺）

八六三 壽全等奏請簡派守護大員片

光緒二十六年九月二十九日（一九〇〇年十一月二十日）

再，守護東陵。奉恩輔國公光裕現在身故，於陵寢地方，公事關係緊（要），奴才等籲懇天恩，迅賜簡派，以重職守。謹附片陳，伏乞聖鑒訓示。謹奏請旨。

光緒二十六年十一月初二日奉硃批：已簡派奎瑛矣。欽此。

（軍機處錄副奏摺）

八六四 張守炎庚子六月至九月致吳重熹函十二件

光緒二十六年六月至九月（一九〇〇年七月至十月）

編者按：本館所藏《清代各衙門檔》內，有張守炎於庚子年六月至九月，致其姻親吳重熹之書信十二封，涉及義和團、八國聯軍入侵等時事，頗有史料價值，故一併整理公佈，排於本年九月之末。寫信人張守炎為山東人，身世未詳，似為中下級官員，仕途不甚得意，時在河南任差。收信人吳重熹，字仲怡，時任道員，當年九月授福建按察使，旋改任直隸布政使。

(一) 六月十八日

仲翁二兄親家大人閣下：

月朔奉手書，即日具覆，由驛遞已入鑒否？刻下想已旋秣，際此世變，既以不北上為幸，尤以不在位為幸，而得之吾兄所任之官與所司之事，則更為幸中之幸。天佑福人，實堪慶幸。李符曾、祁學敏、文恪少子。吳寓川竹林，與弟同年同部，其姪即菊農太史。十五日同行到汴，連日談論京事，頗知梗概。五月半後，京中殺戮之慘，焚燒之多，筆難殫述。入六月以後，情形雖不能詳知，傳聞洋人、洋房、教民均已掃蕩一空，漸有安定之意。其大關繫，則現在天津自五月二十三獲勝之後，大沽礮臺又復失去。昨聞有初九日又復收復之說，不知確否。近日無甚的信，以情理揣之，當是正在相持，或者洋兵未到，彼此未動干戈。但此次結怨太深，恐必興圖報之師，後日事真不能逆料，杞人之憂曷其省極。

符曾於五月十九日全家出京，京官出京者甚多，日內來汴者絡繹不絕。有二十八、九出京者，是以五月內事全知。聞

石曾留護眷屬。

叔頌日內可到。至津至勝坊至高陽，暫將全眷留於高陽，尚擬赴曲陽暫住。嶼三令郎子久選曲陽訓導。而符曾與祁

義和團檔案史料續編 光緒二十六年六月—九月

家赴蕭縣，依段少滄。

府全家來汴。其意本欲赴南，故出京時匯一項至滬。及至汴，主意又變，欲作太原之遊。弟勸其不必遠去，即在曲陽暫住最善，既有可靠之人，亦爲回京之地。此時即遽作遠避之計，將京中房屋什物遂棄之如遺，今尚非其時也。然兌項在滬，不能不到南一行，擬三、二日即與菊農結伴南下，或至金陵相訪未可知也。

弟寂愁之際，又增亂離之懼，明知於事無益，於身有損，然學問未到，豈遽能空諸妄念？文章本是兩面，一念正面，則形神俱泰；一念反面，則心膽俱裂。一日之間，心境數變，及到無可奈何之極，則又於疑惑而成解悟，除却聽天命三字，豈復別有他策耶！

頃晤子園，濰縣洋房亦燒。

江南情形何如？悶甚。亟盼來信。今日又聞吾東曹屬教堂盡行拆毀，省城洋樓亦有焚燒之說。吾鄉久無信至，不知若何景象，東望增憂。徐相房屋全焚。孫相宅中被劫。陳桂生、許竹簣兩少宰均經大險。前門外迤西、前門內迤東已成一片瓦礫之場。真奇變也。

此地省垣幸無教堂，目前安堵如故。惟河北饑民太多，竟無撫卹之策，伏莽堪虞。又兼日久不雨，糧價日增，雖已取到柘城井水，連日祈禱，十七日僅獲雨三指許，無濟於事，仍未撤壇。

義和拳近日已有來者，願學者亦復不少。聞確係不妄殺、不妄焚、不貪財、不貪色。至究否能倚爲干城，則無人敢出此□。此地雖派五營北上，殊不足恃。近又有索火器子藥廷寄，更無可解。省內兵

力太單，擬再募四營，尚未成軍。惟祝地方無事爲大幸耳。卽請助安，餘惟雅照不一。

姻表弟守炎，六月十八日。

(二)六月二十二日

仲飴二兄親家大人閣下：

十九日曾布一函，由官封遞，不知何時可到？昨日保定偵探委員來信，今日得見，消息大好，茲鈔一紙呈鑒。符曾弟本擬與吳菊農、祁孜敏文恪世兄結伴南下，到汴後與人相商，主意又變，現定專人赴滬，有項匯滬，而自留汴以待。已於昨日送吳、祁二君行後，搬來弟寓矣。其全家刻下想已由高陽赴曲陽暫住，至長遠之計，符曾至今亦尚無定見。有赴晉之意，然亦不能決也。

蘇省教民間亦不少，刻下不知已有拳會否？河南近有來者，願學者頗多，已設場傳授矣。旨意命沿江沿海各省先行招集，已有舉動否？拳教能相安否？念念。弟先有教民不必盡剿，不如網開一面，令其自首之議，今讀上諭，竟先得我心，此實息事安民之一道。茲就符曾專足赴滬之便，匆泐數行，前信不遠，不多及。不知此信能較驛遞少速否？卽請助安不一。

弟炎頓首，二十二。

附抄：保定偵探委員來信

保定偵探委員來信。六月二十一日到汴。

初九日奉上諭：直藩廷杰著卽來京。欽此。十一日四點鐘，起身北上。聞因統帶邢大人在河北一帶洗殺三村，供係藩台面諭，不能自專。等語。因此進京對質，吉兇不知何如。廷大人不甚落好。剛中堂到保時，告者甚多。

天津來函云：初八、初十等日，馬玉崑統帶二十營，并義和拳民，苦戰兩晝夜，打死洋兵數千。法國全軍覆沒，並打死日本國王、俄國水師提督。美、英國先掛白旗，意欲求和，制台不允。各國海口兵船全行淺住，被紅燈照焚燒三十餘隻，只有小輪來往，亦被該處民人搶去矣。紫竹林所住洋兵，日前出來搶去河東糧店大米三十餘包，可見吃食已盡。目下光景，欲逃不能，只可急打以待命耳。東〔京〕都東交民巷，洋兵已經翦除盡淨，只有西什庫離宮甚近，不敢急打，所剩無多，不日即可掃平。省南東流村被教民全佔，協台領兵攻打三晝夜，正定馬步三營幫打，刻下教民藥已用完，已形力盡，不日可平。

(三) 七月十二日

仲飴二兄親家大人閣下：

六月十九日由馬遞寄一函，二十二日又由符曾專足赴申便寄數語，想均入鑒。七月初八日、十一日，兩奉手書，一六月望發，一六月二十六日發。知因停科，仍回署任，兼辦滋帥後路糧臺。昨聞滋帥已授兩廣，雖尚未見邸抄，云係確信，吾兄必又有挪動。其大局日壞，人所共知，初不料一壞竟至此極。至此極亦勢所必至，初不料卽在今歲。天運耶，人事耶？拳會初起，名甚正，數甚多，不免望之過深，一聞捷音，斯不免喜之過當。嗣由京來汴者絡繹，無一云可恃者，而憂慮深矣。嗣又屢聞敗信，並僅僅望

其可以支撐，成議和較易之局萬一之想，而亦不可得矣。天方授夷，謂之何哉。決河斷路，實無聊之極。思乘輿西巡，僅圖存於苟且，大事已不可問，我輩其何以爲謀也。而如弟所處之境，則更難之又難，憂心如焚，眠食俱減，死生可置之度外，而不死不活則有難堪者。

近聞有旨命合肥留申，榮相在北，彼此電商和局。又聞香帥、峴帥朝命北上，均不知確否？此地所聞，謠言多而實信少。惟撫署有實信，而壞信又多不傳，益形愁悶。僅於保定安一偵探委員，來信甚稀，聞甲午之役，尚日日有信也。上月中丞招來拳民三十餘人，住署內箭道，練習一月。再看今天津已死者死，散者散矣，而昨日煌煌轅門鈔云：今日九鐘，撫台至箭道閱視義和拳，大帥經濟如是如是。汴省本教民不多，拳民僅流及河北，實爲福地，乃招之使來，省中習者已遍街衢，竊恐無益而有害。聞東西皆不謂然，而中座則深信之餘猶未遽悟。河南無事則已，倘一有事，惟坐以待斃而已矣。前撥五營北上，省垣所餘無多，雖出示招募，至今並未成軍。顧漁溪、張少玉奉旨辦團，尚無舉動。倘有警信，兵不過一散，團則未聚，更無散之可言。

外縣教多，則拳來亦多。

吾鄉接得六月初信云，義和拳、紅燈照亦有來傳其術者。教民不多，此輩來者亦少，而鄉間已有假託搶劫者，城內官紳夜夜輪查。閱袁帥奏，將於堤口來兵設防，不知能安分否？

符曾弟現住弟寓，朝夕談論，惟相對歎歎。擬俟上海人回，再定去就。大局未定，其長久之計，亦毫無定見。昨徐梧生攜眷到汴，尚未得晤談。其他京官來者極多，聞京內及出京在途官員，被劫被害

者不計其數，而不得其主名。

與趙司寇

總而言之，房之燒、人之死，皆中國人多而洋房、洋人爲數寥寥。此變初起，本可解散，實由剛相至同被命。

涿開諭，一味架弄，釀成巨變。無怪方伯見人卽痛罵也，謂爲不識字王安石、雙料韓偓胄。尊處北信似較此靈通，望頻示。卽請蓋安不一。

姻表弟守炎頓首，七月十二。

又：

信寫完，小秋又送來尊函，乃五月十九初到浦所發，何其遲也。以後來信，望編號爲記。上半年者無論，入七月以後，可并編庚下字樣。此次去信，卽寫庚下第一號，庶便稽查。再於馬封加一排單更

調署修武。

妙。小秋日內交卸。恩雨亭飭回原任，曾與九請咨赴引委。于海帆署理衛輝，于係曾丁丑分房門生，

指名。

聞係稟請也。南陽守亦有撤信，有以傳代傳之說，不知確否。

東交民巷使館，止燬三四處，餘均無恙。以數萬之衆，攻一巷而不能破，技止此矣。被害者止一德使，亦幸而止此，否則更難收拾矣。聞此人係神機營所殺，有非雙料韓償命不可之說。此公初主戰甚力，津門失陷後，乃放聲大哭。中國宰輔，固如此。噫！如此者，又豈止此公一人耶？香帥初主剿拳，以致此地官場羣起而詬詈之，即弟素所心折者，亦不免滋疑，今而知老成謀國固不在庸耳僞目中也。立

東交民巷戰，其精銳死者數千。

玉〔豫〕甫、黃慎之交刑部，究不知因何事。現不惟拳勢漸衰，董軍亦一蹶不振。以愚見斷之，似瓜分一面少，而保護一面多，原舊招牌必不更換。然否？即聞。

（四）七月十六日

仲飴二兄親家大人閣下：

七月十五接六月二十七信讀悉。前月有唐縣、息縣、正陽不靖之信，並河北亦有饑民聚衆之說。嗣得透雨後，均已解散，近已安謐如常。河北周口各教堂，洋人早聞風而遁，房屋入官。惟南陽安西滿未去，據寨堅守，彼處無拳，且近又有保護之旨，故仍在彼觀望。至電綫北路先斷，而南路屢有盛電，囑由係真定教堂洋人四、五名，不知何以令汴護送，或與盛有交涉，代謀甚力。

此派兵護送洋人。且有教師致中峯照會，意存恫喝，中峯甚怒。馮道屢代盛關說，繼道復代馮申請，均大遭中峯白眼。是以馮有赴南採辦子藥之委，意在逐之去汴。彼時因北方真電既絕，而南方僞電頻來，有建撤電之議者。適值歸屬或云曹屬民斷電竿，而省垣又有匿名帖，約日燒燬電局，局內人遂不待逐

如鳥獸散矣。南陽亂信，與電綫之斷，固兩不相涉也。

汴省現尚安堵，惟毫無布置，可慮。昨大帥於看拳後選五六人，賞給功牌，命入營伍教習，竊恐非徒無益。北方拳勢已衰，而此地猶猖爲可用，何事後猶無先見之明耶？募軍至今未成，兵餉皆虛，中、東異常抵牾，皆非好象。前聞西狩之說，榮相、董提力阻而止，未聞有幸汴之說。昨聞雲南省爲法人攻破，護督丁退駐宜良，未知確否？若然則長安亦非善地，將來行與止、西與中，正難逆料。

近潤田接乃翁信云：到津五日而津陷，仍回通州，奏明水會即拳，並非二事，無隨員無餉無械，實種種爲難。大千天怒，嚴責速辦，並務期出奇制勝。此實極枯窘題。看朝廷舉動，似是望和，而博翁信則

帖解凝膏，

云上意嚴禁言和。和固非策，不和更可懼，不敢設想矣。弟心緒惡劣之中，又兼內子自去秋胸起大疽，數月不長不消不破。

近日又見長且慟，亦甚可慮。國憂家患，如何如何！勿復。卽頌助安。

弟炎頓首。

十二日寄一函，編庚下第一號，收到否？此爲第二號。七月十六日。

(五)七月二十六日

仲飴二兄親家大人閣下：

七月二十一日，接送菊農馬隊回汴帶來之信，初七發。其初六所發之信，則二十五始到。近復接瑤

七月初九發。

卿家兄信，知家中移郡城者，均已陸續回海，知自是已可無事。拳首牛三已被官兵拿獲，且地方有兵彈壓，或不至再起事矣。

南省光景何如？袁浦自尚安堵。衢州戒嚴，菊農信云是閔匪，或閩字之訛，其即向所聞九龍山之哥

廷方伯護督，當是直督、北洋分而爲二。

老會耶？尊信言傅相不急急北上，旋又聞鑒帥授欽差大臣，祝帥授北洋大臣，王保之回府尹任。正深

先至五臺再看。

疑問，昨晤徐梧生言，接滋帥信，知兩宮已於十六日西幸矣。嗚呼，竟有是事耶！怨憤憂懼，一時交集，奈何奈何？滋帥行至琉璃河地方，遇連聰叔、甘少南云，不必北上，遂折回定興，發來此信，擬由易州追赴行在。乘輿由居庸關行，而令隨扈者仍走獲鹿大道，不知何意？以莊、剛、崇、徐留守，餘均未提。蓋宋

直督十二陣亡，洋人已至通州。

軍已潰；鑒帥行至河西務，中地雷，遂折回通州；董軍門隨駕西去。是京津更無多兵矣。聞十三日授傅相全權大臣，令知會各國罷戰議和，不知如何議法？雖傳有章程數條，未必可信。但願能如庚申年商定和約，依舊回鑾，則如天之福。若去而不能還，則大局尚可問耶？

此地現尚安謐，各處得雨後，伏莽潛消。而大帥舉動極其可詫，令東垣籌千金，爲拳民焚香焚表之費。東垣不允，商之糧道，許爲籌阿羅之數，官書局撤去，潤田改支應局差。而以釐稅局三百、支應局二百足

之。各保疆土之說，盡在此矣。他人雖皆不謂然，然亦無進一策者。洋人非所慮，所慮者土匪，而省兵除抽撥外，只餘三四營，並未聞有籌及此者。燕巢幕上，深切杞憂。

符曾俟上海人回，再定南北，而今已一月尚未回，票不到不能得款，此專足殊無謂也。石曾來信，勸其不可一人赴南，事定後速回曲陽，而符曾則主意未決，如不自南，則寄票托人辦理。至長久之計，則更不能決，他人亦實難代籌也。致伊信已付之，云不及作覆，如南去，必至尊署快晤。梧生致鹿墨生信，託費心寄交，如已西去，能沿途探投更妙，否則仍寄回汴可也。孫小秋署修武。恩雨亭回祥符任，已接

每縣若干名未定，有事方給餉。

印。後帶信可託雨亭速送。張少玉已來省，與顧漁溪見中峯，商定每郡請紳與官協辦，恐亦虛有其名耳。卽頌助安。庚下弟三號。

弟守炎頓首，七月二十六。

(六)七月三十日

仲飴二兄親家大人閣下：

二十六日發庚下第三號信，託首府加排單，不知果能速否？二十九日，符弟專足回得手書。前送菊農之馬隊帶來信及曹縣轉來電信，均先後收到矣。符弟相與晝夜縱談，尚能開懷，貌亦不至清減。日前竟不告弟知，獨游禹王臺龍亭，去來皆以步，勇往之氣，得毋令衰朽羨煞耶？現決計赴滬一行，聞許秋槎觀察有解組回揚之說，擬與接伴同行。固屬甚好，但伊恐未能卽行，若尚遲則不能待矣。

不知亂至如何景象，雖不尚殺戮，恐有意在必得之人也。

北事糟至萬分。自翠華西狩後，洋人已入京城，近又有追赴行在之說，非追兩宮，追立崑、草重二人也。自天津開仗以來，他國皆作觀望，俄雖戰而不力，其最兇橫者惟日本一國，入京、西追皆彼族。推原其故而不得，或云爲南海兩先生所使，雖不必然，然而更添一層可慮矣。傅相授全權，議和是否卽在滄議？尊處較近，消息靈通，如有的音，望卽飛示，此後局面，繫此一舉，如何章程，關懷最切。聞山西學政眷屬亦來汴，知太原亦不靖，寵信拳民之明效大驗如此。惟秦撫不以拳爲然，非滿中之錚錚者歟？

汴省遵旨議辦團練，張少玉定每月百金薪水，尚有天良，而顧漁溪意不謂然，然無如之何。以介弟亞蘧查文案，定月支三百金。請一朋友代勞，月止八金耳。本地藍袍譁然，有欲控告之說。司庫支絀，動輒不發，而此則任其取攜，本地紳士之不敦，亦與地方官之畏巨室，皆無如河南之甚者矣。其實一朝有驚，團勇未必有一人見面，似不如以此項募兵，猶一金可雇一金之人也。

前帶來保銓、保銖兩論，英發之氣可喜，保銖尤有紀律。均已加批，俟便帶海。銓論批云：雖是野戰，而英銳之氣，自足解易千人。銖論批云：隊伍整齊，紀律嚴明，五色各分，一絲不亂。不意小將軍竟得此有制之師。兩人撤省，雖不知所以，然聞憲眷不甚佳妙，亦皆飭回光州任。署牧談撫辰少玉來省，言其不行。近又有留辦城防之說，不知確否？此頌助安。庚下第四號。

弟炎頓首，七月三十日丑正，夜不成寐，起而書此。

(七)八月初一日

再寄者：

弟退志已決，而此時故鄉不靖，非詠歸去之時。且即安定，亦無以爲生。已浼符弟致東撫書，爲謀

此何

一席書院，是其本謀；降而幕府、河工亦可。如有成說，即可由汴到館。務祈吾兄再致慰帥一書，代爲說

時尚謀及此，自問亦覺不通，無如景況萬難，得病亂求醫，惟兄諒之。

項，當更得力。惟有不情之請，必以成今年之局爲宜，緣河南實不可一日居也。如得回書，事也成，望電示爲籲。明知吾東亦非善地，但北方拳餓已衰，慰帥又嚴搜不貸，冀可伏莽潛消耳。且弟之景況又急，何能擇耶？嘗與符弟論久計，如必欲爲清民，則赴山、陝，否則不離父母之邦。弟願爲清民一語，直說不起也，言之慘慟。頃聞剛相被洋人劫去，徐相自盡。雖不知確否，此說殊似。致文石兩信送去，尚未到汴。初一日早又書。

弟炎頓首。

(八)八月十二日

仲飴二兄親家大人閣下：

初七日接誦上月二十五日惠書，知一號信已收到，其二、三、四號信不知已陸續入覽否？翠華西幸，洋人人京，傳相到津議和，此一篇糟糕文字暫作收束，且聽下回分解。而下回却說云云，竊恐又另起

波瀾。來書云，各處伏莽蠢動，如萬弩齊發，已極可慮，而尤可慮者，陝、甘回人現欲北上剿滅洋人，請魏午帥奏請，而午帥果已人告，不知旨意云何？若果出此，實爲絕大之亂。聞此說已心膽俱裂矣。倘能善爲阻止甚妙，恐阻之而不能止，奈何奈何？

昨聞兩宮又不入關，有駐洛陽之說；端午師已剪髮辮、易短衣。駭人聽聞之事，愈出愈奇。而言者云，此信尚極確也。此數事，皆山西虞鄉縣致小宋信，小宋致仲衡信且云，將五路通稟，不日即發。此信亦皆曾見。虞鄉令爲王遵，周少君聞極誠篤。秦撫如彼，晉撫、豫撫又如此，剛相大用滿人，幾欲合天下不用一漢官，逆知必有今日矣。符弟去面談，新聞，書不多及。符弟事妥後，勸其速回曲陽，非常懸繫也。卽頌助安。

弟炎頓首，八月十二早。

(九)八月十三日

仲飴二兄親家大人閣下：

符弟南去，曾呈一信，並子猷所寄各物，計已入鑒。自初七接信後，至今二十餘日未續接信，悶甚。松晴川已否回江？吾兄有回任信否？大江南北近日光景何如？鑾輿暫駐太原，近有諭秦撫預備駐蹕之所一旨，是尚無回鑾之意。聞慶邸已由西旋京，榮相則行至正定折回，刻下想已與傅相陸續到京。各國皆力請回鑾，而廷議必俟和局定後再說。究竟如何，不敢思議。近聞吾東德國來兵輪甚多，意欲何爲？北望故鄉，恐必致淪爲異域。國事家事，可勝憂耶？

來信云，處此地者不知死所。當此之時，固無論處於何地，人人皆不知死所矣。蓮生弟夫婦、長媳

投井，尊處想早聞知。最可慟者，數日尚無人爲收其尸。或云漢輔在尊署，諒必聞信急往矣。小硯少空、保之京兆亦皆殉節。梅邨學士久已懷藏洋藥。振卿少宰父子不知下落，恐皆難保生全。東甫司空

大率

有人遇之於彰儀門外，與夫人地下步行，亦不知能幸免否？山東大座幾於一空，可哀可敬。翰苑部曹皆先送出家眷者。

逃出者多，然亦有全家在京者，則不卜吉兇。杜若洲全家未動，極憂慮之。日來親友來汴者極多，最熟者爲鳳孫、燕泉謀赴行在，而一身之外無長物，現尚在此設法。昨閱奔赴行在人員單，吾東惟王覺生埽一人，自是與東家同行矣。

桑鐵山改委賒旗店釐局，所遺銀庫，以傅志儒調辦；所遺提調一席，委弟接辦。二十八日奉札，日內正各處謝委，奔走不遑。現烏龍總辦陸天池丁憂，尚未報到，許觀察知提調清苦，允爲弟說此一席，不知能成否？時事如斯，此等得失尚足介懷耶？前懇致東撫信，可從緩議，此諺所謂刀回馬轉，殊自慚惡，而急何能擇之？況亦可想見，知必諒我。豫藩升江西撫，豫臬升豫藩，口北道升豫臬。去一滿又來一滿，至今日仍如此用人耶？卽頌勛安，餘維愛照不一。

鍾培。

姻表弟守炎頓首，八月三十日。

(一〇)閏八月十四日

仲飴二兄親家大人：

大喜。十三日讀電傳上諭，欣悉陳臬閩疆之喜，爲之歡躍。去冬卽盼榮遷，乃遲之數月，紆折而後得之，較之徑得更可喜也。賀賀！貢差不改派否？悶甚，甚盼過汴一快聚。或以人覲仍兼此差，望速示知，以慰懸念。已託恩雨亭俟差信到來，卽速知會，擬到陳留一迎，行旌送。符弟馬隊回，得手札，知二十五赴金陵，計月內或可到此。此時之盼晤談，固較平時爲更切耳。

合肥請罷斥主謀諸人，朝廷已曲從其請。自是確有把握，方有此請，或不至要挾太甚。現固止求苟且圖存，而尚生可望不可必之數，吁可悲哉。

弟碌碌無佳，況烏龍已不可得，只好合眼放步，將來事不敢設想，亦不能設想也。符弟如赴武昌，其家信速爲遞往。行在已有邸抄，餘事不贅。卽賀大喜不莊。

弟炎頓首，閏月十四。

(一一)九月初四日

仲飴二兄親家大人閣下：

汴垣擾擾，不獲暢談，雖關一夜於中牟，僅紱千有於萬一，話別於亂離之世，其難爲情，尤異尋常也。初四日申刻接誦由鄭州惠書，並見懷佳作，讀之泣數行下，容日和就驛遞請鑒。弟昨日未正卽到省，腹仍不調適，非瀉非痢，惟少而勤。今早晤孔心荃云，由胃氣不固，症大於瀉。或卽踐中牟店中所言，亦未嘗不妙也。符弟尚未到汴，昨回寓，得石弟來信，知送全家已於上月二十七日到順德，囑弟爲

覓房，計程一二日內即可到此。

聞法兵已至正定，不久來汴，有赴關中接駕之說。接耶劫耶？未之深考，僅傳爲此音，來汴過省與否，亦不可知，但聞此說係接其照會云云，當非謠言矣。吾兄到陝速了事，速束裝爲要。又聞有要沿江七省之說：川、湘、鄂、吳、越、皖、豫，餘雖仍屬中邦，而南北截斷，呼吸不通，且仍歸保護。此說恐未必確也。

舍下來信，家老姨太太意欲攜嗣弟來汴，而弟前數日去信，則有歸去之說。可知東、汴兩省，皆有不可一朝居之勢。奈何奈何？處此時勢，本難爲謀，而妙手空空，則更有難之難者，恐未渡仙霞之嶺，先隱首陽之山矣。

匆匆布復。寄小宋處託交，如已過陝，囑其西遞，不知接於何處。到陝後望速賜書。盼切盼切。卽頌觀安。餘容續詳。星齋、闈生同深拳拳。

姻如弟守炎頓首，九月初四。

(一一一)九月初九日

仲飴二兄親家大人閣下：

初四日接讀由鄭州賜書，當覆一函，遞託小宋轉呈，想經鑒及。連日秋雨連綿，不知曾考程否？何日可抵西安，公寓何處，幾時可以返旆，能再過汴否？悶甚，盼甚。石弟初六日送全家到汴，賃寓弟對門劍卿住房之東鄰，過從甚便，雖各居，仍無異同居。符弟初八日亦到，各信均已交付。接有稼生信

云，月內必赴金陵也。

日來各處探報信函紛至沓來，有云洋人已至真定，將西犯，取道於汴者。有云馬玉崑、方友生、余朝貴分紮行唐、獲鹿、固關防堵者。又有云京中和議已定，上月二十三日換約，慶邸、傅相二十八日可到保，駐京洋兵均已退回天津，至正定洋兵不過數十人，已偕向住正定之教士回保云云。各說矛盾太甚，幾不能明其原委。徐而思之，得其故矣。其云西犯者，西信也，聞其至正定而訛傳也。其云和議已成者，北信也，西省猶未知也。是則和局之成，固信而有徵也。慶、李至保者，將赴行在，有必須面奏事也。雖條款一概不傳，大約必力請兩宮回鑾，有可保無虞之確據，故必須親往詳奏也。然耶，否耶，數日必有確音矣。

符弟此行，聞買鹽票一張，餘存滬起息，以兌回匯水太重。現擬在此暫作停頓，長久之計尚須緩圖。于中丞初六由鄂起節，月抄可到。景中丞病尚未愈，尚無行期。前信不遠，茲無多述。外和詩一首呈教。敬請勛安，惟照不一。星、闈兩姪近祉。

姻表弟守炎頓首，九月九日。

附：和詩一首

庚子閏八月仲飴親家呈進方物赴陝過汴，盤桓三日，復送至中牟而別。詩來見懷，依韻和寄。藻芹春暖泮池波，同向鬢宮鳴玉珂，幾度公車偕道路，廿年官轍阻關河。梁園避逅行聯雁，秦地馳

驅驛置駝，執手臨歧申後約，良朋良日並無多。

九月初六日，張守炎呈稿。

（清代各衙門檔）

八六五 著照准董福祥奏覆裁營一摺事上諭

光緒二十六年十月初一日（一九〇〇年十一月二十二日）

軍機大臣面奉諭旨：前諭令董福祥裁併各營，仍歸二十五營之數。茲據該提督覆稱，際此餉項艱難之時，現已併成二十營，請免添足五營，以省周折而節帑餉。具徵實心辦事，能顧大局，應即照准。另飭鄧增招募三營，並將武衛中軍石光賢等所帶二營由直撤回，一併交鄧增統帶。欽此。

（上諭檔）

八六六 奎順等奏報洋兵到境辦理情形並請破格擢用沈敦和摺

光緒二十六年十月初六日（一九〇〇年十一月二十七日）

奴才奎順、奴才魁福跪奏，為洋兵到境，派員辦理情形，並請將異常出力臺員懇恩破格擢用，恭摺馳陳，仰祈聖鑒事。

竊奴才等前於九月二十七日恭繕正摺，適洋兵臨境，道路梗塞，未及拜發。查洋兵隊伍，共計德、

英、意、奧四國馬步礮等隊二千餘人，洶湧前來，大有尋仇之勢。且聞洋兵已在宣化西去數十里，與過境官兵相遇，互有殺傷。而到口之各國洋兵聲言西趨，一路搜殺義和團，並查看被燬教堂，責令地方官賠償，否則將以礮火從事。等語。肆行恫喝。斯時革員沈敦和亦即回口，於槍礮森嚴之地，出入辯論，委曲周旋。告以：自張家口迤西一帶，所有拳匪業已拏辦淨盡；所燬教堂，自當稟商全權大臣妥善辦理。現當議和之際，何必輕啟釁端。洋人恐其蓄有異謀，竟將該革員網住，欲以槍擊，而該革員心存君國，不復顧身，仍復侃侃力爭。洋人見其屹然不動，兇焰漸熄。旋復需索萬端，仍以礮火相恫喝，萬一不求不應，且將劫掠而西，毋貽後悔。等語。奴才等焦思之下，計乏兩全，因令革員沈敦和體察情形，或斬或予，總以攔阻西趨爲上策。再四爭論，始得無事，洋兵遂於十月初二日，仍由原路入關。自鷄鳴驛以至張家口，皆賴該革員堅忍耐勞，盡力保護，地方得以安謐。況正洋兵之西趨，又免生靈之塗炭。是該革員保全之力，既非筆墨所能盡，而該革員應變之才，亦非尋常所可及。邊民銜感，衆口一詞，而其力顧大局，尤覺所關匪淺。當此需才孔急之時，又當交涉爲難之際，此才廢棄，惋惜良深。且該革員前在江南歷辦重大交涉，爲兩江督臣劉坤一、湖廣督臣張之洞所識拔。在臺當差，亦頗勤慎。可否仰懇天恩，將已革花翎·二品頂戴·江蘇候補道沈敦和破格擢用，以期展布之處，出自逾格鴻慈，奴才等未敢擅擬。是否有當，理合恭摺馳陳，伏乞皇太后、皇上聖鑒訓示。謹奏。

光緒二十六年十月十三日奉硃批：沈敦和著免其發遣，交奎順等差遣委用。欽此。

（軍機處錄副奏摺）

八六七 總署爲晉省教士業已供給保護事致英使函稿

光緒三十六年十月初七日（一九〇〇年十一月二十八日）

復英國欽差。

逕啟者：初七日申刻，接山西撫臺錫電稱：前經尋護英國教士紀正綱、石愛蘭、邵秀鳳三名，瑞典教士能高仁之妹藏山與其幼孩大小兩口，共五人，接至平陽，飭文武供給保護。現咨松鎮札府縣詢洋教士，如願出晉，已派鄭仲綬帶勇護送，至漢口交納，川資由晉備辦，不費洋人一文，以敦睦誼。至各處教堂財產匯款，已通飭查明，稟候妥辦。等語。相應函布，即希查照爲荷。此布。順頌臺祺。

（外務部檔）

八六八 程文炳奏爲遵旨更換統將並督軍進扼漳河事摺

光緒二十六年十月初九日（一九〇〇年十一月三十日）

欽命節制江南安徽江西福建浙江援軍。福建陸路提督奴才程文炳跪奏，爲遵旨更易統將，整軍前進，恭摺馳奏，仰祈聖鑒事。

竊奴才九月二十一日接奉寄諭，飭將吳隆海先行撤去統領，聽候查辦，派員接統。等因欽遵。卽日派福建泉州參將丁季陞暫行接統。十月初二日，准陝西藩司端方將奏結全案、欽奉上諭等因咨會前

來。奴才跪誦之下，仰見我皇上嚴整軍律，體恤民隱，無微不至，欽悚莫名。

查原奏所稱，此次各軍紛至沓來，其騷擾既以安徽武衛楚軍爲甚，則整頓尤以該軍爲亟。奴才前在滎陽營次，接該縣稟詞，即將營官李思孝撤差拘營，遞送查辦，並發還所短車馬銀兩；新安營次，即將打斃驃頭勇丁唐度美就地正法，懲辦營哨各官，並將驃價給領。誠以行營軍律，惟非嚴不足以鎮懾也。吳隆海業已奉旨革職，該營統領必求資深望重、謀勇兼優之員，一時遽難其選。昨與安徽撫臣王之春往返電商，茲據覆稱：幫統候選道劉篤烈，年少英敏，留心營務，且係前新疆撫臣劉錦堂之子，士卒半係該故撫臣舊部，以之接統，實堪勝任。一切調度訓練事宜，仍由奴才隨事隨時悉心指示，期無貽誤。李思孝所遺右營，委游擊王雲貴管帶；潘長清所遺前營，委副將張世德管帶；所撤哨官，一律遴選妥員，即日更替，庶安徽武衛楚軍可以實力整頓，俾成勁旅。江西統領王德懷奉旨降補撤差，查有儘先副將。泉州營參將丁季陞，馭軍有法，堪以接統。降補都司王德懷，雖資望未孚，難勝統領之任，而平日打仗勇往，操練耐勞，當此將才難得之際，擬暫留充營官，以策後効。

伏思行軍以紀律爲先，全由平日之訓練；選將以知勇爲貴，尤在勵志之仁廉。兵與將相習而後軍心固，恩與威並用而後賞罰明。事事以報國愛民爲心，自人人以同仇敵愾爲志。奴才奉命督軍之日，正各營兼程赴防之時，五省勇丁皆屬新募，各營將領半非素識，千里奔走，直至衛輝防次，始與各營哨將士全行接晤，整頓未遑，感愧難安。奴才仰蒙恩命，寄此重任，惟有恪遵諭旨，約束弁兵，嚴申紀律。此後各營如稍有操練怠弛、滋擾地方等情，即行破除情面，從嚴參辦，萬不敢稍事姑容，自取咎戾。

刻下款議未定，順德、正定一帶敵軍往來游弋，彼族叵測，恐未可專恃禮待。獲鹿、固關有直隸提臣馬玉崑等數十營，布置周妥，可期無虞。奴才部署稍定，即督全隊進駐彰德之北，力扼漳河，總不敢輕開戰釁，斷不容其抵間乘虛闖入河朔一步，以期專力防堵東路，拱衛行在。至已革記名提督吳隆海、潘長清，本係湘軍宿將，百戰餘生，此次失察勇丁滋事，紀律不嚴，咎由自取，已飭迅回原籍，閉門思過。失查打斃車驟勇丁，係前營左哨哨官·都司銜·守備文綿鳳，該縣具稟誤為左營前哨哨官章明達，應請飭部即行更正，以歸核實。

所有遵旨更換統將及督軍進扼漳河緣由，除咨明安徽、江西撫臣外，謹具摺專弁賚陳，伏乞皇太后、皇上聖鑒訓示。謹奏。

光緒二十六年十月十六日奉硃批：知道了。仍著嚴申紀律，督飭各營認真訓練，以資戰守。文綿鳳著即行革職，章明達革職處分已飭部更正矣。欽此。

（軍機處錄副奏摺）

八六九 鴻臚寺為暫設公所於正覺寺內事行內務府片

光緒二十六年十月初九日（一九〇〇年十一月三十日）

鴻臚寺為知照事。

京師自遭兵燹，本寺公署已被洋兵居住。今覓得西四牌樓北邊寶禪寺衙衙中間路北正覺寺內，暫

爲公所，以便接受各衙門往來文件。

相應知照可也。須至片者。右片行內務府。

(內務府檔)

八七〇 長順奏爲伯都訥廳官出走致獄署被劫請旨革職緣由摺〔一〕

光緒二十六年十月十八日(一九〇〇年十二月九日)

奴才長順跪奏，爲中俄停戰後，職官帶印出走，致獄署被匪劫燬，請旨革職示儆，恭摺仰祈聖鑒事。竊據吉林分巡道覺羅達椿詳：據孤榆樹巡檢沈傳溶稟稱，本年閏八月初八日早，據弓兵以伯都訥廳官於是日五更時分騎馬出城，不知去向等情，面稟前來。往視屬實，復查印信，亦被該廳官張渭帶走。正在點驗間，據報俄隊已將入城，隨即出城款接。維時土匪乘機竄入，先將吏房屋後柴垛用火點然，肆行搶掠。繼將獄門打開，獄內各犯悉行放走。遂與俄官兵回城，將火救熄，並將土匪擊散。計燒燬吏、戶、禮各房瓦屋七間，一切文卷被燒無存。等情。據此，請速委員署理。等情前來。當經檄委實任伊通州知州書瑞，前往接署在案。

嗣於是月二十六日，據署伯都訥廳同知張渭到省稟繳印信，並據聲明：此次出避，實因前月截殺路過俄官、俄兵各一人，通事來告，已爲俄兵官查知，必圖報復。又因停戰不便與之開仗，是以聞俄兵將

〔一〕此件爲故宮博物院明清檔案部編《義和團檔案史料》所收同日長順摺之附片。

至，暫行出避，冀免受辱。等語。奴才查張渭署理伯都訥廳同知，卽有守土之責，既知中俄業經停戰議和，自宜鎮靜坐守，何得帶印潛逃，棄城不顧，釀成土匪劫獄燬署重案。雖據稱前殺俄人，慮恐報復受辱，因而暫行出避，與聞警棄城先逃者不同。且在停戰以後，未便科以失守城池之罪，究屬擅離職守，咎無可辭。

除飭該員迅將印信移交新任接收外，相應請旨，將署伯都訥廳同知·候補同知張渭卽行革職，以示懲儆。

所有職官於停戰後帶印出走，獄署被匪劫燬，擬請革職緣由，是否有當，理合恭摺具陳，伏乞皇太后、皇上聖鑒訓示。謹奏。

光緒二十六年十二月二十九日奉硃批：張渭著卽行革職。欽此。

（軍機處錄副奏摺）

八七一 光祿寺爲暫設公所於地安門外事行內務府片

光緒二十六年十月二十日（一九〇〇年十二月十一日）

光祿寺爲知照事。

京師自遭兵燹以後，本寺公署半被拆燬，礙難坐落辦事。現覓得地安門外帽兒衚衕文昌廟內，暫作公所，以便各衙門往來文件。相應知照可也。須至片者。右片行內務府。

（內務府檔）

八七二 崑岡等奏爲第二次呈報在京各員及家屬殉難清單摺

光緒二十六年十月二十六日（一九〇〇年十二月十七日）

留京辦事大臣·大學士臣宗室崑岡等跪奏，爲續據第二次呈報殉難官員、家屬情形，開列清單，恭摺具陳，仰祈聖鑒事。

光緒二十六年九月初四日，接奉軍機大臣字寄，光緒二十六年閏八月二十一日奉上諭「上諭見前——編者」。臣等已於九月十二日，第一次奏請恩卹在案。茲續據該殉節諸臣家屬呈報，並正紅旗滿洲都統衙門咨報各官員、家屬名口數目，分繕清單，恭呈御覽。應如何加恩之處，出自聖主鴻施。

嗣後如再有續經呈報者，仍由臣等隨時奏聞，伏乞皇太后、皇上聖鑒。謹奏。

光緒二十六年十一月十五日奉硃批：另有旨。欽此。

（軍機處錄副奏摺）

附件一：崑岡等第二次呈報在京各員及家屬殉難情形清單

謹將第二次續報殉節官員、家屬繕具清單，恭呈御覽。

計開：

原任戶部尚書崇綺之家人賈順呈報：家主母崇綺之妻瓜爾佳氏，於七月二十一日，在本宅空房內，

豫令刨掘深坑，二十五日夜間子正，家主母率領子世襲三等承恩公葆初、子媳宗室氏、長孫候選員外郎廉定妻巴爾特氏、次孫六品銜。候選筆帖式廉容、三孫六品銜。候選筆帖式廉密、四孫監生廉宏、長孫女萱格、次孫女謙格，並胞姪分發廣東鹽大使受恆妻李氏、女成格，親丁十三口，同入坑中，令家人掩土活埋，闔家殉節。等語。並據鑲黃旗滿洲、正藍旗蒙古各報前情。等因。

湖廣道監察御史宋承庠之家人宋升呈報：家主宋承庠，於七月二十一日聞洋兵進城，晚間遙望城內火起，自言主辱臣死，義無可逃。向家人索要筆紙疾書，家人竊窺，主人用手按紙，厲聲逐出。逾時始喚家人進屋，手與片紙，內書：城內火光燭天，竊料宗廟、宮寢將付之一炬，況事起倉猝，皇太后、皇上聖駕未知何在？我籌之已熟，既讀聖賢書，惟有捐軀報國而已。寓內餘資，足可殮我。囑我妻子，我死得所，勿以我爲念。等語。其時主人已經仰藥，口不能言，至二十二日子刻殉節。伊子文生員宋樹基，年二十九歲。等因。

花翎·二品頂戴·鑾儀衛冠軍使文瑛之子吏部筆帖式國泰呈報：職父文瑛，於七月二十一日洋兵攻城時，命職前往確探，中途被鎗。嗣聞洋兵進城，職父用刀自戕，不能致死，隨同職母趙氏、庶母王氏、胞妹並職，同時墜井殉節。國泰遇救得生。等因。

花翎·二品頂戴·副將用京師左營參將兼襲雲騎尉王長蔭之子鴻臚寺序班王觀光呈報：職父王長蔭，於七月二十日洋兵攻城時，在署聽候差遣，突有洋隊闖入署中，職父獨力難持，隨即投井殉節。觀光被洋兵擒去，遇救得生。胞兄王措之，實任湖南永定縣典史。等因。

兵部候補郎中魁麟之胞兄倉場筆帖式崇勳呈報：胞弟魁麟於七月二十一日，因京城不守，卽於是日服毒殉節。伊子繼善，年四歲。等因。

刑部主事韓紹徽之家人魏爾呈報：家主韓紹徽，於七月二十一日洋兵入城時，徑赴刑部陝西司公廨自縊殉節。家主之子光祿寺署正韓汝庚現存。等因。

六品頂戴·神機營差委護軍鳳來之堂姪護軍永貴報稱：叔鳳來因七月二十一日洋兵入城，率同伊大女、二女、三女、伊胞弟親軍鳳明妻趙門佟氏，全家自縊殉節。等因。

壬午科文舉人·宗室恩煦之胞兄原品休致翰林院侍讀學士·宗室恩景呈報：胞弟恩煦，於七月二十一日洋兵入城，已身係宗室，無處躲避，率同其妻禹佳氏、女閨秀、子宗學、副管·宗室繼勳、四品·宗室楸勳，並恩厚之子啓勳、伊妻完顏氏、胞弟恩懷之子世勳，同時自縊，闔家殉節。等因。

欽差商務大臣·大學士·直隸總督李鴻章咨稱：據兵部候補主事舒鴻儀等呈稱，竊職同鄉已故兵部候補主事王鐵珊，安徽進士。該故員秉性忠厚，在京寓居六安會館。本年七月，軍情緊急，在館候試者有困不能歸，該故員橐金分半相助。或謂隻身旅寓，何不偕南？遂慷慨告語曰：筮仕卽思致身，讀書所學何事，一旦時勢至此，不能出死力與敵相持，已負朝廷而愧學問。若更引身遠避，自問何以爲人？且在京爲大清之官，在籍踐大清之士，國若不保，家將屬誰？士各有志，所不能忍者，受吾母教養之恩，臨難不獲一決，煩君歸語耳。逮七月二十一日都城失守，獨喚長班面囑數語，旋伏案作書畢，焚香，衣冠拜叩，默坐。是夜，該故員衣冠自縊殉節。等因。

欽差商務大臣·大學士·直隸總督李鴻章咨稱：據吏部主事王焯呈報，胞兄總兵銜·儘先參將·世襲騎都尉兼一雲騎尉·京城左營遊擊王燮，前於本年五月二十五日巳刻，因彈壓拳匪，保護電線，在東便門外河北三塊板地方，被該匪戕害，身受無數刀傷，並將屍身焚毀。家人搶回支體無多，由職兄之嫡長子議敘縣丞王綏垣包裹回籍。冤抑至今，莫可伸訴。呈請代奏。等因。

工部候補主事白慶之佐領報呈：白慶於七月二十一日洋兵進城，率同伊子聯泉，備火自焚。伊妻劉氏同伊女大姐，投井殉節。等因。

鑾儀衛鳴贊鞭官英瑞之子翰林院筆帖式寶存呈報：職父英瑞，於七月二十一日洋兵進城，在家自縊殉節。等因。

巡視北城御史咨報：據候補知縣劉恭辰家人張福呈報，家主劉恭辰來京辦捐，適遭都城之變，家主赴打磨廠鐵柱宮，遇洋兵搜索，被鎗傷害。少主人劉經邦，寓居河南。等因。

巡視北城御史咨報：據翰林院編修支恆榮之家人任貴呈報，伊家主繼室樊氏，於城陷之日，以布繫頸自捋遇救。因敵氛未退，死志愈決，於八月十二日絕粒殉節。少主人支懋慈，痛母情切，悲憤不食，亦於是月二十一日殉節。等因。

(軍機處錄副奏摺)

附件二：正紅旗滿洲都統衙門咨報官員家屬殉難情形清單

謹將正紅旗滿洲都統衙門咨報殉節官員、家屬，繕具清單，恭呈御覽。

計開：

正藍旗蒙古副都統兼公中佐領耆齡之子步軍統領衙門候補主事崇本呈報：職父耆齡，於七月二十一日，詢悉變輿西巡，倉猝囑職率子姪承澤、承濤留京看守，卽攜母並兄戶部候補主事崇綬、三等待衛崇坤，及兩嫂、一姪、兩姪女，擬隨駕西行。茲據家人李順回稱，職父行抵德勝門外，聞洋兵夥至，遂率領全家殉節。等因。

奉恩將軍·宗室·公中佐領扎隆阿之子宗人府主事樸厚呈報：七月二十一日洋兵入城，職父扎隆阿率同職胞弟宗人府筆帖式樸誠、胞妹暨弟婦舒舒覺羅氏，並樸誠之女，在順承王府祠堂前自縊殉節。等因。

花翎·驍騎營參領兼公中佐領·正白旗驍騎營管帶官錫昌之姪驍騎校哈達布呈報：胞叔錫昌，於七月二十一日，在東直門城上帶兵駐紮，力戰陣亡。錫昌之母聞伊子陣亡，登時率領子媳那氏並女暨孫閑散奇光、奇生、孫女，全家殉節。等因。

署理佐領印務·章京銜·驍騎校海昌之胞兄步軍校海鳳呈報：胞弟海昌，於七月二十二日洋兵入城，率弟婦何佳氏等，出西直門外長春橋，投河殉節。伊女遇救得生。等因。

(軍機處錄副奏摺)

八七三 天津府錄存方恭釗爲奉批嘉獎官員事致各府札

※光緒二十六年十月三十日（一九〇〇年十二月二十一日）

奉道憲方札開：光緒二十六年十月初三日，奉督憲李批本道稟陳各屬拳匪解散勦平情形，請酌獎得力各員緣由。奉批：稟單均悉。河間王署守守蒞及交河龔令彥師、肅寧章令燾、靜海王署令樹泰等，措置得宜，保全民命，先經本閣爵大臣部堂批行嘉獎。茲據所陳，候事定酌量錄敘。仰卽轉飭遵照。繳。等因。

奉此，計粘抄稟一紙。十月初五日行。三十日到。

（清代各衙門檔）

附件：方恭釗爲勦辦拳民保獎官員事稟李鴻章文

※光緒二十六年十月三十日（一九〇〇年十二月二十一日）

敬稟者：竊查各州縣拳廠，自奉招撫之令，挨村林立，幾於無地無之。現在天、河兩府地方大股拳匪已平，謹將各屬勦散情形，縷陳憲鑒。

溯其源派，起自山東，初來誘聚者，固屬意圖惑亂，乘機劫搶，尋仇焚殺之案，層見迭出，民、教、過客，皆有被害。當其蔓延及津，已自藐法無忌。職道會同楊運司、黃關道據實陳請。乃蒙前憲臺裕諭

派譚道文煥，爲其支應餉械。各處拳匪相率而來，分駐廟署會館。職道祇得募勇護庫，防杜窺視。一面分飭所屬，督紳舉辦城防團勇，以期抵制。惟查各拳廠之中，鄉愚無知、被誘附和者有之，畏禍附拳自衛者亦有之，尤有殷富良懦，被迫脅從。情狀不一，不得不分別辦理。遂於初奉諭旨停戰時，卽經通飭解散，違抗者請兵剿辦。其犯事各匪，未便任其逍遙法外，並令仍照批查各案姓名緝獲誅懲。一面查治書役勾結訛縱情弊。旋青縣、東光、肅寧、寧津、吳橋、故城等縣，先後稟報解散前來。其餘各州縣中，皆有抗拒之處，因當時祇有梅軍，勢難同時分剿。曾經轉稟請示，嗣蒙調呂軍到河，隨即逕行咨請分別進剿，聲威大振，匪黨始各獸散。

按自津城失陷，河郡拳匪尤爲猖獗。本該府王守守莖，先有定識，冀遏亂萌，嗣會呂軍剿平河、任、雄等邑大股拳匪，獲誅首要，其餘勸懲兼用，郡民得安。仍訪緝逸匪，不稍鬆懈。該府既解獻縣教堂之圍，法、英兵隊到彼，又設法妥爲照料，故民間得免騷擾。至於各州縣中，惟交河縣龔令彥師，迭獲劫船慘殺多命首匪宋希蘭等，並渠酋徐成正法。初則勸村董改民團以禦匪，繼復設米麪柴草銀兩局以遺潰兵，現又將遷移之教民招回安撫，以杜滋事。而拳廠雖散，仍訪緝首要不懈。又肅寧縣章令燾，甫經到任，卽練得鄉團四千餘人，聲勢大振，羣醜解散，更迭獲匪首楊白多等正法。又靜海縣當時拳風最盛，王令發保曾爲所惑。現署縣王令樹泰到任後卽漸解，洋兵迭次經過，該令設法理辯，地方賴以未遭大害。以上皆措置得法之員，理合據實稟請宮太傅中堂伯爺查核，可否酌予存記嘉獎之處，出自鈞裁。

滄州拳匪王之臣等，因該州曾送英教士牧大衛等出境，竟於五月底踞城，迫索銀錢，四遣焚殺劫

搶。即經商牧作霖稟商梅提督分別剿散，獲匪苗一瘋子等正法。又於八月，有匪首朱紫垣等，迭次聚衆數千人，踞村迎拒，均經剿平，獲誅首要，解散脅從。現據該州紳士聯名公稟保留，並准梅提督、張道等函稱，該牧辦事得力情形，聲明業抄公稟，經稟憲核。等因。職道復查，紳民保留官長原干例禁，第當此時艱，該牧自署信篆，籌防籌款不遺餘力，詢諸過往官民，恒有譽辭。梅提督等在彼，見聞較確。溯其歷任安州等處，亦尚能辦事。除原稟原函不復重敘外，肅特附陳鈞鑒。

再，查職道所屬駟站，因拳匪、洋兵先後竄擾，是以往來文報稍遲。合併聲明。恭叩爵綏，伏乞垂鑒。

職道謹稟。

接奉一道憲札，十月初三日，奉督憲李批本道稟至知照，繳計粘抄稟一紙，敬稟者至伏乞垂鑒。十月初五日行。三十日到。札行靜海縣。十一月初四日稿，初五日發〔一〕。

（清代各衙門檔）

八七四 晉昌奏勅增祺預欲讓出省城與俄通和片

光緒二十六年十月（一九〇〇年十一月）〔二〕

〔一〕 此段爲天津府稿。

〔二〕 據《隨手檔》，此件與下件均爲前載光緒二十六年九月二十九日晉昌摺之附片，惟據該片內容，當係於十月份具奏，故列於此。

再，奴才恭奉聖容、御寶，擬由蒙境西行，當經咨行熱河。於九月三十日，准熱河都統色楞額覆稱：閏八月初一日，據朝陽縣知縣電稟，盛京將軍增祺專差到縣稱，已會同五部護奉聖容、御寶退紮義州；今准奴才咨稱，護奉聖容、御寶西赴行在。事出兩歧。等因。查該將軍專差到朝，係閏八月初一；該縣距省千餘里，則派差時應在八月二十日前後。彼時奴才駐師遼、海之間，與敵相持，尚無動作，何以該將軍遽有退駐義州之議，又卽行知隣省？是其預欲讓出省城，已可概見。

現又據金州防禦福豐探稱：盛京將軍派差與俄提督等官照會信函，於八月十四日到金，十六日到旅，俄俘送還後，俄人遂於十九日起，日夜由火車向北載兵運礮，和議必不可恃。請加防範。等情。時該將軍正堅持議和，有吉林紳團等來奉，請領軍械，當經批准，旋又不發。乃屢次電商奴才回省，並派候補道王頤勳赴遼催促速旋，似已議和有成者。詎奴才於八月三十日起程，俄人卽於是日乘間猝發，節節撲犯，卒至遼陽失陷，省城遂以不守。該將軍聞警先逃，此時忽又回省，前後對證，是該將軍暗中通和於俄情節，顯然可見。

此次東省軍事，戰亦失，不戰亦失；不和難恃，和亦難恃。現在探知該將軍到新民廳時，所帶弁兵數十人，槍械悉被俄人搜去，並聞有索取印信之說。又據探稱，俄提督迫令該將軍親赴旅順，已否由省起程，尚未得知。惟該將軍所留散軍，均在新立屯一帶，以主帥無人，漫無節制，而又不服奴才調度，不久將成巨患。至增祺輕人敵中，俄如要素多端，該將軍勢必不敢抗拒，將來執以請之朝廷，其事愈難辦理。且印信果爲俄得，無論所有各州縣已均插旗迎降，卽敵蹤未到之處，彼亦將爲所欲爲，尤爲可慮。

理合附片據實具陳，伏乞聖鑒訓示。謹奏。

（軍機處錄副奏摺）

八七五 晉昌奏爲留集兵隊十營用備將來事片

光緒二十六年十月（一九〇〇年十一月）

再，自山海關以東，敵蹤幾徧，十室九空。加以盜賊充斥，愈無完善之區。惟蒙古境內未遭蹂躪，尚可粗安。奴才於擘嚙收集散隊，將及十營，餉械尚敷目前之用。萬一機有可乘，將立與各蒙旗聯合大舉。即使和議定後，全省退回，善後之謀，更資兵力。惟是各軍潰散，自大關以外，遙遙數千里，其收整成營之隊，寥寥無幾。奴才尚集此一枝整軍，無論奉局果和與否，不能不留，以有待用備將來。理合附片陳明，伏乞聖鑒訓示。謹奏。

（軍機處錄副奏摺）

八七六 工部爲在柏林寺內設立公所事知照內務府文

光緒二十六年十月（一九〇〇年十一月）

工部爲知照事。

本部現在北新橋北柏林寺內設立公所。相應知照貴府查照。因用印不及，徑行白片可也。須至

知照者。右知照內務府。

(內務府檔)

八七七 靈熙爲呈送增祺來函事咨軍機處文

光緒二十六年十一月初一日(一九〇〇年十二月二十二日)

管理興京等處副都統·花翎·奉國將軍靈熙爲咨呈事。

竊敝副都統於本年十月十四日，接准盛京將軍增祺十二日來函一封。除據情恭摺陳奏外〔一〕，合將原函裝封備文咨送軍機處，請煩核收施行。須至咨呈者。

右咨呈軍機處。

(軍機處錄副奏摺)

附件：增祺爲和議將成請將所部裁留引避事致靈熙函〔二〕

光緒二十六年十月十二日(一九〇〇年十二月三日)

子翁仁兄大人麾下：

〔一〕靈熙奏摺見故宮博物院明清檔案部編《義和團檔案史料》下冊，第八三五頁。

〔二〕原函護封背面另有一句：「可將不堪軍器交付洋人若干，以固大局。此節函內未寫。」

鷺墩睽隔，齧趾彌殷，辰維政祉勝常，如頌爲慰。瀋陽自閏月初五日遼城失守，民情惶惶，弟本擬悉索敵賦，背城借一，惟念省城重地，一作戰場，不特生民同罹塗炭之災，而且敵火交加，難免震動陵寢，毀傷宮殿。且據各商民紛紛稟求停戰議和前來，不獲，已暫行退守義州，庶易轉圜。嗣接俄國阿提督照會，北京、天津等處業已一律撤兵，奉天亦欲仿照辦理。仍暫留兵一分，一爲幫同護理地方，二爲保全鐵路。望速回省。詞甚懇懇。並據派往旅順商議之委員周觀察冕等折回，議定暫且章程九條。弟隨於本月初八日抵省，叩謁陵寢，均尚無恙。惟器棋遺失，城廂各處，滿目瘡痍。不禁愧憤憂憫，交集於中。現在和議將成，辦理善後，諸多棘手，在在需費，庫款蕩然一空，正不知作何支持。

兄台獨當一面，措置裕如，兵輯民安，晏然無事，鄙懷佩慰，莫可名言。第大局艱難，籌款匪易，務祈即將所部各營設法裁留，以節糜費，實屬時勢使然，不得已之苦衷，諒爲各官兵所共諒也。仍將槍械存儲。

茲聞俄兵千餘人開赴貴轄巡緝盜匪，如果到地，務請妥爲因應，我兵可暫引避，切勿別生枝節，有礙大局，是所切禱。專此奉達。敬請助安，諸惟荃照百益。

愚弟增祺頓首，十月十二日。

（軍機處錄副奏摺）

八七八 奕謨等奏覆法兵似欲久踞慕陵及易州情勢摺

光緒二十六年十一月初五日（一九〇〇年十二月二十六日）

奴才奕謨、溥植、準良跪奏，爲遵旨恭摺覆陳，仰祈聖鑒事。

竊奴才等前因四國聯兵盤踞西陵，所有騷擾各情形，業於十月十四日具奏馳遞在案。十一月初四日，由六百里驛遞奉旨：前據奕劻等電奏，洋兵闖入易州，逼近陵寢，現聞洋兵業已退出，如何情形，著奕謨、溥植、準良迅卽具奏。欽此。伏查各國洋兵於九月初十日後陸續退出，惟法國兵官風撒吉利非併兵頭數名，統帶洋兵二、三百名，分踞慕陵內務府新營房及易州州城，覘其命意，似有久踞之勢。大約俟和局定後，方可退兵。奴才等惟有竭力與之周旋，以顧大局。無任徬徨怵迫之至。理合恭摺覆奏，由驛馳陳，伏乞皇太后、皇上聖鑒。謹奏。

光緒二十六年十一月十八日奉硃批：知道了。欽此。

（軍機處錄副奏摺）

八七九 壽全等奏報德兵入境旋即西行情形摺

光緒二十六年十一月初八日（一九〇〇年十二月二十九日）

奴才壽全、莖岫跪奏，爲德國洋兵入境，次日卽行退出，恭摺奏聞，仰祈聖鑒事。

竊奴才等前因九月十六、十七、二十二等日，洋兵入境巡查，已將大概情形奏明在案。茲於十月二十一日戌刻，接據薊州知州姚虞卿飛稟：德國洋兵約有五六百名，駐紮州城，紀律不嚴，頗有搶掠。現已分隊前往石門駐紮。等語。奴才等聞報，不勝驚駭。伏思陵寢至重，亟宜設法保護，俾昭敬慎。隨

即督飭內務府司員，於是日夜間，將各陵陳設等項，敬謹嚴密收藏。另飭司員，趕緊備具牛羊食物，豫爲安置，冀免騷擾。乃於次日清晨，洋兵抵峪，奴才等督同文武員弁，以禮相迎，善言相慰。該洋官率隊竟入圍牆，直赴景陵瞻仰一周，旋即退出。奴才等隨處保衛，並無傷損情形。彼即分隊一半，由葦子峪出西峯口，前往平谷縣去訖。一半仍回馬蘭峪駐紮。優給飲食，餽以禮物，該洋兵於二十三日辰刻，始行拔隊啟程。探明往平谷之隊，與前軍會哨西行。奴才等於洋兵退後，親詣各處詳細查看，風水地界無恙，軍民尚屬安靖，堪以仰慰宸廑。

除飭將收藏陳設照舊安設外，理合將洋兵入境實在情形，恭摺奏聞，伏乞皇太后、皇上聖鑒。謹奏。

光緒二十六年十一月二十六日奉硃批：知道了。欽此。

（軍機處錄副奏摺）

八八〇 李鴻章奏參永平府縱容團民之文武各員摺

光緒二十六年十一月初九日（一九〇〇年十二月三十日）

欽差大臣·大學士·直隸總督·一等伯臣李鴻章跪奏 爲特參縱匪釀衅文武各官，請旨分別革職遷戍，並先將永平府缺派員護理，仍請迅賜簡放以重職守，恭摺具陳，仰祈聖鑒事。

竊查永平府重燠，當拳匪初起，即縱容匪首陶允和，於府署土地祠內設立分廠，頗多殘殺教民情

事。是以俄官入境，將其責辱，並拘送旅順。現經臣照會俄使，請其送回，自行懲處。但該員心地糊塗，未便再表率，自應請旨，將永平府知府重煥卽行革職，仍俟索回後，飭令回旗。所遺永平府知府員缺，應請迅賜簡放，以重職守。現在該府員缺虛懸，臣查有直隸州用。現任永平府遷安縣知縣李映庚，於拳匪初興，卽禁止燒殺，雖奉上司威脅，並不回撓。迨洋兵遠來，卽又據理抗爭，誓死阻遏入境，並與洋官、教士反復辨論，不肯親身迎犒。洋官隱服其忠，勒兵不入其境。臣手札嘉獎，卽令剋日兼護府篆，可否特旨以知府卽補，以勵風節。

又建昌營都司錫光、巡城把總賈桂一，勾結拳匪，資以槍械，並自充拳頭。核其情罪，本可立正典刑，惟念拳匪盛時，隨波逐流，所在皆是，該二員究係武職，粗材不諳大體，相應請旨，將建昌營都司錫光、巡城汛把總賈桂一一併革職，發往軍臺充當苦差，以示懲儆。

所有查辦永平府屬文武各員緣由，理合恭摺具陳，伏乞皇太后、皇上聖鑒訓示。謹奏。
光緒二十六年十一月十九日奉硃批：另有旨。欽此。

（軍機處錄副奏摺）

八八一 林福彭爲奉札由地方官秉公辦理教案事轉行各屬札

光緒二十六年十一月初九日（一九〇〇年十二月三十日）

奉道憲方札飭事。

光緒二十六年十月二十二日，奉督憲李札開：爲飭知事。現據英使館華文參贊傑繡遜呈遞節略內稱，固安縣稟，教士赴固安查辦拳匪，勒索賠款，請照會欽使，查明有無其事一案，經全權大臣照會英國薩欽使，今英欽差業已查明，該教士等雖係由教士派往固安，然但令其查明，究竟教民因亂傷失產業、性命若干，並探問是否本地人民情願自行籌款賠償，即行回京具報而已。所有查拿義和團匪、要素廟宇房屋地皮各款，及催令迅速照辦，否則英兵到縣坐催等情，均係該教士等越權之事。故已飭令該教士等尅日回京矣。查天津條約第八條內載：內地傳教教民，凡係良善之輩，自應由中國地方官一體保護，准其傳教行教。等語。倘人教華民被殺，及產業被毀被盜，中國地方官應設法緝拿兇手，治以應得之罪，並代爲索償被毀盜之產業。英欽使甚願聽中國地方官自行料理此案，而洋教士似能幫助地方官了結，蓋教士之意，無非求和平了結此案，庶免動用此牘，驚動兩國政府。不作爲官事辦理較便，且於兩國有益。英欽使不願干預民教案件，甚盼中國地方官秉公核辦。英欽使所以將此案如此辦法，實欲達知全權大臣。英欽使將近今亂事置之度外，屏除成見，仍願秉公爲心，敦睦爲懷。等因。

據此，查教民受害，原應自赴地方官衙門呈控，如應抵償人命、賠還物產，由地方官秉公辦理，不得諉延。今既由英欽使議復前情，應即通飭各屬，一體查照。如有華人妄稱奉英教士或英欽差之命，赴各州縣強索賠償滋擾，即係假冒。應由該州縣查拿訊辦，並先出示曉諭。

除分別咨行外，合行札飭。札到該道，即便查照，通飭各屬，一體遵辦。此札。等因。
奉此，除分行飭遵外，合亟札飭。札到該府，即分飭所屬州縣，一體遵照辦理。此札。十月二十五

日行。十一月初五日到。札行六屬。十一月初七日稿，初九日發。

（清代各衙門檔）

八八二 馮子材奏爲遵旨就餉練兵擬募勁旅萬人緣由摺

※光緒二十六年十一月初十日（一九〇〇年十二月三十一日）

雲南提督奴才馮子材跪奏，爲遵旨就餉練兵，現准四川電覆，許由協濟項下添撥，再就向協各省通籌，赴省會商，以期募足勁旅萬人，迅速成軍，庶可有備無患，恭摺仰祈聖鑒事。

竊奴才於光緒二十六年八月二十三日，電請迅募勁旅二萬人人衛。九月初三日接准軍機大臣字寄，八月二十日奉上諭：馮子材奏，請募勁旅人衛一摺。覽奏已悉。該提督老成宿望，一聞北事之警，慷慨請兵入衛，洵屬忠勇可嘉。惟現在籌餉維艱，添募大枝兵勇亦非易事。雲南向賴四川協濟，著先行商明四川總督，每年尚可添撥銀若干萬兩，該提督應就餉練兵，將沿邊防務嚴密布置，毋庸遠道前來。將此由五百里諭令奎俊、丁振鐸、馮子材知之。欽此。遵旨寄信前來。跪聆之下，感激涕零，仰見聖意淵深，動關全局。中外既已開衅，無論和議成否，亦應嚴密籌備，以防意外之虞。當卽欽遵，咨明署雲貴督臣丁振鐸，告以不可遲誤殊延一月。僅據回稱：咨商四川，須俟回文，再行辦理。奴才不得已，逕電四川督臣奎俊，商明就餉練兵情形。茲於本年十月初五日接准電稱：奉旨飭協餉械，自應竭力圖維，共濟時艱。擬於額協雲南三十五萬五千之外，本年加協銀一萬兩，明歲再加協三萬。等因。

准此，奴才查前請人衛，係用二萬人始壯聲威；此次防邊，只用一萬人，籌餉較易變通。滇省營制，每成一千人，每月需餉四千；募足萬人，每年需餉四十八萬。以四川額協、加協餉數計之，每年只須添餉十萬上下，便可餉軍。滇力如有不足，或由鄂、粵額協數省添撥，均易集事。第事關練兵，藉資協濟專款，非仰賴皇太后、皇上宸謨毅斷，特下急切之詔，萬難濟事。倘得衆擎易舉，練此大枝勁旅，邊省幸甚，大局幸甚。現定十月十六日赴省，與署督臣丁振鐸會商，併籌軍械，一切總期顧全大局，毋誤事機。擬由雲南藩、糧、鹽各庫先行籌措舉辦，剋日成軍，用紓宸廑。

除咨軍務處暨戶、兵部查照外，所有遵旨就餉練兵，擬募勁旅萬人，定期赴省會商各緣由，理合具摺馳陳，伏乞皇太后、皇上聖鑒訓示。謹奏。

光緒二十六年十一月初十日奉硃批：雲南係受協省分，本省人不敷出，著仍遵前旨，就餉練兵，照常慎固邊防，不必添募備調。所請應毋庸議。片併發。

（軍機處錄副奏摺）

八八三 馮子材奏報練兵籌餉大概情形片

※光緒二十六年十一月初十日（一九〇〇年十二月三十一日）

再，滇省沿邊防營以及通省團練，均經署督臣丁振鐸一手辦理，所有餉糈經費，查由糧捐、鹽捐各項，約共籌銀百萬有奇。此外四川、鄂、粵各省額定協濟不下五十餘萬。請將此項專歸奴才練兵之用，

較屬有盈無絀。其丁糧、正供、鹽課、稅釐以及通省夫馬各款，滇局尚可支撐，不敢越俎代謀。至成軍後，奴才當親帥此軍駐紮西南兩路適中地方，遙制防營、團練，無事則訓練約束，樹之風聲；有事則雷厲風行，捷如影響，隨機應變，所向皆成活著。併可備緩急入衛，聽候朝廷調遣，無煩整隊，聞警即行。奴才手縮兵符，責無旁貸。

理合先將練兵籌餉大概情形，上慰聖懷，是否有當，除咨軍務處暨戶、兵部查照外，謹附片陳明，伏乞聖鑒訓示。謹奏。

光緒二十六年十一月初十日奉硃批：覽。欽此。

（軍機處錄副奏摺）

八八四 丁振鐸奏爲續陳滇省教案大概情形以備覈議事摺

光緒二十六年十一月十一日（一九〇一年一月一日）

兼署雲貴總督·雲南巡撫臣丁振鐸跪奏，爲續陳滇省教案大概情形，以備覈議而資考證，恭摺仰祈聖鑒事。

竊滇省夏間，因法領事方蘇雅等驀運軍火，激憤滇民，致匪徒乘機竊發，釀成五月十四日燒搶法教堂並波及英教堂之案。維時聚衆萬餘，民匪莫辨，臣比及督飭各文武，分途竭力彈壓解散，當場擒獲要犯二名，立予正法，匪始畏匿，民亦安定，該領事、教士等均獲保護，平安無恙。臣卽前往該領事寓所，

親加慰問，所失財物，屬其逐款查明，以憑緝贓，實則預爲議償地步。旋由藩司李經羲派員，會同該領事及主教等委婉商酌，備細清查，將法員所失行李暨教堂焚燬搶去各銀物，逐件分晰開單，簽立華洋字據，存案備查。方蘇雅所失銀票，亦議明由該員自向越商清理，當不致另生枝節。惟察法員等語意，多半不願由滇議結。此次和局如定，能否將滇案就中商辦，無從縣懸揣。至英教堂二處同時被毀，旋經賠償歸結，與該國韓邵丙教士等，就中英合同各二紙簽押蓋戳，彼此各執一分，訂明再無後言。所有英法各教士等，均先後護送出境。駐滬英領事一再來電伸謝，其無嫌隙可知。並接駐法出使大臣裕庚密電，有方領事等平安赴越，外部甚爲欣謝。等語。是省垣教案當時已辦有端倪，歷經電、摺馳陳在案。

其省外各教堂散處於郡縣者，共計五十餘處，多距省城寫遠。臣恐釁端既開，民、匪乘機釀事，致有鞭長莫及之虞，督同藩司李經羲，嚴飭各地方官及該管營汛，豫爲防範，並不時派員四出偵探，責成團長、練首，隨處防護，幾於舌敝唇焦。雖屢啟聚閔構難之端，本賴多方解導，極力彈壓，各處教堂均獲保全安堵，民教亦得免齟齬。教士、洋員散處往來於各屬者，去則妥衛出疆，留則派兵密護，分頭妥爲料理，全滇教士、教民，均無一人誤被戕害。惟陸涼州屬之小堡子、大關廳屬之吉兆鄉、師宗縣屬之西鄉、鎮雄州屬之大灣子等處，教堂皆僻處鄉村，離城遙遠，教士分居授徒，儔類不多，教堂規模亦皆狹小，與居民相安無事，教士亦不願張皇防衛，致啟猜疑，遂致團汛偶有疏虞，外匪乘其不備，勾結愚頑，入堂搶劫，本地方文武屢奉札諭在先，聞信立率兵團，飛往彈壓堵護，教堂未被燒燬，教士暫避，卽回其

中。如鎮雄之大灣子、師宗之西鄉兩教堂，失物甚微，業由該牧令與教士等商議明白，追賠了結。其大關之吉兆鄉、陸涼之小堡子兩教堂，亦均拏獲要犯，訊實懲辦，教士尚無違言。據報贓物雖有浮冒，然爲數亦均不鉅，卽如願相償，亦可由滇議結。

茲值中外息兵講好，各省教案自必併案會議，滇中外屬只此數處，小有損失，均已妥辦。惟省城法教堂情形較重，失物較多，應將各屬教堂滋事及辦理情形，另摺恭呈御覽。並請飭下主議王大臣及總理衙門，將滇案一同與議，以期早結而免周折。

抑臣更有請者。此次難端，始於民教相仇，遂至中外兵連禍結，釀成不可收拾之患。拳匪之藉名惑衆，罪不容誅，然平日教民之恣橫不法、陵侮鄉閭，教士之偏聽不明、把持官府，積怨既久，一發難收，使教士、教民慘罹鋒刃。推原其故，亦實由激而然。現既中外修睦，卽當思日久相安之策，嗣後民教涉訟，總須由地方官照約秉公審斷，該教士毋得袒庇干預，庶可共釋猜嫌。所以保全教士、教民，無逾於此。卽滇省此次教案，法領事方蘇雅估運軍火多箱，闖關鬧卡，民情疑懼，釀此變端。臣往晤該領事，剖析致此之由，該領事亦深知悔悟，請將滋事人犯懲辦從輕，意在不與百姓結怨。臣據函轉諭紳民，始獲護送平安出境。彼欲開修鐵路，斷非徒恃強橫所能集事。滇境由蒙自河口達省，千有餘里，民心不願開辦，何從（着手）？此後交涉爲日甚長，彼國亦當洞悉機宜，諸須和平商辦，庶兩有裨益。應請一併飭下主議王大臣，剴切商訂，以弭後釁而擴商務，實爲中外之幸。臣愚昧之見，是否有當，伏乞皇太后、皇上聖鑒訓示。

再，雲南巡撫係臣本任，毋庸列銜。合併陳明。謹奏。

光緒二十六年十二月初三日奉硃批：所有教案，著一併由滇議結。單併發。欽此。

（軍機處錄副奏摺）

附件：雲南省城內外各教案簡由清單

謹將雲南省城及外屬被匪打搶教堂處所，摘敘簡由，彙開清單，恭呈御覽。

計開：

一、雲南省城於本年五月十四日，突聚匪徒數千人，先於城外攔搶法員行李衣物十餘槓，當經弁兵奪回箱槓數件。該匪等旋復蜂擁入城，將教堂什物搶擄一空。至夜間，復將法國老教堂放火焚燬，城外狗販田法教堂亦同時被燬。弁兵等因分途保護各洋員、教士，奔救不及，以致延燒。嗣與各洋員將失物查開單據，除清還各物點交外，其餘失物已詳晰開單，咨送總理衙門存案備查。其教堂焚搶各物，據教士聲稱，一時記憶不清，未能詳細開明。其能記者，亦同開法員失單內。此次應如何併案，由京議結賠償，抑或由滇議辦，聽候總理衙門咨商全權主議王大臣酌核辦理。至英教堂被搶各物，當經會同教士商定，由滇賠償銀九千五百兩議結，簽立合同備查在案。

一、大關廳屬吉兆鄉於本年八月初五日，被匪徒數十人圍攻教堂，經地方紳團會同教士極力抵禦，鎗斃數匪，賊始敗退，未經攻破，僅將教堂外女學堂打搶逃逸。並據及第鄉教民況輔臣具報，匪徒陳定

高等糾人人室搶擄，已分行昭通鎮府馳往該處，會同教士，逐一查勘明確。據稟現已拏獲匪首謝四大亡、唐雲珊、胡雲洲等犯，文案訊辦。所搶失物無多，已飭會商教士，妥爲議結。

一、鎮雄州屬距州城四百餘里之大灣子教堂，於本年閏八月間，有威寧匪徒千餘，分路來攻教堂，經該州營督帶兵團，馳往彈壓保護，昭通鎮亦派弁兵前往。該匪於二十四日嚮晚，越界至戈魁，並分途攻大灣子。彼時兵團、教民合力堵擊，將兩處教堂保全，鎗斃匪首安全詳等五名，匪衆潰回威境。查勘教堂財物，均無損毀，僅將對河教民草房燒去數間。經該州會同教士估計，房屋、失贓等項，約值銀八百兩，由該州查追賠償，教士忻然允許結案，並飭嚴拏首要務獲懲辦，以警效尤。

一、陸涼州屬小堡子教堂，於本年五月間，被愚民謝光耀等糾夥打搶。經該州前往勘驗屬實，所失物件，均係米穀等項。盛教士聞省城鬧教，即將堂內值錢物件，搬移海子教友處收藏。隨派差團緝獲謝光耀等，取獲棹椅等件贓物給還。惟盛教士及教民等均稱搶去銀錢，捏報二千餘兩。當經批飭提犯訊究，追贓給還，會同教士將失物值錢若干，酌量賠償，設法擬結在案。並由省委員前往確查，據稟情節尚屬相符。

一、師宗縣屬西鄉天主堂，於本年八月二十七日夜，突被賊匪多人翻牆入堂，馮教士警起，逃避後山，該匪上樓搜搶贓物逃逸。該縣親往勘驗屬實，派差協團拏獲金六九一犯，訊係倪紹剛爲首糾搶，並起獲原贓多件。當經批飭勒緝匪首務獲，追贓訊擬稟辦，清獲贓物點交具領。並由省委員前往確查，會同該縣商明馮教士，開具失單，估定價值，該教士已簽字爲據，亦可議結。

硃批：覽。

(軍機處錄副奏摺)

八八五 李鴻章奏爲酌定天津口岸俄國租界事摺

光緒二十六年十一月十三日(一九〇一年一月三日)

欽差大臣·大學士·直隸總督臣李鴻章跪奏，爲酌定天津俄國租界事欵，恭摺具陳，仰祈聖鑒事。竊查各國聯軍深入，連陷天津、京城，西法以兵力所至之區，視爲應得之地，現雖與之開議，而各國所佔之地，率皆劃分段落，豎彼國旗。將來逐條議明，自必將踞地商令退出，但市廛繁盛、堪作商場者，彼必據爲己有。現在各立界碑，拆毀房舍，開通道路，經營不休。適俄國駐京全權大臣格爾思會晤述及，天津城外爲各國通商口岸，俄國向無租界，擬求河東地一段，以爲通商市場。臣查河東之地，民居尚不甚多，惟其中設有鹽坨，爲長蘆鹽商築鹽存鹽之所。當告以鹽法爲我國課餉大宗，不容廢置，且係商人世業，斷不能價賣與人，應卽一律劃出，不入租地之內。該使臣隨卽應允。現先立草約，以便日後逐節細商。

臣查各國在天津均有租界，俄商獨無，論理本覺偏枯。今既來就範圍，以禮乞請，自應允許，使彼心向我益堅。現值東三省商議交還，事機甚切，姑從所請，訂立草約二條，先與畫押蓋印，彼此各執一分爲憑。謹鈔錄清單，恭呈御覽。

除咨明總理各國事務衙門查照外，所有酌定天津口岸俄國租界緣由，恭摺由驛奏陳，伏乞皇太后、皇上聖鑒訓示。謹奏。

光緒二十六年十一月二十二日奉硃批：該衙門知道。單併發。欽此。

（軍機處錄副奏摺）

附件：天津俄國租界條款清單

謹將與俄使訂立天津租界條款，繕單恭呈御覽。

爲立條款事。茲因天津俄國貿易日見興旺，俄國必得租地一段，以便俄國商民居住，設立行棧。今准中國政府允許，在該城東北劃出俄國租界，立定條款如後：

一、天津俄國租界設在河東，約佔所立界牌內之地一段。內有靠河鹽坨地界，關係緊要，應劃出不在租界之內。

一、將來覆勘租界，更訂界線，如觀勢所須更改者，以及辦理該段關乎地主各事宜，照各國租地章程辦法，立定經營俄國租界各項章程，應由兩國另派委員辦理。

以上所列條款，係爲天津俄國租界條議，繕具兩本，畫押蓋印爲憑。
硃批：覽。

（軍機處錄副奏摺）

八八六 奎順等爲法主教請辦歸化等處教案事咨呈李鴻章文

光緒二十六年十一月十四日（一九〇一年一月四日）

總統察哈爾八旗都統奎、頭品頂戴·副都統·訥恩登額巴圖魯魁，爲咨呈事。

據委辦洋務局察哈爾差遣委用·前江蘇候補道沈敦和稟稱：竊職局接准蒙古教堂主教方濟衆函稱，現當議和之際，凡中外交涉事件，均宜靜聽和議，以憑核辦。惟敝主教所轄高家營、大溝等處，教中物產被拳匪焚燬以後，教民幾不聊生。曾蒙貴道於洋務局內，籌借銀一萬零五百兩，以資撫卹，藉可稍安。是貴道關心民瘼，一視同仁，民教相安，中外帖伏。敝主教實深感佩。所最可慮者，尚有敝主教所轄歸化、托克托、寧遠、和林果爾四城，所屬各地教堂教房及育嬰院、男學房，衣食、糧草、銀錢、書籍、祭服、祭器、牲畜、田禾、柴炭、工料、奇玩、藥品各等器械什物，均被焚燬無依，教民嗷嗷待哺。該處地方官不獨置之不理，並仍有拿辦教士、教民之事，可駭可怪。貴道現辦洋務局，係爲貴國出力，則歸化等處亦貴國之地，事卽貴國之事，亦應向貴道商辦。如以越境爲辭，則敝主教處此艱難，無從告訴，祇有卽至北京，商諸公使，請兵前往辦理。西灣子等處撫卹情形，則係重貴道之情，從權商辦；歸化等處受害更深，萬不能以待貴道之法待之也。等因。

革道伏讀節次全權大臣來文，均責令地方官保護教堂爲要義。職局亦當謹遵，小心辦理。惟思憲台所轄地方交涉事件，自應由職局核辦，而歸化等處，係山西省轄地，職局未便越俎。倘竟置之不理，

則洋兵過境，未免受其波累。可否請憲台咨商山西巡撫，或咨呈全權大臣，以便從速核辦，冀安民教之處，出自憲裁。

除將稟商情形函復主教外，所有歸化等處教案未便越俎緣由，理合稟請查核，俯賜批示。等因前來。查該革道轉稟各情，事關晉省地方交涉之件，自應據情除咨行山西巡撫查核保護外。相應咨呈，謹請查照施行。須至咨呈者。

右咨呈直隸總督部堂·全權大臣·便宜行事·一等肅毅伯·大學士李。

(外務部檔)

八八七 太醫院爲暫設公所於內東華門大街事行內務府片

光緒二十六年十一月十五日(一九〇一年一月五日)

太醫院爲片行事。

所有本院衙門自兵燹之後，現被洋兵佔住，本院無辦公之處。現設公所於內東華門大街東頭路北。相應片呈貴府查照。徑行白片可也。須至片者。右片呈內務府。

(內務府檔)

八八八 裕德等奏爲遵旨議卹殉難陣亡及病故文武各員事摺

光緒二十六年十一月十八日(一九〇一年一月八日)

兵部尚書臣裕德等跪奏，爲遵旨議卹事。

查本年七月二十一日，京師驟遭兵燹，臣部衙署被佔，各司案件，均經燒毀殆盡。所有七月以前到部奏咨各案，應俟軍務大定，再由臣部咨查各省陸續覈辦。謹先將八月十三日以後奉到諭旨交部議卹各案，督飭司員查照。該司員等抄存定例，作速覈議。

准內閣抄出大學士榮祿奏，戶部尚書崇綺殉節一摺。光緒二十六年八月十三日奉上諭：戶部尚書崇綺，本日據榮祿奏，七月二十一日以後，榮祿偕該尚書退守保定，該尚書以恢復無力，竟於八月初二日殉節於保定蓮花書院。洵屬舍身取義，大節無虧。覽奏曷勝震悼。崇綺著照尚書例賜卹。等因。欽此。

又同日奉上諭：幫辦武衛軍事務。前四川總督李秉衡，軍務初起，特召來京，該督冒暑遠行，受命督師。甫及到防，倉皇出戰，以致師出無功。實由於兵非素練，將士不能用命，朝廷並未加該督以失律之咎。乃聞李秉衡以兵敗潰退，竟於七月十七日，殉節於通州之張家灣。雖尚未見奏報，而訪聞業已確實，悼惜之懷，曷能云已。李秉衡著照總督例賜卹。等因。欽此。

又八月二十九日奉上諭：許應騤奏，閩、浙交界地方土匪滋擾勦辦情形一摺。本年六月間，匪首劉加福糾合匪黨吳癩頭等，聚眾數千，連陷浙江江山、常山兩縣，經署總兵敖天印督率營團，將匪首劉加福擒獲懲辦，脅從一律解散，辦理尚為迅速。補用副將敖天印，著以總兵記名簡放。署漁梁守備許岐，未能防範於前，尚能愧奮於後。著革職，免其治罪。陣亡之團紳。附貢詹式琦、什長胡為尚，著交部從優議卹。等因。欽此。

又閏八月初四日奉上諭：鹿傳霖奏，詞臣殉難，請旨優卹。等語。翰林院編修王廷相，經李秉衡調赴軍營，臨難捐軀，大節凜然，殊深軫惜。著追贈五品卿銜，交部從優議卹。等因。欽此。

又九月二十四日奉上諭：崑岡等奏，大員闔門殉節，代遞遺疏一摺。將軍延茂，本年簡放黑龍江將軍，尚未赴任。七月間臨難捐軀，從容就義，洵屬大節凜然。延茂著照將軍例賜卹。伊妻李氏同伊兄弟之妻唐氏、董氏、李氏、陳氏，並姪女四人，同時自焚盡節，情尤慘烈。允宜特予旌揚，以彰貞節。李氏等俱著准其旌表。等因。欽此。

又同日奉上諭：崑岡等奏，儒臣殉節，籲懇恩施一摺。國子監祭酒熙元，於本年七月間，目擊時艱，憂憤難已，仰藥殉節，洵屬見危授命，忠節凜然。著照侍郎例賜卹。其嫂富察氏及其妻費莫氏同時殉難，允宜特予褒揚，以彰貞節。富察氏、費莫氏均著准其旌表。等因。欽此。

又同日奉上諭：崑岡等奏，詞臣殉節，懇恩賜卹一摺。翰林院侍讀·宗室寶豐，於七月間臨難捐軀，從容赴義，洵屬大節凜然。著照三品卿例賜卹。等因。欽此。

又同日奉上諭：崑岡等奏，詞臣殉節，懇恩賜卹一摺。翰林院侍讀崇壽，本年七月間，目擊時艱，見危授命，尚屬大節無虧。著照三品卿例賜卹。等因。欽此。

又九月三十日奉上諭：劉坤一奏，總兵因病出缺，懇恩賞賜一摺。記名提督·安徽壽春鎮總兵郭寶昌，於咸豐年間投効軍營，轉戰河南、山東、山西、湖北、陝西等省，所向輒捷，卓著戰功，歷擢專閫，均稱厥職。統帶卓勝全軍，辦理皖防，尤爲得力。茲據奏稱，因病出缺，殊堪軫惜。郭寶昌加恩著照提督

軍營立功後積勞病故例賞卹。等因。欽此。（欽）遵到部。

除盡節殉難婦女人等旌表之處，應由禮部辦理外，查定例：出征陣亡官員各給卹賞，將軍銀一千一百兩，應得祭葬銀兩，移咨禮、工二部議給。又提督、總兵在軍營病故，曾經著有勞績，奉旨交部議卹者，卹銀二百兩，廕一子，給予六品頂戴，送部帶領引見，作何錄用之處請旨。各等語。今殉節、殉難、陣亡、病故文武員弁，經各大臣、督撫先後奏奉諭旨，交部議卹。臣等謹按定例，分別覈議，繕具清單，恭呈御覽。應得祭葬銀兩，俟命下之日，移咨禮、工二部辦理。

所有議卹緣由，是否有當，伏乞皇太后、皇上聖鑒，訓示遵行。

再，管理臣部事務。大學士榮祿、左侍郎葛寶華現赴行在，均未經列銜。合併聲明。謹奏。

光緒二十六年十二月初三日奉硃批：依議。欽此。

（軍機處錄副奏摺）

八八九 天津府錄存方恭劄爲奉札開辦天津俄國租界事札

※光緒二十六年十一月十八日（一九〇一年一月八日）

奉道憲方札飭：光緒二十六年十一月初一日，奉欽差全權大臣·便宜行事·太子太傅·文華殿大學士·商務大臣·北洋大臣·直隸總督部堂·一等肅毅伯李憲札，內開：現准俄國駐京全權大臣格照會，以天津在中國北方，爲俄國通商要道，俄國在天津必得地一段，自設洋行。現擇得河東地段，商請

讓與俄國，照英、法等國體式，一律設立租界，出示曉諭。等因。

准此，本閣爵大臣查天津地方，既有英、法、德、日本租界，俄國應亦設租界。惟靠河一帶，向有中國鹽坨，爲鹽包上下起撥、細包運載之地，有關稅課商業，斷難讓給，劃出此地，不入租界之內。俟會堪時，再商詳細節目。

除照復並咨慶親王查照立案既〔暨〕分行外，合行照鈔來往照會札飭。札到該道，即便查照。此札。計鈔來往照會。等因到道。奉此，除分別移行外，合亟札飭。札到該府，即便轉行查照。此札。計粘抄來往照會。

十一月十八日到。

（清代各衙門檔）

附件一：天津府錄存俄使爲天津租界事致李鴻章照會稿

照錄俄國大臣格來照會。
爲照會事。

查天津城在中國北方，係爲俄國通商事內關係要大。將來又以津榆、牛莊鐵路，與中國東方鐵路之南支連爲一氣，則天津爲貿易輻輳中區之勢，又形張大。（是）以俄國在津必得地一段，以便俄民自設洋行，如英、法、德與日本業已行設也者。此一節所必須之理，曾與貴中堂晤面時，照友之誼，業經言

及矣。

今詳度地勢，擇得河東地一段，且內設有武備學堂。惟因津城暫無中國地方官，所以自行劃定。將來租界之四至，立有石碑五十支，以護己利而防私賣之弊。此界牌自距鐵路客房約一百七十五丈之鐵路旁十字路口處起，順河上游而往，由此處界線，向河而對法國租界鐵路稍上之處，經靠河岸，由此順河左岸往下，至世昌煤油洋行，由此處往東北之鐵站小房旁穿路處之與鐵路交穿之處，此處距鐵路客房約一千零八十五丈。又由此處，約順鐵路，而歸離路站以上一百七十五丈之起點。

茲將前情，作爲面談之補奉達貴中堂，請以直隸督憲，將該地段讓與俄國，照英、法、德等國體式，一律設立俄租界之用之處，出示曉諭。且請將該地段劃爲俄租界之處，一併曉諭居民，嚴禁伊等非得駐津俄領事官允准，不得將所擬租界內之恒產私行出售。所有劃爲俄租界地之原主，自應由俄償價。惟其價之若干，以及所係設立俄國租界算帳各事宜，另有〔由〕中俄兩國商定。惟欲預防中國與各國因此一事各項誤會不悅之處，俄國自當設法，保全該地段內洋商以理所管恒產之主之利權，而鐵路之利益，若遇其站房各項房舍，在於該段界內一體保全如何措置之處，即希從速示知可也。爲此照會。須至照會者。

（清代各衙門檔）

附件二：天津府錄存李鴻章爲天津租界事致俄使照會稿

照錄復俄國格大臣照會。

爲照復事。

頃准貴大臣照會，以：天津在中國北方，爲俄國通商要道，將來又與〔以〕津榆、牛莊鐵路與中國東方鐵路南支連爲一氣，俄國在津必得地一段，自設洋行，如英、法、德與日本之式。現擇得河東地一段，惟因津城督〔暫〕無中國地方官，所以自行劃界。將來租界立有碑五十支，以防私買私賣之弊。並約開四至止，商請將地段讓與俄國，照英、法、德等國體式，一律設立俄租界，出示曉諭。所有劃爲俄租地之原主，由俄償價。其價若干，及租界應算各帳，由中俄兩國商定。惟欲預防中國與各國因此一事各項誤會不悅之處，俄國自當保全該地段內洋商及原管產主之利權。若遇棧房及各項房舍在於該段界內，一體保全。等因。

准此，本閣爵大臣查天津地方既有英、法、德、日本租界，則貴國與中國友誼素敦，自應亦設租界。本閣爵大臣係直隸總督，亦有應允之權。惟向來定立租界，係由兩國派員會勘。現在議和未定，本閣爵大臣未回天津，天津亦無中國官員堪以派令會勘。姑照貴大臣來文，先行立案。仍俟本閣爵大臣回津後，再行派員，會同貴國領事勘定。

惟其中有緊要情節，須先聲明以免窒礙。查來文有：自距鐵路客房一百七十五丈之鐵路旁十字路起，順河上游而往，由此處界線，向河而對法國租界鐵路稍上之處，經靠河岸，由此順河左岸往下，至世昌煤油洋行。等語。靠河一帶，向有中國鹽坨，爲鹽包上下起撥及網包運載之地。中國鹽務關係國家

稅課甚重，利源所繫，不能停廢。且該鹽商等業此鹽坨，已數百年，斷難讓給，致國課、商情，兩有損害。擬請劃出此項鹽坨，不入租界之內。其租界即由鹽坨之背另劃界線，以清限址。餘則俟會勘時再商詳細節目。務使各國允愜，商民稱便，而貴國亦收租界利益。

除咨明管理總理各國事務衙門·全權大臣·和碩慶親王查照立案外，相應專銜照復貴大臣查照可也。須至照會者。

(清代各衙門檔)

八九〇 天津府錄存方恭劄爲奉札緝拿逃弁事致各府札

※光緒二十六年十一月十八日(一九〇一年一月八日)

奉道憲方札開：爲札飭事。

光緒二十六年十一月初四日，准布政司高咨開：光緒二十六年十月初九日，蒙欽差大臣·直隸總督部堂李札開，爲咨行事。據管帶陝西武威軍後路步隊辜總兵大有呈稱，竊查卑營後哨哨長軍功胡煦秋，年二十歲，湖南寧鄉縣人。前因本月十一日夜間，洋兵經過固安縣城，勒交營中軍械，傷斃勇丁二十餘人，該管帶歐令培墉，亦被擊傷殞命，隊伍衝散。該哨長當即縋城逃走，並帶有勇丁十五名、快槍十五桿，未及回營。旋經標下派令四處查找，渺無音跡。似此糾衆遠颺，並胆敢拐帶軍裝多件，殊堪痛恨。除仍派弁前赴各處嚴密查拿外，理合申請憲臺核咨通緝，應如何從重究辦，以肅軍政之處，出自鈞

裁。實爲公便。等情。到本閣爵部堂。據此，除分別咨行外，合亟札飭。札到該司，即便轉飭所屬，一體緝拿究辦具報。此札。等因到司。蒙此，除分別咨行外，擬合咨會。爲此合咨，請煩查照。即便轉飭所屬，一體緝拿究辦具報施行。等因。准此，除分行外，合亟札飭。札到該府，即轉飭所屬，一體緝拿究辦具報。此札。十一月初九日行。十八日到。

（清代各衙門檔）

八九一 著將永平府知府重煥等革職事上諭

光緒二十六年十一月十九日（一九〇一年一月九日）

光緒二十六年十一月十九日內閣奉上諭：

李鴻章奏，特參縱匪釀費文武各官一摺，永平府知府重煥，著即行革職。建昌營都司錫光、巡城把總賈桂一，著一併革職，發往軍台充當苦差，以示懲儆。欽此。

（上諭檔）

八九二 都察院爲設立公所於西長安門外事行內務府片

光緒二十六年十一月十九日（一九〇一年一月九日）

都察院爲知照事。

本院公所設立在西長安門西三座門外財神廟內。相應知照貴府查照可也。須至片者。右片行內務府。

(內務府檔)

八九三 崑岡等奏爲第三次呈報在京各員及家屬殉難清單摺

光緒二十六年十一月二十日(一九〇一年一月十日)

留京辦事大臣·大學士臣宗室崑岡等跪奏，爲續據第三次呈報殉難官員、家屬情形，開列清單，恭摺具陳，仰祈聖鑒事。

光緒二十六年九月初四日，接奉軍機大臣字寄，光緒二十六年閏八月二十一日奉上諭「上諭見前——編者」。臣等已於十月二十六日，第二次奏請恩卹在案。茲續據該殉節諸臣家屬呈報，及各衙門咨報各官員名口數目，分繕清單，恭呈御覽。應如何加恩之處，出自聖主鴻施。嗣後如再有續經呈報者，仍由臣等隨時奏聞，伏乞皇太后、皇上聖鑒。謹奏。

光緒二十六年十二月初三日奉硃批：另有旨。欽此。

(軍機處錄副奏摺)

附件：崑岡等第三次呈報在京各員及家屬殉難情形清單

謹將第三次續報殉節官員、家屬，繕具清單，恭呈御覽。

計開：

鑲紅旗漢軍副都統色普徵額之子三等侍衛·神機營右翼副左營幫操印凌呈報：職父色普徵額，由前鋒，咸豐年間隨從僧忠親王、大學士瑞麟，攻勦捻匪，轉戰直隸、山東等省。本年因京師戒嚴，奉旨派守九門，在正陽門晝夜駐防。七月二十日洋兵逼近，兵勇潰退，職父見勢不支，遂具衣冠，危坐官廳，至酉刻，洋兵由東棋盤街攻佔正陽門，爲巨礮轟擊，立即陣亡。職是日帶領左營，駐紮德勝門城上，兵敗始與家人相遇，告知前情。當往尋父屍，無從尋覓。等因。

內閣侍讀學士松林之子候選筆帖式·正三品·廕生福荃呈報：職父奉旨添派守城，在東直門晝夜駐守。七月二十日，因敵人攻城甚緊，親自指揮兵丁，極力防守，由巳至申時，未敢稍懈。晚間更加防護，正在督戰間，敵人炸礮臨身陣亡。至今屍骨無存。等因。

采育營都司楊光第之家人劉升呈報：竊家主楊光第，本年閏八月二十九日在營，突有洋兵千餘來擾，家主恐闔鎮被其殺害，衣冠在大堂，示以地主，願應酬需索，以寬荼毒。詎伊索要，尚未回答，衆洋兵大怒，將家主以繩繫繫。有本營藍翎·五品頂戴馬兵·護理馬駒汛把總張進忠與家主長子蔭芬趨救，洋兵將三人用一繩捆至馬神廟側，用鎗轟死。家主同張把總體無完膚，糜爛枯焦。家主長子蔭芬鎗傷四處，似有微息，昇歸調治。等因。

神機營幫操章京·副參領兼公中佐領松壽之兄光祿寺署正崇勛呈報：堂弟松壽，七月二十一日駐紮東安門外，洋人人城，臨敵陣亡。伊妻富察氏、伊子候補膳錄官陞格，並職妻劉氏、長女、次女，均於二十三日殉節。等因。

驍騎校·礮營隊官英璞之叔寶山呈報：胞姪英璞，七月二十日在東直門城上前敵，中礮陣亡。伊妻趙氏同長女、次女，同時自戕殉節。等因。

東陵禮部員外郎連陞之胞弟公中佐領連貴呈報：竊胞兄連陞，因來京領餉之差，七月二十一日洋兵進城，率同胞弟鑾儀衛鳴贊鞭官連福、閑散連平、連厚、胞兄子媳福氏並女二口、胞弟連福之妻徐氏、子媳富氏、子閑散扎隆阿、扎拉豐阿、扎克丹、女一口，闔家十三名口殉難。再，連陞之子領催扎拉芬、連福之子馬甲扎拉罕，是日在驍騎營隊兵守德勝門，接仗陣亡。等因。

副護軍參領全通之堂姪馬甲崇普呈稱：族叔全通，本年七月間洋兵進城，激憤難已，率妻覺羅氏、子候補筆帖式潤普、子媳烏郎哈濟爾們氏、長女、次女，闔家自焚。等因。

太常寺咨稱：太廟五品官富亮，於七月二十一日值班上香，突遇洋兵闖進，受鎗轟斃身死。伊子文安承領屍身。等因。

巡視北城御史咨稱：戶部主事李慕同妻康氏，本年七月間洋兵進城，痛不欲生，憂憤不食，延至八月，絕粒殉節。等因。

藍翎·六品頂戴·護軍扎隆阿之子文生員·優學生玉權呈報：職父扎隆阿，於本年七月二十一日

京城失陷，義不苟生，商同職母赫舍哩氏、兄文進士、內閣中書玉彬、嫂多羅特氏、弟閑散玉楨、玉楨並生玉權，將房焚燒，同時自縊殉節。玉權遇救得生。等因。

光祿寺署丞多文之家人陳喜呈報：家主多文，因本年七月二十一日洋兵進城，無計抵禦，於二十二日自盡殉節。等因。

兵部咨稱：學習員外郎蔭德賀，本年七月二十一日城守失防，洋人屢次來宅搜掠，該員憤極抵禦，被鎗轟擊身亡。等因。

兵部筆帖式覺羅伊鏗額呈報：職於七月間，在八旗護軍練兵營值班。二十一日洋兵進城後，回家省視，始悉母溫都氏、妻朱佳氏、兄文生員伊薩布、妹愛新覺羅氏，一同殉節。等因。

廕生·補驍騎校熙良之胞兄二等子勳良呈報：胞弟熙良，於本年七月二十一日京師不守，洋兵入城，自念不能力挽時局，投河殉節。等因。

理藩院文稱：英連呈報，胞弟理藩院主事英順，於本年七月二十一日，在家殉節。等因。

鑲白旗蒙古咨報：本旗印務筆帖式·領催保山，同伊胞弟領催保林，均在印房值宿，七月二十日夜，猝遭兵燹，保山聞警自縊，保林痛不及救，回家送信，因此伊父驍騎校瑞明、伊母韓氏同伊姐、次弟閑散保春並保林，闔家自縊本旗大堂下。等因。

三品頂戴·公中佐領達斌之佐領德復呈報：達斌於本年七月二十一日洋兵進城後，聞警自縊殉節。伊子工部候補筆帖式榮森現存。等因。

戶部漢堂主事·繙譯·舉人才保之佐領海林呈報：才保於本年七月二十一日洋兵入城，率同妻賀氏、女二姐、三姐、弟戶部候補筆帖式·繙譯·舉人德保、妻歐氏、母孟氏殉節。才保之子王聯陞等現存。等因。

粘桿處藍翎侍衛·虎神營振陞隊官潤志之佐領續昌呈報：潤志於七月二十日，奉調天安門樓上駐防。二十一日外國兵隊進城，在門樓上接仗陣亡。等因。

四品頂戴·候補印務章京·驍騎校德瑞，充正藍旗驍騎營總令官，守護崇文門駐防。於七月二十一日洋人攻城，中礮陣亡。伊子閑散松山未及歲。等因。

署理委協尉·步軍校常福之佐領樂斌呈報：常福於七月二十二日，在西四牌樓協尉官廳值班，被洋兵用鎗扎傷身死。伊子閑散志林，年十三歲。等因。

雲騎尉富珠倫之妻曹氏呈報：氏夫於本年七月二十日，在朝陽門城上值班，因洋兵攻城，抵禦不支，力竭陣亡。等因。

候選筆帖式全齡之家人孫祿呈報：竊家主全齡，因七月二十一日洋兵入城後，卽至宅內搜搶，老主母恐懼，家主以身障護，洋人怒將家主鎗斃。家主母鄂卓氏隨同伊七姊仰藥殉節。等因。

八九四 龐岡等奏爲代遞懷塔布遺摺事摺

光緒二十六年十一月二十日（一九〇一年一月十日）

（軍機處錄副奏摺）

留京辦事大臣·大學士臣宗室崑岡等跪奏，爲據呈代奏，恭摺仰祈聖鑒事。

臣等接准候選道員佛尼音布呈稱：竊胞兄懷塔布，於十一月十三日病故，繕就遺摺，封請代遞前來。謹恭摺具奏，伏乞皇太后、皇上聖鑒。謹奏。

光緒二十六年十二月初三日奉硃批：另有旨。欽此。

附件：懷塔布遺摺〔一〕

奴才懷塔布跪奏，爲叩謝天恩，恭摺仰祈聖鑒事。

竊奴才於十月二十二日假期已滿，病仍未痊，懇恩續假調理。拜摺後，不料病勢日劇，醫藥無功。至本月初八日以來，腫脹雖消，傷痕復發，兼之心煩喘嗽。醫云：陰陷陽越，正氣大虧，礙難施治。伏思奴才滿洲世僕，世受國恩，由廕生兩任諫垣，歷陟卿貳，當此大局糜爛，鑾輅西巡，正臣子誓肌定難、喋血報仇之日，乃以受傷臥病，隨扈未能，展轉牀蓐，溘然竟死。慙惶抱痛，莫可言宣。總計生平受恩深重，匡輔毫無，今乃泉路相招，竭一息之誠，圖涓埃之報。今有請者三，伏願皇太后、皇上垂聽焉。

一、長安乃荒僻凋敝之鄉，非偏安建都之地，和局既定，懇請皇太后、皇上早日回鑾，上顧宗廟、陵寢之重，下遂百萬蒼生之望，徐雪大耻，重振丕基。

二、朝廷財用不足，弊在虛糜，歸公無幾，盡入私囊。懇請嚴懲中飽積習，力求節儉良策，開源節

〔一〕原摺未具日期。

流，自臻強富。

三、國家用人自有成法，然循資守格，不免困滯英才。及歷顯貴，已成耄老，勉力從公，自且不持，尚能分君上之憂，任天下之重哉。奴才懇請任用真才，亟宜破格，此則伏枕百叩，深願採納者也。

奴才憤懣膺胸，午夜感泣，所恨道途脩遠，不能陳奏。奴才之子廕生者年，少不諳事，謹命胞弟候選道員奴才佛尼音布恭繕此摺，由留京辦事處遞奏。

奴才供職無狀，今當死離，犬馬微忱，毋任泣涕屏營之至。伏乞皇太后、皇上聖鑒。謹奏。

(軍機處錄副奏摺)

八九五 崑岡等奏覆查明黃思永徐致靖等官犯情形請旨辦理摺

光緒二十六年十一月二十日(一九〇一年一月十日)

留京辦事大臣·大學士臣宗室崑岡等跪奏，為遵旨會同覆奏，恭摺仰祈聖鑒事。

光緒二十六年十月十七日，接准軍機大臣字寄，本年九月十八日奉旨諭：前據崑岡等奏稱，官犯黃思永因亂出禁，據實自陳，當諭令查覈原案，奏明請旨辦理。惟刑部收禁官犯，尚有徐致靖、龔熙嶼、席夢雲、何澹簡等，未據該大臣等奏報。現在該官犯等是否在京，抑已脫逃？著崑岡等會同刑部查明具奏。此外監禁重要各犯，著一併查明，咨行原籍嚴拿(務)獲，請旨懲辦。將此由五百里各諭令知之。欽此。遵旨寄信前來。

臣等遵卽會同刑部，調取黃思永案卷，查係本年六月初八日，據統率義和團王大臣咨稱：拿獲侍讀學士黃思永，業經具奏，奉旨革職，交刑部監禁。等因。該王大臣並未將原奏鈔送到部，亦無另有案據。至官犯徐致靖、龔熙嶼、席夢雲、何澹簡，以及收禁官常各犯，均乘洋兵入城之際，因變逸出，業經刑部於十月初二日，將大概情形具奏在案。現在除官犯龔熙嶼、何澹簡、徐致靖、席夢雲具呈自首另行具奏外，其餘官常各犯等是否在京，抑已脫逃，京內洋兵尚係分界駐紮，無從查悉。且該管地面均未規復，亦礙難飭令緝捕。所有原籍外省人犯，自當遵旨查明，咨行各該督撫嚴緝務獲懲辦。其籍隸本京之犯，應仍俟大局定後，再行分別開單，請旨飭緝辦理。

再，此摺係刑部主稿，合併聲明。

所有臣等會同查覈官犯黃思永原案，請旨辦理，並官犯及收禁人犯各緣由，謹恭摺具陳，伏乞皇太后、皇上聖鑒。謹奏請旨。

光緒二十六年十二月初三日奉硃批：黃思永著加恩開釋。徐致靖、龔熙嶼、席夢雲、何澹簡既據報首，尚知畏法，著一併加恩釋放，免其治罪。此後如再有犯，定當加等懲辦。餘依議。欽此。

（軍機處錄副奏摺）

八九六 崑岡等奏報官犯龔熙嶼等具呈投案未能監禁緣由片

光緒二十六年十一月二十日（一九〇一年一月十日）

再，臣等正在會同覆奏間，適據官犯龔熙嶼、何澹簡、徐致靖、席夢雲先後具呈自首。當以刑部地

界爲美國佔據，衙署、監獄尚未規復，無從拘禁，諭令該犯官等廳〔聽〕候大局一定，卽行報〔投〕案。查龔熙嶼係已革直隸候補道，因失陷旅順船塢，審依守邊將帥失陷城寨律，擬斬監候，人於秋審情實，五次未勾。何澐簡係已革湖北補用府經歷，因假冒知府官階，審依詐假官律，擬斬監候，人於秋審情實，五次未勾。徐致靖係已革翰林院侍讀學士，前於光緒二十四年八月十四日奉上諭：已革翰林院侍讀學士徐致靖，著刑部永遠監禁。欽此。席夢雲係已革刑部候部〔補〕主事，前於光緒二十五年二月十六日奉上諭：刑部候補主事席夢雲，任性妄爲，招搖生事，著卽行革職，交刑部嚴行監禁。欽此。

查在監候絞重囚，因變逸出，自行投歸，例得照原犯罪名減一等發落。該官犯龔熙嶼等，均係在監因變逸出，雖據具呈自首，第現無監獄收管，未便議擬人奏。一俟衙門規復，該官犯等如果自行投歸，自應分別按例定擬，再行具奏請旨遵行。儻或潛逃，惟有仍遵前次諭旨，咨行步軍統領衙門及各該官犯原籍嚴拿務獲，解送刑部辦理。

所有官犯龔熙嶼等具呈投案，未能監禁緣由，謹會同附片據實奏聞，伏乞聖鑒。謹奏。

光緒二十六年十二月初三日奉硃批：知道了。欽此。

（軍機處錄副奏摺）

八九七 著岑春煊整頓營紀事上諭

光緒二十六年十一月二十二日（一九〇一年一月十二日）

光緒二十六年十一月二十二日內閣奉上諭：內閣侍讀學士裴維佺奏，官軍紀律不嚴，請旨懲辦一摺。行軍以紀律爲先，若如所奏，官軍任意飽掠，沿途搶奪婦女，營官視若故常，拔隊時隨處留遺至數百人之多，實屬大干法紀。若不嚴行懲辦，無以申軍律而衛民生。著岑春煊確切查明，將該管營官從嚴參辦，滋事兵勇卽行正法。並飭屬妥籌資遣，毋任流離失所。欽此。

(上諭檔)

八九八 宗壽爲陳述防禦洋兵軍情事稟俞廉三文

光緒二十六年十一月(一九〇一年一月)(一)

敬稟者：竊標下樗櫟陋質，毫無樹建，去歲添募勁軍，謬蒙統領熊鎮委充中營後哨弁，本年六月，隨軍北上，赴援都門。不意行次順德，驚悉京城失守，聖駕出幸太原。於閏八月初間，隨前分統張道馳赴晉省，以備扈從。正值乘輿西幸，留防太原。旋因管帶右營方鎮請假回湘，標下蒙委充右營幫帶。九月初間，聞洋人有意西犯，復隨張道率軍前赴固關防守。後因晉省欲添招勇營，來函訪問將官，標下蒙張道加考保薦，令赴太原，幸荷錫撫憲推恩，將標下改委前營幫帶。旋崧副將請假南歸，卽委標下接帶前營。於十一月初三日，祇領關防。正欲具稟叩謝鴻恩，隨於初八日奉文調赴前敵，料理一切。於十一日由晉開差，沿途冒雪奔走，二十日始抵防所，分守各隘，均與獲鹿祇十餘里之隔。洋人佔據獲邑，

〔一〕原件無年月日期，此係據該件內容推定。

每日必來窺探，奈奉文祇可謹守，不准擅行開礮攻擊，因此晝夜巡防，不敢稍安。計標下所防地段，實爲各軍屏蔽。標下才短兵單，覆轍時虞，惟有勉勵弁勇，勿憚辛勞，以圖報效。但冰天雪地，寒冷異常，兼之米麪柴草十分昂貴，士卒之苦，真有不堪言狀者也。標下初領重任，獨當前敵，竭力經營，未卜果勝任否耶？

所有一切軍情，理合附稟縷陳。敬請鈞安，伏祈慈鑒。

標下宗壽謹稟。

（清代各衙門檔）

八九九 徐會灃等奏請飭下各督撫速解京師備荒經費摺

光緒二十六年十二月初一日（一九〇一年一月二十日）

兵部尚書兼理順天府兼尹事務臣徐會灃、留京辦事大臣·順天府府尹臣陳夔龍跪奏，爲順屬迭遭兵燹，民不聊生，仰懇天恩飭下各督撫臣，速將光緒二十七年應解備荒經費一款迅速提前籌解，以固根本而廣皇仁，恭摺仰祈聖鑒事。

竊查京師爲首善之地，每遇偏災薄歉，朝廷無不發帑截漕，優加賑恤。本年入夏以來，拳教相仇，洋兵入京，東路各州縣與天津相距較近，先遭蹂躪；西南兩路，地鄰鐵道，滋擾不堪；近則北路各州縣，亦復搶掠幾遍，合計順屬二十四州縣，無一完善之區。又其甚者，各國以察拏拳匪爲名，四出收括，教

民以索賠財產爲事，任意誅求；而潰兵土匪之乘機搶劫，爲患尤不可勝言。小民何辜，遭茲荼毒，此誠古今未有之奇變，非尋常水旱災侵所可同年語也。茲幸和議已成，大局將定，欲瘡痍之漸復，自振賑撫之宜先。竊查備荒經費一款，向由江蘇、安徽、福建、浙江、江西、湖北、湖南、廣東、廣西、四川十省，每省每年解部備荒銀一萬二千兩，遇閏各加增銀一千兩；又湖南省每年解部漕折銀七萬二千三百餘兩，按年在於釐金項下提解交部，專備順天賑撫提用，歷經奏奉諭旨允准，遵照辦理在案。現在近畿迭遭兵燹，居民靡有孑遺，若不速籌振賑撫之方，恐顛沛之餘生行將垂斃。府庫原儲帑項約二十萬，自七月二十日以後，業已蕩然無存。臣等閏八月間先後到任，僅恃慶親王奕劻借撥總理衙門經費三千兩，暫作目前辦公之用。若無大宗有著之款源源接濟，將來善後諸事從何措手？非止備荒已也。

相應請旨飭下江蘇、安徽、福建、浙江、江西、湖北、湖南、廣東、廣西、四川各督撫臣，督飭藩司，將光緒二十七年應解備荒經費，迅速籌解，務於二十七年三月以前解到一半，六月內一律全完。其光緒二十六年以前未經解到之款實計若干，應由各督撫臣查明數目，開單咨報，儘數籌款補解。嗣後年清年款，不得拖欠。並請飭下戶部，遇此項經費解到，隨時知照臣衙門提取，並勿論何項需用，此兩款不再改撥，以永恩膏而重根本。臣等愚昧之見，是否有當，伏候聖裁。

所有催解備荒經費緣由，理合恭摺具陳，伏乞皇太后、皇上聖鑒訓示。謹奏。

光緒二十六年十二月初十日奉硃批：戶部知道。欽此。

（軍機處錄副奏摺）

九〇〇 榮祿等奏爲遵旨議定增祺革職處分事摺

光緒二十六年十二月初四日（一九〇一年一月二十三日）

經筵講官·大學士·管理兵部事務臣榮祿等跪奏，爲遵旨嚴議具奏事。

光緒二十六年十一月二十九日，准軍機處交出十一月二十八日奉旨：奕劻等電奏，增祺派委已革道員周冕，往旅順與俄擅立奉天交地暫且約章九條畫押。等語。此事增祺始終並未奏明，擅行委員，妄加全權字樣，殊屬荒謬。著交部嚴加議處。欽此。欽遵到部。

查臣部處分例載：議處官員例無正條，援引律文定議。官員犯違制律，杖一百私罪革職。等語。此案盛京將軍增祺，派委已革道員周冕與俄擅立約章畫押，始終並未奏明，擅行委員，妄加全權字樣，殊屬荒謬。欽奉諭旨交部嚴加議處。檢查臣部處分例內，並無正條，自應引律議處。應請將盛京將軍增祺，照官員犯違制律，杖一百私罪革職例，議以革職。該將軍係奉旨嚴加議處，應行加等。惟臣部例止革職，無所再加。

所有遵旨嚴議緣由，是否有當，伏乞皇太后、皇上聖鑒，訓示遵行。

再，此摺由行在兵部主稿。合併聲明。謹奏請旨。

（軍機處錄副奏摺）

「一」據《上諭檔》：光緒二十六年十二月初四日奉旨：依議。欽此。」

九〇一 敬信等奏報查明衙署損失情形摺

光緒二十六年十二月初五日（一九〇一年一月二十四日）

奴才宗室敬信等謹奏，爲查明衙署拆毀及庫儲銀兩盡數失去，並暫押人犯洋兵放出各情形，恭摺奏聞，仰祈聖鑒事。

竊於本年七月二十日夜內，京師戒嚴，各國洋兵先後進城，分佔各旗地面，以及衙署、官廳、公廨等處多被駐踞之大概情形，先於八月間，奴才等專摺具奏在案。現在和議既開，洋兵逐漸撤退，奴才衙署既經退出，自應趕緊整頓，以期裨益於公。奴才等率同司員、筆帖式等公同進署，次第查看得：旗營拏解各案人犯，已被洋兵放出；庫儲銀兩，盡數失去無存；庫門亦經洞毀。遂復遍查各項稿檔文簿，間有焚燬不齊。署內房間以及暫看人犯處所，多被拆毀。當飭司員、筆帖式帶同吏役，詳細檢點，但將緊要檔案，畧能收拾成帙，是以辦公之助。至旗營地面事務，向極殷繁，矧值此兵燹之餘，緝捕巡防尤關緊要。奴才等督飭兩翼翼尉、五營將官等，力矢勤奮，嚴行整頓，俾期早安黎庶。綏靖地方，是奴才等忝任所專，自應力矢公忠，以仰副朝廷宵旰憂勤之至意。

所有奴才等查明衙署一切情形，謹恭摺具陳，伏乞皇太后、皇上聖鑒。謹奏。
光緒二十六年十二月十七日奉硃批：知道了。欽此。

（軍機處錄副奏摺）

九〇二 鹿傳霖等奏爲代呈學習主事夏震武條陳事摺

光緒二十六年十二月初十日（一九〇一年一月二十九日）

署工部尚書臣鹿傳霖等跪奏，爲據呈代奏事。

臣部學習主事夏震武條陳一件，呈請代奏。臣等公同閱看，尚無違礙字樣，不敢壅於上聞。謹將原摺封固呈覽，伏乞皇太后、皇上聖鑒。謹奏。

（軍機處錄副奏摺）

附件：夏震武奏請速治增祺周冕並自請赴俄交涉摺

光緒二十六年十二月初九日（一九〇一年一月二十八日）

工部學習主事臣夏震武跪奏，爲專命不可稽誅，改約必宜遣使，恭摺仰祈聖鑒事。

竊臣伏聞俄人交還東三省，奉天將軍增祺擅與立約，奉有交部嚴議之旨，舉國欽悚。所有條約傳聞大概，臣竊不勝痛憤，有不可不力辨者。如云：地方歸中國保護，助修鐵路。是明指東三省爲俄國地方，特以保護地方、助修鐵路之事，責之中國。本國於外國地方人民管轄之權所不及者，則有保護之名。俄人以保護二字陽許中國，而陰奪其管轄之權，實未嘗以東三省認歸中國。且既責令中國撤兵去備，又復何權保護，始終舞文愚弄。中國不可許者一。守路俄兵房屋、糧食悉歸中國供備，東三省財賦徒

爲俄人養兵之需，東三省官吏徒爲俄人轉餉之用。俄以守路爲名，密布精兵於東三省，竭中國之力養兵以制中國，平居則無兵之費，臨事則有兵之用，俄計得矣，如中國何？不可許者一。遣散華兵，交出軍火。俄有兵而我無兵，俄有器而我無器，束手受制，名雖交還，與不交還等。不可許者二。設險守國，中外通義。撤全省礮臺，則無險可扼，無地可守，東三省之勢去矣。門戶既失，堂奧難保。設官置吏爲俄人役，又焉用之？不可許者三。牛莊等處必候平靜，然後交還。則遷延歲月，交還無期。東三省關稅，全恃牛莊等處，不交還牛莊等處，則東三省利權盡爲俄據。不可許者四。地方由中國派巡捕官彈壓。中國所得者，爲俄人彈壓地方之權，俄實未嘗以地方交還中國。不可許者五。瀋陽派駐俄員，與聞要公。則一舉一動，盡爲俄制，且地球萬國自主之國，從無京省內地，派駐外國人員與聞要公之例。俄一開端，各國效尤，必至十八省腹地，遍置洋官，反客爲主，地方官之賢者爲其牽制，不肖者供其驅策，政權、兵權、利權盡爲所奪。不及十年，中國之地悉歸外洋矣。不可許者六。既責中國遣散華兵，交出軍火，又許中國兵力不及俄兵相助，自相矛盾，任意欺罔。俄人果有助中國之心，既知中國兵力不及，即不應復去其兵。既去其兵，又何助焉？去華兵而助以俄兵，意在制我，非以相助。不可許者七。中俄立約，中文、俄文必當並行，不得專據俄文行事。不可許者八。九者許其一，則各國必援例要求，大事去矣。爭回俄約，即所以爭回各國之約。萬國公法，從無全權委員之名。將軍無授全權之權，委員非執全權之人，全權之命不出朝廷，即屬矯旨，豈足爲憑。

春秋之義，人臣無將，將則必誅。增祺擅派、周冕擅議，無君已甚，罪在不赦。此風一開，則十八省

督撫皆可與各國私行立約，賣國之臣效尤接踵，國家號令不得復行於天下矣，臣實痛之。伏乞降旨，亟速增祺、周冕，械送行在，審明正法。簡人署理將軍，立遣專使親至俄廷，折之以大義，動之以至誠，曉之以利害。俄主英明，夙與英、日爲仇，必不貪小利昧遠圖，以朝廷恩意結之，必欣然聽命，歸我東三省，昭布大義於天下，增祺之約一言立廢。俄約既定，改各國之約如反掌耳。宗社存亡，兩宮安危，在此一舉。

臣前蒙召對，親奉懿旨，命臣宣諭李鴻章，臣卽遵旨請行。草野之言，未能遽徹慈聽。聖慈垂問，皇上復爲臣代奏，聖慈領之。尋又諭以差遣無人。臣倉卒之間，誤有所舉，復卽力請自行。而皇太后、皇上不許。伏思敵人要約之事，一見於北京，再見於奉天，皇太后、皇上洞燭機先，故有宣諭李鴻章之命。臣竊以爲不改俄約，決不能廢各國之約，不廢各國之約，決不能改俄約，事本相因，披卻導竅，必有不易之理、可乘之機。臣杜門二十年，被命復出，志在殉國，有死無二。迂儒謬論，屢荷優容，目擊時艱，憂憤所發，力劾樞輔，並及部臣，越職妄言，分當竄逐。復蒙聖恩，曲賜矜全，獎其懷忠，免其置議，聞命感泣，圖報無由。

伏念俄約關係存亡安危，必當以死力爭。區區愚忠，願仗天威，奉國書親謁俄皇，喻以大義，動以至計。臣非敢苟爲權宜之術，取濟一時；實欲立中國自強之基，宣布上意。必令俄主感悅信服，返侵地，歸故疆，修好釋嫌，盡罷要求。爲各國倡中俄協力，振作保衛，弭生靈塗炭之禍，寢暴主分割之謀。救亡圖存，止戈已亂，在於今日，間不容髮，失此不圖，後悔無及。犬馬微軀，唯當被髮入山，閉戶待死。

臣志素定，願於至難之事，力行所言。天恩許臣，臣卽星夜兼程，前赴京師，熟商李鴻章，李鴻章必奮發感動。然後晤商俄使，先廢謬約，疾赴俄都，與俄皇定議。臣必有以自効，必不誤國辱命。如臣言不效，願伏欺罔之罪，死無所逃。披瀝上陳，伏乞皇太后、皇上聖鑒。謹奏。

（軍機處錄副奏摺）

九〇三 奕劻等爲各國未允停戰並法欲進廣昌事致行在軍機處電〔一〕

光緒二十六年十二月十二日（一九〇一年一月三十一日）

火急。西安軍機處：宙齊佳電旨敬悉。前送畫押專條，卽聲明應照條款末節所稱，撤退京畿一帶駐紮兵隊。未撤之先，當卽停戰止兵，不可再派兵分往各州縣城鎮，四出騷擾。據各使照覆，以條款末節載明，若非中國允從足適各國之意，難許有撤退京畿一帶兵隊之望。今僅畫押，並未確切見諸施行，難云足適各國之意，未便卽允停戰止兵。法兵欲進廣昌，迭經詰阻。據稱：晉邊添兵愈多，法不能無備。其意似欲逐退防兵，並非深入。至稱直隸地方劃歸法國，自係誤聽訛言，直隸除津、保被佔，此外並無某處劃歸某國之事也。英主薨逝，臣等卽日往使館慰問。請代奏。奕劻、李鴻章。文。

（原稿電文）

〔一〕此件原已收入《義和團檔案史料》下冊第九一九頁，因其內容與下列之附錄有關，故仍錄之。

附錄：法使爲中國應撤退獲鹿至長城兵隊事致奕劻照會（一）

一九〇一年一月二十七日（光緒二十六年十二月初八日）

大法欽差全權大臣·駐劄中國京都總理本國事務畢，爲照會事。

案照本大臣業經照知貴王大臣，獲鹿直至長城一帶，有中國兵勇聚集一處，距本國兵勇駐紮之處甚近一事。於本月初一日，接准函稱：現已電商山西撫台，速令各軍，酌量退紮去貴國軍隊稍遠之處，以免兩軍相遇，或啓釁端。等因。至中國兵隊駐防各處一帶照會一事，接准又函稱：該兵屯紮已久，並非近日調往。現在和局大綱業經奉旨允准，獲鹿等處目下並無拳匪，貴國兵隊似可無須在彼久駐。等因前來。

本大臣理應達知貴王大臣，所有接准本國提督統轄兵隊探實，與來函指稱不符。查據該處探報達聞，在獲鹿一帶，中國軍隊緩緩聚集直圍西邊，因此軍隊之多，並非如昔常住兵勇。另有甚近冀州之南，有義和拳保衛之三村，名謝內堡、紫內、杜內堡。此三村名，均係照法音譯出。並保定府東南，距高陽甚近所差無幾，亦有三村同前。本大臣業已聲明：如何情形，或啓釁端，設若再生，實屬難免。倘中國軍隊或來往，或在本國前探駐紮之處，意欲遠包之統形，而勤快先攻，在本國、瓦軍門自應布置其勤慎責任當行之務，本大臣毋庸再說。所有保衛各村拳匪之處，仍係永久滋事生端之源，並本國軍隊在駐

〔一〕此件無相應之清方文件，因其內容與前件有關，故附於此。

紮之處，但有存留平安，亦可隨時彈壓防患。

至於貴王大臣所云兵勇退回一事，本大臣將各國大臣所聲覆貴王大臣，尚未議至撤退兵隊之時，理應再述查照，而以敦睦平安和好之局，且此和好之誼，前經達知。本大臣暨瓦軍門一體深願與貴國共享昇平，在貴王大臣明悉，將聚集兵勇即時撤散，而此事本大臣相應達知悉閱。是所切盼。須至照會者。

右照會大清欽命總理各國事務·全權便宜行事王大臣。

(外務部檔)

九〇四 貴恒等奏爲續陳刑部大概情形事摺

光緒二十六年十二月十二日(一九〇一年一月三十一日)

刑部尚書臣貴恆等跪奏，爲續陳臣部大概情形，恭摺仰祈聖鑒事。

竊臣等前將查明衙署並設立公所辦事各情形，於光緒二十六年十月初二日具奏在案。茲於十一月十六日，接據美國第九隊游擊瑞柏森來函內稱，奉美國提督派伊與中國刑部面商用監，約期會晤。臣貴恆於次日，帶同司員、翻譯前往。據瑞柏森面稱，伊國等擬送人犯，至臣部寄監。等語。旋據英〔美〕國將搶案人犯七名，解由總理衙門送交前來。查臣部衙署既須辦公，自應先行收回，惟是地界尚未交還，諸難規復舊制。凡該各國等送交案犯，祇可隨時斟酌，持平權宜辦理。

至臣部南北兩監暨各處所，多被匪徒拆毀，現值收回衙署，必須趕爲修理，方免疎虞。而此項工費浩繁，臣部無款可措，不得已兩次由總理衙門籌借銀二千兩，擇要量爲修葺，暫資辦公。此後一切經費，應如何籌措應用，當再隨時具奏。臣部所存檔冊案卷，亦皆殘闕不全。現飭該司員等詳細檢查，一俟趕緊查明，即將應辦各事宜次第舉辦。

所有臣部現在大概情形，謹恭摺奏陳，伏乞皇太后、皇上聖鑒。謹奏。

光緒二十六年十二月二十三日奉硃批：知道了。欽此。

（軍機處錄副奏摺）

九〇五 貴恒等奏爲將京城盜犯照咸豐三年章程就地正法事片

光緒二十六年十二月十二日（一九〇一年一月三十一日）

再，邇來京城地面，匪徒肆行無忌，聚衆搶劫之事，層見疊出。將來洋兵撤退，地界規復，此等強劫盜犯，若非從速嚴懲，何以除暴安良？查臣部向來審辦盜案，俱於訊明後具奏請旨，即行正法，本無稽誅之慮。此時人心浮動，遇有此等案件，若必拘守故常，會同法司審擬，專案具奏，勢必往返需時。不特久羈囹圄，疏脫堪虞，且已獲者既得倖稽顯戮，未獲者益復藐法橫行，殊不足以遏盜風而昭炯戒。查咸豐三年奏准，凡有軍務省分，辦理土匪強劫之案，俱准就地先行正法，誠以治亂民不得不用重典也。臣等公同酌議，擬將京城土匪強劫之案，如係案情重大例應立決者，經臣部審訊明確，即仿照咸豐三年

就地正法章程，將該犯先行正法，仍隨時彙案具奏。恭候聖駕回鑾，即規復舊制辦理。

臣等爲嚴懲盜匪、綏靖地方起見，謹附片奏聞，伏乞聖鑒。謹奏。

光緒二十六年十二月二十三日奉硃批：依議。欽此。

(軍機處錄副奏摺)

九〇六 著各省文武大員切實保護入境之洋人事上諭

光緒二十六年十二月十三日(一九〇一年二月一日)

光緒二十六年十二月十三日內閣奉上諭：中外訂約以來，各國人民准入內地，載在條約。朝廷慎固邦交，迭經諭飭各省實力保護。乃地方官漫不經心，以致匪徒肆行滋擾，傷害各國人民之案層見疊出。朕維薄德，無以化導愚民，良深引疚。而地方各官，平日於洋務不知講求，於交涉罔知大體，以致燎原引火，貽害君國，撫心自問，當亦難安。自今以往，其各振刷精神，捐除成見，須知修好睦鄰，古今通義。遠人來華，或通商以懋遷有無，或游歷以增長學識，即傳教之士，亦以勸人行善爲本，梯山航海，備極艱辛。我中國既稱禮義之邦，宜盡賓主之誼。況近年華民出洋者不下數十萬人，身家財產悉賴各國保全，即以報施而論，亦豈得稍存歧視？著再責成各直省文武大吏，通飭所屬，遇有各國官民入境，務須切實照料保護。儻有不逞之徒，假託義憤，凌虐戕害洋人，立即馳往彈壓，獲犯懲辦，不得稍涉玩延。如或漫無覺察，甚至有意縱容，釀成巨案，定將該管地方官革職永不敘用，不准投效他省，希圖開

復。並將此次諭旨一併刊布，出示曉諭，以期官民交警，永革澆風。欽此。

(上諭檔)

九〇七 著嚴行申斥夏震武上諭

光緒二十六年十二月十五日(一九〇一年二月三日)

光緒二十六年十二月十五日內閣奉上諭：工部代奏，學習主事夏震武條陳一摺。國家交涉事宜，何等慎重詳籌，豈有以疏遠小臣自請充使？夏震武前請赴京先見李鴻章，姑允所請，冀收一得之長。今乃妄請自充專使，並援引洪嘉與許珏同往，直以國家重大之事，視同兒戲！推其心，蓋欲自博憂國敢言之譽，而貽朝廷以棄賢拒諫之名，實屬狂愚謬妄！本應予以重懲，姑念迂儒無知，從寬嚴行申斥，勿庸前往京師，亦不准再行瀆陳。欽此。

(上諭檔)

九〇八 承順爲俄兵佔據錦州各衙署擄去關防等事呈內務府文

光緒二十六年十二月十五日(一九〇一年二月三日)

錦州料理莊糧事務·副都統承順爲呈報事。

竊因本年夏間，拳教相仇，以致中外開釁。迨至閏八月十三日，俄國兵臨錦境，住火車站。次日排

隊進城，用洋兵把守四門，出入行人搜翻甚嚴。又將城內旗民衙署把住，搜翻軍械，以致檔案損失甚多。嗣於九月初六日，將本副都統印信，及兼管料理莊糧事務關防、總管大凌河牧羣關防一併擄去，迄今尚未繳還。現在管莊衙門遇有應行事件，暫借用錦州協領關防，以昭信守。

理合備文呈報總管內務府，請煩查照施行。須至呈者。右呈總管內務府。

(內務府檔)

九〇九 承順爲時局維艱請緩納內庫差銀事呈內務府文

光緒二十六年十二月十五日(一九〇一年二月三日)

錦州料理莊糧事務·副都統承順爲呈請事。

委主事英華等案呈：本年十二月初四日，據衆莊頭王慶福、親丁李春林、千總劉景隆等聯名呈稱：爲時局維艱，難循成例，謹將無項交差情形據實直陳，懇恩咨請緩徵以蘇民困事。竊莊頭等歷年應納庫差銀一款，例限綦嚴，稍有違誤，卽干革缺。莊頭等久沾地租餘潤，藉資仰事俯蓄，曷敢負心取咎，自外生成？乃被時勢所迫，尤不得安於緘然，甘蹈欺朦。溯查前年票匪由邊外倡亂，延及錦郡城西，彼時幸有防兵、團勇守禦剿撫，尚可保衛。今秋俄兵入境，各處搜掠，加以本地土匪羣起作亂，城鎮鋪商罷市，鄉村良民遷居。獨錦、寧、廣、義四城受害尤深者，委因票匪滋蔓日久，又兼附近鐵路，中俄雜處故耳。莊頭所領官圈，分隸四屬，而種地原佃，除非被綁，卽遭搶劫。被綁者家無完善，脂竭髓枯。而畏

綁人者逃避不暇，誰敢往試？實未便冒險齊租，致取殺身之禍。且各圈佃戶，竟稱未卜地歸誰種，毫無認租之心。所以莊頭等雖情切報効，其如無米難炊。何況措辦馬差已完、未完者，力多未逮。時屆內庫錢糧菜蔬銀款，無租實係無力完納。是以不避冒瀆，聯名開列粘單，公懇轅下恩准咨請緩徵，以蘇民困而免失缺，實爲德便矣。等情。到本副都統。

據此，查核莊頭、親丁、千總等所訴地面，敵人進城，票匪騷擾，係屬實在情形。可否體恤寬緩之處，未敢擅便。

除咨會會計司查核外，理合據情呈報。爲此合呈總管內務府，請煩查核施行。此文借用錦州協領關防。合併聲明。須至呈者。右呈總管內務府。

(內務府檔)

九一〇 崑岡等奏爲代奏東北蒙古情形事摺

光緒二十六年十二月十八日(一九〇一年二月六日)

經筵日講起居注官·大學士·翰林院掌院學士·管理理藩院事務·都統臣宗室崑岡等謹奏，爲據情代奏事。

竊據御前行走·幫辦桌索圖盟務·東土默特扎薩克郡王銜·多羅達爾汗貝勒色凌那木濟勒旺布呈報：竊貝勒色凌那木濟勒旺布世受聖恩，管理東土默特旗務，地與奉天省西界接壤，歷任屏藩之責，

至今二百餘年，無日不盡厥職，守護邊界。乃於本年五月間，遽聞津沽等處拳匪倡亂，以致外洋陡起兵端，盛京、黑龍江等處連日接仗，吉林等城失守。八月間，又聞京城失陷，聖駕西巡。聞此不勝驚駭，肝胆俱裂，終夜徬徨，幾不欲生。卽當統率兵隊，奔赴行在，稍盡臣子之道，而伸報効之忱。無如兵力單弱，器械不精，是以未敢妄動輕進，洵屬力不從心，徒懷憂憤。所有駐守盛京邊界接壤之兵丁，俱撤向南面駐紮。旋聞朝陽地方有馬賊滋擾，到處搶擄，戕害生民。等情。正擬調集兵團分路攻剿間，欽奉諭旨：飭令蒙古扎薩各旗妥備兵馬，聽候調赴沿邊地方，以防洋人侵擾。等因。卑爵遵卽聚集兵團聽調，有事則整隊剿捕，無事則防守邊界。

乃聞八月初間，將軍增祺督率官兵、勇丁，由彰利屯至卑旗地方。所有農商莫不惶措失據。又是月初七日，盛京失守，衆民逃避前來，其勢猶如破竹。並據偵探差弁報稱，洋兵三百餘名，已至本旗東南彰利屯、黃山子等處。等語。卑爵隨卽調齊兵團，擇要防堵。此股洋人退至百餘里，盤踞博勒門等處。查此股洋人往來飄忽，其性靡常，既然目擊敵情，則未敢抽身移向他處紮營。

卑爵前經派員恭請聖安，並將盛京等二省攻戰大概情形呈報。不意該員行至山海關，因道路梗阻折回。茲卑爵除復派員由蒙古路奏請聖安外，茲聞奕璋、壽昌等由南面接仗不利，遂致海州、蓋州、遼陽等處相繼失陷。增祺由卑旗經過，向義州而去。再，奉天省城建有宮殿，該處實非戰場之地，故擬去彼適此。

又聞副都統晉昌，管帶親兵駐紮西勒格圖喇嘛廟。再，侍郎清銳、溥頤率同內務府堂主事文英，將

聖容、冊寶恭請嚴密包裹，適遇副都統晉昌，會商令晉昌派兵恭奉保護。初七日，晉昌親將聖容、冊寶請至西勒格圖喇嘛廟內，供奉殿中，以安先聖之靈。卑爵一聞此言，星馳殿前，親詣行禮，即派兵團守護，以昭慎重。

又黑龍江將軍壽山已聞克盡厥忠，謂由吉林將軍長順核議辦理。

再，盛京城內有洋人二千餘衆，所有宮殿、陵寢均屬照常保護。其西路各州縣暨昌圖等處，俱被洋人佔據，尚未蹂躪，安堵如常。惟敵情狡詐，未能深知確情。卑爵仍當嚴行防守，以固邊圉。

所有以上情節，理合一併呈報。請將卑爵派員叩請聖安緣由，祈爲轉奏。

又據敖漢扎薩克輔國公銜·頭等台吉勒雅勒諾爾贊、旗署印協理·二等台吉根敦扎布、協理郡王察克達爾扎布、協理輔國公銜·頭等台吉色凌端魯布、協理二等台吉克什克巴圖等呈報：據前任盟長·親王銜·郡王達木林達爾達克親赴本印務處報稱，竊維本王世受聖主鴻恩，毫無報稱，茲以俄人爲亂，皇太后、皇上出都西（巡），本擬欲殫竭忠誠，不以身命爲計，前往恭請皇太后、皇上聖安。惟自夏間戒嚴，難於進行，現在雖經都統飭以防守本處地面，招贍蒙兵，即宜遵照親率兵丁前往，而以喫緊，尚在輾轉派員以圖保衛。以上情形，請由該印務處呈報，懇乞代爲轉奏，恭請皇太后、皇上聖安。理合據情呈報，懇乞代爲轉奏。各等因前來。臣等謹據情代奏，伏乞皇太后、皇上聖鑒。

再臣院尚書懷塔布現在出缺，左侍郎宗室壽耆現在穿孝，是以均未列銜。合併聲明。謹奏。

光緒二十七年正月初一日奉硃批：知道了。欽此。

(軍機處錄副奏摺)

九一一 天津府錄存方恭劄爲奉札緝拿逃員裴敏中事轉行各屬札

光緒二十六年十二月二十日(一九〇一年二月八日)

奉道憲方札飭事。

本年十二月初五日，准兼署布政司高移開：光緒二十六年十一月十七日，蒙督憲李札開，爲札飭事。准順天府尹咨，照得本衙門承准軍機大臣字寄，光緒二十六年九月二十日奉上諭：直隸昌平州知州裴敏中，於乘輿過境時，意存規避差事，逃匿無踪，實屬膽玩。該〔一〕該員籍隸安徽，著順天府、安徽巡撫一體嚴密查拿，解赴行在刑部嚴行訊辦。將此各諭令知之。欽此。遵旨寄信前來。等因。承准此，查該昌平州知州裴敏中，自七月卸任後，迄今並未來府稟到。若非藏匿各國暫管界內希圖規避，即係畏罪遠颺，或在順直境內意存觀望，或逕私行回籍，殊屬膽玩。除分飭各屬一體嚴拿外，相應咨照貴督部堂查照，轉飭直屬司道府廳州縣，嚴密務拿解究。望速施行。等因。到本閣爵大臣督部堂。准此，合行札飭。札到該司，即便轉飭各州縣，一體嚴密查拿務獲解究。此札。等因到司。

蒙此，查此案前蒙尹憲札飭，以奉廷寄，令將該員拿解行在刑部，當經分別移行在案。茲蒙前

〔一〕「該」字衍。

因，除咨臬司，並分別移札飭遵外，擬合移會。爲此合咨，煩爲查照先今文內事理，祈卽轉飭所屬，一體嚴密查拿務獲解究。仍飭將查拿情形，稟覆本司查核。望速施行。等因。

准此，除分行外，合亟札飭。札到該府，卽轉飭所屬，一體嚴密查拿務獲解究。仍飭將查拿情形，稟履本道核咨。切切。此札。十二月十三日行。十八日到。札行六屬。十九日稿，二十日發。

（清代各衙門檔）

九一二 軍機處擬爲請酌減賠款數目寬定年限事致各國國書稿

光緒二十六年十二月二十三日（一九〇一年二月十一日）

謹擬致各國國書稿。

各大國會議要欸，敝國現已次第議商照辦。惟賠欸一事，不得不通盤籌畫。此次兵事，各處財物毀失過多，且敝國地利、商務，尚少開通，一時不易籌集鉅欸，索之太急，必致搜括無遺，民窮生變，當爲大皇帝所鑒諒。敬念大皇帝誼篤邦交，亦欲敝國竭力圖治，求保亞東太平之局，開通商不竭之利源。敝國現議力行實政，正期圖報各大國之惠於異日，尤望貴國始終玉成，商同各大國，允將賠欸酌減數目，寬定年限，另籌妥法攤償，免使多借息欸，藉得稍蘇喘息，整頓內政。將來中外必能益加修睦，各大國永享無窮之利益。感仰厚德，非言可宣，謹布腹心，惟希鑒察。不勝盼禱之至。

（軍機處錄副奏摺）

九一三 榮祿等奏爲酌改所呈銷除矯旨上諭緣由事摺

光緒二十六年十二月二十六日（一九〇一年二月十四日）

本日擬呈諭旨一道〔一〕，係因各國有內廷諭旨之語，是以力破其疑。臣榮祿所述當時宣戰降旨情形，事屬密勿（忽），非外間所能探悉。若再指出造意擅擬之人，竊恐各國借此另生枝節，又將糾纏不休。臣等三人再三斟酌，似以不提爲要。謹酌改數語恭呈。是否有當，伏候聖裁。謹奏。

（上諭檔）

九一四 載灃與日本軍曹軍醫筆談錄〔二〕

三軍曹從何處來麼？二軍曹今年幾十歲麼？

親祖、福原兩軍曹，具原軍曹同居隊。親祖、福原各今年二十七歲。兩人始奉拵〔拜〕親王殿下健康，感喜不斜，回國後朝夕回顧，向清國欲禮拵〔拜〕。

城中惟日本軍最有紀律，居民安靜，軍曹三人亦盡勞也。

日日來守

我儕常命受上官，朝夕巡察，應力願居民安眠。現在當大邸守備兵，是皆我隊部下兵卒也。

〔一〕即銷除矯旨上諭，見故宮博物院明清檔案部編《義和團檔案史料》下冊第九四七頁。
〔二〕此件爲載灃與駐守醇親王府日軍之筆談錄，其中日軍所書，間有文理不順者。因此件無年月日期，姑列於光緒二十六年底。

日本兵守備我邸甚好。

守備兵一朝在事死忠，誓不退却。

城中日本兵最精練勇力也。

謹謝。我大罪謹祈親王殿下萬歲健康。

此句真好。謝謝。

日本對言天皇。

此句萬不敢當。現在城中日本兵共有幾千麼？

步兵一萬二千人，騎兵三百人，砲兵二千人，工兵五百人，輜重兵四百人，憲兵百人，合計二萬六千
百人程。

下去歇息去罷。

多謝多謝。今腹中漫漫。

大醫從何處來？

步兵第四十二聯隊及步兵第二十一聯隊從來。今日各兵衛處爲巡視來。

今年幾十歲麼？

二十四才〔歲〕。

日本軍現在城中有幾千麼？

歸國兵數僅一個聯隊。他兵天津乃至北京有。蓋各國殊○國動靜，不備明也。

日本兵駐紮我府中甚爲安好。

玉邸完全悅，家庭在病，微臣以好意直應矣。

你今年幾十歲麼，是何姓名？

二十四年。業風。今日帶公務，他日持日本多多談興，再拜（拜）玉顏矣。

大醫無公務時，可來我邸多談。

今日暇爲，我友有陶大鈞，多多來館，慶親王府時時至矣。陶君來日本公使館，居比處十二年，能通日本語，其快贅繞也。

如無事之時，即可來我邸。

快快諾。我通英獨語，臣中若有通，其快幾何。

（醇親王府檔）



2 031 0171 2

三
桃
藏
書